



\*31. K. 30.

MENTEM ALIT ET EXCOLIT



K.K. HOFBIBLIOTHEK  
ÖSTERR. NATIONALBIBLIOTHEK

\*31. K. 30











NOVA  
ACTA  
ERUDITORUM,  
ANNO  
MDCCXLVII  
publicata.

---

L I P S I Æ,

Prostant apud B. LANCKISII hæredes, & MICH.  
BLOCHBERGERUM.

Venduntur etiam Romæ apud PAGLIARINOS, Venetiis apud JO. BAPT.  
ALBRIZZIUM & SEBAST. COLETUM, Parisiis apud BRIASSONUM,  
Ultrajecti apud JO. BROEDELETUM, Lugduni Batavorum apud  
SAM. LUCHTMANSIUM, & Amstelodami in WAES-  
BERGIORUM officina.

---

LITERIS LANGENHEMIANIS,  
MDCCXLVII

THE  
LIBRARY  
OF THE  
MUSEUM OF  
ART AND  
ARCHAEOLOGY  
OF THE  
UNIVERSITY OF  
CAMBRIDGE



# NOVA ACTA ERUDITORUM,

*publicata Lipsiæ*

*Calendis Januarii Anno MDCCXLVII.*

ΔΙΟΔΩΡΟΥ ΒΙΒΛΙΟΘΗΚΗΣ ΙΣΤΟΡΙΚΗΣ ΤΑ  
σωζόμενα. DIODORI SICULI *Bibliothecæ histo-*  
*ricæ Libri, qui supersunt, interprete LAUR. RHO-*  
*DOMANO. Ad fidem MSS. recensuit PETRUS*  
*WESSELIUS, atque HENR. STEPHA-*  
*NI, LAUR. RHODOMANI, FULVII UR-*  
*SINI, HENR. VALESII, JAC. PALMERII,*  
*et suas, Annotationes, cum Indicibus locuple-*  
*rissimis, adjecit.*

## *Volumina II.*

Amstelodami, apud Jo. Wetstenium, 1745, fol. maj.

Tom. I Alph. 8 plag. 12, Tom. II Alph. 8 plag. 11.

Cum Virorum doctissimorum, *Josephi Wessii, Franc. Dionys. Camusati, & Terrassoni*, consilia emendatius edendi *Diodori* sive mors, sive alia res, destituerint; bene fecit *P. Wesselingius*, Vir Celeberrimus, cum, sive imponi sibi, passus est, sive ipse suscepit, hanc provinciam, ut illius scriptoris reliquias & ad fidem scriptorum librorum emendaret, & elegantis eruditionis suæ lumine perfunderet. Ea etsi, tum propter operis magnitudinem, tum propter corruptelarum multitudinem, ita gravis & difficilis reperiebatur, ut eam forte

quavis aliis abjecisset; tamen ille omnes molestias patientissime pertulit, donec absolutum opus & perfectum esset. Sed, relictis omnibus, Codicum MStorum subsidia cœpit conquirere; quæ ei egregia contigerunt. In quo inprimis prædicat notam illam *Jac. Phil. Dorvillii*, V. C. liberalitatem & facilitatem, qui ei non modo *Camusatianum* Variarum Lectionum, e Codicibus MStis in Gallia excerptarum, apparatus concessit, sed eum etiam in indagandis Codicibus MStis adjuvit. *Camusati* autem excerpta sunt ex uno *Coistiniano*, Seculi XV Codice, priores quinque & XI, XII, XIII, XIV, XV, Libros complexo, omnium, quos vidit *Montfauconius*, optimo, e tribus *Claromontanis*, & uno *Regio*. Duo *Claromontani* Libros V priores habent, & in plerisque consentiunt. Tertius XI, XII, XIII, XIV, XV, Regis denique XVI, XVII, XVIII, XIX, XX, exhibet. *Claromontano* primo, qui Seculo XII scriptus esse creditur, usus est *Henr. Stephanus*. Horum Codicum varietati accedit alia e Codice Mutinensi, non illo quidem antiquo, sed ex optimo Codice, a *Michaele Apostolio*, in insula Creta, descripto; item e Leidensi Bibliotheca varietas antiqui Codicis, a *Casaubono*, ut credunt, ad Basileensis editionis *Librum XVIII & XIX* notata, cum *Jos. Scaligeri* & *Jf. Vossii* nonnullis conjecturis. Adscriptæ etiam erant quædam *Camusati* notæ, sed paucæ, nec magni pretii. Ipse autem *Wesselingius* varias lectiones impetravit, primum e quatuor Regiæ Parisiensis Bibliothecæ Codicibus; quorum primus Libros V priores, alter XI, XII, XIII, XIV, XV, tertius eosdem cum XVI, XVII, quartus denique quinque postremos, exhibet; deinde e *Vaticano* sexcentorum, & alio quingentorum, annorum libro, qui quinque priores Libros continet, aliisque duobus trium Seculorum Libris, quorum alter XI - XV, alter XVI - XX, complectitur; porro e Venetis, primo *D. Marci* membranaceo Codice posterioris Decadis, cujus priores V Libri antiqua manu scripti sunt, secundo *Dominicanorum S. Joannis & Pauli*, qui quinque priores Libros, Seculo XV scriptos, repræsentat. E Florentinis etiam Codicibus Varias Lectiones pollicitus est *A. Cocchi*, V. C. earumque specimen misit; sed bibliopola, facillimo alias



alias in hujus generis sumtus, nimis sumtuosum videbatur. Accepit etiam specimen e Codice omnium optimo & antiquissimo Seculi VIII, aut IX, Vindobonensi, olim Neapolitano, manu *Garellii* scriptum, cum spe totius varietatis, (continet autem *V Libros* primos,) sed ea vana fuit. Ex quibus intelligitur, quanto pluribus ac melioribus Codicum subsidiis instructus, ad *Diodorum* edendum accesserit, quam superiores editores. Nam *Vinc. Opsopæus*, qui initium edendi *Diodori* fecit, ex uno Codice quinque tantum ultimos Libros dedit, non emendatissimos. *Henricus* autem *Stephanus*, qui, præter illos quinque, etiam ceteros edidit, MStis *Claromontanis* usus est, non optimis, consultis tamen etiam aliis, in quibus *Fuggerianum* fuisse tradit, incertum, an vere, *Fabricius*. *Rhodomannus* denique nullis scriptis libris usus est. Ceterum, quantum ei Codices profuerint ad emendandum *Diodorum*, quantumque emendatior factus sit contextus Græcus, mox exemplis propositis docebimus. Hic universe tantum dicemus, nos, in solis prioribus quinque Libris, ultra 300 lectiones novas & meliores, e Codicibus MStis, recte atque ordine, inductas numerasse; & poterat augere numerum, nisi maluisset in eam partem, quæ tutior est, peccare. Atque etiam integrior est *Diodorus*, quam a *Stephano* & *Rhodomanno* datus est. Nam primo accedere Legationum Eclogæ *Ursinianæ*, a *Rhodomanno*, incertum, qua de causâ, omissæ; tum insigne Fragmentum de *Cleonide* & *Aristomene*, a *Stephano*, Tom. II. ignaro, *Diodori* esse, inter *Himerii* & *Polemonis* Declamationes Parisiis A. 1567 editum, & *Diodoro*, Codicis Medicei auctoritate, assertum ab *Jf. Vossio*, & ante illustratum a *Boivinio* Tom. III *Comment. Acad. Inscr. pag. 106.* Porro *Valesiana de Virtutibus* excerpta. Denique Fragmenta alia, hinc inde conquisita ipsius V. C. studio, in quibus est etiam *ῥήσις* Tom. II. nobilis de *Æmilio Paulo*, & formula provinciæ Macedonicæ, pag. 642. ab eo cum decem legatis scripta. Is locus, e *Syncello* depromptus, vulgo *Dexippo* tribuitur. Sed V. C. sive a *Dexippo*, sive a *Syncello*, e *Diodoro* petitur inde judicat, quod ex *Peirescii Excerptis Diod.* (pag. 581) patet, primam illius *ῥήσις* partem

partem inde abrafam esse. Nam verba fere eadem sunt, & non nisi structura subinde mutata. Caput quidem illud, de Macedonia in quatuor regiones descripta, est manifeste e *Polybio* petitum. Conf. *Liv. XCV, 29*. Cum eum autem *Diodorus* compilaverit, quis non intelligit, eum locum *Diodori* esse? Accedit, quod *Suidas*, in Voc. *Κλιμακας*, quædam *Diodori* habet, quæ in hac *ῥήσιν* deprehenduntur. Ceterum ad eum locum retulit notas *Schurtzschii* in *Notit. Bibl. Vinar. pag. 70*. E MStis plura conquirendi studium non defuit Viro Clarissimo, sed spes & opera frustra fuit. Atque, omnibus veteris ævi reliquiis tam diligenter a doctis hominibus, tamque sæpe, excussis, cum nil repertum sit, quo lacunæ *Diodoreæ* explerentur, nihil spei relictum esse videtur.

Quod ad versionem Latinam attinet, usus est V. C. *Rhodomaniana*, haud paulo meliori ea, quæ a *Gyrnao* Basileæ edita est. Nam hæc quidem plures Autores habet: quippe primorum quinque Librorum est *Poggii Bracciolini*, quicquid Britanni quidam dixerint, ut eam, ipsi abjudicatam, *Jo. Pbreæ*, Britanno, vindicarent; XI-XIV Autoris incerti, *Marci Hopperi*, Basileensis; XVI, XVII, *Angeli*, sicut aliis placet, *Bartholomæi*, *Cospi*, Bononiensis; reliquorum *Sebast. Castellionis*. Ceterum *Wesselingius Rhodomanianam* versionem ad novas lectiones accommodavit, iisque in locis, ubi non satis accurate Græca exprimebat, emendavit. In quo tamen aliquid videmur vel inconstantiam, vel condonandam, in tanto tamque longo labore, negligentiam, observasse. Sic *Tom. I pag. 139* *Rhodomanus* ὄρειν male verterat *montes*. *Wesselingius* recte rescripsit *finis*, & sic pluribus locis fecit. Sed *pag. 122*, ubi *Ψαλῆς* versa erat *forfex*, quod esse debebat *fornix*, *forfex* relicta est. Atqui id erat in *Rhodomaniana* editione vitium operarum. Nam, in indice Græco *Rhodomaniano*, *Ψαλῆδος καμψέσεως* vertitur, *fornicem incurvatum*, id est, *fornicis arcum*. Item *pag. 313* *παῖδες ποταμῶν ἐπώνυμοι* a *Rhodomano* vertuntur, *filii fluviorum nominibus insignes*, id esse debebat, ut V. C. recte vidit, *filii, qui fluvii nomina fecerunt*. Atque *Rhodomanus* ipse in Indice vertit, a quibus fluvii

*fluvij nomina acceperunt; & tamen prior illa vitiosa interpretatio relicta est. Sed hæc æqui Lectores Viro Celeberrimo condonabunt, neque ab talibus ulli satis cautum est.*

Veniamus ad Notas. Eæ sunt, ut primum universe de iis dicamus, plane egregiæ, & bonæ frugis plenissimæ; neque siccæ, neque nimis verbosæ; ita autem diligenter scriptæ, ut nihil prætermisum sit, in quo quis hærare possit, aut quod luce aliqua indigeat. Emendati contextus diligenter ratio redditur. Neque solum emendationes e Codicibus rite ductæ proponuntur, sed etiam ab ingenio V. C. profectæ, in quibus sunt quædam plane capitales, exque interdum recte receptæ in contextum. Atque adeo plures earum recipiendæ erant, ut exemplis quibusdam postea docebimus. Sed V. C. maluit intra modum in hoc genere consistere, quam ultra fines processisse nonnullis, nimis in hac parte religiosus, videri. Atque etiam obiter aliorum scriptorum corruptelæ passim feliciter sublatae sunt. Græca verba & dicendi formæ non ubivis obviæ, quantum satis est, illustrantur: in eoque etiam mediocriter Græce doctis interdum consultum est, iisque, quibus longum videtur, Lexica adire, & lectionis tenorem interrumpere. Vid. v. c. *pag. 345* de verbo *καθωνισήριον*, *pag. 348* de verbo *τεθρηπτος*, *pag. 359* de verbo *ῥαβδος*, &c. Tum res breviter, sed eleganter, explicantur, adpersis passim exquisitis observationibus, historiam & antiquitatem, tum sacram, tum profanam, illustrantibus. In primis admirabilis diligentia & prope infinita lectionis copia animadvertitur in rebus geographicis & mythologicis, in quibus nihil est, neque tam parvum, neque tam magnum, quod ejus scientiam fugiat; unde observationes natæ sunt, quæ mediocriter intelligentibus harum literarum minutæ & spinosæ videantur, sed ita reconditæ ac raræ in hoc genere lectionis, ut vix ab ullo alio expectandæ videantur.

Nunc, quoniam formam Operis Notarumque universam descripsimus, diligentius de Notis dicemus. In quo hunc nobis ordinem descripsimus, ut primum specimina proponeremus emendationum, quæ in hoc genere literarum haud du-

bie principatum tenent, neque solum ad *Diodorum* pertinentium, sed etiam alios scriptores Græcos adjuvantium; deinde vero animadversionum earum, quibus vel rebus, vel verbis, lux affunditur. Ceterum, ne nimis longi simus, quinque priorum Librorum finibus nos continebimus.

Et, quod ad emendationes quidem attinet, non existimamus lectores nostros expectaturos a nobis esse, ut eas, quæ bonorum Codicum, ut *Coisliniani*, *Mutinenfis*, *Vaticani*, *Vindobonensis*, vel singulorum autoritate, vel consensu, factæ sunt, commemoremus. Esset enim infinitus labor: quippe, uti diximus, plus quam trecenti loci ita sanati sunt. Sed nos proficemus eas, quibus cognoscendis ingenium simul Viri & doctrina intelligatur. Atque, etiamsi non omnes sunt ejusmodi, ut nobis plane probentur, tamen & illæ ipsæ, in quibus dubitatio nostra adhæsit, non indignæ reperientur Viro docto. *Lib. I pag. 32* in nobili inscriptione columnæ *Isidis* hæc vulgo, inter alia, verba sunt: εἰμὶ δὲ υἱὸς κρόνου πρεσβύτατος, καὶ βλασὸς ἐκ καλῆ τε καὶ εὐγενῆς, σῶς σπέρματος, συγγενῆς ἐγενήθην ἡμέρας. Hoc quid sit, nemo adhuc potuit divinare. Ac pro βλασὸς jam *Stephanus* e *Claromontano* notaverat ἐβλασεν: pro quo in *Vaticano* est εὐλασεν, solenni librariorum peccato, ut docuit ad *Athenæum* *Casaubonus*. XII, ii. Eo sumto, in textu, unius literæ mutatione, legit: ἐβλασεν ἐκ καλῆ τε καὶ εὐγενῆς ὥς: denique, pro σπέρματος συγγενῆς e *Codice Vaticano* & *Claromontano* 2, σπέρμα συγγενῆς. Itaque locus sic egregie constituitur: καὶ ἐβλασεν ἐκ καλῆ τε καὶ εὐγενῆς ὥς, σπέρμα συγγενῆς ἐγενήθην ἡμέρας. Comparatur deinde cum simillimo *Aristophanis* in *Avibus* loco v. 695: Τίκτης πρῶτισ' ἐν ὕπνῳ Νύξ ἢ μελανόπτερος ὦν. Εἰς δ', περιτελλομένης ὄρας, ἐβλασεν ἔρως ὁ ποσειδῆς. Ægyptiorum plures rerum principem causam dicebant *Cneph*, ejusque ex ore prodixisse ovum, quod ruptum effluerit τὸν Φθαῶ, seu *Vulcanum*, teste *Porphyrio* apud *Eusebium* P. E. III, ii. alii *Osirin* ex eo ovo natum dicebant; quos secutus est *Orpheus*, cujus πρῶτόγονον ὦν cum frangeretur, *Phanetem* exclusit, qui non alius atque *Osiris*, in *Recogn. S. Clement.* X, 18, &c. Jam, cum, *Pha-*  
neta

nescit ex ovo proficiente, universa radii ejus illustrarentur, neque is alius sit in Theologia Orphica, autore Proclo, quam ἔρως, sive Cupido, satis utique apparet, cur Osiris in hac inscriptione se σπέρμα συγγενὲς ἡμέρας vocet, & quorsum illud Aristophanis pertineat. Pag. 36 ext. Diodorus, de-frequentia incolarum Ægypti agens, cum olim numeratas esse dixisset ad septingentas myriadas, suo etiamnum tempore non minus trecentis dicit esse: καὶ καθ' ὑμᾶς δὲ ἐν ἐλαττώσει εἶναι τριακασίων. Contra hanc lectionem dubitatio exoritur, primum iude, quod a Stephano, velut dubia, asterisco notata est: qui indicare videtur, verbum τριακασίων in uno & item altero Codice non repertum fuisse, quod tamen omnes Wesselingiani servant. Major & justior a V. C. commove-tur e Josepho, qui B. J. XVI, 4, sua adhuc ætate fuisse in Ægypto, non numeratis Alexandrinis, septingentas myriadas, dicit. Ex quo recte colligit V. C. verbum τριακασίων spu-rium, ejciendumque esse. Similem prope medicinam adhibet loco vexatissimo Lib. I Cap. 44 de Chronologia Ægyptio- rum: ὅπ' ἀνθρώπων τὴν χώραν βασιλευῦσθαι φασὶν ἀπὸ μυριάδος ἑτὴ βασιλεύοντα τῶν πεντακισχίλιον, μέχρι τῆς ἑκατοστῆς καὶ ὀγδοηκοστῆς Ολυμπιάδος: ubi, rejecta Capelli & Perizonii in Orig. Ægypt. Cap. II interpretatione, deni- que lectione Codicum quorundam, qui habent ἀπὸ Μοίρδος, aut Μύριδος, quod inter eum & Olymp. CLXXX non possunt, ex ipsius Diodori rationibus Cap. 45, 50, 52, quinque millia annorum interesse, statuit ἀπὸ μυριάδος de- lendum, aut, si hoc violentius videatur, legendum esse ἀπὸ Μηῶ, a Mena usque, primo ex hominibus Rege; quod no- bis magis placet. Sane illud manifestum est, si hæc verba cor- rupta potius, quam insiticia, sunt, terminum a quo designari, sicut Cap. 26: τὸν χρόνον ἀπὸ τῆς ἡλὸς βασιλείας συλλογισόμε- νοι μέχρι τῆς Ἀλεξάνδρου διαβάσεως εἰς Ἀσίαν &c. Atqui is terminus, e contextu, nullus alius esse potest, nisi initium regni, per homines administrati. Id autem, consentiunt omnes, esse in Mena. Corruptelam autem parere potuerunt voces temporis μυρίων, & ολυμπιάδος in sequentibus. Pag. 58 in verbis, καθ' ὃν δὲ (περίπατοι) γλυ- φαῖς

Φαῖς ἐντυχῆν εἶναι καὶ χράμασιν ἐπιηρισμένον βασιλεία &c. haud dubie corruptum est verbum ἐντυχῆν. Pro eo suspicatur V. C. legendum γλυφαῖς ἐντύκεις (non ἐντύκαις, ut operæ vitiose expresserunt,) si ἐντύκος, de *Cusauboni ad Athenæum XIV, 8*, sententiæ, de re affabre facta dicatur, aut, ut *Rhodomano* placuit, ἐντύκτοις. Sed, si vel maxime damus, hæc verba ita dici, tamen ea non videntur satis apta esse. Nam γλυφαῖ hoc loco sunt *sculpturae*, quibus simulacrum Regis, ita ut *πίδურis*, ornatum est. Jam, ipsum simulacrum affabre factum ἐντυκον dici posse, concedimus, ut apud *Callimachum* signum *Palladis* ἐντύκος ἔρπει: *sculpturam ipsam non credimus*. Nobis aliquando venit in mentem, legendum ἐντυχῆσιν εἶναι, quod commodum habet sensum: eo venientibus licet videre. Neque ratio hæc abhorret a *Diodoreo* stilo. Nam similiter paulo post: ἦν (ἀνάβασιν) διελθῆσιν ὑπάρχεν ἐπὶ τῷ μνήματος κύκλον χρυσῆν. Vides, quod hic est διελθῆσιν ὑπάρχεν, id supra esse ἐντυχῆσιν εἶναι. Sic etiam *Virgilius* *Æn. II, 713*: Est urbe egressis tumulus &c. Atque hæc conjectura, quo magis cogitamus, eo certior nobis videtur, speramusque Viro Cel. non displicituram; cujus eam judicio libenter submittimus. Pag. 82 extr. mortuis Regibus dicitur e lege προτεθεῖσθαι ἀκροατήριον τῶν ἐν τῷ βίῳ πραχθέντων. Ibi Vir. Cel. ex ora *Stephani* & Codicibus duobus restituit κριτήριον: quæ lectio nunc, cum Codicum auctoritate stabilietur, recte recepta videtur. Olim quidem putabamus, ἀκροατήριον hic, ex usu quodam illorum temporum, positum esse pro κριτηρίου, seu conventu judicantium, accusantium, &, quid agatur, scire & audire cupientium. Nam sic putabamus dici a *S. Luca Act. XXV, 23*, ubi *Festus* cum *Agrippa*, *Berenice*, tribunis & viris illustribus, *Pauli* audiendi causa ingreditur εἰς τὸ ἀκροατήριον: quo nomine haud dubie intelligitur tribunal *Festi* & conventus tribunali, seu ad tribunal, talis, qualem diximus, qui etiam Latinis *auditorium* dicitur. Vid. *Perizonius de Prat. pag. 32 seq.* Sed in sententia V. C. nunc acquiescimus, præsertim propter verba τῶν ἐν τῷ βίῳ πραχθέντων. Pag. 87 autem med. quod τὰς ἀγωνιζομένους ἐν τῷ κρίνεν post *Scaligerum* & *If. Vossium* non satis probat, quod non oratores, qui ἀγωνιζόμενοι Græcis

cis dicuntur, sed *δικασαί*, intelligantur, quanquam sibi non satis liquere ait, an iudices etiam sic dici possint, pro eoque rescribi posse e Codicibus *Coisliniano & Mutinensi* *ἐπαναμίνεσ* *ἐν τῷ κρείων*, in eo fatemur nos dissentire a Viro Cel. *Ἐπαναμίνεσ* est interpretatio vulgati. *Αγωνιζόμενοι ἐν τῷ κρείων* sunt *homines in rebus judicandis exercitati & periti*; de quo hoc minus dubitare debebat Vir Cel. cum ipse ostenderit in his Notis, alio loco, *ἀθλητὰς* Græcis dici, qui in quocunque genere exer- Pag. 63.  
citati & periti sint. Contra magnopere laudamus & probamus, quod *pag. 95* in verbis: *καὶ καὶ ἡμᾶς τινὲς τῶν τὰ ζωὰ ταῦτα τρεφόντων, εἰς τὰς τροφὰς αὐτῶν ἐκ ἑλαττον τῶν ἐκατὸν ταλάντων δεδαπανήκασι*, pro *τροφὰς* in textum e *Coisliniano* Codice recepit *τάφας*, quod contextus ita manifeste requirit, ut ea correctio plane necessaria sit. *Lib. II pag. 143* de Chaldaeorum placitis agens, imprimis magnam eos vim tribuere planetis dicit, *ὅς ἐκένει μὲν ἐρμηνεὺς ὀνομάζουσιν, ἰδίᾳ δὲ τὸν ὕν ὑπὸ τῶν ἐλλήνων Κρόνον ὀνομαζόμενον, ἐπιφαιέσαστον δὲ καὶ πλεῖστα καὶ μέγιστα προσημαίνοντα, καλεῖσιν ἥλιον, τὰς δ' ἄλλας τίσσασαρος ὁμοίως τοῖς παρ' ἡμῶν ἀστρολόγοις ὀνομάζουσιν Ἀρεως, Αφροδίτης, Ἑρμῆ, Διός.* Hic primo recipit V. C. e Codice *Mutinensi* *ὀνομαζόμενον*, pro vulgato *νομιζόμενον*, quod *Rhodemanus* jam viderat restituendum esse. Sed recte animadvertit, *Solem* hic locum nullo modo habere, id quod jam vidit *Stanlejus* in *Hist. Phil. P. XIII S. II, 37*, sed nulla medicina allata. Nam *Sol* non est in planetarum numero; deinde contextus planissime docet, sermonem esse de *Saturno*, ejusque peculiare aliquod nomen hic latere. Id nomen de conjectura nobis restituit V. C. Sic enim locum refingit: *Ἰδίᾳ δὲ τὸν ὕν - Κρόνον ὀνομαζόμενον, ἐπιφαιέσαστον τε καὶ --- καλεῖσιν Βῆλον.* Nam, hoc nomen privum *Saturno* apud Chaldaeos fuisse, auctores sunt *Theophilus ad Autolyc. III, 30*, & *Servius ad Aeneid. I, 646, 734*. Quod si cui longius recedere a vulgata lectionis elementis videatur, lenius remedium proponit, ut legatur *ἥλον*. Nam, & sic *Saturnum* appellatum, autor est *Damascius* in *Photii Bibl. pag. 1050*: *Φοίνικες καὶ Σύροι τὸν Κρόνον Βῆλ καὶ Ἡλ, καὶ Βολαΐδην, ἐπὶ ὀνομαζέσκει.*  
B Utrum-

Utrumvis sumferis, parum refert. Ceterum, alterutrum a *Diodoro* esse, non dubitamus. Correxuit etiam V. C. pag. 146 locum nobilem de *Ctesia* ætate. Κτήσιος, inquit *Diodorus*, ὁ Κνίδιος τοῖς κατ' Ἡρόδοτον μὲν χρόνοις ὑπῆρξε κατὰ τὴν Κύβη στρατείαν ἐπὶ Ἀρταξέρξει τὸν ἀδελφόν. Hunc locum & sono ingratum, & sensu vitiosum, recte V. C. iudicat. Nam *Herodoti* ætas & *Cyri* adversus *Artaxerxem* expeditio in unum tempus compinguntur, quæ disjunctissimæ sunt temporibus. Nam a principio belli Peloponnesiaci, quod *Herodotus* vivendo attigit, usque ad *Cyri* expeditionem sunt XXX amplius anni. Præterea reperuntur paulo ante posita verba κατ' Ἡρόδοτον, additurque κατὰ τὴν κ. σ. qua iteratione præpositionis κατὰ nil insuavius, atque dux diversæ temporis notæ, contra morem, sine copula ponuntur. *Rhodomianus* animadverterat vitium, & interpretatus erat *Herodoto* recentior, quasi esset μετ' Ἡρόδοτον. Ei insultat propterea *Salmasius* ad *Solin.* pag. 871, nec tamen demonstrat, *Ctesiam* *Herodoto* æqualem, quem *Photius* Cod. 72 νεώτερον εἶναι *Ἡρόδοτον*, diserte tradit. Concedi potest, *Ctesiam* *Herodoto* adhuc vivo natum esse, non autem, quod vulgata verba innuunt, *Herodotum* eo tempore cum *Ctesia* vixisse, quo *Cyrus* contra fratrem bellum gessit. Itaque V. C. verba κατ' Ἡρόδοτον, ex antecedentibus repetita ab incurioso librario, sustulit, præsertim cum ea non sint in Codicibus *Coisliniano* & *Mutinenfi*, cum non habeat *Georgius Gemistus* in excerptis ex hoc libro, in Epitoma *MSta* de *Affyriorum* & *Medorum Imperio*, non *Poggius* legerit. Atque, etiam *Jo. Georg. Waltherus*, Clarissimus *Gymnasii Weissenfelsensis* Professor, peculiari Diatriba hunc locum defenderit, atque ostendere instituerit, *Ctesiam* *Herodoti* senis tempore vixisse, tamen *Wesselingius* sententiam recte retinuit, quam nunc etiam *Walthero* probari cognovimus. Insignis est etiam emendatio *Lib. III* pag. 188, quanquam ab *Agatharchide* petita. De *Ichthyophagorum* sedibus & habitandi modis differens, esse genus tradit quoddam, cujus hæc ratio sit, ut cuniculos agant in acervis musci, ita densati, ὑπὸ τῆς συνεχῆς τῆ καύματος πληγῆς, ut na-



ut naturam rigidissimam induerit. *Wesselingius* non omnino per se damnat καύματα πληγὴν, cum *Lucretius* plagam odorum dixerit, & *Psal.* CXXI, 6, de sole dicatur מַדְדִּי נֶחַ, & πλήξεις: sed tamen negat æstu solis algarum acervos densari posse. Itaque legi vult: ὑπὸ τῆς σιτεχῆς τῆς κύματος πληγῆς. Et sic *Agatharchides*, e quo *Diodorus* sua, ut ipse fateatur, hausit, ἔτος ὑπὸ τῆς προσβάλλοντος αἰς κύματος σκληρῶς πεπλημένως. Res est extra dubitationem posita, eratque hæc lectio in textum recipienda. Omnino multa V. C. feliciter, comparando *Agatharchide*, in hoc tertio Libro emendavit: quod recte ab eo eleganterque factum est. Videat tamen V. C. an forte modum in hoc genere exceßerit in loco uno pag. 205: ὑπέκρονται δὲ νῆσσι τρεῖς, ὧν δύο μὲν πλήρεις εἰσὶν ἐλαιῶν καὶ σύκων, μία δὲ λεπτομένη τῷ πλήθει τῶν προειρημένων δένδρων &c. Hic tribuuntur quibus insulis olea & fici; *Agatharchides* autem tantum oleas commemorat, ex eodemque *Strabo Lib. XVI* pag. 114 edit. *Almel.* duas esse dicit ἐλαιαὶς κατωσκιῆς. Itaque putat probandum esse, quod præferant Codices *Mutinenfis*, *Coislinianus*, & *Claramontianus*, ut legatur πλήρεις εἰσὶν ἐλαιῶν καὶ σύκων. Hæc si quis cogitet, sane inclinetur facile ad partes Viri Celeb. Sed verba sequentia, τῷ πλήθει τῶν προειρημένων δένδρων, nobis videntur diversa arborum genera indicare, si rem e vulgari consuetudine Græcorum scriptorum existimemus.

Sed non solum *Diodorus* plurimis locis emendatur, verum alii etiam passim scriptores, ut *Suidas* pag. 132, *Palæphatus* pag. 222, 295, 305, *Eratoſthenes* pag. 254, &c. Ex his lubet referre unam, qua *Galenus* lux allata est pag. 160. *Galenus, Lib. I de Antidot.* pag. 427 de opobalsamo scribens, id dicit a loco, in quo plurimum & optimum nascatur, aliud nomen accipere, & appellari τὸ ἐγγαδινόν. Pro eo rescribendum esse docet ἐγγαδινόν. Ita dictum est ab urbe *Engadi*, quæ sita fuit ad vallem Hierichuntinam, ubi opobalsamum nascebatur.

Nimix in emendando textu religionis hoc unum exemplum ponemus. Pag. 194 med. de struthiocamelo differens, primum ei tribuit κεφάλαιον αἰμένες καὶ μακρόν. *Rhodo-*

*manus* jam vidit, legendum esse μικρόν, idque probat *Noſter*, & ab *Oppiano II, 494*, refert, ei tribui κεφαλήν βαΐν. Et tamen in textu retinet μικρόν, quia Codices non consentiunt. Paulo post dicitur propulsaturus persequentes διὰ τῶν ποδῶν ἀποσφενδονῶσα λίθους &c. Manifestum est, requiri e legibus grammaticis ἀποσφενδονῶν, & sœmininum natum esse e præcedente ναῦς ἰσιδρομῶσα. Et tamen relinquitur in contextu, eadem haud dubie de causa. Atqui aliis locis quibusdam tam manifesta peccata, sola linguæ ratione confusus, emendavit, ut cum *pag. 202 extr. ἐπὶ ἐρεᾶς* rescripsit pro ἀπὸ ἐρεᾶς, similiter *pag. III* e conjectura *Rhodomani* pro ἐροφὴν reposuit κερυφὴν. Sed *Vir Cel.* nimis veritus est absurdas voces imperitorum, qui, ubi aliquid in contextu, non addicentibus Codicibus MStis, quamvis ratione grammatica & re manifeste postulante, mutatur, statim temeritatem accusant.

Nunc, quoniam satis de Notis criticis dictum est, age, etiam pauca specimina earum proferamus, quæ ad rariores verborum notiones illustrandas pertinent. *Lib. I pag. 24 Osiris* dicitur ἐξ ἀνθρώπων εἰς θεὸς μετασῶς. Ibi *V. C.* plures loquendi modos collegit, quibus Græci de transitu hominum ad Deos, seu in cœlum, utuntur, ἐξ ἀνθρώπων ἀφανισθῆναι apud *Lyfiam Or. 31, 6*, γενέσθαι ἐξ ἀνθρώπων apud *Lyfiam Ep. ad Hipparch. Pausan. IV, 26*, εἶναι ἐξ ἀνθρώπων apud *Diogenem II, 43*, μετασῶσιν ἐξ ἀνθρώπων πεινῶσαι apud *Diodorum II, 39* &c. *Ibid. pag. 105* Getæ dicuntur ἀπαθανατίζοντες: nam ita *V. C.* e Codicibus rescripsit: τοῖς Γεταῖς, τοῖς ἀπαθανατίζουσι, quæ posteriores voces in superioribus editionibus desiderantur. Sic *Plato Charmid. pag. 156 D*: ἔμαθον δ' αὐτὴν ἐγὼ - παρὰ τινος τῶν Θερακῶν, τῶν Ζαμέλξιδους ἰατρῶν, εἰ λέγεται καὶ ἀπαθανατίζειν. Ejus verba imitatur *Lucianus Scyth. 1*: ἔσκηθαις μέγαν ἐπιχώριον ἐν ἀπαθανατίζειν καὶ πέμπειν παρὰ Ζαμόλξιν &c. ubi nolle *Wesselingius* τὸ ἀθανατίζειν a *Cl. Gesnero* probatum esse: utrumque enim in ea re justum esse; nec *Olearium* audiendum putat, qui ἀθανατίζειν in numerum inusitatorum refert ad *Philostr. pag. 337*. Sed quaeritur, cur ita

ita διῶσι sint Scythæ. *Jac. Gronovius ad Arrian. pag. 8 ἀπαθανάτιζοντας* interpretatur *pro immortalibus consecrantes*. Eam potestatem in se verbo huic convenire, ipse *Wesselingius* docet pluribus exemplis alibi *pag. 134*, ubi *Diodorus* dicit, Ἀσσυρίους ἀπαθανάτισαι τὴν Σεμίραμιν. Sed, cum de Getis dicatur, non opportunam hanc significationem esse putat, sed ea, quæ *Herodotus IV, 94*, de iis tradat, indicare, ita appellatos esse ex opinione de immortalitate animi, eoque sensu esse etiam apud *Josephum A. J. XVIII, 1, 5*, de Essenis: ἀθανάτιζοντες δὲ τοὺς ψυχάς. Ejus sententiæ est etiam *Kusterus* ad *Suidam* in Ζάμολξις. Hæc recte & egregie dicta agnoscimus, ut permulta alia hujus generis. Unum verbum reperimus, in quo explicando verum haud tetigisse nobis videtur, nempe adverbium αὐτόθεν, in quo interpretando sæpe ab interpretibus Græcorum scriptorum peccatum est. *Diodorus Lib. II pag. 117* dicit, numerum copiarum *Nini*, quem *Ctesias* tradat; incredibilem videri τοῖς αὐτόθεν ἀκέσσι: si quis autem Asiæ magnitudinem & nationum incolentium multitudinem consideret, aliter judicare. *Rhodomannus* vertit *debinc audientibus*; quod nihili est. *Cel. Wesselingius*, forte melius, ait, fore; *primum*, atque comparat locum *Dionysii Hal. Tom. II pag. 71*: ἡδὺς μὲν αὐτόθεν ἐντυχόντι, σφόδρὸς δὲ ἐξεταδείς, deinde alium locum *Diodori I, 37*. Sed, ut illa ratio forte ferri possit, tamen vim verbi non assequitur. Verbum αὐτόθεν habet significationem celeritatis, ut significet *statim, e vestigio, sine mora*. Sic accipiendum est loco altero *Diodori I, 37 extr.*: ὃ μὴν αὐτόθεν προσηκτέον ἀναπόμεντα λέγοντι, ubi *Rhodomannus* male: *hac in parte*. Verte: *Enimvero non sinitim fides habenda &c.* Hoc sensu vox illa est apud *Xenophontem, c. C. Ἀπομν. II, 8, 3*: κρεῖττον ἐστὶν αὐτόθεν ἐπιτίθεσθαι τοῖς τοῖς τῶν ἔργων. Atque hanc notionem verbi jam observavit *Budaus*. Hinc accipit alias notiones, in quibus inest celeritatis ac festinationis significatio, prout a conjunctis verbis varie afficitur. In illo quidem *Diodori* & *Dionysii* loco significat *obiter*. Itaque τῷ αὐτόθεν ἀκέσσι & ἐντυχόντι opponitur ἀναθεωρῶν & ἐξετάζων. Atque etiam V. C. non satis assecutus videtur. *Lib. IV pag. 270* verba πῶλιν πρὸς ἢ τὰς

ἀπαντήσεις καὶ θυσίας τῷ θεῷ παρέστησαν, Ἡράκλειαν προσηγόρευσαν. *Rhodomannus* vertit: *ubi rem divinam facientes illi occurrerant*; quod vix intelligas. *Wesselingius* autem ait, verbum παρέστησαν tantum referri ad θυσίας, nec commode connecti posse cum ἀπαντήσεις; idque genus loquendi, cum verbum unum duobus substantivis adjicitur, quorum uni tantum aptum est, aliis exemplis illustrat. Enimvero commode ad utrumque refertur. Nempe ἀπαντήσεις sunt supplicationes, ut ἀντήσεις. *Hesychius*: ἀντήσεις, ἱκασία, λιτανείαι. Simillimumque est alteri verbo πρόσοδοι, quod de supplicationibus dici, anno superiori, cum de *Philone Mangai* diceremus, ostendimus. Sic igitur verte locum *Diodori*: *portam, ad quam supplicationes & sacrificia Deo instituerunt*. Satis de verbis; restat, ut de rebus illustratis dicatur. Quarum paucas, quia jam prope nimis longi fuimus, tantum breviter indicabimus, ut lectoribus nostris salivam, ut ajunt, moveamus, cupiditatemque operis curatius cognoscendi. *Pag. 48* conjectura proponitur elegans de *Autore fragmenti de Nilo*, quod *Herodoti* editioni saxe *Jungermannus* addidit: quem ille putat esse *Ephorum Historicum*. *Pag. 70, 195*, aves, quas Israelitæ in deserto comederint, sibi *coturnices* non videri, ostendit, sed *locustas*, quibus melius conveniant, quæ *Exod. XVI, 14*, *Num. XI, 31*, dicantur. *Pag. 74* videtur favere iis, qui *Pyramides* ab *Israelitis* educatas statuunt. *Pag. 165* non absurdum esse, existimare, arborem *Paradisi* fatalem palmam fuisse, quæ a *Diodoro* describitur, a cujus ille fructibus dicit ἅμα καὶ τὴν ὄψιν τέρεσθαι καὶ τὴν γύσιν ψυχὰ γωγέσθαι, similiterque *Plutarchus Sympos. VIII, 4*. Palmam *Syriæ & Ægypti* dicit esse ἐφει τε θαυμάτων, καὶ γλυκύτηι τραχημάτων πάντων ἤδισον, plane ut *Moses* de illa arbore *Gen. III, 6*. De rebus historicis & geographicis chronologicisque tantum universe dicemus, nullam esse difficultatem, quam *V.C.* non vel ipse viderit, vel ab aliis motam commemorarit, & non breviter vel ipse sustulerit, vel, quomodo ab aliis ei occursum sit, indicaverit, ut hæ Notæ studiosis historix veteris valde utiles futuræ sint.

Accesse-

Acceſſerunt denique *Indices* luculenti verborum & rerum. Nitor autem chartæ & typorum, diligentiaque in peccatis typographicis vel cavendis, vel tollendis, tanta, ut & elegantiffimus & emendatiſſimus *Diodorus* prodierit.

*HENRICI BENZELII, ACAD. LUND. PROCANCELLarii, & Scaniae Blekingiaeque Episcopi, Syntagma Diſſertationum, in Academia Lundensi habitarum, quibus varia Theologiae, Philologiae, Antiquitatum, & Hiſtoriae, capita illuſtrantur. Cum Praefatione JO.*

*ERH. KAPPII, P. P.*

Francofurti & Lipſiæ, ſumtibus Gabrielis Chriſt. Rothii, bibliopolæ Havniensis, 1745, 4.

Alph. 6 plag. 8.

**H**enricus Benzeliuſ, Scaniae Blekingiaeque Epicoſopus, *Erici*, Archiepiſcopi totius quondam Sueciae, filiuſ, duorum *Benzeliorum*, *Erici* nempe & *Jacobi*, quorum ille patri, hic fratri, in eminenti eadem dignitate ſucceſſit, frater, acceptam ab his gloriam ita auxit omni eruditionis & doctinarum genere, quæ Theologum & faciunt, & ornare poſſunt, ut, qui ſcripta perlegunt in vulgus edita, teſte *Kappio*, dubitare poſſint, utrum majori eruditionis theologiae, an philologicae, an hiſtoricae, laude illæ ſeſe ſint commendaturæ. Ex quo igitur *Rothiuſ*, Bibliopola Havniensis, ſuum de edendis junctim, quæ diſperſæ huc illuc erant, *Benzelianis* Diſſertationibus conſilium cum Excellentiffimo *Kappio* noſtro communicavit, non potuit hic non inſtitutum admodum laudare, ac pro virili quoque adjuvare. Conſuit tali ratione opus ex variis Commentationibus Academicis, ab A. 1724 ad A. 1740 in Lundeniſi Academia tam ab ipſo Reverendiſſimo *Benzelio* conſcriptis, quam eodem ſuadente ac moderante publice ventilatis. Comprehenduntur *Voluminibus duobus*, in quibus ordinem neque tempori, neque argumentorum conditioni, accommodatum vidi-

vidimus. Argumenta sunt varia. Et Historiæ, & Philologiæ, & solidioris Theologiæ, cultores habent, quo delectentur.

- Quas *Tomus prior* continet, Dissertationes sunt: I) *De quatuor orbis Monarchiis*. Receptæ isti, & pueris notæ, de quatuor Monarchiis, seu imperiis mundi, doctrinæ plus famæ inesse, quam veri, haud pauci, neque indocti, perhibent. Horum sententiam multis, neque contemnendis, argumentis ita propugnat *Benzelius*, ut, profligatis & Historicorum & Interpretum ad *Dan. II & VII* rationibus, totum & a majoribus traditum de quatuor monarchiis præceptum prorsus videatur eliminasse. De *Daniele* Propheta autem monet, nunquam ipsi in animo fuisse, Antichristum tempore N. T. exorturum prædicere, sed vivis potius coloribus depingere fata, ipsis Judæis a *Nebucadnezare* & aliis Regibus brevi expectanda. Statua cum animalibus *septimi Capitis* ipsi *Nebucadnezarem* & sequentes diversorum imperiorum Reges indicat. Romanorum imperium autem per quartam bestiam esse intelligendum, tantum abest, ut largiatur, ut, sævitiam & rapacitatem Seleucidarum & Ptolemæorum illa ipsa notari, acriter contendat, & per totam rerum gestarum seriem oraculo divino accommodatam ostendat, *Molinæo*, aliisque interpretibus, qui, quod *Dan. XI, 36 seq.* de *Antiocho* dictum vult Auctor, Papæ tribuendum esse, sibi persuadent, non sine responsione dimissis. II) *De Peregrinationibus religiosis*. De gentilium erga mortuos reverentia ad Christianorum morem progreditur hic Reverendissimus *Benzelius*, qui, licet, falsa religione relicta, veram fuerint amplexi, tamen in ritibus & ceremoniis antecessorum non pauca retinuerunt. Itaque morem, mortuos honorandi, eorumque visitandi sepulcra, & relictiis visitationibus mortuorum privatis, peregrinationes solennes, Hierosolymitanas præcipue, enarrat. De Hospitalariis, Templariis, Crucigeris, de sepulcro Domini, situ urbis Hierosolymæ, aliisque in terra sancta locis, quos cultu religioso petere solent, varii, neque lectoribus curiosis ingrati, sermones interferuntur. Sepulcrum Domini verus ac genuinum id esse, quod pere-

peregrinantibus ostendi solet, immo Hierosolymam eo jam loco Pag. 61.  
 sitam esse, ubi quondam fuit, contra negationem fere omnium  
 asseverat Autor, & contra sæcus statuentes fortiter disputat,  
 additis observationibus de Muhammedanorum peregrina- 79.  
 tione Meccana. III) *Delineatio brevis Ordinis Jesuitarum.* Fata 83.  
 Ordinis apud Pontificios celebris, famaue per universum  
 terrarum orbem, raro beneficiis, uti loqui amat, inprimis au-  
 tem criminibus, notissimi, ab origine repetit, ipsumque Or-  
 dinem ut talem depingit, expositis præsertim, quæ Galliam,  
 Angliam, Bohemiam, & Sueciam, turbarunt, funestis ipsorum  
 ausis. IV) *De Censu Augusti Luc. II, 1.* Quem & temporis  
 computatio, & *Cyrenius* Prætor, a *Luca* allegatus, & *Josephi*  
 testimonium, sanctissimo Spiritus S. effato contrarium, ita im- 99.  
 plicant nodum, ut vix, rem expediui posse, credant haud pau-  
 ci interpretum, ita solum videt lector, ut, *Quirinum*, de  
 quo *Lucas* & *Josephus* memorant, unum eundemque, &  
 quidem bis in Syriam missum, fuisse, appareat, primum cum  
 extraordinario jure tantum ad descriptionem peragendam,  
 cujus mentionem fecit *Lucas*, iterum vero cum duplici po-  
 testate, ut simul provinciæ præesset, de quo censu *Jo-*  
*sephus* meminit. At, non novam hujus rei istam esse  
 explicationem, ipse fatetur Autor, lectoribus, plu-  
 ra cupientibus, ad *Spanhemium* & *Deylingium* ablegat-  
 is. V) *De Thau, sive notula piorum frontali, Ezech. IX, 4.* 110.  
 Confutatis & illis, qui crucis signum hic se invenisse gau-  
 dent, a Prophetis indicatum, & his, qui, sacrum Codicem  
 antiquissimis temporibus Samaritano charactere consignatum 112.  
 fuisse, temere sibi persuadent, Thau istud nihil aliud, quam  
*notam frontalem*, designare, variis argumentis evincitur. De  
 forma reali hujus notæ autem si disputatio instituitur dissi-  
 cillima, conjecturæ locus relinquendus esse creditur, quæ, 117.  
 notam illam frontalem literam ~ Ebræorum minutissimam  
 fuisse, perhibet. Adduntur & *ratiuncula*, vere tales. Tutius 118.  
 vero affirmatur, idem signum, quamcunque picturam habue-  
 rit, non nisi in visione *Ezechielis* fuisse repræsentatum, minime  
 vero frontibus piorum & gementium ita insculptum, ut per-  
 pectuo

- Pag. 120. petuo remanserit. VI) *Stricturae nonnulla ad Jo. Clerici Dissertationem de lingua Hebraica, & quidem ejus antiquitate.* Non quidem eo prolabitur Autor in commendanda Hebræorum lingua, ut, vel Angelis & beatis in altera vita ejus usum competere, vel in isto, quod nonnulli liberaliter sibi pollicentur, mille annorum regno locum habituram esse, affirmet; tamen contra ea, quæ *Jo. Clericus* in Dissertatione de lingua Hebraica, Commentario in *Genesin* præmissa, satis audacter & negligenter scripserat, ita disputat, ut *Sectione priori* Hebrææ linguæ antiquitatem adstruat, *posteriori* autem contraria Batavi argumenta expendat. VII) *De Canonibus Apostolicis.* Ex quo Canones etiam inter Protestantas, in Anglia præsertim, *Beveregium* & *Whistonum* habuerunt defensores, Pontificiorum acies magis instructa fuisse videtur, si quando de autoritate Canonum fuit decertandum. Argumenta igitur, cum ex *Dallao* selecta, tum propria, in medium proferuntur, quæ omnem illam auctoritatem labefactant, Canones post Seculum quartum denum exortos esse admodum probant. VII) *de Causis Literaturæ Hebrææ.* Celebrerrimum *Val. Ernst. Lascberum* imitatus Autor, linguam Hebræam hac via persequitur, ut veras literaturæ causas, *efficientem, materiam, formalem, ac denique finalem*, elicere conetur. Hebræorum scribendi artis, seu literaturæ, causam efficientem, sive autorem, habet Deum. Omnem scribendi artem autem *Mosis* tempora plane incognitam fuisse, ratus, contra *Lascberum* & centum alios literaturæ Hebrææ initia ad annum ab orbe condito circiter bis millesimum & quingentesimum differt, quo *Moses* in monte Sinai cum lege primam scripturam a Deo accepisse dicitur *Deut. X, 4, Exod. XXXIV, 28.* Tunc & in *materiam*, qua, post saxorum usum, scripserunt veteres, & in diversum scribendi modum, inquiritur. Quantum ad formam characterum Codicis sacri attinet, hodiernum quadratum, non autem Samaritanorum characterem, divinum & genuinum esse, ita asseritur, ut nemo facile Autori dengare assensum possit. Ceterum significatus literarum hieroglyphicus suis autoribus relinquitur. IX) *De Paschate Christi*



*expositum.* Quemadmodum Pascha primum, seu Exodicum, Israelitas incunte XIV Lunæ post æquinoctium vernal, pridie, quam ex Ægypto egressi sunt, comedisse constat; ita, eundem morem adhuc tempore Christi inter Judæos viguisse, & a Servatore in ultima edenda cœna una cum reliquis Judæis esse observatum, pluribus ostendit Autor. X) *de Scriptura ante Mosén.* Tota hæc Dissertatio illi *de Causis literaturæ Ebrææ*, cujus modo mentionem fecimus, videtur esse contraria, quamvis uno eodemque anno atque Præsidio sit habitata. Et ex hoc, & ex styli diversitate, & ex aliis rationibus, certo certius colligimus, Respondentium munere defunctos potiore, quam ipsum *Benzelium*, sibi vindicare hujus collectionis partem. Probat hic Autor, fuisse ante *Mosén*, & ante *Homerum*, uti scriptores, ita literas, quibus, tanquam instrumentis, animi sui sensa imprimis cum posteritate communicare potuerint homines. Conferat Lector, quæ supra ex Dissertatione de Causis literaturæ Hebrææ attulimus; quam sibi adversentur ista, confestim apparebit. XI) *De Libris V. T. canonicis, eorumque divisionibus.* XII) *De Sæclis ecclesiæ nostri temporis.* Magno rerum memorabilium Commentatio hæc se commendat apparatu. Multa, eaque egregia, e thesauro, quem in longo itinere collegit Reverendissimus Autor, triginta abhinc, & quod excurrit, annis in Orientem instituto, hic deprompta vides, tum de schismate inter Ecclesiam Orientis & Occidentis, & de illius statu antiquo, & recenti doctrina, atque erroribus in genere, tum de Cœnobio montis Sinai, de Græcis, *Calvino* faventibus, de insidiis Romanensium Græcorum fidei & doctrinæ structis, de Maronitis, de Coptis, &c. lectu sane digna, ac tanto majori habenda fide, quod Autor, quicquid assedit, oculis vidit, & ipse diligenter percrutatus est. In *Helladium*, de statu præsentis Ecclesiæ Græcæ thræsonice ut plurimum loquentem, graviter animadvertit, & se ab integerrimis viris, apud quos aliquod tempus ille commoratus est, exploratum habere affirmat, fuisse hominem non optimæ frugis, & audax Græculo ingenium. Non minus in famosum scriptorem Gallicum, *de la Croix*, invehi-

Pag. 198.

202.

212.

249.

248.

249.

265.

282.

292.

270.

271.

- tur, in libello, *La Turquie Chrétienne sous la puissante Protection de Louis le Grand* inscripto, plus fumi intra paucas pagellas nondinatum, quam ut uno venti statu dispelli possit. Adjecta est Mantissa dogmatica, quæ in dogma de processione Spiritus sancti, & de invocatione sanctorum, solide inquit.
- Pag. 273. Agmen claudit memorabilium Diploma absolutionis Patriarchæ Hierosolymitani tralatitium. XIII) *De Libris Vet. Testamenti apocryphis in genere.* XIV) *De Libris Vet. Testamenti apocryphis in specie.* XV) *De Apolline loquaci & muto.* De initiis, & cessatione oraculorum apud paganos hic agi, facile conjectura divinabit lector. Autor cum illis facit, qui illa non solis hominum fraudibus, sed diabolo potissimum, hanc autem Servatori tribuendam esse, judicant, per ejus adventum infernalis hostis potentia magis magisque fracta, oracula edere non quidem repente, gradatim tamen, desit. XVI)
340. Dissertatio, qua adstruitur numerus Paschatum Christi quaternarius. Excussis variis Theologorum & Patrum de annis, qui inter baptismum Servatoris & ejus mortem intercesserunt, sententiis, illorum stabilitur opinio, qui, quatuor paschata Christum post baptismum celebrasse, statuunt. Sedes Paschatum genuinæ apud Evangelistas ita investigantur, ut primi quidem Jo. II, 13, secundi Luc. VI, 1, Matth. XII, 1, Marc. II, 23, tertii Jo. VI, 4, quarti Jo. XI, 55, XII, 1, XIII, 1, Matth. XXVI, 2, Marc. XIV, 2, Luc. XXII, 1, se invenisse asserimet Autor, de singulis seorsim deinde acturus. XVII) *de antiquis Bibliorum versionibus.* Historicam plurimarum Versionum illustrium narrationem tradit Autor Respondens. XVIII) *De Sortibus veterum.* XIX) *De Classe Salomonæa in regionem Ophir.* Hispania est hæc Autori regio, argumento ad sententiam probandam maxime ab urbe Tharsi petito, cujus Ez. XXVII, 12, Jon. 1, 3, 1 Reg. XXII, 49, 2 Chron. XX, 36, & alibi, fit mentio. Hispaniam olim crebris Phœnicum navigationibus frequentatam fuisse, ex antiquis monumentis constat. Est in Oceano extra columnas Herculis, iisdem tamen vicina, insula, Gades appellata. Hic urbem condiderant Phœnicenses, Herculi, patrio Numini, dicatam. Tharsissum antea vocatam, postea Tyrios,
- 431.

Tyrios, mutato nomine, *Gaddir* nuncupasse, affirmant scriptores veteres. Hæc est illa Tharsis, in scriptis V. T. passim obvia, Pag. 432.  
divitiarum, quas tunc Hispania sive per naturæ bonitatem, sive per mercaturam florentissimam, exteris mittebat, sedes. Cum igitur in Iberiam, quæ eadem cum Hispania est, amplissima Tyriorum & Phœnicum quondam fuerit navigatio; nullum est dubium, quin Reges Hierosolymæ una cum *Hiramo*, Rege Tyri, suas in Hispaniam classes miserint, omnibus abundantem, quibus rebus & *Davidis*, & *Salomoni*, opus erat, splendidissimum atque immortalis gloriæ opus exstruendum curantibus. XX) *De Asylis*. De asylis & Ebræorum, & gentilium, 437.  
& Christianorum, instituitur docta narratio. Conclusionem facit de *Franchitia quarteriorum*, seu de jure asyli apud legatos, disquisitio. XXI) *De Lingua Hellenistica*. Præcipuam in 460.  
*Sebastiani Phœbenii* Diatribe *de Lingua Græcæ puritate* exam- 466.  
inanda & refutanda operam Autor collocat, puritati linguæ Novi Testamenti ita infensus, ut, voces, phrasæ, & locutiones, apud scriptores sacros legi, contendat, quarum dimidiam 467.  
forte partem optimi ex profanis ignorent.

Reliquæ, hoc *Volumine* quæ comprehenduntur, si unam excipias, sunt Dissertationes *Anti-Arnoldinæ*, ab iis, qui Respondentium munere sunt defuncti, ut ex præcedentibus alix, diligenter elaboratæ. XXII) *Vindicia Concilii Nicæni Oecumenici I*, novatoribus, præsertim *Godofredo Arnoldo*, oppositæ. XXIII) *Vindicia Concilii Constantinopolitani Oecumenici II in causa Macedoniana*. XXIV) *De successione Episcoporum canonica* apud Evangelicos, præsertim in Suecia. 708.  
Refutatis, qui a successione Episcoporum ad veritatem doctrinæ & ecclesiæ concludere solent, Pontificiis, & multis de discessione Protestantium a Pontificiis facta, de ecclesia, dignitate episcopali, & hujus haud interrupta propagatione apud Anglos, doctè expositis; ad Suecos suos convertitur 532.  
Autor, nulla propterea ratione falsæ ecclesiæ accusandos. 554.  
Habet Suecia Episcopos, a Pontificiis legitime consecratos, qui, ut ecclesiam Suecicam purgarent, omnem impenderunt operam. Horum continua apud Suecos ad hunc usque diem 567.  
datur

- datur successio. Habuerunt ipsi potestatem, tam Episcopos, quam Presbyteros, constituendi, qui alios deinceps muneribus sacris præficerent. ac idoneos declararent: quod ex omni rerum gestarum serie, & domesticis Pontificiorum principiis, uberius demonstrat Respondens Autor, contendens præterea, Hierarchiam Episcopalem, qualis antiquioribus saltem temporibus in ecclesia locum habuerit, apud Suecos feruari; in ordinatione ritus ævo Apostolico proximos retineri, ab inanibus autem & superstitiosis ceremoniis resectos; & propterea, cum alia ipsis non desint, quæ huc existimantur pertinere, cumque, quod *κρίσις* est, habeant doctrinæ successionem, ecclesiam Suevicam jure majori, quam ecclesiam Græcam, quamque itidem Anglicanam, successionem sibi canonicam posse vindicare. XXV) *Vindicia Concilii Ephesini Oecumenici tertii in causa Nestorii, Godofredo Arnolde oppositæ.* XXVI) *Vindicia Concilii Chalcedonensis Oecumenici quarti, Godofredo Arnolde oppositæ.* XXVII) *Vindicia Concilii Constantinopolitani secundi Oecumenici quinti, in causa Origenistarum & trium Capitulorum.*

Tom. II Ad Volumen alterum nobis properandum est, non ita spissum, & XXI constans Dissertationibus. I) *De Melchisedeco, Rege N. F. & pacis.* Conjunctionem Pontificatus & dignitatis regis in Mel-

- Pag. 11. *chisedeco* confirmant fere omnes exemplo gentilium, & ex majorum consuetudine, ut Rex etiam esset sacerdos, vel Pontifex: at in alia omnia abijt *Benzelius*, regiam & sacerdotalem in uno eodemque homine dignitatem ejusdem cum *Melchisedeco* antiquitatis non esse, contendens. Cum *P. Cunæo* igitur ratur, *Melchisedecam* non hominem utique & hominibus genitum, sed divinæ naturæ, fuisse, majoremque homine ac digniorem, qui tanto benedixit Patriarchæ, argumenta, quæ opponi possent, & *Cunæo* opposita sunt, ut in summum abeant, dat operam. II) *De LXX Danielis Hebdomadis.* III) *De Bileamo, divino Propheta.* Non affirmare dubitat Autor, *Bileamum* primo non minus fuisse verum Dei cultorem, quam verum Prophetam, postea vero munificentia Regis Moabitarum captum, hominem improbum & flagitiosum

sum evasisse; quio hoc ipso exemplo it comprobatum, do-  
 num prophetiæ non Judæorum ecclesiæ proprium, sed genti-  
 bus fuisse commune, quamvis inter gentes exstiterit modice. Pag. 53.  
 IV) *De genuina notione vocis Scheol.* Tria istam vocem in 54.  
 Scripturis sacris denotare, observatur: 1) *generaliter*, statum 56.  
 tam piorum, quam impiorum, post mortem communem utrîs-  
 que momentaneum; 2) *specialiter*, infernum, statum impio-  
 rum perpetuo duraturum; 3) *metaphorice*, afflictiones & do-  
 lores sævissimos, seu aliquid nobis intolerabile & imperscruta-  
 bile. V) *De Forma reipublicæ Judaicæ.* VI) *De Voto Jephthæ* 80.  
*incruento.* Jephtham a crimine ἀνδραποδισίας liberat Au-  
 tor, illis adstipulans interpretibus, qui, filiam perpetuæ vir-  
 ginitati consecratam, non vero mactatam, statuunt. Neque 84.  
 in vovendo, neque in exequendo, Heroa istum temeritatis po-  
 stulandum esse, simul contendit. VII) *De Tabernaculo Mosai-* 92.  
*co,* ad ductum *Ebr. IX, 2, 3, 4.* Tria tabernacula a se invicem  
 diversa constituit Autor Respondens: *unum*, cujus *Exod.*  
*XXXIII, 7,* *alterum*, cujus *Exod. XL, tertium*, cujus 2 *Sam. VI,*  
*17,* facta est mentio. De reliquo dissentientes eruditorum  
 ad *Ebr. IX, 2, 3, 4,* opiniones pro viribus studet conciliare.  
 VIII) *De Fædere Josuæ cum Gibeonitis.* Illicitum hoc fuisse, do- 116.  
 cet Autor, & propterea irritum fieri debuisse. Quamvis autem 122.  
 jusjurandum novam obligationem non pariat; in honorem  
 tamen jurisjurandi conservatos esse Gibeonitas arbitratur,  
 ne gentiles existimarent, Deum ab Israelitis haberi irreve-  
 renter. Pauca præterea continet hæc Dissertatio, ut quidem  
 hujus *Tomi* adhuc aliæ, memoratu digna. IX) *De Gloria*  
*templi Zorobabelici, Hagg. II, 8.* X) *Proselytismus Rabbīnorum* 125.  
*loco motus.* XI) *De transitu Israelitarum per mare rubrum.* Non 156.  
 tantum iste transitus, sed ipse Israelitarum ex Ægypto egres-  
 sus, variis illustratur observationibus, & veritas miraculi con-  
 tra Clericum asseritur. XII) *Synedrium magnum Rabbīnorum ad* 187.  
*examen revocatum.* In *duo Capita* divisa est Disputatio.  
*Prius* ea continet, quæ de Synedrio suo veteres Ebræorum  
 tradiderunt; *posterior* de iis sermonem facit, quæ contra  
 hoc Synedrium, seu potius descriptionem Synedrīi, a Rab-  
 binis

- Pag. 194. binis factam, observari merentur. XIII) *De duplici Genealogia Christi, juxta Mattheum & Lucam.* Nodos hic ubivis obvios solvere annitur Autor, in eo, quod caput rei est, ad *Matth. I, 16, Luc. III, 23,* cum Chemnitio, Osiandro, Calovio, 227. aliisque nostratum, faciens. XIV) *De Cruce Criticorum*  
 231. כנרי, Ps. XXII, 17. XV) *Donatismus in Novatoribus redivivus.* Neo-Donatistæ hic enumerantur, Arnoldus, Dippelius, Langius, Zieroldus, Breithauptius, Franckius, alii, qui, ministros irrogenitos verum Dei verbum proferre, & auditores ædificare posse, negant. Spenerum autem, tantum abest, inquit Autor, ut ex horum eximamus numero, ut potius suum hic animum, malumne dicam, an tepidum ac sublesum, sat evidenter prodiderit. Per alia quoque Neodonatistarum errores deducuntur capita. XVI) *De Vita fidei salvifica.* Etiam novatoribus opposita hæc est Disputatio, præsentiam bonorum operum in actu justificationis pernegans. XVII) *De decreto Apostolico Ari. XV.* XVIII) *De conflagratione mundi.* XIX) *De perfectione Renovatorum contra Perfectionistas.* XX) *Vindictæ Athanasi, Cibristoph. Sandio & Godofr. Arnolde oppositæ.* XXI) *Vindictæ Cyrilli Alexandrini, Godofredo Arnolde oppositæ.* XXII) *De Sacramento Romanorum confirmationis.* Argumentum hoc ita pertractatum vidimus, ut non solum, quid in ecclesia Pontificiorum, sed etiam apud Evangelicos & Protestantes, sit confirmatio, luculenter appareat.

Vario hæc eruditionis genere floret Collectio; non uno eodemque tamen, si dicendum quod res est, & Autore, & dictionis ornatu, & rerum conscripta selectu. Nos maxime argumentis delectatos esse, quæ tum ex Philologia & antiquitate, tum ex Historia ecclesiastica, repetita deprehendimus, lubenter fatemur. Kappius, insigne Lipsiæ ornamentum, præfatus est, & prerogativas recensuit, quas Academia, Protestantium sacris addidit, in ratione, quam ineunt, disciplinas excollendi pariter ac tradendi, præ Romano-Catholicis Universitatibus jure quodam sibi vindicare possunt. Dabimus, quia non adeo sunt multæ, rem in compendio. In nostris Academiis aurea illa libertas regnat, non modo veritatem ex lumine rationis

tionis atque revelationis addiscendi, eoque fine Codicem sacram Hebraeorum atque Græcorum, ejusque versiones & explicationes omnium interpretum, cuicunque religioni demum addicti sint, & legendi, & examinandi, sed etiam Philosophorum placita, si modo divinæ revelationi non sint contraria, in utilitatem nostram convertendi, adeoque ecclésiæ philosophandi. His omnibus, qui Pontificiorum Academiis frequentant, & versionis vulgatæ traditionumque autoritate, & nimia Theologiæ scholasticæ cultura, & linguarum sacrarum ecclésiæque Philosophiæ neglectu, & variorum prohibentur librorum interdicto. Dominatur hic Philosophia scholastica; Jus naturæ & Politica exulant; Historia & Jus publicum Imperii, cum rebus gestis reliquorum Europæ Statuum, raro docentur, & si quoque illa doceantur, non optimis subsidiis derivari solent. Eadem Historiæ ecclésiasticæ & literariæ est ratio. Aliter in Protestantium Academiis comparata res est. Universa Philosophia, recentiorum Philosophorum inventis non dissimulatis, traditur. Historia omnis, civilis, ecclésiastica, & literaria, ex præstantissimis scriptoribus enarratur, & ex genuinis fontibus repetitur. Non defuerunt inter Romano-Catholicos, qui illos Academicarum & studiorum nervos recentissime ipsi professi sunt, quorum hic leguntur in lucem edita testimonia. Emendationis initium fecit quidem *Carolus VI*, Romanorum Imperator; at inchoavit, non perfecit, *Maria Theresia*, cum tam vasto in regna & provincias imperio; curam imperfecti operis relinquens. Idem tentavit *Fridericus Carolus*, Episcopus Bambergensis & Wurceburgensis, non ita pridem defunctus. Cœpit in Italia nuper Philosophia ecclésiastica caput erigere; docetur Jus naturæ in Pisana, & Patavina, Academiis, cum Philosophia experimentalis. Sed non habent omnes eundem literarum florem. Cum apud Romano-Catholicos maximam fere partem nudæ fere theses, nugisque scholasticis crebro refertæ, ad disputandum proponantur; apud nos luculentiores de eruditis argumentis conscribuntur Disputationes. En novam rei Academicæ, uti apud nos est, prærogativam! Hæc occasionem præbent doctissimo

*Kappio*, cum de Dissertationum Academicarum habitu, fatis, & utilitate, tum de præfenti collectionis ratione, differendi. Subjecta est Episcopi *Benzelii* vitæ delineatio, lectoribus, in rem literariam incumbentibus, non minus grata, quam *Index* Dissertationum chronologicus, & rerum memorabilium, operi tam varii argumenti apprimè necessarius.

DELL' ANATOMIA DISCORSO, &c.

id est,

SERMO DE ANATOME, AUTORE ANTONIO  
COCCHIO MUGELLANO.

Florentiæ, apud Jo. Bapt. Zannoni, 1745, 4.

Plag. 6.

- F**uit hic Sermo ante quatuor annos, in Theatro magni Nosocomii *S. Mariæ novæ*, quod Florentiæ est, publice recitatus. Dicitur autem Anatome, tum ars dextre separandi animalium, præcipueque humani corporis, membra, tum eorum, quæ in his sensibus percipere licet, cognitio. Motus enim, qui in corpore humano est, ejusque causarum consideratio, ad Anatomem non pertinet. Eaque cognitio, cum singulæ fere partiæ corporum possint sensibus subjici, clarissima, tum etiam satis facilis, est, modo se aliquis iis, quæ in Anatome ingrata esse solent, nimis affici non sinat, sensibusque recte utatur. Quæ vero lites unquam inter Anatomicos ortæ sunt, vel de usu partium sunt, quem tamen Anatomicus proprie non curat, vel de inventionis gloria, quod ad cognitionem partium animalium nihil facit, vel de eo, quod quis se credidit potius videre, quam certe vidit. Præcipua igitur Anatomæ utilitas, quæ ab hac per sensus acquisita certitudine proficiscitur, veritatis inventio est, per quam errores necessario tolluntur. Cumque cupidi cognitionis earum rerum sinus, quæ in tota natura sunt; quanto magis debemus earum esse, quibus vita nostra, sensus, motus, nutritio, generatio, morsque ipsa, continentur. Ad quarum tamen cognitionem non nisi per Anatomem pervenimus.
- Eaque



Eaque cognitio, tum quæ in contemplatione rerum consistit, tum quæ sanitatis custodiam, morborumque sanationem, complectitur, artis medicæ parti fundamenta præbet; quas duas partes ut veteres aliquo signo exprimerent, *Æsculapio* patri hinc *Hygeam*, illinc *Telesphorum*, in monumentis junxerunt. Quis autem sine Anatome naturam morborum intelligat, quæ scilicet in fabricæ humani corporis mutatione consistit? Et quis sine hac arte illis auxiliis recte utatur, quibus & vita servari solet, & sanitas reddi; maxime cum, nisi vitæ in corpore superstitis vires accefferint, quæ utique a fabrica partium pendet, exiguus, vel nullus, esset eorum auxiliorum effectus futurus. Neque tolli Anatomæ utilitatem existimandum est hoc, quod morborum multi sponte sanantur, multi contra insanabiles sunt. Per Anatomicen potius licet utriusque generis morborum eventum certo prædicere, ac fuit sine dubio etiam via reperta morbis, qui curationem recipiunt, vel paucissimis medicinis, vel victu tantum, aut fontana aqua, aut etiam expectatione, medendi. Ad quas omnes Anatomæ utilitates & hæc tandem accedit, posse per eam inefficaciam plurimorum auxiliorum, quorum vulgo existimatur occulta aliqua vis esse, clare cognosci, ac deberi Anatomæ laudem liberatæ a servitute præconceptarum opinionum nobilissimæ medicæ artis, ad quam rem plurimum contulerunt *Borellius*, *Redius*, ac *Bellinius*. Sunt autem permulti, qui, ullam Anatomæ utilitatem esse, negant. Iique tum ad *Hippocratem* & Empiricorum Methodicorumque sectas provocant, qui ab omni humanorum corporum sectione abhorrerint, tum ad *Galenum* ac *Celsum*, qui, inutilem esse, præcipue subtiliorem, quam vocant, Anatomicen, perhibuerint. Sigillatim vero *Lockius*, quem, *Cel.* Autor dicit, se certo scire, permultum ad *Sydenhamii* scripta contulisse, nullum plane fructum ex Anatomicæ ad medendi artem redundare, contendit propterea, quod nihil ad animi, elementorum cohesionis, earumque rerum, cognitionem faciat, in quibus, ut internæ motuum causæ, sic etiam vita & sanitas, nec non morbi, consistent, ad quorum sanationem

Pag. 15.

16, 17.

18.

19-24.

- tionem efficacissima auxilia, ab hominibus secandi artis ignaris, per solam experientiam, reperta sint. Quare sine ulla noxa possit omnis humani corporis cognitio negligi, quæ per
- Pag. 24. Anatomem acquiritur. Quod qui contendunt, non videntur ad hoc attendisse, quæ in corpore motus producit, vim, quamvis incomprehensibilis naturæ sit, in manifestis tamen
25. partibus, sensibilibusque modo, suos effectus edere, cumque in harum rerum mutatione evidenter internæ morborum causæ consistant, debere utique permagnam Anatomem in medendi arte utilitatem esse. Per quam quot malorum sedem possumus
26. judicare, eventum prævidere, curam dirigere, accuratius, quam veteres? quorum permultos errores, ut hoc exemplo utamur, in iis morbis per Anatomem cognovimus, qui, quæ partes ad respirationem, sanguinisque motum, faciunt, gravissime affligunt. Et, quod ad venereos morbos attinet, nonne per anatomicas disquisitiones factum est, ut cum sedem mali accuratius, quam olim, sciamus, tum quoque incertis olim periculosisque auxiliis secure atque feliciter utamur. Nam, quod *Benevenuto Cellini* testatur, *Berengarius*, etsi Anatomicorum sui temporis princeps, tam parum feliciter tamen mercuriales inundationes adhibuit, ut cogeretur Roma exire. Atque Guajaci ligni usus, cum nondum fuerit secundum anatomicam cognitionem examinatus, nostra ætate æque ac olim incertus est, atque periculosus. Ut vero maxima sit experimentorum in medicina necessitas ad vires medicinarum cognoscendas, recte tamen hæc instituere, verumque a falso distinguere,
- 29, 30. nisi per Anatomem, non licet. Neque sine hac uti magno cum fructu aliquis poterit accuratissimis *Hippocratis* scriptis, a nullo vulgariū Medicorum lectis. Saltem, in manu medendi arte permagnam Anatomem utilitatem esse, nemo audet negare. Estque per hanc maxime factum, ut nostræ ætatis Chirurgice antiqua præstet. Accurata enim membrorum cognitio multis curationibus excogitandis occasionem attulit, quarum vel nullam, vel tam parum accuratam, veteres noticiam habebant, ut fere semper per mortes experimenta facerent. Cui rei fidem facere tum suffusionis curatio potest, tum calculi.
31. Neque
- 32.

Neque

Neque volvulus cognosci, nisi per Anatomen, potuit, per  
 quam etiam intelligere eorum casuum naturam licuisset, in  
 quibus succurrere ægris nostræ ætatis Medici non magis po-  
 tuerunt, quam veteres splendidæ illi personæ, cujus *Cæsus* in  
*Prefatione* mentionem injecit. Præter hæc corporum ani-  
 mantium cognitio pluribus aliis utilissimis artibus utilitatem  
 affert, & de plantis doctrina æque parum clara, atque olim,  
 futura esset, nisi ipsis fuisset Anatome, præcipue à *Malpighio*,  
 adhibita. Quæ variæ animantium corpora secandi artis uti-  
 litates ut omni tempore homines excitaverint ad ejus sibi  
 cognitionem acquirendam; fuerunt tamen ipsius progressus  
 multis ac pæne insuperabilibus impedimentis retardati. Ex  
 quorum numero apud omnes propemodum gentes sangui-  
 nis aversio fuit, in quo nempe olim animam residere existi-  
 mabant. Qui vero nihilo minus judicio prævalentes homines  
 ad hanc utilissimam artem animum applicabant, partim ani-  
 mantibus, ad sacrificia æque ac cibum aliterque apertis, usi  
 sunt, unde comparata Anatome orta est, partim humanis  
 quoque corporibus, casu incisis, quod ab Empiricis lauda-  
 tam vulnerariam Anatomen constituit. Neque vero fidem  
 facere suæ opinioni illi queunt, qui, capitis damnatos homi-  
 nes a Medicis olim vivos incisos esse, existimant, quamvis li-  
 citum ea ætate fuerit, qui vel jussu societatis non habere puta-  
 bantur, vel privatæ potestati subiecti, occidere. Fuit ta-  
 men secandi ars per sectionem corporum hominum, qui sup-  
 plicii perierunt, tum maxime, qui morbis sublati, promo-  
 ta. Ut vero, quæ ad omnium artium ac scientiarum histo-  
 riam, ante Græcorum tempora, pertinent, densissimis tene-  
 bris obvoluta sunt; sic etiam Anatomæ origo frustra apud  
 gentes Græcis priores quaeritur. Nam, quæ de eius studio,  
 apud antiquissimos Ægyptios, dicuntur, partim levissimis con-  
 jecturis niti, partim ad recentiora tempora pertinere, certis-  
 simum est, & jam ante Cl. Autorem a doctissimis viris osten-  
 sum. A Græcis autem, eorumque Heroibus, præcipue ex  
*Homero* constat, cum vulnerariam Anatomen excultam fuis-  
 se, tum quoque comparatam, in qua præterea a *Pythagora*

Pag. 33.

34.

35.

36.

37.

38.

39.

41-46.

46, 47.

discipulis, a *Democriso*, *Hippocrate*, *Diocle*, *Praxagora*, & *Aristotele*, multum elaboratum fuit. Primus autem videtur *Herophilus* hominum mortuorum corpora incidisse, cui, ut ejus fragmenta testantur, quicquid fere boni de Anatome veteres Autores habent, debetur; qui cum, *Ptolemao* Ægyptiacum regnum condente, Alexandria inclaruerit, vera Anatomie habenda est tercentos circiter annos ante Christi nativitatem initium fuisse. Namque ab hoc sapientissimo Rege, qui, quo erat in bonas literas animo, celeberrimum illud Museum Alexandrinum constituit, data Medicis fuit humana corpora incidendi facultas. Quo ut permultum exulta optima ars fuit; sic postremorum *Ptolemaeorum* ætate, apud quos in nullo fere pretio literæ erant, prorsus fere neglecta. Neque excitata iterum ad Anatomies studium Ægyptiorum ingenia fuerunt, postquam sub Romanorum ditionem venerunt. Quorum Imperatorum temporibus, quod *Galenus* & *Rufus Ephefius* scribunt, Anatome in Alexandrina schola partim in aliquot humanorum corporum ossa compage, partim in animantibus, ostensa fuit. Ex quibus prælectionibus, ac *Herophilæ* scriptis, pariter ac picturis quibusdam & simiarum sectione, (nam humana corpora non incidit,) tantum profecit *Galenus*, ut tradere hanc artem posteris posset, & quo minus prorsus negligeretur, impedire. Quæ tamen, deleta Alexandria, neque ab Arabibus fuit, neque a Latino-barbaris, exercita. Sed post antiquissima tempora cœperunt primum humana corpora A. 1316 iterum Bononiæ secari, in qua urbe, præcipue post A. 1500, ab *Achillino* & *Berengario*, in hominum, qui supplicio perierant, corporibus ostensa Anatome fuit, quæ deinde in Parisiensi schola, & per *Vesalius* in Patavina & Pisana, progressus fecit, tumque apud Hispanos etiam inter licitas artes haberi cœpit. Post hæc *Leonis* & *Clementis*, hosque sequentium Pontificum, in Anatomem amore factum est, ut in Romana schola *Columbus* observationes suas facere, *Eustachius* admiratione doctorum dignas tabulas parare, posset, & *Varolius* in cerebri naturam inquirere. Maximeque superiore Sæculo apud omnes cultiores gentes in

nosocomijs, & sigillatim Florentiæ, gratia *Ferdinandi II*, Magni Ducis Hetruriæ, mortuorum corporibus frequenter incisis, permultum promota secandi ars fuit, pulcherrimisque inventis a *Borello*, *Stenone*, *Bartholinis*, *Redio*, *Bellinio*, ornata. Quibus & microscopiorum & injectionum usus accessit, quarum liquidæ jam olim a *Carpo* & *Eustachio*, solidæ autem, sed liquefactæ a *Suammerdamo* & *Ruyfchio*, adhibebantur. Tumque variæ fuerunt ab Anatomicis hanc artem docendi viæ excogitatæ. Ex quibus se Autor dicit in prælectionibus suis, de tota Anatome habendis, ita synthetica usurum esse, ut, quantum possit, a simplicissimis ad composita procederet, singulorumque membrorum ac viscerum minutissimis quibusque conditionibus expositis, quæ ex his in Physiologia & utraq; medendi arte consequuntur, fallacibus conjecturis omisissis, deduceret. Analytica verò usurum se esse monet in Chirurgices studiosis habendis prælectionibus. In utrisque Italica potius, quam Latina, lingua usus est, quia hæc audientis mentem a primo scopo, intelligendi scilicet sermonem, quasi abducat. In quo errore Autorem versari, eo magis miramur, quo minus ipse vel ex Appendice hujus libri videtur a studio Latinarum literarum alienus esse. Finem tandem huic sermoni imponit *Cel. Cocchi*, laudes cum Magni Hetruriæ Ducis, jam Imperatoris, *Francisci*, tum *Verrazani*, Senatoris, celebrando, quo potissimum autore factum sit, ut *Cocchi* constitueretur, qui in schola Florentina Anatomen publice doceret. Appendix, cujus supra mentio facta est, duo Fragmenta, alterum *Herophili*, alterum *Asclepiadis* Bithyni, continet, quorum illud ex *Libro III Apollinis Citienfis* de Articulis desumptum est, inediti Autoris, & qui videtur sexaginta ante Christi nativitatem annos vixisse. Habentur ejus scripta pariter ac *Asclepiadis* Fragmentum in antiquissimo aliquo Codice, qui olim a *Lascari* ex Græcia allatus, jam Mediceam Bibliothecam ornat, & Græcorum de Chirurgica arte scripta, magnam partem inedita, continet. *Herophili* in eo Fragmento, quod ex *Libro de Causis* est, in femoris luxatione monet, ligamentum teres rumpi, propterea-

Pag.  
60-65.

66.

68-72.

74, 75.

78.

79.

80-82.

- præteraque, etsi recte repositum, contineri tamen in sede sua non posse. *Asclepiades* vero articulos docet nonnullos etiam a longo morbo excidere, quod tamen, *Cl. Cocchi* ait, se aliquando ostensurum esse, fere sic fieri, ut os semoris, non nisi summo capite fracto, & in sinu relicto, elabatur. Præterea occasione prioris Fragmenti nonnullis *Celsi* locis lucem affundere *Cl. Cocchi* studuit ope verusti alicujus membranei Codicis, qui in eadem Bibliotheca Medicea servatur. In eoque, ubi secundum plerasque editiones in *Libro VIII Cap. 20* legitur: *Protarchus Heraclides* reperissent, lectio hæc habetur: *Protarchus, Heraclides*, quid qua vi reperissent. Ex qua lectione, atque *Heraclidis* Tarentini verbis, huic *Celsi* loco respondentibus, quæ *Galenus* in *Lib. IV de Articulis* servavit, vera videtur lectio formari posse. Et, quæ in fine ejusdem Capituli apud *Celsum* in novissimis editionibus leguntur, verba: Potest tamen conditus articulus medius, aut summus, canaliculo aliquo contineri, ea in eodem Codice in *Cap. 24* leguntur, quod rei quam maxime consentaneum est. Præterea, ex hoc Codice, Autor existimat, veram lectionem *Celsi* restitui posse in hoc Præfationis loco, ubi legitur: Nam ne utrum quidem &c. quæ verba in eo Codice ita concepta sunt: Nam utrum quidem, qui minus ad rem pertineat spirante homine, posse diduci. Etiam in *Lib. VII Cap. 26* ex hoc Codice legendum esse ait: qua resima plaga est. Tandemque notatu quam maxime dignum esse videtur, hunc Codicem eam lacunam, quæ in *Lib. IV Cap. 20* in omnibus Codicibus habetur, longe majorem, scilicet a verbo, *imponere* ad *coeuntia*, ostendere.

## LECONS DE PHYSIC EXPERIMENTALE, &amp;c.

hoc est,

LECTIONES PHYSICÆ EXPERIMENTALIS;  
Autore Abbate NOLLETO, Academiæ Scientiarum Pa-  
risiensis, & Societatis Regiæ Londinensis,  
Socio.

Tomus I.

*Tomus I.*

Amstelodami, sumtibus Societatis, 1745, 12 maj.

Plag. 18, Tab. æn. 18.

**E**a est seculi nostri felicitas, ut, relictis inanum verborum nugis, & vanis hypothesium figmentis, in eo tandem convenerint ad unum omnes, naturam per experimenta esse explorandam, nullique, nisi experiundo comprobata, sententiæ locum in Philosophia naturali esse concedendum. Cum igitur celeberrimi in quavis gente viri certatim in eo defudarint, ut de quovis Physices objecto varia experimenta cum cura instituerent, institutave repeterent; res eo deducta est, ut hodie insignem innumerabilium experimentorum apparatus possideamus, ex quo depromere licet conclusiones, tam ad per- vestiganda naturæ arcana, quam ad ipsum usum vitæ, utilissimas. Attamen inficias iri nequit, hoc ipso iis haud adeo esse consultum, qui ad contemplationem naturæ primum accedunt, atque experimentorum ope sibi solidiorem ejus cognitionem comparare cupiunt. Inter experimenta enim, quæ in scriptis physicis traduntur, multa jam obsoleta, eorumque loco alia vel accuratiora, vel magis perspicua, inventa sunt; plurima contra, quibus incognitæ antea veritates deteguntur, quotidie instituuntur; omnia autem ita sunt in variis & non cuivis obviis scriptis dispersa, ut non sine insigni laboris & temporis dispendio optima eorum conquirere liceat. His igitur acceptissimum sit, necesse est, præsens Opus Celeberrimi *Nolleti*, quo perspicue ostendit, se non minus esse sollicitum in recensendis experimentis, quam peritum in instituendis. Posterius quidem constat inter omnes, qui cursibus Physices experimentalis, quos plurimis abhinc annis summo cum applausu Parisiis instituit, præsentibus adfuerunt; prius luculentissime docet ipsa Operis inspectio, omnia libri optimæ frugis requisita præ se ferentis. Methodo usus est optima, & maxime naturali, atque in quavis materia ea selegit, quæ ad solidiorem naturæ cognitionem inprimis conducere possunt. Eum autem servavit ordinem, ut primo rei

E

distin-

distinctam notionem, & quæ de ea generatim dici possunt, stabiliat, dein experimenta, quorum ope cognoscitur, exhibeat; in quibus ita quidem versatus est, ut primum declararet *preparationem*, ad illud instituendum necessariam, postea *effectum* ipsum exponat, tum *explicationem* ejusdem ex principiis physicis proferat, denique *applicationem* ad alia phaenomena, vel ad usum vitæ artiumque culturam, tradat. Scilum adhibuit maxime perspicuum & planum, ut ab omnibus, etiamsi nulla adhuc rerum physicarum mathematicarumque cognitione imbutis, intelligi possit. Quæ enim iis, qui longius in solidiori harum rerum cognitione procedere cupiunt, inservire possunt, ea peculiaribus *Tomis* reservat. Experimenta denique pauca quidem, sed ea, selegit, quæ ad statum rei omnium optime declarandum, atque veritates maximi momenti demonstrandas, accommodatissima ipsi visâ sunt; quamobrem etiam non dubitavit, interdum experimenta valde simplicia & notissima asserre, modo fini huic inprimis inserviant.

Sed age, paulo pleniorẽ ipsius libri notitiã Lectõribus nostris impertiamus. Distinguitur ille in varias *Lectiõnes*. *Lectio prima* considerat proprietates corporum maxime generales, *extensionem* ac *divisibilitatem*, *figuram*, & *soliditatem*. De divisibilitate materiæ inprimis notatu digna est observatio Cel. *Reaumurii*, ex qua patet, unciam auri adeo extenuari posse, ut constituat laminam, cujus latitudo  $\frac{1}{2}$  unius lineæ, longitudo autem 444 milliaria, quorum unum contineat 2000 hexapedas Gallicas; unde numerus partium visibilium in auri uncia fere vim omnem imaginationis superat. Figura corpusculorum illustratur formis insectorum minimorum, quæ in fluidis variis, ut in aqua in qua varix plantæ sunt macerata, acetõ, aqua testas ostrearum repleta, &c. reperiuntur. *Lectio secunda* versatur circa *corporum porositatem*, *compressibilitatem*, & *elasticitatem*. In doctrina de poris corporum notat usum vernicis ad inducenda ova, quo fit, ut, poris ipsorum oclusis, per longum temporis spatium incorrupta conservari possint; quod inprimis usum habere posset in *Historia naturali*, ad peregrina avium genera



genera in nostras regiones commode transferenda. Experimentum illud notatu dignissimum, de aqua globulo metallico inclusa & compressa, quod Academia del Cimento debetur, ipse Autor, sæpius iteratum, verum deprehendit, adeo, ut, globo ope parvi torcularis compresso, aqua sub forma roris per ejus poros transfudaverit. Expositis sic qualitatibus corporum palmariis, & maxime sub sensus cadentibus, addidit Autor digressionem de sensibus, & modo, quo corpora eos afficiant. Sequens *Lectio tertia* agit de *mobilitate corporum*, ipsoque *motu*. Ante omnia considerat vim inertię, qua corpora omnia motui resistunt. Porro evolvit ideam motus in genere, velocitatis, &c. ut & vis mortuę ac vivę, de quarum mensura disceptationem paucis tantum attingit, in neutram partem judicio suo inclinans. Dein aggreditur ipsas leges motus, ac primo quidem *motus simplicis*. Quę hac de re dicenda sunt, ea disposuit secundum tres leges motus notissimas. Primo itaque eam considerat legem, qua corpus omne, semel in motu constitutum, pergit moveri uniformiter in directum, nisi mutetur a causa externa. Duę autem imprimis dantur causę in rerum natura, quę omnia corpora mota afficiunt, eorumque celeritatem continuo imminuunt, resistantia mediorum, & frictio. Resistentiam considerat, quatenus pendet & a densitate medii, & a superficie corporis moti, & ab ipsa ejus velocitate. Frictionem in duas species primarias discernit. Aut enim eadem partes unius corporis applicantur successive diversis partibus alterius, ut sit, si corpus super plano protrahatur; aut diversę partes unius applicantur semper diversis alterius, v. c. si corpus super plano provolvatur. Facile autem patet, illam hac esse multo efficaciorē in corporis motu imminuendo. Hoc vero notatu dignum, priorem augeri quidem crescente corporis velocitate, dari tamen maximum quoddam, ultra quod resistantia, quam corpori infert, pertingere nequit. Hęc enim resistantia exinde oritur, quod eminentię unius corporis continuo incidant in cavitates alterius, unde pars vis motricis impendenda est ad illas a se invicem extricandas, partimque

prominentias rumpendas. Si itaque crescat corporis velocitas, numerus eminentiarum, ex cavitatibus attollendarum, vel partim rumpendarum, dato tempore evadet major, ipsaque adeo resistentia. Quodsi vero eo usque augeatur celeritas, ut, antequam prominentia iterum in proximam cavitatem decidat, ipsum corpus per spatium notabile promoveatur; clarum est, resistentiam sic multum imminui, idque continuo, quo rapidior corporis motus supponitur. Generatim utramque frictionis speciem pendere & a quantitate superficierum, (contra quam quidam Physici statuere voluerunt,) & a quantitate pressionis, magis autem ab hac, quam ab illa, augeri, perspicuis experimentis evincit. Sequuntur jam duæ reliquæ motus leges: nempe mutationem in corpore semper esse proportionalem causæ; & reactionem actioni æqualem. Quemadmodum occasione legis primæ consideraverat causas, velocitatem corporis immutantes; ita nunc in eas inquirat, quæ directionem ejus immutent. Hoc primo accidit, si corpus ad superficiem fluidi appellat, in eaque refringatur, qua occasione explicantur notæ refractionis leges; dein, si corpus inpingat in obstaculum immobile, ibique reflectatur; denique, si duo corpora mobilia sibi occurrant, & utriusque vel celeritas, vel directio, immutetur. Huc itaque pertinet doctrina de collisione corporum, & quidem directæ, quo spectantes leges palmaris atque notissimæ ordine suo explicantur, & experimentis corroborantur. Atque hic finis est eorum, quæ *primo* hocce *Tomo* sibi pertractanda sumsit Autor. Hoc saltem adhuc monebimus, eum spondere in *Præfatione* tale quid, quod omnibus Physicæ experimentali cultoribus gratissimum fore, confidimus: peculiari nimirum Opere se acturum de Instrumentis, ad instituenda experimenta necessariis, eaque tam seligendi, quam construendi, ratione; cujus rei jam specimina quædam in *Commentar. Acad. Paris. A. 1740 & 1741* exstant. Promissi hujus ut memor sit Cl. Autor, in emolumentum scientiarum maximopere optamus. Ceterum *Tomorum* præsentis Operis insequentium notitiam propediem Lectoribus nostris sumus exhibituri.

MISCELLANEA LIPSIENSIA NOVA, AD  
*incrementum Scientiarum ab his, qui sunt in colligendis  
 Eruditorum Novis Actis occupati, per Partes pu-  
 blicata.*

*Voluminis IV Pars II.*

Lipsiæ, in officina heredum Lanckisianorum, 1746, 8.

Plag. 12.

Scenam aperit B. Petri Zornii *Dissertatio de נשיקה*, hoc est, *de Vita & morte beatorum per osculum*. De morte beata commentatus fuit Vir olim Celeberrimus, antequam rebus humanis diceret ultimum vale, ac sese ad æterna componeret. Omen sane faustum! Scripserat Autor hoc opusculum eo consilio, ut id esset sacrum exequiale & literarium filio suo unico, *Adriano Philippo*, Thorunii A. 1742, 29 Jul. variolis Thorunii extincto, ipse ei mox aggregandus. Ex 93 mortis generibus, quæ numerantur Ebræis, mors lenissima & placidissima est, quam נשיקה appellant, quando Deus os suum quasi ad os moribundi applicat, animamque sic elicit, teste *Jalkut Rubeni f. 86, 2.* Judæorum de opinione *iusti*, quos vocant *perfectos*, non moriuntur ab angelo mortis, sed Pag. 194. tantum per osculum. Originem phraseos ipsi desumserunt ex *Deut. XXXIV, 5*, ubi *Moses ad os Domini "על כן"* mortuus esse dicitur. Phrasin illam iidem significato proprio acceperunt, invita interpretatione genuina. Osculatur Deus suos in hac etiam vita *Cant. I, 2, VIII, 3.* Osculatur eos idem obituros. Osculum hoc Judæi varie exponunt. Expositiones hæcæ promit Autor, ac simul de communione piorum cum Messia & Deo mystica disserit. Secundo loco apparet M. J. F. *Frischii Observatio sacra, siſtum Israelitarum factum de liberatione Ægyptiorum intelligendum esse, demonstrans, ad loca Exod. III, 22, & XII, 36.* Veram Ch. Autor interpretationem tum ex vocabulorum vera ac genuina indole, tum ex rerum connexarum serie, forma, & fine, confirmat, additque testimonium *Josephi*. Primo quidem animum attendit ad vo-

206.

208.

- cem **לָקַח**, cui potestatem *trahendi* inhærere ostendit. Id stabilit non solum ex aliquibus hujus vocabuli adjunctionibus, sed ex ex iis quoque loquendi modis, ubi eo *detrahere*, *extrahere*, *subtrahere*, & quæ his sunt similia, significantur. In *Pf. LXIX, 51*, ea vox denotat actionem *extrahendi* ex luto. Conf. *Pf. CXLIV, 7*. De extractione e manibus hostium id vocabulum alibi passim adhibetur. Id ipsum de Deo, facultates
- Pag. 209. *Labani* detrahente, accipitur *Gen. XXXI, 16*. De *subtrahendo ex oculis* teritur 2 *Sam. XX, 6*. Metaphorica inde *liberandi* notio defluxit. Tum vero Autor objectiones, quæ ipsi obstrui possunt, amolitur. Respondet ad locum 2 *Par. XX, 25*. Addit, dici *Exod. XXXIII, 6*, Israelitas sibi ornamenta sua *detraxisse*, **וַיִּצְחֹק**, non spoliasse. Abest igitur a **לָקַח**
217. notio *spoliandi*. Ægyptii certe de emigratione Israelitarum gavisi sunt, *Pf. CV, 38*. Consentit *Josèphus Ant. Jud. II, 5*. Subdit tandem Autor refutationem opinionum, sibi obstantium. Succedit huic Dissertationi *Commentatio Jo. Georgii Walchii D. de Luthero Jenensi*. Jena gloriatur merito de *Luthero*; ac jure illum sibi vindicat, sive ad facta, sive ad doctrinam, sive ad scripta illius, quæ sunt Jenensia, animum adverteris: *Lutherus* Jenam venit, ut *Carolo stadium* A. 1524, 22 Aug. ab errore revocaret. Acta ibique gesta Ven. Autori visum
226. fuit dare integra. Academici Witteberga, quam infestabat pestis, A. 1527 Jenam secesserunt. *Lutherus* tamen
229. Wittebergæ restitit incolumis cum *Joanne Bugenbagio* & *Diaconis. Antonius Musa* A. 1528 primus Evangelicam ecclesiarum Jenæ *visitationem* obiit. Academiam Jenæ condidit *Joannes Fridericus* Elector A. 1548, a filiis ejus A. 1558 consecratam in præsidium solatiumque doctrinæ, per *Lutherum* repurgatæ. Prodiierunt *Lutheri* scripta Jenæ conjunctim, Germanica non solum, sed etiam Latina. Germanicis colligendis ac edendis intentus fuit *Joannes Fridericus*. Institutum perfecerunt tres ejus filii, patre A. 1574, 3 Mart. mortuo. Editio Jenensis prima in lucem prodire cœpit A. 1555, secunda A. 1560, tertia A. 1566, quarta A. 1675, & quinta A. 1685. Scripta *Lutheri* Germanica & Latina, quæ Wittebergæ fuerant evulgata,

gata, multum trahabant navorum. Lis inde coorta de principatu editionis vel hujus, vel illius. *Nicolaus Amsdorffius* & Pag. 236.  
*Matthias Flacius* pugnabant pro editione Jenensi, *Christophorus Waltherus* pro Vitebergensi. Exstant præterea quatuor Volumina scriptorum *Lutheri* Latinorum, quæ Jenæ lucem viderunt A. 1556, 1579, 1600. Inter Codices MStos Bibliothecæ Jenensis sunt nonnulli ad *Lutherum* referendi, e. g. duo Volumina ejus Epistolarum, quibus *Jo. Aurifaber* usus est, cum duos Tomos *Epistolarum Lutheri* ederet, alterum Jenæ A. 1556, alterum A. 1565 Islebiæ. Majore accuratione Codicem illum secutus est B. *Jo. Franc. Buddeus* in *Supplemento Epistolarum Lutheri*, Halæ A. 1703 edito, & A. 1717 in *Collectione nova Epistolarum Lutheri*. Ibidem asservatur versio Germanica Nov. Test. *Lutheri*, formis publicis *Jo. Luffti* Vitembergæ A. 1540 in 4 descripta, variisque observationibus manuscriptis instructa, nec non alia Ver. Test. A. 1539 fol. Vitembergæ ad V. T. edita. In templo oppidano Jenensi invenitur egregium monumentum chalcum, quod accurate effigiem *Lutheri* exhibet. Confectum est id *Joannis Friderici*, Electoris Saxonie, jussu, ut Vitembergæ tanquam epitaphium poneretur. Infelix autem Muhlbergense, quo minus id fieret, impedimento fuit prælium. Unde accidit, ut id Vinariam, ac postea Jenam, transferretur. Hic Dux *Jo. Guilielmus* id in templo collocari jussit. Legitur supra illud hæc inscriptio: Nos, Dei gratia, *Joannes Guilielmus Dux Sax. Landgravius Thuringie, Marchio Misnia*, hanc *Lutheri* effigiem non cultus, sed memorie, gratia huc posuimus anno 1571. Reliqua jam omittimus, memoratu utique digna. Vocat nos Rev. *Jo. Frid. Falckii, Corbejensis, de Codice Traditionum Corbejensium inedito, propediem edendo, commemoratio seu Promissis*. Edisserit inibi Autor institutum suum, originem scripturæ, & Codicis antiquitatem. Exponit suam explicandi Codicem illum rationem. Recenset ea, quæ in edendo Opere leguntur. Raritatem Codicis prædicat. Usus inde hauriendos expromit, elucentes in genealogiis explendis ac emendand-

238.

239.

242.

- dandis, in etymologiis ac onomatologiis, in Historia civili & ecclesiastica, in antiquitatibus Juris Germanici, atque in mediæ ævi Geographia, nec minus in dijudicandis Sigillis. Addit ipse præterea specimen quoddam, traditionum indicem, seu rationem, ostendens, cui annotationes adpersit suas, & rarius *Ludovici Pii Diploma* subjunxit. Excipit hunc laborem *Dissertatio Joannis Christophori Harenbergii de reformatione Geographia mathematica, eaque practica*. Exponit primum ea, quæ ad figuram telluris definiendam faciunt, ac *Newtonianis* accedit, quibus observationes itinerum mathematicorum, in Lapponiam ac Peruviam susceptorum, jussuque Regis Galliarum peractorum feliciter, momentum adjungere potissimum, quo ipsa *Newtoni* sententia emendatur. Additur nonnihil de *Cassinatorum*, *Mairani*, *Desagulierii*, ac aliorum, monitis; de differentia motus pendulorum per regiones, ad septentrionem magis magisque recedentes; de incrementis studii, Geographiæ practicæ iam olim impensæ, ac de ejus nævis; de emendatione Tabularum Geographicarum proxime speranda; de methodo B. *Joannis Matthiæ Haasii*, in locum *Sanfonianæ* collocanda, ac usu terenda; de Meridiano primo vario, atque optimo eo, quem *De l'Isle* determinavit; de Tabulis longitudinum ac latitudinum, ac harum observationibus; de littorum descriptionibus; de Tabulis, pro Geographia præfati ævi adornandis; ac de *Melite*, *Pauli* naufragi hospitio, in *Adria*, nullatenus in mari *Ionio*, vel *Siculo*, quærenda, ac loco quodam *Ptolemæi* Geographi corrupto. Animus porro advertendus est ad M. *Gottl. Erdm. Zeibichii* *Questionem conjecturalem de Jove Vicilino, ad Livii XXIV, 44*. Dolendum sane est, quæstionem de nominibus ac cognominibus Deorum dissensionibus veterum scriptorum esse implicatam, ac amissu librorum, de Diis olim conscriptorum, obscuritati immersam. Difficultas accedit huic obscuritati nova, si nomen Dei cujusdam duntaxat apud scriptorem unicum, unicumque tantum loco, legitur. Talis erat Deus *Pausus*, *Vibilia* Dea, *Jupiter Velsurus*, *Cingiduus*, *Paganicus*, *Vicilinus*. Locum
- Livii*

*Livii* ipsum Vir Cl. illustravit. Idem, sibi probabile videri, ostendit, *Jovem Vicilinum* existisse Deum tutelarem vico- Pag. 323.  
rum, atque adeo rusticum numen. Fuit quidem *Jupiter*, vel *Jovis*, urbis urbiumque custos. Fuerunt tamen & vicis sua numina, sui lares, agri custodes, Dii *παδιονόμοι*, quos *Æschylus* τοῖς πελαγείοις θεοῖς opposuit. *Apollinem* a rusticis fuisse cultum, constat. *Bacchum* quoque vicis præesse, veteres voluere. *Priapum* spurcum omittimus jam indictum. Vici Attices æque ac astu *Minervam* voluerunt tutatricem. *Dianam* a vicis cultam, tradit *Pausanias*. *Venerem* Cenchreis præfuisse, notum. 334.  
Nec *Pluto* in enumerandis vicorum Diis prætereundus. Veteres *Jovem* dixerunt *Larem caelestem*, id est, cœli præfectum. *Jupiter Axurus* arvis præsidere traditur a *Virgilio* *Æn. VII, 799*. In Insula Italiæ, Capreis, villa existit *Jovis*, teste *Suetonio* in *Tiberio Cap. 65*. *Jupiter* 344.  
*Labrandensis* haud ignotus est, dictus a *Labranda*, vico Mylacenſium in Caria. *Jovem Vicilinum* Noster non disſerre a *Paganico*, tandem nobis perſuadet, ostendens, eum vicorum viarumque præſidem exſiſtiſſe armatum, ægida tenentem. *Hesiodus* pluries hunc vocavit αἰγιοχόν. *Vicilius* videtur dictus ex *viculo*, quaſi *Viculinus*. Dixit & ediſſerunt Cl. Vir omnino ea & ſolide & eleganter, quæ de argumento ſatis obſcuro probabiliter poterant exponi. Sequitur difficillimam traſlationem *Frid. Ottonis Menckenii Obſervatio ad tria Valerii Maximi loca*. *Primus* locus legitur I, 5, §. 4, ubi pro ver- 365.  
bo *perſediſſet* reſcribendum eſt *perſitiſſet*. Nam diu ſtare eſt *perſtare* apud *Valerium*. *Secundus* obviam ſe dat le- ctori locus IX, 12 Ext. §. 10, ex quo vocula *ne* eſt exter- minanda, ac reponenda ut. *Tertius* locus ſe offert VII, 6 Ext. §. 3, ubi vox *libertatis* eſt retinenda, licet ad eam omnes fere ad unum Critici offenderint. In præſens ruſſum, ſi hoc adſicere licet, ita ſumus animati, ut judicium noſtrum hic ſeponamus, noſtras vero opellas

arbitrio usibusque civitatis eruditæ permittamus, in iudicio ejus acquiescentes.

**HISTORIA VITÆ ET OBITUS JOANNIS**  
*Henrici Suiceri, Joannis Caspari filii, S. S.*  
*Theologiæ Doctoris, Canonici & Professoris Ti-*  
*gurini, Antistitis & Consilarii Archipalatini Refor-*  
*mati, celeberrimi, Autore JOANNE RUDOL-*  
*PHO WOLFIO, Ecclesiæ Wyacensis in agro Ti-*  
*gurino Pastore, & classis Eglisfavianæ*  
*Decano.*

Tiguri, apud Heideggerum & socios, 1745, 4.

Plag. 14.

**D**escribunt vitas Poetæ, Oratores, Historici. Illi quidem poeticis utuntur fictionibus, imaginibus, genio, verbis. Isti, sive laudationes consignent *ἀναλυτικὰς*, sive *συγρητικὰς*, oratoriam exornationem ac *παρορυσίαν*, cum locis communibus longioribus ac generalibus accommodationibus admiscunt. Hi demum vel pragmatici sunt, vel narratores. Priores illi regulas prudentiæ & considerationes breviores inserunt; posteriores saltem res circumstantes secundum ordinem vitæ referunt; utrumque genus stilum amat tenuiorem ac floridum. Ad primaria maxime genera quod attinet, ne fiat *μετάβλησις ἐς ἄλλο γένος*, cavendum est. Multo magis autem, ne fiat omnium istorum generum confusio. Quatenus illas regulas observaverit Clarissimus vitæ hujus, literariæ potissimum, Autor, penes alios esto iudicium. Nos, hic parum pensi habentes, quid genius, aurem vellens, dixerit, quidve antiquus Poeta, cujus locus digressionibus viam longioribus sternit, ipsam vitæ *Suicerianæ*, dignæ omnino narratu, conditionem quæ spectant, observemus. Patria is Tigurinus,

ex



ex familia, quæ principi Helvetiorum pago Suitæ primordia debet; unde A. 1401 *Jo. Baumgartnerus*, qui est inter Nostri majores, Tigurum migravit, natus fuit A. 1646, die 6 Aprilis. Avum habuit *Rudolphum Suicerum*, V. D. M. Pastorem primo Cynopedianum, post Owängensem, & Capituli Cynopediani Decanum; patrem A. 1643 Pastorem Basalingensem, sequenti præceptorem primæ classis Carolinæ, ac præcentorem in templo Basilico, A. 1646 Collegii novi Inspectorem, & Professorem linguæ sanctæ in Collegio humanitatis, unde ad alias dignitates adscendit. Doctores coluit filius *Henricum Wolpbium*, *Jo. Lavaterum*, *Casp. Hirzelium*, *Jo. Huldricum*, & anno ætatis 22 ad humaniora studia promotus, sub *Casp. Wolphio*, seniore, *Jo. Lavatere*, *Henr. Ottio*, *Jo. Müllerero*, profecit, inprimis autem parenti Græca debuit & Ebræa, Philosophiam a *Jo. Casp. Waserio* præsertim didicit; quo & Præside anno ætatis 17 autor de Metaphysicæ existentia, & ab aliis disciplinis differentia, publice disputavit, laudatum quoque *Müllerum* in Historia ecclesiastica ducem elegit. Inde ad Theologos transit, *Henricum Hottingerum* & *Henricum Zellerum*. A. 1664, Præside *Jo. Henr. Zellero*, examen summa cum laude sustinuit sacrum, & paulo post, habita oratione sacra *δευσιμαστικῇ*, ad ministerium sacrum consecratus fuit, anno ætatis 18, simulque Philosophiam docere discipulorum omnis generis frequente confluxu cœpit. Postea nobili juveni, *Geraldo Edlebachio*, moderator constitutus, iter suscepit literarium d. 20 Aprilis A. 1665 per Helvetiam & Germaniæ partem. Genevæ quatuor menses consumpsit, linguam Gallicam addiscens, alia privatim docens. Hanoviæ primum linguæ Græcæ ac Philosophiæ Professor constitutus est a Comite *Friderico Casimiro*, non sine æmulis ac malevolis, virtutis comitem perferentiscens. Habuit ibi A. 1665 d. 15 Octobris Dissertationem philosophicam, quæ breve & succinctum theoreticæ Philosophiæ theatrum exhibuit; die 20 Octobris Orationem auspicalem, quæ tota hic inseritur. Hinc sub anni sequentis initium Logicam docere, & Epistolam ad Romanos explicare, cœpit. Opus

hic suum adeo diligenter & fideliter obiit, ut nullam horam, intercedentibus gravissimis etiam curis, negligeret. Quæ propositurus erat, diligentissime prius meditabatur, ita ut non solum literis, sed etiam memoriæ, mandare solet omnia. Proposuit etiam alias Disputationes, Decadem positionum physicarum de ecstasi, Decadem positionum logicarum, de Logica in genere, Exercitationes logicas, nova methodo adornatas, tres. Orationes etiam sacras in cathedra Gallica non raro habuit, tam feliciter eadem in lingua progressus. Nec minus in Poesi profecit. Revocatus autem anno nondum elapso in patriam est, ibique Orationem habuit, quæ & ipsa hic legitur, qua impossibilem Reformatæ ecclesiæ cum Romana syncretismum compositæ monstravit. Hinc 3 Nov. Birmenstorffensium Pastor est constitutus. Paulo post *Annam Mariam Edlebachiam*, nobilis *Jo. Jac. Edlebachii*, Mecænatis sui, filiam sibi desponsavit, & cum ea die 27 Octobr. A. 1668 conjugium iniit, quæ vero anno subsequenti morte ipsi fuit erepta. Anno post ad secunda Noster vota transiit, ducendo *Dorotheam Hurteram*, *Jo. Caspari Hurteri*, Scaphusiani præpositi Wagenhausensis, filiam. Interim etiam elaboravit Compendium Physicæ *Aristotelico-Cartesianæ* methodo erotematica, cui breve & succinctum Philosophiæ theoreticæ theatrum præfixit. Editus est liber Amstelodami A. 1685, atque iterum A. 1691, adjecta ad calcem Ontosophia *Claubergiana*, Basileæ. A. 1673 Apocalypsin explicare nisus est. Liber autem, qui inscribitur *Orbis & ecclesiæ fata*, non paucos habuit malevolos. Cum optimus *Suiceri* parens, senio fractus, missionem obtinuisset, eidem in Professione Græca & Canoniatu A. 1684 suffectus Noster est. A. 1692 Scholarchæ dignitas accessit, quo & Ebrææ linguæ Professionem accepit. Neque tamen & hic intactus impetu malevolorum mansit. Composuit inde, cum pluribus aliis scriptis, Epistolam apologeticam, quæ hic inseritur tota. Alium quoque sensit casum A. 1700, qui tertiis nuptiis locum fecit; cum ex secunda conjuge, per triginta annos, quindecim sustulisset liberos. Sed lætiora sequebantur fata, cum Princeps Elector Pala-

Palatinus, splendidis conditionibus oblati, Antistitem & Consiliarium rei sacrae primum nominaret. Ideo Augustæ Rauracorum summos in disciplina sanctiore honores obrinuit, cuius dignitatis Diploma hic legitur. Scriptum est hoc a *Sam. Werenfelsio*, Brabeuta, A. 1705, & absenti missum. Sed Heidelbergæ non diu vixit. Eo enim postquam venit, aquis Swalbacensibus utebatur, tam sinistro successu, ut mortem cum vita commutaret. Adeo & hæc mutatio fuit periculosa.

*RATIO ORDINATIONIS VERBORUM, PRISCIS Romanis Seculo aureo usitata, quoad fieri potuit, exposita ab AUGUSTINO GABRIELE GEHLIO, Gymnasii Stad. Rectore. Ad genium Latinum ex Virg. Ecl. 7:*

Nos te marmoreum pro tempore fecimus; at tu,  
Si te docta cohors ornaverit, aureus esto!

Hamburgi, apud Christ. Wilh. Brandt, 1746, 4.

Plag. 13.

**L**audamus diligentiam Cl. Autoris, qui, quod maxime optarent eruditi, cum ad firmitus fundamentum pertineat Latini sermonis, ejusdem ordinem certis quibusdam regulis, quæ saltem accuratorem perquisitionem merentur, includere laboravit, easdemque, scriptores liberos ac numeris adstrictos conjungens, XXX nominatim regulis inclusit. Officio nobis nostro fecisse satis videmur, ac nucleum libri proposuisse, has ipsas si breviter excerpamus. Sunt autem I: Pars orationis Latinæ est vel *patbetica*, id est, quæ voce vehementius *contenta* pronuntiari solet, vel *significans*, qua digitur quasi ad rem *animo* auditoris, aut lectoris, *infigendam* intendimus, eamque *distinctam* volumus; e. g. verba *Cicero- nis ad div. I, 5, 12: Coram me tecum hæc eadem agere sape co-*  
nantem

*nantem deterruit pudor quidam pane subrusticus, ex mente Nōstri primum verbum habent πᾶντα, seu tonicum, postremum significans, seu distinguens. II: Persona, vel ejusmodi quidpiam, quod subiectum Philosophis appellatur, significanter sequitur partem orationis patheticam. III: Præponitur autem, quotiescunque naturaliter & propter argumentum prius concipitur, vel est ipsum patheticum, aut etiam ad orationem refertur antecedentem. IV: Quod cum præceptionibus superioribus est continens, nomina, pronomina, verba, adverbia, sive pathetica, sive connectentia, præcedunt partes orationis reliquas, etiam conjunctionem & relativum. V: Verbum continuo sequitur particulam connectentem, vel quaecunque connexionem, propter ultimam partem orationis significantem. VI: Partes orationis patheticæ & significantes habent verbum medium. VII: Sæpe πᾶτος quoddam videtur *duo verba*, vel *participium* cum verbo, *adjectivum* item, præcedere, nec tamen magnopere curatur, eamque ob causam verbo *finito*, aut *infinitivo*, *posse*, *solere*, &c. terminatur. VIII: Ceterum omnino solent Romani *participium*, *adjectivum*, *pronomen*, *substantivum*, & *adverbium* etiam, ordinare, ne verbum, alioqui secundum Germanos recentes præponendum, fere obtineat locum ultimum. IX: Sæpe tamen, inverso ordine; *verbum finitum* orationem orditur, more Germanorum, idque propter finiens *nomen*, *pronomen*, *verbum*, & *adverbium* significans. X: Cum *interrogatur*, *verbum finitum* capiat locum *ultimum*. Solet tamen et fere verbum vel ob πᾶτος ordiri, vel illud prope ultimum excipere pars aliqua *significans*. XI: *Verbum*, (participium, nomen, pronomen,) loco *medio* positum, proxime *aliud verbum* (participium, adjectivum,) sequitur, idque *regens* unam, vel aliquot simul *partes significantes*. XII: Disjunguntur autem duo verba, nec jam obtinent locum medium, propter *partem patheticam*, cui *verbum posterius* cedit, ac fere in locum ultimum rejicitur. Eadem ratio est rejecti adjectivi. XIII: Nomina, pronomina, & adverbia, *signifiantia* solent esse *media**

*dia* inter *regentem infinitivum* (participium, adjectivum,) & *verbum finitum*, vel, pro illo, infinitivos: *posse, debere, solere, esse*. XIV: Quod modò de infinitivo, participio, adjectivo, *regentibus*, dictum est, *non regenti* etiam *adjectivo* convenit, quotiescunque & *patheticum* est, & *prædicatum*, ut præcedat, medioque (rarius ultimo) loco collocetur substantivum mediocriter *significans*. Quid? quod substantivum etiam, cum prædicatum est, præcedit. XV: *Significans* autem prædicatum habet locum *ultimum*. XVI: *Adjectiva*, (substantiva,) *pronomina*, & *numeralia*, (præter positum Germanico similem, sermone ordinario, ut: *suas copias, tuas literas*,) duplici de causa substantivum (pronomen) *antecedunt*, primum, si *significans substantivum* est, deinde, si sunt ipsa *pathetica*. XVII: Sed sequuntur *adjectiva, pronomina*, (substantiva, adjectivis similia,) *numeralia* item, 1) ob substantivum *patheticum*, 2) cum sunt significantia. XVIII: Et *genitivi significantes* substantivum *sequuntur*. XIX: *Pronominis* (adjectivi etiam & participii minoris momenti, itemque numeralis,) *adjectivo & substantivo* iungendi varia ratio est. Nam 1) construitur illud *more Germanorum*, plerumque *ordiens*, antecedensque adjectivum & substantivum; 2) *sequitur prædes* adjecti ordientis; 3) *sequitur significans* substantivum, vel adjectivum *medium*; 4) *medium est* inter substantivum & adjectum (raro pronomen) *significans*; 5) *præcedit* substantivum, sequente adjectivo *significante* (raro substantivo *significante*). XX: Ut verbum, sic alix etiam *levioris momenti partes*, partem fere *patheticam & significantem* *disjungunt*. Eadem ratio est disjunctis *parentes*. Ceterum maxime huius loci est sejunctio adjectivi & substantivi. XXI: *Adjectivum significans*, ad substantivum antecedentis commatis fere pertinens, refertur ad relativum commatis sequentis. Huius loci & substantivum est, postpositum relativo, e. g. quas fecisset fabulas. XXII: Particulæ connectentes, *non-sed, primum-deinde, et-et, aut-aut, cum-tum*, cet. sequuntur verbum (nomen, adverbium,) nisi vel ipsæ patheticae sint, vel, sequente *prædes*, ordinantur. XXIII: Coniunctiones, *pronomina*, & accusativus cum infinitivo, *interponuntur*,

*ponuntur*, aut *præmittuntur*, propter continentem cum ipsis partem patheticam. XXIV: Nomina, pronomina, & adverbia, fere pathetica, *precedunt verbum* sic, ut pertinens ad ea *infinitivus sequatur*, vel etiam particula dubitanter interrogans cum verbo. XXV: *Ne* (nec) & *quidem* aliqua orationis parte *dividuntur*; particula quoque *conneclens*, cum verbo, vel participio, interponitur. XXVI: *Nec non*, quo vulgo pro *et* utuntur, ita tantum adhiberi potest, si verbum vel sequitur, vel (quod raro fit) intelligitur. Respondet enim τῶ *nec minus*. XXVII: Adolescentibus, rite orationem ordinare cupientibus, incredibile adjumentum afferet sententiæ alicujus, vel periodi Latinæ, ejusque connexionum, diligens imitatio. XXVIII: *Epistolarem* prius *stilum* exerceas, quam ad fastigium illud orationis adspires; omnia vero hic erunt in *articulis conneclentibus* posita, quas negligere vir scriptor poterit, adolescens, ut ordine se cuidam assuefaciat, non debet. XXIX: Adjumentum opinionis majus ad veram ordinationem est observatio eorum exemplorum, quæ *consecutioni hodiernæ nostræ* æqualiter respondent, sive *absente* particula, sive, quod frequentius est, *ordiente*. XXX: Si, quod sæpe accidit, Autor aliquis aliter ordinat, vel a reliquis discedit, non hoc inconstantia tribuendum, sed diversæ cogitationi. Fieri enim potest, ut nunc in vi pathetica, nunc in significante, illam ponat. Lectorum judicio permittimus, istis de regulis, earundemque pretio, quicquid statuere velint. Nos certe multa ibi bonæ frugisprehendimus. Inprimis autem *vicesima septima* inter ceteras omnes eminet quam maxime, utpote qua imitatio mascula, stilique copia & varietas, plurimis, iisque elegantissimis, exemplis demonstratur, quippe cum una illa sententia, *oria dant vicia*, secundum 58 diversa *Ciceronis* loca imitationi subiecta toties ac sæpius aliis verbis proponitur. Applaudimus igitur instituto Cl. Autoris, per se honesto, & ita comparato, ut, si plana doctus institutio, & sedula adolescentum exercitatio, accedat, hinc multum emolumenti expectari juventuti, elegantiorum literarum studiosæ, possit.



# NOVA ACTA ERUDITORUM,

*publicata Lipsiæ*

*Calendis Februarii Anno MDCCXLVII.*

*BIBLIOTHECÆ MEDICÆ, LAURENTIANÆ  
& Palatinæ, Codicum MStorum Orientalium Catalogus.*  
*STEPHANUS EVODIUS ASSEMANNUS, Archi-*  
*episcopus Apameæ, recensuit, digessit, notisque illu-*  
*stravit, ANTONIO FRANCISCO GORIO*  
*curante.*

Florentiæ, ex typographia Albiziniana, 1742, fol.

Alph. 2 plag. 16, cum Fig. zn. 26.

**M**agnum est atque illustre *Assemannorum* in orbe literato nomen, qui Orientis antiqui rudieribus investigandis, & in doctorum hominum utilitatem convertendis, nulli labori, vigiliis nullis, nullis denique periculis & itinerum longissimorum incommodis, cesserunt. Loquitur hoc abunde Bibliotheca orientalis, a Cel. *Assemanno*, Nostri avunculo, adornata, opus numeris omnibus absolutissimum, & incredibile doctrinæ, literarumque orientalium peritiæ, testis locupletissimus, quod hic multis laudibus exornare, eo minus videtur necessarium, quo majori cum admiratione ab omnibus, qui harum rerum deliciis ducuntur, exceptum est. Habet igitur Florentia, imo habent hoc in eruditionis genere versati omnes, de quo sibi gratulentur, quod Codices MStos Orientis, in scriniis Florentinis dispositos, e situ & tenebris in lucem protraxerit, eorumque notitiam dederit, *Assemannus*. Maximæ etiam grates debentur summo Germaniæ nostro Moderatori, *Francisco I*, Principi ob incomparabilem ergo bonas artes favorem famæ

G

ster-

æternitatem jam dudum consecuto, cujus Augustissimo nomini Opus hoc consecratum est. Sub ejus certe divinis auspiciis non solum magnus Etruriæ Ducatus inconcussa quiete & felicitate fruitur, verum & eruditi, tanti Principis clementia incitati, in excutiendis Florentinarum Bibliothecarum thesauris veluti certatim laborant. Neque Viri Celeberrimi, *Antonii Francisci Gorii*, in hoc Opus merita sicco pede prætercunda sunt; quem has ipsas lucubrationes evulgasse, Celi Auctor in Præfatione declarat. Non olim cogitaverat is, se Bibliothecarum Medicearum indices, ad linguas Orientis pertinentes, unquam contexturum esse. In Vaticana enim Bibliotheca abditus, libris se atque orientalibus literis hic unice tradiderat. Cum autem postea *Josephus Calasancius* Florentiæ signa divinitus edidisse diceretur, divis ex more Romanæ Ecclesiæ ideo annumerandus; accidit, ut *Clemens XII*, Pontifex Maximus, causæ huic rite atque ex ordine cognoscendæ *Assemannum* nostrum eo delegaret. Hac occasione data, Florentiæ Patrum scholarum piarum hospitio usus est, quorum quidem ordinem *Josephus Calasancius*, & religionis & literarum causa, fundavit. Cum autem eorundem Patrum doctrina & familiaritate intimius frueretur, cum aliis etiam Florentiæ eruditis amicitiam contrahens, Bibliothecas istius loci perscrutatus est, in quibus non pauca orientalis literaturæ vidit monumenta. Dux autem ex Bibliothecis Mediceis præ aliis in sui admirationem rapuerunt Nostrum, Laurentiana nimirum & Palatina, sed, quod ad orientalium Codicum copiam atque præstantiam attinet, inprimis Palatina. In hac enim quam plurima optimæ notæ & venerandæ antiquitatis volumina, orientalibus linguis conscripta, Hebraica, Chaldaica, Syriaca, Arabica, Persica, Turcica, Armenica; Habessinica, Coptica, invenit. Dolendum simul vehementer censuit, tantum orientalis sapientiæ thesaurum, cum temporum injuria, tum eorum negligentia, qui orientales linguas minus callebant, tam male habitum fuisse, ut prope ab interitu abesset, neminemque adhuc repertum esse, qui hunc thesaurum Latinis hominibus ostenderet, atque patefaceret, mira-

tus



tus est. Aderat quidem horum librorum Catalogus, *Confusi* III tempore ab Anonymo quodam confectus, qui tamen tot nugis erroribusque scatet, ut nullum omnino pretium ei statuendum sit, neque ulla utilitas ex eo possit redundare. Autor enim ejus, linguarum orientalium, præterquam Syriacæ, cujus aliqua tinctus erat notitia, plane rudis atque ignarus, confingere interpretationes, quas voluit, ausus est, easque adeo monstrosas atque a vero alienas, ut mirandum vehementer sit, eum ita audacter atque secure imponere lectoribus potuisse. Exempli loco Cel. Autor commemorat *Thomam a Kempis*, Arabice conversum, cujus Codici scriptor ille præposuit hunc titulum Latine: *Historia Prophetarum Mahomedanorum*. Hujus autem farinæ deliria atque errores bene multi in isto Catalogo deprehenduntur. Pleraque etiam, quæ legere non potuit, damnavit, adscripta plerisque libris hac nota: *Hic liber nullius pretii*. Quæ vero legit scriptorum nomina, detorsit vehementer atque depravavit. Hinc, nihil isto Anonymi scriptoris Catalogo Bibliothecæ Palatinæ, & Codicum ejus dignitati, injuriosius esse posse, Cel. Autor didicit. Rem vero se facturum longe pulcherrimam atque utilissimam, animadvertit, si Catalogum novum conderet, quo & scriptorum nomina, & librorum singulorum argumenta, quæque insuper notatu digna essent, breviter & distincte complecteretur, & sub unum veluti conspectum lectori exponeret. Res laboris & difficultatis utique erat plenissima. Confusi enim inter sese mirum in modum erant Codices, paginæque suis locis dimotæ, & in aliena loca, alienaque etiam volumina, immixtæ, neque ulli in iis libris tituli, aut numeri, aut etiam capita, conspiciebantur. Nunquam igitur tantum laborem aggressus esset Cel. Autor, nisi secunda auspicia Magni Etruriæ Ducis, Imperatoris hodie Romanorum invidiosissimi, Procerumque amplissimorum hortationes & monita, accessissent. His enim autoribus atque suasoribus fecit, quantum potuit, ut non in ordinem modo cuncta redigeret, suisque locis ac libris dispersas chartas restitueret, sed etiam singulis voluminibus titulos ac breviora Latine inscriberet,

aeque in certas quasdam classes scriptores digereret. Quoniam vero nudi ac soli voluminum tituli, solaque scriptorum nomina, Latinis ut plurimum auribus ignota, parum, aut nihil, ad sacram profanamque eruditionem, cujus alioqui sunt ii libri refertissimi, aut ad orientalis etiam historiae notitiam, conferre possent, nisi observationibus quibusdam atque animadversionibus illustrarentur: visum simul ei est, ad hunc ipsum Catalogum animadversiones suas atque annotationes adungere, quibus tum scriptorum aetatem, patriam, scripta, tum ipsorum Codicum formam, argumentum, tempus, quo sunt illi perscripti, iudiciumque de his omnibus suum, & si qua alia de istis Codicibus scitu notatuque digna occurrerant, accurate & diligenter exponeret. Hoc in labore se eo libentius atque alacrius versatum esse, profitetur, quod, hoc pacto gloriae Mediceorum Principum velificari, & *Annae Alexissae* Mediceae, Palatini Electoris viduae, cujus laudes ampla oratione concelebrat, rem pergratam facere se, intelligeret. Humanitate & clementia istius Principis adeo se ad hunc laborem excitatum esse ait, ut, totius operis, atque confecti Catalogi, laus ei potissimum debeatur. Optaverat insuper Cel. Autor, ut, quemadmodum in Vindobonensis, Lugduno-Batavae, aliarumque Bibliothecarum, Catalogis factum est, ita haec quoque librorum orientalium recensio ipsis prius Codicum scriptorumque linguis exhiberetur, eique dein Latina interpretatio adjungeretur. Verum defectum hunc typorum, qui ad manum non erant, postea, apposis ad singulos Codices notis, positisque ante Catalogum ipsum Syriacis, Arabicis, aliisque etiam aliarum linguarum, titulis, si Hebraicos excipias, supplendum curavit. Excusi sunt isti tituli Romae, typis sacrae Congregationis de propaganda fide. Quorum si Latinam interpretationem nosse quis velit, relegenda sunt, quae in ipso Catalogo sub numeris Codicum, paginarum, linearumque titulis singulis, sunt praenotata. Ut denique ad maiorem Catalogi hujus intelligentiam nihil esset, quod Lectorem in orientalibus epochis moraretur, orientales ipsas epochas, suis quasque locis ad

arum

zram Christianórum exactas, atque secundum accuratam cé-  
lebriorum Chronologorum computationem constitutas, apponi  
curavit. Primum in hoc Catalogo occupant locum Laurentianæ  
Bibliothecæ Codices. Et quidem Codices sacri agmen inter eos  
ducunt. Differit adeo Cel. Autor de sanctis quatuor Christi  
Evangelii, a *Rabulo Calligrapho* Syriace A. C. 586 scriptis in  
monasterio S. *Juannis in Zagba*, urbe Mesopotamiæ. Prio-  
ribus Codicis duodecim foliis præfigitur Epistola *Eusebii Pam-  
phyli*, Cæsareensis, ad *Carpianum de Harmonia quatuor Evan-  
gelistarum*, una cum decem ejusdem *Eusebii & Ammonii Ale-  
xandrini* Canonibus. Exstant quoque in illo Codice XXVI  
picturæ, varias Novi Veterisque Testamenti historias exhiben-  
tes, quas, æri incisas omnes, Cel. Autor edidit, &, quid una-  
quæque earum contineat, explicavit. Noviori etiam manu  
in foliis bombycinis conscriptus in eo Codice visitur index  
lectionum Evangeliorum, quæ in Syrorum conventibus sa-  
cris per anni circulum recitantur. Indicem vero hunc Co-  
dici a recentiore manu adjectum fuisse, ex eo Cel. Autor col-  
ligit, quia folia, in quibus est scriptus, tum minora reliquis  
membranaceis, tum etiam bombycina, sint, quæ ferme ante  
Seculum undecimum Orientalibus incognita fuere, cum Co-  
dices omnes, memorato Seculo antiquiores, in membranaceis  
foliis scripti cernantur. Quamvis autem index ille Codi-  
cis ætatem non æquet; satis antiquum tamen esse, ex  
ductu literarum Cel. Autor colligit, Seculo nimirum duode-  
cimo conscriptum, una cum notulis lectionum, eidem respon-  
dentibus, quæ in margine Codicis passim leguntur, in qui-  
bus cum *Severi*, Patriarchæ Antiocheni, mentio fiat, palam ex-  
inde fieri putat, scriptorem earundem Jacobitica hæresi infe-  
ctum fuisse. Insuper, *Matthæum* Hebraice Evangelium suum  
scripsisse, hoc in Codice innuitur, cum in fine istius Evan-  
gelii hæc verba legantur: *Explicit Evangelium Matthæi, qui  
scripsit Hebraice in Palaestina*. Imo verba Christi, e cruce pen-  
dentis: *Illi, illi, lamina sabaellani*, in Evangelio *Matthæi* inter-  
pretatione hoc in Codice carere, eadem tamen verba apud  
*Marcum & Lucam* explicari, & ex eo palam fieri, linguam

Pag. 2.

3-9-

- Hebraicam, qua *Matthæus* spum scripserit Evangelium, re vera Syriacam fuisse, tum quia verba illa Syriaci idiomatis sint, tum quia Hebraicus sermo, quo scriptum esse *Matthæi* Evangelium supponitur, si alienus a Syriaco fuisset, prænotatis Christi verbis, *Matthæus* utique interpretationem apposuisset, Cel. Autor monet. Quicquid horum sit, neminem tamen in hodierna literarum luce in illam sententiam concessurum esse, quod Hebraice scripserit *Matthæus*, certissime credimus. Usus apud Orientales invaluit, ut omnia notatu digniora, ne perirent, in sacris Codicibus describerentur. In nostro etiam Codice monumenta, ad Antiochenos Maronitarum Patriarchas spectantia, & legata, seu donationes, monasteriis patriarchalibus factæ, ad marginem nonnullorum Codicis foliorum annotantur. Ipsa hæc monumenta ex Syriaco & Arabico sermone Cel. Autor summa cum cura affert. Antea vero de horum Patriarcharum origine, sedibus, ac serie, nonnulla præfari, operæ duxit præcium. Syriacam adeo Maronitarum nationem, a prima D. *Petri* in Syriæ partibus prædicatione ad nostra usque tempora, Catholicam doctrinam sic integram illibatamque tenuisse, ut inter maxima hæreticorum, schismaticorum, atque infidelium, dissidia & vicissitudines in nullum unquam errorem inciderit, Cel. Autor contendit. Probationis loco excitat antiqua documenta, quæ *Faustus Naironius* in Dissertatione de origine, nomine, & religione Maronitarum, A. 1679. Romæ evulgata, attulit. Provocat etiam ad plures summorum Pontificum Epistolas, ad illos datas, quas omnes sigillatim excitat, &, a quo, & quo tempore, scriptæ fuerint, exponit. Recentissima illarum est *Clementis XII* ad *Josephum*, Patriarcham, Archiepiscopos, & Episcopos Maronitas, A. 1735 data. Omnes illas Epistolas in Præfatione Synodi Maronitarum, A. 1736 in monte Libano, præfidente *Josepho Simonio Affemanno*, Nostri avunculo, celebrata, haberi commemorat. Cum *Severus*, Antiochiæ Patriarcha, quod duas in Christo naturas negaret, & Chalcedonense Concilium rejiceret, anno 518 exeunte, depositus fuisset, in ejusque locum *Paulus*, quidam orthodoxus successisset, ab

eo tempore Antiochenam sedem in partes scissam esse, & Syros Jacobitas coepisse suos habere in Syria & Mesopotamia Patriarchas, ab his, qui *Paulum* ante dictum exceperunt, diversos, Cel. Autor observat. Centum fere post annis alia in eodem Patriarchatu facta est inter Syros Maronitas & Melchitas divisio, quæ, ex Cel. Autoris sententia, ad nostra usque tempora perduravit. Qui nimirum Syriam & Phœnicen sub uno eodemque Patriarcha constituti incolebant, in duas civiles sub Saracenicæ imperii exordio factiones scissi sunt, quorum alii, qui Imperatori Constantinopolitano parebant, Syro vocabulo *Melchita*, id est, *Regii & Imperiales*, dicti fuerunt, alii, qui, Imperatoris jugo excusso, proprium sibi ducem creantes, Phœnicen maritimam & mediterraneam obtinuerunt, *Mardaita*, seu *rebelle*s, appellati sunt. His postea Maronitarum nomen esse impositum, Cel. Autor observat, quod, *Theophane*, communi utriusque gentis Patriarcha, defuncto, *Joannem*, e celebri Sancti *Maronis* ad Orontem fluvium posito Monasterio, Patriarcham sibi crearunt, cujus tempore Mardaitarum nomen in Maronitas transit. Id A. C. 685 accidisse, memoratæ autem illius factionis initia ad annum circiter 622 referenda esse, ex annalibus Arabicis Patriarchæ *Stephani Aldoensis*, qui in Bibliotheca Vaticana asservantur, & Synodo Maronitarum, A. 1736 celebrata, liquere, Cel. Autor monet, ex cujus etiam Synodi actis originem hanc Maronitarum Patriarcharum se decerpisse, fatetur. Patriarchalis igitur sedes Antiochena, quæ una fuerat, totique Orienti imperaverat, in quinque partes Seculo septimo scissæ est. Unaquæque enim Christiana gens proprium sibi constituit Præsulem: Melchitæ scilicet, Jacobitæ, Nestoriani, Armeni, quibus Seculo duodecimo sextus accessit, Latinorum, nempe Patriarcha. Cum enim Latini, seu Franci, terram sanctam & Syriam obtinuissent, A. C. 1101 primum Latini ritus Patriarcham *Bernhardum* a Pontifice Romano præficiendum sibi curarunt, & quamvis sexaginta post annis e Syria excedere a Saracenis coacti essent, titularem tamen Antiochiæ Patriarcham ad hunc usque diem retinent. *Joannes* igitur, de quo supra dictum est, primus Maronitarum Patriarcha.

Pag. 16  
seq.

24.

25.

Patriarcha existit. Quamvis autem ei titulus Patriarchæ Antiocheni, approbante Pontifice, fuerit concessus; cum tamen Antiochiæ propter alienigenas sedere nēquiverit, idcirco in Phœnice, sive in monte Libano, sedes patriarchalis collocata est. Ex annalibus interim Maronitarum constat, A. C. 685 ad nostram usque ætatem, modo in una, modo in altera ex tribus diocœsibus, Botriensi scilicet, Bybliensi, ac Tripolitana, pro temporum locorumque opportunitate, sedem patriarchalem fixam esse, ita tamen, ut non semper eodem in loco constiterit, neque easdem sibi ecclesias & monasteria Patriarchæ elegerint. Has ipsas igitur sedis patriarchalis mutationes in subsequētib; Cel. Autor fuse edisserit, & monumenta, quæ in margine Codicis Syriace leguntur, & Maronitas respiciunt, subiungit. Ex his autem Codicis hujus monumentis palam fieri statuit, illum Codicem a monasterio S. Joannis in urbe *Zagba*, ubi scriptus est; ad monasterium S. *Mariae de Maipbuc*, in provincia Botrensi, Sæculo circiter undecimo fuisse delatum, jussu Patriarcharum Antiochiæ; deinde ad monasterium S. *Mariae de Kannubin* pervenisse, ibique usque ad A. 1497 permanisse, tandemque in Laurentianam Mediceorum Principum Bibliothecam, in qua nunc aservatur, delatum esse. Summo eum in pretio esse habendum, summaque cum cura custodiendum, inculcat, cum traditiones, ceterique ecclesiastici ritus, ex monumentis, margini adscriptis, apprime comprobentur, & Ecclesiarum historia, præsertim Antiochenæ Maronitarum, ejusque cum Romanis Pontificibus vetustissima communio & concordia, illustretur. Huic Codici alium quendam, quatuor Evangelia complectentem, Syriace conscriptum, Cel. Autor adjungit. Antè Sæculum Christi nonum eum esse conscriptum, ductus literarum indicare videtur. Sub initium legitur Epistola *Eusebii Pamphili* ad *Carpianum*, ejusdemque *Harmonia Evangelica*, decem Canonibus comprehensa. Verba Christi, e cruce pendentes, uti in supra memorato Codice, apud *Matthæum* non explicantur, unde, hunc Codicem ejusdem cum illo vulgatæ Syrorum editionis esse, Cel. Autor existimat. Pertinuit olim

olim hic Codex tum ad Archipresbyterum *Clementem*, tum ad *Barfaunam*, & *Salomonem*, & *Philippum*, ejusdem *Clementis* filios hæredes, a quibus paulo post ad monasterium *S. Sergii in Hardin*, diœceseos Tripolitanæ, mox ad Cœnobium *S. Mariæ in Janoch*, diœceseos Botriensis, deînum ad Cœnobium *S. Mariæ de Kaunubin* translatus, ad usum Patriarcharum Maronitarum pervenit. Apparent hæc ex monumentis, passim in margine hujus Codicis comparentibus, quorum contenta Cel. Autor fuscè & accurate exponit. Mentio inter alia his in monumentis fit *monialis incluse*, ad cujus rei illustrationem Cel. Autor observat, præter moniales Cœnobitas, seu communem vitam agentes, quarum plurima hodie monasteria in Oriente visuntur, aliud genus monialium viguisse olim apud Christianos orientales, ac præsertim Maronitas Nestorianos, & Syros Jacobitas, quas inclusas vocarunt, ideo, quod, postquam in monasterium admissæ fuerant, & triennio primo cœnobiticam vitam egerant, eis cella prope monasterium tradi consuevit, in qua, interdicto quovis hominum consortio, ad mortem usque clausæ vixerunt. Hujus generis monialium mentionem injicere *Thomam*, Episcopum Margensem, qui sub *Abrahamo* & *Theodosio*, Patriarchis, ineunte Seculo nono, clauit, in *Historia monastica*, ab ipso confecta, quæ Syriace in Bibliotheca Vaticana asservatur, idem declarat. Similem Evangeliorum Codicem Syriacum, in urbe Edeßâ Mesopotamiæ A. 757 conscriptum, affert, & hunc temporis characterem ex nota Calligraphi, ad calcem apposita, apparere, constituit. *Matthæum* Hebraice Evangelium composuisse, *Marcum* vero Latine scripsisse, in eodem Codice legitur. *Psalterii* Codex Syriacus, in quinque libros divisus, in eadem Bibliotheca comparet. Quilibet *Psalms* in versus dividitur, quorum numerum Cel. Autor indicat. *Cantica* insuper, in Veteri & Novo Testamento comparentia, v. c. canticum *Mosis* & *Mariæ*, quæ ad calcem omnium fere *Psalteriorum* orientalium adjici solent, & hic adjecta sunt, eorumque indicem Cel. Autor suppeditat Seculo decimo quarto hunc Codicem esse exaratum, subscriptio ejus loquitur. Præter alios Codices sacros Cel. Autor etiam affert *Imani*

Pag. 26.

28.

31.

35.

- Seebabeddini Acmetis de Sella Sciapheitarum* excerpta varia. Octoginta quatuor Capitibus ea comprehenduntur, in iisque politica, moralia, physica, quin & politioris literaturæ, argumenta tractantur, & Arabum Philosophorum ac Poetarum testimoniis illustrantur. Indicem Capitum, eorumque contenta, proponit, ex quibus apparet, Theologiam & Ethicam Muhammedanam in hoc libro contineri. Nomen Autoris, *Seebabeddin Acmet*, legis *Mabomedicæ* antistitem denotat. Mortuus dicitur iste homo A. 1331, & præter excerpta hæc, Chronicon quoque, seu historiam universalem, in quinque partes divisam, edidit, cujus exemplar, decem Tomis comprehensum, in Bibliotheca Regia Parisiensi exstare, Cel. Autor testatur. Secta autem Sciapheutica, cui ille scriptor nomen dedit, autorem habuit *Sciapheum*, alias *Abu Abdallab Mabomed* dictum, *Ben Edris Abdalmothlebi*, *Mabomedis* Pseudopropheta patrui nepotem, in urbe Gaza natum A. 767. Hic post susceptam peregrinationem Meccanam A. 813 Ægyptum adiit, ibidemque primus inter *Mabomedanos* librum de Jurisprudencia edidit, cui adjunctis paulo post variis Tractatibus, & theologicis, & juridicis, tantam doctrinæ famam apud suos consecutus est, ut ejus schola, in sectam postea conversa, secundum locum inter Jureconsultorum *Mabomedanorum* sectas, *Malechiticam* scilicet, *Hanbeliticam*, & *Hanipbiticam*, ad hæc usque tempora obtineat. Varios insuper ethicos astronomicosque Codices, tam Arabica, quam Turcica, lingua conscriptos, nec non varia Alcorani scripta exemplaria, Cel. Autor recenset. Commemorat etiam Alphabetum diversarum nationum, sive linguarum, in Codice chartaceo a Fratre *Dominico Fossio*, Florentino, Ordinis Minorum S. *Francisci*, conscripta, qui, artem pictoriam exercens, A. 1545 hoc opus ad proprium usum adornavit. Bibliothecæ Palatinæ Catalogus eodem ordine, quo prior, est compositus. Biblia nempe sacra, eorumque interpretes, primum itidem locum occupant. Commemorat Cel. Autor Vetus Testamentum Syriacum, versionis Alexandrinæ, quæ ex Græco septuaginta interpretum concinnata est. Duas habere Syros



Syros Bibliorum editiones, observat. Altera dicitur *simplex*, sive *vulgata*, & communis, cujus autores, partim *Salomon*, deprecante *Hiramo*, Tyrriorum Rege, partim *Thaddæus*, Syrorum Apostolus, esse perhibentur. Hanc ex Hebraicis fontibus translata esse, & editam legi in Bibliis Parisiensibus polyglottis, nec non Londinensibus, Cel. Autor monet. Vocatur autem *vulgata*, seu communis, quia Syri omnes eadem communiter suis in ecclesiis utuntur. Post quamplurimas sacri Codicis versiones, Cel. Autor disputat de libro *Psalnorum*, & lectionum ex S. Scriptura, secundum ritum ecclesiæ Alexandrinæ Coptorum, per anni circulum institui solitarum. Non autem duntaxat partes sacri Codicis in illorum hominum cœtibus prælegi sueverunt, verum & Homiliæ Patrum recitari apud illos sunt solitæ, inter quas etiam *Severi Antiocheni* Sermo pro *Sabbatho sancto* comparet. Cel. Autor hac occasione monet, *Severi* istius, Patriarchæ Antiocheni, quemadmodum & *Dioscori Alexandrini* & *Jacobi Baradai*, hæreticorum, memoriam solenni ritu a Coptis coli. Coptos enim, si a decem millibus fere discesseris, qui sub *Clementis XII* auspiciis Catholicorum dogmata adoptarunt, adhuc hodie Monophysitarum erroribus infectos esse, commemorat. Versio autem Coptica tam Veteris, quam Novi, Testamenti, ex qua desumptæ sunt memoratæ lectiones, ex sententia Cel. Autoris vetustissima est, & Græcæ septuaginta interpretum plerumque conformis. Ejus conditores, quantum e Martyrologio Coptico, quod Arabice scriptum in collegio *Maronitarum de urbe* asservatur, colligere licet, fuerunt anachoretæ, qui deserti Ægypti incolebant, anno circiter 336, quo tempore, teste *Nicephoro*, studium sacrarum literarum in Thebaidæ, & per totam passim Ægyptum, maximopere floruit. Occasione Codicis, qui Synodi Maronitarum, autoritate *Gregorii XIII* habitæ, Canones continet, de Conciliis Maronitarum Cel. Autor disputat. Tria ejusmodi Concilia autoritate Romanorum Pontificum, ab A. 685, quo proprios habere cœperunt Patriarchas, ad hæc usque tempora, habita fuisse, pronuntiat. Illud, ad cujus decreta hic Codex attinet, pri-

Pag. 53:

17.

num fuisse, memorat, ob id indictum, quod Maronitz apud *Gregorium XIII*, Pontificem maximum, male audirent, accusantibus eos male feriatis hominibus, quorum tamen calumniæ in hoc ipso Concilio detectæ sunt. Exemplaria autem hujus Concilii actorum rarissima esse, & integra, nullibi præterquam in hac Palatina Bibliotheca, & in Collegio *Maronitarum de urbe*, offendi, Cel. Autor nos docet. Altera Synodus habita est in Monasterio Kaunubinenſi d. 18 Sept. A. 1596, in quo etiam prior coacta est, sub *Sergio Rîſio*, Patriarcha Antiocheno, qui ab anno 1581 usque ad annum 1596 Maronitis præfuit, præſente P. *Hieronymo Dandino*, Societatis Jesu, *Clementis VIII*, Pontificis Maximi, ablegato. In hac Synodo rursus Maronitarum fides, cui Monothelitici erroris nota inulta fuerat, luculentissime asserta est, conditque Canones 21, cum ad fidem, tum ad morum disciplinam, pertinentes, quibus additi sunt alii septem, sub *Josepho Patriarcha*, qui d. 3 Novembris A. 1576 Synodum illam dimisit. Acta istius conventus ecclesiastici data opera descripsisse *Hieronymum Dandinum* in libro Italico, cui titulus: *Viſſa Apoſtolica al Patriarca de' Maroniti*, Cefenæ impresso, eundemque librum *Richardum Simonium* postea in Gallicum sermonem transfudisse, adjectis septem *Josephi Patriarchæ* Canonibus, Cel. Autor testatur. Tertia demum Synodus recentissime celebrata est autoritate *Clementis XII*, præſide *Josepho Aſſemann*, Nostri avunculo, sedis Apostolicæ legato. Vitam nimirum clauſerat *Jacobus Evodius Aſſemannus*, Nostri patruus, Maronitarum Patriarcha, A. 1733 d. 19 Februarii, eique unanimi Episcoporum suffragio ſuffectus est *Josephus Gazenus*, Episcopus Augusta in Keſroano. Is, cum intelligeret, quantæ in disciplinam ecclesiasticam irreperſerint corruptelæ, literis, una cum universo montis Libani clero ad Pontificem atque Congregationem de propaganda fide datis, enixe rogavit, ut *Josephus Aſſemannus* in Syriam ablegaretur, ut Romanæ sedis autoritate gravissimos illos abusus e medio tolleret, & collabenti Maronitarum disciplinæ pristinum decus restitueret. Annuit hiſce Cleri Maronitarum precibus Pontifex, &

Aſſe-

*Assemanno*, in Syriam ablegato, tria potissimum, a sacra Congregatione de propaganda fide decreta, exequenda commisit. Ut nimirum monachos a contubernio monialium segregaret, Episcopis certas sedes, titulo respondententes, quæque Patriarchæ nutu amoveri non possent, adjudicaret, caveretque, ne in sacrorum ordinum collatione, Sacramentorumque administratione, quidquam a Præsulibus ac Presbyteris Maronitarum exigeretur; quæcunque demum ulterius emendanda, aut instauranda, duceret, unanimi Patrum consensu in Synodo pertractaret. Synodus itaque provincialis d. 30 Sept. A 1736 est habita in *Kesroano*, cui Patres omnes & Missionarii Latini subscripserunt, seque tum Canones, in eo conditos, tum sacre Congregationis decreta, ad amussim observaturos, sponderunt. Nihilo tamen secius, cum istius Synodi Canones executioni mandarentur, rerum novarum studiosi quidam supra memoratos tres articulos, tanquam nationis honori, & Patriarchæ autoritati, contrarios, omni conatu impugnarunt, effeceruntque, ut Patriarcha Syrus, ac si Apostolicam sedem per quosdam Romam mittendos consulturus esset, a sacra Congregatione flagitaret, ut neque moniales a monachis segregarentur, neque Episcoporum sedes certæ firmæque essent, sed omnia Patriarchæ ipsius arbitrio, ut erat antea, relinquerentur. Romam vero oratores miserunt Maronitæ, de istius Synodi iniquitate vehementer quiritantes, quæ certe res maximis motibus præbuisset occasionem, nisi *Benedictus XIV*, hodiernus Pontifex, edita A. 1741 Constitutione, hujus Synodi decreta confirmasset. Hanc ipsam Pontificis Maximi Constitutionem Cel. Autor totam exhibet, seque acta & historiam Synodorum Maronitarum publici juris aliquando facturum esse, promittit; quod ut propediem fiat, ex animo precamur, cum, nihil nisi egregium & limatissimum hoc in genere ab *Assemanno* proficisci posse, certissime simus persuasi. *Severi Antiocheni* Epistolas, quarum exemplar nec Latine, nec Græce, aut Syriace, alibi, nisi in hac Bibliotheca, deprehenditur, luce non indignas esse, judicat Cel. Autor. Inter scripta moralia, cujus quippe generis libros bene

Pag. 122.

129.

multos recenset, notari merentur *Thomæ a Kempis de imitatione Christi Libri quatuor*, e Latino in Arabicum sermonem Seculo præterito translati, a P. Fr. Ignatio Aurelianensi, Sacerdote Capucino, Ordinis S. Francisci in urbe Aleppo, ubi sedis Apostolicæ missionarium egit. Arabicam librorum *Thomæ a Kempis* interpretationem quinquies prelo commissam esse, Cel. Autor monet. Et primo quidem, Romæ, typis sacre Congregationis de propaganda fide, A. 1663, interprete P. Fr. Cælestino a S. Liduina, Carmelita discalceato, prodidisse, distitat. Cum hac librorum *Thomæ a Kempis* editione ad verbum convenit supra memorata Patris Ignatii, Capucini, interpretatio, quæ cum annos quinque supra viginti Cælestini Carmelitæ editionem præcedat, Cælestinus Arabicorum *Thomæ a Kempis* librorum, ab Ignatio editorum, plagarius potius,

- Pag. 134. quam interpres, dicendus est. Recenset post hæc Cel. Autor quamplurima scripta philosophica, ab Arabibus, Persis, Turcis, & Indis, composita. Excipiunt ea Chronologi & Historici. Inter hos notari merentur Poemata sex historica *Narzami Samarkandæi*, Poetæ inter Persas celeberrimi, & circa annum Christi 1194 clari. Exstat inter illas Poema de amoribus *Chosroæ*, filii *Hormisdæ*, cognomento *Abruizi*, vicesimi tertii Persæ, e stirpe Sassanitarum, Regis, qui ab anno Christi 590 exeunte ad annum usque 628 imperavit, cum *Sirina*, genere Romana, & religione Christiana, quam A. 591 connubio idem sibi copulaverat. *Sirinam* hanc iste scriptor *Mauritii* Imperatoris filiam vocat, in qua etiam sententia *Bar. Hebræus in Vita Mauritii*, *Elmacinus in Historia Saracenicæ*, & *Wilhelmus Tyrius*, fuerunt. Eam vero narrationem *Ant. Pagius ad A. 628 num. 5* jam inter fabulas jure suo relegavit, eamque fabulam ex eo confidam esse docuit, quod *Chosroa* Christianam uxorem habuisse dicatur; quæ si *Mauritii* filia fuisset, id *Evagrius* & *Theophylactus*, illorum temporum scriptores, nequiquam silentio præterissent. *Iosephum*, filium *Gorionis*, historici Judæorum, ex Hebraico in Arabicum sermonem conversæ, & in octo Libros distributæ, scriptorem, cum *Flavio Iosepho*, eruditissimum, nec non cum *Iosepho*,

*Josepho, Gorionis filio, belli contra Cestium duce, cujus meminit Flavius de Bello Judaico Cap. 25, nonnulli confundunt, quamvis, hunc longe ab utroque diversum, & illis recentior-rem, esse, Cel. Autor rectissime observet, & Caveum consentientem adducat. Scripsit autem ille homo quoddam quasi compendium Flavii Josephi historiarum, acta septuaginta interpretum, gesta Machabæorum, & excidii Hierosolymitani narrationem, complectens, quod ex Talmudicis rhapsodiis, & ex Latino Rufini, concinnavit. Insulsus admodum & infæctus scriptor Cel. Autori dicitur, qui inficiam & malam fidem fere ubique prodidit, ex quo tamen solo, quæcunque de Machabæis, & excidio Hierosolymitano habent, Judæi scriptores accipiunt. Editiones Operis varias ex Usserio Cel. Autor recenset. In vita Mahomedis pseudo-Prophetæ, Turcico sermone composita, scriptor ejusdem anonymus, communem Mahomedanorum opinionem secutus, Mahomedem natum esse affirmat, in valle lapidosa urbis Meccæ die 22 Aprilis A. 571, parentibus Abdalla Ben Abdulmutalibi, & Emīna, Wabebi filia. Ejusdem Mahomedis ad munus propheticum vocationem, a qua priores Mahomedani epochæ suæ initium duxere, contigisse refert anno ætatis quadragesimo. Migrationem vero, seu fugam, ab urbe Meccæ ad urbem Medinam, a qua æra Hegiræ ducitur, incidisse in diem 12 Julii anni æræ Christianæ 622. Obiisse demum anno ab Hegira decimo, & diebus septuaginta, hoc est, Christi 631 d. 17 Junii. Martyrologium Ecclesiæ Copticæ Arabicum, in duas partes divisum, acta Sanctorum continet, quorum memoria apud Coptos per anni circulum colitur. Libri, qui feriem & gesta Imperatorum Othomanorum Arabice completitur, contenta & ordinem Cel. Autor studiose exponit. Tabulæ etiam Chronologiæ dynastiæ, ab orbe condito usque ad A. 1519 a Turcis confectæ, notitiam suppeditat, eamque luce dignam esse, profitetur. Scriptores dein juridicos Turcorum, tam ad ecclesiasticam, quam civilem, Jurisprudentiam spectantes, exhibet, & prius de diversis sectis, in quas Mahomedis dogmata amplectentes abeunt, admodum fuscè disse-*

Pag. 152.

153.

156.

164.

213.

222 seq.

sic,

- Pag. 250 rit, ex quibus intelligitur, quamplurimis semper laborasse  
 seq. religionem istam internis dissidiis. In centum enim & septendecim sectas antiquiores Mahomedani scissi sunt, quarum notitiam ex *Ismaelis Sciabinsciabi Tomo I Historiæ gentium*, & ex *Sciabrestani libro de veris & phantasticis religionibus*, hausisse se, Cel. Autor profitetur. Præter memoratas autem hasce sectas, alias etiam quamplurimas apud recentiores Moslemanos occurrere, observat, inter quas *Sonnitarum* & *Rapheditarum* hæreses eminent, quarum illa apud Turcos Arabes, aliasque gentes quamplurimas viget, hæc Persas habet propugnatores. Ingenitum vero & inexorabile inter has sectas odium intercedere, Cel. Autor affirmat. Legum interpretes apud illas gentes, in definiendis Juris controversiis, primum ex Alcorano fundamenta sententiæ conquirere, & si in illo libro nihil inveniant, ad *Sonnam* Prophetæ, id est, traditiones *Mahomedis*, confugere, observat. Quodsi nec ex illis aliquid pro re controversa afferri possit, consensum Antistitum Doctorumque requirunt, & si nec apud illos aliquid offenderint, ipsorum quæstioni consentaneum, ad argumentationem denique transeunt. Ipsos vero hos Jureconsultos in 283. quatuor sectas abire, Cel. Autor docet, accuratam de illis sectis notitiam suppeditans. Pandectas, in 38 Libros, variosque titulos & paragraphos, distinctas, Mahomedanos pro norma juris habere, observat, earumque contenta per singulos Libros accurate exponit. Juridicos scriptores philosophici excipiunt, quos inter quamplurimi in *Aristotelem* Commentarii, & Compendia dialectica, ex istius Philosophi libris de 322 seq. prompta, Arabice comparent. Post hos recensentur Medici, dein Mathematici, quos inter *Euclidis* elementorum libri, Arabice conversi, eminent. Sequuntur eos Lexicographi, & Grammatici. De Alcorani tandem antiquissimo Codice, nec 342. non ejusdem interpretibus, & libris precum Mahomedanorum, Cel. Autor disputat. *Alcoranus*, seu, sine articulo, *Coranus*, librum lectionis significat, & ita dicitur, quoniam in eo leguntur Mahomedicæ sectæ placita. Dicitur & *collectio*, eo, 388. quod ibi collecta sunt, quæ sparsim *Mahomedis* pseudoprophetæ

phetæ viginti trium annorum spatio revelata esse finguntur. Vocatur etiam *Alphorcan* a verbo Arabico *pharac*, *distingue-  
re*, quasi distinguat vera a falsis, & licita ab illicitis. Ap-  
pellari etiam consuevit *Al-Decr*, id est, *commemoratio*, seu  
*commonitio*, cum verba Dei commemorare, atque homines  
per illa commonere, credatur, unde aliis quoque titulis in-  
signiri consuevit. Alcoranum non ab ipso *Mahomede* fuisse  
collectum, & in unum volumen redactum, sed *Abu-Ba-  
crum* & *Othmanem* post ipsius *Mahomedis* interitum hoc  
præstitisse, Cel. Autor ex scriptoribus rerum *Mahomedi-  
carum* observat. Distinguitur Alcoranus in *Suras*, id est,  
Capita centum & quatuordecim, & hæc in varios versu-  
culos, quos Mahomedani *Ajat*, id est, *signa*, appel-  
lant, ac si versiculus quilibet signum sit, vel miraculum.  
*Suræ*, seu Capita, inscribuntur vel a materia, quæ in illis tra-  
ctatur, vel a prima ipsarum dictione, secundum morem He-  
bræorum. Quædam ex Suris vocantur *Macchijat*, id est, *Mec-  
censes*, seu *Meccanæ*, quia *Mahomedi* Meccæ revelatæ fingun-  
tur, quædam vero *Mednijat*, sive *Medinenses*, quod Medi-  
næ traditæ dicuntur. Quædam ex parte Meccanæ sunt, &  
ex parte Medinenses, & pars earum Meccæ, pars Medinæ,  
revelata fertur. Nonnulla pro dubiis habentur, quas no-  
tant interpretes hisce verbis: *Mochtalaph fiba*, quibus in-  
dicant, varias esse de illarum revelationis loco Autorum sen-  
tentias, utrum scilicet Meccæ, an Medinæ, eas acceperit  
*Mahomed*. Vulgo tamen scriptores affirmant, revelatas fuis-  
se *Mahomedi* duas & triginta Suras Medinæ, reliquas vero  
Meccæ. Surarum, seu Capitum, & *Ajatarum*, seu versiculo-  
rum, Alcorani ordinem & numerum *Possellius*, & ex eo *Hos-  
singerus*, jam attulerunt, quos secutus Cel. Autor, eundem  
ordinem hic adhibuit, additis primariis cujuslibet Suræ argu-  
mentis, & præmiis, quæ eam legentibus promittuntur, ex qui-  
bus utique satis accurata de Alcorano notitia poterit hauriri.  
Commentariorum dein, in Alcoranum Arabice scriptorum,  
insignem copiam subjungit. Excipiunt eos Poetarum apud  
Turcos & Arabes scripta bene multa, tandemque Rabbini-  
ca manu-

443.

461.

477.

**Pag. 484.** *manuscripta varii argumenti hoc Opus claudunt. Ut eo commodior ejusdem usus lectoribus præberetur, Indices locupletissimos eidem adjecit Vir Clarissimus, Antonius Franciscus Gorius. Dignissimus vero hic liber est, qui summo applausu ab eruditis excipiat. Non solum enim orientalem literaturam mirifice ornat, verum etiam in Historia ecclesiastica, literaria, & philosophica, miram utilitatem spondet, & amœnissimi exinde flores decerpi poterunt.*

**HIEROCLIS, PHILOSOPHI ALEXANDRINI, IN Aurea Carmina Commentarius, Græce & Latine. Græca accuratius nunc recognita, & ad MStorum Codicum fidem exacta, plurimisque in locis e Gudian Medicei Codicis collatione emendata, una cum Notis subjunctis; edidit R. W. S. T. P. Coll. Jesc.**

*Cant. nuper Socius.*

Londini, typis Jac. Bettenham, impensis Gul. Thurlbourn, Bibliopolæ Cantabrigienfis, veneunt apud J. Nourse, P. Vaillant, J. Beecroft, 1742, 8 maj.

Alph. 1.

**C**um doctissimus hujus libri Editor in Cl. *Petri Needhami* emendationibus notisque, potissimum vero in ipso *Hieroclis* contextu, ante paucos annos apud Cantabrigienfes edito, quædam sibi vitia deprehendisse videretur, non pauca etiam intacta; curis veluti posterioribus eundem scriptorem ornare atque emendare laboravit. Non indigno, neque irritò plane, id conatu præstitit, quando haud pauca, quæ, Codicis sui fidem nixus, *Carterius* edidit, a *Needhamo* repetita, vel etiam aliis ex ingenio adaucta, sub limam vocavit, & ad optimorum Codicum fidem exegit omnia. Ut felicius rem totam perficeret, maximo ipsi adjumento existit MSti Codicis Medicei collatio, a *Marquardo Gudio* facta; quam *B. Jo. Alb. Fabricius* nactus, cum Editore Cantabrigienfi communicatam voluit, sed casu quodam interceptam, *Jo. Christ. Wolfius* postea Lipsiæ edidit A. 1710. Hujus igitur collationis ope Noster fretus, *Hieroclem* ducentis mini-



minimum locis emendatiorem reddidit; nec minus versionem in multis locis castigavit, & ad Græca magis accommodavit. Dignum *Hieroclis* Commentario aureum illud Carmen est; dignus eruditorum studiis *Hierocles*. Aureum illud jure dicimus, five sit *Pythagora*, five *Lyfidis*, five *Philolai*, five *Empedoclis*, aut cujuscunque de schola Pythagoræzorum. Licet ipse non sit autor *Pythagoras* quippe per quem jurare videtur u. 47, habuere tamen antiqui Philosophi, *Jamblicus*, *Proclus*, *Simplicius*, atque ipse *Hierocles*, cur doctrinæ totius *σύνταξιν* discipulorum omnium nomine, inque illorum usus, compositam arbitrarentur. Hic in eorundem contextu non nisi quatuor loca emendantur. *Versu* statim primo lectionem *διακένται* pro *διακείται*, v. 13 *ἀσκει* pro *ἀσκειν*, v. 16 *Φίλες* pro *Φιλῆς*, v. 18 *ἀς* pro *ἄν*, probat Noster. Ad *Hieroclem* quod attinet, satis jam inter eruditos convenit, hunc esse Seculi quinti Philosophum Platonicum, qui, cum scholæ Alexandrinæ præesset, has in aurea Carmina *ἐξηγήσεις* discipulis suis prælegit. Non autem omnino evictum est, qua Seculi parte vixerit. Ad quidem ex *Procli* *Lycii*, ipsius qui prope æqualis fuit, vita, a *Marrino* scripta, facile disci posse, existimat Noster. Quippe *Proclus* in lucem editus est A. 412, & cum vicesimum ætatis annum ageret, se in *Plutarchi* Atheniensis disciplinam tradidit, cujus per biennium fuit auditor usque ad annum 434, quo diem obiit *Plutarchus*. Cum igitur *Hierocles* in libro de *Providentia* apud *Photium* Cod. 214 dicat, se quoque adolescentem ejusdem *Plutarchi* discipulum fuisse; sequitur plane, ipsum *Proclo* natu pæne parem, aut paulo fortasse majorem, fuisse. De *Hieroclis* vero morte conjectandi ansam præbet *Æneas Gæzaus* in *Theophrastu*, circa A. 490 scripto, ubi, hunc *Hieroclem* sibi a puero præceptorem fuisse, declarat, & ejus meminit tanquam ante annos multos jam mortui. Fuit autem idem profanis sacris addictus, licet, ad doctrinam morum quod spectat, ex fontibus Christianorum non hauserit pauca. Ut e *Damascii* verbis apud *Suidam* apparet, cum esset Constantinopoli, in offensionem τῶν κρατούντων, seu magistratuum Christianorum, incurrit, & judicis sententia licetorum virgis acerbè casti-

castigatus, poenam luit linguæ petulantis, qua procacius Christianorum sacra violarat. Atque ideo fortasse lubentius eam carminum expositionem suscepit, ut ruentem in dies Deorum causam, qua potuit, palam defendere non ausus, fulciret, atque auditoribus suis commendaret. Platonicum se esse, non raro manifestat in ipsa commentatione, e. g. pag. 5 seq. ubi *Platonis Timæus* τῶν Πυθαγορείων δογμάτων ὁ ἀκριβὴς διδάσκαλος nominatur atque laudatur. Ad quem locum Noster hæc notat: Ita de hoc *Platonis* libro *Iustinus Martyr* in *Paran. ad Græc.* pag. 89 edit. Oxon.: ἐν τῷ ἐκπνεύσαντι αὐτῷ λόγῳ Τιμαίῳ, ἐν ᾧ θεολογεῖν ἐπεχείρει. *Platonis* vero *Timæus* ἀκριβὴς διδάσκαλος dicitur, qui *Timæi* Pythagorici Φυσιολογίαν, in libro περὶ ψυχᾶς κόσμου, ibi accuratius persequitur, atque ipsum *Timæum* introducit περὶ τῷ παντὸς differentem. Sed plurima etiam *Platonis* dicta prædicat e. g. pag. 24, 182, 250, 252, 304, 308, 310. Consentiebant etiam in non paucis cum Pythagoræis Platonici. Ita e. g. pag. 15 seq. ad primum statim, *versum* notat Editor: Hi ἀθάνατοι θεοὶ, quos & οὐρανοὺς alibi appellat, nihil aliud sunt, quam stellæ in ἀπλανῶν sphaera, & planetae, in inferioribus septem sphaeris collocati; quippe, cœlestia hæc corpora mente prædita, & λογικά, atque adeo pro Divi habenda, esse, existimabant Pythagorici & Platonici. Ipse *Pythagoras*, inquit *Laertius*, docuit, ἡλίου, καὶ σελήνης, καὶ τοὺς ἄλλους ἀστέρας, εἶναι θεοὺς, quod & de *Platone* notissimum est; sicque de octo sphaeris declarat *Alcinous*, πάντες οὗτοι νοερά ζῶα, καὶ θεοὶ, καὶ αἰθερικά τοῖς σχήμασι, *Doctr. Plat. Cap. 14.* Item pag. 22 seq.: *Hierocles* per λογικόν, διόκοσμον vult, ut ex loci serie apparet, τὰ τρία γένη τῶν λογικῶν, seu ἐγκοσμίων θεῶν, quorum omnium animabus, ex Pythagoreorum & Platoniorum sententia, dicit σῶμα ἁφθαρτὸν συμπεφυκέναι, quod eis vehiculi instar sit; illud utique, quod in *Timæo* Plato vocat λεπτὸν ὄχημα ψυχῆς, & σῶμα φωτεινόν, & αἰννοειδές, de quo susius postea disserit in *Comm. in v. 67.* Istis Nostri observationibus adhuc aliam, speciminis ergo, subjungamus. Pag. 86 ad verba: κατὰ μὲν τὸ λογικόν, ἀφροσύνη κατὰ δὲ τὸ θυμικόν, δουλία κατὰ δὲ τὸ ἐπιθυμητικόν, φιληδονία καὶ φιλογρησастία κατὰ

δὲ πᾶσας ἐμοῦ τὰς δυνάμεις, ἀδικία, notatur: Ita fere *Sallustius* Cap. 10: κακία, λόγῳ μὲν ἀνοία. Θυμῷ δὲ δουλία, ἐπιθυμία δὲ ἀκολασία, ἑλὴς δὲ τῆς ψυχῆς ἀδικία. Vides vero, *Hieroclem* hic κακίας τρεῖς εἶδη secundum triplicem ψυχῆς apud *Platonem* partitionem dispefcere. Nam, ut ait *Eriphanus* in *Expos. fid. cathol.* Πλάτων λέγει εἶναι τρεῖς μέρη τῆς ψυχῆς, λογικόν, θυμικόν, ἐπιθυμητικόν. Atque sic quidem ipse *Plato* in *Timaeo* pag. 89: εἰπομεν πολλάκις, ἔτι τρεῖς ψυχῆς τερχῇ ἐν ἡμῖν εἶδη κατώκισται. Isth observationibus, cum de criticis initio nonnihil attulerimus, variam carminis lectionem contemplati, grammaticarum modo, dialectum praecipue spectantium, vel duas subjungamus. Altera legitur pag. 102 seq. π. 113 ad Φέρειν αὐτὰ μηδὲν ἐγκαλῶντες, ubi addit: Editor Cantabrigienfis reposuit hic ἐγκαλῶντας, nullo autore, sed clamante, ut ait, constructione. At meminisse debuit, scriptores Atticos ad Grammaticorum regulas non semper esse exigendos, qui, neglectis τεχνολόγων legibus, casus saepe variant, ut *Budeus* alique dudum observarunt. Altera est 165 pag. 150 ad participium Φέροντες sequens: Syntaxis grammatica poscere hic videtur Φέρονσι, scilicet ἀκαστέον ἡμῖν - Φέρονσι. Sed Atticorum moris est hanc casuum mutatio, ut a *Budeo*, *Zuingero*, aliisque, dudum est observatum. Sic *Thucydides Lib. VII*: Στρατηγίσις κατὰ πλῆξιν ἐγένετο, ὁρῶντες - scil. pro ὁρῶσι. *Dinarch. Orat. contra Demosth.* 8 προσεκτέον ὑμῖν ἐσι τοῖς τέτῳ λόγῳ, εἰδότες, ἔτι - pro εἰδέσι. Nos quidem dubitamus, utrum talia dialecto, an vitiis ac mendis, sint tribuenda; sed nostrum jam non est, eas componere lites. Itaque, laudata potius hujus editionis elegantia & accurate, tales Scriptorum veterum plures desideramus.

**BARTHOLOMÆI FAGII DE VIRIS ILLUSTRIBUS** liber, nunc primum ex MSto Codice in lucem erutus. Praefationem, Vitamque Autoris, addidit  
LAURENTIUS MEHUS.

Florentiæ, apud Cajetanum Tanzini, 1745, 4.

Plag. 19½.

**Q**ui hunc librum *Facii de Viris illustribus ætatis sue* (ita enim inscribendus erat, ac sic ipse *Facius* eum inscripsit in proœmio,) nunc edidit, postquam in Præfatione, subdudis rite rationibus, docuit, quo tempore compositus fuerit hic liber, singulari industria de vita ejus & scriptis disserit. Natus scilicet *Facius* (ignotum, quo anno,) Spediæ, quod Liguriæ oppidum est, *Guarinum* nactus est magistrum literarum. Hinc *Alphonso*, Aragoniæ & Siciliæ Regis, creatus Historiographus, non anno 1465, (quod *Niceronius* tradit,) sed A. 1457, diem supremum obiit. Scripta ejus, quorum editiones Editor diligenter commemorat, hæc sunt: *Historia belli Veneti Clodiani*; *Dialogus de humana vite felicitate*; *Liber de excellentia ac præstantia hominis*; *Invectiva quatuor in Laur. Vallam*; *de rebus gestis ab Alphonso, primo Neapolitanorum Rege, Libri decem*; *Liber de viris ævi sui illustribus*; *Historia Alexandri M. versio Latina*.

Venimus nunc ad hunc *Facii* librum, in quo illustres illius ætatis exhibentur *Poeta pag. 3 seq.* *Oratores pag. 7 seq.* *Jurisconsulti pag. 29 seq.* *Medici & Philosophi pag. 35 seq.* *Pictores pag. 44 seq.* *Sculptores pag. 50 seq.* *cives quidam privati*, quos inter *Cosmus Medices* eminet, *pag. 52 seq.* *copiarum duces pag. 59 seq.* *Reges ac Principes*, quibus immixti *Pontifices, Felix V., Martinus V., & Nicolaus V., pag. 68 seq.* *Ultimum locum tenent pag. 79 seq.* *Facii & aliorum ad ipsum Epistolæ sedecim.* Inter *Poetas* præcipui sunt *Antonius Luscus, Antonius Panormita, Franciscus Philelphus, Jovianus Pontanus*; inter *Oratores Manuel Chrysoloras, Petrus Paulus Vergerius, Leonardus Aretinus, Ambrosius Camaldulensis, Leonardus Justinianus, Nicolaus Perottus, Poggius, Guarinus, Georgius Trapezuntius, Valla, Gasparinus.* Referti hunc in ordinem etiam debebat, qui inferius *pag. 41* producitur, *Bernardinus Senensis*, orator ecclesiasticus prorsus singularis. *Jureconsulti* iù adducuntur, qui in Bononiensi & Patavina Academiis docuerunt. Inter *Medicos* præcipue sunt memorabiles dno *Branca*, pater & filius, *Chirurgi egregii*, mira arte mutilatas nares & aures resarciences. *Vitam Pontificis Nicolai V & Alphonso Regis, pa-*  
trone-

trorum suorum, descripsit uberius diligentiusque. Historiæ autem literariæ cultores dolebunt, *Facium* nostrum nimis esse brevem. Nam cujusque viri docti scripta, & ne hæc quidem omnia, enumerasse contentus, reliquam ejus vitam vel omittit, vel paucis attingit. Non tamen plane inutilis est hujus libri editio habenda, cum nonnulli viri docti occurrant, vulgo minus noti, & præterea de viris suæ ætatis testis fide dignus sit omnino noster *Facius*.

**CORPUS JURIS PUBLICI S. I. R. G. COLLE-**  
*ctum, emendatum, Notis, parallelis locis, & Præ-*  
*latione, adornatum, a LUDOVICO MARTINO*  
*KAHLIO, D. & P. P.*  
*Pars II.*

Gottingæ, impensis fratrum Schmid, 1745, 8 maj.

Alph. 1.

**E**xhibemus tibi, Lector, *secundum Tomum* Corporis Juris publici, cura, labore, atque studio, Cel. *Kahlî* editi atque illustrati. Hoc Volumen quale sit, & Catalogus, ei præfixus, & nostræ, de *Parte prima* in *Actis* hisce *Eruditorum* tecum communicata olim, expositio, docet. Producentur autem in novo hoc *Tomo* leges Imperii Romano-Germanici, præcipue novissimæque, quemadmodum *Volumine primo* antiquiores secundum temporum seriem, qua promulgatæ fuerunt, prolatas vides. In utroque opere, justis aptisque notis, variantibus lectionibus, & parallelis locis, instructas deprehendis sanctiones Germanorum publicas; cujus generis institutum æqui harum mercium æstimatores dudum exoptarunt. Velificaturus igitur desiderio eruditorum, Autor noster in ipsa Operis hujus fronte collocavit Pacem Noviomagensis, inter *Leopoldum* Imperatorem suo & Imperii nomine, & *Ludovicum XIV*, Regem Galliarum, pro se & confœderatis ejus, initam die 5 Febr. A. 1679. Cum enim Pax Westphalica per Noviomagensis

genſe fœdus & conſuſum trium Imperii Collegiorum firmata ſit, id quod Noſter ex *Tom. III pag. 532* libri inſcripti: *Actes & Negotiations de la Paix de Nimègue*, colligit; hanc Pacem merito inferendam eſſe putavit collectioni legum Imperii fundamentalium; quamvis, ſine conſenſione Statuum eam antea eſſe conſectam, oſtendat ipſe Cel. *Kablius*, provocans ad *Actes & Memoires, Tom. III pag. 490*. Secundum locum occupat Inſtrumentum Pacis Noviomagenſis Cæſareo-Suecicæ. Hoc tertio loco excipit Inſtrumentum pacis Ryſwicensis, die 30 Octobr. A. 1697 compoſitæ. Obſervat tamen Noſter, inter Imperii leges fundamentales iſtam non referri a Statibus Auguſtanæ Conſeſſioni addiſtis. Hinc in lucem publicam exire patitur *den Viſitations- Abſchied des Kayſerlichen und heiligen Ramiſchen Reichs Cammer- Gerichts zu Wetzlar, nebst denen hierher gehorigen Beylagen, von dem Jahre 1713*. Sequitur Pax, inter *Carolum IV* & Imperium ab una, & *Ludovicum XIV* ab altera parte, iterato ſancita Badæ Ergovix A. 1714 die 7 Septembris. Raſtadienſis Pax, A. 1714 die 7 Martii ſine conſenſu Statuum inita, ſed deinde rata habita, firmataque ab Imperio R. G. huic Collectioni non inſerta eſt, quia Badenſis pax, uti Cel. *Kablius pag. 151* recte indicat, prorſus convenit cum Raſtadienſi, quamvis Colonienſis æque ac Bavariæ Electoris reſtitutio clariori ſit modo in Badenſi pace expoſita. Hinc in Notis, huic Paci ſubjunctis, iſtius generis diſcrimina aperuit, quemadmodum reliquarum legum Imperii vel diſſenſum, vel conſpirantes præceptiones, in omnibus hujus Corporis Juris partibus declaravit luculenter. Quod vero ad proteſtationem Statuum Evangelicorum attinet, ratione capitum Badenſis Pacis, Weſtphalicæ Paci repugnantium, remittit nos Editor ad *Elect. Jur. Publ. Tom. VII pag. 237*. Hinc legimus Sanctionem pragmaticam *und beſtandiges Geſetz wegen der Succellions- Ordnung, und Vereinigung ihrer Kayſerlichen und Kœnigl. Catholiſchen Maj. Caroli VI Kœnigreiche, Provinzien, und Erb-Lander*, ubi non ſolum, quæ ad legis hujus guarantiam ſpectant, Editor conventiones excitat, ſed & ſcriptorum ingentem multitudinem in calce paginarum aſſert,

affert, qui ad hoc faciunt illustrandum argumentum. Occurrit deinde foedus inter *Carolus VI*, Romanorum Imperatorem, & imperium ab una, & Regiam Catholicam Majestatem *Philippum V* ab altera parte, idum Viennæ die 7 Jun. A. 1725. De qua pace Autor noster statim in limine hæc tradit: *Hoc Instrumentum pacis die 20 Junii A. 1725 per Commissionis decretum ad comitia deferebat Carolus VI, consensum Imperii expetens. Deliberationibus in singulis Collegiis institutis, die 20 Julii conclusum trium Collegiorum quidem commune excipiebat eas; sed iustis de causis in Principum Collegio se opposuere Legatus Magdeburgicus aque ac Cellensis, quippe qui vota sua ad Protocollum dabant, inusuetum esse allegantes, ut Legati in negotiis Imperii conclusum forment, antequam desuper a Principalibus suis fuerint instructi. (Vid. hac acta in Fabri Europæischer Staats-Canzeley Tom. XLVI Cap. 21.) Illud tamen placitum Imperii a Cesare die 12 Septembris A. 1725 comprobatum fuit. Tum propinat Lectori Cel. Kablius den Innhalt des Friedents, der zwischen dem Röm. Reich, und der Crone Frankreich, am 18 Novemb. 1738 zu Wien geschlossen ist. Quod compendium summa pacis illius diffusæ capita justo ordine disponit, atque explanat, nec minus sub se continet ad illustrandum id Instrumentum accommodatas maxime observationes. Recudi Autor noster curavit Capitulationem Augustissimi Imperatoris *Caroli VII* ita, ut quilibet ex diversitate typorum adhibita eam inter & Capitulationem *Caroli VI* differentiam statim perspicere possit. Subsequitur Imperii Matricula, hoc est, des Heil. Römischen Reichs Hochwähllicher Stände Anschlag, wie viel deren jeder bey den Reichs-Anlagen vor einen Monat, oder einfachen Rümer-Zug, zu geben schuldig ist, singulari industria concinnata. Denique rerum Index, in utroque *Tomo* expositarum, accessit utilissimus. Ad fidem igitur probatissimorum Codicum, tum manu scriptorum, tum impressorum, Diplomata illa cum excusa sint cuncta, & notis adornata elegantibus, fidem suam, *Tomo primo* datam, liberrasse Cel. Kablium, merito pronuntiamus.*

*SCHEDIASMA DE ORIGINE TESTAMENTI-  
factionis, Autore SAM. KOENIGIO, Bernensi, Acad.  
Scient. Parisinae Corresp. nunc Professore Philoso-  
phiae Franequerae.*

Cum & in nuperis nostris pro Lausannensi Juris cathedra Academicis exercitationibus, & nonnunquam ante in foro, gravissimam quaestionem de origine testamentorum utramque partem multis rationibus disputari audivissem, neque tamen vulgaris sententia satis valere videretur; quod minus dilucide ex genuinis Philosophiae principiis rationes essent petitz; gravem hunc atque controversum Jurisprudentiae locum paulo accuratius ex Philosophia, populari quamvis ratione, illustrandum putavi, quo & ipsum argumentum ad vera principia revocetur, & genuinus fons utriusque, & legitimae, & testamentariae, successionis paulo plenius aperiatur. Quodsi nonnullis Lectoribus nihil minus aliud videbitur; hi non tam a ratione concludendi, quam a Philosophis, principia docentibus, dissidebunt.

Originem testamentorum ex Jure Naturae repetendam esse, tamen vulgari sententia sit; insurrexit tamen satis magnus numerus dissidentium doctorum virorum, testamentum non tam naturae institutum, quam merum civitatis inventum, existimantium. Notissimae sunt *Puffendorffii*, *Edmundi Merillii*, *Cosceji*, *Christiani Thomassii*, aliorumque, de hoc argumento Commentationes, multis, iisque satis speciosis, ex Jure Civili desumptis, argumentis contendendum, fieri nullo pacto posse, ut homini liceat dominium rerum suarum in alium transferre ex eo tempore, quo dominus rerum suarum esse desit. Quid enim, ajunt, tam contra rationem videtur, quam voluntatem hominis ex eo tempore valere incipere, quo amplius velle non potest, & cum mors omnia alia solvat, ut mandatum morte mandantis, cur non potestatem de rebus nostris statuendi?

Instant: Si dominium, vel jus aliud ullum, ex testamento ad heredem pervenit, id aut vivo testatore transfertur, aut eo jam mortuo. Vivo testatore transire non potuit,



tuit, cum neque viventis sit hæreditas, neque testator se superstite jus conferre velit; neque illo mortuo recte fieri poterit translatio, cum testator nec velit transferre, nec possit, extincto quippe ejus dominio cum vita. Addunt nonnulli id quoque: Jure Naturæ quæri dominia possessione, & aliter, quam possidendo, retineri non posse. Adeoque, cum homines ne vivi quidem (ut ipsi putant) nisi actu possideant, rerum suarum in statu naturæ securi sint; quid de dominio illorum futurum est, postquam mors possessione illos dejecit? Immo, everti naturalem testandi libertatem, hac ratione quibusdam videtur, quod omnes fere gentes de successione legitima accuratas leges sanxerint; quæ procul dubio convellerentur, si amplissimam & illimitatam testandi licentiam natura dedisset; quod a prudentiæ civilis principiis plurimum dissidere existimant.

Sensisse hos scrupulos JCtos Romanos, proinde tam infirmum, atque a principiis Juris Naturæ remotum, negotium variis juris fictionibus sustinere allaborasse. Momentum testamenti conditi cum momento mortis connectendo, & momentum aditæ hæreditatis ad momentum mortis retrahendo, atque sic tria naturaliter diversa tempora, testamenti facti, mortis, & cretionis, fictione juris ita conjungendo; ut moriens testator eodem temporis puncto bona sua hæredi permisisset, hic vero ab illo accepisset, fingatur. Absonum autem judicant, ex simplicitate Juris naturæ actum derivare velle, qui explicari ne quidem possit, nisi in subsidium vocatis tot alienis a natura fictionibus.

Conqueruntur Cl. Viri, Grotium, de origine testamentorum differentem, definitione velle decipere, vocabulo *testamenti* notionem plane peregrinam, & ab usu remotam, subijciendo. Testamentum enim *alienationem* dicere, in *mortis eventum*, ante eam *revocabilem*, *retento interim jure possidendi & fruendi*, multis modis reprehendi posse. Quid enim? Poteritne id alienatum dici, de quo post alienationem dominus pari libertate ac ante disponit? Et num usufructum solum is sibi retinuisse cen-

sendus est, qui plane nihil proprietatis in hæredem transtulit? Ergo aut vocabulo ludendum, aut dimittendam *Grotii* sententiam esse.

His fere rationibus ita hæc causa disputatur a doctissimis Jure consultis, ut multis hodie persuasum sit, testamentisatisfactionem a natura prorsus abhorrere.

*G. Guil.* equidem *Leibnitius*, cujus solo nomine commovemur, hac ratione vulgarem sententiam ab his objectionibus tueri conatus est: *Testamenta mero jure nullius futura momenti, nisi anima esset immortalis. Sed, quia mortui re vera adhuc vivant, ideo manere dominos rerum, quos vero habedes reliquerunt, concipiendos esse procuratores in rem suam.* Hæc quam recte se habeant, ipsa nunc viderit corpore vacans *Leibnitii* anima. Sive enim in his terris permaneat, sive, ut religio docet, sublime lata in antiquam patriam revertatur corpore soluta anima, curabitne ipsa sine corpore has sibi prorsus inutiles corporeas facultates? Aut, si curet, num tam iniqua a se aliena curantis audiatur sollicitudo? Minime gentium. Jura facultates parandi, & quædam sibi habendi, manant ex obligatione naturali, animalem hanc atque indigentem vitam tuendi. Cui autem hoc corpus detractum est, is, ut victus cultusque curis liberatur, ita etiam juribus, inde manantibus, prorsus exuitur. Cum in literis, ad *Celeb. Wolfium* datis, miratus essem, quonam pacto tantus Vir, quantum *Leibnitium* cognovimus, tam inanem de testamentorum origine sententiam fovere potuerit, apposite monuit Vir humanissimus, distinguendum esse inter *Leibnitium* juvenem & inter *Leibnitium* virum, sive adultum. *Quæ de testamentisatisfactione tradidit, ad juvenem spectare. Constare autem, Leibnitium virum non omnia approbasse, quæ juvenis scripserat, antequam scilicet Parisios venisset, ibique consiliis Hugenii usus, ad Geometriam sublimiorem animam appulisset. Exemplo esse ejus theoriæ motus concreti & abstracti, quam ipsemet sibi juveni excidisse fatetur, & in qua ea tradit, quæ postea vir non approbavit. Tunc temporis enim eum non legisse, nisi Gassendum & Cartesium, & ex his elegisse, quæ combinari posse ju-*  
dica-

*dicaverat, ita tamen, ut Gassendo inagis adhereret. Quæ, cum verissima sint, & mihi met ipsi, si modo cogitasset, satis nota, hoc loco expressius monere necesse duxi, ne forte mea culpa summo & in omnes æquissimo Viro injuria fiat. Quid? quod hæc ipsa observatio chronologica, in dijudicandis sententiis Leibnitianis, plurimis usui esse potest. Cum itaque tantus Vir rem acu non tetigerit; tanto magis, de hoc argumento agere, operæ pretium videbitur.*

Principio, si, ut docti hi viri contendunt, usus testamentorum merum Juris Civilis inventum est, id profecto mirum videri debet, quinam fuerit iste tam potens doctor, qui tot dissitas diversarum ætatum gentes testamenta condere docuerit. Certe, cum omnium gentium consensus naturæ vox sit, haud levis suspicio esse debet, non ex inventione ejusdam legislatoris, sed ipsa docente natura, in remotissimis civitatibus, nulla imitatione, nullo communi imperio, testamentorum usum ematum esse. Imo, si in bene constituta civitate aliæ leges civiles esse non possunt, quam ipsæ leges naturales, addendo & detrahendo ad indolem civitatis accommodatæ, ut recte observavit *Ulpianus*, merito requiretur, qua ratione in civitate testamenta possint vigere, quæ extra civitatem omni fundamento destituentur.

Plerosque Jctos principium in pomæriis Juris Civilis bonum, sed, extra hanc disciplinam delatum, haud dubie fallax, delusisse videtur. Existimant enim, traditionem ita ad translationem domini necessariam esse, ut, illa non accedente, valide dominium transferri non possit; hinc optimos titulos, pro emto, pro soluto, pro donato, operari tantum jus ad rem; traditione accedente valide dominium effici. Quod in Jure Civili quidem verum; in disciplina Juris Naturæ autem generaliter verum non puto. Quod autem ab aliis proponitur, in statu naturæ neminem posse dominium tueri, nisi actu possidendo, aut rei incumbendo, & minima possessionis amissione amitti dominium; genuinis Juris naturæ principiis prorsus refragari existimo. Sed res ex principiis communitatis & societatis humanæ paulo altius repetenda videtur.

Jus Naturæ neque ex Responsis Prudentum, neque ex consensu populorum, neque ex mero arbitrio Dei, sed ex ipsa hominis essentia atque natura, derivandum esse, jam agnoverunt antiqui, & satis hodie in confesso est. Certe de bono, malove, respectu rei cujuscunque judicaturi, ad essentiam naturamque ejus respicimus; atque nunquam non in omni casu id *bonum* dicimus, quicquid essentia atque naturæ rei convenit, ejusque perfectionem promovet; contra *malum*, quod ab essentia atque natura dissidet, & rei imperfectiones assert. Rationi itaque consentaneum erit, ut pari modo de homine judicemus. Adeoque homini *malum* erit, quicquid cum essentia humana pugnat, finem pervertit, perfectioni humanæ naturæ adversatur. *Bonum* contra id, quod essentia atque naturæ convenit, finem naturæ adjuvat, perfectionem promovet, unde justî & injusti notiones promanant. Et, quia in ente rationali cum sensu perfectionis sensus felicitatis conjunctus est; generalissimum & fecundissimum legis naturæ principium inventum est: *Fac ea, quæ natura statusque tui perfectionem augebunt, fuge contra stude, quæ naturam statumque tuum imperfectiorem reddent.* Limpida hæc moralium disciplinarum scaturigo Celeb. Wolffii præclaris laboribus adeo innotuit, ut, plura hac de re addere, Lectori molestum futurum esset.

Ipsa itaque essentia atque natura humana cum homini legem sauxerit, & de perfectione promovenda obligationes imposuerit; consequens est, ipsam naturam homini *facultatem* dare, ea agendi; quorum ope his obligationibus parere debet. Cum autem *facultas, ea agendi, quæ, salvis præceptis legis naturæ, fieri possunt, jus* dicatur; manifestum est, ipsam naturam homini jus tribuere ad omnia ea, sine quibus jussis naturæ parere non posset, & hominem jure suo ea facere, quibus naturæ obligationibus satisfacit. Unde patet, jura ex obligationibus promanare. Nempe eapropter ad nonnullas adiones homini naturale jus competit, quia per illas a natura injunctis obligationibus satisfacere necesse habet. Et verum est, si vel nullas homini, vel alias, obligationes imposuisset natura, vel prorsus nulla, vel alia, jura ho-

homini competitura. Quando itaque contendimus, jus esse homini natura datum de rebus suis testandi, *obligatio naturalis ostendenda erit, cui, facultate testandi adempta, satisfacere non possit*. Sic viam atque rationem videmus, secundum quam, de quo quaeritur, disputandum erit.

Ex his hoc quoque efficitur: Quia obligationes, & inde manantia jura, in ipsa natura humana fundata sunt, hominique competunt, qua homo est, compages scilicet ex anima & corpore apta; revulsa compagine, obligationes quoque & inde manantia jura una dissolvi. Disturbato enim ædificio, materia, quæ servet eam & tueatur, amplius opus non est. Diruit itaque mors corpori innexas obligationes, & hinc nascuntur jura. Is, qui liberatus obligationibus, ea tamen cuperet, quæ non nisi ad obligationes persolvendas natura concessit, opes, copias, facultates, haud dubie maxime id injuste faceret. Et dici potest: Si usu venire posset, quod vulgus fabulatur, animas demortuorum nonnullarum rerum interdum possessione delectari, illasque eam ob rem diligenter a manibus hominum custodire, fore id totidem furta generi humano facta.

Hæc eadem autem natura, quæ tantopere homini studium perfectionis commendat, a vita segrege atque silvestri mira vi eundem ad societatem avocat. Ea enim est Indigentia humana, tanta perfectionum acquirendarum multitudo, eorum, quæ ad bene beateque vivendum requiruntur, tanta varietas, ut homo homine tanquam Deo egeat, neque solivagus dignam suam naturam felicitatem ullo modo consequi possit. Ex hac naturali perfectionis commendatione nascitur ille *appetitus societatis*, principium Juris Naturæ *Grotianum*, quod ex superiori fonte, *desiderio perfectionis*, tanquam rivulus promanat. Cum itaque cujusque individui perfectio ad felicitas reliquorum hominum perfectione contineatur; ipsa natura homini maxime homines commendat, ac legem dicit: *Omnium hominum perfectionem atque salutem studiose tanquam tuam promoveto*. Unde humanissima illa præcepta de nemine lædendo, suum cuique tribuendo, officia humanitatis nemini non præstando. Quibus qui maxime satisfacit, maxime homo est.

Non:

Non itaque metus, aut vis, sed ipsa blanda natura, homines in societatem cogit; & dubitare non possumus, etiam procul remotis hisce motivis homines, si natura sine disciplina sapientes forent atque virtutis, amantes, in quadam semper societate victuros. At in qua? Procul dubio in sapientissima atque felicissima, in aliqua *Republica Solis Campanella*, ubi terrarum orbem nemo non propriam domum, genus humanum suam familiam, existimaret; commoda reipublicæ mundi pro viribus quisque promoveret, juvaret necessitates vicini gratis, & juvaretur vicissim sine mercede. Sed, cum facultatem quidem virtutis tanquam semina, non autem ipsos flores atque fructus virtutis, nempe habitum, natura contineat; præterea homo, indigentia atque necessitatis stimulis non excitatus, sit socors atque ignavum, item rapax atque avarum, animal, a felici illa communione recedendum erat. Proinde jussit natura, per præconem suarum legum, *Rationem*, dominia proprietatesque rerum introducere, quo, necessitate suscitatis ingeniis, & profligato torpore, quisque honeste vivendi, & obligationibus suis parendi, copiam facultatemque reperiat. His naturæ jussis cum obsecundarent gentes, occuparunt res usus non inexhausti, quo in posterum non omnibus, sed uni, earum usus pateat. Atque sic pervenimus ad originem dominiorum, et simul intelligimus, cur jure introduci potuerint: *obligationibus nempe, a natura injunctis, de perfectionibus promovendis, nullo alio modo satisfieri poterat.*

Prono ex his alveo fluit, quemadmodum cuius natura facultatem, seu jus, concedit, pro suis necessitatibus facultates parandi, sic naturam quoque tueri paratum, sive præsens, sive pro tempore abiens, justus possessor sit. Nemini enim jus comperit, alterum in exercitio sui juris turbandi, aut juste acquisita auferendi. Vetant hujusmodi ausus illa a natura injuncta officia erga alios. Qui ergo jussis naturæ obtemperans, dominia acquirit, copiasque parat, quo suis obligationibus satisfacere queat, hujus profecto possessiones ista lege naturæ: *Omnium hominum perfectionem atque salutem tanquam tuam promoveto*, latius firmo præsidio circumseptæ sunt. Contra justam

nam vim intelligo, quæ jure, non injustam, quæ armis tantum, propulsanda.

Sed hoc quoque manifestum est, quia natura homini hominum commoda ut sua commendat, nasci ex obligatione de aliis juvandis plenissimum Jus, *res nostras atque commoda cum aliis communicandi*. Quo jure dato, aperte consequitur, non traditionem dominium transferre, sed voluntatem officio suo satisfacere cupientis domini. Traditio est modus, seu medium, exequendi voluntatem, & sic fit signum naturale, illam vere intercessisse, per se ipsam autem jus non operatur. Is, qui dat, jure suo utitur, a natura concessio, alii bene facienti; is, qui accipit, jure suo utitur sibi habendi, quod dominus ipsi permisit. Tradiderit dominus, nec ne, quid ad rem, modo constet de voluntate utriusque? Et, si quando usu venit, ut ad executionem voluntatis traditio necessaria non sit, supervacanea adhiberetur; in Jure quidem Civili & Gentium quodammodo, quo negotia moralem certitudinem consequantur, litesque, quantum fieri potest, præveniantur, traditionis, vel quasi traditionis, solennitas, tanquam signum plene translati domini, prudenter adhibetur. Sed hoc minime de essentia ipsius actus Jure naturali existimandum est.

Verum hoc quoque, docentibus Philosophis, officio quam maxime consentaneum est, tametsi Jcti plerumque non attendant, ut *non solum viventes benefici simus, sed etiam, quantum possumus, operam demus, quo post mortem benignitatis atque virtutis fructum relinquamus*. Qui enim officio a natura demandato recte defungitur, *homines ut se ipsum amat*. Qui vero ita amat, is non solum de presenti, sed etiam de futura, felicitate eorum, quos caros habet, sollicitus est; & profecto salus mundi in eo versatur, ut nemo non hoc officium teneat, quo ætas, quæ nunc est, de commodis future cogitet. Ætas enim ab ætate felicitatem, ut opifex ab opifice materiam, accipit, & non aliter genus humanum, quam magna urbs, multorum seculorum continuatis laboribus ad perfectionem accedit. Et hoc modo statuendum, neque unquam connexa divellenda, neque homo, magnæ reipublicæ

civis, sine respectu ad concives, sive praesentes, sive futuros, in hac Juris naturae disciplina spectandus est. Vir bonus itaque, qualem lex naturae postulat, etiam futurorum temporum conditionem ad se pertinere putabit, & non sibi solum, sed etiam posteritati, seret. Non tamen id desiderat natura, ut paribus officiis omnibus conjuncti simus; aliter nos obligat generi humano, aliter nostrae genti, aliter civibus, arctissime autem familiae & amicis. Quemadmodum societatum, ita officiorum, gradus sunt, quos diligenter considerando, vir bonus, quibus plurimum debet, plurimum tribuet, curabitque, ut his non solum se vivente, sed etiam se mortuo, bene sit. Quod si pro se quisque in suo quasi circulo diligenter fecerit, genus humanum, tanquam annulus annulo in magna catena, mutuis amicitiiis, & communi felicitate, cohaerebit.

Quoad itaque vir bonus hac in vita versatur, pro conjunctionis & officii gradu, omnes suis facultatibus juvabit, nunquam tamen ita liberalis in alios erit, ut necessariis vitae praesidiis semet ipsum exuat. Repugnant graviora erga se ipsum officia, quae vetant, ita liberaliter aliis prospicere, ut egeamus ipsi. Tota viri boni vita perpetua officiorum contentio est. *Beneficentia* in alios facultates effundit, *prudens parsimonia* retrahit. Certissimum autem in moralibus principium est, quando contentio atque comparatio officiorum fit, debiliora cedere gravioribus. Retinebunt itaque graviora officia facultates in manu boni viri usque ad extremum spiritum. At enim vero, morte tandem dirimente hanc officiorum contentionem, & exsolvente moriturum ab obligationibus erga se ipsum, ut paulo ante exposuimus, remanent solae obligationes erga alios; quae cum ab ipsa natura injunctae sint, eadem autem natura *jus tribuat ad facienda ea, sine quibus officiis satisfieri nequit*; profecto palam est, ipsam naturam jus largiri morituro, bona sua ad illos transmittendi, quibus officiis conjunctus est, id est, testandi. Ex, cum, hoc agendo, suis officiis testator satisfaciat, suo optimo jure utitur, neque ab honestissimo actu, nisi summa injuria, poterit prohiberi.



Ex quo videmus, naturam homini *jus* quidem tribuere, de suis facultatibus disponendi, sed *officiis convenienter*. Minime enim ea dominii vis naturaliter est, ut quisque de rebus suis pro libidine disponere possit; nullam potestatem domino natura concedit, quam honestam, rectam, officiis convenientem. Dabit ergo operam dominus in distribuendis suis rebus, ne labatur in officio, diligentissimeque curabit, ut bonus ratiocinator officiorum sit, & addendo deducendoque experietur, quantum cuique debeat. Licet tamen aberraret nonnunquam ab officii præceptis, decreta ejus nihilo minus firma manebunt. Nam in statu naturæ nemo non summa libertate gaudet, nec, præter vindicem conscientiam, actionum suarum moderatorem agnoscit. Præsumendum itaque est, quemvis se gessisse ut virum bonum, officii memorem, conscientiæ faces timentem; imo, eum in statu naturæ superior judex nullus detur, cui judicandi potestas competat, testatusne fuerit officiose, an inofficiose, defunctus, omnino, ut quisque *de rebus suis statuerit, ita jus erit*.

Itaque non audiendi sunt JCI, male applicatis Juris regulis testamentaria oppugnantes. Cur ad validitatem hujus negotii formam transferendi inter vivos requirere? Cur traditionem flagitare, cum ipsa traditio non *jus* det, sed significet? Quid enim tam apertum, quam in quovis casu officiis eo modo parendum esse, quo per rerum naturam fieri potest; atqui facultates testatoris, illo superstitæ, ad conjunctos officio transire non possunt, debent tamen transire officiis flagitantibus. Quid itaque convenientius, quam ut a mortuo testatore ad illos perveniant, prout ipse decreverit? Ex negotio peragendo modus peragendi, & ex indole officii modus persolvendi officium, determinari debet; qui vituperari non poterit, si per eum sine ullius injuria justus finis obtineatur.

Æquissima ergo naturæ lex est: *Paterfamilias, uti legasset de pecunia tutelave rei suæ, ita jus esto*; sed addita hac altera: *Ut cuique plurimum debes, ita plurimum tribuito, neque ullum in distribuendis tuis facultatibus boni viri officium*  
L 2 *præter.*

*prætermittito.* Huic naturæ voci obsecundantes gentes, cuique de rebus suis testandi facultatem dederunt, licentiam officia violandi ademerunt. Ita olim majores nostri mulieri non aliter, quam in conspectu senatus, hæredem nuncupare permiserunt. Quam prudenter, & juris naturæ vim sentientes? Permittere mulieri, quod adimere non poterant, jus testandi a natura datum, fragilitatem sexus auctoritate amplissimi ordinis in officio retinuerunt. Et, cum legibus duodecim Tabularum cautum fuisset: *Paterfamilias uti legasset de pecunia tutelave rei sue, ita jus esto*; mire autem Romani hac amplissima testandi potestate ad sanctissima officia violanda abusi essent, sequiora jura exheredandi licentiæ modum statuerunt, ipsa consentiente lege naturæ. Quid enim naturæ tam contrarium, quam hoc ipso jure, ad officia persolvenda dato, impie ad officia violanda abuti?

Atque sic purissimus non testamentariæ solum, sed etiam legitimæ, successionis fons inventus est. Etenim, si defunctus ipse de suis officiis nihil scriptum reliquit, per præsumptionem legitimam determinanda sunt, determinatisque satisfaciendum. Et, quia, ipsa ducente natura, quibus plurimum officii debemus, principes sunt liberi, qui spectant in nos, & quibus vitæ præsidia debentur, proximi parentes, quorum summis beneficiis obligati sumus, deinde honesti & bene convenientes propinqui, a quibus plurimum opis atque auxilii in vita flagitamus; horum omnium curam gerere, & pietatis, & honestatis, est. Proinde, cum ex silentio defuncti colligatur, majora officia, quam hæc ordinaria, ipsum non habuisse, hancque ob causam testamentum non fecisse, recte voluisse censetur, ut hi hæreditate potiantur. Succedent itaque primo descendentes, ut conjunctissimi, & commendatissimi; deinde adscendentes, quo gratia referatur, postea collaterales propter necessitudinem. Ab hac honestissima succedendi ratione cum nimis recessissent Romanorum antiqui, *Justinianus* tandem, sublato antiquo jure, civiles leges cum naturalibus in concordiam reduxit; neque male præsumtus amor defuncti pro fundamento substratus fuit, modo intelli-

gatur

gatur amor in officiis fundatus, qualem ratio requirit, non stultus, perversus, ab officio dissidens, qualis in viro bono non præsumi debet.

His principiis inspectis, evanescet protinus omnis suspicio, libertate testandi legitimam successionem everti. Quam pulcher potius consensus apparet! Testator de bonis suis disponere debet officiis convenienter; si nihil disposuit, sit conjectura voluntatis officiis conformis, adeo, ut successio legitima re vera nihil aliud sit, quam *successio ex testamento præsumto*; quæ sola observatio omnes nebulas mire dissipat.

Tam fecundum autem hoc successionis principium, ac tam late patens, est, ut vix quidquam de hoc argumento quæri possit, quod inde dijudicari nequeat. Esto exempli loco celebratus canon: *neminem posse pro parte testatum, pro parte intestatum, decedere*. Quæritur, fundatusne sit in Jure naturæ. Si secundum ea, quæ de officiis dicta fuerunt, sententia ferenda, non videtur. Quid enim impedit, quo minus testator officiis, quibus forte amicis obstrictus est, satisfaciatur, parte bonorum illos instituat, reliquam secundum gradum necessitudinis agnatis permittere velit; nihil neque iniqui apparet, neque insulsi.

Pari modo, alio juris canone: *Uno cohærede deficiente, ejus pars vacua non ad cognatos defuncti pervenit, sed cohæredi accrescit*. Si quærat, quo jure portio vacans cohæredi accrescat, vix respondebitur. Habetne a testatore? At testator suis officiis in eum, illa parte hæreditatis, qua illum instituit, satisfactum putabat. Fortasse a deficiente cohærede? Sed huic nulla necessitudine junctus est. Quid ergo impedit, quo minus ad testatoris, vel in quibusdam casibus ad deficientis hæredis, cognatos hæc vacans portio transeat?

Et hoc modo naturalia a civilibus separando, & diversarum gentium instituta conferendo, non solum Juris naturæ, sed etiam Juris civilis, disciplina egregie posset illustrari, & secundum præceptum *Ulpiani* sigillatim doceri, quomodo ex lege naturali, varia addendo & demendo, diversarum civitatum leges civiles de successione, partim bonæ, partim

tim malæ, enatæ fuerint, quod nosse, ad prudentiam legislativam non parum conferret. Qui deinde officiorum magnitudinem, nexum, & vim, secundum differentiam personarum atque circumstantiarum vellet determinare, & hæc inter se comparare, quam multa posset in medium proferre, & in foro & in scholis præsentissimum usum habitura! Sed hoc loco nobis proximioribus esse non licet, qui non librum, sed schediasma, scribere institimus.

**CHRISTIANI GUIL. FRANCISCI WALCHII**  
*Antiquitates Pallii philosophici veterum*  
*Christianorum.*

Jeux, sumtu Jo. Friderici Ritteri, 1746, 8.

Plag. 16.

**Q**uam, quod multis hodie sordet, antiquitatis studium in pernoscentis Christianorum & doctrinis, & moribus, utilitatem cultoribus suis afferat, elegantissima hæc ostendit Commentatio, filio Venerabilis Jo. Georg. Walchii certe digna. Pallium philosophicum inter vestes locum obtinet, quas antiquissimi Jesu Christi cultores gesserunt, virtutum studiosissimi. Dignum itaque idem doctissimo Autori est visum, quod in profanis pariter ac Christianis literarum monumentis accuratius investigaret, & quæ in iisdem ad nos transmissa deprehendit, ita disponderet, ut de Philosophis prius sermo institueretur, & iis, quæ de eorum amiculo optimi Autores perhibent, studiose enarratis, deinde ad eos, qui Christi disciplinam secuti sunt, fieret progressus.

- §. 3. *Sectio prima de Pallio philosophico, ejusque usu, a priscis Philosophis recepto*, inscribitur. Ante omnia ipsius pallii conditionem describit politissimus Walchius noster. Pallium vestimenti genus est, quod super tunicam reliquaque indumenta humeris injici, totumque corpus tegere, solebat. Græci eo proprio quasi jure, perinde ut Romani toga, utebantur. Ab usu domestico & civili ad philosophicum transit pallium, cum prisci sapientiæ magistri illud, tanquam vitæ austerioris morumque
- 5.
9. *inte-*

integritatis signum, præ se ferrent. Quamvis vero certum habeamus atque exploratum, discrimen quoddam sapientum pallia a reliquis distinxisse; qualis tamen hujus fuerit ratio, tam expeditum non est. Et multos & doctissimos scriptores, in hac definienda dubios, sibi invicem contrarios, hallucinatos deprehendes. At, si materiam & formam spectes, nullam utriusque pallii fuisse dissimilitudinem, certum est. Utrumque ex lana conficiebatur; nec forma philosophici a communi discessit. Id tantum intercessit discriminis, ut, cum summam curam in in eo ponerent Græci, ut eleganti potissimum vestitu ornatus ac decoris studium aliis comprobarent; Philosophi hac in re fuerint negligentiores, suam incuriam, ejus præposere gloriam affectabant, pallio *obsoleto, inculto, sordibus nigro*, declarantes, & *dilacerato*. Literam γ triboniis philosophicis fuisse intexam, autor est *Hesychius*; omnes autem palliatis sapientie magistros hanc literam adhibuisse, nondum liquet.

Ad modum, pallium istud *gestandi*, progreditur Autor, ex antiquitatis monumentis illustrandum. Quidam novum discrimen hic adnuntunt, imo princeps differentie momentum ad pallium gestandi rationem referunt. Verum *Ferrario* adkulpatur *Clariss. Walchius*, veteres, statuenti, Philosophos, qui ad Cynicos se haud adjunxerunt, cum reliquis Græcis eodem modo gestavisse pallium. Quinam usi fuerint potissimum pallio, nunc dispiciendum est. Philosophi hujus vestimenti inventores non sunt; nec id sibi solis vindicarunt; sed, si ultimam ejus memoriam repetere velimus, alios quoque homines, eosque haud infimi ordinis, eo usos, postea autem, ubi luxus & intemperantia dissuadebant, idem ad pauperes abjectum fuisse, multis antiquitas comprobat exemplis. Philosophi adhibebant quidem pallium, ac non omnes. Varios enim, & in his principes, doctrinæ morumque magistros, e. g. *Pythagoram*, *Aristotelem*, non tribone, sed aliis vestibus, amictos fuisse, luculenta afferuntur veterum testimonia. Soli *Asceta* sibi vindicabant pallium, qui scilicet optimam, id est, severiorem, vitæ rationem tenebant, ac a variis virtutis exercitatio-

- citationibus *ascetarum* ferebant nomen. Horum instituta hic strictim enarrantur, & in *ascetarum* & *palliatorum* cohorte
- Pag. 44. numerantur *Pythagorai*, a præceptore vestimenti genus diversi,
- 52-77. *Socrates*, *Cynici*, qui duplicatum gestabant pallium, *Stoici*, *Aristippus Cyrenaicus*. Tum causæ perquiruntur & dijudicantur, cur hunc vestitum Philosophi susceperint. Corporis voluptati maxime opponebatur pallium, cum talis illius apud Philosophos esset usus & conditio, ut, tolerantia & temperantia causa illud sumtum fuisse, colligere deberent, qui intuebantur, omnes. Qui paulo altius rationes repetunt, in for-  
87. dido pallio superbia deprehendunt tegumentum. Alii tribonio induebantur, non quod continentia se consecrarint, licet id prætenderent; sed quod continentia laudem patientiaque affectarint gloriam. Alii, longius a virtute ac scientia remoti,  
90. pallium adhibuerunt, omnem Philosophiam non magnarum rerum notitia, sed barba tantummodo, statuentes, & pallio ab-  
93. solvi. Id denique prætereundum non est, non in Philosophorum scholis se continuasse pallium, sed etiam ad ceteros literarum ingenuarum, artisque & doctrinae liberalis, magistros demigrasse.
99. His præmissis, *Sectione posteriori* de Pallii philosophici usu inter veteres Christianos agitur. Varia vox *pallium* in ecclesiae monumentis significat, inprimis episcopale ac philosophicum. Illud longo intervallo ab hoc distat, quo orbis  
102. Christiani Episcopi in obsequium Romane sedis rediguntur, instrumentum; neque hujus loci est, de eodem disputare. Hoc,  
104. quod a Philosophis ad Christi affectas propagatum fuit, illo Episcoporum amiculo multo antiquius est. Postquam igitur, Christianorum pallium a Judæis repeti non posse, fusc ostendit doctissimus Autor, illud, veluti ritus varios, instituta, cultusque  
112. civiles, a superstitionis Numinum cultoribus ad Christianos transisse, nullus dubitat. De iis disputaturus, qui inter Christianos pallium gestarunt, primum solidis evincit argumentis,  
118. neque Servatorem ipsum, neque hujus legatos, neque singulos, 130. qui Christo nomen dederunt, sed solos Ascetas, illo fuisse usos. Er, inter Christianos exstitisse Ascetas, ab antiquis rei Christianae scri-

scriptoribus uno ore relatum legimus. Imponebatur illud Pag. 140.  
 nomen iis, qui præ ceteris sanctimonix morumque probitati  
 studebant; hancque variis virtutis exercitiis severioribus, je-  
 junii præsertim & abstinentiæ, sibi comparare laborabant. 141.  
 Floruerunt quidem hi omni fere tempore in prisca Christia-  
 norum civitate; Seculo tamen post partum Virginis salutarem  
 secundo & tertio caput suum extulisse, tot ascetarum,  
 qui isto ævo clari fuerunt, exempla abunde docent. A Phi-  
 losophis, qui, cum a Christianorum sacris alieni essent, auste-  
 riorem vivendi rationem secuti, postea Christo nomen dede-  
 rant, originem illorum petendam esse, ambigendum non est.  
 Quos ut quamplurimi, sive Clerici, sive laici, sive mares, sive 142.  
 fœminæ, liberaliori usi vita, imitarentur, eorum effecit auto-  
 ritas, & integritatis, quam præ se ferebant, existimatio. 148.  
 Habes itaque palliatos ascetas, tam Clericos, quam laicos, mares 152.  
 & fœminas, cujus rei multa sane, eaque egregia, Clarissimus  
 Autor profert documenta. Nulla tamen, ut in aliis 144.  
 etiam ascetarum institutis, fuit lex, nulla necessitas, gestandi  
 pallium. Erant, qui sine pallio vitæ severioris decus secta-  
 rentur. Ii tamen audiendi non sunt, & confutantur, qui, ve- 159.  
 stium hominum ecclesiasticorum originem in pallio quæren- 160.  
 tes, sibi persuadent, isto tempore pallium philosophicum ordinis  
 sacri proprium fuisse, cujus singularis ornatus atque corporis  
 cultus Seculo demum quarto cœpit. Qui sequenti ætate ca- 162.  
 put extulerunt monachi, atque, extincto sensim prisorum asceta- 168.  
 rum ordine, duriora virtutis exercitia sibi fere soli vindica-  
 runt, pallio philosophico utebantur, cum Anachoretæ, tum 169.  
 Cœnobitæ, cum mares, tum fœminæ, neque ulla tamen lege 174.  
 coacti, neque omnes. Ex optimis antiquorum enim testi- 178.  
 moniis tuto colligitur, in terris, versus solis ortum positis, anti-  
 quissima rei monasticæ ætate nullum vestitus genus mona-  
 chis fuisse præscriptum; in Occidente autem magis adhuc libe-  
 ra fuisse atque voluntaria omnia. Sed immutata fuit, *Constan-* 182.  
*tino Magno* imperante, rei monasticæ ratio. Monachi officia 183.  
 non peculiarem Dei cultum, nec veram vitæ sanctimoniam  
 & castitatem, aut singularem erga alios, egentes potissimum,  
 amorem, eosque sublevandi studium, sed affectatum & pro-  
 prium

- prium vestitam, cantionum quarundam novarum usum, pre-  
 Pag. 184. ces definitis horis faciendas, &c. postulare, creditum est. In  
 singulis ordinum regulis præscribebant conditores, qualis esse  
 185. debeat vestitus monachorum; & hoc ipso factum est, ut  
 pallii nostri usus una cum prisco monachorum candore de cœ-  
 nobiis sit expulsus, proscrip- & penitus intermissus. His docte  
 199. & solide expositis, in causas inquit Clariss. Autor, cur pallium  
 Christianis fuerit probatum, & varia notat indicia, ex quibus,  
 quale pallio nostro, præsertim a Patribus, constitutum fuerit  
 pretium, apparet; tum de idolorum cultoribus agit, atque in-  
 primis formulam: *Græcus est, & impostor*, illustrat, adjec-  
 221. quæ ad *Tertulliani* librum de *Pallio* pertinere videntur; tan-  
 236. dem hæreticos enumerat palliatos, & inprimis, quæ de *Eusta-  
 thio Sebasteno* æque ac Concilio Gangrensi relata sunt, dili-  
 genter commemorans.

MISCELLANEA LIPSIENSIA NOVA, AD IN-  
 crementum Scientiarum ab his, qui sunt in colligendis  
*Eruditorum Novis Actis occupati, par Partes pu-  
 blicata.*

### *Voluminis IV Pars III.*

Lipſiæ, in officina hæredum Lanckſianorum, 1746, 8.

Plag. 12.

- Oculos primo loco oblectat *Ge. Ludov. Oederi, D. Disserta-  
 tio de vexato loco Gal. IV, 21 seq.* Difficilis hic locus  
 Exegetis jam diu fixit crucem. Excussit eum *Cl. Andreas Georg-  
 ius Wabnerus* Dissertatione publica Gœttingæ A. 1744, exami-  
 nique eruditorum submitit suam opinionem. Edidit nunc  
*Cel. Oederus* hanc opellam, eique subjicit stricuras aliquot  
 humaniter & modeste, & suam addit interpretationem, vix fe-  
 rens allegoricarum, quibus Judæi utuntur, interpretationum,  
 quas *Cl. Wabnerus* fuit secutus & exornavit, Mæandros. Succedit  
 426. *Petri Zornii Dissertatio de נַצִּירַיִם, sive Nazirais, ex ordine  
 procerum viris principibus, ad illustrationem variorum in sacro  
 Codice locorum, Gen. XLIX, 26, Thren. IV, 7, Nabum. III, 17.*  
 In regno Assyriaco erant viri dignitate spectabiles & eximii,  
 qui vocabantur *menisferim Nab. III, 17,* & ob amplitudinem  
 singu-



singulareque honoris gradum ab aliis erant separati. *Josephus* vocatur *inter fratres Nasiræus* Gen. XLIX, 26; Deut. XXXIII, 16. Minister Regis apud Perlas, in quo sunt omnia posita, etiamnum vocatur *Nasir*, attendens ad singula. *Nasara* Arabibus est *adjuvit, defendit*, imo נָסַר. Inde decerpta sunt nomina *Nabonasar, Nabuchodonosor, Nasiredin, Abunaser, Nasiraddaula*. *Nasiræ* inter sectas Mohammedanorum antiquas recensentur. *Josephus* facta, in administrandis regni Aegypti rebus occupata, propugnat, & accusationibus eximit, B. Autor. Locum *Thren. IV, 7*, egregia perfundit luce. Pontificem Judæorum maximum, ut *Calaneo* visum fuit, vocatum *Nasir* Lev. XXI, 12, illustrat. Excipit hanc tractationem *Car. Henr. Zeibichii, Ordinis Philosopharum Wittebergenfis Assessoris, Diss. de Ritu adjurandi summu[m] Hebræorum Pontificem, ante expiationem anniversariam, ad illustrandum Cod. Joma Cap. 1 §. 5.* Autor locum *Mischna* exhibet. Tempus, quo hie ritus fuit peractus, definit. Locum, eidem ritui destinatum, edisserit; simulque de conclavi Parhedrin disputat. Ab hoc distinguit conclave domus Abtines. De situ utriusque loci commentatur. Personas, a quibus adjuratio instituta, designat. Fontes, e quibus ratio ritus est haurienda, indicat. Exhibet ipsam adjurationis formulam, duplici eruditorum interpretatione instructam. Sentium hujus formulæ generalis ad omnes Pontificis expiantis functiones redire, ostendit. Specialem sensum ad suffitum incendendum spectare, demonstrat. Sadducæorum in suffitu faciendo morem exponit. Illo ritu vere ad quandam Sadducæorum hæresin respici, declarat. Disserit de Pontificibus, Sadducæorum partes tutatis. Huc refert *Joannem Hyrcanum* ac *Ananum*. Ritum alium, in quo Sadducæi a Phariseis discesserunt, subjungit. *Joannem Clericum* notat. Controversiam recentiore[m], *Cel. Conradum Ikenium* inter & *Rev. Gudium* agitatam, producit. Clausulam loci *Mischnici* paucis expendit, ac tandem loci alicujus Apostolici ex hoc ritu promittit illustrationem. De reliquo *pag. 455 lin. 10* legitur διβαρυντὶν pro διβαρυντὶν *levi* errato. Expectamus Viri Clariss. Dissertationem, qua Christum Ἀρχιερεὺς πρὸς ex antiquitatibus Judaicis nobis illustratum repræsentabit. In præsens progredimur ad *Joannis*

- Pag. 465. *Christophori Harenbergii Supplementum in Hadriani Relandi re-  
 censionem urbium & vicorum Palaestinae.* Emendat Autor non-  
 nihil in *Relandi* expositione, addit haud pauca, saepius senten-  
 tias *Hermanni von der Harde* refellit. *Abel-cramim* urbem fuisse  
 Batanae, non Ammonitidis, docet. *Aschaph*, ipsius ex iudicio,  
 est ipsa urbs Aco, seu Ptolemæis. *Agræos* ad Orientem Perææ  
 collocat. *Elatb.* & *Eloth* ipsi est locus vel 1) prope mon-  
 tem Hor & Kadesch *Deut. II, 8, Num. XXXIII, 35, 36*, vel 2)  
 supra Tyrum ad mare situs, *Elaïs* vocatus. *Antiochiam* Syriæ,  
 olim Togarma, nunc Togar, dictum, illustrat idem. Vocem  
 מִנְרַת, quæ exstat *Dan. XI, 45*, exponit per palatium ejus. Urbem  
 Moabitidis primariam *Ariel*, *Ar*, *Arjeb* Moab, *Rabbath Moab*, il-  
 luminat, ac locum vexatum *Jes. XV, 9*, expedit. Hierosolymam  
 dictam fuisse *Ariel* *Ez. XXIV, 1, 2, 7*, ostendit. *Arnon* ipsi non  
 solus est fluvius transiordanicus. Designari etiam per Arnona  
 existimat regionem adjectam *Arnonam*, nec non locum in valle  
 satis profunda, dictum *præsidia Arnonensis*. *Ascher*, memoratus  
*Jos. XVII, 10*, ipsi est locus Scythopolin inter & Sichemum. Lo-  
 cum *Aven*, seu *Beth-Aven*, ab urbe *Bethel* distinguit. Pag. 486 lin.  
 ii pro ad *Ægypti* legendum est ad *Ægypti ultima*. Urbem *Ba-  
 scban*, *Batancam*, *Batanin*, *Votanin*, *Paddan*, ponit trans Jorda-  
 nem, ratus, regionem exinde dictam fuisse. *Berethai*, locus 2  
*Sam. VIII, 8*, memoratus, ipsi est *Brotha Ezechiele* *XLVII, 15*,  
*Ptolemæi Jabruda*. *Betach*, qui locus memoratur 2 *Sam. VIII, 8*,  
 ipsi est *Bedejene* ad radices Libani, seu potius Antilibani. Ra-  
 tionem deinde idem expromit, cur *Bethabarah* versa fuerit in  
*Bethaniam* *Luc. I, 28*. Per *terram Cabul* intelligit tractum Gaba-  
 læ, monti Carmelo versus Orientem adjectum. *Gabalam* hanc  
 pro *Cbabulo*, & *Zabulone*. habet. Urbem *Chamath* esse Helio-  
 polin, regionem vero *Chamath* esse Cælen Syriam, argumentis  
 persuadet. Pag. 509 lin. 9 pro verbo *Sirbonio* legendum est *Sir-  
 bonio effluit*. *Chebrona* septentrionalem, urbi *Sichemo* ver-  
 sus Orientem adjectam, Autor a *Chebrone* australi folicite di-  
 stinguit. *Elon Mamre* ei est *aulon Sichemiticus*. *Chebron*, *Ez.*  
*XXVII, 18*, memorata, ipsi est *Chalybon*, urbs Syriæ, circa quam  
 cis *Ephratem* visitur *Chalybonitis* regio, vinis olim excellens.  
 Supplementi hujus Autor continuationem dabit & unam

& alteram, nisi complures. Attentionem jam provocat nostram  
 Dissertatio III. Confiliarii aulici Brunsvico-Lüneburgici, *Francisci* Pag. 511.  
*Caroli Conradi*, cui indicem præfixit *Conjecturarum in loca Quinti-*  
*lianiani Instit. Orat. VI, 1, 3, de usu picturarum in judiciis apud Ro-*  
*manos*. Inter artificia, quibus oratores consueverunt ad animos  
 judicium commovendos uti, picturas retulit *Quintilianus*. Prio-  
 rem locum Autori Cel. ita legere est visum: *Depictam tabulam* 513.  
*supra verum in imaginem rei, cujus atrocitate judex erat com-*  
*movendus.* - & prolata novissime deformitate, ipsa natura, se-  
 nis cadaveri insensa, præteritam quoque orationis gratiam per-  
 didit. Posteriorem ita legi cupit: *Sed non ideo probaverim,* 517.  
*quod factum & lego, & ipse aliquando vidi, depictam in tabula*  
*spiarove imaginem rei, cujus atrocitate judex erat commovendus.*  
 Adduxit Vir laudatissimus post *Burmanni* ac *Cel. Gesneri* sen-  
 tentias pro conjecturis suis argumenta, quibus Critici, ni falli-  
 mur, assensum haud omnem subducent. Succurrit porro ocu-  
 lis animoque lectoris *Matthiæ Belii Observatio historico-physi-* 518.  
*ca de Antro Ribariensi, balitus noxios eructante.* Domesticum  
 Hungariæ antrum, quod est in Comitatu Zolienfi, ad vicum  
 Ribar, attentionem sibi vindicat spectatorum. *Georgius Agricola*  
 tradidit, halitibus; exinde profluentibus, ac in aerem delatis, aves  
 appropinquantes ac reliqua, quæ accesserint, animantia enecari.  
*Wernicrus, de admirandis Hungariæ aquis* commentatus, similia  
 fere habet. Cel. Autor ex observatione sua nihil non exponit  
 de isthoc specu, ejusque sulphure subtili, ac aqua inde citra per-  
 niciem hausta & bibita. Ostendit ipse, lethalem illam halituum 524.  
 sulphureorum noxam non a peste esse arcessendam. Deducit  
 eam potius a subtilissimi sulphuris copia, & ab admixtis mine-  
 raliū halitibus, qui per subterraneos meatus eos una cum 525.  
 aquis præcipiti ac strepero lapsu ferantur. Addit, halitus hos-  
 ce non suapte natura esse exitiales, sed id in causa esse, quod  
 nimia illa subtilitas, completis subito pulmonum bronchis,  
 præclusoque necessario ad respirandum aere, & sic præfocato  
 illic sanguine, intra ictum oculi enecet animalia. Agmen Dissert-  
 ationum claudit *Emendatio duorum Ovidii locorum, tentata a* 527.  
*Frid. Ottone Menckenio.* Dignus sane est *Ovidius*, latinitatē aureæ  
 promus condus, cujus artus ac verborum membra sint sana.

Leguntur hæc vulgo in *Tristium V, 8, 11*: *Vidi ego, naufragiumque viros & in aequore mergi; Et, nunquam, dixi, justior unda fuit.* Quid est illud: *naufragiumque viros & in aequore mergi*? Copias huc criticas Autor convocat & multas & egregias, partim opiniones emendantium amputaturus, partim suam propugnaturus. Monet idem, *navisfragum* esse, qui in causa est, ut navis frangatur; *naufragum* vero, qui calamitatem navis fractæ sustinet ac perfert lugetve. Phrasim *mergere in re quadam* ab *Heinsio* explosa est citra jus fasque. Versiculum illum Noster ita judicat legendum: *Vidi ego, naufragium qui risit, in aequore mergi.* Restat aliud in *Ovidio* ulcus percurandum. Legitur vulgo in *Trist. I, 2, 102*: *Si satis Augusti publica jussa mihi.* Id Noster sic refingit, ac

Pag. 551. restituendum non tam judicat, quam prorsus evincit: *Si satis adjuvi publica vota meis.* Tandem comparent *Gisberti Cuperi ad Theod. Jonssonium ab Almeloveen Epistola, quantum continuata.* Epistola XXI Fastos Romanorum fuscæ & erudite illustrat, duo *Quintiliani* loca emendat, ac convertit vocem antiquarum Inscriptionum *Antoninianis* in vocem *Antonianis*. Epistola, quæ illam sequitur, tota in emendandis Romanorum Fastis occupatur, & eadem occasione versatur in locis variis *Eutropii, Velleji, Frontini, Livii, Suetonii, Festi, Gellii,* & aliorum, erudite aut explicandis, aut illustrandis. Qui humaniora amant studia, eos titillabit cupiditas, hæc Epistolas, solidissime elucubratas, ipsas perlustrandi.

LETTERA SCRITTA ALL'ILLUSTRISSIMO SIG. AV-  
vocato Don QRAZIO BIANCHI, Romano, &c.

id est,

EPISTOLA AD ILLUSTREM VIRUM, HORA-  
TIUM BIANCHI, Romanum, Professore Publicum Elo-  
quentiæ Latine & literarum Græcarum in scholis Pala-  
tina Mediolanensibus, scripta a PHILIPPO  
ARGELATO.

Mediolani, 1746, 8.

Plag. 1 1/2.

Notum

Notum satis est *Philippi Argelati*, Viri de literis optime meriti, in orbe literato nomen, ejusque Collectiones variorum Scriptorum non sine applausu ab hominibus eruditis semper exceptæ sunt. Eminent inter ejus scripta *Scriptorum Mediolanensium Bibliotheca*, in qua, vix satis laudanda diligentia, copiam fere immensam virorum in Italia celebrium oblivionis tenebris eripuit. Cum autem invidia plerumque virtutis comes esse soleat, & nunquam desint homines maledici, qui, calumniis contra viros bonos ac probos evomendis, nescio quam gloriolam aucupantur; eandem *Argelatus* noster, reipublicæ literatæ civis bonus ac industrius, nuper sortem expertus est. Existit enim in Italia tenebrius quidam, qui, cum laudes, quæ in Nostrum ab eruditis, ob navatam literis hanc operam, veluti certatim deferebantur, æquo animo ferre non posset, scripto quodam, nigri succum loliginis & meram æruginem continenti, Virum optimum laceessere sustinuit. Aliis nimirum sua eum surripuisse, & mala fide, tanquam proprios labores, lectoribus hæc venditasse, iste homo in vulgus sparsit. Audivisse nimirum se ab illustribus viris, integræ fidei testibus, pronuntiat, Bibliothecam illam Scriptorum Mediolanensium a Canonico, *Joanne Andrea Irico*, esse consecram, & *Argelatum* dolose suum libro nomen præfixisse. Et, ut eo majorem invidiam Viro bono apud omnes conciliaret, addit, moris ipsi esse, aliorum compilare scrinia, & nos in hisce *Actis* nostris plus vice simplici has ejus fraudes indicasse, audacter asseverat. Stomachum vero atque bilem nobis moverunt ista hominis mendacia, quibus veneratio & honos, viris doctis exhibendus, suprema semper lex fuit. Tantum certe abest, ut famæ *Argelati* vel tantillum detrahere hoc pacto nobis unquam in mentem venerit, ut, maximi nos eum facere, & de ejus amicitia, & commercio literario, quod ei eum *Menskenio* nostro intercedit, mirifice nos gloriari, palam significemus. Lætatur itaque, quod insanas malevoli istius calumnias tam falsæ & eleganter in literis, ad Cl. *Blanchium* datis, perstrinxerit atque confutavit Vir Celeberrimus; & eam potissimum ob causam lætatur, quod ex *Actis* nostris quamplurimos, lotos, laudes, ipsi debitas, continentes, eis inferuerit.

Pag. 8 seq. ruerit. Debebat utique hoc famæ suæ, qua nihil studiosius viro bono custodiendum atque vindicandum est. Neque livor, aut acerbitas, in hisce literis regnat, verum adeo humaniter & miti stilo sunt compositæ, ut non satis mirari possimus insignem Viri prudentissimi in contemnendis injuriis constantiam. Nimirum non increpationibus & conviciis, verum testimoniis, pro se adductis, adversarii tela retundit. A *Muratorio*, qui de his rebus judicare omnium optime poterat, Nostrum huic, quod confecit, Operi parem judicatum, literæ ejus, ad *Argelatum* datæ, declarant. Idem sensit dictus supra *Joannes Andreas Iricus*; cujus de Nostro judicium variæ ad ipsum literæ produnt, in quibus eum sæpius *Bibliotheca Mediolanensium Scriptorum* Autorem disertis verbis appellat. Præterea *Saxio*, Viro Clarissimo, cujus consiliis pariter & manuscriptis nonnunquam cum fructu usus est, testimonium Noster denuntiat, eumque in Epistola, ad Eminentissimum *Quirinium* datæ, se Autorem hujus Bibliothecæ agnoscere, comprobatur. Fatetur quidem, se ex variis scriptoribus, v. c. *Oudino*, *Ughello*, *Fabricio*, *Wadingio*, horumque similibus, nec non ex viventium adhuc eruditorum, *Saxii* potissimum & *Irici*, lucubrationibus & narrationibus varia hausisse, & in usus suos transtulisse; neutiquam tamen idcirco furum literati crimen contra se intendi posse, urget. Verissime enim judicat, aliud esse librum philosophicum, aut alterius disciplinæ, quæ cogitando, & rationes subducendo, cognoscitur, scribere, aliud, libros, collectanea continentes, uti sunt Lexica, aut Bibliothecæ, componere. In his certe non tam inventioni & cogitationi propriæ, quam diligentæ in colligendo, locus est. Jam vero *Cel. Argelatus* eos, ex quibus sapuit, neutiquam occultavit, verum in Præfatione, Operi, de quo proxime dicemus, præmissa, pariter ac in ipso libro, candide semper indicavit. Merito igitur a plagii crimine absolvendus est; neque majoris facienda adversarii contra genus dicendi, quo usus est Noster, monita. Nullius pretii habenda sunt ejusmodi scripta, quæ livor & obtestandi libido distillant, sed ad piper potius & thus damnanda, & eruditorum hominum societate in æternum proscribenda.



# NOVA ACTA ERUDITORUM,

*publicata Lipsiæ*

*Calendis Martii Anno MDCCXLVII.*

*Pars I.*

INDEX TESTARUM CONCHYLIORUM, QUÆ  
asservantur in Museo NICOLAI GUALTIERI, Phi-  
losophi & Medici Collegiati Florentini, Regiæ Botanicæ  
Florentinæ Academiæ Socii, in Pisano Arhenæo Medicinæ  
Professoris emeriti, & methodice distributæ exhi-  
bentur Tabulis CX.

Florentiæ, ex typographia Cajetani Albizzini, 1742, fol. maj.

Alph. 3, cum Tabulis æneis quamplurimis.

**C**onchyliorum, quibus inter exsanguia regni animalis  
corpora locus designatur, domicilia, Testarum nomi-  
ne, magnam supellestilis, qua eruditi viri Musea  
illustrare solent, partem constituunt. Omnes tamen, qui in  
isto rerum naturalium studio versantur, eadem methodo,  
eademque nominum ratione, usi haud fuerunt, & maxi-  
ma, si quæ ullibi, circa terminos & vocum significatus ob-  
servatur dissensio. Proinde factum est, ut testarum ordi-  
nes, & quæ inde proveniunt, compellationes, certæ cuidam  
legi & immutabili normæ adscribi haud potuerint. Quod si  
omnium, quorum domicilia in curiosorum manibus versantur,  
animalium conspectu perfrui, eorumque vitam & vivendi mo-  
res ad examen revocare, licuisset, nullum superest dubium, ab  
incolis potius, quam incolarum ædificiis, classium mensuram  
desumpturos fuisse naturæ scrutatores. Fecit illud *Aristoteles*,

N

sicut

sicut in omnibus, ad historiam naturalem animalium spectantibus, rebus, ita & in isto, quod ad testas spectat, negotio, solers observator, & methodi, ab ipsis testarum incolis desumenda; hinc traxit *Hist. animal. Lib. IV. Cap. 4.* Ipsa, ait, inter sese numerosa discrepant differentia, tum testa, tum carnis interioris, ratione. Aliis enim caro penitus est inclusa, nec ulla ex parte conspecta, excepto capite, ut terrestribus limacibus, & aquatiliis purpuri, buccinis, cochleis; & reliquis omnibus turbinatis. Sunt item, quibus altera pars superficiei detecta carnem ostendat, ut patella. Item alia se movent, ut peccines, alia item natura immobilia sunt, ut pinna. Ad vitæ, quam ista animalia servant, mores, inter recentiores respexit *Martinus Listerus*, qui testas conchyliorum aquæ dulcis ab illis, quæ mari vivunt, aut terram incolunt, solerter divisit. Plerique tamen, eum de methodo ab incolis testarum desumenda ob experientiorum capiendorum difficultatem desperarent, in conchyliorum testis hæserunt unice, quandoquidem, quæ diligentia *Fabius Columna* purpuram, *Listerus* cochleas, *Reaumurius*, Gallorum fulgidum sidus, soleus & pholadas, eadem & reliquorum conchyliorum, ingenti specierum varietate ludentium, organa perspicere posse, nemini huc usque licuit. Quapropter *Conchyliorum cutis*, quæ animalibus his ostracodermatum nomen fecit, & *Aristoteli*, & *Plinio*, & qui eosdem secuti fuerunt, *Jonsonio*, *Listero*, *Buonanno*, *Rumphio*, præstantissimum visa fuit methodi testarum instituendæ fundamentum. Neque enim in reliquis Historiæ naturalis partibus infrequens est, a superficie corporum desumere definitionum momenta, cum ab habitu florum fructuumve vegetabilia, a cute, pedibus, dentibusve, reliqua animalia, a formis externis fossilia, efficacius clariusque, hinc & utilius, describantur, quam ab internarum facultatum conditionibus, quas, nisi destructio & pessundato, de quo queritur, corpore, cognoscere haud possis. Proinde ipsa quidem norma, secundum quam testas in sua quamlibet genera dispecimus, nempe τὸ μὲν ὄψον, καὶ τὸ δι' ὄψον, ab *Aristotele* acceptum, cui τὸ περὶ ὄψον in pholade, τὸ περὶ ὄψον in balano, accessit recentius, ab omnibus, quotquot conchyliis descri-



describendis animum addixerunt, assumpta est, est circa nomina conspirant paucissimi. Cassidum, Porcellanarum chamarum, *Rumphia* dictarum, tituli aliter designantur *Listero*, qui buccina, conchas, pedunculos, generali latoque nimis significatu adducit. Multo autem major in Conchyliorum denominationibus varietas ab eo tempore inducta fuit, ex quo illiterati, lucri, quam veritatis, studiosiores, huic doctrinæ sese immiscuerunt, utpote qui, pro suo quilibet ingenio, formas Conchyliorum comparativis nominibus, *ficus*, *dactyli*, *ovi*, *vespertilionum*, *podagra*, *unguiculi*, prout apud *Rumphium* leguntur, expresserunt. Est etiam diversis gentibus diversa ejusdem Conchylii denominatio. Gallica nomenclatura, quam novissime *Bonierius* in *Catalogue raisonné des Coquillages* exposuit, haud respondet sermoni Batavo, quamvis ista gens suis in historiam Conchyliorum meritis, cujus industria pleraque rariora testarum genera Europæ inuenta sunt, auctoritatem, nomina suis inventis imponere posse, lucrata sit. Deinde, quanto quisque ex eruditis ingeniosior fuit, tanto etiam plus sibi in commutandis usu hactenus receptis Conchyliorum nominibus licere putavit. Ab ista dissentiendi libertate novi apud Clarissimum *Linnaum* in *Systemate natura novo* profecti sunt, *Cypriæ*, *Haliotæ*, *Labyrinthi*, *Lyræ*, tituli. Nec culpandi, quin vehementer collaudandi, sunt eruditissimi viri, qui, percepta Conchylii differentia, quæ vitam & mores animalis singulares innuit, genus, & cum genere nomen, mutare instituerunt, exque suæ supellectilis, quam quilibet disponere studuit, contemplationibus novas sibi classium stabiliendarum leges fecerunt. Fecit illud eruditissimus, nec de Historia tantum naturali, sed de universa, qua patet, arte salutari, optime meritus, cujus præmaturam mortem lugemus, *Gualtierus*, in isthoc, quod sua propria luce radiat, nec commendatore indiget, splendidissimo Conchyliorum testarum Systemate; in quo, utrum testarum numerum rarasque oppido, atque hinc magno pretio æstimandas, Conchyliorum species, an omnium, quæ continentur, indivulsam, spontaneam, facillique rivo defluentem, methodum, an, quo series omnes secundum affinitatis regulas curiosis-

sine exposita, interque se comparata, & hinc continuo quodam filo deducta sunt, ingenium, magnumque, quo regium sere pratorisque sumtibus instructum opus aggressus est, animum, an denique in perficienda re felicitatem, admirari magis debeas, dubius hærere possis. A quibus profecerit, in Præfatione fatetur ingenue, laudatque *Caroli Nicolai Langii* Conchyliorum methodum, & Clarissimi *Joannis Philippi Breyerii*, Gedanensis, classes Conchyliorum constituendi modum, quæ ille *testas simplices unius valvæ, monothalamias polythalamiasque, compositas autem duplici pluriumve valvarum conchas, conchoidas, balanos, esse voluit, echinis in ostracodermatum societatem adductis*, commendat, tandemque Celebrissimi Botanici, *Josephi Pitton Tournefortii*, Conchylia in ordines redigendi, in schedis relictam, & nullibi typis expressam, rationem adducit, & eandem, ab amico acceptam, liberaliter cum eruditis communicat. Ex ista methodo, quæ terminis saltem ab antiqua, valvarum in testis numerum respiciente, methodo abludit, nec quidpiam novi habet, præter quod univalve dicatur monotonon, bivalve ditomon, multivalve polytomon, decerpit sterculos, suisque fertis intexuit. Systematis fundamenta a vitæ, qua Conchylia perfruuntur, genere desumens, duo Conchyliorum summa constituit genera, quorum alterum Exorhassia, ea scilicet, quæ extra marinas aquas fluminibus, vel sub terra, vitam degunt, alterum vero marinas conchas, continet. Utraque familia classibus distincta est, liculento characteribus divisis. Respicitur ubique ad valvarum numerum; unius valvæ testas, simplices appellatas, prout illæ vel turbinibus destituuntur, ut est in patellis, tubulisque, vel iisdem gaudent absconditis, prout habent cymbia, porcellanæ, vel iisdem utuntur exporrectis, digerit. Ex his, quæ absconditis turbinibus constructæ sunt, aliæ unius sunt camera, monothalamia dictæ, aliæ siphunculo, per universam domum transvecto, in plures cameras dividuntur, & inde polythalamiorum nomen, præeunte *Bryonio*, cujus in hac contemplatione opera usus est, obtinent. Novum illud orthoceratis genus testularum, quod hætenus in lapide saltem inventum visumque

est,

est, a *Jano Planco*, qui primus has testas in sedimento littorum maris *Ariminenfis* observavit, acceptum, cum species istius generis pulverulentæ minimæque formæ sint, majuscula forma pinxit. Cochleam, quæ, recepta hæcenus dicendi consuetudine, Turbinis species est, ad generis dignitatem exexit, constituitque sub eo, quicquid testarum spiris apparentibus flexum est, hinc buccina, cylindri, volutæ, buccina, Strombi, cassides, totidem penes omnes Autores distincta genera, stant sub conceptu generali cochlearum. Quæ duplici testa, articulo nexa, habitant Conchylia, concharum generali notione sistuntur, quarum classes instruit valvarum consideratione, prout illæ vel æquales, utraque convexa, ut in pedunculis, vel inæquales, altera plana, altera convexa, ut in pedinibus, vel prout in utroque genere valvæ vel æquilatæræ, vel inæquilatæræ, fuerint. Echinorum cutem, seu echinodermata, etsi toto animali, ipsaque testæ, aculeis natantis, indole, discrepent, *Breyonium* securus, Conchyliorum testis interesse jussit, & polytomarum testarum classem exinde construxit, sociosque illis dedit, nihil quidpiam, quantum ad animal, similitudinis habentes, balanos, pholadasque. *Aristotelem* suæ sententiæ hujus statorem habet, qui Echinos testaceis annumerat. Sicut autem Doctissimi Autoris mira & in rerum supellectili acquirenda, & in eadem describenda, illinc fortuna, hinc ingenii felicitas, in hæc Historiæ naturalis parte sui similem nondum invenit, nec inventura facile est, ita Iconum elegantia animum oculosque spectantium demulcet. Quare *Josephus Menabonius*, Florentinus, pictor excellens, perennem, quod delineaverit, formas testaceorum, easdemque naturæ, quantum ejus sine coloribus fieri potest, æmulas reddiderit, famam sibi lucratus est. Ornamentum Tabulis hisce in signum additum est delineatione & curiosissima descriptione Coralliorum, quibus Musæum *Gualtieri* superbit. Addimus jam Methodi, qua *Gualtierus* Conchyliorum testas disposuit, conspectum & ordinem:

GENUS PRIMUM, Testæ exothalassibiz.

*Classis prima, Sectio prima, Cochleæ breviores: Vulgaris, umbilicata, depressa, depressa & umbilicata.*

*Sectio secunda, mucrone elongato: Turbo terrestres.*

*Classis secunda, Sectio prima, non turbinatæ: Patella.*

*Fluviatiles. Sectio secunda, turbinatæ: Cochlea depressa, Natica, Buccinum, Turbo.*

*Sectio tertia, Conchæ: Musculus.*

GENUS SECUNDUM, Testæ marinæ integræ non turbinatæ.

*Classis prima, Sectio prima, vasculosæ: Patella, limbo integro, limbo laciniato, vertice perforato, vertice intorto, structura peculiari.*

*Sectio secunda, tubulosæ: Tubulus regulariter intortus, dentalis, radiceformis, bucciniformis; Tubulus irregulariter intortus vermicularis; Tubulus irregulariter intortus vermicularis, Tubulus irregulariter intortus vermicularis concameratus.*

*Classis secunda, Sectio prima, vasculosæ: Cymbium, Nux marina, Porcellana vulgaris, thoracica, simbricata, integra, spiralis.*

*Sectio secunda, tubulosæ polythalamæ: Nautilus, Ammonia, Orthoceras.*

GENUS TERTIUM, Cochleæ marinæ.

*Classis prima, Sectio prima, ore labiis rectis: Conoidea, Cyliindroidea.*

*Sectio secunda, pyriformis: Vulgaris, intorta integra, intorta sulcata, intorta cylindroidea.*

*Classis secunda, Sectio prima, rectæ: Tenuior, Purpura.*

*Cochleæ ca- Sectio secunda, incurvatæ: Introrsum, extrorsum, raliculatæ, Murex, Apertbais, Purpura, Cassidiformis umbilicata, Cassida.*

*Classis*

*Classis tertia, Drecina.* *Sectio prima,* parva: *Pruniforme acuminatum, pruniforme canaliculatum, sulcatum, sulcatum & canaliculatum, integrum ore perpendiculari, integrum ore obliquo.*

*Sectio secunda,* majorae: *Canaliculatum rostratum ore simplici, canaliculatum rostratum ore labioso, canaliculatum rostratum ore labioso simbriatum, canaliculatum & sulcatum.*

*Classis quarta, Strombi.* *Sectio prima,* ore superius aperto: *Canaliculatus acuminatus, canaliculatus rostratus ore simplici, canaliculatus rostratus ore anguloso, canaliculatus rostratus ore labioso, sulcatus vulgaris, sulcatus ore labioso.*

*Sectio secunda,* integri: *Vulgaris, seu ore simplici, ore labioso, ore simbriato & dentato.*

*Classis quinta, Cochleæ ore brevi, mucrone insigniter elongato.* *Sectio prima,* Turbo apertus: *Latus, acuminatus, canaliculatus rostratus, canaliculatus oblique incurvatus, sulcatus.*

*Sectio secunda,* Turbo integer: *Vulgaris, acuminatus, simbriatum.*

*Sectio tertia,* Trochus: *Ore angusto & horizontaliter compresso, ore ampliore & subrotundo.*

*Classis sexta, Cochleæ breviores.* *Sectio prima,* proportionatæ: *Trochiformis, terrestriformis, depressa.*

*Sectio secunda,* non proportionatæ: *Nerita, umbilicata, plana, auris marina.*

*Appendix*

*Appendix Generis tertii.*

*Sectio unica, opercula cochlearum varia: Testacea, cornea.*

## GENUS QUARTUM, Conchæ marinæ.

*Classis prima, valvis æqualibus, æquilateræ.*

*Sectio prima, notabiliter umbonatz, & recta incurvatæ: Subrotunda vulgaris, cordiformis umbone cardinum diducto, cordiformis umbone cardinum unito.*

*Sectio secunda, mediocriter umbonatz, & recta incurvatæ: Crassa, pecten tenuis, pectunculus, pectiniformis.*

*Sectio tertia, notabiliter umbonatz, & oblique incurvatæ: Subrotunda vulgaris, Chama æquilatera.*

*Sectio quarta, mediocriter umbonatz, & oblique incurvatæ: Subrotunda, tellina æquilatera.*

*Sectio quinta, non umbonatz: Pinna recta, Pinna incurvata.*

*Classis secunda, valvis æqualibus, inæquilateræ.*

*Sectio prima, notabiliter umbonatz, & recta incurvatæ: Subrotunda vulgaris, cordiformis inæquilatera.*

*Sectio secunda, leviter umbonatz, & recta incurvatæ: Subrotunda alata.*

*Sectio tertia, notabiliter umbonatz, & oblique incurvatæ: Triangularis vulgaris, chama inæquilatera, rhomboidalis.*

*Sectio quarta, leviter umbonatz, & oblique incurvatæ: Subrotunda, pectiniformis triangularis, tellina inæquilatera, musculus, longa, soleniformis, mytilus.*

*Sectio*

*Seclio quinta, structura & striis peculiaribus:  
Imbricata, aliformis, triopss.*

*Seclio sexta, non umbonata: Solen, structura  
peculiari, Terebratula, longa bra-  
chiata, subrotunda, perforata.*

*Classis tertia, Seclio prima, umbonata: Pectinata, Spondylus,  
valvis inæqua- Griphoides.  
libus.*

*Seclio secunda, non vel irregulariter umbo-  
nata, sine ullo cardinis indicio:  
Ostreum, vulgare, rostratum, stru-  
ctura peculiari.*

GENUS QUINTUM, Testæ marinæ polytomæ.

*Classis unica, Seclio prima, quarum portiones connectuntur  
Testæ marinæ per articulationem cartilagineam:  
polytomæ. Conchoides, phalas, tellina cancelli-  
fera.*

*Seclio secunda, quarum portiones connectun-  
tur per futuram squamosam: Ba-  
lanus glandiformis, depressus.*

*Seclio tertia, quarum portiones connectuntur  
per futuram propriam: Echinus,  
Echinometra, Echinospatagus, E-  
chinanthus, Echinodiscus.*

DE QUAMPLURIMIS PHOSPHORIS, NUNC  
primum detectis, Commentarius.

Bononiæ, ex typographia Lælii a Vulpe, 1744, 4.

Plag. 12½.

**D**ivæ Catharinæ Vigriæ, Bononiensis, Commentarium hunc  
Jac. Barth. Beccarius voto suscepto donavit, dicavit, in-  
scripsit, in Capitula 55 distributum. Phosphoros divisit in  
alios, sponte lucentes, splendore eximios, vel innato, ut ci-  
cindelæ, vel adventitio, quales sunt ligna putrescentia. Alii

O

lucent

- lucēt solum excitati vel attritu, vel calore, ut phosphorus smaragdinus, lapis Cyaneus, vel libero aeris adspēctū, ut *Kraffianus*, *Hombertianus*, purati a *Lémeryo*, *Fevrio*. Inter hosce excellit lapis Bononiensis, cui decus suum stetit, donec *Christianus Adolphus Balduinus*, quærens Alkaest nescimus quodnam, phosphorum quendam invenit ex creta spirita nitri soluta. Post inventum *Balduinianum* phosphorum per annos fere 60 nulla huic generi contigit accessio. Anno hujus-seculi 30 incredibilis in ipsum multitudo a *Fayo* invec̃ta fuit. Quicquid enim sola ustione in calcem verti, aut nitrosa aciditate solutum, inde concretum, eam vim ignis ferre potest, qua exandescat, id omne Vir solertissimus imbibendo extraneo lumini aptum esse comperit. Sic genus illud phosphori, quod uno lapide Bononiensi olim continebatur, mire amplificatum est, atque in duas classes divisum, quarum alteri phosphorus noster tanquam princeps & caput, alteri *Balduinus*, præest. Ventum inde est in spem, nullum fortasse corpus in posterum fore, quod aut artificiiis, aut alio quodam modo, ad eandem dignitatem evehi tandem possit. Certe *Eayus* nil omisit inexpertum, ut metalla, gemmas, cristallos, silices, ac alia id genus corpora, quæ vim ignis acriumve liquorum eludant, in hunc phosphorum censum pertraheret. Verum, quod tanto opere conatus erat, id a natura ipsa effectum esse, post quadriennium cognovit in adamante. Cum hæc Parisiis agerentur, Cel. Autori quoque Bononiæ admirandam hanc lucendi vim in adamante, quem forte in annulo gestabat, casus objecit. Res hæc Autori dignissima fuit visa, in qua ingenium suum & solertiam Physicus exerceret. Continuo igitur tum suum, tum alios, quotquot habere potuit, adamantes, mole, figura, nitoris vi, perspicuitate, colore, dissimiles, in diverso lumine omni experimentorum genere tentare cœpit, visurus, quid in tanta varietate afferretur discriminis eorum illustrationi, sive in modo, sive in vigore, sive in diuturnitate splendoris. Studia ipse hæc sua & omnem, qualiscunque fuit, eorum fructum, cum Academia communicavit. Hæc vero & inventum sibi pergratum, & æque acceptos fuisse



fuisse conatus Autoris, non obscure significavit. Attingere tamen is omnia in disquisitione haud potuit, præcipue illud, quid sit causæ, cur ex adamantibus cetera omnia simillimis, eidemque humini objectis, alii splendorem acciperent, alii manerent obscuri. Subtilius inter hæc observandi genus effecit, ut quædam Autor animadverterit, quæ antehac & ipsum & alios effugerant. Docemur hic, observatoris in hoc genere esse, 1) ut obscurissimo in loco tam diu versetur, quoad vel minimum perceptæ antea lucis vestigium in oculo hæserit; 2) ut corpora, quæ observationi sunt subjicienda, ab externo lumine, in quo ipsa sunt posita, quam minimo temporis spatio ad observatorem afferantur. Modulum observandi, quem tenuit Autor, ipse descripsit. Commendat *Fayi* consilium, ut matutinum tempus, quo oculi sunt meliores, observationibus hisce peragendis impendatur. Dividit deinde corpora experimentis apta, vel inepta. Terras, arenas, lapides, perlustravit pro seopo suo. Gypsum Bononiensem examinavit, quod ustione majorem lucendi vim acquirit. Lapides calcarios expendit. Metalla phosphorum excludunt. Concessit natura vim lucendi auripigmento fossili & arsenico albo. Sales, ab admistione metallica puri, sunt splendidi, lucemque imbibunt. Minima est sali gemmeo lux & rupeo pellucido; aliquanto major opaco, nulla fossili rubenti; marino satis vivida, modo is sit cristallinus & secus; non ita vivida, licet non infirmissima, sali ammoniaco; vegetior sali, quem catharticum vocant, & recentiorum nitro, Ægyptiaco autem debilior, debilis pariter alumini; boraci demum præ omnibus fulgens, & purissimo candore præclara. Animantium marinarum testas eodem sine Autor exploravit. Vegetabilia æque perpendit. Terrestres plantas, dum virent, dum succo adhuc turgent, nihil lucis assumere, tradit. Ligna & cortices percurrit. Quicquid in animantibus ex terrestri principio singulariter concretum est in solidam firmitatem indurato, id ipsi magnam partem sat appetens alienæ lucis viderur. Quærit posthac, quo & quanto in lumine exponi, & quamdiu manere in eo res debeant, quas volumus inter splendentes discedere;

Pag. 11.

13.

19.

27.

29.

32.

- Pag. 35. qui fines sint concepto luminī constituti, ultra quos enitere hi phosphori non soleant, citra quos sensum commovere non possint; quamdiu haustum lumen corporibus inhærescat; quænam convenientia inter hæc omnia intercedat. Hæc de phosphoris naturalibus. Tum vero ad *artificiales* disquirendos Autor se accingit, quorum principatum tenent, qui nonnullarum stirpium maceratione fiunt. Et charta phosphorus est. In hac experimentum feliciter Autori successit haud unum, sed multiplex. Qua ratione ignis phosphoris efficiendis fiat aptus, solide docet. Ad carnes assatas se confert, ad gummosa, ad panem, ad Colophoniam, & alia, ad res torrefactas, ad recens exustas, ad Cadmiam. Tandem vero in rationes physicas exquirat horum phænomenorum; & addit, rem omnem hanc plus diligentia ac temporis exigere, quam sibi fuerit concessum.
- 40.
- 52.
- 77.

SAGI DI DISSERTAZIONI ACCADEMICHE, &c.

hoc est,

*SPECIMINA DISSERTATIONUM ACADEMICARUM, publice lectarum in nobili Academia Etrusca antiquissima civitatis Cortonæ.*

*Tomus II.*

Romæ, impensis Palliarinorum, 1738, 4 maj.

Alph. 1 plag. 4, Tab. æn. 8.

Cum *Tomī primī* summam proderemus, suppressere haud valuimus id, quo *Tomos* consecuturos profecuti sumus, desiderium, cui quidem nunc factum satis, magnopere gaudendi ansam nobis existimamus suppeditatam. In fronte apparet *Dissertatio prima Annibæ* Abbatis *Olivieri*, nobilis *Pesaren*sis, de nonnullis Monumentis *Pelagis*. Cum vero *Academix* ejusdem sodalis, *Ludovicus Burgetus*, Professor *Neocomensis*, ab eo hinc inde dissentiat, ac *Duumvirorum* essent eam ob causam *Epistolæ*, ultro citroque scriptæ, is, qui

Academix

Academix Cortonenfis est a secretis, suum esse duxit, hic quoque inferere opuscula nonnulla *Burgeti*. In *Dissertatione secunda* idem Abbas *Olivierius* exposuit illustravitque *duos Samniticos numos* nova plane ratione. *Dissertatio tertia*, profecta e Museo equitis *Laurentii Guazzesi*, Aretini, occupata est in *Inscriptione Etrusca*. *Quarta* eodem exiit Autore, inscripta de *Amphitheatre Tuscanico*, *præcipue Aretino*. *Quinta* est *Petri Francisci Foggini*, Florentini, de *quadam Patena Etrusca*. *Sexta* debetur diligentix *Balii Gregorii Redi*, Aretini, qui de *Diis Adbarentibus* fuit commentatus. *Septimam* elaboravit *Ludovicus Antonius Muratorius*, Bibliothecæ præfectus Sereniss. Ducis Mutinensis, de *Ascia sepulchrali*. *Octavam* addit *Joannes Franciscus Baldini*, conscriptam de *quibusdam vasculis ex creta*, copiose inventis in fornice sepulchrali intra vineam S. *Casarii* Romæ. *Nonam* edidit P. *Josephus Roccus Vulpius*, Societatis Jesu, de *villa Tiburtina Manlii Vopisci*, ejusque situ & magnificentia. Produxit idem multas ibi recens repertas Inscriptiones. *Decima* Autor est *Antonius Cocchi*, Florentinus Medicus, de *usu externo aquæ frigida super corpore humano apud antiquos*. *Undecimam* Canonicus *Philippus Venuti*, Cortonenfis, de *Ædiculis antiquorum* adornavit. *Duodecimam* scripsit *Justus Fontaninus*, Archiepiscopus Ancyranus, de *Inscriptionibus nonnullis*. Hoc *Toni* hujus est argumentum, hæc ejus est summa. At, quantum attinet ad primam, monumenta tria Etrusca exposuit iam Cel. *Burgetus*. Principatum in eis tenet tabula ahenea, cuius figuram: evulgavit jam *Sponius Miscell. erud. antiq. pag. 87 ed. Lugd.* Expositionem ejus fuerat aggressus *Marchio Masfæus* in *Diss. de Italix primitivis*, nec tamen ultra tres voces primas progressus. Eas, quæ sequuntur, enodare tentavit *Burgetus*. Nec minus tamen expositio *Burgeti* suspecta videtur Ven. Abbati *Olivierio*, immo tabula ipsa. In hac enim Numina duo supra Inscriptionem apparent efficta, additis vocibus: APOLLINI CLATHRAE. Inscriptio sic habet: LERPIRIOR. SANTIRPIOR. DVIR. FOR. FOVFER. DERTIER. DIERIR. VOTIR. FARER. VEF. NARATV. VEF. PONL SIRTIR.

Pag. 2.

3.

- Osiridis Isidisque* imagines te vidisse putes. Modius enim impositus est capiti *Apollinis*. Sistrum tenet Clatra manu dextra, loti caulem sinistra. Gestamen hoc in *Isidem* quadrat. Romani omnino antiqui Deos peregrinos horruere. Et quis credibile existimabit, *Romuli* ætate jam Numina Ægyptia Romæ fuisse culta? Anno U. C. 701, teste *Dione Lib. XL, Serapidis Isidisque* fana, quæ privatim nonnulli exstruxerant, Senatus destrui iussit, quod eos Divos non magno-
- Pag. 4. pere inter Numina numerabat. *Cuperus* curate ostendit id temporis, quo cultus Numinum Ægypti Romæ fuit introductus publica autoritate, in libro de *Harpocrate* pag. 149. *Vilflor* utique tradidit, suo tempore in sexta regione Romæ templum existisse, de ætate *Romuli* addidit nihil. *Romulus, Livio* teste, una *Herculis* sacra ex omnibus peregrina suscepit. Ecquis putabit verisimile, jam *Romuli* ætate simulacra Decorum Romæ fuisse constituta? *Varro* certe apud *Augustinum Lib. IV Cap. 36 de Civ. Dei*: Plus quam annos centum & septuaginta sine simulacro Deos coluit. *Plutarchus* in *Numa* haud dissentit. Adde, quod imaginum, de quibus paulo ante diximus, forma exterior ad ætatem vetustissimam, ejusque rudiatem, haud admodum quadrat. Nec omittendum, in utraque
7. conjungi symbola complurium Deorum. Quæ consuetudo sacra *Romulo* omnino est longe recentior. Ita rationes suas subducit *Vir venerabilis*. Progreditur ipse ad tabulam
11. quam cognominant *Claverniur*. Hanc non de contrahenda venditionis, sed edicto collegii sacri, exponit, ratus, voces tres *Esuc frater Atiieriur* notare idem ac edictum fratrum
13. Pontificum. *Uracu* ipsi est orcus, ute cœstus vero uti *quæstor*, tertiam ex *regæ*, vulnere, vulneratos &c. Dissertationi huic subjuncta est *Epistola de duobus sic dictis Inscriptionibus Etruscis ad Dominum Marchionem Scipionem Masfaum*, jam inserta *Bibliotheca Italica Tom. III Art. 8.* Hanc *Burgetus* sub nomine *Pbilæthris* A. 1728, 22 Dec. conscripfit. Ejusdem succedunt *Litania Pelasge antiquorum populorum Italiae ex Biblioth. Ital. Tom. XIV Art. 1.* Pars prima
33. pertinet

pertinet ad tabulas *Eugubinas*, quæ legitur in *Theſauro Inſcrip-  
 tionum Gruteri pag. 143 ſeq.* In alphabeto Etruſco conden-  
 do deſudarunt *Baldus*, *Cosmus de Arena*, ac ipſe poſt alios  
*Burgetus*. Autor Epistolæ hujus ſecundæ negat, tabulas Eu- Pag. 36.  
*gubinas* ſermone Etruſcō proprie ſic diſto concinnatas eſſe &  
 exaratas. Ipſe autem exiſtimat, contineri eis memorabilem hi-  
 ſtoriam quatuor antiquæ Italiæ gentium primariarum, Tarſina- 38.  
 tum, Tuſcorum, Naharkiorum, & Jabuskiorum. Duos Nu- TAB. I  
 mos Samniticos, qui *Differtatione ſecunda* exponuntur, de- Fig. 1, 2.  
 nuo dedimus hic cum Lectore communicatos. Capita galeata  
 oculis ſat patent. Inſcriptio prioris numi eſt hæc: C. MV-  
 TIL. poſterioris deinde: MVTIL. EMBRATVR. Literæ Pag. 52.  
 ſunt Etruſcæ, certe admodum antiquæ. *Quintilianus* 1, 13:  
*Vetuſtiſſimis temporibus pauciores literæ fuerunt, nec ſimiles*  
*bis noſtris, earum forma & viſ quoque diverſa.* Antiquas  
 quoque literas Latinas meminit *Plinius XXXV, 10.* *Diony-  
 ſius Halicarnaſſenſis*, ab Arcadibus literas in Italiam illatas, cre-  
 dit. *Plinius* ac *Solinus* Pelasgis eam volunt gloriam tribuen-  
 dam. Etruſcas fuiſſe originis Græcæ, autor eſt *Tacitus Ann.*  
*XI, 14.* *Plinius veteres Græcos eaſdem pene, quæ tunc Latina,* 52.  
*retulit VII, 56.* In Samnitibus linguam Oſcam obtinuiſſe uſum,  
 intelligitur ex *Livio Dec. I Lib. X.* Hæc vero Sabinæ fuit  
 affinis. Utraque vero Italicæ dialectus. Ludos Oſcos intel-  
 ligere novit Roma, teſte *Cicerone Ep. ad Fam. Lib. VII Ep. 1.*  
 Nec tamen lingua Oſca fuit ipſa Latina, teſte *Gellio XVII, 17.*  
 De reliquo designatur in numis iſtis *Cajus Papius Mutilus*, 57.  
 quem Samnites in confœderatione octo Italiæ populorum ſibi  
 præfecerant *Imperatorem*, teſte *Appiano Alexandrino de Bello*  
*civili pag. 375, Vellejo Paterculo Lib. II, ac Oroſio V, 15.* *Muti-*  
*los* dicitur is *Appiano pag. 381, ὁ τῶν Σαμνιτῶν στρατηγός*,  
 ex gente *Papia* oriundus. Samnites ſibi Imperatorem præfe- 60.  
 ciſſe, loca non una, apud *Livium* obvia, ſatis ſuperque decla-  
 rant. *Bellona*, aut *Minerva*, ornata caput eminet in numo  
 priori; *Martis* in poſteriori. Galeæ criſtata ſpeciem magni- 65.  
 tudini corporum addiderunt, *Livio* teſte *Lib. IX, X.* Samni-  
 tes inprimis eis delectati. In poſtica prioris legitur ad dex-  
 tram.

- tram A, ad sinistram *Safinim*. Hanc vocem Ven. Abbas exponit ex Græca σαφῆς, σαφηνίζω, *manifesto, declaro*, at fluctuatione plenus. *Burgetus* vocem Etruscā *Sabinio* deduxit ex Ebraica *Sakin*, quæ cultellum notat, unde vox *Safinim* denotet *jugulationem*, A illud *Amerthones*, seu Amerinos, Camertas, Clusinos. At, si quid videmus, in tenebris micantes, *Safinim*, seu *Sabinim*, vox est truncata, denotans *Sabininites*, seu *Samnites*. Litera A, seorsim posita, videtur signum esse *affis*. Vir galeatus, supra nudus, dextram tridenti innixam alle- vans, sinistra trahens bovem, heroem notat terra marique for- tem. In postica numi posterioris inter milites duos similiter armatos fecialis, in genua sese demissurus, porcam tenet, si- gnum fœderis percussū. Inscriptio subiecta subindicat vocem C. *Paapi*. Veteres solebant geminare in scribendo vo- cales longas. Inscriptionem Etruscā, quam *Laurentius Guazzesi* expositione illustrat, putant sic legendam: *Lar Cili- nius Junonis sacerdos*. Lar ipsi est Rex ac Dominus; *Atitur, Atieur, Atiteur, & Atiensir*, ex *iepsus*, sacerdos. Autor idem de amphitheatro *Aretini* reliquiis concise quidem, solide tamen, egit. *Dissertationi quintæ* anīm & originem suppeditavit In- scriptio, inventa in oppido *Cajazzo*, seu Calatia, prope Capuam, aræ adjuncta: DEIS ADHAERENTIBVS SACRVM. Per hosce intelligi credit Deos, qui alibi vocantur *αἰναιοι*, *αἰν- βωμοι*, *αἰνθρετοι*. *Dissertatione septimā* Ven. *Muratorius* in- quisivit in formulam: *Sub ascia dedicavit*. *Aldus Manutius* ad legem XII Tabularum: *Rogum ascia neposito*, formulæ hu- jus sensum voluit divinare. Ascia certe fuit instrumentum, quo utuntur fabri murarii, quemadmodum innotescit ex *Vi- truvio VII, 2. Ill. Massæi* opinionem alibi jam exhibuimus, quam dedit in *Ep. II Gallie Antiquitatum quarundam se- lectarum*. Ascia, *Isidoro* teste *de Orig. XIX, 19*, ab *assulis* di- cta, quas a signo eximit, cujus diminutivum nomen est *Asciola*. Est autem manubrio brevi, ex adversa parte referens vel simpli- cem malleum, aut cavatum, vel bicornes rastrum. Hæc *Isidorus*. Figuram ascie referunt Inscriptiones nonnullæ. Cel. Autor 148. formulam *sub ascia* exponit per vulgare illud: *sit tibi terra levis*

levis, quasi in inscriptione sepulcrali fuerit monitum, ut spinæ, sentes, rubi, gramina, e sepulcri superficie diligenter debeant removeri ac exstirpari. Mirum sane, ad *secespitam* haud respexisse quemquam, qua sacerdotes usi inter sacrificandum, atque ad opera dedicanda. Si *secespitam* in subsidium vocaverimus, difficultas formulæ evanescit. Ascix signum, quod supra in pag. 140 exstat expressum, haud est aliud ac *secespitæ*. Vide *Huberti Goltzii de re nummaria antiqua Tom. II Tab. 25 Fig. 1, 3, 5, Tab. 27 Fig. 10, Tab. 72 Fig. 19*, inter numismata, *Tiberio* priora. Prætereundæ nunc sunt nobis Dissertationes aliquot, tanta diligentia exasciatæ, ut præstet nihil, quam pauca, dixisse. Nec tamen omittendum, *Cel. Antonium Cocchi* ex veteris mediæque historia monumentis copiose de aqua frigida, in usum corporis humani externum adhibita, diservisse. Aqua illa, corpori admota, efficit pressionem carnis versus ossa ob sui gravitatem, & eam, quam frigus invehit, condensationem. Hæc condensatio in causa est, ut tubuli venarum & arteriarum minutissimi, qui per cuticulam emittunt sudorem, obstruantur ad tempus, humores interni conserventur, ac fibræ flexibilitatem consuetam retineant. *Antonius Musa Augusto* firmitatem corporis reddidit, balneis frigidis usus. *Marcellum* idem dicitur a *Dione* excepisse remedio eodem, at tum quidem exitioso. At *Dionis* testimonium Noster repudiat, & *Musa* famam tuetur. De templis, per jumenta hinc inde vectis, thensis, plaustris Deorum, thecis gestatoriis, *Cel. Philippus Venuti* exposuit politissime pariter ac veteri Historiæ congruenter. Ignorant vulgo Grammatici Ebræorum, quænam notio sit jungenda cum voce *יָרֵעַן*, quæ legitur *Dan. XI, 45*, ac in interpretatione *Jonathanis Jer. XLIII, 10*, ubi in Ebraico vox occurrit *יָרֵעַן*. At Rev. Canonicus effecit, ut sponte sua verus significatus, dudum deperditus, nobis denuo innotescat. Indicatur enim templum Dei tutelaris, jumentis vehi portarique solitum. Penes Græcos restat vox *Ἀπήνη*, jam *Homero* trita. *Pausanias* in *Eliacis* eam adhibuit. Scholastes *Pindari* hæc habet: *Ἀπήνη ἄρμα ἐξ ἡμῶνων*. *Harduinus* in *Numm. illustr. pag. 165*, &

*Patinus pag. 412*, poterunt consuli omnino. Templum ejusmodi portatile superius erat tectum, columnis nonnullis a fronte ac tergo Divi, in eo sedentis, instructum, formam leclitæ sustinens. Ex quo factum, ut vocetur ΠΕΥΝ penes *Zachariam*. *Julius Pollux* concinit, cujus X, 13, hæc sunt: Τα ἑδὴ τῶν ὀχημάτων ἴσεν, εἴτε ἄρματα, εἴτε ὄχως, εἴτε αἰμάξας, εἴτε ὀπίνας αὐτὰ προσήκει καλεῖν. ἐστὶ δὲ τένερμα ἡ Ἀπήνη ἐν τῇ Σοφονλέες Ναυσικάα καὶ ἐν τοῖς Μενάνδρως ἀλιεύσιν. Vulgo legitur apud *Pollucem* Λαμπήνη, non Ἀπήνη. At facile patescit, vocem Ἀπήνη ibi esse restituendam. Ἀπήνη carpentum erat, instar leclitæ factum. *Vaillantius* exhibuit numos aliquot, ab Ephesiis cufos, ad *Commodum*, *Gordianum Pium*, ac *Erenniam Etruscillam*, referendos, in quibus carpentum apparet, a multis tractum, cum epigraphe: ΑΠΗΝΗ. ΙΕΡΑ. ΕΦΕCΙΩΝ (*thesa sacra Ephesiorum*). In Veteri Testamento occurrit veri etiam Dei currus, ab animalibus validis (seu Chubhim) tractus. Dixit jam nonnulla, huc referenda, *Joannes Schefferus* in libro *de Vehiculis veterum*. Operæ tamen fuerit pretium, figuram ipsam leclitæ ejusmodi sacre inspicere. En illam ex Baronis *Philippi de Stofsch* numo, *Fauslinam* Imperatricem in thesa representante. In numo Sidoniorum thesa eminet, currusve, duabus rotis instructus, cum epigraphe: Σιδωνος Θεός. Dea Syria, seu Astarte, indicatur. Addimus, de hac thesa (ΠΕΥΝ) & Dea Syria agi *Zach. V, 6-11*. De thesis ejusmodi *Diana Ephesia* sit mentio *Ath. XIX, 24*. *Tibullus* de ædiculis ita sacris *Lib. II El. 10*: Tunc melius tenuere fidem, cum paupere cultu Stabat in exigua ligneus æde Deus. Inscriptiones, quas *Justus Fontanus* exposuit, sic habent: D. M. Q CAECILIO. Q. F. MAECIA. MAXIMO. NEAPOLI. MILITUM COHORTIS VII. PRÆTORIÆ SINGVLARIS. TRIBVNO. Altera est hæc:

- Pag. 226. Saluti Augustæ Sacrum IN. HONOREM L. VALERI. NYMPHODOTI VIVIRI. ET. Decreto. Decurionum. AVGustalis. Et. C STATI. PRIMIGENII. IN. MEMORIAM. ET. C. STATI. HEVRETIS. VIVIRI. ET. Decreto. Decurionum. AVGustalis. ALYPVS. LIBertus. Decuriones

Augu-



Augustales in faxis leguntur innumerabiles, teste Cardinale *Nerisio de Cenotaphiis Pisanis Dissert. Cap. VI pag. 74.* Ae Imperator *Tiberius* in honorem *Augusti* instituit sacerdotium sodalium, qui cognominantur *Augustales*, teste *Tacito Ann. I, 54.* Horum munus partesque fuerunt, ut, *Augusto* inter Divos relato, sacra facerent. Mos iste, per Romani Imperii terras coloniasque mox exceptus, redditus fuit multus ac frequentissimus. Hæc sunt potiora cimelia, quæ in usus publicos ex hoc thesauro volumus deduci. Veneramur magnique facimus institutum eximie Italorum gentis Academicæ, quæ ad notitiam antiquitatum regionis suæ sedulo excubat, atque soliditatem cum elegantia ubique quam felicissime coniungit.

DISSERTATIO HISTORICO-MEDICA DE SALUBERRIMO Nucerie in Umbria erumpenti latice. Accedunt complures practico-medice Observationes ac Sanationes, Autore FLORIDO DE PLUMBIS, Conciue Nuceriano, Philosophiæ & Medicinæ Doctore.

Venetis, apud Iosephum Corona, 1745, 8.

Plag. 9.

Quas observationes de Nucerianis aquis *Plumbus*, Vir Cl. ab A. 1720 Italica lingua conscriptas, emisit in lucem, cum in officina desiderarentur, & vellet Autor earum novam editionem parare, passus est sibi ab amicis persuaderi, ut in Latinam linguam eas converteret, &, ut videtur, multum augeret. Quod igitur inde enatum opusculum est, tribus Partibus constat, quarum prima in quatuor, altera in tria, Capita divisa est, tertia sexaginta sex observationes continet. Cum in prima Parte de interno aquæ Nucerianæ usu, aut ejus potatione, agatur; præmissa sunt pauca de salina humorum acrimonia, quæ omnium fere morborum causa sit, cumque, contra eam non nisi ab alcalicis præsidium duci posse, inter omnes conveniat, de quo nobis vehementer dubitare liceat, optime

Pag. 1 seq.

- corrigi per Nucerianam aquam possit. Tum primo loco Nu-  
 ceriani laticis historia proponitur. Erumpit is leni strepitu ex  
 radice fere & inter lapideas strias montis, durissimo compacti  
 lapide, subrubescens ex albedo coloris. Spectat fons orientem  
 solem, a meridie inumbratus, & e quatuor, aut quinque,  
 modico intervallo diremtis, rivulis scaturientes aquas apta  
 lacuna cogit, omnes peregrinas aquas excludens, efficiens-  
 que, ut nulla tempestate vel quantitas, vel limpidus Nuceria-  
 nae aquae color, mutetur. Quo loco ostendit Autor, *Vallisnie-*  
*rium* deceptum fuisse, quando, Nucerianas aquas, referat,  
 pluviales esse, per montis illius albam, puram, & inspidam  
 terram, tanquam per spongiam, delapsas. Demonstratur deinde,  
 centum circiter aquae uncias perenniter a fonte fluere.  
 Epocham inventi fontis se constituere nullam posse, fatetur  
 11 seq. *Plumbus*, cum ejus duo tantum manuscripta monumenta invenire  
 potuerit, quorum alterum *Bernardini de Spoleto*, alterum *Bern. Venantii de Terra Corinaldi*, ex quibus is A. 1510,  
 hic 1591, medicinam Nuceriae exercuerit. Meminit deinde  
*Octaviani Mariani de Affiso*, qui A. 1599 de Aqua Nuceria-  
 na Tractatum Perusiae ediderit, & *Annibalis Camilli*, cujus  
 Italico idiomate concinnatum Tractatum, qui Perusiae A. 1607  
 editus sit, etsi maximopere laudat, tamen se dicit neque in  
 hoc, neque in reliquis, aliquid de inventione salutaris hujus  
 aquae invenisse. Quare, ex rusticorum relatione traditione-  
 que, putat, ejus virtutem fuisse ex hoc cognitam, quod ani-  
 malia, venenatis moribus laesa, ubi cum hauserint, tum se im-  
 merferint in eam, servata sint; magis tamen inclaruisset, ubi ex  
 rusticis unus, a vipera mortifere lauciatus, ea sanatus fuerit.  
 Hinc Sancta Virgo, *Angelica*, nominata haec aqua, quam ju-  
 menta ita praeferre aliis dicuntur, ut malint vehementissi-  
 mam sitim pati, quam illas haurire. Et, perfectissimam salu-  
 berrimamque eam esse, autoritate plurium Medicorum ostenditur  
 hoc, quod ad solis exortum erumpat, & inter lapides  
 & saxa, quodque pura sit, exilibusque ac mollibus, levissi-  
 misque, moleculis constet. Quam molecularum exilitatem  
 pariter ac bezoardicas particulas, quae aquae insint, ad infini-  
 nitas

nitas propeniodum annorum series incorruptibilem aquam fa-  
 cere, *Plumbus* contendit. Probat etiam, confutatis aliorum Pag. 17  
 sententiis, veram aquæ Nuceriae mineram terram Samiam seq.  
 esse, a plerisque bolarem dictam. Quæ vero experimenta  
 sunt ad qualitates hujus terræ invenendas, ab *Aloysio a Fa-*  
*bra* instituta, & in peculiari Traſſatu A. 1700 exposita, ea *Plum-*  
*bis* repetiit, ex iisque terram illam affirmat puriori alca-  
 lino sale constare, nihilque differre a Samia *Galenii*, & prin-  
 cipem locum obtinere inter crustacea, semimineralia, & edul-  
 corantia. Capta etiam in brutis experimenta sunt, iisque, 25.  
 postquam hæc terra data fuit, incisus, deprehensum fuit, eam in  
 ventriculo non subsedisse, sed cito fuisse in intestina delatam,  
 unde per lactea quoque vasa profluere posse, colligitur. Eundem 27 seq.  
*Fabrum* Autor sequitur in iis, quæ per experimenta co-  
 gnovit, exposuitque de Tartari quapiam specie, ex implica-  
 tione crassiorum ac subtiliorum per ignem effectarum parti-  
 cularum terræ exorta, quæ in lebetum fundo lateribusque  
 inveniatur, in quibus aqua continuo servens servatur. Qui 31.  
 autem morbi deprehensi sunt Nuceriae terræ cedere, hi  
 quidem sunt: Febris pestilentialis, putrida & maligna, in-  
 termittens, venenata, indigestiones ventriculi, ab acido ortæ,  
 diarrhœæ biliosæ & serosæ, tormina, & vomitus, fluxus  
 mulierum tum albi, tum sanguinei immodici, gonorrhœæ,  
 hypochondriacæ affectiones, sanguinis sputum, affectiones  
 pituitosæ, ambusta, porrigo, & tibiæ ulcera. Cum ve- 34 seq.  
 ro plerisque ex his, tum quoque scorſim ictero, cachexiæ,  
 febribus biliosis, sterilitati, abortibus frequentioribus, lien-  
 teriæ, dysentericæ, sanguinis sputo & vomitioni, viarum uri-  
 næ variis vitiis, contusionibus, cutaneisque affectionibus qui-  
 busque, mederi dicitur; tumque scorſim ostenditur, aquæ 38.  
 Nuceriae potationem lue venerea affectis convenire, in qua  
 tamen nonnulla occurrunt, quæ *Plumbum* paucissimis meden-  
 tium probaturum esse existimamus, ex quibus & hoc est, con-  
 juges interdum lue infici, antea omnis veneræ labis exper-  
 tes, quia naturalis quæpiam sanguinis discordia, & heteroge-  
 nea salium acidorum structura, sit. Excipit hanc disputatio- 41-48.

- nem alia de tempore, modo, & quantitate, potandæ aquæ, ex quibus iste potissimum variare debet pro diversa natura morbi. In eaque nihil adeo singulare deprehendimus. Pati autem ægri varias vexationes solent, vel quod cibo minus idoneo utuntur, & aquæ nimis magnum modum assumunt, vel quod cœna uberiore utuntur, aut noctes fere insomnes ducunt. Et his quomodo medentes succurrere debeant, facile patet; si vero graciles ac delicati de stomachi imbecillitate querimonias habent, minorem aquæ vim hauriant, priusque jusculum sorbeant, vel in priori aquæ poculo ligni Sassafras pauxillum macerent. Et, quibus urinæ meatus minus aperti sunt, dare convenit sal Prunellæ, vel Tartarum vitriolatum, similiaque. In altera Parte de externo aquæ Nuceriæ usu agitur. Notissima sunt, quæ Plumbus de usu balneorum in universum habet. Abstinere igitur a balneis jubet secundum Hippocratem, qui diarrhœis & rarefactis intimis corporis partibus laborant, quibus alvus nimis dura est, vires languent, quos nausea vexat, qui biliosum eructant, quibus sanguis e naribus fluit, & qui a rheumaticis, sive a venereis, aut errantibus articulorum doloribus, urgentur. Cum balneis vero conjunctus esse debet internus aquarum usus, & conveniunt balnea potissimum æstivo tempore, neque æstuantia, neque frigida, & oportet ægros per unam horam in balneo, per alteram in lecto, morari, tumque prandium, vel cœnam, sumere. Præter balneum frequens stillicidii vulgo Ducciæ usus est, cum aquæ sorbitionibus balneisque copulandus. Isque et ad externa vitia, ut tumores, exulcerationes, capitis dolorem, &c. tumque scorsim ad interna solidarum partium, valet, præcipue uteri, vesicæ, intestini recti;
53. & maxime necessarius delectus ciborum est in usu aquarum adhibendus. Conveniunt enim carnes volatiliû, vitulinæ, hœdorum lactantium, ac vervecum, quæ vel elixæ, vel tostæ, sint, pultes, sive ex pane, sive ex oleribus, sive ex utrisque, confectæ, ex fructibus pepones & pira ac pruna, vinum autem generosum ac vetustum & minus dulce, aqua dilutum.
- 58 seq. 60. 67 seq. 71 seq. Nocet varietas epularum & simultanea carniû pisciumque comestio,

comestio, ac nimia omnium quantitas. Nocent præterea ex rebus non naturalibus intempestus aer, sudor vi expressus, somnus pomeridianus, ex cibis acetaria, salsugines, cupiditæ fere omnes, lacticia, bellaria, & acriora aromata, curæ omnes, contentiones animi, & sollicitudines, potissimumque venus. Ex observationibus, quæ *tertiam* totius opusculi *Partem* constituunt, quindecim priores desumptæ sunt ex scriptis *Bernardini*, *Ossianiani Mariani*, & *Annibalis Camilli*. Reliquæ *Plumbum* Autorem habent, qui eas ex magno aliarum numero selegit. Sunt fere de omni morborum genere, tum externorum, tum internorum, neque paucæ ad venereos morbos spectant. Nonnullæ etiam accurate, aliæ obiter adeo, perscriptæ sunt, ut, præter nomen ægri, paucissima de morbi natura, sæpe nomen tantum, neque plura de curandi ratione, dicta esse inveniantur. In Præfatione de ædificiis agitur ac viis, Pontificum & *Albani* Cardinalis cura, cui hic libellus inscriptus est, ad ægrorum commodum, Nuceriæ extructis.

## A TREATISE OF FLUXIONS &amp;c.

id est,

DE FLUXIONIBUS LIBRI DUO, AUCTORE COLINO MACLAURINO, A. M. Professore Matheseos Edenburgensi, & Societatis Regiæ Socio.

## Volumina II.

Edenburgi, ex officina T. W. &amp; W. Ruddimannorum, 1742, 4.

Alph. 4 plag. 5, Tab. æn. 40.

Ad eximium hoc Opus scribendum animum appulit doctissimus Auctor, excitatus Cel. *Berkeleji* libello, *The Analyst* inscripto, in quo methodus Fluxionum tanquam incomprehensibilis, & paralogismis innixa, traducitur. Cum enim hujus reprehensionis non aliam causam esse intelligeret Cel. *Maclaurinus*, nisi hanc, quod ea methodus, cujus præcepta huc usque nimis breviter tradita fuerant, Viro illi ceteroquin

quin non indocto satis intellecta & perspecta non essent; operæ pretium se faciurum ratus est, si principia & fundamenta hujus artis clarius exponeret, & more veterum Mathematicorum demonstraret. Sed, cum, cæpto hoc labore, animadverteret, nonnulla præcepta hujus artis parum limata & exacte tradita fuisse, quædam etiam Problemata per fluxionis secundi aliorisve gradus fuisse soluta, quibus solvens fluxionis primi gradus sufficere potuissent, & alia Problemata solutionem esse per approximationem nata, quorum exacta potuisset dari solutio; fines operis sui extendere, & non solum principia utriusque methodi fluxionum demonstrare, sed & usum ejusdem methodi in singulis illis theoriis, in quibus ea adhiberi suevit, perspicuis commentariis declarare, constituit. Natum inde est hoc Opus, in *duos Libros* divisum, quorum *primus* theoriam methodi Fluxionum, usumque ejusdem in solvendis Problematibus geometricis & mechanicis, tradit, *alter* computi regulas & artificia copiose exponit. His autem *Libris* præmitit Cel. Autor introductionem, in qua primo in veterum Mathematicorum, præsertim summi *Archimedis*, artificia inquirat, quorum ope illi jam dudum multarum figurarum curvilinearum dimensionem scite perfecerunt, & evidentissime demonstrarunt. Ex hac Autoris investigatione apparet, curvas ab antiquis non ut polygona infinite multorum laterum spectatas, neque hypothesin infinite parvorum elementorum, in quæ figuras hodie resolvimus, ab illis admissam, sed potius studiose evitatam, fuisse, quanquam, ejus hypotheseos auxilio demonstrationes nonnunquam multo breviores redditum iri, ignorare non potuerunt. Considerarunt autem veteres Geometræ areas curvilineas tanquam limites, ad quos aliæ figuræ simpliciores illis inscriptæ, vel circumscriptæ, laterum, vel angulorum, bisectione non in infinitum, sed ad libitum, continuata, sic appropinquarent, ut differentia minor data quavis magnitudine fieri posset, & ex theoria harum figurarum dimensionem, vel proportionem, ipsorum illorum curvilinearum limitum demonstrationibus apogogicis deduxerunt. Postquam hæc omnia doctissimus Autor satis declaravit, pergit ad methodos, a junioribus Mathematicis in Geometria

metria curvarum excogitatas, & primo quidem de *Cavalieri* methodo indivisibilium breviter exponit, deinde de analyfi infinitorum, quæ *Cavalieriana* methodo successit, sententiam fusius pronuntiat. Non equidem negat, analyfi infinitorum limites Geometriæ mirum in modum fuisse promotos, neque eam methodum, quæ tot eximia inventa genuit, omni fundamento destitutam dicere audet; attamen inter ejus principia hypotheses esse dicit adeo parum evidentes, quin imo evidentiæ adeo incapaces, ut in Geometriam admitti nullo pacto queant. Disputat hoc loco præcipue contra eos, qui quantitates infinite parvas & infinite magnas, quibus hæc methodus utitur, pro realibus habent; & Celeberrimi Autoris *Elementorum Geometria infiniti* argumenta, quibus realitatem infinitarum quantitatum evictam dare studuit, copiose refutat. Tandem ad *Newtonianam* methodum fluxionum Autor transit, quam, methodo infinitesimalium, licet cum ea computandi modum communem habeat, quoad certitudinem & evidentiæ principiorum longe superiorem prædicat.

*Liber primus* hujus Operis in *XIV Capita* divisus est. *Primum Caput* tradit principia methodi fluxionum. Initium facit Cel. Autor a definitionibus spatii, temporis, motus uniformis & variati, velocitatis, fluxus quantitatum, quo ex generari intelliguntur, & fluxionis, quam dicit esse velocitatem, quam quantitas fluens habet in quovis temporis, in quo generatur, termino; hinc infert, fluxionis mensuram esse incrementum, vel decrementum, quod dato tempore illa velocitate generari posset, si post illum temporis terminum motus uniformiter continuaretur. Sequuntur quatuor Axiomata, & tredecim Theoremata, quæ singula ex theoria motus uniformis, vel variati, petita sunt. Quibus Theorematibus præmissis, demonstrat *Newtoni* rationem comparandi fluxiones quantitatum variabilium, determinando limitem rationum, in quibus sunt earum quantitatum incrementa, vel decrementa simultanea. Equidem, demonstrata hac methodo fluxiones inveniendi, ejus ope plurimæ regulæ methodi fluxionum directe expeditæ & brevi via demonstrari potuissent, quemadmodum

id a *Newtono* plurimis in locis factum esse constat; sed, evidentiæ magis consultum iri, ratus est *Cel. Autor*, si eas regulas ex ipsis axiomatibus, longioribus licet demonstrationibus, ostenderet. Ergo, adjectis nonnullis, quæ ad realitatem secundarum fluxionum evincendam, & modum eas determinandi, faciunt, progreditur in *secundo Capite* ad demonstrationem regularum pro figurarum planarum & rectilinearum fluxionibus definiendis. Tria hoc *Caput* Theoremata complectitur, quorum primum docet, parallelogrammi, cujus altitudo invariabilis est, fluxionem semper mensurari parallelogrammo ejusdem altitudinis, & descripto super recta, fluxionem basis metiente; alterum, si fluxio basis *AD* trianguli *ADE* exponatur per rectam *DG*, fluxionem trianguli ex æde mensurari, seu exponi, parallelogrammo *EG*; tertium, rectanguli, cujus & altitudo & basis variabilis est, fluxionem ex æde exponi aut per summam rectangulorum contentorum sub unoquoque latere & incremento, vel decremento, alterius lateris, si nimirum ambo rectanguli latera simul crescant, vel simul decrescant, aut per differentiam istiusmodi rectangulorum, si, altero latere crescente, alterum decrescat. Cum secundum & tertium horum Theorematum fundamenta sint tantum non omnium operationum in methodo fluxionum directa, adeo, ut nulla ratio dubitandi de earum certitudine superesse queat, hisce Theorematibus concessis; omnem operam *Autor* impendit, ut hæc duo Theoremata quam evidentissimis demonstrationibus confirmaret; quod etiam, nostro quidem iudicio, ex voto effecisse dicendus est. Jam, quia nostrarum partium est, exhibere Lectoribus specimen quoddam, quod indolem earum demonstrationum, quibus *Autor* utitur, declarare possit; age, seligamus secundi Theorematis demonstrationem. Huic ab *Autore* præmissum est hoc lemma: *Basi* crescente uniformiter, triangulum crescit motu continue accelerato, & basi uniformiter decrescante, triangulum motu continue retardato decrescit, si nimirum reliquorum laterum trianguli alterum maneat positione, alterum motu parallelo feratur. Hujus lemmatis demonstrationem nos hic brevitate causa omitemus.

Demon-

TAB. I  
Fig. 4.



Demonstrationem autem ipsius Theorematis Autor ab hac preparatione orditur. Dum punctum  $P$  describit basin  $AO$ , & recta variabilis  $PM$  motu parallelo generat triangulum  $APM$ , recta invariabilis  $pm$  motu parallelo juxta rectam  $aa$  lata gignat parallelogrammum  $am$ , perpetuo æquale triangulo  $APM$ . His positis, motus, quo basis fluit, seu fluxio ejus, semper mensurabitur celeritate puncti  $P$ , & fluxio trianguli ubique exponetur per velocitatem rectæ  $pm$ . Perveniat  $p$  in  $d$ , eodem momento, quo  $P$  venit ad  $D$ : ergo rectæ  $PM$ ,  $pm$ , eodem illo momento temporis in  $DE$ ,  $de$ , pervenient. Ponamus, punctum  $P$ , si ejus motus inde ab hoc termino uniformiter continuaretur, describere posse dato tempore rectam  $DG$ ; & rectam  $pm$ , motu ejus ab eodem termino uniformiter continuato, describere parallelogrammum  $ek$  eodem dato tempore; ostendetur parallelogrammum  $ek$  æquale parallelogrammo  $EG$ . Cum autem plures casus sint Theorematis, ostenditur illud primo in hac hypothesi, quod basis uniformiter crescat, seu motus puncti  $P$  ab  $A$  versus  $O$  uniformis sit. In hoc casu motus rectæ  $pm$  ab  $a$  versus  $o$  est per lemma præcedens continue acceleratus. Describat punctum  $P$  spatia  $BD$ ,  $DG$ , temporibus æqualibus continuis, & iisdem æqualibus temporibus  $pm$  describat parallelogramma  $be$ ,  $dh$ . Sint  $BC$ ,  $DE$ ,  $GH$ , parallelæ ad  $PM$ , & occurrant rectæ  $AH$  in  $C$ ,  $E$ ,  $H$ . Ergo  $be =$  trapezio  $BDEC$ , &  $dh = EDGH$  (per hyp.). Sed, quia  $pm$  motu continue accelerato fertur, patet per Axioma I,  $ek$  fore minus parallelogrammo  $db$ , propterea scilicet, quod  $db$  spatium est a recta  $pm$  motu accelerato descriptum,  $ek$  autem spatium eodem tempore descriptum uniformiter celeritate ea, quam  $pm$  habuit in  $d$ . Per Axioma II idem  $ek$  majus est spatio  $be$ , quod æquali tempore descriptum erat, antequam  $pm$  eum gradum celeritatis acquisiverat, quem in  $d$  habet. Ergo parallelogrammum  $ek$  minus est trapezio  $DGHE$ , majus autem trapezio  $CBDE$ , quemadmodum parallelogrammum  $EG$  minus est trapezio  $DGHE$ , & majus trapezio  $CBDE$ . Nunc, si negas,  $ek$  præcise æquale esse ipsi  $EG$ ; sit  $ek$  majus, quam  $EG$ , & produca-

tur  $DE$  in  $R$ , ut  $DR$  major fiat, quam  $DE$ , in ratione  $ek$  ad  $EG$ . Completo ergo parallelogrammo  $DRLG$ , erit hoc *Pgr.*  $RG$  ad *Pgr.*  $EG = DR:DE$  (Elem. 1, VI.)  $= ek:EG$  (hyp.), ideoque  $ek = RG$ . Secet autem  $RL$  rectam  $AH$  in  $N$  puncto, per quod recta  $DE$  parallela ducatur  $NQ$ . Ponamus, rectam  $pm$ , motu uniformiter inde a termino  $d$  continuato, describere posse spatium  $ex$  eodem tempore, quo  $P$  uniformi motu describit  $DQ$ . Cum spatia motu uniformi descripta sint ut tempora; erit *Pgr.*  $ek$ , seu  $RG:ex = DG:DQ = RG:RQ$ , & idcirco *Pgr.*  $ex = RQ$ . At interea, dum  $P$  describit  $DQ$ , recta  $pm$  describit spatium æquale trapezio  $DQNE$  (hyp.) motu continue accelerato. Ergo (Ax. I) spatium  $DQNE$  majus est spatio  $ex$ , quod eodem tempore motu uniformi, celeritate in  $d$  acquisita, describi potuisset. Hinc, cum  $DR$  major posita sit, quam  $DE$ , ideoque *Pgr.*  $RQ$  majus sit trapezio  $DQNE$ , erit *Pgr.*  $RQ$  majus, quam  $ex$ ; sed eidem  $ex$  æquale, quod est absurdum. Non ergo est  $ek$  majus ipso  $EG$ . Sit itaque, si fieri potest,  $ek < EG$ ; & capiatur  $Dr:DE = ek:EG$ , & compleatur *Pgr.*  $Gl rD$ , quod ergo erit ipsi  $ek$  æquale. Producta  $lr$  ad occursum recta  $AH$  in  $n$ , agatur  $nq$  ad  $DE$  parallela. Intelligatur spatium  $ex$  describi posse a  $pm$  uniformiter, celeritate in  $d$  acquisita, eo tempore, quo punctum  $P$  describit  $qD$ . Ergo *Pgr.*  $ek$ , seu  $rG:ex = DG:qD = rG:rq$ , & hinc *Pgr.*  $rq = ex$ . Verum, dum punctum  $P$  incedit per  $qD$ , recta  $pm$  describit spatium æquale trapezio  $nEDq$  (hyp.) motu accelerato, antequam accedit ad terminum  $de$ . Quare  $nEDq$  minus est spatio  $ex$  eodem tempore descripto uniformiter celeritate in  $de$  acquisita; ideoque *Pgr.*  $rq$  a fortiori minus erit, quam  $ex$ , cui tamen & æquale ostensum est. Quæ cum repugnent sibi invicem, patet, nec esse  $ek$  minus, quam  $EG$ . Ergo  $ek$  ipsi  $EG$  præcise æquale est. Simili ratione demonstratur Theorema in reliquis casibus: scilicet si basis uniformiter decrescat, si basis motu variato fluat, sic tamen, ut triangulum uniformiter crescat, vel decrescat, & denique si tam basis, quam area, trianguli motu continue utrunque fluat.

*fluat.* Ex his autem perspicua redditur ratio, cur, basi uniformiter fluente, in determinanda fluxione areæ  $AED$  partem incrementi alteram, triangulum nempe  $EHI$ , omnino rejicere & negligere oporteat. Hæc enim pars incrementi non illi celeritati, quam recta, describens triangulum  $PM$ , habet in  $DE$ , sed accelerationi motus post terminum  $DE$  debetur; ergo ad mensuram fluxionis areæ  $ADE$  non potest adhiberi. Et generatim, si basis motu fluat quovis; quicquid incrementi, vel decrementi, generatur, præter *Pgr. EG*, eo tempore, quo  $P$  describit  $DG$ , debetur soli accelerationi, vel retardationi, fluxus trianguli. Ex ejusdem Theorematis duobus prioribus casibus, Autor ostendit, derivari posse doctrinam de motu uniformiter variato sine quantitatum infinite parvarum suppositione. In *tertio Capite* demonstrat regulas de fluxionibus figurarum planarum curvilinearum determinandis, cum earum, quæ ordinatas habent parallelas, tum harum, quæ revolutione radii circa punctum fixum describi intelliguntur. In *quarto Capite* fluxiones solidorum definit, quæ vel rotatione figuræ planæ circa axem, vel motu parallelo figuræ planæ juxta axem in eam rectum, generantur. Sub finem hujus *Capitis* ex contemplatione trium partium, in quas dividi potest incrementum pyramidis fluentis, occasionem sumit, notiones secundarum tertiarumque fluxionum illustrandi. *Caput quintum* inscriptum est de fluxionibus quantitatum, quæ sunt in progressionem geometrica, cujus primus terminus constans est; & ostendit ex geometricis principiis, fluxiones duorum terminorum ejusmodi progressionis esse in ratione, quæ componitur ex ratione illorum ipsorum terminorum, & ratione numerorum, qui multitudinem terminorum, illos præcedentium, indicant. In *sequenti Capite* Cel. Autor universam doctrinam de logarithmis & fluxionibus quantitatum logarithmicarum eleganter exponit. Fundamenti loco præstruit eam logarithmorum definitionem, quam dedit eorum inventor *Neperus*, paulo tamen generaliorem redditam, scilicet quod logarithmus sit linea (seu quantitas quævis), quæ æquabiliter crevit, interea dum quantitas, ad quam illa ut logarithmus refertur,

fertur, proportionaliter in eam, quæ nunc est, decrevit, vel excrevit, existente utroque motu synchrono, atque ab initio æque veloce. Proportionaliter autem *Nepero* crescere dicitur quantitas variabilis, si singuli ejus valores successivi progressionem geometricam efficiunt, æquabiliter, si arithmeticam. Deductis ex hac definitione vulgatis logarithmorum proprietatibus, ob quas in computorum compendium adhiberi sueverunt, pergit Autor ad fluxiones quantitatum, quæ proportionaliter crescunt, vel decrescunt, considerandas. Ostendit ex theoria motus uniformis & variati eo, quem supra indicavimus, demonstrandi modo, fluxiones istarum quantitatum semper variare in eadem ratione, in qua ipsæ quantitates illæ variant, & e converso, quantitatem, cujus fluxiones in eadem ratione variant, in qua ipsa variat, proportionaliter crescere, vel decrescere. Ex his sponte exsurgit determinatio fluxionis logarithmi; quod nimirum fluxio logarithmi sit ad fluxionem ipsius quantitatis variabilis, sicut unitas ad ipsam quantitatem variabilem. Porro demonstrat *Cel.* Autor hocce Theorema: Si duarum quantitatum variabilium logarithmi perpetuo sint in eadem invariabili ratione; fluxiones earum erunt in ratione, quæ componitur ex illa constanti ratione, & ex ratione ipsarum quantitatum. Cujus Theorematis duplex præcipue in sequentibus usus est. Primo per illud maxime evidens sit discrimen inter incrementum quantitatis variabilis & eius fluxionem primam, secundam, &c. Ostenditur enim incrementum quantitatis, quæ tertia proportionalis est ad quantitatem uniformiter decrescentem & quantitatem constantem, componi ex partibus, quarum hæc est relatio ad fluxiones omnium ordinum ejusdem quantitatis, ut prima & maxima parte exponatur fluxio prima, duplo secundæ partis fluxio secunda, sextuplo tertiæ partis fluxio tertia, 24plo quartæ partis fluxio quarta, & sic porro. Alter usus prædicti Theorematis est hic, ut per illud evincatur nota illa formula, cujus ope logarithmus numeri  $1+y$  approximando inveniri potest:  $1(1+y) = y - \frac{1}{2}yy + \frac{1}{3}y^3 - \frac{1}{4}y^4 + \&c.$ ; nec non hæc altera isti affinis  $1(1+y) = x + \frac{1}{2}xx$

$+ \frac{1}{2} x x + \frac{1}{3} x^3 + \frac{1}{4} x^4 + \text{etc.}$  in qua  $x = y : (1 + y)$ .  
 Quæ omnia postquam Autor cum nonnullis aliis, quorum  
 brevitatis studio mentionem non fecimus, solide demonstra-  
 vit, exponit tandem notiones curvæ logarithmicæ, quantita-  
 tum exponentialium, moduli systematis logarithmici, & ratio-  
 nis modularis, *Cotesio* sic dictæ. Nunc ad Geometriam curva-  
 ram accedens, *Capite VII* de tangentibus curvarum agit.  
 Tangentis hanc definitionem ponit, quod sit recta curvæ in  
 puncto sic occurrens, ut inter illam & curvam per illud pun-  
 ctum nulla alia recta duci queat. Sequuntur definitiones cur-  
 vaturæ continuæ, flexus contrarii, & puncti duplicis. His  
 præmissis, Autor fundamenta præcipuorum casuum methodi  
 tangentium directæ exponit, licet ipsam hanc methodum data  
 opera hic non tradat. Et primo quidem demonstrat Cel-  
 Autor Theorema, cui methodus, tangentes ad curvas paralle-  
 larum ordinarum ducendi, innititur, scilicet quod fluxio-  
 nes curvæ ordinatæ & abscissæ exponantur per tria latera  
 trianguli, quod sub parte tangentis, parte ordinatæ usque  
 ad tangentem, si opus, productæ, & recta per punctum con-  
 tactus abscissæ parallela, continetur. Similiter fundamentum  
 ejus casus methodi tangentium, qui curvas supponit relatas  
 ad rectas ex uno puncto exeuntes, evidentibus demonstratio-  
 nibus patefacit. Posthæc casum quoque singularem hujus me-  
 thodi attingit, quem ab aliis Autoribus non meminimus tra-  
 ctatum esse, si scilicet curva, ad quam tangens ducenda est,  
 datur per datam relationem, quam ad se invicem habent ve-  
 locitates angulares duarum rectarum, quæ circa duo puncta  
 fixa revolvuntur, & quarum intersectione curva describitur.  
 Tandem superioribus Theorematis generalibus nonnulla alia  
 addit, quæ etiam usum habent ad tangentes curvarum in par-  
 ticularibus casibus determinandas. *Caput VIII* doctrinam de  
 fluxionibus superficierum curvarum complectitur. Funda-  
 menta hujus theoriæ ponuntur partim Lemmata nonnulla de  
 superficierum conicarum dimensione, partim hoc Axioma :  
 quod, basi seu parte axis curvæ per continuam bisectionem in  
 æquales portiones divisa, & ex punctis sectionum actis ordi-  
 natis

natis parallelis, & arcuum, in quos sic curva dividitur, ductis chordis & tangentibus, superficies, per rotationem figuræ circumscriptæ & figuræ inscriptæ circa eundem axem generitæ, semper magis magisque appropinquent superficiei per rotationem figuræ curvilinæ, circa eandem basin oriundæ. Exinde methodo sibi consueta Cel. Autor evincit notam regulam, pro fluxione superficiei conoidis mensuranda. Huic corollarii instar subiicit dimensionem superficiei, ex rotatione arcus circuli circa chordam fixam oriundæ. Denique ex præcedentibus theoriis regulam *Guldini* de centro gravitatis derivat. In *nono Capite* methodi de maximis & minimis, & doctrinæ de punctis flexus contrarii atque regressus determinandis, principia eleganter ac solide exponit & demonstrat. Quoniam Autores, qui hæc argumenta attigerunt, non satis conveniunt in notis earum ordinarum, quibus maximi minimive nomina assignanda sint; Noster, ut omnem ambiguitatem evitaret, primo generalem definitionem maximæ minimæ ordinatæ exhibuit, deinde duo maximorum minimorumve genera constituit. Cum ex quovis curvæ puncto duo saltem crura curvæ exire intelligantur; ordinata ad aliquod curvæ punctum *maximum*, vel *minimum*, Nostro dicitur, si major sit, vel minor, ordinatis parallelis, ad ambo crura puncto illi continua ductis. Si curvæ duo ex illo puncto egressa crura sint ad partes diversas ordinatæ; ordinatam ad illud punctum *maximum* *minimumve primi generis* appellat; sin curva ab illo puncto regrediatur, & ambo ejus crura ad easdem partes ordinatæ sita sint; *secundi generis* vocat. Si contingat, ut ex illo puncto quatuor, vel plura, curvæ crura exeant; ordinata illius puncti non nisi cum ordinatis eorum duorum crurum comparanda est, quorum alterum tanquam alterius immediata continuatio per naturam curvæ spectari potest. Ordinatas autem evanescentes, easque, quæ infinitæ fieri dicuntur, e minimorum maximorumve numero Cel. Autor excludit. Hisce definitionibus exhibitis, exponit vulgatas regulas, per quas punctum curvæ, maximi minimive proprietate præditum, & punctum flexus contrarii, determinantur; simul autem ostendit, regulas

regulas has limitationibus obnoxias esse, quibus neglectis, earum usus facile in errorem inducere possit. Ut ergo certiores regulas suppeditaret, demonstravit primo sequens Theorema: Si, data fluxione abscissæ, aut sola fluxio prima alicujus ordinatæ evanescat, aut 2, vel 4, vel quocunque, numero pari, fluxiones sequentium ordinum ejusdem ordinatæ simul evanescant; & curva habeat arcus, ad utrasque illius ordinatæ partes sitos, erit ea ordinata maximum, vel minimum; sin autem numerus fluxionum sequentium ordinum, quæ simul evanescunt, sit impar, ordinata illa per punctum flexus contrarii transibit. Ex his porro ostendit, si fluxio ordinatæ prima alicubi fiat maximum, vel minimum, & ea ordinata curvam secet, fore ibidem punctum flexus contrarii; & ergo in ejusmodi curvis universaliter de puncto flexus contrarii certos nos esse posse, sive fluxio prima ordinatæ evanescat, sive minus, si modo nobis constet, sequentium successivorum ordinum fluxiones, numero impari, evanescere ad quoddam curvæ punctum. Considerat post hæc etiam conditiones punctorum curvæ, in quibus tangens sit axi perpendicularis, seu fluxio abscissæ, data fluxione ordinatæ, evanescit; docetque, qua cautione opus sit, si quis dijudicare velit, num illa puncta sint maximi minimive proprietate, an flexu tantum contrario, prædita. Quemadmodum autem hætenus contemplatus est maxima & minima in curvis, quæ arcus habent ad diversas partes ejusdem ordinatæ sitos; ita nunc etiam de maximis & minimis secundi generis agit, quæ dantur, ubi curva ad eandem partem ordinatæ alicujus sita est. Si tangens in extremo illius ordinatæ diversa sit ab ordinata hac; curva ibidem habet punctum regressus, seu cuspidem. Quorum punctorum duo genera Autor constituit, Ill. *Hospitalium* secutus; qui primi generis punctum regressus appellat, in quo junguntur duo arcus, quorum convexitates sibi invicem obversæ sunt, secundi generis, ubi convexitas alterius arcus concavitati alterius adversa est. Quæ de conditionibus eorum punctorum Cel. Autor habet, ad sequentes propositiones reduci possunt: Si fluxio secunda ordinatæ ad fluxionem

R

abscissæ

absciffa rationem assignabilem habet, & arcus curvæ ad eadem partes alicujus ordinatæ extenfi sunt; curva ibi habet punctum regressus fecundi generis: id quod semper etiam contingit, si ratio illa assignabilis non sit, modo ratio tertiæ fluxionis ordinatæ ad fluxionem basis assignari queat; sin autem neque hæc ratio assignabilis sit, punctum regressus primi secundive generis adesse poterit. Ordinatam denique in puncto regressus utriusque generis. Cel. Autor semper pro maximo, vel minimo, habet, eo solo casu excepto, in quo punctum regressus primi generis datur, ad quod tangens absciffæ parallelæ pertinet. Tandem determinationem maximi minimive radii, qui ad curvam ex dato puncto duci potest, & aliquot regulas pro maximis minimisve in casibus quibusdam specialibus definiendis, docet. *Decimum Caput* varia complectitur argumenta, inter quæ primum est asymptotorum theoriâ. Principio tradit Autor asymptotorum definitionem, earumque realitatem evincit, quod occasionem ipsi præbet, de infinita divisibilitate omnis magnitudinis geometricæ disputandi. Ostendit autem, hanc phrasin non alio sensu accipiendam esse, nisi hoc, quod omnis magnitudo finita intelligi queat divisa in partes æquales, quarum numerus cuilibet numero utcumque magno æqualis sit. Secundo areas contemplatur, quæ inter curvam, asymptotum, & ordinatam, intercipiuntur, atque demonstrat, nonnullas earum limites habere, seu ad data spatia continue approximare, eaque nunquam excedere; alias autem esse omni dabili area finita majores. Similiter de solidis, & rotatione illarum arearum generis, ostendit, ea sub certis conditionibus habere limites, quos transgredi nequeant, sub aliis autem conditionibus fieri omni dabili solido majora. Posthæc de asymptotorum rectilinearum determinatione exponit; & primo quidem, cum tangens ad punctum curvæ, infinite ab axe distans, ad axem obliqua plerumque (non autem semper, quod & Noster bene monet,) pro asymptoto ejusdem curvæ haberi possit, principium casus illius singularis methodi tangentium, cujus supra mentionem fecimus, ad asymptotorum determinationem applicat, longa



longa serie elegantissimorum & selectissimorum exemplorum ostendens, quo modo curvarum, per rectarum vel angulorum-revolutionem descriptarum, tam tangentes, quam asymptoti, ducendæ sint. Deinde varia exhibet Theoremata, per quæ judicare licet, utrum curva proposita asymptotum habeat, qualis illa sit, & quam ea positionem habeat, item num area inter curvam & asymptotum infinite productas limitem habeat, an omni dabili spatio major sit. Regulas, quas hac de re Cel. *Fontenellius* in *Geometria infiniti* §. 990 seq. suppeditavit, Lector hic non solum eleganter demonstratas, sed & continuatas, & uni maxime generali Theoremati inclusas, reperiet. Quod porro ad solida, quæ rotatione arearum, curvæ & asymptoto interjectarum, circa asymptotum gignuntur, horumque solidorum superficies, attinet; nihil eorum, quæ ad limites horum solidorum harumve superficierum cognoscendos faciunt, Cel. *Mac-Laurinus* prætermisit. Post hæc asymptotissimum, in spiraliū familia regnantem, singulari contemplatione dignatus est. Potest nimirum spiralis curva ad datum punctum continue sic appropinquare, ut tamen, quamvis multis revolutionibus peractis, illud non attingat; præterea & rectis, & circulis, & spiraliū simplicioribus, possunt spirales productæ continue sic approximare, ut tamen nunquam eas contingant. Itaque ostendit Cel. Autor eas conditiones, sub quibus in casu asymptotismi spiralis ejusdam vel area, vel longitudo, limites habet; & hæc dum agit, in transitu definitiones & notabiles proprietates spiralis reciproca, spiralis logarithmica, & tractricis complicata *Cotesii*, tradit. Tandem huic *Capiti* coronidem imponit tractatione de serierum convergentium summis. Quod argumentum præcedentibus argumentis adeo affine est, ut ejus tractatio hoc in loco jure expectari possit. Constat enim, quemadmodum linea recta, vel area, continue produci potest, & datam tamen finitam rectam, vel aream, nunquam exæquare, ita & seriem fractionum posse sic continuari, ut summæ ejus successivæ continue quidem crescant, sed dato tamen finito numero semper sint minores. Illic numerus, si differentia inter eum & summam

seriei sic decreascat, ut qualibet data fractione fieri possit minor, jure suo *limes summa illius seriei* appellari potest; & analogia inter ejusmodi limites atque limites arearum in curvis tam manifesta est, ut facile intelligatur, inter varias methodos dijudicandi, utrum data fractionum series limitem habeat, dari etiam aliquam, quæ iisdem principiis, quibus theoria de limitibus arearum innititur, utatur ad detegendum, num datæ progressionis limites habeant, seu num, ut alii loquuntur, in infinitum continuatæ summas dent finitas. Sane hanc methodum in ipso hujus translationis limine doctissimus Autor exponit. Est autem illa in eo fundata, quod termini seriei convergentis exponi possint ordinatis parallelis & æquidistantibus alicujus curvæ, cui linea abscissarum pro asymptoto est. Si area hujus curvæ limitem agnoscit, progressionis quoque illius summa limitem habet, & cognito limite areæ, approximare licet ad limitem summæ progressionis, sicut hoc cognito ad illum. Quod qua ratione fieri debeat, ostenditur quidem hic ab Autore; uberior tamen ejus argumenti explicatio & demonstratio in *secundum Librum* differtur. Interim hic duæ methodi exponuntur, quotvis progressionis fractionum inveniendi, quarum summæ assignabiles numeros pro limitibus habeant. Altera earum methodorum illi affinis est, quam *Jacobus Bernoullius* in Disputationibus de seriebus infinitis docuit; altera, æque simplex, elegans, & fecunda, supponit duo mobilia in eadem recta inæqualibus velocitatibus lata, & ex consideratione spatiorum, ab illis eodem tempore descriptorum, & finem, seu terminum, communem habentium, progressionem fractionum deducit, quæ, sive ad certum terminum, sive in infinitum, continuata, summam habet finitam & datam. Ope harum methodorum Cel. Autor Theoremata quædam de seriebus demonstrat, ad quadraturam curvarum utilia, & alia, quæ a *Jac. Bernoullio*, *Tayloro*, *Nicolio*, *Stirlingio*, Viris celeberrimis, diversis rationibus ostensa fuerant. In *XI Capite* de linearum curvarum curvatura sic exponit, ut, præmissis definitionibus terminorum, primo novam elegantemque exhibeat methodum, in curvis geometricis determinandi centrum,

vel

vel radiū, curvaturæ, seu osculi, nec non variationem curvaturæ metiendi, atque diversos gradus contactus inter curvam & circulum osculantem ad se invicem comparandi. Tanquam exempla hujus methodi, Theoremata de radiis osculi in sectionibus conicis, tam ab aliis varie jam demonstrata, quam nonnulla non obvia, subjicit, quæ singula synthetice ad modum veterum demonstrat. Hac etiam data occasione, quid sibi velit curvatura infinite parva & infinite magna, docet, & utriusque possibilitatem evincit. Secundo generalem pro curvis tam geometricis, quam mechanicis, methodum determinandi earum curvaturam demonstrat, & tertio duas particulares methodos indicat, per quas in iis potissimum curvis, quæ revolutione rectarum, vel angulorum, generari intelliguntur, radios osculi facilius invenire licet. Denique doctrinam de evolutis, earumque rectificatione, attingit. Quibus omnibus scite peractis, varia Problemata physica & geometrica synthetice tractat, ad quæ solvenda theoria de curvatura linearum utilis est. Scilicet primo proprietates cycloidis, & notam legem descensus corporis gravis per arcus hujus curvæ, demonstrat; deinde causticas radiorum, tam reflexorum, quam refractorum, construere docet; porro rationem determinandi positionem radiorum, qui interiorem & exteriorem efficiant iridem, ostendit; postea theoriā univērsam virium centralium, & trajectoriarum, tam in vacuo, quam in medio resistenti, sive unicum sit centrum virium, sive plura ponantur, copiose explicat, inter hæc resistentiam & densitatem medii & data trajectoria invenire docens, & omnem motuum lunæ theoriā data opera illustrans; denique de figura fluidi, cujus particulæ aut in diversa centra, aut in unum centrum, gravitant, sed simul circa axem revolvuntur, pauca subjungit. Hoc *undecimo Capite* clauditur *primum* hujus Operis *Volumen*, de quo hæc dixisse suffecerit. De *altero Volumine* proxime sumus dicturi.

MARMOR ESTONIANUM, SEU DISSERTATIO

R 3

de

de Sella marmorea votiva, Estonie in agro Northamptoniensi conservata, Autore J. NIXON,  
A. M.

Londini, typis J. Bettenham, exemplaria prostant apud  
R. Manby & H. S. Cox, 1744. 4.  
Plag. 4 $\frac{1}{2}$ , cum Tabula æri incisa.

Quamvis marmoris, quod explicandum sibi sunserat Cl. Autor, inscriptionem *Seldenus*, *Reinesius*, ac *Tomasius*, dudum vulgaverint; tamen, ut de sellæ figura, cujus illi descriptionem non satis accuratam dedisse videbantur, antiquitatum curiosis magis constaret, votivum hoc marmor, una cum inscriptione delineatum, ærique incisum, in fronte Dissertationis spectandum proposuit. En ipsam Inscriptionem:

O ΙΕΡΕΥΣ ΑΡΧΙΑΔΜΟΣ  
ΦΙΛΑΙΝΕΤΟΥ ΙΣΙΔΙ  
ΟΣΙΠΙΔΙ ΑΝΟΥΒΙΔΙ  
ΧΑΡΙΣΤΗΡΙΟΝ.

Cl. Nixon, hoc donarium & hunc titulum illustraturus, præmittendam sibi putavit brevem de donariorum antiquitate atque usu commentationem. Tunc, præeunte *Postero* in *Archæologia Græca*, dona hæc distribuit in ΙΛΑΣΤΙΚΑ, ΑΙΘΗΤΙΚΑ, ΚΑΙ ΧΑΡΙΣΤΗΡΙΑ. Uberius deinde cum *χαριστήριον* explicasset, ad *χαριστήριον* Estonianum accedit, *Archidamumque*, cujus nomen exhibet lapis, *Isidis*, vel *Æsculapii*, apud Smyrnos sacerdotem fuisse, suspicatur. Nec displicet ipsi Cl. *Meadii* conjectura, qui, Numinibus istis, medicæ arti divinos honores debentibus, medicos etiam sacerdotes electos, & hunc ipsum *Archidamum* Medicum fuisse, conjecerat. Expectandum tamen prisci alicujus monumenti suffragium censet, antequam hæc sententia eruditorum virorum calculos mereri debeat.

Pergit inde ad monumenti ætatem, & quia in eo nullam temporis designationem deprehendit, ex sellæ materia ac simplicitate figuræ antiquitatem colligit non contemnendam. Præterea, ex formis litterarum Σ & Ε manifestum esse, ostendit,  
hoc

hoc donarium recentioris ætatis monumentis annumerari plane non posse, quia, *Montfauconio* observante, quinto post Christum natum. Seculo præsci ductus harum literarum plane exoleverint.

Procreditur Cl. *Autor* ad narrandam monumenti sui recentiore historiam, ostenditque, esse id unum e marmoribus *Arundelianis*, quorum plurima, Græca præsertim, Cl. *Peirescii* studio per *Samsonem* quendam, qui *Peirescii* negotia Smyrnæ gesserit, comparata esse. Sed Turcarum fraude marmora ista detenta fuisse, donec Illustriss. *Thomas*, Arundeliæ Comes, per *Guil. Pettaum*, Anglum, A. 1627 ista redempta in Angliam transtulerit. Inde, ortis in Anglia civilibus discordiis, marmora, quæ neglecta jacuerint, alia furto ablata, alia a lapicidis, parum sentientibus, nec curantibus, quam capitale facinus admitterent, ad ædes reficiendas adhibita esse. Vix dimidiam partem, numerum tamen plus quam CXXX, marmorum, *Arundelia* Comiti collectorum, ab ejus nepote, *Henrico*, Comite-Mareschallo, (postea Norfolciæ Duce,) Oxoniensi Academiæ donatam esse. Partem aliquam, quam cum sella, de qua hic agitur, votiva, tum alia pretiosissima monumenta, insignem faciant, a Ducis, quem diximus, Norfolciæ vidua Baroni de *Lempster* venditam, ab ejus filio, Comite de *Pamfret*, hodie conservari.

Sellam autem Smyrnæ consecratam fuisse, Cl. *Nixon* ex eo verisimile facit, quod Smyrnæ reperta, & inde sit allata. *Isidis* cultus apud Smyrnæos, atque templum, quod in hac urbe Deam istam habuisse, ex *Aristide* docet, faciunt, ut conjectura probabilis videatur.

Materia monumenti (hoc ordine procedit Cl. *Autor*.) est Græcum marmor candidum, latius bracteis interlucens. Formam simplicis sellæ refert, nec ulla parte continuus lapis perterebratus est. Hinc Vir. doctus sellam suam, cum regalibus solis, augurum ac Pontificis maximi sellis, comparatam, & *Arctidam* personæ conveniens, nec Diis, quibus dicata sit, alienum, munus arbitratur. Plura addit de sellis varii generis, quæ Diis consecratæ sint. *Isidi*, quæ eadem ac Tellus esse,

esse, adeoque motus expers, credita, in nummis etiam sedens exhibeatur, huic Deæ ergo non male sellam oblatam esse contendit. Nec *Osfiridi* sellam inconueniens donum fuisse, inde concludit, quia hujus Dei thronus ex hieroglyphicis notus sit. Gryphos duo, qui utrinque in lapide conspiciuntur, satellites *Osfiridis* pronuntiat, & in rationem, cur hæc animalia huic Deo sacra fuerint, breviter inquirat. Dein *Isidi*, *Osfiridi*, & *Anubidi*, ut Diis *παῖδρος*, commune donarium recte oblatum esse evincit.

Occasionem, qua dedicatum sit *χαριστήριον*, quia ex Inscriptione intelligere non licebat, conjectura se assecuturum putavit. Et, quamvis ea sit horum Numinum natura, ut variis & innumeris beneficiis ejusmodi donarium mereri potuisse videantur, tamen singularis erga periclitantes in mari favor *Isidis*, ejusdemque in sanandis morbis credita præsentia, faciunt, ut aut ob itineris pericula & labores terra marive superatos, aut ob valetudinem ex gravi morbo receptam, hoc munus ab *Archidamo* consecratum Cl. *Nixon* suspicetur. Nos vero ejusmodi hariolationes plane non probamus. Si autor doni ob peculiare beneficium, ab his Diis impetratum, id obtulisset, in Inscriptione hujus rei ipse mentionem facturum fuisse videtur. Etiam si largiremur, singulari gratia ab his Diis adjutum hominem, hanc sellam posuisse, quis sperare possit, cum his Numinibus sexcentæ potuerint esse occasiones bene faciendi, fidem sibi futuram, si aliis persuadere velit, se vigilantem cognovisse, quam bene merendi materiam in *Archidamo* Dii illi sint nacti. Quod si omnino divinare libeat, longe propiore vero conjectura ex silentio monumenti possemus suspicari, *Archidamum* non ob unum aliquod benefactum, sed pro omnibus, quibus per totam vitam his Numinibus devinctum se crediderit, meritis, & fortasse, quod est in aliis Inscriptionibus, *ἐκ μεγάλων κινδύνων πολλὰς σωθέντα*, hanc Diis gratiam retulisse.

Supereft, ut Cl. Antiquario suadeamus, ne, si in posterum de similibus monumentis bene mereri studeat, tam confuso ordine, qualem in hoc scripto deprehensum de industria

stria in nostra commemoratione servavimus, lectoribus politis tedium afferat. Idem magis etiam antiquitatis amantibus satisfaciet, si orthographiæ præceptis obtemperans, a prava scriptione vocabulorum *Author, Egyptus, & similibus*, se abstinerit, nec stilum tot barbarismis ac solæcismis deformaverit. Ut alia mittamus, pag. 7 dedit: *adeo - ut - remansit.* Et hæc structura ipsi adeo placuit, ut eadem pag. 25 repetita scripserit: *adeo ut - existimata est.*

CONATUS CHRONOLOGICUS AD CATALOGUM  
Episcoporum, Archiepiscoporum, Cancellariorum,  
Archi-Cancellariorum, & Electorum, Coloniae Claudiæ  
Augustæ Agrippinensium, Autore MICHAELE  
MOERCKENS, Carthusiæ Agrippinensis  
Presbytero.

Coloniæ Ubiorum, sumtibus Joannis Wilhelmi Krakamp,  
& hæredum Christiani Simonis, 1745, 4.

Alph. 1 plag. 7.

Jam dudum in votis habuit orbis literatus, ut *Germania sacra*, uno opere, pro dignitate argumenti exulta, a viro quodam docto conscriberetur, & tela, quam R. P. *Martinus Hanitzius* incepit, pertexeretur. Quamvis autem nemo adhuc exstiterit, qui tam arduum & laboris plenum in se opus susciperet; sperare tamen fortassis licet, aliquando voti sui damnatum iri eruditos, si peculiare Episcopatum descriptiones prodeant, per quas obscurissimis Germanorum Ecclesiæ rebus lux aliqua possit affundi. Hinc maximopere se nobis commendavit Rev. hujus libri Autoris institutum, qui origines Colonienses, vel negligentia, vel inscitia temporum superiorum, penitus sepultas, in lucem protrahere annisus est. Maximi autem faciendæ, & summis laudibus celebrandæ; est Serenissimi Principis, *Clementis Augusti*, Archiepiscopi & Electoris Coloniensis, de constituenda hac Præsulum serie sollicitudo, quippe cujus Principis autoritate hoc Opus confectum esse, ex epistola dedicatoriæ cognoscimus Proposuerat sibi Rev.

S

Autor,

Autor, omnia, ad antiquitates Colonienſes pertinentia, ediſſere. Cum autem votis religioſis adſtriſtus ſit, ea, quæ ad religionem proxime ſpeſtant, primo loco merito excuſſit, a ſuſcepto Chriſti evangelio Pontificum Agrippinenſium memoriam repetens. Nonnulla tamen de origine & nomine iſtius urbis præmittit. De conditoribus ejus, Ubiis, ante *Julium Caſarem* nemini ſcriptorum quidquam memoriæ proditum, obſervat. Eorum vero ſocietatem, cum Romanis initam, & auxilia, eis contra Suevos præſtita, ex *Caſare* & *Tacito* deſcribit. Edificationem Coloniae Ubiorum, quæ, cum *Agrippa* eam gentem, Germanicis quippe armis exercitatam, ac Romanis fidelem, *Auguſtæis* auſpiciis in citeriorem Rheni ripam traduceret, ut Germanos a tranſitu in fines Romanorum arceret, contigit, Rev. Autor ſuſe enarrat. Accidiſſe hoc quatuordecim ante nativitatem Chriſti annis, ſibi perſuadet, eodemque anno *B. Mariam* natam eſſe, atque adeo Ubiorum oppidum *B. Virgini* merito coævum ſtatui, aſſeverat. Cum poſtea *Germanicus Caſar* in eo oppido ex conjuge *Agrippina* filiam ejusdem nominis ſuſciperet, honoris cauſa illa urbs non amplius oppidum, ſed civitas Ubiorum, a *Tacito* dicta eſt. Ipſa hæc *Agrippina*, uxor poſtea & *Auguſta* a *Claudio* declarata, colonos eo tranſmiſit, unde *Colonia Agrippinenſis* compellatio urbi eſt indita, quam minus accurate *Coloniam Agrippinam* in *Antonini* Itinerario dici, *Lipſii* veſtigiiſ inſiſtens, Rev.

- Pag. 2. 3. Autor ſtatuit. Cognomen interim *Agrippina* uſque ad *Chil-  
dericum*, Francorum Regem, urbi inhæſiſſe, obſervat, quem novam Francorum coloniam eum in locum duxiſſe, & ſimpli-  
citer *Coloniam* appellaiſſe, *Otto Friſingenſis* oſtendit. Primis  
jam poſt Chriſtum natum temporibus a *Creſcentio* & *Mater-  
no* religionem Chriſtianam per illa loca fuiſſe diſſeminatam,  
eamque inconcuſſa annorum ſerie ibi ab incolis retentam eſſe,  
5. ſuſe Rev. Autor demonſtrat. Sub perſecutione paganorum Im-  
peratorum pacem Eccleſias ab ethnicis pretio redemiſſe, adeo-  
que veriſimile eſſe, Colonienſes idem feciſſe, diſſitat. Nos  
6. interim nitamur, probationis loco *Dextri Chronicon* ad-  
duci, cum, illud opus adulterinum eſſe, ſatis ſuperque in-  
ter



ter eruditos constet. Nec minus miramur, centies explosas fabulas, de undecim millibus virginum, juxta Coloniam per *Maximinum* trucidatis, nec non de legione Thebæa, lectoribus ad nauseam usque obrudi. De metropolitico postea Colonienſium Episcoporum jure verba faciens, multa, quamvis sat vulgaria, de etymo vocis Autor præmittit, &, ante Concilii Nicæni tempora nulla se metropolitaram istius loci vestigia reperisse, fatetur. Ab eo autem tempore Colonia, quæ in provinciarum divisione Germaniæ primæ metropolis facta est, ecclesiastica etiam fuisse videtur, id quod ex quamplurimis documentis probare Rev. Autor an-  
 nititur. Archicancellariatus honorem S. *Heriberto*, Colonienſium Archiepiscopo, concessisse *Ottonem III.*, observat; an autem & successores statim post eum eodem dignitatis gradu gavisi fuerint, certo definire non audet. Electoratus itidem Colonienſis initia exponit, & multa hac occasione de instituto Electorali Collegio affert, quibus tamen varia insunt, quinimiam erga Romanam sedem reverentiam produnt, quibusque adeo fides habenda non est. His autem præmissis, ipsa Archiepiscoporum Colonienſium sequitur series. S. *Clementem*, Apostoli *Pauli* discipulum, primum Ubii verbum Dei prædicasse, innuit Rev. Autor, nescimus, quo fundamento, seque mirari dicit, quod majores eum non scripserint primum Ecclesiæ suæ Episcopum. Interim tamen sine duce pro certo id sumere sibi religioni duxit; qua quidem in re admodum prudenter egit, cum longissime à vero abhorreat, *Clementem*, qui Romæ sedit, Colonienſium simul sacrorum curam egisse. *Maternum* igitur primum istius loci Præfulem fuisse, ponit, eumque unicum illum viduæ Naimitice filium, à Christo suscitatum; fuisse, sibi persuadet. A D. *Petro* eum, una cum *Eucharzio* & *Valerio*, ad Germanos missum esse, ut eis Evangelium prædicaret, eumque, disseminato per omnem istius loci tractum verbo Dei, Ecclesiam Colonienſem fundasse, asseverat; quamvis privatis in ædibus homines sacrorum causa, metu persecutionum, coivisse videantur. Tot vero nugis atque fabulis hæc vitæ *Materni* descriptio

Pag. 8.

9.

13.

14.

scatet, ut eas hic repetere nos pudeat. Plenæ sunt harum  
 serum veteres illæ legendæ, vitas Sanctorum continentes, quæ  
 tamen nostro seculo merito fastidiuntur. A *Materni I* tempo-  
 ribus usque ad *Maternum II*, per ducentorum ferme annorum  
 seriem, nihil certi de Episcopis Colonienfibus ex antiquitate  
 constitui posse, Rev. Autor monet, cum eorum nomina Seculo  
 II & III barbarorum incursionibus fuerint oblitterata, imo tota  
 regio, quæ Belgica dicebatur, adeo devastata, ut nec, qui Eccle-  
 siis præfuerint, pronom sit definire. Nihil tamen fecius  
 scriptores recentiores, v. g. *Crombachius* in *Serie Episco-  
 porum Colonienfium*, nec non *Stangefolius* in *Annalibus West-  
 phalici circuli*, Præfules istius ævi recensere, eorumque no-  
 mina & vitas describere, tentarunt. Dubitat Rev. Autor,  
 an hodiernis Criticis inventa horum scriptorum ad palatum  
 futura sint. Ne tamen lectores ea nescirent, illisque occa-  
 sio deesset, de his rebus judicandi, verba istorum scripto-  
 rum integra apposuit, neque, quæ in contrarium dici pos-  
 sint, reticuit. Certiora de Episcopis, qui inde a *Conflan-  
 tini M.* temporibus vixerunt, dici poterant, inter quos *Ma-  
 ternus II* agmen ducit. Quæ igitur a priscis scriptoribus  
 monumentisque varie & sparsim de Præfulis Colonienfi-  
 bus sunt tradita, ea hic, servato temporis ordine, composuit,  
 & in ordinem digessit, Rev. Autor, multaque, in antiquis ho-  
 rum Episcoporum catalogis non observata, supplevit. Per-  
 ducitur ista series usque ad *Josephum Clementem*, Bavarum,  
 qui anno Seculi præteriti octavo & octogesimo, concessione  
 Pontificis Maximi *Innocentii XI*, & Imperatoris *Leopoldi I* be-  
 neficio, a clero Colonienfi primario, per novem suffragia ele-  
 ctus est Archiepiscopus, contra *Wilhelmum*, Cardinalem, &  
 Episcopum Argentinenfem, per tredecim suffragia postula-  
 tum. Inde bellum, archi-diœcesi valde exitiosum, existisse,  
 dum Galli *Wilhelmum* per vim intrudere conarentur, *Jose-  
 phum Clementem* tamen vicisse, eumque tandem, secundum le-  
 ges pacis Ryswicenfis, A. 1697 possessione quieta potitum  
 esse, Rev. Autor observat. Ulterius ei progredi non licuit, ob  
 religionis, quod suscepit, votum. Nimirum in Cartusie Co-  
 lonienfis

Pag. 18-

31.

22.

loniensis eremo per quinque & quinquaginta jam annos inclusus, de rebus eo tempore gestis, certi quid scribere non potuit. Ut vero omnia hujus libri contenta uno intuitu cognoscere possint lectores, indicem chronologicum adjecit, in quo secundum temporis ordinem omnia, in eo exposita, annotantur, numeris paginarum e regione semper appositis. Laudanda utique est Rev. Autoris hoc in Opere adhibita diligentia. Insignem illud utilitatem asseret iis, qui in cognoscenda Germanarum Ecclesiarum historia laborant, dummodo a narrationibus absconis, quæ non parce in libro alias præclaro occurrunt, discedas. Optandum etiam esset, ut majori cura opus fuisset impressum. Cum enim impressio cœpta fuerit ex apographo, Autore profus ignaro, innumerabiles fere in textum irrepererunt errores, qui sensum maximopere turbant; imo quamplurima, eaque notatu digna, omissa sunt, quæ Rev. Autor post primam descriptionem addiderat. Ex autographo quidem hæc ad calcem Operis emendata sunt, & addita; verum hac ratione nondum lectoribus satis prospectum est, Pag. 177. qui, quotiescunque dubii hærent, ad istos indices debent confugere, quæ res tædio non caret. Quodsi nova aliquando & curatior prodierit libri editio, commodior longe ejusdem usus, jucundior ejus evolutio, evadet.

**JOANNIS JACOBI SORBER, J. U. D. Commentatio de Comitibus veterum Germanorum antiquis, ex Historia, monumentis, Diplommatibus, & scriptoribus fide dignis, eruta, qua conventuum qualitas & forma tum ante Caroli M. ævum, tum sub illius & priorum successorum regimine, demonstratur.**

Jenæ, ex officina Ritteriana, 1745, 4.

Alph. 1 plag. 4.

**M**iscet utile dulci, qui antiquitates, nominatim patrias, prudenter & curiose scrutantur. Quid est tam jucundum, quam præcos majorum ritus, tot vel hodiernarum consuetudinum incunabula, penitus nosse? Et nonne plura

hinc in linguam, in jura, in mores, emolumenta redundant? Apti sunt potissimum ad illud ostendendum Jureconfulti accuratiores. Illorum itaque labor, argumentis antiquitatum impensus, prima statim fronte spem ostendit tanto majorem. Talem etiam, Conf. *Sorberi* Conmentationem lustraturi, concepimus, nec omnino falsam fuisse, Operis monstrabit conspectus. Habet Opus duas post Proœmium *Partes*, quarum prior de conventibus Germanorum ante *Carolum M.* agit; posterior statum comitiorum Teutonicorum sub imperio *Caroli M.*, & paulo post ipsius obitum, proponit. In Proœmio barbariæ maculam a majoribus nostris abstergere laborat pie satis & facunde, nescimus autem an ab omni suspicione *Logomachias* remote. *Partis prioris Caput primum* agit de modo comitia coercendi in campis, & sub dio, ante regimen *Caroli M.* Confirmatur idem formulis variis, exemplis, ac testimoniis. Ad postrema spectant eo pertinentes scriptores, *Aimoinus Lib. IV Cap. 74*, *Eckbartus in Comment. de rebus Francia Orientalis Tom. I Lib. 24 §. 26 pag. 548*, *Struvius in Corpore Juris publ. Imp. Rom. Germ. Cap. 23 §. 4 pag. 810*, *Frid. Brummerus de Scabinis Cap. 4 §. 3 seq.* *Heineccius in Elem. Juris Germ. Lib. I §. 108*, *Schottelius de Juribus singularibus Germ. Cap. 4 pag. 114*, *Gryphander de Weichbild. Saxon. Cap. 66 n. 2*, *Herm. Adolph. Meinders de Judiciis centenariis & centumviralibus veterum Germ. Cap. 4 §. 45*, & alii. Quæ sequuntur, tangunt conventus gentium Germanicarum in lucis ad arbores, lapides, montes, & fontes. Unde dictæ *Hagespracken* collocationes in lucis, quæ deinceps corrupte efferebantur *Hagelspracken*, docet *Jo. Georg. Keyserus in Antiquit. Septentrional. & Celt. Sect. I Cap. 4 §. 11*. Non autem videmus, quare tempora ante *Carolum M.* percensens Autor, nonnulla depromat exempla ætatis *Carolo* recentioris. Memorantur porro tempora, quibus conventus instituti, & quoties anno quoque Germani convenerint. Fiebat id potissimum noctu, cum nox diem ducere putaretur, quippe quam die priorem esse, majorum ex traditione acceperant; cujus rei causam ex rerum omnium fabricæ historia derivare nititur *Hugo Grotius de Veritate*

ritate

ritate religionis *Christi. Lib. I §. 16.* Bis autem potissimum  
 anno. Inde *Hincmarus Epist. XIV Cap. 24* ex *Adelbardi* li-  
 bello de ordine palatii: *Consuetudo autem tunc temporis talis*  
*erat, ut non sapius, sed bis in anno, placita duo tenerentur;*  
*unum, quando ordinabatur status totius regni ad anni vertentis*  
*spatium* (sc. mense Martio); *quod ordinatum nullus eventus re-*  
*rum nisi summa necessitas, quæ similiter toti regno incumberebat,*  
*mutabatur.* Conf. *Wildvogelii Dissert. de Statibus provinciali-*  
*bus §. 41.* *Bürchardus Gottb. Struvius in Corpore Juris publ. Cap.*  
*23 §. 2 seq. & du Fresne in Glossar. voc. Placitum.* Personæ, qui-  
 bus liberum fuit, populum convocare, postquam paulisper a  
 rigidiore libertatis studio recesserunt, fuere Reges, vel Comites,  
 potissimum. Signa, quæ locum congregationis demonstra-  
 runt, erant arbores, statux, cruces, &c. sub dio positæ, atque  
 notatæ. Ab ejusmodi signo *Mabl* nonnulli vocabulum *mal-*  
*lus* derivant, quod alii a *Mabl*, convivio, tunc potissi-  
 mum celebrari solito, deducunt; qua occasione in mentem  
 nobis venit, vocabulum Germanicum in sensu priore cum  
 Græco & Latino *μῆλος*, *malus*, cum arbores & peritice essent  
 signa, comparare, atque a priore posteriorem sensum dedu-  
 cere, dum ad illud signum, ut jusjurandum erecta manu a ju-  
 dicibus dicebatur, unde *Handmabl*, ita convivia, de quibus &  
*Tacitus* loquitur, habebantur. Forma dætarum erat paulo  
 confusior, dum nec accurate conveniebant, nec ordinem ob-  
 servabant in loquendo. Fuerunt quoque speciales illi vete-  
 rum Germanorum conventus, dum varias in civitates, nullo  
 communi vinculo nexas, Germania dividebatur. Frequentabant  
 ergo Concilia, ferebantque suffragia in majoribus universi,  
 neque mulieribus exclusis. His sanctum aliquid inesse arbi-  
 trati, multa illarum arbitrio commiserunt. Sic Celtæ & Galli,  
 quicquid erat contentionis atque intestinorum odiorum, per  
 fœminarum interventum composuerunt. Vid. *Jodocus Willicbius*  
*ad Tacitum P. I Cap. 16.* & *Plutarchus de virtutibus mulierum.*  
 Placita ipsa præcedere solebant superstitiones varix, unde &  
 sacerdotes intererant, summamque administrabant potestatem.

Adhuc

- Adhæc autem penes Principes etiam ante negotia traclabantur, ac penes ceteros in conviviis. Eligebantur etiam in ejusmodi comitiis, adhibitis singularibus solennitatibus, Reges, Duces, Comites, Principes, quorum dignitates tunc ne utique hæreditatis jure obtinebantur. Negotia, quorum ergo comitiis intererant, publica maxime fuerunt & gravissima. Accusationes pariter ibidem instituebantur, pænæque sumebantur. Antequam autem aliquis duceretur, explorationem præcedere oportebat accuratissimam, propriamque vulgo confessionem. In iisdem comitiis arma tradebantur juvenibus, atque leges ferebantur. Sed opus est, ut & *Partem posteriorem* vel obiter tangamus. Agitur hic initio de modo, placita, mallos, vel comitia, coercendi ætate *Caroli M.* & priorum in regno successorum; de translatione conciliorum e campis in curtes, vel domos, iis consecratas, aut villas publicas, aut palatia Regum; de terminis, quibus majores tunc temporis ad conventus confluerunt, & quoties conveniebant; quod bis, ter, quater, anno factum est; de iis, quibus populum convocare licebat, Comitibus scilicet atque aliis: Comitibus quippe singuli uni primum pago, post pluribus, tandem & civitatibus, jus dicebant; de notis, quarum ope locum consultationibus destinatum indicare consueverunt Teutones, arboribus præsertim & crucibus ligneis; de forma comitiorum, quæ antiquiorem imitabatur, præterquam quod ordo esset adstrictior. Porro demonstratur, comitia sub ævo *Carolino* pariter communia & generalia existisse. Hinc dicitur de personis, quibus concilia visitare licuit, nempe tam sacris, quam civilibus, in classes suas distributis. Examinantur, quæ conventus præcedere consueverunt: nempe deliberationes exactissimæ, quas inter non erant ultimæ sacri ordinis partes. Denique agitur de electionibus Regum, Principum, Comitum, aliorum, in comitiis facta, deque causis reliquis ejusmodi conventuum, magni non tunc solum in republica momenti, sed hodieque ponderis, dum jura non pauca, consuetudines non paucæ, inde derivantur.



# NOVA ACTA ERUDITORUM,

*publicata Lipsiæ*

*Calendis Martii Anno MDCCXLVII.*

*Pars II.*

CODICE DIPLOMATICO DEL SACRO MILITARE

Ordine Gerosolimitano, &c.

*hoc est,*

CODEX DIPLOMATICUS SACRI MILITARIS  
Ordinis Hierosolymitani, hodie Maltenfis, ex variis ejus  
documentis collectus, ad historiam illius Ordinis illu-  
strandam, cum serie chronologica magnorum Magistro-  
rum, qui ei præfuerunt; opera SEBASTIANI  
PAULI, Congregationis B. Virginis.

*Tom. II.*

Luccæ, apud Salvatorem & Joannem Dominicum Ma-  
rescandoli, 1733 & 1737, fol.

Tom. I Alph. 6 plag. 1, Tom. II Alph. 6 plag. 22.

**C**elebratissimus utique est Equitum Hospitalis S. Joannis  
in Hierusalem Ordo, qui & ob summam antiquita-  
tem, de qua jure suo gloriatur, & ob illustrissimos,  
qui nunquam non ei nomen dederunt, homines, & ob res in  
toga sagoque præclare gestas, singulos merito in sui admira-  
tionem convertit. Quamvis autem quamplurimi ex eruditis  
Ordinum militarium historiam conscripserint; neutiquam ta-  
men adhuc Ordinis Joannitici fata satis accurate esse exposita,  
Rev. hujus Operis Autor, qui, uti ex epistola nuncupatoris,

T

ad

ad magnam Ordinis Magistrum datam, intelligitur, in hocce sodalilitum receptus est, judicat. Illos etiam, qui de sacris expeditionibus egerunt, adeo parce, & quasi per transfennam, horum Equitum mentionem injicere, didicit, ut eorum facinora adhuc maximam partem oblivionum tenebris manserint sepulta. Defectum hunc ex documentis, quæ in scriniis horum Equitum reposita sunt, supplendum censuit. Nemini ante ipsum scriinia hæc illeuit excutere. Per Cyprum enim, Ptolemaidem, Rhodon, aliaque loca, ista chartæ cum Ordine ipso migrarunt, tandemque in Cancellaria Maltenfi sedem stabilem fixerunt, ubi cum omnibus scriptis, ad Ordinem pertinentibus, summa diligentia custoditæ, satis diu eruditibus incognitæ manserant, neque ullus eorum, qui historiam Ordinis concinnarunt, eas perquirere, & in rem suam convertere, potuit. Successu temporis series magnorum sodalitiû hujus Magistrorum, qui in Palæstina ei præfuerunt, ope horum documentorum, quorum nonnulla lucem adspexerant, cœpit constitui, cum antea valde confuse, & minus accurate, ea a scriptoribus exposita fuerit. Cum autem Rev. Autor in insula Malta degeret, plurimas, quas ibi reperit, hæc facientes chartas diligentissime descripsit, easque evulgare apud animum constituit. Communicavit hocce consilium cum Viro his in rebus versatissimo, *Fontanino*, qui, cum ea, quæ Rev. Autor jam ipse descripserat, legisset, & examinasset, consilium ipsi præbuit, ut reliqua etiam documenta a viris non ineruditis describi, atque cum prioribus junctim excudi, curaret. Perfecit igitur nunc illud opus, ad cujus editionem a tanti nominis viro excitatus est. Et, quamvis, nonnulla ex illis Diplomatis a se omiſſa esse, profiteatur, hoc tamen præstantiæ operis nihil omnino detrahit, cum ea partim res non adeo magni momenti contineant, adeoque notatu vix digna videantur, partim eorum contenta jam in aliis documentis eisdem pæne verbis deprehendantur. Insignem vero utilitatem præbet hæc ipsa Diplomatum antiquorum editio. Hinc enim dignoscuntur incrementa & opum acquisitio, quam Ordo *Joannicus* fecit. Nomina & sedes multorum

Præfulum,



Præsulum, eorumque continua, nec tempore belli sacri interrupta, series, ex eis intelligitur. Geographia, per hæc obscura & barbara secula, insignem accipit lucem. Stirpes atque res gestæ Regum & Principum Hierosolymitanorum, nec non leges & consuetudines Ordinis, familiæque eorum, qui hoc in sodalitium recepti sunt, his ex monumentis possunt indicari. Hinc recte judicavit, cum specimen hujus collectionis ipsi offerretur, Cel. *Muratorius*, eam & Italia, & Autori, & Ordini *Joannitico*, inprimisque Gallis, qui stirpes majorum suorum hic illustratas deprehensuri sint, insignem honorem allaturam esse. In duos autem Opus hocce *Tomos* abit. *Prior Tomus* completitur Diplomata, res Ordinis inde ab anno Christi 1083 usque ad annum 1290 spectantia. Ordine chronologico maximam partem eadem disposita sunt, utque eo facilius & celerius inveniri, & quid contineant, intelligi possit, indicem eorum Rev. Autor apposuit, qui & annum, quo confecta sunt, & libri, in quo exstant, paginam, ostendit. Seriem quoque chronologicam magnorum Ordinis Magistrorum constituit, atque recensuit, eamque a *Gerardo*, qui anno Christi 1099 huic muneri præfuisse dicitur, usque ad *Joannem de Villers*, qui A. 1289 eundem honoris gradum conscendit, perduxit. Regum etiam Hierosolymitanorum, & Principum Christianorum, qui tunc temporis in Syria imperitarunt, genealogiam & historiam operosissime exposuit & enarravit, atque tabulam geographicam, regni Hierosolymitani situm exhibentem, curavit confici. Observationes insuper geographicas, illustrandis hisce documentis & historiæ Ordinis egregie inserturas, addidit. Notis denique Diplomata hæc instruxit amplissimis, quæ ad Ordinis fata cognoscenda itidem haud parum conferunt. Appositi etiam sunt indices Legatorum Apostolicorum, Patriarcharum Hierosolymitanorum & Antiochenorum, nec non Archiepiscoporum Tyri, Cæsareæ, Nazarethi, Petræ, una cum insigni aliorum Præsulum, qui circa ea tempora per Syriam floruerunt, & quorum mentio in hisce Diplomatis injicitur, numero, paginis libri, in quibus de eis agitur, semper annotatis. Eadem ratione alii viri celebres,

Pag. 329.

346.

415 seq.

451 seq.

557.

qui belli sacri tempore vixerunt, & quorum hoc opus meminit, enarrantur. Et, ut nihil esset, quod lectores moraretur, vocabula etiam, nostris auribus paulo insolentiora, quæ tamen sæpius in hisce chartis occurrunt, excerpfit, atque separatim proposuit, Rev. Autor. *Alter* hujus Collectionis *Tomus*, *prioris* continuationem continens, quadriennio serius demum evulgatus est. Varia enim negotia a labore, quem exeperat, absolvendo Rev. Autorem retraxerant, insuperque, cum ab insula Malta esset remotior, aliquot sæpe menses præterlapsi sunt, priusquam ipsi de rebus scitu necessariis responsa darentur. Neque omnino ad umbilicum hocce Opus perducere potuisset, nisi quorundam illustrium virorum dexteritas ipsi aditum ad scriinia, hujus generis chartas continentia, munivisset. Laudat eo nomine Lib. Baronem *de Schade*, Ordinis *Joannici* ad Sedem Apostolicam Legatum, cujus intercessione apud summum Pontificem effectum esse proficitur, ut, quæ in Bibliotheca Vaticana ad rem suam pertinentia inveniret, ea describeret. Nec minus Comitissæ *Marcolini* liberalitas Rev. Autori, hanc Collectionem adornanti, profuit, cujus quippe autoritas effecit, ut ex Bibliotheca monasterii *S. Paterniani* insignis documentorum, ad hunc Ordinem spectantium, apparatus, ab Abbate *Cennio*, cum in insula Malta quondam moraretur, descriptus, cum Rev. Autore communicaretur. Ab alio insuper amico, equite *Luccensi*, varia non solum accepit ex libris jam evulgatis Diplomata, verum is etiam Operis hujus impressionem procuravit, cum Rev. Autor a loco, ubi imprimebatur, longius abesset. Varios scriptores, qui de rebus Ordinis disseruerunt, documenta quædam citasse & attulisse, quæ frustra hoc in Opere quisquam quæriverit, proficitur. Verum, istos homines sensum & contenta eorum minus accurate exposuisse, sequæ, quamvis nulli pepercerit diligentia, genuinum eorum textum ex insula Malta obtinere non potuisse, queritur. Quamobrem ea penitus omittere, quam lectoribus fucum facere, & historiam Ordinis obscurare, maluit. Documenta, obsidionem Rhodi illustrantia, admodum pauca allata

allata sunt. Cum enim illo tempore in tanta rerum per-  
turbatione res ab hisce Equitibus gestæ non in scripturam  
redactæ fuerint, verum, obtenta demum victoria, bellum il-  
lud a *Wilhelmo Cacursino*, qui Ordini ab actis erat, fuerit de-  
scriptum, nemo certe mirabitur, documenta illius temporis  
desiderari. Ceterum hic *alter Tomus* eodem ordine, quo  
*prior*, est dispositus, ut adeo, fusius de eo hic differere, nihil  
attineat: Statuta Ordinis, Seculo decimo sexto condita, non  
quidem addidit Rev. Autor, fortassis quoniam in aliis Colle-  
ctionibus, v. c. apud *Lunigium*, ea jam comparent; at Consti-  
tutionem *Sixti V*, qua eadem confirmantur, exhibuit. Gra-  
tulamur de hac Collectione omnibus, qui fata Ordinis *Joan-* Pag. 246.  
*nitici* penitus cognoscere desiderant. Nihil enim dubita-  
mus, varia istius historię capita ope horum documentorum  
constitui & emendari, multa etiam, nondum observata, egre-  
gie suppleri, posse.

Versuch einer Kirchen-Historie; sofern solche als eine Einlei-  
tung zur geistlichen Rechts-Gelahrheit kan angesehen  
werden, im drittem Jahrhundert, 1c.  
id' est,

**SECULUM TERTIUM HISTORIÆ ECCLESIA-  
sticæ, introductionem ad Jurisprudentiam ecclesiasticam  
complexæ; Autore JOANNE-GEORGIO PERT-  
SCHIO, JCro., Consiliaria aulica Regio Britannico,  
Assessore Judicii aulici Wolferbuttelenſis, Syndico pri-  
mo ac Directore Consistorii sacri Palæo-Hildenes-  
bemensium. Accedit in fine Index.**

Wolferbuttela, impensis Joannis Christophori Meißneri,

1738, 4.

Alph. 3 plag. 8.

**I**llustri ac Consultissimo Autori nullæ terrori, vel impedimen-  
to, sunt censuræ, quo minus stadium, quod iniit, intre-  
pidus decurrat. In Præfatione, sese omnem Novi Test. hi-

storiam ecclesiasticam 7, vel 8, consimilibus *Polymniibus* complexurum esse, liberaliter promittit. Seculum quartum & decimum sextum majori cura digeret, edetque copiosius elaboratum. Reliqua, vel obscuriora, vel notiora, penicillo miniori adumbrabit. Faxit modo Deus, ut vita ei ad colophonem destinationi addendam suppetat! Minatur eis responsionem, qui acerbis ipsum, ac inprimis Seculi primi historiam, salibus exceperunt. In hisce *Novis Eruditorum Actis* paucula non tam refellendi animo, quam ut ejus attentionem provocaremus, notavimus, quæ quidem non penitus improbat, admonitionibus tamen & stricturis dilacet nonnullis; quam ipsius ingenuam promissionem, sub initio Historiæ ecclesiasticæ Vet. Test. effectui dandam, tantum abest, ut molestæ feramus, ut, ab humanitate ejus non nisi eliminata & probe exculta profectura, speremus, id unum ægre ferentes, vocem *perperam* nobis iuvitis in recensionem nostram irreplisse. In posterum vero, ne diligentiam & institutum ejus mereamur, vix ultra recensionis legem in operibus ejus ad epitomen adstringendis progredi, fas esse existimamus. Atque, ut rem ipsam ordiamur, methodo eadem, qua antea, Autorem esse ulum, significamus. *Caput primum* de statu Christianæ religionis & ecclesiæ generatim exponit, qui inter varias adversariorum insultationes semper existit amplior ac diductior, incrementisque indies exsplenduit latioribus. Pacis studium, & religionis puræ progressus, Christianis erant remora ac insectatione externæ. Charismata, vitæ puritas, & religionis propagandæ ardor, latissime per Arabiam, Gallias, Armeniam, Helvetiam, Scythiam, Romanique imperii orbem, Christianis progressum suppeditabant. Adjuvabat amplificationem Christianæ doctrinæ constantia in perferendis calamitatibus ac martyriis truculentis, vita doctorum intaminata, eruditio, amor omnibus pateas, favor summatus. In numero librorum canonicorum referri tum, credit Noster, etiam *duos Esdræ libros, librum Judith, tres Maccabæorum libros, Clementis Epistolæ, constitutionesque Clementis*. Ignoscat Autor, si hæc nobis minus probantur. Nos enim hosce libros non videmus

Pag. 3.

6 seq.

in canonem sacrum relatos a *Mellstone*, Episcopo Sardenſi, apud *Eusebium Hiſt. Eccleſ. IV, 26*, ad *A. 171*, nec ab *Origene ad A. 230*, apud eundem *Eusebium Hiſt. Eccleſ. VI, 25*, & in *Pſ. I. Gerhardus van Maſtricht. Canonem S. Scripturæ ſecundum ſeriem ſeculorum Novi Teſt. collectam, notisque illuſtratum*, edidit, re-  
cuſum a *Theodoro Haſſeo Biblioth. Bremſ. Cl. VII Euse. I pag. 1 ſeq.* ac ab ipſo juvene doctiſſimo *Bavatico*, pauciſſimis ad-  
jectis, repetitum in *Conſpectu Canonis Scripturæ Sacre eccleſia-  
ſtici*. Contendi cum hiſ oportet ea; quæ *Humfredus Hoſius*,  
Profeſſor Oxoniſſis, A. 1707 defunctus, ad calcem egre-  
gii libri *de Bibliorum textibus originalibus* habet. Sed pro-  
cedimus in inſtituto. Traditiones Apoſtolicas fuiſſe Seculo  
HI laudatas, Autor oſtendit, ſed quæ a ſcriptis Apoſtolicis  
haud diſcreparint. *Cyprianus Epist. 74*, non traditioni, ſed  
ſacris literis, doctrinas rei Chriſtianæ eſſe ſuperſtruendas, mo-  
nuit curate. In ritibus eccleſiaſticis ſolebat ad regulam cat-  
holicam reſpici & provocari, id eſt, ad conſuetudinem in ec-  
cleſia propagatam. Conſuetudines ejusmodi appellatas fuiſſe  
*canones*, ac ex earum privatis collectionibus exſtitiſſe Canones  
Apoſtolicos, Conſtitutioneſque Apoſtolicas, Noſter oſtendit.  
*Sacramentum fidei* tunc idem erat ac Chriſtiana fides, *sacra-  
menta divina traditionis* notabant ſacras literas, *sacramenta  
celeftia* deſignabant veritates divinas. Ii, qui ſenſum ſacri  
Codiciſ abſcuditum exponerant, dicebantur *sacramenta occulta  
nudare*. Crux Chriſti vocabatur *sacramentum ſalutis*. Sa-  
cramentum vocabatur quodcunque ſanctum, inviolatum, pre-  
tioſum, & præſtantiſſimum. Via examiniſ patebat eiſ, qui  
norant ſcientiam ratiocinandi, doctrinaſque expendendi, auto-  
re *Origene*. Philoſophiæ vocem haud faſtidiebant Chriſtiani.  
*Cyprianus* in libro *de Lapſis* vitam Clericorum jam nota-  
vit & reprehendit: Nervos ipſos recenſet Autor. Unitatem  
eccleſiæ poſuit *Cyprianus* in conſenſu orthodoxo eccleſiæ ex-  
ternæ, ad quam ſalutem duntaxat pertinere exiſtimavit, &  
quæ dici cœpit *catholica*. *Cyprianus* eccleſiam externam con-  
federatam vocavit matrem, extra quam ſalus nulla ſiſ ſperan-  
da. Eccleſia, Romæ collecta, autoritate excellere cœpit.

Nihilò

Pag. 7.

8.

9.

10.

15.

17.

- Nihilo minus Christus a *Cypriano* vocatus fuit *petra*, & ipse non monarchiam ecclesiasticam, sed aristocratiam, Episcopis innixam, statuit. Symbola fidei, extrinsecus consignata, exstitisse tum ætatis, Noster inficiatur, & loca, id præferre visa, aliter exponit. Christiani credidere, doctrinam suam non novam religionem, sed repurgatam reformatamque Judaicam religionem, existere. *Capite secundo* disseruit Autor de doctoribus ac celeberrimis ecclesiæ Christianæ viris, de *Narcisso* & *Alexandro*, de *Minucio Felice*, quem causarum patronum fuisse existimat, de *Hippolyto*, quem pro Episcopo & Martyre, Cel. *Heumannum* haud securus, habet, de *Julio Africano*, de *Aristide*, ad quem *Julius Africanus* epistolam conscripsit, de *Cajo*, chiliasmī impugnatore, de *Ammonio Saccæ*, Philosopho Christiano, ad gentes fortassis regresso, sectæ *Platonica* junioris ac eclecticæ hyperaspista, de *Patrocio*, ac *Origene*, adamantinam diligentiam comprobante, de discipulis *Origenis*, de *Origenianis* scriptis, de ejus *Tetralis*, *Hexaplis*, & *Octaplis*, de erroribus, ei post excessum impactis, de judicio ejus non satis magno, de amore ejus in Philosophiam *Platoniam*, & mysticas sacri Codicis expositiones, de *Origenianis*, de *Demetrio*, de *Heracla*, *Plutarchi* fratre, de *Pionio*, Presbytero Smyrnenſi, de *Dionysio*, Alexandrino Episcopo, conjugii haud exſorte, & *Apocalypsin* *Joanni* denegante, de *Gregorio Thaumaturgo*, *Origenis* discipulo, quem *Gregorius Nyſſenus* descripsit, fabulisque nonnullis maculavit, de *Felice Nolanſi*, miraculis fortasse effidis celebri, de *Cypriano*, unitatis externæ & aristocratix promacho, quem fuisse ac copiose, nec immerito, Autor descripsit, de ejus sententia rebaptizandi baptizatos ab hæreticis ac imbecillitate, qua laboravit, dominatus episcopalis, de *Laurentio*, Romæ Diacono, cujus acta fabulis exornata, de *Ambrosio*, de *Alexandro* carbonario, de *Enſebio* & *Anatolio*, de *Dionysio* Parisino, de *Arnobio*, Africano Rhetore, de *Theona*, Episcopo Alexandrino, de *Pierio*, Presbytero ac Philosopho, atque *Achille*. Expſuit porro de *Methodio*, Episcopo, varie in *Origenem* animato, ac ſublimitatem dictionis affectante, qui, *Mariam* utero aperto peperisse, credidit,

credidit, ac millenarium Christi regnum suo assensu comprobavit. Progreditur deinde ad *Asterium Urbanum*, virum disertum, qui adversus Montanistas scripsit; ad *Cajum*, *Irenaei* discipulum, Athenis tandem Episcopum; ad *Arche-laum*, Carchæ in Mesopotamia Episcopum; ad *Tryphonem & Geminium*; ad *Hefychium*, Glossarii Græci autorem; ad *Theognostum* Alexandrinum, 7 Libris *Hypotyposes* complexum, e quibus Synodus Nicæna puriorem doctrinam fuit mutuata, licet *Photius* in eis deprehendere sibi visus fuerit formulas, Arianis ac Macedonianis faventes. Hinc feriem Romanorum Pontificum Seculi tertii percurrit, nominatim *Zephyrini*, *Calixti I*, *Urbani I*, *Pontiani*, *Anteri*, *Fabiani*, post cujus obitum cathedra aliquantisper vacavit, *Cornelii I*, *Lucii I*, *Stephani I*, sub quo de rebaptizandis eis, qui ab hæreticis fuerant baptizati, controversia in nervum erupit, & quem affectati in Episcopos reliquos principatus Noster insinuat, *Sixti II*, *Dionysii*, *Felici I*, *Eutychiani* Italica origine. Epistolæ decretales, quibus nomen eorum fuit præfixum, sunt supposititiæ. Decreta, quæ ipsi sanxisse traduntur, sunt efficta. Mortes eorum, martyrio plenæ, testimoniis veterum nequeunt probari. *Capite tertio* Auctor de statu hierarchiæ exposuit, ratus, Seculo III Episcopos Presbyteris antecelluisse & autoritate & potentia ac principatu. *Cyprianus*, ut ostenderet unitatem ecclesiæ, in sensus incurrentis, docuit, ecclesiam super *Petrum* esse fundatam, *Epist. 73*, singulis Episcopis eandem autoritatem largitus, licet Romano Pontifici principatum ordinis, non jurisdictionis, attribuire haud fuerit dedignatus. Ipse, unicum in ecclesia dari Episcopatum, docuit, qui in concordiam Episcoporum, eadem sentientium, resolvatur, siquidem unicus duntaxat sit grex Christi. Si argumenta expendis, quibus id *Cyprianus* sese confecturum credidit, ea destinationem fallere, scopoque excidere, haud difficulter animadvertas. Eadem ratione *Cyprianus* existimavit, unicum duntaxat dari ecclesiam adspectabilem, qua contineantur singuli externi conspicuique coetus sacri. Quæ de ecclesia Christi minus conspicua in

- Novi Testamenti tabulis leguntur, *Cyprianus* ad unitatem ecclesiæ externæ stabiliendam traxit. Quare *Origenes*, eadem sentiens, ac *Cyprianus* hierarchiæ ecclesiasticæ semina & fundamenta prima protulerunt, quibus Romana deinceps ecclesiæ complexum potestatis suæ superstruxit. Ecclesiæ adhuc notavit quidem *omnium Christianorum multitudinem*, sed *Cyprianus* addidit, eam Episcopo esse debere subiectam & ad-
138. rentem. Eum enim, qui Episcopo haud obsequebatur, ab ecclesiâ extorrem esse credebat. Unum Episcopum alteri esse obnoxium, vel ad rationem alii, ac Deo, reddendam obstrictum, *Cyprianus* negavit. Literas, quæ *Formata* dicebantur, Autor habet pro eis, quæ scriptura, literæ ductæ, genere papiri, inscriptionisque formula, potuerint distingui ab aliis cæteris, Deo sacratis. Literas *communicatorias*, *pacificas*, *pascuales*, quibus dies celebrandi Paschatis ab Episcopo Alexandrino proximis Episcopis & per hos aliis rursus denuntiabatur, *commendatorias*, *dimissorias*que, explanat idem.
147. Nec omittit significare, Seculo tertio viros, gregis divini doctores, dictos fuisse *Clerum*, *Clericos*que, schema Leviticum fuisse propugnatum, sacrificia proprie dicta Clericis fuisse attributa, *Laicos* vilipendio fuisse affectos, quippe inter quos
148. pœnæ loco illi in sacris consistere debuerint, qui ab hæreticis fuerant Episcopis ordinati. De Episcopis, Presbyteris, 150 seq. Diaconis, ac recens iuventis hominibus, Subdiacono, Lectore, Acolutho, Exorcista, & Ostiario, idem distincte commentatur, suspicatus, per *Clero proximos Cypriani* intelligenda esse *Seminaria theologia*. De prærogativis & autoritate 154 seq. Episcoporum copiosius pro ejus ætatis natura exponit Vir illustis. Ili enim clavem solventem & ligantem singulari & eminenti sensu, immo jus gladii spiritualis, id est, potestatem immorigeros sibi ex ecclesiâ ejiciendi, sibi attribuebant. *Cyprianus*, salutem hominum a valida Episcopi electione pendere, ac electionem illam pondus a vitæ ejus illibata puritate trahere, sibi persuaserat. Episcopis olim singulis singulas paruisse parochias, idem commemoravit, ratus, Episcopos non nisi Deo subesse. In pagis habitasse Episcopos, Noster collocat



collocat extra dubitationem. Presbyteri, absente Episcopo, ea obierunt ac perfecerunt omnia, quæ ipse solebat coram curare & agere, testibus *Firmiliano* apud *Cyprianum Epist. 75*, & Pag. 160. *Cypriano* ipso *Epist. 5, 6*. Præsentibus Episcopis, Presbyterorum erat, nutum episcopalem sequi. Presbyterorum alii docebant gregem sacrum, alii, ut singula ordine curarentur, providebant. Episcopi Presbyterorum suorum consilia sapius exquirebant in consessu, qui *presbyterium* appellabatur. Diaconi solebant vocari *Levites* ab eis, qui Episcopis ac Presbyteris nomen *sacerdotum* imponebant. Diaconi vicem lectorum sustinere, ac vinum consecratum præbuerunt bibendum, ex arbitrio Episcopi baptizarunt alios, ac, urgente necessitate telo, absente Presbytero, eis, qui in gradibus poenitentiae profecerant, graviterque ægrotabant, interventu impostæ manus aperiebant reddebantque reconciliationem & commercium cum ecclesia. Ipsi eleemosynaria dona distribuabant egenis, vinis & captivis suppeditabant adminicula, ab ecclesiis collecta, fidelibus varias doctrinas impertiebant, ac consilia subministrabant. Sacerdotium eis haud tribuitur, ad sacrificandum haud admissis. *Archidiaconis* Seculum tertium caruit. *Hypodiaconorum* contra frequens sit mentio. *Lectorum* primus meminit *Tertullianus*. *Catechetarum* peculiaris haud exstitit ordo, siquidem e Presbyteris, vel Diaconis, optimum quemque & aptissimum Episcopum infirmioribus instituendis destinavit. *Acoluthos* memorat *Cyprianus*, Græcis & posthæc diu incognitos. Ipsorum fuit, captivis Christianis ea, quibus viverent, alimenta perferre, ac literas ultro citroque portare. *Exorcismi* formulæ aberant a recens baptizatis. Exorcismum exercebant & Clerici & Laici, quotquot ea dote ac virtute divinam per gratiam erant instructi. Charismate sensim extincto, *Exorcistarum* peculiaris exstitit ordo, qui catechumenos elementis doctrinæ cœlestis imbuerunt, ac fortassis, ab eis, dum baptizati fuere, cacodæmonem profligatos sese, crediderunt. In literis *Cornelii*, quarum *Eusebius Hist. Eccles. VI, 43*, partem conservavit, sit de *Qstiairis* mentio. *Cyprianus* eos ignorat. Canones Apostolici *Cantores* memorant,

163.

164.

166.

169.

171.

- morant, quos tamen ubique fuisse rebus sacris obeundis adhibitos, probabile non est. *Notariorum*, qui & Exceptores, *Οὐρυγράφοι*, *Ταχυγράφοι*, dicti, non una videntur fuisse munia. *Cyprianus* aluit unum, *Ambrosius*que *Origeni* quendam adscivit. Literas ab una ad alteram ecclesiam tulerunt
173. Diaconi, Subdiaconi, Confessores, alii. *Diaconisse* erant senes, vel viduæ, vel cœlibes, a docendo exclusæ. Uxores
176. Episcoporum *Episcopisse*, Presbyterorum *Presbyterisse*, Diaconorum *Diaconisse*, dictæ. Viduæ senes, uno marito orbatae, certis muniis destinatae, audierunt *Presbytides*. Concilii Laodicensi Canone XI ipsæ memorantur. Virgines sanctæ cœlibesque elogiis ornatae. *Monasteria* earum nondum erant nota. Grex universus *eliebat* Episcopos, Presbyteros, Diaconos,
181. nisi extraordinarii quiddam incideret. *Paulus Thebaus* fuit anachoreta, sed minime filo ætatis nostræ. Virgines, quæ perpetuam voverant virginitatem, commercia aliorum hominum non abhorrebant. Vota illa poterant tolli & revocari.
180. Precibus ipsarum alii alique sese commendarunt. Electionem sequebatur ordinatio, quam Episcopus impositione manus ad modum Apostolorum perficiebat, quibus credidit sese
188. successisse. *Ordinatio*, ab orthodoxo Episcopo peracta, non debuit iterari, quo ipso via ad doctrinam de charactere sacerdotum indelebili fuit strata. Ambire & expetere munus ecclesiasticum haud licuit. Ambitus crimen fastidiri solitum.
191. *Translationes* personarum ecclesiasticarum ab una ecclesia ad alteram non nisi suadente necessitate permittebantur. Clerici haud dignoscebantur peculiari *vestitu*; nonnulli pallium philosophicum gestarunt.
193. *Baronius*, ab Autore secus statuens, merito refutatur. *Matrimonia Clericorum* satis erant frequentia, licet eorum cœlibatus prædicaretur. *Nuptiis secundis* qui sese addixerant, negotiorum ecclesiasticorum partem non poterant suscipere. Episcoporum autoritas cœpit splendore
200. urbis, cui ipsi præsidebant, æstimari. *Clerici Romæ* habebantur eximii ac singularis pretii. Episcopi tamen adhuc pro paribus reputati. Sacerdotibus cœpit *sacrificatio* proprii sensus adscribi. Censuræ & proscriptiones ecclesiasticæ creverunt
- 203.
- 213.

runt & numero & autoritate. De suspensione & depositione Clericorum quæ solide disseruit Ill. Autor, cum eis, quæ sequuntur, in compendium redigere, nobis non est integrum. Ex simbria exhibita de textu judicare licebit Lectori. *Capite quarto* exponitur de locis temporibusque sacris, *quinto* de cultu religionis externo, *sexto* de baptismo, *septimo* de Agapis, sacra cœna, & pœnitentia, *octavo* de excommunicatione & pœnitentia gravissima, *nono* de bonis ecclesiasticis, *decimo* de judiciis ecclesiasticis & Conciliis, *undecimo* de hæresibus, *duodecimo* de persecutionibus, *decimo tertio* de statu conjugali & domestico, *decimo quarto* de cura pro ægrotis & defunctis, *decimo quinto* de statu Judæorum & gentium. Sequuntur addenda, & Index, longe elaboratissimus, qui aliis exempli loco esse possit. Lubet ex capitibus, quæ summatim designavimus, ea, quæ nobis videntur quam maxime singularia, decerpere, ut aliorum vel suffragia tentemus, vel diligentiam acuamus, & ad argumenta nonnulla penitus perpendenda accendamus. Divisionem provinciarum politicam fuisse ansam, ut Episcopi urbium primariarum Episcopos urbium minorum Pag. 205 ad nutum suum ac arbitrium converterent, solide Autor seq. demonstrat. Huic certe sæculo natales illius episcopalis parochiarum determinationis debentur, licet *Orlændius* haud vereatur, eam ab ortu Christianæ doctrinæ derivare. An templa plane separata, morem hujus ætatis referentia, Christianis 229 seq. fuerint Seculo tertio, ipse copiose disquirat, ac ad quæstionem respondet negando, solide excussis *Ciampini* ac aliorum argumentis. Post *Decianam* persecutionem in domibus designatis certisque Episcoporum ac ditionum acti fuerunt conventus sacri. Domus hæ non erant diversæ ab aliis ædibus privatorum. Tempia publica, Romanis similia, deerant Christianis usque ad Seculi hujus limen & decursum ex-euntem. In cœmeteriis ipsi coire consueverant, id est, in 237. specubus & antris, in quibus defunctos suos terræ mandarant. Noctu & clanculum conveniebant, sacris operaturi, fervente insectationum æstu; auram tolerabiliorem nacti, halcyoniisque recreati, interdium coibant. *Conventiculorum* nomen honestum 239.

- hisce conventibus attributum. Diem dominicum, hebdomadam magnam, sabbatum paschæ instanti proximum, diem pasceves, vigiliis paschæ, festum paschale, pentecosten, Martyrum dies emortuales, solennius ipsi celebrarunt. De nativitatē Christi die res est in incerto. Jejunia, alias frequentiora, cessarunt diebus sabbati, solis, eisque, qui Pascha inter & Pentecosten intercedunt. Quadragesimale jejunium a 248. 40 horis potius, quam diebus, dictum. Libertas Christiana in jejunis observata. *Stationes* dicebantur, quando nonnulli die Mercurii & Veneris ad horam tertiam pomeridianam manebant impransī. Formulas precum determinatas jam tum in 252 seq. cultu publico præter orationem dominicam exstitisse, Autor insiciatur, ratus, Episcopos, Presbyteros, & Christianos, preces extemporales & ex animo expressas amasse. *Processiones* designabant precum observationes, procedendo recitatarum, 254. quibus sese exonerabant ii, qui stationibus erant perfundī. 256. Deum unum ac trinum nemo non coluit. Angelos, cœlitesque & sanctos, nemo invocavit, vel adoravit. Crux, admodum frequens signum, visa habere vires singulares, nempe in animo eorum & devotione, quibus ea uti placuit. Horæ statæ cultui publico nondum semper præstitutæ, nisi intra aedes privatæ religionis. Lectio Sacræ Scripturæ frequentata, cantilenæ *Davidicæ* decantatæ, *homilæ* & *allocutiones* ad 260. populum expromptæ a sedentibus. Episcopi laicis nonnumquam permittebant potestatem docendi cœtum publice congregatum. Dona, a cocuntibus pro arbitrio collata, cedebant inspectioni Episcoporum, eisque absentibus curæ Presbyterorum, ut inde agapæ & sacra cœna administrarentur, & egeni reficerentur. Nomina eorum, qui munera obtulerant gratuita vel suo, vel defunctorum, nomine, publice recitabantur. 265. Missæ Pontificiorum nondum audiat. Nomina defunctorum, qui in fide Christiana de vita decēsserunt, publice recitata ad diem, quo obierant, & quo alii nomina eorum obtulerant, id 266. est, nomine ipsorum munera ad mensam sacram adduxerant. Pro eorum salute oravit Deum nemo. Pro Martyribus eadem ratione oblatum, quos nemo non ad amplexus & gloriosam Christi

Christi in cœlis præsentiam accessisse affirmabat. De repetitione baptismi varæ sententiæ fuerunt agitæ, quæ penes Autorem copiose possunt legi. Chrisma baptismo adjectum pro necessaria accessione. Pædobaptismus ubique floruit, ac objectiones eorum, qui contra senserunt, infirmiores visæ. *Baptismus necessitatis* conferre licebat viris, foeminis haud æque. An baptizati simul nomina fuerint indepti, haud adeo certum. Ea, quæ ad conficiendas agapas & sacræ cœnæ epulas in mensam sacram offerebantur, dicta fuerunt *sacrificia* ratione laicorum potissime. Si singuli, qui sacra cœna utebantur, vocabantur *sacrificantes*. *Sacrificia dominica* vocabantur panis & vinum in usu sacræ eucharistiæ, quia hisce symbolis sumtis sacrificium passionis mortisque Christi repræsentetur ac repetatur. Mensæ sacræ vocabantur aræ & altaria, schemate Levitico, quod inprimis *Cyprianus* urgebat, ita exigente. De ritu *offerendi nomina* Ill. Auctor distincte solideque exponit. De tempore celebratæ eucharistiæ, de consecratione symbolorum, de usu orationis dominicæ, ac historia institutionis sacræ cœnæ, copiose disserit, demonstrans, ecclesiam tunc ignorasse dogma transsubstantiationis, ratam, panem & vinum precibus & gratiarum actione consecratum manere panem & vinum, quod comprobatur ex *Origene ad Matth. XV*, Autore apud *Cyprianum de Cana Domini*, ac *Cypriani Epistola 63*. Symbola eucharistica tunc adoravit nemo. Panis eucharisticus probabiliter fractus, & ita distributus fuit; vinum aqua temperatum. A jejunis æquo ac pransis sacra cœna adhibita, ab universis quidem sub specie utraque. Agrotis ac infantibus datus panis consecratus, vino imbutus. Laicis, urgente necessitatis momento, permixtum, sacram aliis administrare cœnam, foeminis haud æque, sed species utraque jam ab Episcopo, seu Presbytero, erat consecrata, quam domum secum ferre, ac ob instantia periculosa tempora asservare, solebant. Infantibus sacra cœna data, simul ac fuerant sacro fonte tincti, ut in communione sanctorum versarentur, hæredesque vitæ sempiternæ constituerentur. Utraque eis præbita species. Disciplina arcani in ritibus nonnullis

Pag. 270

seq.

272 seq.

281.

286.

288.

290.

293.

296 seq.

297.

299.

302.

305.

- nullis viguit, verum doctrinæ ipsæ neminem celatæ, licet ca-  
 techumenis haud initio proponerentur, vel instillarentur, my-  
 steria, sed cibi facilioris alimenta. Qui secus statuunt, elu-  
 sum eunt argumenta, quibus ipsorum religio arguitur con-  
 vinciturque immutationis ac novitatis. Confessio auricularis,  
 & absolutio a peccatis, quam minister ecclesiæ vice Dei im-  
 pertit confessis pœnitentibusque, Seculo tertio nondum au-  
 dita, quo existimabatur solus Deus male actorum facere gra-  
 tiam, ac Episcopus, vel Presbyter, nomine ecclesiæ impertiit eis  
 remissionem peccatorum, qui ecclesiæ pravis exemplis fue-  
 rant offendiculo, & ad frugem redierant bonam. Presbyter  
 pœnitentiarum Constantinopolitanus non ad stantes, sed ad  
 lapsos, ac pœnitentiam male actorum præ se ferentes, perti-  
 nuit. Eum fuisse sublatum, imperante *Theodosio I*, satis con-  
 stat. Ante sacræ cœnæ usum quotidianum confessionem pec-  
 catorum a stantibus haud editam, Noster it demonstratum.  
 Absolvi credebantur homines a peccato per baptismum, per  
 martyrium, veluti baptismum sanguineum, per eleemosynas,  
 per condonationem peccati inter fratres mutuam, per emen-  
 dationem vitæ, per exercitia operum bonorum, per pœni-  
 tentiam severam, autore Deo. Qui in disciplinam ecclesia-  
 sticam, qua actiones externæ dirigi solitæ, peccaverat, a ju-  
 ribus octus sacri remotus, & a communione exclusus fuit, nec  
 receptus, donec ecclesiæ suam testatus fuisset ac approbasset  
 pœnitentiam, seu satisfactionem, cujus interventu merebatur,  
 id est, consequeretur remissionem peccatorum ab ecclesia, ac  
 in communionis usum recipiebatur. In ejectione & segrega-  
 tione hac Episcopi suum *jus gladii* positum esse credide-  
 runt, sæpius eo abusi. *Philippum* Cæsarem Christiano cœtui  
 sese aggregasse, ac excommunicationis sententiâ pertulisse,  
 Autor merito inficiatur. Reliqua legantur apud Autorem, qui  
 veteres recusat ad modulos nostræ ætatis interpretari, sed Hi-  
 stori mensuram fidemque, licet haud queat usquequaque  
 sectatoribus certorum rituum probari, implere studet. De con-  
 fessione peccatorum denuo commentatur pag. 341 seq. Bona ec-  
 clesiæ constiterunt tum ex oblatis, primitiis præcipue, decimis,  
 aliisque

aliisque libere donatis, quæ asservabat Episcopus, ut inde Clerici stipendia obtinerent laborisque mercedem, egeni solatia, captivi alimenta. Eleemosynis expiari peccata, crediderunt plerique, quod omnino de pœnis temporalibus valet. *Paulus Samosatensis*, primus iudicium & tribunal sibi vindicare ausus in modum magistratus civilis, eam ob causam munere suo fuit exutus. Episcopi ex compromisso primum lites dirimere solebant, exeunte seculo, tribünalia & iudicia sibi tribuenda, arbitrati. Synodorum recensionem hisce subjunxit *Autor*. Qui Episcopo & Presbyterio minus gerere morem visus, facillime Schismatici, vel Hæretici, notam incurrit. Schismaticis nomen *fratris* datum, eisque *Novatus* & *Novatianus* adscribendi, quos Noster ex hæreticorum albo expunxit. *Cyprianus* opinionem de rebaptizandis eis, qui ab hæreticis fuere baptizati, refellere non possunt ii, qui, nullam dari remissionis peccatorum gratiam, existimant, extra ecclesiæ suæ externæ sepem, & eam ob rationem *Augustinus* nesciit, quomodo *Cyprianum* refelleret solide. Quæ enim assert aduersus fidem Epistolarum *Cypriani*, ea sua ruunt infirmitate. *Firmiliani* epistolam, *Joannes Clericus*, a *Cypriano* fuisse ad arbitrium suum elicitam, sibi persuasit, quem Noster affectatur. Quam vellemus, ipse vidisset ac refellisset scriptorem nuperum, qui *Firmiliani* literas pro supposititiis nobis venditare, remis velisque allaboravit. Gnosticos Philosophis sectæ cujusdam *Platonica* Noster adjungit, qui ad dogmata sua illustranda sacras subinde literas adhibuerint. *Noëti* sententias erroneas non satis innotuisse, tradit. De *Artemone* omnia fere ignorari, demonstrat. *Valesiani* ab *Epiphano* memorantur, quos ortos esse in *Dacatha*, vico Arabiæ juxta Philadelphiam, ille memoriæ prodidit. Hosce *Autor* credit nusquam existisse. Animadvertimus obiter, legendum esse apud *Epiphanium* *Bacatha*, non *Dacatha*. Vid. *Hadriani Relandi Palestina Lib. III pag. 612*. *Sabellium*, *Autor* suspicatur, noluisse tres in una Dei essentia admittere *hypostases*, ne in polytheismum prolaberetur, & inde existisse dirissimam logomachiam.

- Fig. 412. *Paulus Samosatenus* ei videtur docuisse, Christum esse nudum hominem, viribus divinis instructum, de reliquo arrogantiam & fastum amasse. Chiliasmum Seculo tertio plurimi doctores impune docuerunt. De *Mane* & Manichæismo, *Beausobrium* secutus, fuso disputat, ejusque doctrinam genuinam plane exequitur. Ubi de hæreticis certa nos literarum monumenta destituunt, ipse pronuntiat in gratiam reorum. Si qui paucula suffragiis suis indigna censuerint, eis tamen pleraque non possunt non esse ad palatum. Universa tractatio exquisitam spirat diligentiam, lucernamque olet, Criticum demonstrat, ingenio sectario minus respondet, at Historicum præfert, qui in hac parte homines de ecclesia verbis infactum temperatis ita delineat, ut ordinem ecclesiasticum dimittat intactum, nævos & vitia temporis nonnullorumque hominum labeculas candide, licet modeste, notet & describat. Nostrum est, adjicere illud unicum: *Plaudite*.

OPERIS DE FLUXIONIBUS, A CEL. MAC-  
LAURINO editi, Recensio continuata.

Substituimus nuper in fine *primi Volusinis*. Alterum hujus egregii Operis *Volumen* incipit a *Capite XII*, cujus triplex est argumentum. Scilicet primo ostendit doctissimus Autor harmoniam methodi infinitesimalium & methodi fluxionum, cujus certitudinem, per singulas ejus partes eundo, evidentissimis demonstrationibus hætenus evicit. Consistit autem illa harmonia in hoc, quod quantitatuum variabilium differentialia, seu elementa infinite parva, sint præcise in eadem ratione, in qua sunt earundem fluxiones. Nam, si magnitudo variabilis uniformiter fluit, fluxio ejus exponitur & mensuratur incremento, vel decremento, quod dato tempore gignitur; & si magnitudo motu variato fluit, incrementum ejus, dato tempore genitum, in duas partes, uti ex superioribus constat, distinguendum est, quarum altera fuisset genita, si per datum tempus motus generans uniformis fuisset, altera autem accelerationi, vel retardationi, motus debeatur, &

hac



hac parte rejecta, illa sola exponit fluxionem magnitudinis variabilis. Jam in hypothesi incrementorum infinite parvorum accidit, quod hic ab Autore generatim ostenditur, ut ea pars incrementi, quæ secundum methodum fluxionum rejicienda est, altera parte infinites minor sit. Hinc vera elucet ratio, cur in expressione elementi is terminus, qui in relatione ad reliquum fit infinite parvus, omnino rejiciendus sit, ut differentiale primi ordinis habeamus; & simul apparet, methodo infinitesimalium ad conclusiones non prope veras, ut quibusdam visum est, sed exacte veras, perveniri. Hisce præmissis, doctissimus Autor ad aliquas objectiones contra methodum infinite parvorum respondet. *Secundo* harmoniam inter methodum fluxionum, & methodum rationum primarum, vel ultimarum, incrementorum nascentium, vel evanescentium, quæ *Isaacus Newtonus* frequenter usus est, demonstrat; & usum hujus methodi insignem ad quantitatem fluxionum brevi & expedita via definiendam pluribus exemplis propositionum, quæ in superioribus per longiores demonstrationes evictæ fuerant, ostendit. *Tertium* hujus Capituli argumentum solutionibus aliquot Problematum mechanicorum absolvitur. His quædam de motu centri gravitatis theoremata, tanquam fundamenta, substernit, scilicet, in systemate corporum summam motuum in data directione æqualem esse corporis, quod summæ illorum corporum æquale, & velocitate communis centri gravitatis præditum sit, motui ad eandem directionem reducto; & commune centrum gravitatis duorum pluriumve corporum ab actionibus eorundem in se mutuo, exclusis omnibus externis actionibus, non mutare statum suum motus, vel quietis; item, summam motuum, juxta eandem directionem æstimatorum, non mutari solis actionibus corporum in se mutuo. Ex his principiis deducit notas leges communicationis motus inter duo corpora, directe sibi mutuo illisa, tam elastica, quam elasticitate destituta; & *Hugenii* Theorema de celeritate ultimi plurium corporum continue proportionalium, quam a primo, mediantibus reliquis, accipit. Monet autem *Cel. Maclaurinus*, eam velocitatem, etiam si eo

major sit, quo plura corpora in continua proportionē inter primum & ultimum interponantur, nunquam tamen fieri posse infinitam, sed ultimo habere ad velocitatem primi corporis rationem subduplicatam primi corporis ad ultimum. Eadem illa principia, eaque sola, adhibet ad determinandum generaliter plurium corporum, in aliquo plano datis celeritatibus & directionibus incedentium, quorum unum in reliqua omnia juxta horum directiones simul impingit, motus post collisionem; cujus paulo difficilioris Problematis casus quosdam speciales jam olim excellentissimus Geometra, *Jo. Bernoullius*, in eleganti Dissertatione *sur le Mouvement*, sed ope Theorematis de conservatione vis vivæ, solutos dedit. Autor vero, postquam illud Problema alia solverat methodo, ostendit demum, in hujus quoque Problematis conditionibus obtinere conservationem virium vivarum, seu æqualitatem summæ productorum ex massis & quadratis celeritatum tam ante, quam post, collisionem; sic enim potius, e Cel. Autoris mente, loquendum esset, quippe qui, ut jam ex aliis ejus scriptis inter Geometras constat, *Leibnitiana* virium vivarum mensuræ minime est addictus, & in hoc ipso hujus Operis *Capite* aliquas hujus mensuræ reprehensiones passim attulit. Postea considerat motus corporum, a corpore incurrente simul percussorum, sed juxta directiones, in quibus progredi per obstacula externa ipsis non licet; & in hoc quoque casu, si corpora sint perfecte elastica, summam productorum ex quadratis celeritatum & massis ante & post conflictum eandem esse demonstrat, licet summa motuum, ad eandem directionem reductorum, hoc in casu non conservetur. Nihilo tamen secius quam maxime alienus est ab eorum sententia, qui conservationem summæ istorum productorum ante & post conflictum pro lege motus universali habent. Negat, hanc legem universalem esse, propterea quod ea tantum de corporibus perfecte elasticis valeat; & monet, plurimorum Problematum, quæ ope hujus principii soluta fuerunt, dari posse solutiones alias generales & directas, principiis evidentibus innis, si primo corporum non elasticorum motus determinentur, & inde definiatur,

tur, quid in hypothesi velocitatum relativarum, ante & post collisionem æqualium, vel datam rationem ad se invicem habentium, obtineat. Pergit ad determinandos motus corporum gravium, quæ, dum descendunt, in se mutuo vel immediate, vel mediantibus vestibus, agunt; & in singulis casibus, qui sub hoc Problemate continentur, demonstrat hanc legem servari, ut summa productorum ex singulis massis & earum, quas respectively sic acquirunt, celeritatum quadratis æquetur aut summæ productorum ex singulis massis & quadratis respectivarum celeritatum, quas descensu libero verticali per easdem altitudines acquirere potuissent, si omnia corpora descendant; aut, si quædam adscendant, differentię inter summam productorum ex massis descendentibus multiplicatis per quadrata celeritatum, descensui libero per easdem altitudines respondentium, & summam massarum adscendentium multiplicatarum per quadrata respectivarum celeritatum altitudinibus, per quas adscendunt, in libero descensu debitarum. Ex his facile deducit legem *Hugenianam* de conservatione vis adscendentis, quod scilicet, si plura corpora celeritatibus, quas ex gravitate & mutuis in se invicem actionibus acquisiverunt, iterum adscendant, soluto eorum systemate, per eandem altitudinem adscendere queat commune gravitatis centrum, per quam antea descenderit. Sed, etsi his posterioribus legibus omnis generis corpora tenentur, tamen, eas pro universilibus habendas esse, quæ nonnullorum Autorum sententia fuisse videtur, negat Cel. *Maclaurinus*. Supponunt enim illæ leges, mutuas corporum actiones cum ipso descensu ex gravitate initium capere; hinc, si grave unum jam per quoddam spatium lapsus est ante, quam in reliqua corpora agere incipit, seu generatim, si motus corpori alteri ab altero subito communicatur, & relativæ eorum velocitates in suis respectively directionibus post illam actionem statim minores fiunt, quam ante actionem fuerant, tunc neque summa productorum ex massis & quadratis celeritatum, neque altitudo, ad quam centrum gravitatis commune eorum corporum solutorum adscendere potest, tanta erit, quanta per illas leges esse debebat:

id quod per exempla facilia & obvia hic declaratur & confirmatur. Hæc autem omnia ab Autore eo potissimum sine prolata sunt, ut appareret, nullam in mechanicis doctrinam aliqujus momenti obnoxiam esse incertitudini, in quam æstimatione virium vivarum per lites, quæ ob illam huc usque inter Mathematicos fuerunt, adducta esse videtur; & sic redargueretur ea quoque criminatio, quam nonnulli ex hoc capite in Mathematicos conjecerunt. Pergit Cel. Autor ad tradendam theoriâ de centro oscillationis, quam, methodo *Hugenii* utens, breviter proponit. Sequitur theoria de motu aquæ ex vase cylindricâ, imo cujuslibet, figuræ, per foramen in fundo effluentis; quod difficilissimum argumentum satis copiose duplici modo pertractat, primo adhibens cataraclum *Newtonianum*, (quo ipso totam *Newtoni* methodum in *Princip. Phil. Nat. Lib. II Pr. XXXVI* præclare illustrat,) deinde in auxilium vocans principium de conservatione virium vivarum, & methodum Cel. *Danielis Bernoullii* in *Comment. Petropol. Tom. II* imitatus, qui, ex Autoris sententia, primus recte docuit modum, quo motus aquæ, ex aliquo vase effluentis, acceleratur. Hac theoria absoluta, quasdam generales observationes in argumenta *Capitis X & XI* suppeditat: primo aliquot propositiones *Capitis X* brevius per methodum limitum rationum demonstrans, & his nonnulla theoremata de angulo contactus & curvatura in lineis curvis adjiciens; posthæc nonnullas generales, & sibi mutuo valde affines, proprietates trajectoriarum, curvæ celerrimi descensus, catenariæ, & curvæ, quam mobile breviori tempore, quam aliam isoperimetricam & inter eadem extrema contentam, describere potest, exponens. Sed, ut de variorum horum argumentorum tractatione plura dicamus, non permittit recensendi brevitatis; transiamus potius ad sequens *Caput*, in quo multa se nobis offerunt notatu dignissima. In hoc enim *XIII Capite* celebratissima inter Mathematicos Problemata novis, iisque elegantissimis, methodis soluta videmus. Celeberrima sunt Problemata de curvis, quæ maximum minimumve producant, quibus sub initium hujus Seculi principes Geometrarum magno animi ardore operam dediderunt;

derant; & constat, illos ita instruxisse plerorumque hujus generis Problematum analyses, ut ad differentialia secundi tertii ordinis ipsis deveniendum esset, elemento curvæ in duas, vel tres, partes infinite parvas resolutio. Hoc autem in loco *Cel. Maclaurinus* ejusmodi methodos exhibet, quæ in fluxionibus primi ordinis subsistere permittunt, & una synthetice solutionum demonstrationes facile suppeditant. Ordo, quem in hisce Problematibus tractandis tenet, hic fere est. Principio methode directâ tradit analysin Problematis de linea brachystochrona, primo posita gravitate uniformi, & in directionibus parallelis agente, secundo in hypothesi gravitatis, ad daturum centrum tendentis. Utriusque casus solutiones synthetice demonstrationibus confirmat. Porro solvit Problema de linea brachystochrona datæ longitudinis, in quacunque gravitatis hypothesi inveniendâ. Posthæc omnia isoperimetrica Problemata ad duo generalia revocat, quorum primum est: Inter omnes curvas, æquales perimetros habentes, & per data duo puncta transeuntes, invenire eam, quæ producat maximam minimamve aream, si super ejusdem curvæ abscissis erigantur ordinatæ, quæ sint quibusvis functionibus ordinatarum curvæ quasitæ æquales; secundum: Inter omnes curvas ejusdem longitudinis, & data duo puncta pro terminis habentes, eam invenire, quæ producat curvam maximæ minimæve areæ, posito, quod ordinatæ hujus curvæ exprimant functiones arcuum curvæ quasitæ. Utriusque horum duorum Problematum analyses seorsim tradit, non nisi primi ordinis fluxionibus utens; solutionem prioris Problematis synthetice demonstrat, denique idem Problema, magis universaliter conceptum, solvit eadem methode, & similem dat Problematis de solido minimæ resistentiæ analysin. Dignitas rei exigere videtur, ut earum methodorum, quæ a se invicem parum discrepant, specimen quoddam Lectoribus nostris exhibeamus. Quem in finem hic transcribemus analysin secundi Problematis isoperimetrici generalis. Præmittitur lemma: Datis puncto *A*, rectaque *AG* positione, rectis autem *AE*, *b* & *u* magnitudine, ducatur in *AG* perpendicularis *EK*; & si tangens anguli *AEK* fuerit

TAB. II  
Fig. 1.

fuerit ad sinum totum, sicut  $u$  ad  $b$ , erit  $EK \times b + AK \times u$  maximum. Quod lemma sic demonstratur. Centro  $A$  intervallo  $AE$  descriptus sit circulus, rectam  $AG$  secans in  $G$ . Erigatur  $Gg$  perpendicularis in  $AG$ , sic, ut  $Gg$ ,  $KE$ , sint ad diversas partes rectæ  $AG$ . Ponatur  $Gg:AG = u:b$ , & jungatur  $Ag$ , quæ ergo data erit positione. Huic  $Ag$  producta  $EK$  occurrat in  $O$ . Et, cum sit  $KO:AK = gG:GA$ , erit  $AK \times u = KO \times b$ , ideoque  $EK \times b + AK \times u = EO \times b$ , quod rectangulum sit maximum, ubi  $EO$  est maxima. Tunc autem maxima est  $EO$ , cum tangens circulum  $ET$  parallela est rectæ  $Ag$ , seu cum angulus  $EAg$  rectus est. Ergo, si fuerit  $AK$  tangens anguli  $AEK$  ad sinum totum  $EK$ , ut  $u$  ad  $b$ , erit  $AK \times u + EK \times b$  maximum. Similiter apparet, datis magnitudine rectis  $Ee$  &  $v$ , & ducta  $ek$  perpendiculari ad  $AG$ , fore  $ek \times b + AK \times u + Kk \times v$  maximum, ubi tangens anguli  $AEK$  ad sinum totum fuerit, uti  $u$  ad  $b$ , & simul tangens anguli  $Eek$  ad sinum totum, uti  $v$  ad  $b$ . Nam in hoc casu  $AK \times u + EK \times b$  maximum est; &, ducta  $Em$  ad  $AG$  parallela,  $Em \times u + em \times b$  etiam est maximum. Hinc universaliter, si rectæ quotcunque  $AE$ ,  $Ee$ ,  $ef$ ,  $fD$ , magnitudinis data, ita juxta se disponantur, ut, ductis in datam positione rectam  $AG$  perpendicularis  $EK$ ,  $ek$ ,  $fl$ ,  $DL$ , & in his sumtis partibus  $Ku$ ,  $kv$ ,  $lx$ ,  $Lz$  datis totidem rectis æqualibus, sint tangentes angulorum  $AEK$ ,  $Eek$ ,  $efl$ ,  $fDL$ , respective æquales rectis  $Ku$ ,  $kv$ ,  $lx$ ,  $Lz$ , posito sinu toto  $= b$ : completis parallelogrammis  $AruK$ ,  $Ksvk$ ,  $kixt$ ,  $ILzy$ , erit summa rectanguli  $LD \times b$ , & areæ  $AruvtxyzL$  major, quam in alio quovis situ rectarum  $AE$ ,  $Ee$ ,  $ef$ ,  $fD$ . Sint nunc

TAB. II  
Fig. 2.  $AEDL$  &  $ABMIL$  duæ figuræ curvilinæ, ad communem axem  $AL$  constitutæ, & sint  $PE$ ,  $PM$ , duæ ordinatæ in directum positæ, quarum hæc  $PM$  sit data functio arcus  $AE$ , sitque ubique in curva  $AED$  anguli  $AEP$  tangens ad sinum totum  $= PM:b$ . Fac,  $Aed$  aliam esse lineam æqualem ipsi  $AED$ , & arcum  $Ae = AE$ , & ducta ubique recta  $epm$  ad  $DL$  parallela, quæ  $AL$  secet in  $p$ , fiat semper  $pm = PM$ , ex quo generetur area  $ABmil$ : ergo, per modo ostensa, erit  $DL \times b + ABMIL$

+  $ABMIL$  semper major, quam  $dl \times b + ABmil$ . Quare, si sit  $dl = DL$ , erit area  $ABMIL$  major, quam  $ABmil$ . Et coincidentibus  $d$  &  $D$ ,  $il$  &  $IL$ , sumtaque  $AH$  datæ magnitudinis in  $AB$ , & ducta  $Hq$   $QG$  parallela ad  $AL$ : area  $HBMIG$ , genita per ordinatam  $QM$ , major erit, vel minor, quam area  $HbmIG$ , genita per ordinatam  $qm$ , prout  $HG$  &  $AL$  vel ad eandem, vel ad diversas, partes curvæ  $MNI$  fuerint positæ. Ergo, cum sit  $QM = PM + AH$ , apparet, lineæ  $AED$ , quæ inter omnes isoperimetricas, per  $A$  &  $D$  transeuntes, det maximam minimamve aream  $HBMIG$ , cujus ordinatæ  $QM$  determinatis functionibus arcuum  $AE$  æquales ponuntur, hanc esse proprietatem, ut tangens anguli  $AEP$  ad sinum totum, seu fluxio abscissæ ad fluxionem ordinatæ, sit in ratione summæ, vel differentiæ ordinatæ  $QM$ , & constantis  $AH$ , ad constantem  $b$ . Initio *Capitis XIV*, quod *Libri primi* ultimum est, Autor, illustris *Hospitalii* vestigia legens, bene multas, & ad ea, quæ sequuntur, demonstranda utiles, proprietates ellipsis breviter demonstrat, hancce curvam tanquam sectionem cylindri considerans. Deinde aliquot Theoremata de sectionibus conicis, nominatim de earum per data quinque puncta descriptione, compendiosa methodo ostendit, quæ in hoc consistit, ut illa prius de circulo evincantur, & postea ad sectiones conicas transferantur, spectatas tanquam circuli projectiones in planum oblique positum per radios, e dato puncto divergentes. Reliqua hujus *Capitis* argumenta omnia tendunt ad accuratius determinandum quædam confectaria theoriæ gravitatis *Newtonianæ*, de figuris puta planetarum, & de fluxu refluxuque maris. Et primo quidem Autor doctissimus brevem, sed idoneam, tradit theoriæ gravitationis versus sphaeras & corpora sphaeroidea, in hac hypothesis, quod particule eorum solis ipsarummet mutuis attractionibus afficiantur, & vires attractrices sint in duplicata inversa ratione distantiarum; ex qua theoria definit & directionem & magnitudinem vis, qua particula in superficie sphaeroidis posita attrahitur. Quibus præmissis, ponit, in omnes sphaeroidis fluidi particulas agere novas vires, in directionibus,

aut perpendicularibus axi vel plano æquatoris, aut partim parallelis axi, partim in eundem normalibus, viresque singulas variare in ratione distantiarum ab axe, vel æquatore, cui perpendiculares sunt: & demonstrat 1) vim, ex attractione sphæroidis & extremis istis viribus compositam, semper agere in directione superficiei sphæroidis normali, 2) singulas columnas fluidas se mutuo sustinere in centro sphæroidis, 3) unamquamque sphæroidis particulam quaquaversus æqualiter urgeri. Ex quibus consequitur, si particule sphæroidis fluidi uniformiter densi se mutuo attrahant viribus, quadratis distantiarum reciproce proportionalibus, & eadem particulæ aliis præterea viribus afficiantur, quæ aut directiones habeant vel axi, vel æquatori, perpendiculares, & in ratione distantiarum ab axe, vel ab æquatore, varient, aut saltem resolvi possint in ejusmodi vires; sit autem vis totalis in polo ad vim totalem in peripheria æquatoris, ut diameter æquatoris ad axem; fluidum fore in æquilibrio ubique, & superficies similes ac concentricas extremæ superficiei fore horizontales in qualibet profunditate, & vires, quæ æquales particulas in illis superficieribus versus sphæroides trahunt, exponi rectis in illas superficies normalibus, & ad planum æquatoris, vel ad axem, terminatis. Ante, quam hoc theorema ad specialia applicet, determinat gravitatem in polo sphæroidis, & ostendit, ejus mensuram requirere quadraturam hyperbolæ, si sphæroides sit oblongum, circuli vero, si sit latum. Ex hac gravitate eleganter deducit gravitatem in circumferentia æquatoris, in cujuslibet paralleli peripheria, in plano æquatoris producto, & in axe producto, per formulas tam simplices, ut nullis novis quadraturis, vel computis, opus sit. His peractis, demonstrat fundamenta diversarum methodorum determinandi rationem axis ad diametrum æquatoris in planeta uniformis densitatis & figuræ sphæroidis, sed a sphærica haud multum discrepantis. Si notæ essent gravitas versus planetam in æquatore  $D$ , & vis centrifuga ibidem  $V$ , dictis semidiametro æquatoris  $= b$ , & rectangulo sub summa & differentia semidiametri & semiaxis  $= cc$ , determinari posset quam proxime  
ratio



ratio inter illam diametrum & axem per hanc analogiam  $cc : bb = 5 V : 2 D + \frac{1}{2} V$ . Sed absque observationibus, sub æquatore institutis, eadem ratio definiri etiam poterit, primo mensurando gradum meridiani in aliqua latitudine, & longitudinem penduli, quod ibidem dato tempore datum numerum oscillationum absolvit. Nam ex magnitudine gradus dimensu innotescit vis centrifuga  $v$  in æquatore sphaeræ, in cujus circulo maximo gradus æqualis esset gradui dimenso, & quæ eodem tempore, quo planeta ille, circa axem volveretur; & longitudo penduli manifestat gravitatem  $g$ , quacum corpus in illa latitudine versus planetam descendit. Dicto nunc sinu latitudinis  $s$ , erit quam proxime  $cc : bb = 5 v : 2g + 5 ssv - \frac{2}{3}v$ . Secundo potest etiam hæc ratio  $cc$  ad  $bb$  erui, comparando gravitatem satellitis, in plano æquatoris moti, ad vim centrifugam in peripheria æquatoris planetæ. Etenim, si  $m$  sit exponens rationis, quam habet distantia satellitis a centro planetæ ad semidiametrum æquatoris,  $n$  vero sit ad unitatem in ratione composita ex triplicata ipsius  $m$  ad 1, & ex duplicata temporis revolutionis planetæ circa proprium axem ad tempus periodicum satellitis; erit  $cc : bb = 1 : \frac{2}{3} n - \frac{3}{10 m m}$  +  $\frac{2}{14}$  proxime. Si secundum hæc duas methodos exquiratur ratio diametri telluris ad axem, adhibendo dimensiones graduum meridiani terrestres, a *Picarto* in Gallia, & a *Cel. Maupertuisio* in Lapponia, factas, & lunæ distantiam, tempusque periodicum, omnes computi, secundum modo traditas regulas instituti, satis bene conspirant in rationem diametri ad axem terræ = 230 : 229, a *Newtono* jam traditam. Sed præter hæc methodos dantur pro telluris dimensione duæ alix, in quibus longitudines pendulorum isochronorum, vel magnitudines graduum in meridianis, diversis in latitudinibus observatæ, secum invicem comparantur. Si duorum istiusmodi pendulorum longitudines sint  $L, l$ , & sinus latitudinum respective  $S, s$ ; erit in hypothesi, quod tellus a superficie usque ad centrum uniformiter densa sit,  $cc : bb = LL - 11 : LL SS - 11 ss$ . Positis vero longitudinibus duorum graduum  $G$  &  $g$

in latitudinibus, quarum sinus sint  $S, f$ : erit semper, & sine respectu ad ullam gravitatis, vel densitatis, hypothesin,  $cc:bb = G\frac{2}{3} - g\frac{2}{3} : G\frac{2}{3} SS - g\frac{2}{3} ff$ . Jam per hæc methodos differentia inter diametrum æquatoris & axem terræ inventa notabili excessu superat eam, quæ illis prioribus methodis debetur. Nam ex comparatione longitudinum pendulorum, Pellone in Lapponia & Parisiis minuta horæ secunda indicantium, prodit apud Autorem  $cc:bb = 1:102, 8$ ; & ex aliis ejusmodi pendulorum observationibus dicta ratio adhuc major colligitur. Comparatio autem graduum, sub polari & in Gallia dimensorum, dat  $cc:bb = 1:89\frac{1}{2}$ , adhibita Cel. *MauPERTUISII* correctione mensuræ, a *PICARTO* peractæ. Cum ex hac discrepantia justa enascatur suspicio, satis magnam esse varietatem in densitate internarum partium telluris; progreditur Cel. Autor ad tractationem hujus Problematis, quales proportionones diametri ad axem, & gravitationis in polo ad gravitationem in æquatore, e diversis hypothesibus densitatis variabilis internarum partium terræ oriuntur; per gravitationem intelligendo excessum gravitatis supra vim centrifugam. Ex iis, quæ hac de re subtiliter disputat, elucet, 1) si densitas tantum prope centrum aucta ponatur, intelligi quidem posse, cur gravitatio inde ab æquatore versus polos magis crescat, quam in casu densitatis uniformis, non autem, cur differentia inter diametrum & axem major sit; 2) si densitas prope centrum minor ponatur, magis quidem crescere debere gradus in meridiano ab æquatore versus polos, quam in spherioides uniformiter denso, sed inde non explicari posse majus incrementum gravitationis versus polum; 3) eadem obtinere, si densitas a superficie ad centrum continue crescere, vel decrecere, ponatur; item si tellus in plures orbes similes & concentricos divisa esset, quorum singuli quidem essent uniformis densitatis, sed centro propiores altioribus densiores; 4) si vero tellus fingatur solidum spheroides cavum, intus nucleum, sive sphericum, sive spheroidem, continens, & exterior crusta duabus ellipticis superficiebus similibus terminata uniformis densitatis, nec non gravitatio columnæ fluidæ in

in æquatoris diametro gravitationi columnæ in axe æqualis supponatur; tunc explicari posse, cur & pondera & gradus meridiani terrestres versus polos magis crescant, quam in terra uniformiter densa. Notatione dignum videtur, hanc Telluris figuram cum ea convenire, quam dudum *Hallejus*, acus magneticæ phænomena explicaturus, proposuit. Verum enim vero, cum in hac hypothese quædam precario assumta videantur, hanc theoriam de gravitatione versus sphaeroides variabilis densitatis noluit doctissimus Autor latius extendere. Tunc enim, inquit, certius demum constare poterit, quodnam cuique hypothese de interna telluris constitutione pretium sit statuendum, si quando plures gradus meridiani terrestres fuerint accurate dimensi, & longior series observationum, de gravitationis ab æquatore versus polos incremento omni cura institutarum, exstiterit. Pergit ad investigationem figuræ Jovis secundum præcedentes theorias, & ostendit, probabile esse, quod ejus densitas a superficie ad centrum uniformiter crescat, donec in centro quadrupla sit densitatis in superficie; monet etiam, periodica tempora satellitum Jovis ad se invicem secundum hæc theorias in majori esse debere ratione, quam secundum legem *Kepleri*; cum gravitas in plano æquatoris planetæ sphaeroidis, axem diametro minorem habentis, variet in majori, quam duplicata, reciproca distantiarum ratione; verum hanc discrepantiam inter theoriam & *Kepleri* legem adeo exiguam esse, ut, per observationes eam detectum iri, nulla spes relinquatur. Tandem Cel. Autor superius Theorema de æquilibrio particularum sphaeroidis fluidi ad theoriam de æstu maris applicat, & *Newtonianam* hac de re doctrinam egregie illustrat. De universo hoc *Capite* dicere possumus, id illustrem esse commentarium in duas postremas *Sessiones Libri I* & multas propositiones *Libri III Principiorum Philosophiæ naturalis mathematicorum*. Aliquot earum propositionum, quæ in hoc *Capite* continentur, Autor jam dederat in *Dissertatione de causa physica fluxus & refluxus maris*, quam illustris Academia Regia Scientiarum Parisiis A. 1740 edendam curavit; sed plura hic adjecta reperiuntur.

Hactenus enarravimus argumentum *Libri primi*, quæ  
 quidem tres fere quartas hujus Operis occupat, sed eam ta-  
 men Analyseos recentiorum Mathematicorum partem, cui &  
 Geometriæ & Physicæ eximia incrementa maxime debentur,  
 intactam relinquit. Hanc partem, algebraicam puta, Cel. Au-  
 tor *secundo Libro* servavit, & a parte geometrica consilio se-  
 paravit: ut ne vi ac evidentix demonstrationum, quibus prin-  
 cipia hujus artis in *Libro primo* munire voluit, apud sciolos  
 Analyseos obtrectatores obesset usus symbolorum, quibus pars  
 algebraica, quippe methodos computandi tradens, carere ne-  
 quit, & quæ tamen istis hominibus ad celandum artis defe-  
 ctus tantum inventa esse videntur. Sic quidam signum  $-$  &  
 signum quantitatum imaginariarum mysteriosæ obscuritatis ac-  
 cusarunt, quos Autor sub initium hujus *Libri* meliora edocet.  
 Orditur autem alteram hanc Operis sui partem a demonstra-  
 tionibus primarum regularum calculi differentialis, seu metho-  
 di fluxionum directæ, indoli algebraicarum quantitatum ad-  
 aptatis, quæ non æque ac geometricæ motu genitæ concipi  
 possunt. Et, quanquam ex regulis methodi fluxionum pro  
 quantitibus geometricis, *priori Libro* demonstratis, facile  
 potuissent regulæ ejusdem methodi pro quantitibus alge-  
 braicis tanquam corollaria deduci, tamen, cum ad hanc viam  
 ineundam nulla impelleret necessitas, maluit doctissimus Autor  
 aliud genus demonstrationum hic adhibere, ut methodi bo-  
 nitas & certitudo, pluribus modis ostensa, eo clarius eluce-  
 ret. In quantitibus algebraicis variabilibus nihil conside-  
 rare licet, nisi quod augeantur, vel minuantur, quod quædam  
 per variables differentias crescant, vel decrescant, aliis inter-  
 ea uniformiter crescentibus, vel decrescantibus, & quod aliæ  
 aliis magis augeantur, vel minuantur. Sic, crescente  $A$  per  
 successiva incrementa æqualia  $a$ ,  $2A$  crescit per æquales dif-  
 ferentias  $2a$ , ideoque interea, dum quantitas  $A$  augetur, quan-  
 titas  $2A$  duplo magis augeri censenda est. Est itaque ali-  
 quis gradus *αύξεως*, vel diminutionis, in variatione quanti-  
 tatis non constantis; & propterea Autor hic definit fluxiones  
 quantitatum per mensuras respectivorum graduum auccionis,  
 vel

vel diminutionis, earundem, dum simul variant. Si duæ quantitates simul variant per incrementa, vel decrementa, sibi mutuo semper proportionalia; manifestum est, fluxionum mensuras in hoc casu ipsa illa esse incrementa, vel decrementa, aut quantitates quasvis, iis incrementis proportionales. Sin autem, altera quantitate uniformiter variante per differentias  $a$ , altera  $B$ , quæ functio sit ipsius  $A$ , per differentias continue crescentes, vel decrescientes, variat, difficilior est fluxionum determinatio. Autor ad eam demonstrandam hoc utitur Axio-  
mate: positis iisdem, quæ modo diximus, sint radices  $A$  successivi valores  $A - a$ ,  $A$ ,  $A + a$  &c. & radices  $B$  simultanei va-  
lores  $B - \beta$ ,  $B$ ,  $B + b$  &c. & crescentibus continue incremen-  
tis  $\beta$ ,  $b$  quantitatibus  $B$ , ipsa  $B$  magis augebitur, quam quanti-  
tas uniformiter crescens per differentias minores, quam  $\beta$ , ni-  
nus autem augebitur, quam quantitas uniformiter crescens  
per differentias majores, quam  $b$ ; contra, differentiis  $\beta$ ,  $b$  con-  
tinue decrescen-  
tibus,  $B$  magis augebitur, quam quantitas uni-  
formiter crescens per incrementa minora, quam  $b$ , minus au-  
tem, quam quantitas crescens uniformiter per incrementa ipso  
 $\beta$  majora; similiter, decrescen-  
te variabili  $B$ , & positis succe-  
ssivis valoribus  $B + b$ ,  $B$ ,  $B - \beta$ , si  $b < \beta < \&c.$ , magis dimi-  
nuetur  $B$ , quam si uniformiter decre-  
sceret per decremen-  
ta minora, quam  $b$ , minus autem, quam si variaret per decre-  
menta majora, quam  $\beta$ . Hinc prona est consequentia, si flu-  
xio quantitatibus  $A$  exponatur per  $a$ , in casu crescentis  $B$  per  
incrementa continue crescentia, fluxionem ipsius  $B$  non posse  
esse minorem, quam  $\beta$ , nec majorem, quam  $b$ ; si  $B$  crescat per  
incrementa continue decrescen-  
tia, fluxionem ejus non fore  
 $> \beta$ , nec  $< b$ ; &  $B$  diminuto per decremen-  
ta continue cre-  
scentia, fieri non posse, ut ejus fluxio sit  $< b$ , vel  $> \beta$ ; &c.  
Ex his principiis Cel. Autor ostendit, exposita fluxione ra-  
dicis  $A$  per  $a$ , esse fluxionem quadrati  $= 2 A a$ , & fluxio-  
nem potentie  $A^n$  exponi per  $n A^{n-1} a$ , denique fluxionem lo-  
garithmi quantitatibus  $N$  esse ad fluxionem ipsius  $N$ , ut modu-  
lus systematis logarithmici ad quantitatem  $N$ . Ex his vero  
Theorematis reliquas regulas calculi differentialis per dedu-  
ctiones

tionem algebraicam demonstrat. En specimen illarum demonstrationum in exemplo Theorematis primi, quod fluxio quadrati  $A^2$  sit  $2Aa$ , si fluxio ipsius  $A$  exponatur per  $a$ . Sint nimirum tres successivi valores radices  $A-u$ ,  $A$ ,  $A+u$ ; & respondentes valores quadrati erunt  $A^2-2Au+u^2$ ,  $A^2$ ,  $A^2+2Au+u^2$ . Ergo  $A^2$  augetur incrementis continue crescentibus,  $2Au-uu$ ,  $2Au+uu$ , &c. Igitur vi præcedentis Axiomatis, exposita fluxione radices per  $u$ , fluxio quadrati non poterit exponi per quantitatem  $> 2Au+uu$ , nec per quantitatem  $< 2Au-uu$ . Jam, si negas, fluxionem quadrati exponi per  $2Aa$ , exponatur primo per quantitatem majorem, velut hanc  $2Aa+oa$ , & sit  $o$  incrementum ipsius  $A$  majus, quam  $u$ : & quia est  $a:u=2Aa+oa:2Au+ou$ , sequitur, ut, si fluxio ipsius  $A$  exponatur per  $u$ , fluxio quadrati  $A^2$  exponenda sit per  $2Au+ou$ , ideoque per quantitatem ipsa  $2Au+uu$  majorem. Quod antea offensus repugnat. Si ponas, fluxionem quadrati minorem esse quantitatem  $2Aa$ , sit ea  $= 2Aa-oa$ . Ergo, quia  $a:u=2Aa-oa:2Au-ou$ , quæ minor est, quam  $2Au-uu$ ; exposita per  $u$  fluxione radices, fluxio quadrati nunc exponeretur per quantitatem minorem, quam  $2Au-uu$ . Quod etiam repugnat. Sub finem hujus Capituli Autor de fluxionibus altiorum ordinum exponit, & indicat viam demonstrandi prædicta Theoremata tam secundum *Newtoni* methodum rationum ultimarum, quam secundum methodum infinitesimalem *Leibnitii*. In II Capite, explicatis signis algebraicis fluxionum, & repetitis regulis methodi fluxionum directæ, per hæc signa expressis, fundamenta ponit methodi inversæ. Primo ea monet, quæ in fluentis ex fluxione inventionem de constantis adjectione tenenda sunt. Postea, traditis omnium primis regulis calculi integralis, quæ ex regulis differentialis immediate fluunt, docet fluxionem hujus formæ  $(a+z)^m z^n dz$ , in qua  $m$  est numerus, negativus, vel fractus, usitata methodo transformare in aliam, cujus fluens in terminis finitis assignabilis est; & porro condiciones integrabilitatis formæ  $(e+fx^n)^m dx$  explicat. Inde pergit ad methodos, quarum usus est in inveniendis fluentibus,

tibus, quæ terminis algebraicis accurate nequeunt exprimi. Et primo quidem tradit modum, eas inveniendi resolutione fluxionis in seriem infinitam convergentem. Huc potissimum faciunt Theoremata *Newtoni* & *Moiræ* de potentiis binomiorum & infinitomiorum; quæ propterea hoc in loco Cel. Autor non solum proponit, sed & eorum elegantem analysin, ex regulis calculi differentialis petitam, suppeditat. Si-

mili methodo demonstrat Theorema *Taylori*  $y = E + \frac{z dE}{dz} +$

$\frac{z^2 d d E}{1.2 d z^2} + \&c.$  ubi  $dz$  est constans, &  $E, dE, d d E$ , sunt va-

lores ipsarum  $y, dy, d d y$ , posita  $z = 0$ , nec non Cel. *Jo. Bernoulli* Theorema, in his *Actis A. 1694* exhibitum.  $\int y dz = yz -$

$\frac{z^2 dy}{1.2 dz} + \frac{z^3 d d y}{1.2.3 d z^2} - \&c.$  quæ duo Theoremata etiam

permagnum usum in hoc negotio habent, ut hic multis selectisque exemplis declaratur. Præter hæc Theoremata, quædam, etiam huc spectantia, ex Tractatu *Newtoni* de Quadratura curvarum, & Commercio epistolico, laudat. Sequitur explicatio secundi artificii, quo uri solent Analystæ iis casibus, in quibus fluens in terminis finitis algebraicis inveniri nequit, reductionis puta ad fluentes ejusdem quidem conditionis, sed formæ simplicioris ac notioris, quæ per approximationes facilius & exactius haberi possunt, cujusmodi sunt inprimis arcæ circulares, hyperbolicæ, ellipticæ, & arcus omnium sectionum conicarum. Hanc doctrinam, quæ in *Capite III* proponitur, inchoat Cel. *Maclaurinus* ab expositione analogiæ inter sectores ellipticos & hyperbolicos, ex qua varia deducit Theoremata generalia pro multiplicatione & divisione arcuum, vel sectorum, circuli. Deinde docet, quomodo elementa arcarum reducenda sint ad rectificationem arcuum circuli & elementa logarithmica, tum si ordinatæ exprimantur quantitibus rationalibus, tum si earum valores binomium, vel trinomium, irrationale contineant. Post hæc considerat elementa, quæ a rectificatione ellipsis & hyperbolæ pendent; & de

nonnullis aliis casibus, in quibus fluens altioris generis ad fluentem simplicioris formæ reduci potest, pauca subiungit. Theoremata maxime utilia & fecunda, quæ in hac parte calculi integralis a Cel. Viris, *Leibnitio*, *Bernoulliis*, *Newtono*, *Cotesio*, *Moiræo*, passim tradita fuere, laudatis ubique eorum Autoribus, hic collecta, & apte inter se connexa, reperiuntur. Sed, quemadmodum hætenus Autor de ejusmodi tantum curvarum arcis egit, quarum & ordinatæ & abscissæ sunt functiones algebraicæ cujusdam quantitatis variabilis  $z$ : ita, cum præter tales curvas sint multæ, in quibus hæc conditio locum non invenit, in *Capite IV*, quæ de harum quoque arcis quadrandis notanda sunt, proponit, contemplatus primo aream, cujus ordinata datur per aream alius curvæ, secundo aream, cujus & abscissa & ordinata per areas aliarum curvarum determinantur. Reliqua pars hujus *Capitis* doctrinæ de summatione & interpolatione serierum impenditur. Habentur hoc in loco quædam Theoremata valde generalia, ex methodo fluxionum deducta, pro approximationibus ad summas serierum per areas curvarum, & conversim, pro computandis arcis, si communis methodus series nimis tarde convergentes suppeditet, nec non pro solvendis variis Problematibus, quæ ad *Newtoni* methodum differentialem referri solent. In specie traduntur hic Theoremata, quæ faciunt ad inveniendam summam quarumvis potentiarum terminorum progressionis arithmeticæ, & summam logarithmorum talium terminorum; & resolvitur Problema de invenienda ratione, quam habet uncia medii termini in binomio, ad altiore dignitatem evecto, ad summam omnium unciarum, per methodum a methodis Cel. Virorum *Stirlingii* & *Moiræi* diversam; denique ratio computandi aream ex aliquot ordinatis æque distantibus, & interpolandi terminos intermedios datæ seriei, ex iisdem principiis generalibus, deducitur. Hætenus traditis generalibus regulis methodi fluxionum, pergit doctissimus *Maclaurinus* in *quinto Capite*, quod hujus Operis ultimum est, ad usum earum in solutionibus Problematum geometricorum & physico-mathematicorum ostendendum. Traditis formulis generalibus,



ralibus, quæ tangentibus & normalibus curvarum ducendis inserviunt, exponit regulas methodi maximorum & minimorum, & exemplis illustrat. Quas Vir doctissimus in *nono Capite Libri primi* dederat regulas de puncto curvæ, ad quod ordinata est maxima, vel minima, a puncto flexus contrarii discernendo, eas hic repetit, & brevi demonstratione derivat ex Theoremate *Taylori*, quod data fluxione abscissæ  $dx$ , & posito  $E$  valore ordinatæ, ubi  $x=0$ , sit  $y=E + \frac{x dE}{dx}$

$+ \frac{x^2 d dE}{2 dx^2} + \frac{x^3 d^3 E}{6 dx^3} + \&c.$ ; nam, iisdem positis, erit ad

equalem abscissam negativam  $y=E - \frac{x dE}{dx} + \frac{x^2 d dE}{2 dx^2} -$

$\frac{x^3 d^3 E}{6 dx^3} + \&c.$  & ex his duabus formulis prædictæ regulæ

prona consequentia fluunt. His nonnulla hic addit Autor, quæ digna sunt, ut in ipso hoc Opere evolvantur. Deinde suppeditat formulas pro radiis osculi, & causticarum constructionem docet. Progressum facit ad theoriâ trajectoriarum, solvitque tum directum Problema de lege vis centripetæ, data trajectoria, inveniendâ, tum inversum, de trajectoria ex lege vis centripetæ determinandâ. Inhaeret potissimum exemplo trajectoriæ, quæ describitur viribus, in reciproca ratione quintuplicata distantiarum existentibus, qui casus hoc singulare habet, ut corpus possit quidem descendere ad centrum perpetuo, neque tamen intrare circulum, isto centro intervallo determinato descriptum, vel a centro perpetuo recedere, & circuli tamen peripheriam, circa idem centrum radio determinato descriptam; nunquam transgredi. Hæc species trajectoriarum generatim per arcus sectionum conicarum, & in quibusdam particularibus casibus per logarithmos, construi potest; quæ Vir Cel. seorsim ostendit. Porro tradit regulas pro computando tempore descensus per arcus datarum curvarum, easque præcipue applicat ad descensum in

cycloide, & ad descensum per datum arcum circuli, cujus tempus determinare docet supposita rectificatione arcuum sectionum conicarum, nec non per series infinitas. Sequuntur regulæ pro determinandis motibus in mediis resistentibus, pro figuris catenariæ & brachystochronæ definiendis, pro cubandis solidis, rectificandis arcubus curvarum, & quadrandis superficiebus curvis. Inter hæc occurrit methodus facilis, determinandi ope logarithmorum partes meridionales, seu arcus meridianorum in Mappis nauticis *Mercatoris*, non solum in hypothese telluris sphericæ, sed etiam in hypothese terræ sphaeroidis, sive oblongæ, sive ad polos complanatæ. Exinde simplex hæc & facilis regula existit, pro partibus meridionalibus in hypothese terræ sphaeroidis, complanatæ ad polos, computandis, supposita tabula partium meridionalium pro tellure sphaerica: scilicet, posita ratione distantie focorum meridiani elliptici ad diametrum æquatoris  $= 1:n$ , & posito sinu datæ latitudinis  $= u$ , evolvantur in tabula partes meri-

dionales pro latitudine, cujus sinus  $= \frac{u}{n}$ , quibus per numerum  $n$  divisus, quotus subtrahatur a partibus meridionalibus, datæ latitudini in tabula respondentibus; numerus residuus erit quaesitus. Pro tellure figuræ sphaeroidis oblongæ æque simplex hic reperitur regula. Post tractationem hujus Problematis, Cel. Autor resumit materiam de attractione versus corpus sphaeroides, & calculo determinat gravitationem tum in polo, tum in æquatore, per arcus circuli, vel logarithmos, in hypothese attractionis, versus quamvis particulam cuilibet potestati distantie reciproce proportionalis. Postea, breviter exposito computo centri gravitatis, centrique oscillationis, aliquot quaestiones de maximis, vel minimis, solvit; quarum 1) est de ratione potentie ad onus idonea ad hoc, ut machina dato tempore maximum effectum præstet, non solum abstrahendo a frictione, sed & hujus ratione habita; 2) qualis esse debeat positio plani, motu parallelo in data directione & data celeritate lati, ut flumen, data celeritate in id incurrens, maxima vi idem impellat; 3) de optima positione alarum.

alarum, molendini, a vento moti, de qua Autor monet, aliam, sic positam, ut cum directione venti angulum  $54^{\circ} 44'$  comprehendat, initio tantum motus maximum impellum pati, sed, producto jam motu, commodissimam alae positionem per majorem angulum determinari; 4) de maxime idonea positione veli, ut navis, cujus data est celeritas, a vento data velocitatis in data directione maxima vi impellatur; 5) de arcu circuli sic dividendo, ut productum ex quibuscumque potentis sinuum singularum partium sit maximum; 6) denique de optima directione navis, & commodissima veli positione, ut navis in data recta incedat, vel a data recta recedat, quam fieri potest velocissime. Harum questionum solutiones excipiunt quaedam praecepta de reductione aequationum differentialium secundi gradus ad primum, & hac occasione Autor de curva elastica, quam in omni casu per rectificationem conicarum sectionum construere posse docet, nec non de vibrationibus chordae tensae, agit. Denique methodum suam pro solvendis per primas fluxiones Problematicis isoperimetricis, quam ex *primo Libro* in superioribus descripsimus, applicat ad solvendas alias quaestiones de maximis, vel minimis, in quibus curvae quaesitae sub certis limitationibus arearum, solidorum inde genitorum, &c. spectantur; cujus generis est quaestio de inveniundo solido, quod inter omnia aequalis voluminis, & aequalibus superficiebus terminata, minimam in fluido resistantiam patiatur.

Vernünftige und Schriftmäßige Gedanken von der Heiligen Schrift, &c.  
id est,

DOCTRINA DE SCRIPTURA SACRA, EX RATIONIS, & rei Christianae, fundamentis proposita a  
JOANNE ERNESTO SCHUBERTO, Consistorii Ducalis Vinariensis & Isenacensis Assessore, &  
Facultatis Philosophicae Jenensis Adjuncto.

Pars I.

L 3

Jenae,

Jenæ, ex taberna libraria Melchioriana, 1746, 4.

Alph. 2 plag. 8.

- P**ergit nunc Cl. Autor interrupta serie id persequi opus, quod ante aliquod tempus aggressus est, cum *Doctrinam de veritate Christianæ religionis, naturæ & gratiæ lumine perlustratam*, librum doctum & lectu dignum, cum orbe communicaret literato. Omnis ejus labor atque opera, quam in hoc studio percurrendo sibi mente propositam habuit, utilitatem lectorum, salutaris doctrinæ cupidorum, spectat. Hinc factum est, ut & vernacula scribendi ratione, & plano faciliq[ue] dicendi genere, uteretur. In *duas* vero *Partes* hanc translationem de Scripturæ Sacra distinguit, quarum *prior* *quinque* continet *Capita*, ad res historicas potissimum pertinentia; *posterioris* deinde *Partis* totidem daturum se *Capita* promittens, quæ dogmaticas fere res omnes in se contineant. In *Capite* itaque *primo* de divina Scripturæ Sacræ inspiratione agit, ubi sub initio statim illam describit ita, quod sit liber, continens Prophetarum, Evangelistarum, atque Apostolorum, monumenta, literis consignata, & qui a Christianis pro divina revelatione habeatur. Hæc hujus libri sancti ipsi est finitio. Ex quo ad ea Autor progreditur, quibus confirmari possit, librum hunc ex divina revelatione esse enatum. Indicat hic præcipua tantum rerum momenta, lectorem ad ea ablegans, quæ in superiori ab ipso sunt enucleata libro. Ampliorem vero sibi dicendi segetem propositam esse Noster existimat in definienda & distinguenda doctrina de inspiratione divina. Duo ad hoc negotium perficiendum argumenta requiri ostendit, quorum prius ad mandatum refertur divinum, posterius autem ad res ipsas, quas perscribere jussi sunt autores sacri, omnino pertinet. Utrumque necessario ad constituendam inspirationis divinæ formam pertinere ait, licet prius momentum ob paucitatem adversariorum minus a Theologis urgeatur. Quia vero revelare nihil aliud significat, quam occultam & ignotam rem notam atque celebriorem reddere; hinc, quale intercedat discrimen inspirationem inter & revelationem, probe tenendum esse monet, nec utrumque sub revelationis vocabulo
- com-

comprehendendum esse, nisi a vera vocis potestate recedere velimus, clarius docet. *Musaem* hac de re a Theologis Vitebergenfibus esse accusatum, quam tamen *Calovius* & *Quenstedius* liberrimo ore profiteantur, in transcurso Noster miratur. Per mandatum divinum ad scribendum necessarium intelligitur omnis Spiritus Sancti operatio, ex qua scriptores sanctiores fuerunt certiores redditi de voluntate Dei, literis aliquid consignandi. Repetuntur hic testimonia quædam, satis nota, ex tabularum sacrarum autoritate, quibus humanæ quædam adduntur sententiæ. Nec defunt mandata, conceptis formulis a Deo data, nec sensationes internæ, & externæ quædam occasiones, quæ ad scribendum excitarunt viros divino flamine tinctos. A mandato divino pergit ad res, sanctissimis hominibus vel revelatas, vel inspiratas, quarum ad priores referuntur mysteria fidei, ad posteriores omnes aliæ, quæcunque ex rerum gestarum memoria cognitæ fuerunt, sed tamen ea ratione, quæ Deo placuit, a viris sanctis in tabulas sunt relatæ. Quod nisi concedatur, ratio reddi nulla potest, quare non omnia, quæcunque gesta sunt, sed ea tantum, quæ ad religionis sive directæ, sive indirectæ, capita, & arbitrium divinum, reduci debent, scriptis suis prodiderint. His plenius paulo pertractatis, objectiones quasdam strenue remotas legimus, quibus altera de verbis, quæ viris sanctis suggesta sunt, asserta atque confirmata redditur veritas, ubi tamen questio omnis de linguis originalibus est capiendi, quarum singularum annectitur adhibita a Deo ratio. Diversa postea Noster profert genera, quibus se Deus manifestavit hominibus, inter quæ primo ponitur inspiratio, sensu strictiori sumpta, qua inter meditationes sacras hominibus se appropinquavit Deus, atque universales religionis doctrinas illis conscribendas suggessit, nec tamen immediata voce usus. Ad hanc rem conficiendam testimonia afferuntur divina ex 2 *Sam. XXIII, 2, 3*, & 1 *Petr. I, 11*. Alterum genus divinæ manifestationis dicit ecstasim, quæ vigilantibus contingit hominibus, qui, externo sensuum usu privati, in stuporem vertuntur. Hic ex *Pauli* exemplo demonstratur, Deum & auditu, & visu, quod

pag. 7.

9.

13.

19.

23.

27.

32.

34.

36.

- quod *Petri* testatur autoritas, uti, ita, ut res auditæ & visæ videantur, licet corporis sensibus nihil tale percipiatur atque sentiatur. Ex eo pergit ad somniorum divinarum & suggestionem, & interpretationem, in quo utroque immediata quædam obtinet locum suggestio divina. Alloquium, quo immediate Deus se hominibus manifestum reddidit, ad quartum genus divinæ refertur manifestationis. His de Bathkol Judæorum, eorumque *Urim & Thummim*, subnexas Autoris legimus cogitationes, inter quas in locos quosdam, speciem repugnantia præ se ferentes, incidit, *Actuum* scilicet *Cap. IX, 4, & Cap. XXII, 9*, quos recte conciliat, distinguendo inter sonum vocis, & vocem ipsam, distincte auditam. Non dubitamus, quin Cl. Autor, si verba Græca inspexisset, hoc plenius potuisset confirmare, licet per se ipsius sententia omni assensu digna sit. Præter hæc denique adduntur aliæ species, quibus Deus usus est, hominibus voluntatem suam declaraturus, quales fuerunt apparitiones angelorum visibiles, externæ objectæ imagines, quo urbs Babylonica, *Ezechieli* per imaginem representata, & confessus Dei, temporibus *Achab* a *Micba* visus, refertur. Denique, per sortem, & alios corporis sensus, Deum voluntatem suam cum hominibus communicasse, docetur. Accedimus nunc ad quæstionem, ab Autore expeditam, de inspirationibus & suggestionibus diabolicis. Sed, ut cautius atque curatius ea, quæ proferuntur, essent pertractata, quam maxime vellemus. Qua ratione enim diabolo omnes fere inspirationis divinæ modi possint adscribi, non satis intelligimus, &, quid sibi velit Noster per subtile corpus diabolicum demonstrare, non videmus. Nec facile adnittendæ sunt omnes species diabolicæ, a *Wiero* visæ. Denique, quomodo malus ex orco genius, mediante corpore suo proprio, pro lubitu aliam induere queat formam, non satis explicatum legimus. Hæc occasione Sibyllarum contextuit fata Cl. Autor, monumenta earum scripta recensens, &, quale sit iudicium de illis ferendum, docens, ita, ut, caute admodum ipsum in hoc enarrandi & disputandi genere versatum fuisse, non negari possit. Concludit denique hoc *Caput* Noster.

signa

signa recensendo, quæ suggestionem divinam a diabolica discernunt, tum ex parte eorum, quorum ministerio utitur Deus, tum aliam ex parte aliorum, quibus conceditur revelatio divina custodienda & propaganda. *Secundum Caput* divisionem librorum, in Codice sacro comprehensorum, tradit, quorum alii ante, alii post, natum Christum in vulgus editi fuerunt. Vulgarem hanc distinctionem amplius declarans, de utroque Autor agit Testamento, & differentiam utriusque breviter ostendit, indicem subnectens librorum Vet. Test. quos ex ordine LXX interpretum *Lutherus* recensuit, qui diversus est ab ordine & divisione speciali, quam Judæi usu receptam habent, licet, Christianorum distinctionem firmiori niti fundamento, unicuique appareat. Pari ratione libri Novi Testamenti recensentur in universum, &, quæ Capitum ac versuum sit origo atque auctoritas, brevissimis docetur. Pergit deinceps Noster ad enarrandas scriptorum sacrorum vitas, inter quos sub *Capitis tertii* initium *Moses* agmen ducit, cujus origo, nativitas, educatio, & reliqua vitæ fata, ex Codicis sacri & *Josephi* testimoniis dilucide recensentur. Demonstratur deinde, *Mosen* esse antiquissimum scriptorem, eundemque vere autorem suorum librorum esse dicendum. Tempus scriptionis circa tempora exitus populi Israelitici ex Ægypto ab Autore ponitur, ubi non omittendam quætionem proponit, quare Deus non ante ea tempora revelationem literis consignatam hominibus exhibuerit, quæ facile ex orali traditione, ante ea tempora sufficiente, post *Mosis* vero ætatem minus commoda, expeditur. Accedebat etiam, *Mosis* ætate maximas mutationes cum populo Israelitico factas esse, quæ omni posterorum memoria dignæ erant. Hinc conspectus rerum, a *Mose* perscriptarum, uno intuitu exhibetur, & rationes ex prioribus dictis redduntur, quare *Moses* ad scribendum a Deo fuerit excitatus. Hinc ad *Josue* fit progressus, qui *Mosi* successit, & autor libri est, qui sub nomine ipsius circumferretur, licet alii sine gravi causa de eo dubitarint, pluribus refutati ab Autore, qui tres inprimis potiores dubitandi rationes, a libro iustorum, a loquendi quibusdam formulis,

Pag. 68.

72.

74.

81.

84.

85.

87.

90.

97.

99.

100.

103.

106.

109.

- lis, & a rebus post mortem *Josua* gestis, desumptas, facile solvit. Contenta deinde hujus libri breviter adducuntur, interpositis causis, & civilibus, & religiosis, quæ *Josua* ad scribendum librum suum ex Dei mandato impulerant.
117. De libro *Judicum* varii enarrantur Autores, inter quos *Samuel* verisimiliter verus fuit, & deinde usus ipsius libri, & finis conscriptionis, ostenditur. Sequitur ordine libellus *Ruth*, & *Samuelis* libri, eadem ratione, qua ceteri, pertractati;
127. ubi sub finem monet Autor, & *Nathanem*, & *Gadum*, historiæ a *Samuele* perscriptæ contextuisse filum. Libros *Regum*, & annales Israeliticos Judaicosque, ab autore esse perscriptos, qui vel sub captivitate Babylonica, vel post eam, vixerit, Noster ex eo conjicit, quoniam plurimi fere interpretes ad autorem *Esdram* hos libros retulerunt, quem *Cronicorum* saltem esse scriptorem, ex sententia Judæorum, non solum non negat Noster, sed ex allatis quibusdam rerum argumentis etiam confirmare studet. In recensione libelli *Esdra* contra *Huetium* pugnat, trepide affirmantem, quin imo duabus ex rationibus negantem plane, libri omnis autorem fuisse
137. *Esdram*, quod quidem sine multis ambagibus facili negotio confutatur. Eandem diligentiam, & commendandam brevitatem, in enarrandis opusculis *Nehemia* & *Esdræ* posuit, & de horum autore, qui *Mardochei* putatur, cum *Huetio* non infeliciter pugnavit. *Jobi* perlustrans fata Cl. Autor, tria expedit in limine de existentia, tempore, & patria, hujus vexatissimi viri. De prioribus confidenter, & satis tute, proficitur, *Jobum* vere fuisse, quod vel ex testimoniis divinis pateat, & tempora ipsius incidere in ea, quæ mortem *Joséphi* sequuntur, & *Mosis* originem antecedunt. De gente vero *Jobi* dubie pronuntiat Noster, *Jobum* forte ex posteris *Nabors* esse natum existimans, quod vel ex regione, quam incolebat, appareat. Ad ipsum librum quod spectat, nihil hic memoratu dignum videmus ab Autore allatum, nisi quod putet, *Mosen* esse scriptorem hujus libri, & testimonia, pro resurrectione mortuorum in *Jobi* libro inventa, ad hanc doctrinam nullo modo pertinere. Ex hoc ad *Davidis* cantiones, & *Salomonis* opera, pedem refert Autor, succincte omnia pertractans,



ans, & diligentis scriptoris laudem sustinens. In *Propheticis* Pag. 160.  
 libris enarrandis ita versatum Nostrum videmus, ut in fronte  
 hujus tractationis ea ponat, quæ ad vates divinos omnes, ratio-  
 ne muneris legationisque suæ, ut & doctrinarum & oratio- 161.  
 num suarum, pertinent. Tempora deinde, docet Autor, esse  
 distinguenda, quæ scriptis & concionibus suis perillustrarint Pro-  
 phetæ; simul etiam docens, quanto intervallo Propheta re-  
 rum gestarum scriptorem post se relinquit. Omnium optima  
 hic nobis videtur observatio, qua declaratur, vaticinia Prophe-  
 tarum res modo futuras declarare, & non amplius, quam ad  
 tempora Christi, pertingere, eo tamen probe dijudicato, quod,  
 his etiam stantibus, nihilo minus de vita beata, & æternis  
 pœnis, quamplurimæ inter Prophetarum libros doctrinæ oc-  
 currere possint. Ceterum hanc suam sententiam alii occa- 163.  
 sioni plenius deducendam reservat. His prælibatis, *Jesaja*,  
*Jeremie*, *Ezechielis*, atque *Danielis*, percurrit fata, & tempo-  
 rum simul reipublicæ Judaicæ continuam injicit mentionem, 177.  
 quorum enarrationem reliqui minores, qui dicuntur, Pro- 192.  
 phetæ excipiunt. Quæstio sub finem additur de Prophetis  
 post *Malachiam* superstitionibus, quæ ita affirmatur, ut facile ex  
 testimoniis quibusdam librorum Novi Test. & *Josephi* auto-  
 ritate pateat, inter populum Judaicum post *Malachia* fata ex-  
 stitisse Prophetas, quorum scriptis tamen non opus fuerit, cum  
 omnia jam prædicta essent, quæ ad venturum referebantur  
 Messiam. Circa scriptores Novi Test. vita Christi primo tan-  
 gitur, & deinde ad *Mattheum*, reliquosque Evangelicæ hi-  
 storix præcones, transitur. Illud modo hic notatu necessa-  
 rium ducimus, testimonia, quæ vulgo traduntur, & ab Autore 199.  
 nostro repetuntur, scilicet *Marc. II, 13, 14*, *Luc. V, 27, 28, 29*, de  
*Matthæi* vocatione plane agere non posse, cum nulla omnino 210.  
 ibi hujus mentio fiat. Ad dogmaticos libros accedens Noster,  
 primo recenset vitam *Pauli*, cujus enarratio ex Epistolis ipsius;  
 ad cœtus Christianos perscriptis, ut & ex *Luce* Actibus Apo- 215.  
 stolorum, satis vulgari diligentia est contexta. In desiniendis  
 temporibus, quibus ille gentium doctor literas suas ad diver-  
 sos sanctiores dedit cœtus, *Usserii* & *Ludovici Capelli* adopta-  
 tur temporum ratio, quo, quid certi sit, quidve veri habeat

- pag. 217. similitudinem, ex illorum sententia appareat. Ipsæ Epistolæ deinde ex eo, quem inter nos obtinent, ordine pertractantur, ita, ut de regione, incolis, occasione, & argumentis primariis, succincta exhibeatur expositio. Epistolam ad Ebræos
231. Paulo esse assignandam, vel hanc ob causam Noster putat, quia ab hac antiqua satis opinione non recedendum sit, nisi gravissimæ, quæ tamen desint, causæ proferantur. In gente *Jacobi* perlustranda, tres *Jacobi* dicuntur fuisse, alius scilicet *Alphai*, alius *Cleopha*, alius *Zebedei*, filius. Illum, qui *Cleopham* patrem habuerit, fratrem Christi plerumque dici, quoniam consanguinitate cum illo fuerit conjunctus, docet Autor. Sed vel hanc ob causam affirmare debuisset unum eundemque esse *Jacobum*, qui *Cleopha* & *Alphæo* prognatus dicitur, siquidem inter doctos viros abunde constat, nomen *Alphai* & *Cleopha* uni personæ, ob similitudinem vocabulorum, esse attribuendum.
140. *Quartum Caput* de autoritate Scripturæ S. divina agit, quæ illa est dignitas, atque insignis excellentia, quæ nos obligat, ut omnia, quæcunque in ea continentur, accipiamus, & in iis acquiescamus. Dupliciter vero autoritas potest considerari, quatenus est vel normativa, seu canonica, vel imperativa; & deinde, quatenus absoluta, & respectiva,
147. intelligenda est. Hinc etiam fit, ut rationi repugnare nequeat, quia hoc modo autoritas ipsius facile everti posset, licet hic probe tenendum sit, quod Cl. Autor de veritatibus necessariis,
155. & contingentibus, scite differit. Reliqua, quæ sequuntur, ad maiestatem stili, ad veritatem & sanctitatem Scripturæ, & denique ad ea, referri possunt, quæ circa respectivam Scripturæ autoritatem sunt notanda, in quibus plurima e majorum scriptis repetuntur, quædam etiam illustrantur. Præter ea hic etiam occurrit disputatio de libris apocryphis, & quid vere de
306. iis sit statuendum, dilucidius docetur, quamque versiones
318. habeant virtutem, sub finem hujus *Capitis* exponitur. Perfectionem Scripturæ *Caput quintum* profert, ubi sub initio statim ostenditur, hanc perfectionem tum ad ipsam essentiam scriptæ revelationis, tum etiam ad partes ejus singulas integrasque, respicere. Ex his omnia, quæ in hoc *Capite* occurrunt, facile dijudicanda sunt, dum primo ostenditur, Scripturam S.
319. partibus

partibus gaudere essentialibus revelationis scriptæ; deinde, nullum librum esse deperditum, qui Deum autorem habuerit, & ad libros sanctiores pertinuerit; tum Codicem utrumque, & Hebraicum, & Græcum, mansisse incorruptum; denique Scripturam esse sufficientem ad ea in hominibus efficienda, ob quorum causam illa a Deo fuit tradita. Omnia hæc plane & ample sunt pertractata, ita tamen, ut nihil fere habeamus, quod potissimum hinc excerpamus, quodve novitatis specie se commendet. Interim hanc Cl. Autori gloriam non invidemus, quam ob verborum suorum & sententiarum perspicuitatem, ut in aliis ejus libris, sic in hoc etiam volumine, prorsus insignem, ab omnibus lectoribus facile impetrabit. In fine demum affirmat, Deum nihil in civilibus rebus revelare hominibus, & *Danielem* ea exhibere, quæ ad mutationes rerum publicarum nostris temporibus sint referenda; quo modo vero hæc posterior sententia cum alia superiori, *pag. 161* prolata, possit conciliari, jam non inquirimus.

Herrn D. Fried. Andr. Hallbauers, hochverordneten Kirchenraths, und berühmten Lehrers der Theologie in Jena, kurze Vorschläge zu nöthiger Verbesserung des Schulwesens, &c.

hoc est,

*D. FRID. ANDR. HALLBAUERI, RERUM SACRARUM Consiliarii, & Doctoris discipline sanctioris celeberrimi in Academia Jenensi, Consilia breviora, seu desideria necessaria scholasticarum rerum emendationis, ex Latina lingua in Germanicam translata, & annotationibus aucta, a J. G. H.*

Jenæ & Leucopetræ, apud Jo. Christoph. Cræckerum, 1746, 8. Plag. 6.

**L**audabilis æque ac deplorandæ cœtus sacri & civilis conditionis fundamentum est educatio juventutis. Non igitur contemnendum, quin magni potius æstimandum, quicquid ad pravam extirpandam, accuratam vero promovendam ac stabilendam, pertinet. Inde et hos labores haud indignos judicamus, in commentariis qui nostris commemorentur. Immo vero hoc digniores sunt commendatione, quod passim, magno rei pu-

blicæ detrimento, labi res scholastica videatur & corrumpi. Queritur hac de re in Præfatione Clariss. Editor; quem esse *Jo. Gotthfr. Hauptmannum*, eloquentiæ atque elegantiorum literarum in Gymnasio provinciali Ruthenico Professore, ex fine Dédicationis, qua Nobili *de Freisleben*, Mæcenati studiorum ac promotori, opus consecravit, apparet. Idem tamen simul vindices humanitatis in Germania alios laudat, eosdemque primarios. Adulationis vitium perosus, tacet, quos Lipsia fovet, quosque doctores ac patronos coluit, per sese jam notissimos. Nominat vero *Stemmleros, Kæcheros, Winckleros, Reinhardos*, inter rei sacræ nunc antistites, scholarum antea magistros; in Academiis autem *Bergeros, Leyseros, Hoffmannos, Baumgartenios, Mosbemiros, Heumannos, Gesneros*, atque alios, prædicat. Inprimis ipsi commemorandi videntur, in Academia Jenensi, *Walchius & Hallbauerus*. Posterior est, cujus tractationem de præparatione ad recte formandam juventutem in Academiis instituenda, & desideria scholastica, quæ collectionis operum *Sturmianorum* de institutione scholastica, Præfationi subjuncta reperimus, dictorum, inter alia, documenta profert. Mandato ac desiderio Autoris satisfaciens, posteriora, nostram in linguam conversa, singula, & amplissimis partim annotationibus, confirmavit, explicuit, auxit, illustravit. Neque enim omnino imparatus ad istam occupationem accessit, qui, continuare se huc spectantium librorum lectionem atque disquisitionem, ipse profitetur; aliis jam eo spectantibus Commentationibus innotuit; novem propemodum annos gymnasticæ juventuti præfuit; atque ultra biennium totam Rectoris & Conrectoris provinciam simul administravit; nec raro, ad triginta per hebdomadem horas, recitationes simul privatissimas instituens, quid prosit juventuti, quid obsit, perspexit, ut alia taceamus. Atque omnino ipsa desideria ita sunt comparata, ut expendi mereantur. Unum saltem & alterum spectemus. Cura scholarum instituendarum & conservandarum Principibus ac magistratibus quam maxime injungitur. Inspectores flagitantur, qui possint ac velint salutem scholarum promovere. Doctores sacri per cathedram ad suggestum debent ascendisse. Scholasticum ad munus præparatio debet in Academiis suscipi singularis. Ad has ex scholis & Gymnasiis

nemo nisi linguis, artibus, scientiis, eo pertinentibus, rite instructus, & post acceptam vitæ Academicæ laudabiliter degendæ institutionem, dimittatur. Omnibus scholæ ordinibus idonei tantum præficiantur doctores, pii scilicet, eruditi, humani, patientes, diligentes, docendi præditi dono, fideles, prudentes, autoritate pariter & corporis viribus pollentes; itemque plures, ne tædio capiantur tam pauci. Majore honore ac præcedendi dignitate gaudeant iidem, atque laudioribus etiam reductibus, speque ampliore. Nihilominus, tædio qui capiuntur, aliis, quibus apti, numeribus præficiantur; seniores rude donentur, ac honeste cum suis sustententur; removeantur indigni. Superioribus præsertim magistris major relinquenda est potestas, ea, quæ ad salutem spectant juventutis, in doctrinæ ac disciplinæ ratione, dirigendi. Omnium doctorum summa sit concordia; eademque omnibus auxiliis ac modis promoveatur. Omnes ordines vel hebdomade semel visitentur, ad doctorum & discipulorum diligentiam ac dexteritatem explorandam, confirmandam, excitandam. Omne doctoribus auxilium, quatenus possunt, parentes ferant & cives. Emendatio animi, voluntatis non minus, quam intelligentiæ, scholarum sit primarius scopus. Nec vero corpus negligatur; quodque ad externam pertinet commendationem, ac totius vitæ bonam directionem. Ingenium potius & judicium, quam sola memoria, spectetur ac juvetur. Non scholæ, sed vitæ, discendum. Cognitio linguarum & scientiarum, verborum ac rerum, conjungatur. Ratio docendi ad rerum naturam, discendum facultatem, numerum, scopum, accommodetur. Confusio, nimia varietas & festinatio, cane pejus atque angue fugiantur. In linguis addiscendis usus potius atque exercitatio, quam nugæ ac minutæ grammaticæ, spectentur. Repetitio sit anima studiorum. Audita reddere & proponere ipsi jubeantur alumni. Exercitationes eloquentiæ sint crebriores. Nihil discatur, vel in infimis ordinibus, in spem venturæ oblivionis; sed discendorum legitimus sit ordo, ut pergat alter magister, ubi antecessor desit. Nemo nisi aptus & idoneus recipiatur, aut in superiore ordinem promoveatur. Singulis artibus potius, quantum fieri potest, singulæ classes constituantur, tractandisque

audisq; & absolvendis certum temporis spatium definia-  
tur. Publice non nisi omnibus utilia doceantur; cetera pri-  
vatum. Attentio studiose suscitetur. Diligentia promovea-  
tur ac sustentetur præmiis, beneficiis, atque aliis auxiliis.  
Et quæ hujus generis alia monita, maxime salutaria, restant;  
quæ si quis, judicio pollens, & præconceptionis opinionibus ca-  
rens, legerit, facile consentiet, multum ad optatam schola-  
rum emendationem collatura.

*HERMANNI FRIDERICI TEICHMEYERI, HÆRE-  
ditarii in Camsdorff & Wenigen-Jena, Phil. & Med. Doct.  
Anat. Chirurg. & Botan. P. P. O. Sereniss. Saxonie Du-  
cum Vinariens. & Isenacens. Consil. Aul. & Archiatri,  
Academ. Nat. Curios. Imperial. Leopold. Carolinæ & Reg.  
Societat. Scient. Borussicæ Sodalis, Institutiones materie  
medicæ, sive introitus apertus ad materiam medicam, &  
methodum medendi, in usum auditorum conscriptæ. Ac-  
cedit PAULI HERMANNI, Medici & Professoris Lug-  
duno-Batavi, dum viveret, Celeberrimi, Lapis materiæ me-  
dicæ Lydius, a D. CHRIST. LUDOV. WELSCHIO  
antea editus.*

Jenæ, sumptibus Jo. Adami Melchioris, 1737, 4. —

Alph. I. plag. 12.

**V**aleat maxime de *Teichmeyer* libris, quod, si unum noris, omnes  
novisse videaris. Omnes enim ad eandem normam composuit,  
quoniam ubique eandem finem, auditorum scilicet suorum emolu-  
mentum, quibus, ut alios suos libros, ita & hunc, in recitationibus  
suis Academicis explicare constituerat, respicere solebat. Breviter  
scilicet nervoseque omnia complexus est, quæ ad disciplinæ suæ ar-  
gumentum pertinere intellexerat. Eodem enim modo & hic de me-  
dicamentorum, e. g. emeticorum, sudoriferorum, &c. definitione,  
elementis & particulis constitutivis, morbis, quibus conveniunt,  
usque practico, iis, quæ usum vetant, sive, ut vocantur, contrain-  
dicantibus, abusu, regimine, & cautionibus, agit, & deinceps sylla-  
bum remedium, cuius classi adscribendorum, longo ordine, sed  
solis nominibus, percerens, qui, quoniam more in formulis medici-  
nalibus consueto contextus fuit, maximum libri spatium conficere  
videtur. Neque enim in omni medicamentorum classe textus  
æqualiter amplius reperitur, quoniam momenta, quæ jam comme-  
moravimus, non omnia perstringuntur, sed nunc plura, nunc pau-  
ciora. *Caput* de Salivatione reliqua amplitudine superat. Non-  
nulla alia *Capita* vix decem duodecimve lineis constant.

# NOVA ACTA ERUDITORUM,

*publicata Lipsiæ*

*Calendis Aprilis Anno MDCCXLVII.*

PROSPERI CARD. LAMBERTINI, POSTEA BENEDICTI XIV, P. M. *Commentarii duo, de D. N. Jesu Christi, matrisque ejus, Festis, & de Missæ sacrificio, retractati atque aucti.* Ex Italico in Latinum sermonem vertit MICHAEL ANGELUS DE GIACOMELIS, ex intimis Autoris Capellanis.

Patavii, typis Seminarii, apud Joannem Manfrè, 1745, fol. maj.

Alph. 6 plag. 14.

**Q**UÆ A. 1740 Italico sermone prodierunt Cardinalis Lambertini *Annotationes cum in Festa Jesu Christi et Mariæ, tum in Missæ sacrificium*, novo nunc et Autore, ad summum Romanæ Ecclesiæ fastigium evecto, plane digno conspiciuntur habitu, ita adornatæ, ut, cum amplissimum Autoris Opus *de Servorum Dei beatificatione, et Beatorum canonizatione*, ab eodem typographo paulo ante quatuor Tomis evulgatum sit, istæ *Tomum quintum Operum B. Patris* constituere posse videantur. Cave autem, credas, præter externum habitum, et Latini sermonis cum Italico factam commutationem, nihil in opere ipso fuisse immutatum. Hujus enim conscribendi laborem Autor, qui tunc Bononiensem regebat ecclesiam, hanc potissimum ob causam suscepit, ut partim iis subveniret, quorum est, diebus festis commissum sibi populum de illis mysteriis pro cœnacione docere, partim, qui in Bononiensi diœcesi sese Deo et Ecclesiæ voverant,

sant, Fratres excitaret, animum ut ad dogmata Theologiæ converterent, nec, Scholasticæ Theologiæ spatio decurso, cōfarent, sed ad sacras historias, et controversias, quæ in iis disceptantur, cognoscendas transirent. Continebantur itaque in libro Italice edito *Annotationes ad Acta Sanctorum ecclesiæ Bononiensis*, nunc plane summo, tum ne præter modum cresceret voluminis magnitudo, tum quod illa Acta non ad universalem, cujus usibus nova hæc versio accommodata est, sed ad Bononiensem tantum, ecclesiam pertinebant. In earum locum varia successerunt additamenta, quæ Autor subcisivis paravit temporibus, cum ipsi a publicis curis, in domestica Bibliotheca secluso, paulum licuit respirare.

His præmissis, ad argumentum novi hujus Operis cum Le-  
ctoribus breviter communicandum nosmet accingimus. *Voluminibus duobus* constat, quorum prius, de *Festis Jesu Christi, matrisque ejus*, posterius de *Sacrificio missæ*, tam copiose, tam docte, tam luculenter, agit, ut, quæcunque apud veteres recentioresque scriptores ad illas res pertinentia reperit *Lambertinus*, ea fere omnia congesta, et bene disposita, huc conjecisse videatur. *Voluminis prioris Partes sunt duæ. Prima* Jesu Christi Festa secundum Calendarium, seu Ecclesiæ Romanæ fastos, solenter pertractat, a nobis quoque enumeranda. 1) *Festum circumcisionis, & Octava natiuitatis ejusdem*, quæ Cal. Januarii celebrantur. Expōsit, quæ et de institutione circumcisionis, et de illius effectibus, et de circumcisione Christi speciatim, opportuna videbantur, de ipso festo dicitur, quod sit Sacramenti commemoratio, & circumcisiū Dominum adoramus. Inter alia, circumcisionem non ab Ægyptiis ad Hebræos, sed ab his ad Ægyptios, profectam esse, contra *Marshallum & Spencerum*; neque eandem ut Sacramentum Vet. Testamenti per se gratiam justificantem contulisse, contra illos disputatur, qui Sacramenti Vet. Testamenti eandem cum his, quæ Christus in Novo instituit, virtutem tribuunt. Ante finem Seculi quarti videtur hoc Festum cœpisse celebrari. 2) *Festum Epiphaniæ*, quod postridie Nonas Januarii celebratur. Tres hac die recoluntur Christi apparitiones ab Ecclesia. Comme-

Pag. 1.

2.

3.

11.

12.



Commemoratio fit *adorationis Magorum*, qua Dominus com-  
 monstratus est gentibus; *baptismatis*, quod a *Joanne* suscepit,  
 cum, voce delapsa de cœlo: *Hic est filius meus dilectus*, Ju-  
 daeis innotuit; et *conversionis* denique *aquæ in vinum*, qua fa-  
 ctus est manifestus discipulis. Sed, num terna hæc miracula Pag. 170  
 eodem anni die contigerint, apud ipsos Pontificios ita adhuc  
 disceptatur, ut *Baronius*, quocum Autor noster et plurimi  
 magni nominis Theologi faciunt, cum litem dirimit, bina  
 priora tantum isti diei vindicet, ultimum autem eodem qui-  
 dem anno, at diverso plane die, factum esse, contendat. Va-  
 riaz circa tres illas apparitiones quæstiones notantur & expli-  
 cantur, v.g. quamam stella magorum fuerit; quot magi; quæ  
 horum nomina; qualis titulus & conditio, & patria; ubi Chri-  
 stus a Magis repertus sit; quo cultu ipsum adoraverint; num  
 Christus ante baptismum *Joannem* Baptistam, & hic Christum,  
 de facie noverit; an baptismus *Joannis* ejusdem virtutis fuerit  
 cum baptismo Christi; quamam ratione Judæi usi sint, con-  
 fitendi apud *Joannem* peccata; quæ virtus fuerit remissionis  
 peccatorum, seu absolutionis, a *Joanne* factæ; cur Christus ba-  
 ptizari voluerit; utrum per immersionem, an vero per per-  
 fusionem, in capite factam; an aqua in nuptiis in rubrum  
 vinum conversa; quis sponsus fuerit; quæ hydrix; cur *He-  
 rodes* infantum eadem distulerit, eosque a bimatu interfici jus-  
 serit; quæ Festi Epiphaniæ origo, celebritas, et vetustas;  
 quibus miraculis illud festum in ecclesia illustratum sit; quæ-  
 nam consuetudo illud celebrandi, tum apud Orientales, tum  
 Occidentalis Ecclesiæ, Christianos servata sit, et hodie serve-  
 tur; reliqua. Nimis quidem operosum foret, cujuslibet dis-  
 cussionis indicare summam; pauca tamen delibare, & specimi-  
 nis instar lectoribus allegare, juvabit, ut & instituti ratio, &  
 dicendi materia, et methodus, qua usus est *Lambertinus*, eo  
 pateant luculentius. De *stella magorum*, inquit, nihil aliud  
 nobis exploratum est, quam, ut sapienter monet *Lamy*, in-  
 solitum quendam fulgorem eorum in se oculos convertisse, 180  
 qui sideribus contemplandis operam dabant, eorumque ani-  
 mos monuisse, ut de re aliqua magna, inusitata, nova, inaudita,

- cogitarent, quæ tum temporis accidisset. Tres fuisse Magos, neque plures, neque pauciores, recepta, & multis recentiorum testimoniis hic confirmata, docet ecclesiæ sententia: Quæ vero nomina ipsorum fuerint, de hoc nihil nobis esse compertum, prudenter cum affirmat Autor, id tamen non eo vult dictum, ut Coloniensis ecclesiæ piæ traditioni quidquam detrahatur, quæ Magos sub nominibus *Melchioris, Casparis, et Balsaris*, veneratur. Reges fuisse Magos, saltem Dynastas, opinione quidem creditur valde probabili, sed nusquam habetur in Ecclesia Catholica articulus fidei. Ex Arabia Berthehemum profecti tres illi sancti, tredecim post diebus a nativitate Christi ad præsepe hujus adierant, & puero, ut Deo thus, ut Regi aurum, ut homini myrrham, offerebant, Deum et hominem in una eademque persona de venerati. Quæstionem de virtute baptismi *Joannis* dijudicaturum, tria baptismata, quorum Scriptura meminit, bene oportet distinguere. Primum erat *Judeorum*, nimirum sacra quædam cerimoniam, qua vel se præparabant, si quid inceptarent, vel ad aliquam legalem maculam eluendam utebantur. Alterum est *Baptisma Joannis*, quo homines ad sanctificationem per Christi baptismum suscipiendum præparabantur. Disponēbat enim hoc tantummodo ad gratiam, non conferebat; neque ejus effectus, sed tantum ritus, a Deo fuit. Tertium denique est *Jesu Christi Baptisma*, vi sanctificandi, et remittendi peccata, præditum. Judæis confessio peccatorum *Joanni* facta neque Sacramentum erat, neque per *Joannem* ita remittebantur peccata, ut per confessionem a Christo institutam fieri, Ecclesia novit. Christus baptizandus omnino in aquam immerfus est, cum Spiritus sanctus non phantasticæ, sed veræ, columbæ forma delaberetur. Vinum in nuptiis Canæ Galilææ in vinum rubrum conversum fuisse, negatur, propterea quod, architriclinium mutationem aquæ in vinum demum gustando deprehendisse, constat, qua re opus non fuisset, si in oculos incurrisset color mutatus. Sponsus in his nuptiis non fuit *Joannes* Evangelista, sed vel *Simon Cananæus*, vel *Nathanael*. Cum non defuerunt, qui religionis impulsu hydrias illas nuptiales conservarent, quæ Lutetiæ Parisio-

Parisorum, Coloniz, Bononiz, et alibi, asservantur, in sua ve-  
 nerationis professione possunt relinqui. Stella non ante illu-  
 xit, quam Christus Jesus natus esset; Magis autem, non e Per-  
 side, seu Chaldaea, sed ex Arabia, profectis, tredecim post dies  
 Bethlehemum venire, perquam facile erat. Fuga Christi in  
 Egyptum non nisi post quadraginta dies a nativitate ejusdem  
 contigit. Proinde, qui ex mandato *Herodis* de infantibus tru-  
 cidandis alia ac plane diversa colligunt, ex ipsa Evangelista-  
 rum narratione refelli possunt. Facili negotio. *Matthaeus* enim  
*Cap. II* scribit: *Cum ergo natus esset Jesus in Bethleem Juda in*  
*diebus Herodis Regis, ecce Magi &c.* Vox autem *ecce* non  
 adhiberi solet rebus indicandis, quæ longo post tempore con-  
 tingerunt, & certe duorum triumve annorum, quem scripto-  
 res quidam fingunt, interjectum prorsus excludunt; neque ex  
 Evangelio erui quidquam potest stabilienti ipsorum opinioni  
 idoneum, cum *Herodem* metu et pavore, veluti furis, miserrime  
 divexatum, ne in re, quam agitabat animo, nullus esset  
 errandi locus, in eam partem peccare maluit, ut furorẽ  
 suum, etiam ubi non esset opus, quam latissime funderet, et  
 ad bimulos etiam pueros crudelitatem suam proferret. Tanta  
 hujus Festi apud veteres semper fuit celebritas, ut illi vel im-  
 piissimi Imperatores, e. g. *Julianus* Apostata, *Valens*, &c. ad-  
 esse voluerint. Christiani, teste *Chrysostomo*, media nocte  
 ab Ecclesia, in memoriam baptismatis Christi, quo aquæ sunt  
 consecratae, domum asserre solebant aquam, eamque ad annum  
 integrum, seu plures, incorruptam reservare. Hujusmodi mi-  
 racula aquæ benedictæ, per multos annos nullo vitio infectæ, in  
 Ecclesia plura contigere. Fontes varii hoc ipso die vino ma-  
 narunt, uti *Epiphanius* memoriz prodidit, neque *Casaubonus*,  
 etsi secta Calvinianus, in dubium vocare ausus est. In orientali  
 ecclesia Epiphania eodem cum Festo nativitatis celebrabatur  
 quondam die; in occidentali autem festa hæc dies semper sex-  
 ta Januarii, at non una ratione, celebrata est. In quibusdam Ec-  
 clesiis præbant Vigilia atque Jejunium; nunc vero tantum Vi-  
 gilia sine Jejunio. In quarundam civitatum ecclesiis etiamnum  
 fit benedictio aquæ in Vigilia Epiphaniæ. Inter alia, quæ ad

Officium hujus diei sanctum pertinere docet Autor, hoc prætereundum nobis non esse ducimus, quod hac die in Missa, quæ in Ecclesia Cathedrali solenniter celebratur, post Evangelium Archidiaconus, vel Canonicus, vel Beneficiarius, seu quivis alius, secundum locorum consuetudinem, totius incunantis anni Festa mobilia populo e suggestu denuntiet.

- Ex his cum facile judicare possit sapiens Lector, quam & quibus rebus narratio singulorum Festorum in hoc Opere instructa sit; huic Festo diutius immorandi neque tempus, neque spatium, habentes, ad reliqua progredimur, id operam daturi, ut potiora Operis capita Lectores per transennam videant. 3) *Sanctissimi Nominis Jesu Festum* celebratur secunda post Epiphaniam Dominica. Quamvis enim in circumcisionis die hujus rei jam facta sit mentio; pietas tamen fidelium postulare creditur, ut certa quadam et peculiari die idem Festum instaureretur. Officium hujus Festi, quod antea Franciscanorum familiæ tantum solenne erat, *Innocentius XIII, Caroli VI* Imperatoris precibus inductus, A. 1721 universali ecclesiæ commendavit. 4) De officio, *Dominica Palmarum* institui solito, acturus Autor, integram Evangelistarum narrationem *Matth. XXI, Marc. XI, Luc. XIX*, de ingressu Christi in urbem affert, explicat, & quæstionibus cum utilibus, tum curiosis, nec injucundis, animos lectorum, ut per totum Opus, studet recreare. Ritus ecclesiæ, quorum sit descriptio, præcipui sunt, processio in memoriam triumphalis Christi ingressus, consecratio palmarum, et præterea multa alia, quæ olim in hac Dominica, sive apud Orientales, sive apud Occidentalis Ecclesiæ Christianos, servabantur, nunc autem obsoleverunt. Tum 5) de *Matutinis tenebrarum* agitur, quæ *quarta, quinta, et sexta*, feria magnæ hebdomadis vespere recitantur. Præter ea, quæ ad officium sacrum et varios ritus hoc lustruosissimo ecclesiæ tempore spectare videntur, 6) ad *Feriam quintam in Cæna Domini*, & 7) ad *sextam in Parasceve*, de ultimo, quod Christus celebravit, paschate, de instituto Christi et Romanæ ecclesiæ, abluendi pedes, de institutione S. Cænz, de prodicione *Jude*, de passione & morte Servatoris, ponderosas sane, difficiles, imo

imo plures, quaestiones et ardui momenti res, non levi brachio, sed operose, pertractatas deprehendimus. Christum verum Pascha cum Judæis celebrasse, legali cœna expleta pedes Apostolorum lavisse, tum in vulgari cœna Sacramentum instituisse, suum ipsius corpus et sanguinem sumnisse, idemque tradidisse proditori *Jude*, inter alia multis argumentis & suffragiis, quæ instar argumentorum plerumque esse solent, evincitur. Ultimis cruciatibus, dictis, factisque, Jesu Christi solerter expensis, quæ mortem ipsam insecuta sunt, allegantur prodigia et miracula, atque hæc tam e profanis, quam ex sacris, scriptoribus vindicantur. Servatorem sepultum 8) *Sabbatum sanctum* excipit, feria hebdomadis septima, quo quietem Christi in sepulcro, descensum ad inferos, et ea, quæ ad statum animæ Christi a corpore separatæ pertinent, recolat Ecclesia Romano-Catholica. Variis, quæ in controversiam hic vehire solent, excussis, cum in Sabbathi sancti cerimoniis etiam resurrectionis celebrari soleat mysterium, sequentis Festi argumentum præoccupatur, & de resurrectione ipsa sermo instituitur. Tractationem omnem in quinque *Capita* divisam ita voluit Autor, ut *primo* veritatis resurrectionem demonstraret; *secundo* de tempore & hora, qua Christus revixit, disserat; *tertio* hujus rei circumstantias afferat; *quarto* de qualitate agat corporis resurgentis, & *postremo* de iis sermonem habeat, qui resurrexerunt cum Christo. Brevibus hæc expediuntur, quo & disciplinæ, & cerimoniis, aliisque ritibus, cum vetustis, tum novis, enarrandis locus sit, quæ in ecclesia hoc die in consuetudinem abierunt. 9) *De Dominica Pascha*, ac de duobus *Festis*, quæ consequuntur, jam non est, quod disputer Autor præter originem festi ac vocis, & dissensum Ecclesiarum Asiæ a Romana de tempore celebrandi Paschatis paucis memorandum. 10) *Festum Ascensionis* celebratur Feria quinta, quæ Dominicam quintam post Pascha consequitur. Hæc, quam ingressus est Autor, tractandi ratio cum postulet, ut, quæcunque de rebus Christi a resurrectione ad ascensionem gestis in Evangelistarum historia ultimam paginam faciunt, in disquisitionem veniant; nihil prætermisum est, quod de variis reducis Christi e sepulcro

Pag. 56.

66.

70.

134.

149.

156.

167.

174.

176.

- Pag. 164. sepulcro apparitionibus, quarum prima B. Virgini facta esse creditur, de qualitate corporis, de novis miraculis Christi, de potestate *Petro* data, ut caput esset universæ ecclesiæ, quod
181. argumentum vix digito attingitur, de morte *Joannis* ad *Jo. XXI, 22*, de baptismo Apostolis, qui & ipsi ante ascensionem baptizati esse perhibentur, demandato, de benedictione super Apostolos ultima, de ascensione ipsa secundum singulas circumstantias, & de variis denique, ad statum exaltationis pertinentibus, videbatur memorabile.
196. Non minorem ad solennitatem: 11) *Festi Pentecostes* designandam. Autor industriam adhibet, monumentum rerum hoc die & ante gestarum ex *Act. Apost. I, 15, II, 1-47*, multa & varia disputatione illustrat, ac tandem, quos ritus Romana Ecclesia huic Festo sacros esse jubeat, edocet. 12) *Festo Trinitatis* breviter immorato, & 13) ad *Festum Corporis Christi* progredienti, major dicendi, & cum de origine, variis Sanctorum visionibus, & portentosis narratiunculis, conspicua, tum de cultu hujus Festi rite instituendo, quidem se offerebat disputandi materia, sed, id cum indicasset *Lambertinus*, quod summa causæ erat, modum orationi posuit, 14) ad *Festum Inventionis S. Crucis* provolans, quod die 3 Maji solenne habetur. Hic cum non unius miraculi veritatem in dubium vocare audeant, quos dicit, hæretici, id sibi potissimum negotii datum esse credidit, ut & ista, quæ de forma Crucis in cælo a *Constantino M.*, dum pararet exercitum, repente visa memorant, & hæc, quæ de inventione crucis, qua Christus affixus est, cum duabus aliis, *S. Helena* imperante effossis, fabulantur scriptores, ab audaciorum, uti vocantur, hominum vindicet argutiis. At majori longe fide digna sunt, quæ 15) *Festo transfigurationis Domini* die 6 Augusti celebrando anam præbuere, ex limpidissimis sacri Codicis fontibus *Matth. XVII, Luc. IX*, hausta, observationibus & interrogatiunculis hic doctè amplificata. 16) *Festum Exaltationis sanctissimæ Crucis*, quod die 14 Sept. in memoriam crucis hostibus ereptæ celebrant, eandem, quam *Festum Inventionis*, diligentiam flagitat; hoc autem, quod Ecclesia vere Catholica ubivis terrarum die 25
- Decem-

Decembris solenne esse jubet. 17) *Natalis Domini Jesu Christi* Pag. 230.  
*sti* festum præ ceteris multis dignum erat, cujus originem, 250.  
 beneficia, & cultum, longa Dissertatione, at docta, utili, jucunda, Autor exponeret. Quicquid enim de Christo nascente Scriptura tradit, sacri interpretes commentantur, alii disputant, alii fabulantur, hic fere congestum, aut judicatum, aut notatum, aut delibatum, inveniet lector.

Verum ad *prioris Voluminis Partem secundam* accedimus, qua *Beata Maria Virginis Festa* recensentur. Horum notasse sufficiet nomina, dies, &, sicubi opus erit, præ celebritatis causam atque originem. 1) *Festum Desponsationis B. Mariæ cum S. Joseph*, die 23 Januarii. Illa enim, quamvis perpetuam virginitatem Deo, primo *sub conditione*, deinde absolute, vovisse statuatur, verum tamen cum *Joseph* iniisse creditur matrimonium, antequam angelus ipsi nasciturum ex ipsa Dominum annuntiaret. 2) *Festum Purificationis*, die 2 Februarii. 3) *Festum Annuntiationis*, die 25 Martii. In utroque Festo quarum rerum memoria sit solennis, ex ipsis Evangeliiis notissimum est. 4) *Festum Dolorum B. Virginis*, feria 6 Hebdomadis Passionis, seu die Parasceves, quo Christus crucifixus est, ad *Luc. II, 35*. 5) *Festum Visitationis B. Mariæ* *Luc. I, 39 seq.* 6) *Festum B. Virginis de Monte Carmelo*, die 16 Jul. In eo monte, traditio est, adhuc vivæ B. Virgini ædiculam esse extructam a piis quibusdam viris, qui eam noverant, quique *Joannis Baptista* prædicatione Christi adventum satis cognitum habentes, Evangelium amplexati, quotidie illuc convenire consueverant, ex quo nomen Fratrum Montis Carmel illis inditum esse creditur. Huc, fabulari pergunt, venisse *Vespasianum*, percontatum, an, quod agitare animo, futurum esset, sibi ut bene verteret, & fausto responso a *Basilde* sacerdote dimissum. Sed fabula ipsi Autori ita displicet, ut, hoc, quemadmodum alia plura, *pie tantum creditum* esse, pronuntiet, & cum hoc ipso, tum etiam alia occasione, monitos esse lectores velit, multa in Ecclesia Romano-Catholica *pie credi*, & in ejusmodi Festis populo pie credulo proponi, quorum aut non constet veritas, aut falsitas in

- aprico sit. Alia tamen, neque minus miranda, celebrandi hujus Festi in promptu est ratio. Apparuit B. Virgo *Simoni Stockio*, Ordinis Carmelitarum Seculo XIII ineunte Generali, deditque tanquam Ordinis Carmelitani tesseram *scapulare*, in præcipuæ protectionis suæ peculiare signum; deinde quinquaginta post annis eadem *Joanni XXIII*, Summo Pontifici, apparuit, eumque monuit de plurimis indulgentiis, quas a Christo, filio suo, Fratribus & Sororibus Carmelitani Ordinis impetrasset, addita promissione, se, quotquot Carmelitano *Mariæ* cultui addicti fuerint, primo post eorum obitum Sabbatho a purgatorii igne erepturam. Quas indulgentias cum Pontifex die 3 Martii A. 1322 promulgasset, & *privilegium* ob eam rem *Sabbathinum* diceretur, & de visione *Stockii*, & de *Joannis XXIII* Bullæ autoritate, diu vehementer et ancipite prælio inter ipsos Romano-Catholicos dimicatum est, donec *Paulus V*, rei Carmelitarum prospiciens, novo decreto contentiones diremit. Quod antea Carmelitarum Ordini tantum institutum esse voluerunt Festum Pontifices, *Benedictus XIII* universæ ecclesiæ paucis abhinc annis solenne esse iussit. 7) *Festum dedicationis Ecclesiæ S. Mariæ ad Nives*, seu Basilicæ *S. Mariæ Majoris*, die 5 Augusti. Templum, de quo sermo est, Romæ in Exquilino monte situm, perpetuæque Virgini *Mariæ* consecratum, inter alia, quæ ibi contigisse ferunt, miracula, nomen propterea ad *Nives* nactum est, quod, *Liberio* Pontifice, ipsis Nonis Augusti, quo tempore gravissimi Romæ esse solent calores, precibus pii cujusdam *Joannis* noctu nix in Exquilinum collem delapsa, & *Joannes* ipse per somnium a B. Virgine monitus, dicitur, ut in ea collis parte, quam nive tectam videret, templum exstrueret, suoque nomini dedicaret. Quod cum *Joannes Liberio* Pontifici nuntiasset, & hic idem sibi a B. Virgine per somnium significatum esse affirmaret, templum *Joannis*, ejusque uxoris, sumptibus exstructum est.
287. Ex æstivæ nivis miraculo igitur solennitas hujus Festi tanta est, ut ista Dedicatio Romæ non solum, sed in omnibus universi orbis Ecclesiis, jam celebretur. 8) *Festum Assumptionis B. Virginis*, ad diem 15 Augusti. B. Mariam vere mortem quidem



quidem obiisse, paulo post tamen quoad corpus & animam in coelum sublatam fuisse, vera est ecclesiæ Romano-Catholicæ sententia. Christo *adsensionem*, Matri ejus *assumptionem*, tribuunt. Hanc autem Deiparæ assumptionem, quanquam non inter articulos fidei referatur, qui tamen negaverit, eum temeritatis summæ notandum Autor statuit; quid? quod longa disputatione studet comprobare. 9) *Festum Nativitatis B. Virginis*, die 8 Septembris. Ubi cum de die soloque natali *Mariæ* disquiritur, etiam parentum *B. Mariæ* & Festorum, quæ in honorem ipsorum Ecclesia instituit, injecta est mentio. 10) *Festum Nominis Mariæ*, Dominica infra Octavam Nativitatis. Quanta nominis *Mariæ* sit in Ecclesia veneratio, vel ex eo apparet, quod non solum haud pauci perhibent, ex angelica revelatione hoc nomen ipsi inditum fuisse, sed etiam, idem nomen mirabiliter conferre ad æternam salutem etiam ex opere operato, sicut valent aliqua alia sacramentalia, Theologi quidam existimant. 11) *Festum B. Mariæ de Mercede*, die 24 Septembris; quod originem suam novæ apparitioni *B. Virginis* debet, qua Arragoniæ Regem, *Jacobum*, aliosque Sanctos, monuit, ut in sui honorem Ordinem religionum hominum instituerent, cujus liberandorum & Turcarum servitute Christianorum partes essent præcipuæ; a quibus Sanctis deinde *Regularis Ordo sub Invocatione B. Mariæ de Mercede Redemptionis captivorum* primordia sumit. 12) *Festum Rosarii Beatissima Virginis*, prima Dominica Octobris. Hujus cultum antequam exponeret Autor, ipsum Rosarium, sive formulam precandi, ab objectionibus vindicandam duxit, & morem, ad globulos salutationes angelicas recensendi, pervertutum esse, ut lectoribus persuaderet, allaboravit. 13) *Festum de Patrocinio B. Virginis*, in tertia Dominica Novembris; id quod memoriam orationis & intercessionis *Mariæ* pro hominibus apud Deum celebrat, institutum non universæ Pontificiorum Ecclesiæ, sed ecclesiasticæ tantum ditionis, provinciis, & Hispaniarum Regi subiectis, est solenne. 14) *Festum præsentationis B. Virginis*, die 21 Novembris, in memoriam mysterii, uti quidem hic appellatur, quo *B. Virgo* a suis

- parentibus in templo præsentata est. Quo autem, quæ ad imitationem Festorum Christi de cultu *Mariano* huc usque
- Pag. 316. sancita videt Lector, perficiantur, additum est 15) *Festum Conceptionis B. Virginis*, die 8 Decembris. Hanc enim cum non sanctificatam in utero, sed a communi omnium hominum contagione & originali labe, per gratiam, in primo conceptionis momento infusam, prorsus immunem factam fuisse, affirmant, merito cultu religioso persequuntur ejus rei memoriam.
322. Gravem satis igitur in ipsis ecclesiæ visceribus ea de re agitatam controversiam ita dijudicat Autor, ut, Ecclesiam ipsam immaculatæ conceptioni favere, nondum tamen Apostolicam Sedem eandem tanquam fidei articulum definiisse, statuatur. 16) *Festum Translationis sanctæ Domus Lauretanæ*, die 10 Decembris. 17) *Festum expectationis partus B. Virginis*, die 18 Decembris. 18) *Officium S. Mariæ in Sabbatho*; cum qualibet Sabbathi die non impedita Officium de S. Maria soleat recitari.

## Vol. II.

- Ad alterum *Volumen* nunc properandum est paucis memorandum, ne Lectorem moremur justo diutius. Commentarium de sacrificio Missæ continet, eorum in usum conscriptum, quorum est, populum docere de ritibus, cerimoniis, aliisque, quæ ad Missam pertinent, & sacrificium facere. In duas ille *Sessiones* divisus est, quarum *primæ* sequentia complectitur capita: 1) de loco, in quo primis ecclesiæ seculis ac mediæ ævi temporibus Missa celebrabatur, ubi templorum consecrationem ex Apostolica institutione comprobatur it Autor;
6. 2) de altari, quod lapideum esse debet & consecratum, & ornamentis, quibus debet instrui, ut in eo Missæ sacrificium rite fieri possit; 3) de vasis sacris, aliisque, ad sanctum Missæ sacrificium celebrandum necessariis, Calice, Patena, Corporali, Purificatorio, Palla, Velo, Bursa, Ampullis, Vino, &
14. Aqua; 3) de vestibus sacerdotalibus, coloribus, earumque
22. vestium significatu; 4) de ministro, qui sacerdoti celebranti inservit, de ablutione manuum, antequam sacerdos sacras vestes induat; de Psalmis & Orationibus, in præparatione ad
34. Missam a sacerdote recitandis; 5) de etymologia Missæ, &
36. qua

qua lingua recitanda sit; 6) de <i>Missæ initio usque ad introitum</i> ;	42.
7) de <i>introitu Missæ usque ad Evangelium</i> ;	46.
8) de ea <i>Missæ parte, quæ Evangelium inter &amp; Offertorium interjicitur</i> ;	59.
ubi & Symbolorum sit mentio; 9) de <i>Missæ ab Offertorio usque ad manuum ablutionem</i> ;	67.
10) de <i>Missæ ab ablutione manuum usque ad Canonem</i> ;	74.
11) de <i>Canone Missæ</i> ; 11-16)	80.
de prima, secunda, tertia, quarta, quinta, sexta, <i>Oratione Canonis</i> ;	
17) de <i>Missæ ab iis verbis, Oremus præceptis &amp;c.</i> usque	84-119.
ad <i>Communionem</i> ;	
18) de <i>Communione Sacerdotis</i> ;	130.
19) de <i>Communione populi</i> ;	
20) de <i>Orationibus, quæ submissa voce dicuntur in Missæ</i> ;	144.
21) de <i>Missæ a Communione usque ad finem</i> .	152.

*Sectio secunda* variis casus circa sacrificium Missæ continet, qui proponuntur & resolvuntur. Horum tam ingens est multitudo, ut describendis nudis quæstionibus tantum operæ & spatii tribuendum esset, quantum totius Operis enarratione vix consumimus. In utroque Commentario circa hæc, quæ leviter indicavimus, argumenta, imo longe plura, ita Autor Summus versatus est, ut, utrum insignem & Antiquitatum & Historiæ, tam sacræ, quam profanæ, & universæ Theologiæ, & legum ecclesiasticarum, notitiam, an vero lectionem Patrum, scriptorumque, qui inter Romano-Catholicos præcipui sunt, quin & Protestantium, diffusam; ordinem, dictionis genus grave, moderatum, luculentum, admireris, certe incertus sis. Traditionum & doctrinarum, quas Ecclesia, cujus summas hodie tenet, constanter servat & propugnat, ingenuus amator & defensor, nugæ & quisquilias otiosorum in monasteriis hominum, quarum *Baronius*, *Bellarminus*, aliosque enunciatæ uariis viros, puduit, haud raro refellit, præterit, aut unicuique sua pie credenda relinquit; præclaris vero, quæ Gallia tulit, ingeniis, *Launojo*, *Nat. Alexandro*, *Tillemontio*, & ipsorum in re sacra ausis, rarissime favet, sæpe alienum, aut offensum, se præbet. E Protestantibus hi, quorum interest, nosse Ecclesiæ Romanæ traditiones, adhuc vigentes, speciales doctrinas, & domesticas controversias, isto utantur Cornu copiæ. Utilia fructum, curiosa delectamentum, dabunt.

THESES JURIS PUBLICI AD LEGES FOEDERATI Belgii fundamentales, Præside CHRISTIANO HENRICO TROTZ, Jcto, Publ. & Priv. Jur. Antecess. commilitonum disputationi subiectæ.

Franequeræ, excudit Gulielmus Coulon, Illustr. Frisiz Ordinum atque eorundem Academia typographus ord.

1745 & 1746, 4.

Alph. 2 plag. 6.

**A**ntiquus error est, qui non paucorum insedit animis, ut res domesticas atque patrias spernant, & peregrinis duntaxat cognoscendis omne studium atque operam impendant. Quo vero turpius, & viro docto indignius, est, patriæ res, instituta, & leges, ignorare, eo certe majorem laudem atque applausum meretur Cel. Trotzii institutum, qui singularem & egregiam, qua pollet in omni Jurisprudencia, peritiam ad illustrandas patriæ suæ leges fundamentales transtulit, juvenesque nobilissimos, qui sub ipsius auspiciis ad penitorem legum cognitionem pervenire laborant, ad eandem patrii Juris cognoscendi cupiditatem allexit. Loquuntur hoc duodecim Thesium specimina, quæ cum erudito orbe communicavit, quibus ipsas Belgii leges fundamentales, patrio sermone conscriptas, & inter eas Privilegium Mariæ Burgundicæ, præmisit, ad quarum illustrationem istæ Theses, a juvenibus quibusdam optimæ spei, quorum etiam nomina singulis speciminibus præfixa sunt, sub Cel. Autoris Præsidio in cathedra defensæ, faciunt. Ut igitur, quale pretium hisce lucubrationibus statuendum sit, Lector cognoscat, ex illis quædam excerpta, exempli loco, nunc afferemus. Sub initium statim ea proponit, quæ a Juris publici interprete requiruntur. Jus publicum adeo foederati Belgii jure naturæ, sive publico universali, jure patriæ privato, doctrina politica, quin & historia Comitum Hollandiæ & confœderatorum diplomatica, niti, neutiquam vero cum his studiis confundendum esse, monet Cel. Autor. In officiis JCU non solum ponit

ponit legum patriarum interpretationem, & ad facta applicationem, verum etiam, navos harum legum Juris interpretem indicare debere, contendit. Consilium Regis Angliæ *Henrici VIII* de seminario ministrorum publicorum, sive schola politica, instituenda ipsi egregie arridet, cum non semper is, qui excellentius se in literarum studiis gerit, ad publica negotia sit idoneus. Belgas, quamvis inæquali fœdere Romanis juncti fuerint, jus tamen majestatis retinuisse, ex *Grotio* docet. Abusos vero Romanos jure fœderis fuisse, ex *Taciti Lib. IV Histor. Cap. 14* comprobare satagit. Comitès, qui, potentia nimium confisi, regnum affectarunt, contra leges patrias, & jus naturæ, peccasse, docet, hancque rem exemplo *Florentii V* illustrat, cujus res, & motus, per eum excitatos, fufius persequitur. Majores Belgarum legibus suis procœmia adjecisse, laude dignum censet. Errare illos, constituit, qui, jubere solum, non ratiocinari, legislatoris esse, putant. Immo hanc ipsam esse notam status popularis, in quo leges, ratione & consensu suffultæ, civibus insinuentur, non obtrudantur, docet. Munus gubernatorum jam ante Burgundos cœpisse, neque tantum absentibus Comitibus fuisse gubernatores constitutos, ob Instrumentum, quod *Schrevelius* in *Harlemo pag. 176* affert, Cel. Autori vero videtur simile. Incolas regionis, in statu libero constitutæ, minus recte subditos dici, verum cives dicendos esse, dicitur, remque exemplis, ex Instrumentis Comitum depromtis, ubi semper cives, non subditi, memorantur, illustrat. Comitissas quondam matrimonium sine consensu ordinum & agnatorum inire haud potuisse, docet, idque nihil injusti habere, statuit. *Adam* tamen Comitissam contra jus ab imperio ideo fuisse remotam, simul profitetur. Sexus sequioris imperium juri naturæ neutiquam adversari, pro certo sumit. In maritatis idem jus esse, contra *Grotium* atque *Thomassium* evincit, præclare monens, distinguendum esse inter imperium domesticum & publicum. Illi per pacta renuntiasse videri nubendo, minime huic, si regnum fuerit hæreditarium, legeque fundamentali a successione non fuerint remotæ. Successionem foeminarum,

Pag. 3.

4.

5.

11.

12.

14.

16.

- rum in Hollandia fuisse receptam, ex Instrumento pacis inter Amstelii dominos & Florentium V, Comitem Hollandiæ, comprobatur. Constitutionem de peregrinis ab officiis & muneribus publicis removendis utilissimam vocat, & quamplurima decreta, in Belgio hac de re emissâ, adducit. Majores Belgarum filiabus Comitum conditionem de peregrinis haud nubendis nunquam præscripsisse, miratur, eoque magis miratur, quoniam familiæ illustrissimæ illa ætate in patria floruerint, quibus jungere eas, dedecori non fuisset Comitibus. Hoc pacto nunquam peregrinorum imperio parere eos fuisse coactos, asseverat. Legem, de pluribus muneribus in unam personam haud conferendis, quæ in Belgio obtinet, valde laudat, eamque apud Frisios, per Privilegium Caroli V, A. 1524 die 20 Decembris emissum, confirmatam esse, docet. Deprehenditur hoc Privilegium in libro legum Frisicæ, cui titulus est: *Landbouck van Friesland*, cujus MSto Codice ex liberalitate illustris ab Aylva uti se, Cel. Autor proficitur. Idem jus ad Clericos extensum esse, tradit, & recte ita factum esse, statuit. In curia Frisica ordinem judiciorum valde confusum ubivis deprehendi, observavit jam olim *Jacobus van Stavelen*, Curia Frisicæ Senator, in *Relatione de forma processus in Curia Frisica & minoribus judiciis emendanda*, quæ apud *Gabbemam* in *Verhaal van Leeuwarden* comparat, ejusque rei emendandæ causâ consilium suppeditavit, quod, Belgice conscriptum, Cel. Autor apponit. Varia autem in illo consilio reperiri, quæ nimis obstructum Imperatori prodant consilio reperiri, quæque hodiernis Frisii parum placere possint, dicat. Moris antiquitus fuisse, ut litigantes ipsi causam suam in publico tuerentur, contendit. Hoc vero in tanta veterum innocentia, & felici vitiorum ignorantia, fieri potuisse commodius, quam hodie, asseverat. Odium Germanorum veterum erga advocatos Romanos, ex *Floro* monstrat. Hodiernum eos, qui, studiorum fiduciam habentes, causas proprias in foro perorare volunt, a limine judicii apud Frisios non arceri, tradit. De graphiariis (*greffiers*), eorum origine, & officio, fuscè disputat. Officium nempe eorum in hoc consistere,

sistere, ut suffragia Senatorum accurate notent, quæ in consilio  
 agitata & conclusa sunt, in ordinem redigant, mandata collegii  
 literis consignentur, in unum volumen colligant, atque tabula-  
 rio-perpetuo custodiant, statuit. Tempore Comitum ad Impe-  
 ratorem sæpius provocatum esse, faterur. Immo & ipsos Co-  
 mites ad aulam Imperatoris citatos esse, hancque sequelam ne-  
 cessariam fuisse, ex quo facti fuerint imperii Principes, asse-  
 verat. Frequentes tamen fuisse ejusmodi provocaciones, ne-  
 gat, & raro, nec nisi a viris principibus, vel vicinis poten-  
 tioribus, institutas fuisse, dicitur. Incolæ & cives vix ausi  
 sunt potentioribus dicam scribere, neque facultates, & sum-  
 tus, litiumque diuturnitates, permittebant, ut ad supremum  
 Imperatoris tribunal provocarent. Inutilis etiam fuisse vide-  
 tur Cel. Autori provocatio, cum res gravioris momenti in  
 comitiis fuerint tractata, id quod ex verbis Instrumenti, ex Ar-  
 chivo depromti, comprobatur. Hinc, neque mirum videri  
 debere, constituit, ignotas, vel defuetudine saltem adumbra-  
 tas, fuisse provocaciones, id quod testimonia adducta evin-  
 cunt. Differentiam inter sententiæ reformationem, & pro-  
 vocationem ab illa, qualem leges Belgicæ constituent, ac-  
 curate exponit. Reformatio nempe curiæ tantum deman-  
 data est, provocatio ad curiam Principis supremam unice spe-  
 ctavit. Ordinem quoque provocationum in patria sua edif-  
 ferit. A sententia scilicet judicum paganorum primum in  
 Hollandia provocatum est ad *Ballivum*, et tandem ad curiam  
 Hollandicam. Antiquitus iudices in Belgio libere judicasse  
 secundum mores patrios & jura scripta, Cel. Autor obser-  
 vat. Jura enim antiqua manserunt salva, quamvis forma ju-  
 diciorum fuerit mutata. Confirmata hæc jura fuisse sæpius,  
 privilegia adducta declarant. Tempus et dies exercendi ju-  
 dicii pro lubitu Comitum videntur constituta fuisse. *Philip-  
 pam* Regem per singulas septimanas binos judiciis præfinivisse  
 dies, ex privilegio ejus d. A. 1561 elucet; unde, diem  
 Martis & Veneris a vocabulis juris *dingen* & *vryen* nomen  
 traxisse, Cel. Autor judicat. Judicia oriente sole exercenda,  
 & eodem die finienda erant. Si causa occurreret gravior, &  
 altior

Pag. 52.

64.

68.

69.

107.

- altioris indaginis, peritiores in consilium erant adhibendi. Honorarium pro tali instructione, quod jurium peritis solvendum erat, *Consultation Geld* dicebatur. Quamplurima insuper, ad formam judiciorum apud Belgas cognoscendam facientia, ex legibus patriis Cel. Autor adducit. Jura Academiæ Lovanien-
109. sis, ex privilegio Ducis Brabantini, & Comitis Hollandiæ, *Joannis*, A. 1426 edito, quod apud *Emundum Martene* in *The-*
110. *sauro Anecdotorum Tom. I p. 1766* exstat, fusc edisserit. Controversias circa telonia publicas sæpius vehementer agitari, dicit. Jus ea constituendi, ad universum pertinere populum, pro certo sumit. Belgas tamen, ad exemplum aliarum gentium, hoc fluminum publicorum emolumentum Comitibus concessisse, observat. In quo satis prudenter ab illis actum, neutiquam sibi persuadere potest, exitum quoque populi votis non respondisse, contendens. Mansit enim onus, res illas publicas, v. c. aggeres, pontes, portus, conservandi, penes populum, nec vectigalia inde minora, verum potius majora, exstiterunt. Jus telonii constituendi ad Imperatorem pertinuisse, negat, & de facto duntaxat, non item de jure, ejusmodi vectigalia per hos tractus constituisse Cæsares, monet. Confutat *Philippi de Leyden* sententiam, qui, in præjudicium fisci exemptiones a telonio civitatibus olim concessas, improbat. Cum enim acquisita territoria cum principatu Comitum conjungerentur, æquissimum Cel. Autori videtur, privilegiis illa devincire, & ad concordiam pacemque firmendam in unum corpus coadunare, iisdemque juribus copulare, præcipue cum novis illius territorii acquisiti redditibus damna fisci facile potuerint compensari. Quidnam
148. *jus anchoræ*, cujus in Belgarum legibus mentio injicitur, sibi velit, non satis in propatulo esse, profitetur. Jus gubernandi navem hac voce indicari, *Peckius* & *Vinnius* existimant, quorum verba Cel. Autor adducit. At vero, minus recte eos ita sensisse, verum *jus anchoræ* fuisse jus, proprium Comiti in Zelandia, exigendi telonia pro carina navis, statim ac navis mari, vel fluminibus, quibus Zelandia cingitur, commissa erat, pluribus ostendit. In illis hoc telonii genus



nus unico ipsi videtur usitatum, & a peregrinis navibus tantum exactum per Balivum aquaticum, unde & inter præcipua Comitum domania referri consuevit. Vexatam quæstionem Pag. 153. circa amissionem privilegiorum Cel. Autor proponit. Disceptatum videlicet est, an Comes, propter culpam & delictum commissum, pro arbitrio suo civitatibus pagisque eripere privilegia potuerit, an vero hoc prævio Ordinum consensu fieri debuerit. Distinguendum Cel. Autori videtur inter illa, quæ ex imperio ejus procedunt, vel domania ejus respiciunt, & illa, quæ publici juris sunt. De his dicit, non posse adimi provinciæ, vel civitati, nisi omnium consensu. Particularia autem, a Comite profecta, ob delicta civitatum sæpius adempta fuisse, ex quamplurimis exemplis docet. Amplius tamen nonnunquam, & præter æquitatem, grassatos esse Comites, innuere simul videtur. Confutat quoque Zypaum, qui in *Notitia Juris Belgici* pag. 5 statuit, successores non rite concessa in pristinum statum posse reducere, ut olim multa, a Maria Burgundica, minorenni Principe, extorta, privilegia, multum domaniis derogantia, per successores sint abolita. Res, in mari inventas, navesque ad littus appulsas, ad domania de Jure Belgico quondam pertinuisse, Cel. Autor affirmat. Habebantur pro barbara sæculi consuetudine pro commodis & accessoriiis littorum, cum & terra marique prædari liceret, & latrocinia in honore & virtute ponerentur, uti quamplurimi veterum loci, ab Autore appofiti, declarant. Mature tamen Belgas ab inhumano more, ejecta & expulsa ad littus sibi vindicandi, recessisse, nisi represaliarum jure id facere cogerentur, ex quamplurimis testimoniis comprobatur. Carolus Audax primum Hollandis septentrionalibus ad dies vitæ suæ concessit, ut bona, naufragio amissa, vindicarent. Verum bona sibi subjectorum tantum, non æque peregrinorum, naufragio amissa, vindicare permisit, eosque solos a pœna fisco olim solvenda, si quis illa bona peteret, liberavit. Quod ad dies vitæ indulserat Carolus, illud in legem æternam abire postmodum jussit Maria, solos tamen sibi subjectos, non externos, respiciens; cum his enim

199.

210.

pactis de hoc juris articulo conventum est. Eo refert Cel.  
 Autor tractatum commerciorum *Maximiliani & Mariae cum*  
*Eduardo IV*, Rege Angliæ, cujus contenta ex *Jo. du Mont* ope-  
 re, quod inscribitur *Corps diplomatique*, Tom. III p. II pag.  
 32 exhibet. Similia in fœdere cum *Henrico VII*, Rege An-  
 gliæ, sanxisse *Philippum*, *Mariæ* filium, ex eodem Corpore di-  
 plomatico apparet. De jure, monetam cudendi; varia lectu-  
 digna Cel. Autor in medium profert. Ad tria potissimum  
 capita tractationem de jure illo, Comitibus Hollandiæ quon-  
 dam competente, revocat. Primo monet, jus, monetam no-  
 vam cudendi, relictum quidem fuisse Comiti, sed cum re-  
 strictione, ne valorem ejus sine consensu & Ordinum, & Se-  
 natus magni, mutaret. Si his inficiis cuderetur moneta, pœnas,  
 in Brabantia & Flandria constitutas, contra monetæ magistros  
 decretas esse, observat. Officinam monetariam, secundum  
 morem antiquum Dordraci fuisse exercendam, notat. Ve-  
 terem querelam de corrupto nummi interno valore, in Bel-  
 gio sæpius agitatam, adducit. Principes, monetæ va-  
 lorem lucri causa mutantes, maximos subinde motus & que-  
 relas provocasse, observat. Minores quoque dominos, jus  
 monetæ habentes, eoque jure abutentes, item civitates, mo-  
 netam adulterando quæstum fecisse, conqueritur. Hoc au-  
 tem perempto, summo jure Ordines jus monetam cudendi,  
 & ejus valorem mutandi, sibi ex parte reservasse, consti-  
 tuit. Originem precariarum a decimis minus accurate  
 repetere nonnullos, contendit. Pinguiores enim fuisse con-  
 tributiones, relatione ad decimas habita, prout rationes an-  
 tiquæ passim ostendunt, necessarium etiam tunc hoc  
 fuisse debitum, nec rogare illud debuisse Comitem, suo jure  
 utentem, nec pro lubitu negare potuisse ejus exactionem po-  
 pulum; quin Nobiles jus exigendi decimas, delato in Comi-  
 tem imperio, non potuisse retinere. Apud Frisios tamen  
 olim decimas loco precariarum Comitibus fuisse solutas, ex  
 Instrumento Episcopi *Dieterici & Wilhelmi*, Comitiss Hollandiæ,  
 ostendit; quamvis, ex jure Frisiorum domestico & singu-  
 lari non esse ducendam conclusionem ad Hollandiæ preca-  
 rias,

rias, inculcer. Annuam fuisse & ordinariam hanc contributionem apud Frisios, monet, ejusque originem ex jure Episcoporum Trajedunorum, & decimis Cleri, sub cujus patrocinio Frisii olim debebant, repetendam esse, contendit. Varia autem circa jus preciarum nova & singularia per privilegium *Maximiliani & Mariae* A. 1480 fuisse introducta, observat. In praefatione nimirum dicti privilegii ipsi farentur, tempore necessitatis majoribus suis concessas fuisse iustas precarias in perpetuum & futurum. Has etiam ad tempus octo annorum concessas sibi fuisse, scribunt. Crevisse Statuum jura per temporum intervalla, & casuum haud cogitatorum olim raritatem, dein frequentiam, monet. Post *Mariam* nova preciarum facies, novae etiam querelae & lites, exstiterunt. Semel ordinato jure, variae difficultates circa distributiones illarum inter conferentes sunt exortae; quamobrem in privilegio *Philippi*, quod *Tom. IV Placit. Holl. pag. 6* habetur, cautum esse, ut Dordracenses cum reliquis civitatibus ratione distributionum conciliarentur, Cel. Autor asseverat. Cumque civitates in precarias nollent consentire, nisi distributio accurata ab Ordinibus institueretur; idem *Philippus* in eodem privilegio constituit, precarias non prius esse exigendas, quam quorae distributionum de novo essent formatae. Alias adhuc limitationes, quas ultimus Comitum *Philippus II* addidit, Cel. Autor exponit. Res furto ablatas autoritate superioris in quolibet loco vindicare, dominasque manus illis injicere, sine metu poenae in legibus Belgicis concedi, monstrat. Fures etiam convictos poena suspendii olim jam affectos fuisse, docet. Neque mirum esse dicitur, materiam de furtis in jure publico & lege fundamentali tractari, ejusque rei duas affert rationes. Primo nempe observat, crimina omnia publici esse juris, imprimisque hoc maleficium, quod pacem publicam violat. Deinde, Comitem, seu superiorem, accepisse *Werigeldum*, quod per Constitutionem criminalem postea sublatum sit. Paulo aliter *Mariani* Brabantinis prospexisse, docet. Capiendi nempe jus, & ad judicem deferendi, indulsit *Maria*, si in domo deprehendatur fur. Sin etiam resi-

Pag. 254.

256.

257.

315.

stenti vulnera, aut mors, inferantur, impunitatem occisori promittit. Exceptionem tamen subiecit, si præter necessitatem defensionis cædes perpetrata fuerit. Cavet etiam de vi, domumque, januam, & fenestras, sine ulteriori læsione effringentem, religiosam peregrinationem instituere jussit. De rei vindicatione autem cum nihil statuisset *Maria*, rem omnem

Pag. 316. *Philippus*, filius, uti *Cel.* Autor docet, absolvit. Plura harum thesium contenta cum Lectoribus nostris communicavimus, nisi jam ex illis, quæ dedimus, posset intelligi, quid de eis judicandum sit. Nulli profecto dubitamus, *Cel.* Autorem apud cives suos multum reportaturum esse gratiæ, quod legibus patriæ evulgandis & explicandis tam præclaram impenderit diligentiam. Verum exteri quoque non sine voluptate hæc Theses legent, cum non injucundum esse possit, jura Belgii nosse, cumque haud pauca etiam Juris publici universalis, & gentium, capita egregie a *Cel.* Autore pertractata hicprehendantur.

**AUR. CORN. CELSI DE MEDICINA Libri octo, cum Notis integris JOANNIS CÆSARII, ROBERTI CONSTANTINI, JOSEPHI SCALLIGERI, ISAACI CASAUBONI, JOANNIS BAPTISTÆ MORGAGNI, ac locis parallelis, cura & studio TH. J. AB ALMELOVEEN, Med. Doct. & Professoris. Accedunt J. RHODII vita C. Celsi, Variæ Lectiones ex tribus antiquis editionibus, itemque loci aliquot Hippocratis & Celsi, ab HENRICO STEPHANO παραδέλωσ concinnari.**

Lugduni Batavorum, apud Jo. Arn. Langerak, 1746, 8 maj.  
Alph. 2 plag. 7.

**A**d viros bonorum librorum cupidos si fama pertulerit, nova & variorum annotationibus exornata *Celsi* exemplaria in Belgio nitide typis exscripta ac publicata esse, procul dubio expectabunt nomen alicujus viri celebris, cujus consilio

consilio & opera Medicorum Latinorum princeps splendida hac veste indutus prodierit. Idem vero, si intellexerint, omnia, quæ hac editione *Celsi* Celsique lectoribus præstita sint, beneficia unice bibliopolæ, hujusque lucrum suum augendi studio, accepta ferenda esse, mirabuntur profero, &, nisi nos fallit conjectura, indignabuntur, tam bonum omnibusque literarum amatoribus tam carum librum, & in quo poliendo, novaque luce perfundendo, dudum viri doctissimi desudant atque elaborant, hunc librum, inquam, si *Josephi Scalligeri* antea non editas observationes exceperis, nec ulla parte explicatiorem, nec emendatiorem, in Belgio emitte potuisse. Sed perspexisse videtur catus & quæstui suo serviens bibliopola vanitatem istorum hominum, qui sæpe imparati, nonnunquam etiam ad ejusmodi opus rite peragendum inepti, cujuscunque scriptorum veterum editionem procurandam avidè suscipiunt, &, securi admodum publicæ utilitatis, sola variarum annotationum collectione officio boni editoris se satisfacturos, & abunde merituros esse, confidunt, ut nomina sua, splendidis exemplaribus præfixa, per orbem terrarum innotescant, &, si fors juvet, gloriæ commendentur sempiternæ. Satis gnarus bibliopola Lugdunensis, ad talem librum hac ratione edendum nullam fere eruditionem requiri, & a se suisque similibus facili negotio tantum non omnia præstari posse, quæ nonnulli popularium suorum in aliis scriptoribus præstiterant, in nullius reprehensionem incursum se putavit, si novam *Celsi* editionem ipse adornaret. Unicum superest, ut hoc genus hominum discat artem ejusmodi annotationes scribendi, in quibus id unice agitur, ut illorum scripta, qui vocem, aut phrasin, in scriptore edendo occurrentem, illustrarent, magno numero allegentur, & consuetæ ac vulgares librorum aberrationes annotentur. Hoc quoque callidi malignes librorum si didicerint, & ob facilitatem rei discere poterunt, actum erit de lucro & fama hominum, qui, ob talia in rem literariam merita elati, alios, se longe majore laude dignos, contemnunt ac despiciunt.

Nunc, ut novorum *Celsi* exemplarium emtores propius inspicere

inspicere queant, quid ab his commodi sperare debeant, pro-  
 instituti ratione commemorabimus omnia, quæ hunc librum  
 commendant, ornamenta. *Langerakius*, qui suis sumtibus  
*Almeloveenianam* librorum *Celsi* editionem A. 1730 iterave-  
 rat, huic libro denuo exscribendo cum animum adiecisset,  
 deficeret autem (hæc ipsius verba sunt in Præfatione,) homo  
 eruditus, qui limam huic libro adhiberet, id sibi negotium  
 datum esse putavit, ut virorum doctorum, quorum *Alme-  
 loveenius* excerptas dederat, jam integras annotationes in fine  
 libri adjiceret. Acceptis igitur a V. C. *Abr. Gronovio Joani-  
 nis Casarii & Rob. Constantini* editionibus, horum virorum  
 observationes omnes suis exemplaribus addidit. Cum vero  
 nonnullas *Casarii* annotationes a *Constantino*, nulla facta *Ce-  
 sarii* mentione, totidem verbis repetitas videret, ea, quæ  
 jam in *Casarianis* occurrunt, ne iterata nauscam lectoris crea-  
 rent, e *Constantinianis* sustulit. Sed rectius lectoribus consul-  
 turus fuisset, si paucis literis, vel signis saltem, indicasset, quæ  
*Casarii* annotationes *Constantino* ita placuerint, ut pro suis  
 eas agnoverit. Sic judicare potuissent, quod jam, nisi priscus  
 liber ad manus sit, facere non possunt, novorum exempla-  
 rium possessores, utrum talia sint, quæ *Constantinus Casario*  
 surripuisse dicitur, ut iste merito a viris doctis plagii reus aga-  
 tur. *Josephi Scaligeri* observationes, quæ, nunquam ante pu-  
 blicatæ, huic editioni proprium decus conciliant, comparent  
 variorum annotationibus insertæ. Desumptæ sunt hæc non ex  
 aliquo libro *Scaligeri* manu notato, sed ex *Francisci Vertu-  
 niani* exemplari, qui in Bibliotheca Lugduno-Batava inter  
*Vossianos* libros asservatur. Hunc *Vertunianum*, *Scaligero* ami-  
 cissimum, omnes hujus castigationes in suum librum transtulisse,  
 affirmat *Langerakius*. Qua fide nobis bibliopola hæc confir-  
 met, nos ignoramus. Ipse enim profiteretur, se exemplaris,  
 A. 1554 forma minore exscripti, & *Scaligeri* manu in margine  
 notati, communicationem a possessore V. C. *Jo. Antonid.  
 van der Linden* impetrare non potuisse. An igitur plura ac  
 meliora ex *Lindenii* libro dari potuissent, nobis jam non licet  
 judicare. Observationes tamen ante, quam ederet, *Scaligeria-*

nas laudabili consilio *Langerakius* perlegendas dedit V. C. *Tib. Hemsterbusio*, ut ille videret, ne *Scaligeriano* nomine indigna exscriberentur, adeoque tanti viri fama detrimentum caperet. Accidit tamen & his *Scaligeri* in *Celsum* meditationibus, quod plerisque omnibus virorum doctorum posthumis scriptis accidere solet, ut nimirum bonis & absolutis misceantur nonnulla leviora, nec satis perfecta, quæ ultimam linam abfuisse, arguant. Id ut Lectores nostri magis ex ipso conspectu judicent, quam verbis nostris credant, *Scaligeri* omnes in Præfationem *Celsi* annotationes excerpere, & huc transcribere, non gravabimur:

Pag. 1 lin. 1 *A. Corn. Celsi Medicina Liber primus*) *Auli Cornelii Celsi Artium Liber sextus, idemque Medicina primus.* Ad marginem adscriptum: *Grammatica: Rhetorica: de re militari: de agricultura.* Pag. 1 lin. 3 *Ut alimenta*) Transitus ab agricultura ad Medicinam. Pag. 1 lin. 8 *Prompta*) Græci ἐρομαι. Pag. 2 lin. 1 *Quos tamen Homerus*) *Columella* Lib. IX Cap. 177. Pag. 2 lin. 7 *Esse tentatas*) *Probatas*, id est, *expertas*, quarumque facta sit experientia. Pag. 2 lin. 14 *Vitiarant*) *Tentarant* melius est. Pag. 2 lin. 23 *Agitari capite*) *Et mutas agitare inglorius artes.* *Virgilius* *Æn.* Lib. XII. Pag. 2 lin. 25: *Sic corpori inimica est*) Transpositio hic est. *Sic corpori inimica est, scilicet his hanc maxime requirentibus, qui corporum suorum robora inquieta cogitatione, nocturnaque vigilia, minuerant. Primoque medendi scientia sapientia pars habebatur, ut & morborum curatio, & rerum natura contemplatio, sub iisdem autoribus nata sit. Ideoque multos &c.* Pag. 3 lin. 20 *Vindicaverunt*) *Vindicaverunt* melius est, licet idem. Pag. 3 lin. 26 *Aliqui non mediocres viri*) V. C. *Alii quoque non mediocres viri.* Utrumque bonum. Pag. 3 lin. 33 *Agitante*) V. C. *Cogitante.* Pag. 4 lin. 3 *Quadam in senectute deflexit*) Recte. Non, ut *Constantinus*, ab iis in quibusdam deflexit. Nam deflexit aliquod spatium Latine dicimus, quod ille ignorabat. Pag. 4 lin. 5 *Increvit*) increbuit. Pag. 4 lin. 27 *Neque enim credunt, posse cum scire*) V. C. *Neque cum credunt posse scire.* Indifferens.

Pag. 5 lin. 15 *Non enim quilibet*) V. C. *Nec enim quilibet.* Utrumque bonum. Pag. 5 lin. 18 *Quod ante conjectura aliqua duxissent*) R. V. C. *quo ante conjectura aliqua duxisset.* Pag. 6 lin. 5 *Digeruntur*) Hoc verbo nunquam pro concoctione utitur *Celsus*; at bene *Seneca*. Vide infra pag. 10 lin. 25. Pag. 6 lin. 6 *Vena*) Male *Constantinus* pro *vena* reponit *arteria*, cum *Φλέβας* etiam *Aristoteles* vocet ipsas arterias libro *de Respiratione*. Vide *Gellium*, qui ex professo caput ea de re scripsit ex *Erasistrato Lib. XVIII Cap. 10*. Vide infra pag. 10 lin. 28. Pag. 6 lin. 10 *Inter hac nascentibus*) Satius est, legere *internascentibus*, sed non ausim mutare, quia constare potest, ac si *inter ea* dixisset. Pag. 6 lin. 10 *Ex quibus quam maxime*) V. C. *quia maxime*. Pag. 6 lin. 20 *In corpus omne diduci*) Græci *διαφορεῖσθαι, διοικονομεῖσθαι*. Pag. 6 lin. 24 *Teritur*) Autor Græcus, a quo hoc desumpsit, scripserat *τελεβεται*, id est, *teritur*, vel *atteritur*. Nec potuit aliter vertere. Pag. 6 lin. 34 *Perceperis*) *præceperis*. Unde *præcipere animo*, præsumere. Pag. 7 lin. 11 *Posituram*) *positum*. Gr. *θέσιν*. Pag. 7 lin. 13 *Contactum*) Ruell. *contractum*. *Σύμπτωσιν* vocat *Hippocr. Aph. 3 Lib. 1* compressum, contracturam; *contractum* ergo legendum. Pag. 7 lin. 22 *Cujusquam*) Ald. *cujusque*. Utrumque bonum. Pag. 8 lin. 5 *Quoniam incomprehensibilis*) C. Vet. *non ut comprehensibilis*. Pag. 13 lin. 12 *Perfektum*) Glossema est. *Quamvis non faciat medicum, apertorem tamen medicina reddit. Verique simile &c.* Pag. 14 lin. 1 *Periclitari conjecturam suam*) Semper *periclitari* accusativo jungit *Cicero* in *Latio*, & omnes veteres. *Vires ingenii periclitari*. Pag. 14 lin. 8 *Rationabile*) *rationale*. Aliud tamen melius, ut videre est passim apud *Lucretium*. Pag. 15 lin. 9 *Unum adstrictum, alterum fluens, tertium mixtum*) *σεγαγόν, ἐκώδες καὶ μικτόν*. Pag. 15 lin. 16 *Digerendum*) id est, *fluidum reddendum*, quod familiare *Celfo*. Pag. 19 lin. 11 *Quod cælum, quod tempus anni sit*) *Quod* potius, quam *quid*. Utrumque autem eodem modo scriptum est in veteribus Codicibus. Pag. 19 lin. 24 *Quoque assuetus*) Glossema est ineptum. Pag. 19 lin. 25 *Homo sustinet*) Glossema est.

Jam



Jam pergamus in consideranda *Langerakii* cura, in *Celsi* editionem impensa. Satis magna diligentia adhibita est, ne liber vitiis typothetarum deformis prodiret. Folia & versus novorum exemplarium, quamvis majore forma exscripta sint, prioribus respondent. Nec reprehendendo consilio variorum Codicum scripturæ, quæ in proxima editione ad finem libri rejectæ fuerant, nunc in margine infimo *Celsi* verbis, suis quæque loco, subjectæ sunt. Imaginem *Celsi*, quæ ex iconibus, a *Sambuco* editis, præfixa erat prioribus exemplaribus, bibliopola majori æri, ut majusculæ chartæ modum æquaret, incisam novo *Celso* adjecit. Ne tamen minor tabula ænea, quæ a prioribus editionibus hujus libri supererat, ipsi periret, istam imaginem typographicis figuris circumdatam & ampliatam vitæ *Celsi* præmisit. Maluit igitur, ut agnoscamus ingenium bibliopolæ, eandem imaginem bis exhibere emtoribus libri sui, quam tabulæ suæ, antequam plane attrita foret, usui carere.

Nos vero rogamus & adhortamur viros præstantissimos, qui insigni doctrina præclarisque subsidiis instructi ad hoc opus accesserunt, & in perpurgando atque illustrando *Celso* jam dudum operam collocarunt, ne credant, hac nova editione amatorum *Celsi* votis satisfactum, aut desideria eorum lenita esse; sed potius meminerint, quo sæpius hæc crambe repetita fuerit, eo avidius novas ac lautas dapes, si quas ipsi daturi sint, exceptum iri.

D. Johann Andreas Segners Einleitung in die Natur-lehre, &c.  
id est,

D. JO. ANDR. SEGNERI INTRODU-  
ctio in Physicam.

Gottingæ, 1746, 8.

Alph. 1 plag. 12, Tabb. xn. 14.

Quod ad Compendia, quæ vocant, scientiarum conscribenda animum plerumque illi appellant, qui ipsi tradendis elementis insudant, nullaue alia fere de causa hunc laborem susci-

fufcipiunt, quam ut Scriptorum famam confecuti, vel auditorum favorem, vel illorum, qui, cum in tuenda eruditi fortuna aliquid poffint, eruditionem ejus tamen aliunde, quam ex voluminis, quod confcribillavit, magnitudine, æftimare sæpius vix norunt, gratiam aucupentur; inde effectum eft, ut, infinitam ejusmodi libellorum multitudinem augere, dedecori fere fibi ducant consummati in aliquo doctrinæ genere viri. Eoque major gratia rependenda his eft, qui, cum aliis modis Scientiarum fines proferre, nomenque obtinere, poffent, difcentium tamen in gratiam minus gloriofum hunc, neque tamen propterea minus difficilem, laborem fufcipere dignantur. Facile vero ex ipfo libri intuitu dijudicari poteft, utrum elementarius aliquis doctòr omnia Scientiæ fuæ arcana in eum effuderit, an vere eruditus, quæ tironibus neceffaria viderat, reſectis tamen ſuperfluis, commodo ordine, facillimaque, quàm, niſi valde in vero inveſtigando tradendoque verſati, rarius aſſequuntur, methodo, digeſſerit, ita quidem, ut, multo plura illum ſcire, quam ſcripſit, ex opere, intelligens facile conjectare queat. Eam laudem libello, quem jam præ manibus habemus, lubentes meritoque tribuimus, quod, niſi aliunde jam Celeberrimus ejus Autor cognoſceretur, ſatis eſſet indicaturus, eum ad id Scientiæ faſtigium perveniſſe, ut nova inveniendò, non repetendò antiqua, gloriam conſequi poſſit. In articulos diſpertitum eſt opus, quorum ſumma capita ſi a nobis enumerarentur, cum non niſi vulgatiffimarum rerum nomina nobis eſſent ſcribenda, ne tædio ea res Lectoribus futura eſſet, vereremur. Igitur partem aliquam libelli ſeligendam nobis cenſemus, quæ, recenſita a nobis, ideam aliquam methodi Autoris ſententiarumque exhibere poſſit. Commodum vero videtur, eam proferre, quæ de vaporibus habet, quod diſcrepent inter ſe Phyſicorum de illorum natura ſententiæ, poſſitque adeo, quid Cel. Autor ſentiat, quæri. Vaporum vero originem *Art. 274* ab expaſſione fluidorum, a calore orta, deducit, unde clater inſignis illorum proficiſcitur. Qui, cum tantus ſit, ut & fortiffima vaſa, eum coercitura, diſrumpat, non poteſt expaſſioni aeris, ad hoc efficiendum minime ſuffectura, adſcribi.

Vapores

Vapores igitur, præcipue ex aqua adscendentes, pro separato fluidi genere habet, cum aere non commixto, sed plerumque omnem aerem ex loco, quem occupat, excludente; ut vaporis, in aere adscendentis, eadem sit ratio, quæ guttæ olei, in aqua adscendentis. Partibus enim aqueis ab igne expansis, fluidum aqua levius producitur, cui si calor decedat rursus, partesque ita rursus ad se accedant, ut attrahere se mutuo possint, in guttas confluunt. Hi ipsi elastici vapores, ex aqua surgentes, si aqua undique vase aliquo; ut olla *Papiniana*, claudatur, agitationem partium augment, multumque conferunt ad majorem vim caloris aquæ conciliandam, quam in libero aere obtinuisset. Adscensum vaporum experimento satis noto explicat, quo, si vas, collo angustiore præditum, aqua repleatur, & inversum vino rubro, aut spiritui vini tincto, immergatur, fluidum levius fumi specie per gravius adscendit. Ipsa antlia pneumatica monstrat, vapores in aere ut fluidum levius in graviore adscendere, quia, subducto aere, decidunt. Si in vacuo *Guerikiano* ope lentis causticæ tus aut resina, vasculo amplo & aperto imposita, incendantur, vapores se expandunt, hemisphæriumque, in vasculo positum, formant. Unde & vis elastica vaporum & attractrix perspicitur, quæ ultima, ne omnino dissipentur, impedimento est. Neque tamen omnia corpora solida in vaporem abeunt, cum alia & igne fortissimo vel plane non, vel non tota, in aerem agantur. Unde corporum in *fixa* & *volatilia* discrimen oritur. Retinent vero vapores corporum, unde orti sunt, naturam, quatenus ea non ab aliis partibus, a quibus avulsæ sunt, pendet. Ita vapores spiritus vini flammam concipiunt, acidorum vapores cum vapore spiritus urinæ uniuntur. Qui vero aeri insunt vapores, ad tria potissimum genera *Art. 594* referuntur, aqueos, salinos, & oleosos, licet vix unum genus purum, neque alteri commixtum, in aere reperiat, quod præcipue de ultimis duobus valet. Reliqua genera corporum, quæ vaporum modo elevantur, nimis incognita nobis sunt, quam ut certi quidquam indicare de illis liceat. Calor autem præcipua quidem causa vaporum elevator, non tamen unica, existit. Idem putredo & fermentatio

efficiunt, ex nive & glacie vapores adscendunt, omnisque evaporatio vento multum promovetur. In putrescentibus corporibus atque fermentantibus particulæ quædam ab aliis, quibus ante junctæ existebant, avelluntur, inter alias transferendæ. Unde majores eorum corporum partes aliam naturæ magnitudinem, figuram, densitatem, ad alia, quam ante, efficienda aptæ sunt. Quæ dum peraguntur, si partibus a reliquis separatis vis a se invicem recedendi insit, elasticus vapor oritur, animalibus hominibus plerumque inimicissimus. Is autem perinde, ac qui a calore elevatur, propter levitatem suam in aere adscendit. Quo autem modo ex nive & glacie vapores procreentur, difficilius explicatu est, cum ipsius glaciæ ortus sere adhuc nos lateat. Neque enim aqua paulatim, dum congelascit, inspissatur, quod ceræ, dum calore, quo fluxerat, rursus privatur, accidit, sed unico momento a summa fluiditate ad summam duritiem transit, & quaquaversum subito expanditur, unde etiam illa glacies, quæ ex aqua aere privata oritur, levior aqua existit. Hæc parum se concipere, Cel. Auctor fateatur. Ventos autem auferre vapores, qui supra aquam considerant, aliisque locum facere, existimat.

Jam de ordine, quo vapores in aere locentur, hæc conjicit: Aqueos, & spirituum ardentium, & alcalicos volatiles, qui magna copia ex putrescentibus animalibus & plantis surgunt, levissimos esse. Graviores tamen, quos ultimo nominavimus, effici, si acidi quidpiam illis admisceatur, quo propius ad salem ammoniacum accedant. Acidorum vapores graviores esse, interque hos gravissimos, cum quibus ipsum acidum elevatur, ut eos sulphuris vulgaris & vitrioli, qui sæpius in ipso aere libero fundum petant. Oleosos inter ponderosiores esse, saltem pondere plurimis acidis prævalentes. Igitur in summa aeris regione sine dubio pauci vapores præter aquosos reperiuntur, nisi illi, quibus cum ardentibus affinitas intercedit, copiosius adscendant. Proximi sub his positi videntur, qui ex sale alcalico volatili, vel puro, vel levissimo acido mixto, surgunt. Oleosi vero acidique, imprimis graviores, parum a terra recedere videntur, quod ipsa observatio vaporum vitrioli-

corum,

eorum, maxima copia in metallifodinis & cryptis similibus repertorum, docet. Aquei vapores ex superficie lacuum majorum surgunt, in quibus ipsum sal suum, & paulo altius, quod oleosum ipsis ab animalibus forte aquæ incolis inerat, derelinquunt. Eadem paludum ratio est, cum contra vapores fontium separatione hac non indigeant. His copiosi vapores ex animalibus & plantis junguntur, heterogeneis, quæ sibi admixta habebant, etiam ut plurimum depositis. Quanta illorum sit multitudo, inde patet, quod e mediocris magnitudinis spatio 24 hor.  $1\frac{1}{2}$  libræ vaporibus decedant; homo vero pro regionum aliarumque circumstantiarum diversitate eodem tempore  $2\frac{1}{2}$  usque ad 3 lib. perdat; aqua neque soli, neque vento, nimium exposita anni spatio ad altitudinem 29 dig. Rhen. evaporet. Aquei vapores aeri sæpius adeo commixti sunt, ut conspici in illo non possint, neque in aliis corporibus sentiantur, si hæc ejusdem cum aere caloris sint, paucis exceptis, quæ attrahendo illos dissolvunt, ut salia, ex plantis incineratis extracta, cum quibusdam aliis. Frigidis autem corporibus vapores hi spissius adhærent, magis quidem, si præterea illos attrahant, minus autem, si forte occulta quadam vi eos repellant. Inde hygrometrorum natura explicatur. De rore hæc habet: Paulo post occasum solis, aere frigidior reddito, terra autem maximam partem caloris sui adhuc retinente, tenuia plantarum folia calorem suum mox & prius caule perdunt, radix vero diutius adhuc calorem retinet. Durat ergo circulus humorum, illique pro parte in vaporem commutantur, qui, cum ad extrema utque foliorum defertur, ob frigus in guttas aqueas abit. Hoc genus roris & varias partes heterogeneas admixtas habet, quæ ex plantis vaporibus junctæ abire solent, adeoque diversis in plantis divertæ sunt. Reperitur enim in plantis, ita testis, ut nihil ex aere decidere in illas potuerit. Neque tamen omnes plantarum vapores ita in foliis confluunt, sed ex terra adhuc calida alii eleuantur, quæ partim confluunt & recidunt, partim altius assurgunt. Hi corporibus sibi obviis adhærent, illaque tanto citius obvelant, quo propiora terræ sunt. Vapo-

res, alius adhuc affurgentes, a corporibus, ut dictum est, attrahuntur, & partim in illa recidunt. Vitri hoc in aegorio maxima vis est, minima metallorum, ad splendorem usque politorum. Colores etiam, corporibus indueti, phenomena hæc variant, sine dubio ob singularem pulverem, aut liquorum, quibus constant, naturam. Pruina ex vaporibus, dum ad frigida corpora appellunt, congelascentibus nascitur, imo, si satis frigidus sit aer, in eo ipso vapores in moleculas glaciales abeunt, quæ ipsæ splendente sole conspicuæ sunt; neque enim, nisi magna copia aerem repleant, radiorum lucis transitum rectilineum impediunt. Nebula, dum ex particulis constat, lucem refringentibus, efficit, ut radii, ex objecto quodam per eam in oculum transaturi, mirum in modum curventur, neque adeo distincte conspici res possint.

Hæc, quam multa paucis in hoc libro dicantur, satis ostendunt. Id adjicimus, iis, quos vidimus, Physicæ libris elementariis, (vidimus autem plurimos,) hunc, quem præ manibus habemus, soliditate, concinno ordine, rerum delectu, & quæcunque aliæ possunt esse talis libri virtutes, multum antecellere. Septentias habet aliquas particulares, ut, ignem factum non congeriem esse vaporum, qui tanta copia adesse, tantaque velocitate moveri, vix possint, sed examen insectorum lucentium. Ceterum, quæ ad Physicam proprie sic dictam generalem spectant, hic saltem reperiuntur, pauca ex historiarum naturæ regnorum, a scopo scriptoris brevitateque sine dubio exclusorum. Principia physica vera, id est, *Newtoniana*, Autor amplectitur. Mathesi, quo pluribus intelligi possit, parcius utitur, sæpiusque rem ad naturalem Geometriam reducit, quod ipsum efficere, consummati Geometræ est; cum alii scriptores physici, leviter Geometria tincti, exiguum ejus, quam habent, copiam ubique ostentent. Sunt vero etiam in libro, quæ probant, ultra crepidam suam judicare eos, qui, sublimioris Matheseos usum nullum in physicis existere, sibi persuadent. Celebrerimus vero Autor ut Academiz Georgiz Augustæ, totique orbi literario, quam diutissime prosit, ex animo vovemus.

CHRIST.

. III  
1.





CHRIST. FRID. OECHLITZII, A. M. ANALY-  
fis solutionis suæ Problematis Catoptrico-Analytici, in  
Nov. Act. A. 1746 Mens. Mart. P. I pag. 134  
traditæ.

Vix opus esse arbitror, ut de Problematis hujus cum diffi-  
cultate, quam prima fronte præ se ferre videtur, tum præ-  
stantia & utilitate, qualem in ipsis Analyseos finibus ulterius  
proferendis habere potest, plura verba faciam; cum de utraque  
re jam ab ejus Autore, in sublimioribus studiis longe emin-  
tissimo, in solutione sua (vid. Nov. Act. Erud. A. 1746 pag. 230)  
dictum sit, quod ad ejus commendationem abunde sufficiat.  
Tres autem huc usque ejus in his *Novis Actis* comparuerunt  
solutiones, pressa tamen Analyse, quibus idem diversissimis  
prorsus methodis tentatum est. Non igitur abs re esse judico,  
si solutionis, a me anno præcedente exhibitæ, integram Analy-  
sin, qua ad ipsam deductus sum, hic clare exponam; quo par-  
tim Viris, quorum in scientiis hisce judicium veneror, qua-  
liæ tanque mea hac de re cogitata sistam, partim alios ad vires  
suas in eodem adhuc exercendas excitem. Ne autem ea in  
nimiam molem excrescat, primo tantum casum particularem  
parallelismi, ibidem separatim consideratum, hic explicare con-  
stitui; cum is & sua se simplicitate imprimis commendat, &  
ex eo jam tota methodus, qua nititur Problematis generalis  
solutio, satis possit perspicui.

1. *Problema* igitur hoc in casu hujus erit tenoris: In TAB. III  
venire Curvam continuam  $MAm$  ejus indolis, ut, si radius qui-  
vis axi  $AB$  parallelus  $NM$  incidat in Curvam in  $M$ , ejusque  
Fig. 1.  
reflexus  $Mm$  Curvæ denuo occurrat in  $m$ , hujus reflexus  $mn$   
evadat iterum axi parallelus. Sumto itaque initio abscissarum  
in  $A$ , sit  $AP = x$ ,  $PM = y$ ,  $MR = dx$ ,  $Rm = dy$ ; ponatur  
facilitatis causa  $\frac{dx}{dy} = p$ , unde  $p$  est tang.  $PMT$  ad rad. 1;  
item, concurrente  $Mm$  cum axe in  $V$ , dicatur  $AV = u$ , & co-  
tang. ang.  $MOV = v$ .

2. Ad naturam Problematis æquationibus exprimendam ante omnia opus est, ut generatim pro Curva quavis definitur positio radii reflexi  $Nm$ , ex dato  $MN$  incidente in punctum quodvis  $M$ . Quod facile fiet, ducendo  $MO$  tangenti normalem. Erit enim  $TMV =$  (ex natura reflexionis)  $\mu MR =$  (ob parall.)  $MTV$ ; unde  $VM = VT$ . Pariter  $VMO = OMN = MOV$ ; unde  $VO = VM = VT$ , seu  $VO = \frac{1}{2}$

$TO$ . Hinc  $AV = AP + PO - VO = x + \frac{1}{2} \frac{y dy}{dx} - \frac{1}{2} \frac{y dx}{dy}$   
 $= x - \frac{1}{2} y p + \frac{1}{2} \frac{y'}{p} = u$ . Dein  $\text{tang. } MVO = \frac{PM}{VP} = \frac{y}{x-u}$   
 $= \frac{2p}{p^2-1}$ , seu  $\text{cotang. } V = \frac{p^2-1}{2p} = v$ ; quæ proinde a fo-

la positione tangentis in  $M$  pendet.

3. His positis, licebit nunc ipsam aggredi Problematis Analysin. Siquidem quæstio esset ita comparata, ut ex data Curva  $AM$  quærat altera ei adjungenda  $Am$ , talis, ut quæviscunque radius axi parallelus  $NM$ , a Curva  $AM$  in  $M$  reflexus, & inde in Curvam  $Am$  incidens, ab ea iterum parallele reflectatur; res expediretur per methodum talem, ut statim daretur æquatio ipsius  $Am$ . Tunc vero non nisi in casu speciali, & forte fortuna, accideret, ut Curva  $Am$  sit ipsa  $AM$  continuata. Contra Problema præsens requirit semper Curvas continuas, ideoque peculiarem prorsus methodum sibi deposcit. Quem in finem ponatur  $MAm$  talis, qualis requiritur, & reflectatur parallelus aliquis  $NM$  in  $MP$ , & cogitetur,  $AP$ , seu  $u$ , dari (ex §. 2) per  $x$ , vel  $y$ , vel  $p$ ; pariter  $\text{cotang. } V$ , seu  $v$ , dari per easdem quantitates. Primo igitur necesse est, ut eidem  $u$  aliud adhuc punctum  $M$  respondeat; nisi enim hoc esset, radius  $MP$  Curvæ haud amplius occurreret. Debet ergo æquatio inter  $u$  &  $x$ , vel  $y$ , vel  $p$ , quam Curva præbet, ita esse comparata, ut pro quavis  $u$  dentur duo valores ipsius  $x$ , vel  $y$ , vel  $p$ , ambigue prorsus eidem respondentes. Quod si in Curva quapiam locum habeat, gaudebit ea jam hac proprietate, ut, quovis parallelo  $NM$  in  $V$  reflexo, radius

radius aliquis, ex  $V$  denuo in Curvam incidens  $Vm$ , reflectatur iterum in parallélum  $mn$ . Sed hoc ipso Problemati nondum satis fit, quod ulterius desiderat, ut  $MV$   $Vm$  eandem rectam continuam constituent. Hac altera conditione definitur relatio, quam duo puncta  $M$   $m$  inter se habere debeant, talem nempe, ut utrique idem ang.  $V$ , hoc est, eadem  $v$ , respondeat.

Si ergo dicatur  $\text{tang. } pmt = \frac{mr}{r\mu} = p'$ , erit (§. 2)  $\frac{p'^2 - 1}{p}$   
 $= 2v = \frac{p'p' - 1}{p'}$ , unde prodit  $p' = -\frac{1}{p}$ , (alter enim va-

lor  $p' = p$  instituto nostro non satisfacit,); quod ostendit, angulum  $pmt$  esse complementum anguli  $PMT$  ad rectum, seu tangentes  $MT$   $mt$  concursu suo efficere rectum, ut etiam ex natura parallelismi facile a priori demonstrari potest.

4. Cum ergo relatio punctorum  $Mm$  exprimatur per tangentes  $p$   $p'$ , considerabo nunc æquationem, non inter  $u$  &  $x$ , vel  $y$ , sed inter  $u$  &  $p$ . Hæc ergo habebit duas has conditiones, ut primo cuivis  $u$  duæ  $p$   $p'$  ambigue respondeant, his autem vice versa unica  $u$  competat; dein ut harum relatio sit

talis:  $p$   $p' = -1$ , seu  $p' = -\frac{1}{p}$ . Quia ergo duabus  $p$   $p'$

una eademque  $u$  responder, necesse est, ut  $u$  sit talis functio

ipsius  $p$ , quæ non mutetur, mutato  $p$  in  $-\frac{1}{p}$ ; quo ipso ex

natura æquationum facile patet effici, ut, si vice versa  $p$  quæ-

tatur per  $u$ , habeantur ambigue duo valores  $p$  &  $-\frac{1}{p}$ . Ne

autem valor ipsius  $u$  ambiguitatis sit capax, requiritur, ut  $u$  sit functio rationalis ipsius  $p$ , vel tamen irrationales nullas, quarum exponens sit par, contineat. Manifestum autem est, talem functionem ipsius  $p$ , quæ non mutetur, mutato  $p$  in  $-\frac{1}{p}$ ,

$\frac{1}{p}$ , generatim haberi, si sumatur functio qualiscunque ipsius

$p - \frac{1}{p}$ . Habebimus ergo solutionem generalem Problematis, hac conditione expressam, ut  $u$  sit functio quævis rationalis (vel irrationalis exponentis imparis) ipsius  $p \rightarrow \frac{1}{p}$ , seu  $\frac{p^2-1}{p}$ .

Ceterum potuisset ad eandem conditionem, quod nempe  $u$  debeat esse functio rationalis ipsius  $v$  (quæ, cum sit  $= \frac{1}{2}(p - \frac{1}{p})$ , ex natura rei ita comparata est, ut ei duæ  $p, \rightarrow \frac{1}{p}$ , ambigue respondeant,) aliis etiam ratiociniis, & forsan brevius, perveniri; sed illud, quod & maxime perspicuum, & ex ipsa rei natura petitum esset, elegisse suffecerit.

§. Postquam itaque detecta est relatio inter  $u$  &  $p$ , res eo redit, ut exinde inveniatur ipsa æquatio inter  $x, y$ . Quod facile per jam cognita methodi tangentium inversæ artificia præstabitur. Nam ex æquatione (§. 2)  $2u = 2x - yp + \frac{y}{p}$

eliminetur  $x$ , differentiando & substituendo  $p dy$  pro  $dx$ , & fiet:  $2du = p dy - y dp + \frac{p dy - y dp}{p^2}$ . Unde integrando

prodit: 1)  $y = 2p \int \frac{du}{p^2 + 1}$ . Quoniam nunc  $u$  per hyp.

est functio ipsius  $p$ , dabitur  $y$  per  $p$ . Ergo  $x = \int p dy$  dabitur etiam per  $p$ . Imo secunda hac integratione ne quidem

opus est. Nam 2)  $x = u + \frac{1}{2}yp - \frac{1}{2}\frac{y}{p}$ ; unde, quia  $u, y$  jam

dantur per  $p$ ,  $x$  quoque per eam dabitur. Si ergo  $\int \frac{du}{p^2 + 1}$

est integrabilis, erunt duæ æquationes pro  $x, y$  &  $p$  algebraicæ; unde eliminando  $p$  ipsa æquatio inter  $x, y$  reperiri potest. Vel, si summa ista non sit algebraica, constructio Curvæ semper in promptu est. His igitur formulis continetur Solutio generalis

generalis Problematis, præbentque ex infinita Curvarum algebraicarum & transcendentium genera.

6. Considerabo nunc speciatim varias Curvas algebraicas simpliciores, quæ ex formulis præcedentibus derivari possunt. Cum ergo  $u$  debeat esse functio rationalis quævis ipsius  $\frac{p^2-1}{p}$ , seu  $2v$ , primo quidem simplicissimus ejus valor erit, si

fit functio ejus nulla, hoc est, constans  $a$ . Tunc autem eidem  $u$  infinitæ  $p$  respondent. Fit vero jam  $\int \frac{du}{p^2+1} =$  constanti arbitrariæ  $c$ ; unde 1)  $y = 2cp$ , 2)  $x = a + cp^2 - c$ ,

seu  $y = \sqrt{4c(x+c-a)}$  pro Parabola quavis, cujus axis  $AB$ , focus  $V$ ; qualem Problemati satisfacere abunde constat.

7. Sumatur nunc  $u = a + bv$ . Quare, cum sit  $dv = \frac{p^2+1}{2pp} dp$ , erit  $\int \frac{du}{p^2+1} = c - \frac{b}{2p}$ , ubi constans  $c$  arbitraria. Hinc fiet 1)  $y = 2cp - b$ , 2)  $x = a + cp^2 - c$ , unde  $y = -b + \sqrt{4c(x+c-a)}$ , quæ denotat Parabolam quamvis, cujus  $AB$  est diameter aliqua; ut rei natura generatim exigit.

8. Ponatur porro  $u = a + bv + cv^3$ , fietque  $\int \frac{du}{p^2+1} = C + \frac{3cp}{8} + \frac{3c-2b}{4p} - \frac{c}{8p^3}$ . Fiat simplicitatis causa  $C=0$ ,  $2b=3c$ , & pro  $c$  scribatur  $4c$ , eritque 1)  $y = 3cp^2 - \frac{c}{p^2}$ , 2)  $x = 2cp^3 - \frac{2c}{p}$ , ac  $u = \frac{1}{2}c(p^3 + 3p - \frac{2}{p} - \frac{1}{p^3})$ . Ex prima colligitur  $p = \pm \sqrt{\left(\frac{y + \sqrt{y^2 + 12c^2}}{6c}\right)}$ ,

unde in secundâ datur  $x$  per  $y$ . Cuivis ergo  $y$  respondet duplex  $p$ , ac proinde duplex  $x$ . Exinde patet, Curvam habere ramos similes & æquales circa  $AC$  ipsi  $AB$  normalem, quam TAB. III secant in distantia  $AC=2c$ , ubi  $p=1$ , seu angulus ipforum Fig. 2.

Ff 3 cum

cum  $AC$  semirectus. Posito  $+y = \infty$ , fit  $p = \infty$ , posito  
 $-y = \infty$ , fit  $p = 0$ , unde Curva habet formam, *Fig. 2* deli-  
 neatam, & constat duabus Paraboloidibus, se demumstantibus ad  
 rectos in  $C$ . Eliminato vero  $p$ , prodit æquatio quinti ordi-  
 nis. In hac ergo, sumta quavis  $AQ = y$ , si capiatur  $Aq =$   
 $\frac{5y + 4\sqrt{(y^2 + 12c^2)}}{3}$ , radius  $NMQ$  reflexus in  $m$  inde

denuo reflectetur in  $qmn$ . Nam dicatur  $Aq = y'$ , eritque  $y'$   
 $= 8cp^2 - 3y = \frac{3c}{p^2} - cp^2$ ; unde, quia ex natura Curvæ  $y'$   
 $= 3cp'p' - c: p'p'$ , erit  $p' = -\frac{1}{p}$ , seu tangentes in  $Mm$

rectum efficiunt. Sed porro utrique puncto idem  $u$  respon-  
 det; quare radii  $MVmu$ , a parallelis  $NMnm$  reflexi, eandem  
 rectam constituunt, seu vice versa  $MVm$  reflectitur in  $mn$ .

9. Assumatur jam  $u = \frac{a}{2v^2} = \frac{2ap^2}{(pp-1)^2}$ , fietque

$\int \frac{du}{p^2+1} = c + \frac{a}{(pp-1)^2}$ . Ponatur constans  $= 0$ , eritque 1)

$y = \frac{2ap}{(pp-1)^2} 2x = \frac{(3pp-1)}{(pp-1)^2} a$ . Exinde prodit  $p =$

$\sqrt{\left(\frac{2x+3a+\sqrt{a(8x+9a)}}{2x}\right)}$ , unde ex prima datur  $y$  per

$x$ . Eliminato vero  $p$ , inveni æquationem hanc:  $y^4 - (2x^2 +$   
 $9ax + \frac{27}{4}a^2)y^2 + x^4 + ax^3 = 0$ , quæ adeo denotat Curvam  
 quarti ordinis valde simplicem, circa axem utrinque similiter  
 positam. Sunt autem 4 ordinatæ possibiles, si  $+x$ , aut  $-x >$   
 $a$ , duæ tantum, si  $-x < a$ . Si  $x = \infty$ , fit  $p = +1$ , &  $y =$   
 $+x$ ; unde videtur quatuor cruribus hyperbolicis pergere in  
 infinitum.

19. Ponatur generatim  $u = 2^n x v^n$ , eritque  $\frac{du}{p^2+1}$   
 $= n \frac{dx}{x}$

$= n \alpha (p^2 - 1)^{n-1} p^{-n-1} dp$ . Sit primo  $n$  positivus, & quidem par, & in hac expressione semper occurret terminus aliquis  $\frac{dp}{p}$ , unde summa erit partim algebraica, partim a logarithmis pendens; sin vero impar, erit hæc semper algebraica. Sit dein  $n$  negativus, unde fiet  $-n \alpha (p^2 - 1)^{-n-1} p^{-n-1} dp$ , cujus integralis fiet algebraica, quoties  $n$  est par, logarithmica vero, quoties impar. Unde ex sola hac formula alternatim determinari possunt infinitæ Curvæ algebraicæ & transcendentes. Quin imo ex duobus casibus, logarithmos præbentibus, oriri possunt expressiones algebraicæ, conjungendo duas pluresve tales formulas, ut logarithmi se mutuo destruant.

II. Hoc quidem modo possent plures functiones pro  $n$  assumi, atque inde Curvæ algebraicæ derivari. Sed, quoniam in hujusmodi Problematibus desideratissimum est, exhibere formulam generalem, omnes possibiles Curvas algebraicas includentem, etiam hoc præstabimus. Pendet autem totum negotium a  $\int \frac{du}{p^2 + 1}$ . Quæritur ergo, qualis pro  $u$  functio assumenda sit, ut sit hæc summa algebraica. Ut ergo pro  $du$  habeatur  $u$ , resolvatur, ut constet, in  $\int \left( \frac{du}{p^2 + 1} - \frac{2updp}{(pp+1)^2} + \frac{2updp}{(pp+1)^2} \right)$ . Cujus integralis est  $\frac{u}{pp+1} + \int \frac{2updp}{(pp+1)^2}$ . Quare proposita summa erit algebraica, si hæc posterior sit talis. Sit ergo ea  $= P$ , & erit  $u = \frac{(pp+1)^2 dp}{2pdp}$ . Si itaque sumatur  $P$  generatim functio quævis algebraica ipsius  $p$ , dabitur exinde  $u$  per quantitates mere finitas, sitque ipsa  $\int \frac{du}{p^2 + 1} = \frac{(p^2 + 1) dp}{2pdp} + P$ . Sic quidem priorî conditioni satisfacit,

fit, ut  $\int \frac{du}{p^2+1}$  sit algebraica; sed restat speciatim in Problemate nostro altera conditio implenda, ut nempe  $u$  sit functio rationalis ipsius  $\frac{p^2-1}{p}$ , seu  $2v$ . Quo ergo pateat, qualis assumenda sit  $P$ , ut etiam huic satisfiat, introducatur  $v$  loco  $p$  in valorem ipsius  $u$ , substituendo  $v + \sqrt{(v^2+1)}$  pro  $p$ , & prodibit  $\frac{2(v^2+1)^{\frac{3}{2}} dP}{dv}$ , ubi  $P$ , quæ ponitur functio quævis ipsius  $p$ , denotabit etiam functionem quamlibet ipsius  $v$ . Quia nunc hæc debet esse functio rationalis ipsius  $v$ , necesse est, ut ipsa  $P$  sit irrationalis, atque irrationales divisione se mutuo tollant.

Ponatur ergo  $P = \frac{Q}{\sqrt{(v^2+1)}}$ , denotante  $Q$  functionem rationalem ipsius  $v$ , & substituendo fiet  $u = \frac{2(v^2+1) dQ}{dv} - 2Qv$ ; seu introducendo iterum  $p$ ,  $u = \frac{(p^2+1) dQ}{dp} - \frac{(p^2-1)}{p} Q$ . Ipsa vero  $\int \frac{du}{p^2+1}$  evadet  $= \frac{dQ}{dp} + \frac{Q}{p}$ . Quare, si nunc sumatur  $Q$  functio qualiscunque rationalis ipsius  $\frac{p^2-1}{p}$ , utrique conditioni satisfiet, & dabuntur (per §. 5)  $y, x$  per  $p$  expressione mere finita.

12. Præcedentes formulæ possunt etiam aliter atque paulo simplicius concinnari, si coordinatæ  $y, x$  Curvæ nostræ non quarantur, ut hætenus, per  $p$ , sed per  $v$ , quo ipso valores  $Q, dQ$ , statim habentur simplicissime. Quem in finem introducatur in formulas illas ubique  $v$  loco  $p$ , & scribatur facilitatis causa  $R$  pro  $2Q$ , & valores ipsarum  $u, y = 2p \int \frac{du}{p^2+1}$ , &  $x = u + vy$ , procedunt, qui sequuntur:

$u =$



$$u = \frac{(v^2 + 1) dR}{dv} - vR$$

$$y = \frac{\sqrt{(v^2 + 1) dR}}{dv} + R$$

$$x = (v + \sqrt{(v^2 + 1)}) \frac{\sqrt{(v^2 + 1) dR}}{dv}$$

$$\text{feu } (v^2 + 1 + v\sqrt{(v^2 + 1)}) \frac{dR}{dv}$$

In his formulis  $R$  denotat functionem quamvis rationalem ipsius  $v$ , exque proinde generalissime & facillime Problema solvunt. Quin & ipsæ statim suam demonstrationem præ se ferunt. Nam, quia (§. 2)  $v$  est *tang.*  $PMV$ , feu *cot.*  $PVM$ , ac per eam exprimiuntur  $x$  &  $y$  irrationaliter, sequitur, uni eidemque  $v$  duo puncta Curvæ respondere, hoc est, duos radios, a duobus parallelis reflexos, axi sub eodem angulo  $V$  occurrere; quia vero ulterius  $u$  exprimitur rationaliter per  $v$ , duobus hisce punctis unum tantum punctum  $V$  responderet, proinde duo isti radii unam eandemque rectam  $MVm$  constituunt. Sit e. g.  $R = \alpha + \beta v$ , & fit  $u = \beta - \alpha v$ ,  $y = \alpha + \beta (v + \sqrt{(v^2 + 1)})$ ,  $x = (v + \sqrt{(v^2 + 1)}) \beta \sqrt{(v^2 + 1)}$ , unde prodit  $y = \alpha + \sqrt{(2\beta x + \beta^2)}$ ; similique modo plures Curvæ algebraicæ pro lubitu determinari poterunt.

13. Sed & inter transcendentes silentio minime prætereunda est Curva simplicissima, Geometrisque dudum celebratissima. Ponatur nempe in formulis præcedentibus  $R = a$ .  $A$ .

*tang.*  $v$  ad rad. 1; unde, ob  $dR = \frac{a dv}{v^2 + 1}$ , fiet  $u = a - av$ ,  $A$ ,

$$y = \frac{a}{\sqrt{(v^2 + 1)}} + a, x = a + \frac{av}{\sqrt{(v^2 + 1)}}, \text{ feu, substituendo ex ultima valorem ipsius } v, y = \sqrt{(2ax - x^2)} + a. A.$$

*tang.*  $\frac{x-a}{\sqrt{(2ax - x^2)}}$  ad rad. 1, feu, (quod eodem redit,) —

TAB. III *A. tang.*  $\frac{a(a-x)}{\sqrt{(2ax-x^2)}}$  ad rad. *a.* Quodsi ergo radio *AC*  
 Fig. 3.  $= a$  describatur circulus *ADB*, erit  $PQ = \sqrt{(2ax-x^2)}$ ,  
 & ducta *CQS*, tangens  $DS = \frac{a(a-x)}{\sqrt{(2ax-x^2)}}$ , quare arcus

supra dictus est ipse *DQ*; unde, si capiatur  $QM = \text{arc. } DQ$ ,  
 erit *M* in Curva. Cum vero ipsi  $\sqrt{(2ax-x^2)}$  ambiguum  
 signum tribui possit, tribuatur ei etiam negativum, & habe-  
 bitur ad alteram partem ordinata ipsi *PM* æqualis, proinde  
 Curva partes similes & æquales circa axem *AB* habebit. Sed  
 ex dictis jam intelligitur, Curvam esse ipsissimam *Cycloidem*.  
 Nam, capta *PO* = quadranti *AD*, erit  $OM = AD + PQ -$   
 $DQ = PQ + AQ$ ; unde, si diametro *Ab* describatur circu-  
 lus *aqb*, erit  $OM = Oq + aq$ ; ideoque prodit Cyclois *aME*,  
 cujus radius generator est *a*. Cum autem sit *OP* = quadran-  
 ti, liquet, axem *AB* bisecare basin Cycloidis *bE*. Quare Cy-  
 clois tantum circa eum convertenda erit in situm *bmf*, trans-  
 lato *E* in *b*, ut habeatur integra Curva proposito satisfaciens.  
 Si ergo incidat radius quivis basi normalis *NM*, is ex *M* in *m*  
 reflexus evadet basi iterum normalis *mn*. Quæ proprietas Cy-  
 cloidis catoptrica haud sane inferior videtur aliis bene notis,  
 a Geometris jam pridem detectis. Cæterum eadem etiam a  
 priori corroborari potest. Constat enim, Causiticam Cycloi-  
 dis *aME* pro radiis basi normalibus esse aliam Cycloidem  
*bCE*, cujus diameter generator ipsius *AB* dimidius, quæ, cum  
 circa axem *AB* utrinque similiter ponatur, respondebit eadem  
 non minus alteri *bmf*; unde, quia radii *NM* reflexus *ML*  
 tangit Causiticam in *L*, is in *m* productus omnino ab altera Cy-  
 cloide reflectetur iterum in normalem *mn*. Hinc simul patet,  
 reflexum *Mm* radio circuli *CQ* semper esse parallelum. Si-  
 mili prorsus ratione poterunt infinitæ aliæ Curvæ transcenden-  
 tes elici, a quadratura circuli, vel logarithmis, vel aliis qui-  
 buscunque integralibus, pendentes, si pro *R* substituatur fun-  
 ctio quævis, ex algebraicis & transcendentibus composita,  
 modo & harum elementa sint rationalia.

14. Atque hæc de Solutione præsentis Problematis sufficiant. Sed, quo pateat, methodum, hic usurpatam, ad alia quoque resolvenda cum successu adhiberi posse, adjungam hic paucis solutionem Problematis, huic tam respectu objecti, quam methodi, affinis. Quemadmodum enim ea proprietates in sola Parabola locum habet, ut radius quivis axi parallelus post duplam reflexionem ei iterum parallelus evadat, & quidem reflexus  $Mm$  semper per punctum constans transeat; infinitis vero aliis lineis competere potest, si ea conditio omittatur, ut reflexus semper per idem punctum transire debeat: ita simili modo series infinitarum linearum reperiri poterit, si nunc, ea conditione, ut radii sint semper axi paralleli, neglecta, quærat<sup>r</sup> Curva talis, ut pro quovis puncto  $M$  detur radius incidens  $NM$ , cujus reflexus  $MA$ , per punctum constans  $A$  transiens, Curvæque denuo in  $m$  occurrens, inde reflectatur in  $mn$ , ipsi  $NM$  parallelum. Vel, quod eodem redit, poterit etiam sic enuntiari *Problema*: Invenire Curvam continuam  $McM$  ejus naturæ, ut, si e puncto intra eam dato  $A$  emanet radius quivis  $MAm$ , Curvæ in duobus punctis occurrens, duo ejus reflexi  $MN$ ,  $mn$ , sint inter se paralleli. Dicatur  $AP=x$ ,  $PM=y$ ,  $\frac{dx}{dy}=p$ , ut ante, &

TAB. III

Fig. 4.

$\frac{x}{y}=q$ , quæ ergo denotat *tang.*  $AMP$ . Instituyendo jam simile ratiocinium, quale §. 3, 4, formatum est, patet, duo puncta  $Mm$  habitura, ut ante, eam relationem, ut tangentes  $MT$   $mt$  efficiant rectum. Cum ergo utrique unum idemque  $q$  respondeat, debet  $q$  esse talis functio ipsius  $p$ , quæ non mutetur, mutato  $p$  in  $-\frac{1}{p}$ ; unde elicitur  $q = \text{fun-}$

ctiōni cuivis rationali ipsius  $\frac{p^2-1}{p}$ , seu 2 v. Ut jam ex re-

latione inter  $p$   $q$  eruatur æquatio inter  $x$   $y$ , differentietur æquatio  $x=yq$ , positoque  $dx=py$ , erit  $pd y = ydq$

Gg 2

+ q dy.

+  $q dy$ . Exinde prodit  $ly = \int \frac{dq}{p-q}$ , unde, ob datam  $q$  per  $p$ , dabitur  $y$  per  $p$ , hinc  $x = \int p dy$ , vel  $= yq$ , etiam per  $p$ . Quare, sumta quavis functione ipsius  $p$ , prædictam conditionem habente, determinabuntur exinde Curvæ omnes possibiles. Sit e. g.  $q = 2nv$ , unde  $\int \frac{dq}{p-q} =$

$$\int \frac{n(p^2+1)dp}{p(1-n.p^2+n)}, \text{ quæ, posito } \frac{n}{1-n} = m, \text{ per lo-}$$

garithmos integrata, dat  $y = cp(p^2+m)^{\frac{m-1}{2}}$ , &  $x =$

$nc(p^2-1)(pp+m)^{\frac{m-1}{2}}$ . Ponatur  $n = \frac{1}{2}$ , seu  $m = 1$ , & est  $y = cp$ ,  $x = \frac{1}{2}c(p^2-1)$ , hoc est,  $y = \sqrt{2cx + c^2}$ , pro Parabola, cujus parameter  $2c$  & focus  $A$ , uti requiritur. Si omnes Curvæ algebraicæ desiderentur, quaeratur generatim, qualis functio ipsius  $p$  debeat esse  $q$ , ut sit

$\int \frac{dq}{p-q}$  per logarithmos integrabilis. Quem in finem resolvatur in  $\int \left( \frac{dq-dp}{p-q} + \frac{dp}{p-q} \right)$ , cujus integralis est

$-\log.(p-q) + \int \frac{dp}{p-q}$ . Sit ergo summa posterior

$= lP$ , denotante  $P$  functionem algebraicam ipsius  $p$ , & prodit  $q = p - \frac{P dp}{dP}$ , ideoque ipsa summa proposita  $=$

$l \frac{dP}{dP}$ ; unde  $y = \frac{dP}{dP}$  &  $x = \frac{p dP}{dP} - P$ . Sumta ergo

$P$  tali functione, ut  $q$  conditionem præscriptam habeat, exinde  $y x$  exprimentur simplicissime. Posset etiam hic adhiberi methodus §. II ad ipsas  $q y x$  per  $v$  determinandas. Sed de his jam satis.

MISCEL.

## MISCELLANEA GRONINGANA.

## Tomus IV.

Groningæ, apud Hajonem Spandaw, 1743, 1744, &amp; 1745, 8.

Alph. 2 plag. 1.

*Quartus* hic est, idemque ultimus, *Miscellaneorum*, adhuc a Max. Reverendo D. *Daniele Gerdesio* Groningæ editorum, *Tomus*. Qui cum & ipse *quatuor* constet *Fasciculis*; quid singulis contineatur, paucis exponemus. In *primo* videlicet proferuntur *pag. 1-7 Frid. Adolphi Lampii* Notæ exegeticæ, nondum editæ, ad *Psalnum VIII*; *pag. 7-11 C. A. Heumannii* Conjectura de quindecim Psalmis המעלות. Suspiciatur Autor, hoc esse nomen ejus Poetæ, qui cantica hæc composuit, nec quidquam obflare ostendit, quo minus verbum istud sit nomen hominis proprium. Nec tamen acriter propugnat hanc sententiam, sed aliorum subjicit judicio. *Pag. 11-41* exhibetur libri *Iseliani de N. T. canone* continuatio. Considerantur hic catalogi librorum canoniorum, a scriptoribus sexti & subsequentium trium Seculorum confecti. *Pag. 42-130* doctis oculis nunc primum subjicitur *Antonii Driesenii*, Theologi Groningani, Carmen hexametrum de *literatura Hebræa*; cujus in *Sectione prima* docetur, linguam Biblicam esse primigeniam; in *secunda* de scriptura Decalogica disseritur; in *tertia* de scriptione Hebræa a dextra versus sinistram; deque ordine literarum Hebræarum prorsus naturali; in *quarta* de literarum valore hiëroglyphico; in *quinta* de vocalium Hebræorum nominibus significativis; in *sexta* de accentibus Biblicis: ubi tota exhibetur Judæorum accentuatio; in *septima* de poësi Hebræorum; in *octava* de conjugationum formis, deque vera verborum genësi. Sciant autem Lectores e *pag. 130*, Celeberrimum Autorem eodem metro composuisse totam Grammaticam Hebræam, & alio tempore editurum esse. *Pag. 131-139* interpretatur *A. F. Kummelius Psalmi CXXXIII versum tertium*, putans, male Latinos interpretes dicere, *vorem Hermonis descendere super montes Zion*, cum ita reddi hunc

locum oporteat: *Ros separatus*, id est, egregius & præstant, descendit in montes Zion. Pag. 140-189 exhibentur *Magni Crusii*, Theologi Gottingensis, Analecta de antiquissimis *Harmonia Evangelica* circa resurrectionem Christi oppugnantoribus & defensoribus; quibus annectitur *Epiphanii* junioris scriptum *ἀνέκδοτον* de dissidio quatuor Evangelistarum in historia resurrectionis Christi, e Græco Latine nunc primum editum. Non est hic prætereundum silentio, Græcum hujus *Epiphanii* textum ab eodem Theologo non ita multo post exhibitum esse in *Bibliotheca miscellanea Hamburgensis Tomo primo pag. 898 seq.*

In *Fasciculo secundo* hæc insunt: Pag. 197-223 *F. A. Lampii* pererudita, sed nondum ad finem perducta, Dissertatio de *coma Nazireorum*. Pag. 223-233 *Jac. Wilh. Fentini*, Theologi Gottingensis, Observatio de *Wilhelmi Lindani Concordia discorde*, libro rarissimo, Augustanæ Confessionis opposito, deque ejus testimonio de originali hujus Confessionis Latine exemplari, in archivo Bruxellensi assertato. Qua occasione etiam vita *Lindani* studiose describitur. Pag. 234-259 *C. A. Heumanni* comparatio adscensus *Elie* in cælum cum Christi, eodem tendentis, abitu. Exhibetur hic primo paraphrasis historię Biblicę de transitu *Elie* in cælum, qua ex ipsius historię visceribus multæ supplentur circumstantiæ, & ita insignis ista narratio multo lucidior fit ac plenior. Deinde multæ ostenduntur diversitates inter *Elie* & Christi adscensum; e quibus elucet, tantum interesse inter *Eliam* & Christum, ut, illum servum Dei fuisse, hunc filium Dei esse, divinamque habere majestatem, manifestissime appareat. Pag. 259-262 ejusdem Observationes duæ ad *Tertullianum*, quibus totidem ejus locis obscurissimis lux affunditur. Pag. 262-275 *E. F. Neubaueri*, Theologi Gießensis, Observatio critica ad voces nondum a quoquam intellectas & explicatas, *Meriâ sis*, quibus de *Metatrone*, sive *Messia*, usus est autor libri Rabbinici *Berith Menucha*. Docet, corruptam esse hanc scripturam, & legi oportere *Mare âsis*, id est, dominus fortis. Agit hac occasione de *Metatrone* Rabbinorum, ab  
iisque.

isque hac appellatione affici docet Messiam. *Pag. 275-280* ejusdem defensio versionis N. T. Syriacæ, quæ vulgo accusatur omisæ *Rom. I, 31*, vocis ἀρνέεσθαι. *Pag. 281-306 Ambrasi Dorboui Exegetis Psalmi LXVIII, 17. Pag. 307-315 Jo. Rudolphi Isclii, Jcti Basileensis, Observatio ad Julii II, Pontificis Romani, Diploma, quo jus monetandi concessit Basileensibus. Pag. 315-329 Dan. Gerdesii Epitome duarum suarum Dissertationum ad 1 Corinth. XV. Pag. 329-368 ejusdem recensio novissimarum Disputationum Nonnenii, Schrammii, Ikenii, & Heumanni.*

In tertio Fasciculo hæc reperiuntur. *Pag. 369-403 Joannis Fabricii, Theologi prius Altorfni, postea Helmstädiensis, Dissertatio, dudum edita, sed rarior nunc, de erroribus pictorum in Historia sacra. Pag. 403-454 Theodori Dassovii primum A. 1701 edita doctissima Dissertatio de imaginibus rerum Hebræarum; in qua notantur pictorum in historia V. T. errores, a minus doctis hominibus sive orti, sive propagati. Pag. 454-466 F. A. Lampii Dissert. posthuma ad 1 Corinth. XIV, de nomine προφήτης & verbo προφητεύειν. Pag. 467-494 recensentur Jo. Jac. Zimmermanni, Theologi Tigurini, duæ Dissertationes pereruditæ de visionibus priorum quatuor-Seculorum; & pag. 494-514 E. L. Vriemati Dissertationes de Messia; & pag. 514-528 Dnn. Gerdesii Introductio in Historiam Reformationis; qui & pag. 529-543 respondet acerbiori cuidam hujus operis censori. Pag. 545-556 junioris Schultensii Dissertatio inauguralis ad Phil. II, 5-11, recensetur.*

In quarto, eodemque postremo, Fasciculo *pag. 557-616* recusa est Jac. Rhenferdii Comparatio expiationis anniversariæ Pontificis maximi in V. T. cum unica & æterna expiatione Jesu Christi; quam Dissertationem etiam inferuerat A. 1736 Meuschenius suo N. T. e Talmude illustrato *pag. 103 seq. Pag. 616-631* exhibetur G. R. Trevirani Commentatio de lavacro regenerationis, ad Tit. III, 5, intelligi per id, contententis, doctrinam Evangelicam; quæ interpretatio cum & Socinianis arrideat, Autor credere jubet lectores, se antea, quam cognoverit, eos ita sentire, in hanc ingressum

ingressum fuisse sententiam. *Pag. 632 - 653* eduntur, quæ nondum prodierant in lucem, *F. A. Lampii* Conjectanea quædam, expositioni *Psalmodum* præmittenda. Agitur hic de autoribus *Psalmodum*, de artificio eorum poetico, deque ordine eorum. *Pag. 653 - 662* ejusdem producitur Dissertatiuncula de fide salvifica, ejusque actu reflexo. *Pag. 663 - 670* profertur *Georgii Pasoris* ad *Henr. Altingium* Epistola; ad quam docet Editor, illum novæ sectæ grammaticæ conditorem, *Pfuchenium*, ducem suæ opinionis habuisse *Pasorem*, & æmulatione serventem erga *Coccejum* propugnasse suam sententiam studiose magis, quam erudite. Ad eundem *Altingium* dux *Jo. Piscatoris* Epistolæ, adhuc ineditæ, prodeunt *pag. 671 - 678*. Atque ita huic *Miscellaneorum* operi finem imponit Editor Celeberrimus, cum posthac ad pertractandam Historiam Reformationis, edendaque huc pertinentia monumenta luce dignissima, suam convertere operam constituerit.

---

#### NOVA LITERARIA.

**N**ova haud ita pridem, eaque elegantissima, elegantissimi Poetæ Gallici *Boilavii Operum* editio quatuor Voluminibus in forma octava Dresdæ conspexit lucem. Prodiit illa impensis *Georgii Conradi Waltheri*, Bibliopolæ Regii, qui in adornanda ea nulli labori nullisque pepercit sumptibus, & cui tam bene successit opera, ut sive, typorum elegantiam, sive tabularum æri incisarum venustatem, sive adhibitam in expurgandis mendis curam, species, hanc novam editionem nulli illarum, quæ eam antecesserunt, postponendam, omnibus æquiparandam, plurimis antepondendam esse, absque omni adulationis suspitione possimus asserere. Obmutescet, speramus, erubescetque, hac visa, bibliopola ille Gallus, qui instruendæ in Germania typographiæ magno inter Germanos Principi suasor nuper exstiterat atque impulsor. Superfedere certe potuisset incitationibus suis vir consilii nimis plenus, hanc si vidisset nitidissimam *Boilavii* operum editionem. De hoc monendus adhuc videtur Lector, in eo novam hanc reliquis omnibus, ante in lucem datis, præstare editionibus, quod vita Poetæ, a *Maizeauxio* conscripta, apposita ei conspiciatur.



# NOVA ACTA ERUDITORUM,

*publicata Lipsiæ*

*Calendis Maji Anno MDCCXLVII.*

M. TULLII CICERONIS OPERA. EDIDIT JOSEPHUS OLIVETUS, cum *delectu Commentariorum.*

## *Volumina IX.*

Parisiis, apud J. B. Coignard, P. J. Mariette, H. L. Guerin,  
J. Defaint, J. Guerin, 1739-1743, 4 maj.

Alph. 32.

Cum *Jos. Olivetus*, Vir Clarissimus, in sermonibus de bonarum literarum studiis interdum jecisset, optabilem esse editionem *Ciceronis* Operum ejusmodi, in qua non, de nostri seculi more, omnes omnium interpretum notæ, sed ita excerptæ, haberentur, ut neque bis quidquam, neque, quod nemo facile in legendo requireret, reperiretur, idque apud eos, quibus erudiendi *Delphini* cura tum esset commissa; cœpta est ab eo *Ciceronis* hac ipsa lege edendi opera exigi, cum *Delphinus* eo maturitatis videretur brevi venturus esse, ut ad *Ciceronis* lectionem admittendus esset. Nam, quem consilii istius autorem haberent, quique, *Tusculanis & de Natura Deorum* libris Gallice interpretandis illustrandisque, satis sibi *Ciceronem* familiarem probasset, eum maxime ei rei perficiendæ admovendum putabant. Horum igitur auctoritate permotus *Olivetus*, suscepit laborem, cujus nuper absoluti ratio nobis jam explicanda videtur. Prima cura fuit ipsius *contextus*, in quo constituendo usus est ducibus quatuor-

Hh

viris,

viris, de *Cicerone* immortaliter meritis, *Vilorio*, *P. Manutio*, *Lambino*, & *Grutero*. Sed in ea re hanc sibi ipse legem dixit, ut primo, quibus in lectionibus omnes inter se consentirent, ab iis nullo modo recederet, in quibus autem diffiderent, unum tamen ex iis sequeretur, ceterorum varietate notata. Qua re hoc quoque se consecuturum putavit, ut hæc una editio omnium illarum quatuor editionum textum referret. Sed ex lectiones variantes non sunt ejusdem generis. Aliæ enim ad sententiam & verba simul pertinent, aliæ ad verba tantum, eadem tamen sententia. Quæ istius generis sunt, quæ fere sunt paucæ, sub ipso contextu propositæ sunt, ceteræ ad calcem singulorum *Voluminum* rejectæ. Neque vero aliorum Criticorum conjecturas contemnendas, aut omnino prætermittendas, putavit, sed earum quoque ita rationem habuit, ut in Commentariis locum daret. Hæc est ratio, quam in textu constituendo sequi voluit. Sed, ea si vel maxime probetur, tamen eam non ubique secutus est. Sic de opt. gen. dic. Cap. 7 recepit, ex emendatione *Morelii*, *Mureti* & *P. Fabri* lectionem: qui a senatu, in senatu; recte utique, sed non e consilio & promissis. Item ad Att. X, 10, conjecturam *Manutii* & *Grævii* recepit; XI, 6, *Gronovii*; de Nat. D. III, 6, *Walkerii*, &c. Sed veremur, ut illam legem ipsam omnino probet doctis. Quanquam melius est, in hanc partem peccare, quam in aliam. Sed Commentariorum, qui partim ad emendandum, partim ad illustrandum, *Ciceronem* pertinerent, hanc rationem esse voluit, ut ex omnibus iis, qui vel in *Ciceronem* universum, vel ejus unum & item alterum librum, scripserunt, vel loca obscura & corrupta aut peculiariibus libellis, aut sparsim & obiter, tentarunt, decerperet, & ad autores suos decerpta subscriptis nominibus referret. Qui in *Ciceronem* universum, aut ejus aliquam partem, scripserunt, commemorantur in Præfatione *Tomi prioris*, adjunctis de quoque judiciis, veris sane plerisque & elegantibus, nisi ubi forte nationis amor in transversum agit. Sed Præfatio illa est ipsum Programmata, quod de consilio edendi *Ciceronis* proposuerat. Itaque, quæ post id scriptum ei oblata sunt, ibi non

comme-

commemorantur, ut *Capperonerii* notæ in libros *de Inventione*, *Wopkenſii* *Lectiones Tullianæ*, quas primum ad *Tuſc. II*, 16, adducit, fateturque, ſe, qui ſit *Wopkenſius*, ignorare, *Pearcii* notæ in libros philoſophicos, *Facciolati* & *Ferratii* notæ in *Orationes Ciceronis*, *Erneſti* *Clavis Ciceroniana*, &c. Commentarios autem non, ut hodie mos eſt, ſubjecit textui, ſed, de more vetere, ad calcem ſingulorum *Voluminum* rejecit. Sed de ſingulis *Voluminibus* ſeparatim dicamus.

*Tomus* igitur *primus* continet libros *rhetoricos*, præter eos, qui ſunt ad *Herennium*, quos, quia non ſunt *Ciceronis*, in *Tomum IX* rejecit. In notis ad libros *de Inventione* dominatur *Capperonerius*, a quo notæ in eos libros, nondum editas, accepit. Quid de *Capperonerio* ſentiant Critici, notum eſt. Noſter vero ejus *Quintilianum* & ipſum *Capperonerium* in cælum tollit laudibus. Ex autem notæ valde jejunæ ſunt, pleræque occupatæ in tricis rhetoricis, & commemorandis Græcæ Rhetoricæ vocabulis, laudandisque Græcorum & Latinorum Rhetorum locis, ubi eadem materia tractatur. Sic v. c. ubi in *Ciceronis* textu commemoratur genus demonſtrativum, nota *Capperonerii* docet, Græce dici ἐπιδεικτικόν, item ἐγκωμιαστικόν, id enim quærebat, aut curabat *Delphinus*, & leſtorem ad *Quintilianum*, de eodem genere docentem, amandat, interdum etiam ad celebratas illas ad *Quintilianum* notas. Hic ſciſce velimus, quare *Olivetus*, cum e ceteris notis tantum decerperet, quæ neceſſaria eſſent ad intelligendum, has omnes tamen admiferit, quibus facile omnibus omnes carerent. Eadem admiratio nos tenet de notis *Pruſſei*, qui quondam rhetoricos libros edidit in uſum *Delphini*, adjunctis notis ſæpe nimis puerilibus. Ex quo genere permultæ tamen ab *Oliveto* ſervatæ ſunt, veluti cum ad *Or. II*, 1, pag. 593 extr. *ſili* definitio in nota proponitur. Utinam notæ ſuas potius V. C. quam *Capperonerianas*, aut *Pruſſeanas*, dediſſet! Sed in libros *de Oratore* allatæ quoque ſunt magni *Petavii* notæ ineditæ, quas ille quondam *Remis*, cum ibi eloquentiam doceret, auditoribus diſtavit. His quoque edendis nec *Petavii* famæ, nec ſuæ editioni, conſuluit. Nam ex notæ & a nondum

magno *Petavio* profectæ, & pueris dictatæ sunt, adeoque sæpe pueriles reperiuntur. Nam ab initio Capitum fere distributio Capitum proponitur, vulgares historiæ commemorantur, loci morales illustrantur, &c. quædam etiam male explicantur, quæ post illa tempora, (dictatæ enim sunt A. 1609.) rectius perspecta & explicata sunt, quale est illud, quod *pag. 594 b. de auctoritatibus præscriptis* tradit. Sed sunt tamen quædam etiam bonæ notæ, quæ scilicet solæ erant proponendæ, verum perpaucæ illæ. Ad *Brutum* notæ sunt prope omnes historicæ, & ex eodem omnes *Corrado*. In quo tamen duo nobis mira visa sunt: primum, quod a *Cap. 14* demum initium notarum fit, ubi de Latinis Oratoribus dicendi initium *Cicero* facit; alterum, quod recentiorum inventis non satis usus est. Sic ad *Cap. 45* de *M. Mario Grasidiano* simpliciter *Corradi* nota proponitur, non quæ *J. F. Gronovius* in *Observationibus*, & *Perizonius* in *Animadversionibus*, de eo dixere, quorum tamen indicium præbere *Ernesti* Clavis poterat, cuius partem historicam tum jam habebat *Olivet*, ut e notulis aliquot, inde decerptis, patet. Ceterum argumenta librorum rhetoricorum pleraque sunt *Ernestina*.

*Tomus II & III* complectuntur libros philosophicos. In horum Commentariis ineditæ ante sunt *Pearcii*, V. C. notæ conjecturales, ut vocat, quas misit *Oliveto*, cum de ejus consilio audisset. Ex quales sint, colligere poterunt, qui ejus notas, editas in libros *de Oratore*, cognoverunt. Spirant illæ ingenium hominis & doctrinam, sed pleræque valde audaces sunt, nimisque a vestigiis vulgaræ lectionis recedunt, ut fere sunt hodie Britannorum criticæ conjecturæ. Id ut intelligatur, lubet specimina quædam proponere. De *Nat. D. II, 30* initio, proponitur Stoica distributio loci de providentia Deorum in tres partes. Earum *secunda est, qua docet, omnes res subiectas esse naturæ sentienti, ab eaque omnia pulcherrime geri, quo constituto, sequitur, ab animantibus principiis eam esse generatam*. Hic, *Pearcius* putat, primo delendum esse *tò omnia*, quod requiratur *omnes*, vel *eas*, ut referatur ad *res*; deinde pro *eam generatam* legere jubet *eas generatas*, ex eadem ratione.

Ipse

Ipse sane *Olivetus* olim sic interpretatus erat, sed nunc aliter sentit, recteque se habere lectionem vulgatam putat. Recte. Nam non est necesse, ut *omnes* esse debeat, parumque versatus sit oportet in veteribus Græcis & Latinis scriptoribus, qui ignoret, post masculina & foeminina pluralia sæpissime neutra poni, ut hic fit. Deinde, si diligentius, quæ *Cicero* Cap. 32 seq. de hac altera parte loci de providentia differit, legisset, vidisset *Pearcius*, *eam esse generatam* non referenda esse ad *res omnes*, sed ad *naturam sentientem*, quam Stoici dicebant ex animantibus principiis generatam esse, quia aliter sentiens esse non possit. De *Leg. I*, 10, *Cicero* dicit, naturam hominem non solum celeritate mentis ornatam, sed etiam sensus attribuisse, & rerum plurimarum obscuras & necessarias intelligentias enudavisse, quasi fundamenta quedam scientiæ. Eum locum corruptum judicans, legendum conjicit: rerum plurimarum obscuras, nec satis enodatas, intelligentias (scilicet attribuisse) q. f. q. f. Non satis enodatas intelligit eas, quæ etiam inchoata a *Cicerone* dicuntur. Sed scire velimus, primo quorū *Cicero*, cum eas intelligentias jam obscuras dixisset, etiam addat non satis enodatas; deinde quorū natura obscuras intelligentias attribuerit. An ea possunt esse fundamenta scientiæ? Sed sana sunt omnia. Natura nobis enudavit intelligentias, sine ejus ope obscuras futuras, quia necessariz erant ad vitam humanam, & sine iis fundamenta scientiæ non haberemus. Sic idem *Cicero* Cap. 16 de eadem re dicit: Nec solum jus & injuria a natura judicatur, sed omnino omnia honesta ac turpia. Nam & communis intelligentia nobis notas res efficit, easque in animis nostris inchoavit, &c. Quanquam hic quoque hæret *Pearcius*, non concoquens, quomodo res notæ esse possint, & tamen tantum inchoata. Itaque legit præter necessitatem: nobis notas res efficit eas, quas in a. n. i. Res autem sic intelligi potest. Communis intelligentia notum nobis facit natura, v. c. pactum esse servandum; ut nemo de eo dubitet. Sed est tamen ea intelligentia tantum inchoata, adde, etiam obscura. Si dubites, consule *Philosophos*, & quam laborent in hac re enodanda & de-

monstranda, aliis aliunde per multas ambages demonstratio-  
neq; repetentibus. In ejusdem libri *Cap. 12 bis Ciceroni jus*  
obtrudit, primo in hoc: *Atque hoc in omni hac disputatione*  
*sic intelligi volo, quod dicam naturam esse*; pro quo legit: *jus,*  
*quod dicam, natura esse*; & paulo post: *Recte Socrates execra-*  
*ri eum solebat, qui primus utilitatem a natura sejunxisset,*  
pro quo item legit: *a jure, natura sejunxisset.* Cum ex tota  
Ciceronis disputatione manifestum sit, *naturam esse honestatem,*  
& jultum a natura commendatum, quod etiam a libris de *Of-*  
*ficiis* patet, in quibus *Socrates* dicitur execratus esse eum,  
qui primus utilitatem ab honestate sejunxisset, contra natu-  
ram, quæ utramque arcte copulasset. Hujus generis sunt ple-  
raque. Sed sunt tamen etiam probabiles; qualis est, cum  
de *Leg. III, 8*, ubi de legationibus liberis sermo est, pro vul-  
gatis: *quid sit turpius, quam sine procuratore senator, lega-*  
*tus sine mandatis,* &c. aliter interpungendo sic legit: *sine*  
*procuratore senator legatus, sine mandatis, sine ullo resp. mu-*  
*nere.* Item *Offic. I, 4*, ubi vulgo legitur: *Causas rerum vi-*  
*det, earumque progressus & quasi antecessiones non ignorat,*  
legendum censet *pragressus* e *Cap. 10 de Fato*; & cum *Ma-*  
*turatio* intelligit ea, quæ causas antecedunt, ut prognostica,  
e quibus intemperies aeris intelligitur futura, quæ est causa  
pestilentie. Ceterum *Tomo tertio* adjuncta sunt *Petri Valen-*  
*tia Academica,* & ipsius *Oliveti* disputatiuncula de *Philosophia*  
*Græcanica,* olim Gallice in capite Interpretationis librorum  
de *Nat. D.* proposita, nunc Latine conversa. Argumenta li-  
brorum pleraque sunt ex editione Lipsiensi nupera.

*Tomus IV, V, & VI,* continent *Orationes,* in quorum primi  
Præfatione *Olivetus* judicat, e *Sandii Minerva* plus auxilii &  
luminis ad intelligendum *Ciceronem,* quam ex omnium inter-  
pretum *Tullianorum* Commentariis, existere posse. In fronte  
*Tomi IV* est primo *Chronologia Orationum,* deinde *Indiculus*  
legum e *Fr. Hotomanni & Jo. Aug. Ernesti* Collectaneis. Ad  
calcem Orationis frumentariæ, hoc est, *tertia Verrina, Col-*  
*lectanea de re frumentaria* e *Lipfio & Contareno.* Orationi  
pro *Murena* subiecta est *Oratio Palgarii in Murenam.* In  
calce

calce *Tomi V Orationes, Ciceroni suppositæ*, rectius in calce *Tomi VI* fortasse collocandæ. Omnium autem horum *Voluminum* finem obtinent *dispositiones rhetorica Orationum*. Quod ad notas attinet, habentur hic pleniores paulò notæ *Frontonis Ducae* in *Orat. de Provinc. Conf. & Phil. IX.* Præter *Manutium* inprimis usus est notis *Facciolati in Orat. pro Quintio & Roscio Amerino, Ferratii in Orationes Ciceronis, & Clave Ciceroniana Ernesti*, qua etiam usus est in notis ad *Epistolas*, inprimis in Græcis illustrandis.

*Tomus VII* complectitur *Epistolas ad Familiares*, ordine antiquo *Tironis*; addita tamen *Epistolarum omnium*, etiam ad *Atticum*, &c. *Chronologia*. Ad calcem *Voluminis* reperitur *H. Ragazonii*, hoc est, *Sigonii, Commentarius & Index historicus eorum, ad quos Cicero scripsit*, in quo cujusque historia & mores breviter exponuntur, autore *Philiberto Quarterio, e S. J.* qui quondam eas *Epistolas* in usum *Delphini* edidit; denique *Variantes Lectiones, e Grævianis* excerptæ. Collectio major parata erat, sed ea casu quodam interiit; quod etiam in iis, quæ ad *Epistolas ad Atticum* pertinebant, accidit. Ceterum in *Epistolarum* *Voluminibus* notas non ad calcem rejecit, sed sub contextu posuit.

*Tomo VIII*, in quo sunt *Epistole ad Atticum*, præmissæ sunt Præfationes *Victorii, Corradi, Malaspina, Bossi, Grævii*; quod in hoc solo *Volumine* factum; deinde argumenta librorum *Malaspina*.

In *Tomo IX* denique reperiuntur *Epistole ad Q. Fratrem, & ad Brutum, & Fragmenta. Fragmentis Arateis*, qua *Phænomena*, addita sunt Supplementa *Grotii*, notæ etiam adjectæ docti viri, sed anonymi; quædam etiam *Buberii, Viri illustris*. Quod ad *Fragmenta incerta* attinet, ea collectio brevior est vulgata, ejectis quippe iis, quæ non sunt proprie *Fragmenta*, sed pro *Fragmentis* a compilatoribus inter *Fragmenta* collocatis, quod ea loca in aliis *Autoribus* repererant, simpliciter laudato *Cicerone*, nec sciebant, unde petita essent, cum in integris *Ciceronis* libris reperiantur. Ceterum non audet præstare, omnia ea, quæ exhibentur, *Fragmenta esse Ciceroniana*. Habetur hic porro libellus *Q.*

*Ciceronis*

*Ciceronis de Petitione Consulatus* cum notis delectis *Facciolati*, *Ciceronis Vita Fabriciana*, in qua percommode hoc curavit *Olivet*, ut loca Autorum accurate notarentur, additis librorum, capitum, interdum etiam paginarum, numeris; denique quatuor Indices. *Primus* est *Græcus* cum nuda interpretatione verborum; *secundus Index Latinitatis*, cujus lectionem valde commendat, totus excerptus ex *Ernestina Clave*; *tertius nominum*, quem ductum dicit e *Frobenii* Penu, & eadem illa *Clave*. Sed, si quis inter se comparabit, videbit, totum propemodum ex hac esse, nil deberi *Frobenio*. Sic v. c. *Clavis Ernestina* habet XVIII *Metellos*, prænominibus, cognominibus, parentibus, ætate, honoribusque, distinctos. Hos totidem, iisdem attributis, habet *Oliveti* Index; *Frobenii* Penu duos omnino. Idem in ceteris reperietur. *Quartus Index* est rerum præcipuarum.

Hæc quidem singulis *Voluminibus* continentur. Nunc redeamus ad Opus universum, & ad *Olivetum* separatim. Atque, ut mittamus ea, quæ jam ab initio dicta sunt, fatendum est, hæc editionem permagnam habere commendationem chartæ & contextus correcte nitideque expressi. Quod ad delectum Commentariorum attinet, sane difficile est, atque adeo ἀδύνατον, satisfacere omnibus, quo magis non nimis acerbus quisquam in eo exigendo esse debet. Itaque fatendum erit, cum in *Tomis* imprimis posterioribus *sex*, in quorum scilicet libros maxime idoneos & copiosos interpretes habemus, satis bene processisse; paulo minus bene in libris philosophicis, parum probabiliter in libris rhetoricis, non, ut opinamur, quod in his minus sapiebat, aut eleganter judicabat, *Olivet*, sed maxime, quod meliores interpretes non habebat. Scilicet *Capperoneriis Prusseis* que utendum erat. Sed tamen etiam in excerptis *Corradi* in *Brutum* Commentariis elegantiam *Oliveti* paululum desideravimus. Quis enim in omnibus nominibus requirit historias? Nisi forte de *Delfino* hoc suspicabatur. Aut cur non potius ad indicem nominum amandabat, qui de iis scire desideraret. Ut autem hoc magis appareret, delectum a se rite habitum esse, *Tomo V* subjecit auctarium notarum ad Orationem pro *Domo*, ex editione *Græviana*, quarum nullam in illo



illo delectu rationem habuit, ut comparando intelligeretur, nihil omissum esse, quod quisquam magnopere, præter ea, quæ attulisset, ad intelligendam istam *Orationem* requirere posset; ex quo de ceteris quoque judicari jubet. Ceterum non dubitamus, fore, qui putent, ab hac editione, e consilio Clariss. *Oliveti*, commodè abesse potuisse *Valentia Academica*, *Oliveti de Philosophia Græca* Disputationem, *Collectanea frumentaria*, *Pælaris Orationem*, *Quarterii Indicem*, & *Prefationes ad Epistulas ad Atticum*. Sed, quoniam putamus esse, qui, quales ipsius *Oliveti* notæ, passim adpersæ, sint, cupiant cognoscere, de iis quoque, speciminibus propositis, dicendum videtur. In universum si judicandum sit de notis *Oliveti*, quæ perpauca & perrara sunt in *Voluminibus* prioribus, paulo plures in ultimis, ex modestiam in corrigendo, diligentiam in vulgata defendenda, perspicaciam denique & quandam elegantiam in explicando, probant, ut, quemadmodum ante diximus, optandum esset, ut in rhetoricos libros ipse potius, ubi idonei interpretes desint, notas scribere voluisset. Sed id rationes ejus non tulerunt, cum ab initio nihil omnino de suo addere in animo haberet. In *Oratione pro Domo Cap. 18 init.* vulgata sic habet: *Hæc cum ita sint in re, ubi crimen est? ubi accusator? ubi testes? Quid indignius, quam, qui neque adesse sit jussus, neque citatus — de ejus capite — conductos ficiarios — suffragium ferre, &c.* Animadvertit *Olivetus*, hæc, sic posita, commodum intellectum non habere. Sed ei rei eleganter medetur interrogationibus sublati, omninoque interpunctione mutanda, hunc in modum: *hæc cum ita sint in re, ubi crimen est, ubi accusator, ubi testes:* (de quo genere scilicet rei in superioribus dixerat,) *quid indignius &c.* Ita omnia optime cohererent. In eadem *Oratione Cap. 34* hæc sunt de *Clodio*, qui *Ciceroni* objecerat, quod dicere se *Jovem*, *Minervam* autem sororem suam, sopheret. Respondet *Cicero*: *Non tam insolens sum, quod Jovem esse me dico, quam incruditus, quod, Minervam sororem Jovis esse, existimo.* *Clodii* dictum inde natum videtur *Oliveto*, quod

primo se *servatorem urbis* dixerat *Cicero*, quod erat nomen *Jovis*, deinde, quod in exilium abiens signum dedicarat cum inscriptione: *Minerva* urbis prædidi. Jam, si *Cicero* ad verbum dixisset, se *Jovem* esse, *Minervam* sororem suam, indodæ sane dixisset, cum *Minerva Jovis* filia sit, non soror. Sed *Clodius* facetus esse voluerat, & invidiæ faciendæ causa illa superiora duo sic interpretatus erat. Ironice igitur *Cicero* & facete, par pari relaturus, non serio refutaturus *Clodii* dictum, respondet, non tam insolens esse, quod se, ut *Clodius* exprobraret, *Jovem* dixisset, quam ineruditum, quod fratrem *Minerva*. Hoc multo magis placet nobis, quam quod est in *Græviana*: non tam ineruditus, quod commodum quidem sensum habet, sed non ita bene respondet sequentibus, ubi *Cicero* pergit: *sed tamen ego tibi sororem virginem asisco, tu sororem tuam virginem esse non sivist.* Ex quibus apparet, *Ciceronem* simulare, se ista dixisse, sed in iis non tam insolentiam, quam inscitiam, reprehendendam fuisse. Præterquam quod *Græviana* lectio hoc habet incommodi, ut in ea quod ferri non possit, cum post illud duplex non tam necessario requiratur ut. Eleganter quoque *Olivetius* judicat, verba in *sororem tuam*, quæ pro *Cal. Cap. 15* addidit e *MSto Gruterus*, recepit in suam editionem *Grævius*, in his: *Tu vero, mulier, — — — si ea, quæ facis, quæ dicis, quæ infirmulas, quæ in sororem tuam moliris, quæ arguis, probare cogitas, rationem tantæ familiaritatis, tantæ consuetudinis — reddas & exponas necesse est*, ea, inquam, aliena esse, neque recipienda fuisse. Neque enim in sororem suam aliquid moliebatur *Clodia*, sed in *Calium*. Forte nec inelegans quibusdam videbitur conjectura ad *Or. in Pis. Cap. 3*, ubi in verbis: *ut, quod est indignissimum, scelus imperatoris in penam exercitus expetitum esse videatur*, legit: *Scelus id in p. e. e. v. Scelus id* intelligit de imperatore *Pisone*, imperatoris verbo e glossa orto. Is expetitus dici potest, ut ait, a *Clodio* & *Clodianis*, a quibus provinciam acceperat. Sed non tam *Piso* expetitus est Proconsul *Macedoniæ*, quam *Macedonia* a *Pisone* expetita, ut

ut pluribus locis *Ciceronis* constat. Vulgata recte habet. Barbari scelus *Pisonis* illud, quo ipsis pacem vendidit, videntur expetiisse in pœnam, seu interitum, exercitus, quem consecutum *Cicero* dicit. Si quid mutandum esset, potius placeret nobis legi: *expetiisse videatur. Scelus imperatoris in pœnam exercitus expetiit*, interiori latinitate dicitur, pro usitatori: *Scelus imperatoris expiavit interitu suo exercitus. In Pis. Cap. 33* vulgo sic legunt: *Si aspernaretur amicitiam meam, seseque mihi implacabilem inexplicabilemque præberet*. Non placebat illud *inexplicabilem* cum aliis, tum *Gravio*, qui habet *inexpiabilem*. *Olivetus* ait, Viro cuidam docto *inexpiabiles homines* dici non videri. In animo habuit *Ernestum* in *Clav. Cic.*; ipsi fecus videtur. Nam, si *expiare* dici, pro placare, possit, consequens esse, ut etiam *expiabilis & inexpiabilis*. Atqui *Ciceronem* ipsum in *Pis. Cap. 7* dicere: *expiare manes mortuorum*, quod nil aliud sit, quam placare. Fatendum est, errasse *Ernestum*; sed non minus falsus est *Gravius*, qui, *inexplicabilem* pro implacabili dici non posse, putavit, quod secus esse demonstravit *Ernestus*; manetque nihilo minus, quod hic vult, ut *inexplicabilis* in contextu servetur, & commodam interpretationem habeat. In *Epist. ad Fam. IX, 4*, scribit *Cicero*: *Si hortum in bibliotheca habes, deerit nihil*. *Manutius* intelligebat hortum illatum, quod genus veteres *hortos Adonidis* appellabant, hoc est; flores & plantas in testulis & vasis. Sed, de his valde contemtim fuisse veteres, constat, eosque mollium hominum putatos. *Badius in Bibliotheca* interpretatur in loco bibliothecæ vicino. Sed *Olivetus* in ea interpretatione putat esse hoc incommodi, quod *Cicero* sic ignoraverit, utrum hortum vicinum bibliothecæ haberet, nec ne; quod non sit verisimile. Ipse igitur, hunc sensum esse, dicit: *Varronem* non egressurum e bibliotheca, nisi ut in horto se delectet ambulando; itaque, si fieri posset, ut hortum in bibliotheca haberet, nihil ipsi defuturum, cujus causa exire e bibliotheca posset. Scripsisse *Ciceronem*, de more suo, facere, nec grammaticæ intelligen-

dum esse. *Ad Att. XVI, 11*, eleganter explicat *vallum Lucilianum*, pro quo alii *fillum Lucilianum*, alii *salem*, maluerunt. *Sine vallo Luciliano* recte interpretatum putat *Corradum*: *Sine exceptione*, sed non explicata interpretationis ratione. Eam sic explicat *Olivetius*: *Lucilius*, ut est apud *Ciceronem*, nolebat ab omnibus legi, neque ab omnino indoctis, nec a doctissimis; hos igitur removebat a lectione scriptorum suorum. Atque hoc est *vallum Lucilianum*. *Atticus* scripserat, locum in libro *Ciceronis*, qui esset de *Sica*, esse talem, ut *Sica* agre sit laturus. Respondet *Cicero* ita, ut, verum esse, dicat, sed excuset se, & polliceatur, se eum locum mitigaturum, ut omnes, sine exceptione, etiam *Sica* legere possent. Ex his speciminibus facile de ceteris poterit judicari.

**PETRI DE EBULO CARMEN DE MOTIBUS Siculis, & rebus inter Henricum VI, Romanorum Imperatorem, & Tancredum, Seculo XII gestis. Nunc primum ex Codice MSto Bibliothecæ publicæ Bernensis erutum, notisque cum criticis, tum historicis, illustratum, cum figuris edidit SAMUEL ENGEL, supremi in Republica Helveto-Bernensi, ut & Academici, Senatús ibidem Assessor, & Bibliothecæ publicæ præfectus.**

Basileæ, typis Emanuelis Thurnisii, 1746, 4.

Alph. 1, Tab. æn. 8.

**H**ic est titulus integer libri, ob novitatem satis, ut putamus, placituri. Exemplar, quod coram oculis habemus, perquam pulchrum est, nitidæque tam chartæ, quam typi. Atque hanc elegantiam doctissimus Editor in talem librum, qui placere facile & prodesse nonnullis potest, liberaliter profudit. Barbaries hujus Poetæ neminem offendere debet; est enim illi ætati familiaris, & rerum narratarum copia compensata.

pensata. Sed bene fecisset Editor, si breviter totam historiam, quam fufius enarrat Poeta, sub uno quasi conspectu exhibuisset, ut sciret nempe lector, qua de re agatur, & nosset personas hujus dramatis.

In Præfatione occasionem edendi hujus opusculi, & de *Petro* isto, huc usque ignorato, exponit. Codex, e quo proditus hic liber, ex Editoris opinione unicus est, & idem ille, quem Autor heroi suo, *Henrico* nimirum *sexto*, ipse obtulit, ut ex elegantia membræ, picturarum, characteris, & reliquo nitore, constat. Quod autem Cl. Editor eum putet in orbe terrarum unicum hujus opellæ Codicem esse, inde est, quod neque *Montfauconius*, neque *Fabricius*, diligentes id genus monumentorum indagatores, neque alii, ullam ejus faciant mentionem. Sic scriptus est hic Codex, ut cuivis paginæ scriptæ opposita sit pictura, poeticam narrationem vivis coloribus depictam oculis subjiciens. Quarum aliquas Editor pro specimine nunc jam addidit edito textui; ceteras omisit, ne sumtus nimis crescerent, tentaturus emtorum judicium. Proponit tamen reliquarum omnium picturarum, æri incisarum, lege subscriptionis editionem, si qui sint, qui, monstrosa hac ævi medii elegantia delectati, omnes desiderent. Codex fuit olim *Jacobi Bongarsii*, cujus cum reliquis libris, & multis, ut fama accepimus, & quibusdam magni faciendis, (ut est *Damasceni Lexicon Græcum* ineditum, cujus editionem *Leo Allatius* aliquando promisit,) in Bernensē Bibliothecam transit. Quomodo autem ad *Bongarsium*, non male conjicit Editor, ad quem ablegamus, quisquis nosse cupit. Sed mutilus est Codex, & ab indoctis militibus discerptus, quapropter, eum integrari posse, cum unicus sit, nulla spes est.

Autor, *Petrus de Ebulo*, quis fuerit, in alto scriptorum silentio non constat. Videtur in aula *Henrici VI* munere quodam functus fuisse; & opus suum anno Christi 1195 condidisse, oriundus ex urbe Ebulo, vel Ebulo, quod perinde est, in agro Salernitano. Porro scribit Editor, a multis eruditis viris, & præsertim ab Illustrissimo Comite, *Henrico*

Bunavio, ad editionem hujus opusculi fuisse impulsus, & ab Hieronymo Stettlero, Scholæ Bernensis Conrectore, in concinnandis notis adjutum.

Carmen ipsum *tribus Libris* absolvitur, quorum *primus* 1114 versibus constat, *secundus* 310, *tertius* 243. In fine parcas spargit notas Editor, initio, id est, per *primum Librum*, eo fusiores admensus. In quibus id agit, ut, conferendo scriptores earundem rerum, a suo *Petro* dicta obscurius illustret, & si quos ille spargit flores elegantiores, eorum fontes, Autores veteres, commonstret. Sunt etiam loca, in quibus criticam exercet, & quæ corrupta, emendat. Sed alia, nimis graviter affecta, relinquere debuit meliori medico. Ut illud *pag. 24 Lib. I v. 289*:

*Quam geris aurata, Caesar, diadema thiara,  
Signat te aplicas participare vices.*

Ad posteriorem *versum* in nota monet, in margine Codicis legi *Apulicas* pro *aplicas*. Videtur id adscripsisse *Bongarsius*. Sed erravit. Aut male scripsit librarius *aplicas* pro *pplicas*, aut lectores ejus Codicis non satis assecuti sunt librarii manus. Certe *pplicas* aliud nihil est, quam *papalicas*. *Signat te papalicas participare vices*. Id est: notat, quod Papam, cujus insigne est tiara, repræsentantes. Qui adjectas inspiciet tabulas æneas, deprehendet, *pp*, seu duplex *p*, cum superimposita linea transversa, huic scribæ Papam notare. Neque quemquam ab admittenda hac lectione absterreat peccatum in legem Pediam. Ille mos erat eorum temporum, & nostri, pro lubitu scandere, ut patet ex *versu 561* & aliis. Utinam possemus alterum quoque locum *pag. 52 vers. 567* pariter sanare:

*Te vir dimisit, non vir sed Aptus egit.  
Hostia pro nobis prædaque dulcis eris.*

His inter alia conviciis *Constantiam*, *Henrici VI* uxorem, lacessunt & terrent perfidi *Salernitani*. - Notat Editor ad hunc locum, hoc scripturæ compendium *Aptus* in Codice sic extare,

flare, quod recentior manus in margine per adscriptum *Aper-  
tius* explicet, alia per *Apostolus*. Ipse conjicit, legendum for-  
te *Apolus*, per syncopen, pro *Apostolus*, ut *compositus*, *extin-  
xem*, *purgete*, *largibar*, *audibam*. Hæc quo pertineant, non  
videmus. Fingamus enim, (quod evincere tamen valde erit  
operosum,) *Apolus* dictum pro *Apostolus*; non tamen sic  
versus sibi constabit, qui rectus ibit, si *Apostolus* legatur. For-  
te verum vidit, qui *Apertius* scripsit. Id forte Archiepisco-  
po Salernitano nomen erat. Neque satisfacit nobis Edi-  
tor in explicatione hujus loci, ut multa alia sicco pede  
transiit. Quid enim sibi vult: *te egit Apostolus*? etiamsi per  
Apostolum intelligamus dictum Archiepiscopum. Et quare  
vir & Apostolus tanquam duo contraria sibi opponuntur? Et  
hoc respectu certe neque illud *Apertius*, quod modo proba-  
bamus, satisfacit. Quicquid sit, non meretur hæc barba-  
ries, ut cerebrum in ea nobis turbemus. In notis hæc fere  
sunt præcipua, quæ docentur, grammatica: pag. 42 quod *au-  
guriare* ponat *Petrus* pro *conjectare*, pag. 49 *lacrymabilis*, pro  
eo, qui multum flet, pag. 54 *famosus* pro infami, pag. 56 *re-  
pedare* pro retrocedere, pag. 71 *imperiosus* pro eo, cui pa-  
rendum est, pag. 76 *autumnus* pro vino, pag. 81 *cavare* pro  
perforare, pag. 89 *parapsis* pro paropsis, pag. 93 *galeare* pro  
galea tegere, pag. 96 *ensare* pro ense armare, pag. 104 *gutta  
pedum* pro podagra, pag. 134 *apodixa* pro cautione de accepta  
pecunia, & *escriinare* pro aperire. Ceterum notamus, Edi-  
torem Latino uti stilo haud satis Latino & puro. Nolumus  
tamen hoc nostro judicio quidquam ejus laudi detractum.

JO. FRID. STAPPERI, ECCL. BERN. INSTI-  
tutiones Theologiæ polemicæ universæ, ordine scien-  
tifico dispositæ.

Tomus II & III.

Tiguri,

Tiguri, apud Heideggerum & socios, 1744 & 1745, 8.  
Tom. I Alph. 1 plag. 17 $\frac{1}{2}$ , Tom. II Alph. 1 plag. 16.

*Primus* Operis *Tomus* capita Theologiæ polemicæ non nisi isagogica complectebatur. *Tomus* nunc *secundus* tractationem controversiarum ipsam & elenchum ex parte exhibet. Religio est vel naturalis, vel revelata. Pugnandum itaque est contra duplex adversariorum genus, quorum illi Deum conservatorem ac creatorem, hi Deum salvatorem peccatoris, negant. *Tomus* hic ad posteriores nondum descendit. Expugnatur enim eo Atheismus, Deismus, Epicuræismus, Ethnicismus, ac Naturalismus. Rev. Autor, ex usu esse, existimavit, ut de Atheismo generatim, deinde de Spinosismo ac Materialismo, speciatim exponeret, antequam Deismum susci-peret debellandum. Nexus ac vincula tractationis tam accurate fluunt, & invicem consequuntur, ut nihil ordinatius cogitari possit. Ipse atheismi, stricte & directe sic dicti, quem-

- Pag. 587. quam in opere suo accusare non sustinet. Sufficit proposito ejus, eos refutasse, vel veritatis convicisse, in quorum animis, invitis etiam, confictus ac dubitationes oriuntur de eo, an existat Numen supremum, an veritates connexæ, ad eum stabiliendum aptæ, dentur. Hunc vero animi statum vocat Scepticismum philosophicum, Pyrrhonismum. Significat simul, Cel. Tigurinorum Theologum, *Zimmermannum*, in eo esse occupatum, ut illos, qui ex veteribus ac recentioribus atheismi fuerunt accusati, ab hoc crimine vindicet. Spinosismus admittit unicam modo substantiam, duobus summis attributis præditam, cogitatione scilicet & extensione infinita, e quorum varia modificatione varia corpora, vel animæ variz, oriantur. Materialismus habet mundum materiale pro Deo, seu ente a se. Atheorum errores primarios recenset Noster & refellit. Notas atheismi enumerat. Timorem, seu metum, justitiæ Dei, malas actiones puni-turi, esse originem atheismi, ostendit. Hunc metum ipsi excutere student. Ambitio & ignavia malum augent. Nutric-tus sunt prava educatio, hominum impiorum commercia, malus
- 589.
- 606.
- 612.



malus studiorum usus, crebra profanorum librorum lectio. Occasiones atheismo suppeditantur sæpius per itinera pernicioſa, per religionis in ſectas varias ſciſſionem, per Theologo- Pag. 618.  
rum acerbas diſceptationes, per vitam eorum, qui ſe Chriſtianos profitentur, ſæpius impuram & perverſam, & per libros, quibus religioni obſciuntur multi, qui non ſolvuntur, ſcrupuli, immo etiam per deſenſionem veritatum religionis ineptam, vel infirmam. Arma atheiſmo opponenda ſunt vel directe, vel indirecſte, talia. Direxit jam armamentarium Auctor adverſus atheos *Tome primo*, argumentum a contingetia deſumptum executus. Nunc vero apogogica utitur demonſtratione, oſtendens, atheiſmum cum contradicſione conſiſtari. Ecquando enim atheus firmiter docebit, fieri non poſſe, ut Deus, a mundo diverſus, exiſtat? Quibusnam ipſe utitur argumentis? Hypotheſis ejus nullo nititur fundamento, nullis ipſe inſtructus eſt principiis certis. In atheorum ſyſtemate mera eſt caligo. Inibi ne minimæ quidem rei ratio perſpicitur. At, poſito Deo vero, plana & facilis præſto eſt rerum omnium clavis. In ſyſtemate atheorum certe rerum in mundo evenientium nullus datur ſcopus, nulla deſtinationo, nullus finis. Quanta caligo? Ecquando atheus demonſtrabit, mundum eſſe illud ens a ſe? Mundus certe eſt ens contingens, ac eapropter non neceſſarium abſolute, nec ens a ſe. Atheus admittit in complexu doctrinæ ſuæ id, quod eſt impoſſibile, nempe progreſſum in infinitum, eumque independentem vel rectilineum, vel circularem. Athei admittunt immenſum menſurabile, rem contradicſione plenam. lidem e mundo auferunt id, quod eſt pulcherrimum, ideoque præſtantiam ejus cum maxime deprimunt. Negant ipſi, quod optimum & maxime optabile eſt. Quid autem Deo optimo eſt melius? Athei ſolvunt & evertunt vincula ſocietatis humanæ, tollunt vim ſcøderum, vim jurisjurandi. Athei ſibi ſunt ipſi contrarii, dum ſingulare rationis ſuæ acumen admodum jaſtant, ac, doctrinas ſuas effutiendo, ſe plane ſtupidos eſſe, teſtantur, caſui fortuito omnia immergentes. Si atheus eſt certus, non dari Deum, cur igitur non-

622.

624.

628.

631.

633.

639.

653.

- ens odio persequitur, & frustra debellat? Si dubitat tantum, cur igitur partem tutiorem & probabiliorem haud sequitur, ut alias facere solet? Ipse exsors est tranquillitatis animæ, nec tamen de hypothesi sua certus, per quam tranquillitate excutitur. Solet igitur sapius usu venire, ut athei, conscientia territi, in summam rejiciantur superstitionem. Si atheus certo scit, animam esse mortalem, frustra immortalitatem animarum humanarum debellat; si dubitat, male agit, dum sic vivit, quasi anima sua esset mortalis. Quibus expositis,
663. Autori visum est dissolvere atheorum objectiones. Monent hi, Dei notionem dari nullam, omnem cognitionem per sensus, in quos tamen Deus haud cadit, acquiri, attributa Dei esse incomprehensibilia, immutabilitatem Dei rebus creatis necessitatem conditionis expertem secum ferre, creationem in Deo mutationis fore causam, notionem de Deo esse callidorum hominum inventum ad plebem indomitam in officio continendam, *Mosen* existisse impostorem, varias esse religiones & sectas, Theologos continuis controversiis distineri, providentiam Dei in mundo haud apparere, difficultatibus expositam esse de immortalitate animarum doctrinam. His objectionibus dissolvendis parem sese præbet Autoris philosophia. Accedit deinde ad remedia atheismo profligando adhibenda. Pantheismum, seu Spinosismum, ex fontibus deducit ac debellat, laudatis illis doctrinis atque rationationibus, quibus Ill. *Wolffius Tomo II Theologia naturalis* Spinosismum profligavit.
718. Ad objectiones Spinosistarum solide respondet, ac *Balii* additamenta pervestigat, eaque dissolvit. De *Materialismo* disserit docte ac evidenter. Fontem erroris recludit. Objectiones excutit ac repellit. Deismum, ejusque errorem præcipuum, in neganda Dei providentia positum, describit ac profligat. Causa Deismi potissima sita est in conscientia poenæ, peccatis promeritæ, ac eo, qui inde oritur, Numinis non placati metu, in terrorem prolapsa. Refutat tandem opinioniones Deisticas, ac objectiones præcipuas felici conatu dissipat. Perplacuit nobis id, quod Autor ad objectiones, quibus
663. Pag. 658.
- 678.
- 687.
- 733.
- 742.
- 766.

bus significatur, improbis subinde cuncta prospere & ad vota fluere, piis contra cum cumulo calamitatum esse conflictandum, respondit. Objectionem, quæ a multitudine malorum moralium, orbem terrarum premente, desumi solet, solide Pag. 783. extricat, ac eam, quæ nostram inter & Dei perspicientiam intercedit, differentiam demonstrat curate. Nisi libertas homini fuisset divinitus impertita, virtuti locus haud esset. En rationem, cur Deus homini libertatem veluti donum indulserit, nec obstruxerit facultatem eo abutendi. *Paragraphum* 786. *321 Capitis VI* omisit, indicio hoc addito: *Hunc Paragraphum ut omittam, jussit Venerabilis Facultas Theol.* Indubie inibi ea fuerunt allata, quæ ad usus, quos Deus ipse ex hominis, abutentis libertate sua, momentis ad regnum suum universum per decretum permissionis voluit redundare, spectant, ac referri a nonnullis solent. Labem peccati innati ita persequitur docendo, ut *Balis* fiat satis. Unus ex censoribus librorum theologorum venerandis ibi addidit rationibus 789. Autoris nonnihil, e Theologia revelata depromptum, ne consultata Autoris viderentur *Formula Consensus Helvetica* ullo pacto repugnare. Tum vero Rev. Autor ad Epicuræismum ever- 794. tendum sese accinxit. Deista enim est subtilis Epicuræus, & Epicuræus est crassus Deista. Uterque plenæ actionum indifferentiæ & moralitatis subversioni assentitur. *Archelaus* ex schola Ionica, *Theodorus asbeus*, Cyrenaicæ sectæ addictus, *Pyrrhonii*, *Carneades*, alique veterum, in hac cymba navigarunt. *Leucippus* & *Democritus* Deum creatorem repudiarunt, mundum ex fortuito atomorum concursu productum fuisse, 798. rati. *Seneca de Benef. IV, 4*, *Epicurum* providentiam Dei sustulisse, docet. Adde *Seneca Cap. 19*. *Diogenes Laertius X Sect. 77* adstipulatur *Seneca*, de *Epicuro* exponens. Docet vero Noster, dari obligationem actionum liberarum internam & externam, hominem ad certa officia alii cuivis præstanda 805. per naturam esse obstrictum, dari legis naturalis obligationem divinam, hominem ad observandam legem civilem esse obligatum, immo ad religionem naturalem. Objectionum nebulas deinde dissipat & diverberat. Procedit porro ad Poly- 811. 821.

- theismum, seu Ethnicismum, debellandum. Varias ejus species exponit. Idololatriam subtilem & crassam aggreditur expugnare. Errorem primarium & eos, qui inde
- 837.** fluunt, protrahit in lucem. Eos tamen, dum Diis colendis operati fuerunt, sine omni religione fuisse, negat. Adminicula placandi Deum commentitia percenset. Occasionem ethnicismi explicaturus, monet, maximam linguarum diversitatem ex dispersione gentium *pedetentim* ortam; traditionem Patrum fuisse corruptam ab imperitis, culturam rationis evanuisse, pietatem excussam, superstitionem veritati substitutam, animum corruptelis infectum, & a Dei amore aversum fuisse. Docet e contrario, unicum existere Deum,
- 844.** perfectiones Dei limitum esse expertes, mundum, ceu unum connexum quid, a pluribus Diis dependere haud posse, ac ethnicismum nullo niti fundamento. Disserit posthac de falsis ac genuinis modis convincendi, ac ad veritatem revocandi,
- 848.** Polytheos. Socinianorum methodus est culpanda, quippe qui religionem divinitus revelatam convertunt in naturalem. Huc referendus est Anonymus, qui librum scripsit: *Lettres sur la Religion essentielle à l'homme, distinguée de ce qui n'en est que l'accessoire*. Idem jam antea scripserat libellum: *Le Systeme des Anciens & des Modernes sur l'Etat des Ames separées des Corps*. Refellit Noster ea, quæ Anonymus Theologiæ opposuit naturali, reliqua refutaturus, quando ad Socinianismum debellandum ipse stadium suum decurret. Monet, ea, quæ *Paragrapho 58* contenta fuere, deleri jussisse venerabiles librorum theologicorum censores. Locum *Ebr. XI, 6*, dextre debiteque exponit, ac, quid illud *εὐαγγελισσας* sit v. s, curate definit. Præcepta admittit evangelica, ac methodum in convertendis ad Christum hominibus *Paulinam* edisserit. *Capite 10* de Naturalismo exponit, quem distinguit in philosophicum & theologicum. Prior a statoribus salutis hominis peccatoris sufficere existimatur; posterior revelationis veritatem admittit, necessitatem hypotheticam repudiat. Ille est Antiscripturarius, hic non item. Autor errorem utriusque palmarium evolvit, erroresque adjungit, illi junctos.
- 883.**

junctos. *Tindalius*, & ante eum *Antonius Collinus*, exstiterunt  
 Naturalistæ recentioris ætatis Angli. Illius liber, *Christianity*  
*as old as the Creation*, Londini A. 1730 prodiit, a nobis suo  
 loco expensus. *Fosteri* refutatio, cum hoc libro conjuncta,  
 exiit in lucem Francofurti ac Lipsiæ; in vernaculum conver-  
 sa, A. 1741, 8. *Tindalius* locum inter Naturalistas Philoso-  
 phos occupavit. Summam opinionum ejus Autor exhibet  
 ex parte potiori. Causas Naturalismi pandit. Occasiones & Pag. 923.  
 adjumenta ejus addit. Subjungit etiam pronuntiatis Natura-  
 listarum refutationem rei convenientem. Ostendit vero ex  
 principiis veris, tum revelationem religioni naturali superad-  
 dendam necessariam esse, tum sacris literis criteria divinæ  
 revelationi propria congruere & accommodatissima esse.  
 Largitur, religionem naturalem & revelatam sibi invicem re-  
 pugnare; negat vero, posteriorem perfectioni prioris aliquid  
 demere. Exhibet utriusque concordiam, tabula repræsentata.  
 Ostendit, utramque hanc religionem ex duplici homi-  
 nis ad Deum relatione fluere, nec unam alteri repugnare.  
 Perfectionem religionis naturalis fufus exponit pro ea ad  
 Deum relatione, qua gaudet ipsa. Addit etiam, per sacras  
 literas religionem naturalem nitore suo restitutam esse. 955.  
 Ostendit præterea, religionem naturalem salutis sempiternæ conse-  
 quendæ; moribusque mentium tollendis, minus sufficere.  
 Omittimus reliqua in præfens, cædro digna. Docet solide, 947.  
 religionem peccatoris non esse mysterii expertem. Largitur,  
 religionem naturalem esse immutabilem, & perfectam, & cla-  
 rissimam. Negat vero, illam revelatæ esse opponendam, si-  
 quidem peccatum intercessit, ut nova Deum inter & homi-  
 nem revelatio accesserit. *Tindalius* perperam sumsit, homi-  
 nem religioni naturali ad amissim servandæ in statu peccati  
 sufficere, ac illam omnino servare. Frustra sumsit, satisfactio-  
 ni locum haud esse ad hominem cum Deo reconciliandum. 960.  
 Cur non ostendit, illam ab homine præstari posse? Male  
 existimavit, adminicula felicitatis humanæ, quæ uno tempore  
 hominis felicitatem perficere potuerunt, alio tempore, quo  
 homines peccato erant jam infecti, eundem effectum præstare  
 posse. 967.

- posse. Revelatio non Dei, sed hominum, culpa apud gentes nonnullas fuit oblivioni data. Postea etiam multi populi impedimento fuerunt ipsi, quo minus janua Evangelio fuerit patefacta. Addit Noster, Deum a nemine plus requisitum, quam acceperit, & unumquemque respectu luminis sibi concessi a Deo judicatum iri, *Rom. II, 12*. Ad objectiones, quæ a variantibus lectionibus & obscuritate sacris literis exprobrata desumi solent, promte solideque respondet, *Tindalium* præcipue refellens, cujus argumenta singula, veritati Vet. Test. opposita, demolitur, simulque ostendit, exempla, a *Tindalio* prolata, cum jure naturæ ac immutabilitate religionis naturalis haud pugnare. Videtur Autor *Hoseam* Prophetam pro Sacerdote summo reputare. • Obdurationem, *Pharaoni* divinitus immisam, qualis vulgo fuisse existimatur, melius exposuisset cum *Overkampio* per divinam declarationem, quia conjugatio *bipbil* fuit adhibita. Laudibus ei ducendum, quod objectiones etiam chronologicas dissolvit. Vellemus, solvisset curatius contradictionem illam apparentem locorum 2 *Chron. XXI, 20, XXII, 2, & 2 Reg. VIII, 26*, ubi filius patre biennio major fuisse videtur. Filii enim fuere non tantum natura, sed etiam lege; non tantum proximi, sed etiam remoti, generis. Proponimus igitur Chronologis denovo dubii hujus extricationem, rati, inventum iri in Theologorum numero, qui difficultatem non fecer, sed ratione adhibita enodet. Vaticinia Vet. Test. vindicat Noster egregie. *Adequatam mysteriorum cognitionem impossibilem* pronuntiat, intelligens, eam impossibilitatem respectu intellectus finiti esse capiendam. A Jesu singulas impostoris notas abesse, solide monstrat ex ipsius tam doctrina, quam factis & vita moribusque. Pervadit ac perreperit nulla non adversariorum latibula, ac ne micam quidem objectionum dimittit intactam parumque extricatam. Excudit præterea oculos Naturalistarum, & arma enervat, quibus veritatem Nov. Test. tentant, & in discrimen conjicere laborant. Gratas ut agamus Viro Pl. Reverendo pro tot laboribus, in honorem & tutamen rei Christianæ collocatis, ac præcipue pro hujus

*Tomi* diligentissima elaboratione, nos non solum publico, sed etiam nostro, nomine nos commotos ac obstrictos esse sentimus, adjungentes merito vota sincera fucique expertia profaustitate ejusdem omnigena ac diuturna incolumitate, & credituri perpetuo, hoc etiam præmio divino laborem ejus haud indignum ab omnibus bonis iri existimatum.

*Tertium Tomum* Patruo Pl. Rev. Autor inscripsit, simulque, Philosophiam & Theologiam sibi mutuam afferre lucem & consortionem, ostendit. In Præfatione laudavit eum, qui *Tomi I* recensionem. *P. XXVI Relationum Jenensium de libris ac scriptis novis theologicis* attente & cum cura exhibuit, ac nonnihil submonendo adjecit. Inter alia sic habet: *Systema, Ecclesie Reformatae & censura publica Facult. Theol. subjiciendum, mihi exhibendum fuit, prolixior paulo alias in exponenda decreti divini ratione objectiva fuisset. Tomo hoc tertio continentur Capita duo, undecimum & duodecesimum. Prius in Sectiones abit duas. Illa de Judaismo, hac de Muhammedanismo, exponitur. Posterioris de Socinianismo & Antitrinitariis inscribitur. Stilus, methodus, soliditas, obtinent antiquum. Id unum nonemus ad pag. 14, non omnes Judæorum doctores liberationem a Messia expectare temporariam, nec inter eos abesse, qui nullum expectent Messiam. Perplacuit nobis conatus ille potissimum, quo Autor *Woolstoni* ac Judæorum objectiones, resurrectioni Jesu infestas, laboriose solideque retudit. Lector certe tempus suum nunquam utilius impendit, quam si *Stapferianum* hunc quoque *Tomum* attente perlegerit, qui, vel decies perlectus, non potest non probari ac placere.*

LETTERE DELL' ABATE D. ANTONIO SAMBUCA,  
scritte al Signor Abate D. ANDREA BACCI, Canonico, &c.

id est,

EPISTOLÆ, QUAS ABBAS D. ANTONIUS  
SAMBUCA ad Abbatem D. ANDREAM BACCIIUM,  
in signis templi collegiati ad S. Marci Romæ Canonicum, scripsit.

Brixiz,

Brixiz, ex typographeo Joannis Mariæ Rizzardi, 1745, 4.

Plag. 10.

- E**minentissimi Purpurati *Quirini* laudibus hæ Epistolæ sunt refertissimæ, nec immerito. Quis enim illius in scientias omnes studium ac favorem ignorat? *Benedictus XIII* eum
- Pag. 9. Episcopatui Brixienti in Longobardia Veneta præesse jussit, purpuraque donavit illum, qui Archiepiscopatum Corcyrensem temporibus difficillimis egregie administrasse credebatur. *Primordia Corcyra*, a Purpurato illo conscripta, hic laudata, alibi nos ipsi laudavimus. Omittimus specimina benignitatis, quam
19. pauperibus exhibuit. Laudant Casinensis Congregationis participes ac sodales eam, qua Abbatiam *Buschi*, ipsi commendatam, sibi curavit restituendam, liberalitatem ac munificentiam. Ipse eidem Congregationi est adscriptus. Diligentiam ejus prædicat nomine haud uno Ven. *Sambuca*. Copiosos ipse sumtus reficiendis ædificiis sacris, ac eorum partibus
40. perficiendis, impendit. Episcopatum Patavinum, sibi oblatum, recusavit, Brixienti ornando devotus ac intentus. Batavus quidam de hac recusatione iniquius judicaverat. Purpuratum ipsa defendit Roma, acrius infestatum maledico rumore. Binæ sunt literæ, quibus Ven. *Sambuca* tanti Viri famam, minus benigne habitam, vindicavit. Subjiciuntur huic Epistolarum bigæ inscriptiones, passim in honorem Emin. *Angeli Mariae Quirini*, tituli *S. Marci* Purpurati, Episcopi Brixientis, ac Bibliothecæ Vaticanæ præfeti, publice propositz. Ex eis intelligitur, ipsum in basilica *Marci* Romæ nova in presbyterio sedilia, veteribus fatiscentibus, construxisse, parietesque holosericis peristromatis honestasse A. 1735, sacellumque sanctissimi Sacramenti in ipsomet sepulcro, *Marci Barbi*, Card. Aquilejensis, cineribus asservandis exstructo, theca eucharistica, septis, aliisque ornamentis, A. 1740 instruxisse. Ad annum 1744 vocatur *titularis S. Praxedis & S. Marci Commendatarius*. Titularium usui amœnum secessum, hibernam mansionem, ambulacra bina, adaptavit. Ipse in Vaticanam donum, librorum accessionem, contulit A. 1732. Sacellum sacrarii
8. S. Gre-



S. *Gregorii* in Monte Caelio a cornu Epistolæ ornavit, ut gratus esset in Monachos Camaldulenses, ædis incolas, in quorum ordine Abbatiam Vangadicæ obtinet. Ibidem ad aram a cornu Evangelii indicavit, se die S. *Andrea* A. 1723 in basilica S. *Marci* Episcopalem unctionem recepisse. Templum S. *Gregorii* pluribus annis instruxit ornamentis præclaris. Statuam marmoream *Benedicti XIII* ad ejus tumulum in æde S. *Maria* super Minervam curavit A. 1735 apponendam. *Ludovico Pico Mirandulano*, Episcopo Portuensi, cui in titulo S. *Praxedis* succēssit, in templo S. *Praxedis* A. 1744 monumentum posuit. Abbas & Monachi Hieronymiani in templo S. *Alexii* in monte Aventino eidem tunc exegerunt grati animi monumentum, Hieronymianæ quippe familiæ patrono ac protectori. Templum Brixienſe Episcopale suo ære large collato, & ara maxima, & splendidis aliis ornamētis, decoravit munificentissime. Eam ob causam Septemviri Brixie ejus effigiem marmoream in presbyterio novæ basilicæ, A. 1605 ædificari cœptæ, ac inscriptionem additam, posuerunt A. 1737. Non est nostrum, *Inscriptiones* ipsas huc transcribere, quibus Emin. *Quirinus*, fama super æthera notus, oblivioni mortalium ingratus surdæque posteritati ereptus fuit. Suspiciunt coluntque tanti Viri memoriam eruditi per Europam, quosque fabulosus lambit Hydaspes, & qui habitant ultra Garamantas & Indos.

Pag. 10.

19.

BREVE STORIA DELLA VITA DI CATTERINA VIZZANI, Romana, che per otto anni vesti l'abito da uomo, &c.

id est,

FANI PLANCI, SEU JOANNIS BIANCHI, ANATOMES Professoris Senensis, Historia brevis, vitam narrans Catharinæ Vizzanæ, Romanæ, quæ per octo annos virum mentita est, famulatum præstans, quæ, cum postremo post varios casus occisa fuerit, virgo reperta fuit anatome sui cadaveris.

LI

Venetiis,

Venetiis, typis Simonis Occhi, 1744, 8.

Plag. 2.

**I**n hac historia, seu narratione, a *Jano Planco*, Medicinæ Doctore Ariminensi, & quondam in Academia Senensi Anatomæ Publico Professore, historia elegans & scitu digna describitur cujusdam Virginis Romanæ, *Catharina Vizzana* nomine, quæ a sexto decimo anno usque ad vigesimum quintum circiter habitum virilem mentita est, quibusdam Nobilibus in Heretura famulatum præstans, quo tempore & antea nunquam cum viris sanguinem miscuit, licet cum ipsis sæpenumero dormierit. Verum perditæ mulieres amabat, propter quas cum varia infortunia perpeffa sit, tandem, cum duas virgines in Librafraffa, oppidulo ditionis Pisanz, rapuisset, istu sclopeti in genu prope Senas vulnerata fuit, quo vulnere interiit Senis, cum in nosocomio per quindecim dies agrotasset. Aliquot horas ante mortem mulieri cuidam Senensi revelavit, se mulierem esse & virginem, petiitque, ut corona florum post mortem suam caput ornaretur; ita enim mos est in Italia ornare, quæ virgines moriuntur. A *Planco* & ab ejus adjutoribus dissectum fuit ejus cadaver, & in eo reperta est integra hymenis membrana, quæ hic cum valvula coli describitur; at canaliculi cysthepatici & hepatocystici in jecore negantur. Hoc totum a *Planco* additur, ut contradicat aliquibus Senensibus, qui autoritatem *Pinelli* cujusdam, Illicinenfis Anatomi, hymenem in scriptis suis negantis, fuerant secuti. Sic post *Heisterum* valvulam *Baubini* in colo iterum asserit contra *Biancum*, Taurinensem Anatomicum, ut olim jam fecerat in Epistola sua anatomica; in qua etiam canaliculos illos cysthepaticos & hepatocysticos negarat, quos nunc negare pergit, licet *Winslowius* eos subobscure admittat, quem illos non *αὐτοψία* vidisse, sed ratione tantum & analogia admisisse, judicat; rationem, docens, & analogiam in materia facti interdum vacillare, ut vacillarent, si quis, ut *Plancus* ait, contenderet, ductum cysticum esse in brutis omnibus tortuosum & valvulis conspersum, quod re ipsa talis sit in hominibus.

L. F.

## L. E. DE NUMERIS AMICABILIBUS.

**P**roblemata, quæ circa indolem ac proprietates numerorum versantur, hoc tempore, quo Analysis mathematica ad multo profundiores speculationes aditum aperuit, fere penitus a Geometris derelicta videntur; ac plerique arbitrantur, contemplationem numerorum nihil prorsus ad augmentum Analyseos conferre. Verum tamen certe investigatio proprietatum numerorum sæpenumero multo majorem sagacitatem requirit, quam subtilissimæ quæstiones geometricæ; atque ob hanc ipsam causam quæstiones arithmeticæ immerito istis postponi videntur. Ac summa quidem ingenia, quibus maxima Analyseos incrementa accepta sunt referenda, numerorum affectiones non indignas censuerunt, in quibus evolvendis plurimum operæ & studii collocarent. *Cartesius* scilicet constat, etiamsi amplissimis cum universæ Philosophiæ, tum Matheseos, meditationibus esset occupatus, tamen non parum in eruendis numeris amicabilibus defudasse; quod negotium deinceps *Schotenius* majori studio est persecutus. Vocantur autem numeri amicales, duo ejusmodi numeri, quorum alter, si ejus partes aliquotæ omnes in unam summam colligantur, alterum producat; cujusmodi numeri sunt 220 & 284; prioris enim 220 partes aliquotæ, seu divisores, ipso minores  $1 + 2 + 4 + 5 + 10 + 11 + 20 + 22 + 44 + 55 + 110$  summam præbent 284: atque hujus numeri 284 partes aliquotæ  $1 + 2 + 4 + 71 + 142$  vicissim producant 220. Nullum autem est dubium, quin præter hos duos numeros plures alii atque adeo infiniti dentur, qui eadem proprietate sint præditi; neque tamen *Cartesius*, & post eum *Schotenius*, plura, quam tria, talium numerorum paria elicuerunt, etiamsi non parum studii ad plura eruenda impendisse videantur. Ac methodus quidem, qua uterque est usus, ita est comparata, ut ejus opæ vix plures numeri amicales inveniri queant; assumsent enim, hujusmodi numeros in his formulis  $2nxy$  &  $2nz$  contineri, ubi  $x$ ,  $y$ , &  $z$ , numeros primos denotent; quos ita comparatos esse oportet, ut sit primo  $z = xy + x$

$$L1 \quad 2 \qquad + y,$$

+ y, tum vero ut sit  $2^n(x+y+2) = xy + x + y + 1$ . Exponenti ergo  $n$  successive varios tribuerunt valores, ac pro singulis ejusmodi indagaverunt numeros primos  $x$  &  $y$ , ut posteriori æquationi satisfaceret: qui si simul tales fuerint, ut  $xy + x + y$  præberet numerum primum, formulæ assumptæ  $2^n xy$  &  $2^n z$  exhibebant numeros amicabile. Facile autem intelligitur, hoc modo ad majores exponentes  $n$  procedendo, mox ad tantos numeros  $xy + x + y$  perveniri, qui utrum primi sint, nec ne, discerni amplius nequeat, cum tabula numerorum primorum ultra 100000 nondum habeatur extensa.

Perpicuum autem est, hanc quæstionem præter necessitatem non leviter restringi, dum numeri amicabiles in his tantum formulis assumtis includi assumantur. Quod cum perpendifsem, vocatis in subsidium nonnullis artificijs, ex natura divisorum petitis, plura alia numerorum amicabilium paria sum adeptus, quorum cum tribus jam notis triginta hic communicabo; eos autem, quo eorum origo & natura clarius perspiciatur, per factores expressos exhibebo. Sunt igitur numeri amicabiles:

I.	$2^2. 5. 11$	&	$2^2. 71$
II.	$2^4. 23. 47$	&	$2^4. 1151$
III.	$2^7. 191. 383$	&	$2^7. 73727$
IV.	$2^2. 23. 5. 137$	&	$2^2. 23. 827$
V.	$3^2. 5. 13. 11. 19$	&	$3^2. 5. 13. 239$
VI.	$3^2. 7. 13. 5. 17$	&	$3^2. 7. 13. 107$
VII.	$3^2. 7^2. 13. 5. 41$	&	$3^2. 7^2. 13. 251$
VIII.	$2^2. 5. 131$	&	$2^2. 17. 43$
IX.	$2^5. 5. 251$	&	$2^5. 13. 107.$
X.	$2^3. 17. 79$	&	$2^3. 23. 59.$
XI.	$2^4. 23. 1367$	&	$2^4. 53. 607$
XII.	$2^4. 17. 10303$	&	$2^4. 167. 1103$
XIII.	$2^4. 19. 8563$	&	$2^4. 83. 2039$
XIV.	$2^4. 17. 5119$	&	$2^4. 239. 383$
XV.	$2^5. 59. 1103$	&	$2^5. 79. 827$
XVI.	$2^5. 37. 12671$	&	$2^5. 227. 2111$

XVII.

XVII.	2 <sup>s</sup> . 53. 10559	&	2 <sup>s</sup> . 79. 7127
XVIII.	2 <sup>s</sup> . 79. 11087	&	2 <sup>s</sup> . 383. 2309
XIX.	2 <sup>s</sup> . 11. 17. 263	&	2 <sup>s</sup> . 11. 43. 107
XX.	3 <sup>s</sup> . 5. 7. 71	&	3 <sup>s</sup> . 5. 17. 31
XXI.	3 <sup>s</sup> . 5. 13. 29. 79	&	3 <sup>s</sup> . 5. 13. 11. 199
XXII.	3 <sup>s</sup> . 5. 13. 19. 47	&	3 <sup>s</sup> . 5. 13. 29. 31
XXIII.	3 <sup>s</sup> . 5. 13. 19. 57. 1583	&	3 <sup>s</sup> . 5. 13. 19. 227. 263
XXIV.	3 <sup>s</sup> . 5. 31. 89	&	3 <sup>s</sup> . 5. 7. 11. 29
XXV.	2. 5. 7. 60659	&	2. 5. 23. 29. 673
XXVI.	2 <sup>s</sup> . 31. 11807	&	2 <sup>s</sup> . 11. 163. 191
XXVII.	3 <sup>s</sup> . 7. 13. 23. 79. 1103	&	3 <sup>s</sup> . 7. 13. 23. 11. 19. 367
XXVIII.	2 <sup>s</sup> . 47. 2609	&	2 <sup>s</sup> . 11. 59. 173.
XXIX.	3 <sup>s</sup> . 5. 23. 79. 1103	&	3 <sup>s</sup> . 5. 23. 11. 19. 367
XXX.	3 <sup>s</sup> . 5 <sup>s</sup> . 11. 59. 179	&	3 <sup>s</sup> . 5 <sup>s</sup> . 17. 19. 359

Glaubwürdige Nachrichten von dem Leben des Heil.  
Valentini, beyder Rhätien Apostels, ic.

hoc est,

*DESCRIPTIO VITÆ S. VALENTINI,*  
*utriusque Rhetie Apostoli, cum animadversionibus chro-*  
*nologico-historico-geographicis, adornata ab ANTO-*  
*NIO ROSCHMANNO, J. U. Lic. Bibliothecario*  
*Cesar. & Regio, Universitatis Notario, & Pro-*  
*vinciæ Tyrolensis Historiographo.*

Ulmæ, prostat in officina Bartholomæi, librarii, 1746, 4.

Alph. 1.

**Q**ui Veldidenæ, urbis in Rhætia quondam nobilissimæ, anti-  
quitates, de quibus proxime dicemus, egregie exposue-  
rat, *Antonius Roschmannus*, Vir πολυμαθής, vitæ postea S.  
*Valentini*, Rhætorum Apostoli, descriptionem concinnare, &  
hoc pacto rebus Ecclesiæ patriæ lumen affundere, apud ani-  
mos constituit. Dignissimus nimirum ipsi videbatur *Valenti-*  
*nus*, cujus memoria summo studio conservaretur, qui & doctri-  
nam cœlestem diligentissime auditoribus suis inculcavit, & post

Ll 3

mortem

mortem etiam miracula quamplurima, & vix unquam audita, perpetrasse dicitur. Testem hujus rei Cl. Autor nominat tabulam aliquam plumbeam, quæ Seculo quinto confecta videtur, juxta corpus Sancti istius inventam, atque ab *Anonymo Passaviensi* descriptam. Ceterum inter fontes, ex quibus notitia vitæ *Valentini* hauriri potest, *Eugippii Vitam S. Severini* numerat, eique *Venantium Fortunatum*, atque *Aribonem Frisingensem*, adjungit. *Ottonem* vero *Frisingensem* nimis parce de *S. Valentino* egisse, conqueritur. *Bernardum Noricum* etiam nonnulla, huc pertinentia, attulisse, docet, ejus vero ætatem adhuc ignorari proficitur, cum præsertim nondum typis exscriptum sit ejusdem opus, verum excerpta duntaxat, quæ Cl. *Hausitzius* attulit, hodiernum suppetant. Ex hisce fontibus recentiorum scriptorum tantum non omnes sua hauserunt. Cum autem isti in Geographia potissimum Tyrolensi atque ratione temporum constituenda hinc inde lapsi sint; Cl. Autor eorum navos corrigere, & certiorum hujus Sancti historiam reddere, annisus est. Tempus adeo, quo natus sit *Valentinus*, certo definiri posse, negat, ex tabula tamen plumbea, de qua supra dictum est, clarum fieri judicans, Sanctum illum jam circa medium Seculi quinti sacerdotem fuisse, multa itinera confecisse, & in *Leonis M.* notitiam pervenisse. Taxat ideo eruditorum haud paucos, qui, anno Christi 340, aut circa initium quinti Seculi, *Valentinum* vivere jam desisse, sibi persuaserunt. Ex Belgio oriundum esse *Valentinum*, non sine fundamento statui posse, credit. Cumque iste tractus, *insula Batavorum* olim dictus, in Romanorum eo tempore potestate fuerit; inde, nomen Romanum nostro esse inditum, Cl. Autor censet. Ex Christianis vero parentibus eum esse progenitum, ideo contendit, quod insula Batavorum jam eo tempore Christiana sacra suscepit. Passavium inde petiisse *Valentinum*, tabula plumbeæ autoritate inductus, statuit, idque ideo factum esse eredit, quod in insula Batavorum milites noviter allecli, & eum in locum tanquam colonia transmissi, ab eo in verbo Dei instituendi fuerint. Non satis feliciter autem ipsi hunc laborem cessisse, observat, cum plurimi auditorum Ariana hæresi infecti

Fig. 1.

3.

7.

infecti essent, ipsique etiam Catholici adeo turpem vitam agerent, ut vel paganos impietate vincerent. Vicinis tamen simul locis eum Evangelium prædicasse, Cl. Autor dicitur. Romam deinceps concessit *Valentinus*, ubi a *Leone M.* Episcopus consecratus, Passavium quidem repetiit, ab incolis tamen non sine contumelia mox ejectus est. Interim, eum non ordinarium Passavii Episcopum, sed extra ordinem a Pontifice ea in loca delegatum, fuisse, Cl. Autor observat, indeque rationem dari posse censet, cur in catalogo Præfulum Passaviensium ejus nomen exulet. Abbatis vero munus antea obiisse nostrum, id quod nonnullis visum est, constanter pernegat. Cum autem Arianorum furor potissimum Passavio egerit *Valentinum*; de istorum hominum placitis quædam disputat, & per Gothos, in vicinia Norici constitutos, eorum errores Passavium pervenisse, contendit. Tyrolin vero cura S. *Valentini* ab hac labe immunem esse servatam, contendit. Relicto nempe Passavio, ejusque vicinia, Rhætiam primum is petiit, sub quo nomine Tyrolis etiam eo tempore comprehendebatur. Hodiernis Grisonibus primo, dein Tyrolensibus, eum doctrinam cœlestem tradidisse, Cl. Autor statuit. Accidisse hoc statim post *Attilæ* mortem, observat, eoque tempore Christianam religionem per ea loca non quidem penitus exulasse, concedit, miserrimum tamen & valde turbatum rei publicæ per hæc loca statum fufius enarrat. Quam indefesso studio doctrinam salutarem ibi disseminaverit noster, tabula plumbea, & *Anonymus Passaviensis*, declarant. Tandem, senio, ut videtur, fractum, solitudinem & otium quæsisse *Valentinum*, & in loco *Mays* dicto, confedisse, Cl. Autor monet, de situ & nomine istius loci varias subjungens conjecturas. Quamvis ergo juxta eum locum in solitudine viveret *Valentinus*; eum tamen sæpius in urbem concessisse, cultui divino ibi interfuisse, & incolas istius tractus, una cum collega S. *Lucillo*, ad pietatem erga Deum excitasse, Cl. Autor contendit. In eodem loco postea mortuus, in ædícula, in solitudine ædificata, sepultus dicitur. Cujus rei fidem facit mensa, juxta altare istius ædis conspicua, in qua,

Pag. 8.

14.

18.

24.

26.

38 seq.

50.

56.

70.

- qua, quamvis altare nullas Sanctorum reliquias seruet, missæ tamen sacrificium ideo offerri solet, quod *Valentinus* ipsemet illam ædem consecrasset credatur. In honorem S. *Stephani* autem hanc ædiculam fuisse a *Valentino* exstructam, & ara quædam, ibi obvia, honori *Stephani* dicata, confirmare videtur, & ex eo apparet, quod perpetuo protomartyris istius patrocinio manserit commendata, & ecclesia cathedralis Passaviensis, a *Valentino* certissime consecrata, ejusdem
- Pag. 72. Sancti nomen tulerit. Mortuum ibi esse *Valentinum* die septimo Januarii, ex variis martyrologiis Cl. Autor demonstrare annitur. De anno mortis certi quid constare, negat; interim
75. tamen, ante annum 477 eum obiisse, conjicit. Quamvis de loco sepulturæ nihil certi tradiderint scriptores; *Valentini* tamen corpus in ædícula supra memorata non procul ab altari repositum esse, asseverat, aliorumque sententias, qui locum sepulturæ in ipsa urbe *Mays* quærunt, confutat, illos *Matzsch* & *Mays* confudisse, sibi persuadens. De tabula deinceps
76. illa plumbea, in translatione corporis istius Sancti inventa, fuse Cl. Autor disputat. Observat, ejusmodi tabularum, juxta Martyrum corpora inventarum, quam plurima apud scriptores exempla deprehendi, hancque tabulam satis antiquam, & statim post mortem *Valentini* consecratam, videri, variis argumentis comprobat. Postea, temporum injuria, adeo verustate corrosa est, ut *Anonymus Passaviensis*, eam describens, cum verba ejus legere omnia non posset, contenta duntaxat exposuisse dicendus sit. Decennio post mortem vix præterlapso, dies mortis *Valentiniana* S. *Lucillo*, ejus discipulo, solenniter jam celebratus est. Seculo postea sexto summo in honore *Valentini* memoriam fuisse, ex Poemate *Venantii Fortunati*, quod Cl. Autor Theodiscis versibus expressit, liquet. Seculo octavo *Corbinianus*, Frisingensis Episcopus, sepulcrum *Valentini* veneratus dicitur, de quo adeo *Corbiniano* quamplurima memoratu digna Cl. Autor in medium profert. Eundem *Corbinianum* in loco quodam, inter rivos *Timonem* & *Finalem* sito, & *Camina* dicto, postea consecrasset, ibique ædiculam in honorem *Valentini* ædificasse, obser-
81. 82. 84. 90. 97. 103. 108.



observat, quamvis hodie ista ædícula adhuc superstes, a S. *Mauritio* nomen acceperit. Mortem dein *Corbiniani*, ejusque corporis translationem juxta sepulcrum *Valentini*, quæ non sine miraculo (si quidem ejusmodi historioli fides habenda,) contigit, Cl. Autor exponit. Vigiliæ, in ædícula illa celebrari solitas, postea describit, & quamplurima miracula, a *Valentino* post mortem perpetrata, ex *Aribone* adstruit, si quidem talia ab autoritate scriptorum fidem accipere possunt. Tridentum corpus *Valentini* a Longobardis delatum deinceps fuisse, docet; quare & quando autem hoc factum fuerit, non adeo liquere monet. Tandem vero A. 769 Passavium translatum a *Thassilone* corpus hujus Sancti fuisse, commemorat. *Corbiniani* ossa, mox *Frisingam* in ædem istius loci cathedralē translata, quamplurima ibi miracula edidisse, & ægrotis sanitatem restituisse, perhibentur. Innumera etiam miracula, a *Valentini* corpore, cum Passavii quiesceret, subinde perpetrata, Cl. Autor lectoribus obtrudit. Magna religione cultas ibi fuisse istius Sancti reliquias, ostendit, &, hodiernum adhuc ejusdem caput superesse, festisque diebus publice exponi, testatur. *Frisingæ* etiam memoria *Valentini* statō die colitur, & in ejus honorem juxta illam urbem ædícula exstructa est, in qua, intercessione hujus Sancti, quamplurimos ægrotos sanitatem recuperasse, Cl. Autor contendit. Idem de Episcopatu Churiensi affirmat, atque de diebus festis, in honorem *Valentini* celebrari solitis, nec non templis ejus, & miraculis, quæ perpetrare dicitur, disputat. In Tyrolensi tractu, ecclesiæ sub inspectione Churiensi constitutz, *Valentinum* religiose colunt, quas inter ecclesiæ parochialis, in ditione Nauderspergensis sita, eminet, ad quam peregrinationes religiosæ institui frequenter solent. Ecclesiæ in Episcopatu Brixienti quamplurimæ *Valentino* dicatz sunt. Idem per Episcopatum Tridentinum & Felitrensem factum esse, ibique varias istius Sancti reliquias servari, Cl. Autor monet. Nonnulla quidem templa, in honorem *Valentini* exstructa, alterius cujusdam Sancti, idem nomen habentis, patrocinio commendata sunt; verum,

Pag. 114.

125.

127.

132.

140.

142.

147.

148.

149.

150.

152 seq.

163.

hoc tantum non semper per errorem factum esse, atque ex actis Sanctorum minus sinceris hanc sententiam promanasse, & re vera nostrum hunc *Valentinum* istarum ecclesiarum dici  
 Pag. 172. debere patronum, Cl. Autor quamplurimis argumentis demonstrat. Nonnulla tandem, ad librum hunc & emendandum & augendum pertinentia, ad calcem operis attexuit. Ita autem hoc ipsum opus compositum est, ut neque ingenium, neque diligentiam, neque doctrinam, in eo desideres. Et, si a narrationibus quibusdam absonis, quibus Cl. Autor plus justo fidem habuit, discedas, illud pro insigni amplissimæ eruditionis thesauro habere nulli dubitamus.

*JO. DIETERICI WINCKLERI, S. Theol. D. Eccles. Hildesienf. Superintend. Consist. Assess. Primar. & Gymnas. Ephori, Hypomnemata philologica & critica in diversa Scriptura Sacra, tam Veteris, quam Novi Testamenti, loca. Accedit Mantissa gemina, similis argumenti Dissertationes exhibens.*

Hamburgi, apud Christ. Wilh. Brandt, 1745, 8.

Alph. 1 plag. 7.

**M**axime Reverendus & elegantissimus harum Observatorum Autor non ex ingenti illorum est copia, qui, literas sacras & locos Fœderis utriusque ex profanis illustrare Scriptoribus suscipientes, non legerunt ipsi Autores & pervolverunt, sed ex horum saltem indicibus, atque Latina, si idiome Græco sunt conscripti, versione, aut vocabula phrasæque desumunt, aut bonas aliorum animadversiones, non nominatis harum parentibus, compilant, aut ex undecim denique, ut fit, libris libellum aliquem duodecimum, misellum quamvis atque satis incommutatum, conscribunt. In his enim certe ὑπομνήμασι interior partem & subacta sacri cum Codicis, tum exterorum Scriptorum, lectio, partim magnus præstantissimorum omnis generis Autorum numerus, denique probe versatum in explicandis multis ac difficillimis locis criticumque

ticumque judicium, conspicitur atque eminet. Neque alia defunt, quæ laudem non magis merentur suam. Quando enim interpretum quorundam temeritas & audacia detegenda fuit, non siluit quidem timidiuscule Autor Amplissimus, sed tam moderati tamen Censoris & tam modesti partes egit, ut meritorum, quibus viri ceterum magni eminuerunt, non immemor, quod vel humanitati, vel tantorum hominum observantiæ, contrarium esset, nihil omnino dixerit. Jam vero, quia ad centenarium usque assurgit explicationum variarum in diversos Scripturæ S. locos, & satis interdum copiose adductarum, philologicarum, criticarum, non raro etiam theologicarum, numerus, omnes hic adducendas quis postulaverit? Interim aliquas tamen, speciminis instar, seligemus, non illas potiores quidem, quia æquali omnes præstantia repletæ sunt; sed quæ aut primum se nobis obtulere, aut quæ novi quidpiam secum apportasse ex Epistolis manuscriptis & aliis adhuc ineditis videbantur; unde etiam de reliquis egregium ferri judicium poterit. Igitur ad locum *Jeremia XVII, 9*, Reverendus Autor *Jo. Henr. Maji*, patris, literas exhibet *ἀνεδότος*, ad Cel. quondam Philologum, *Jobum Ludolfum*, scriptas, in quibus vocabulum עק per *fraudulentum* & *insidiosum* exponitur, ut sensus sit: *dolosum est cor supra modum*. Nam *Ludolfus* ante *clivosum* voluerat. Sed hæc & ipsa admitti interpretatio potest. Quia enim *clivosum* opponitur plano & recto, hinc cor, quod non planum & rectum est, *dolosum* habetur atque *fraudulentum*, id est, *clivosum*. Præterea *Jo. Saubertus*, quem ex *Oper. posthum. pag. 91* adduxit Autor doctissimus, *Lutherum*, ut nobis videtur, non recte reprehendit, ac si ille, omiſſa, quod putat, particula מכל, reddiderit עק per *trotzig*. Nam bene vidit *Lutherus* vim vocabuli. In prima enim editione habuerat: *ein heilloſi tückiſch Ding über alles iſt das Herz*. In altera vero, vocabula עק & מכל uno Germanico verbo melius exprimi, putavit, posse per *trotzig*, id est, *contumax, protervum*, quod eandem plane vim habet cum illis: *dolosum per omne ac fraudulentum*. Sed pergamus ad aliam observationem. Inter ar-

Obſ. ▼  
pag. 30.  
32.

Obſ. IX.

- Pag. 48- gumenta, quibus, *Juditha* librum parabolam meram esse, *Hugo Grotius* & alii demonstraverunt, desumptum est unum ex  
 55. *Capite XVI, comm. 31*, in quo festivitas aliqua ob *Juditha* victoriam annua commemoratur; cujus festi quod nemo ex Scriptoribus Hebraicis mentionem fecit, nec ulla reperitur memoria penes Judæos, *Grotius* hoc argumentum contra ipsius libri auctoritatem urget. Sed contrarium placuit illustri quondam Episcopo Abrincensi, *Petro Dan. Huetio*, qui in *Demonstr. Evang. Prop. IV Cap. 14 pag. 221* arbitratus est, licet festivitatis hujus in Hebræorum literis mentio nulla occurreret, fieri tamen potuisse, ut ea, quemadmodum res multæ aliæ sic fierent, tempore abrogata fuerit. Ab hac itaque sententia dissensum suum testatus est celebris olim *JCrus* & Consiliarius Gothanus, *Jo. Frid. Breithaupt*, literis ad *Huetium* datis, quarum responsorias ex autographo Rev. Autor cum orbe erudito communicat. In his literis *Huetius* mentem suam fuse explicat, putatque, etiamsi nulla nunc memoria hujus festi occurreret in libris Judaicis, potuisse illud tamen tempore abrogari, ac petium proinde ex eo argumentum *Grotii* vim nullam habere. Denique ex silentio scriptorum Judaicorum non sequi, nullam omnino & olim festivitatem fuisse. Hic quidem non adjecit Doctiss. Autor, an satis ipsi hæc faciat explicatio *Huetii*; quamvis certum videatur, ex *Grotii* hoc solo argumento libri *Juditha* *πρωτότυπα* infringi, si non alia suppeterent, unice non posse; libros tamen quorundam commemoravit, qui iisdem, quibus hic *Huetius*, armis pugnarunt, e quibus adduxisse juvabit *Bernard. Montefalconium*, in libro, qui inscribitur *la Verité de l'Histoire de Judith*, P. III pag. 296, & *Jo. Seldenum Lib. III de Synedr. Hebr. Cap. 13 §. 10*, ut nihil jam de reliquis dicamus. Porro difficilis locus est in *Psalmi XXXII v. 9*, quem  
 pag. 91, plerumque ad verbum sic convertunt: *ne sitis tanquam*  
 92. *equus & mulus absque intelligentia, in freno & lupato עררי ad constringendum*. Sed quis non videt, vocabulum hic deesse, quod supplet *τὰ in freno & lupato*? Jam, missa *Aria Montani* sententia atque versione, vera significatio vocis *עררי* est  
 ornamen-

ornamentum. Nam sic adhibetur *Exod. XXXIII, 4*, & alibi. Igitur simplicissima est expositio Chaldaica, quæ sensum ita exprimit: *ne ficiis sicuti equus & mulus, cui non est intellectus. Lupatum & frenum est ornamentum ejus, quo constringitur, ne appropinquent ad me.* Quo eodem etiam modo *Jo. Buxtorfius* in *Concordantiis* suis *וָרָע* per ornamentum reddidit. In alia *Obs. XXV* Observatione multus est Autor Rev. ad *Genes. XIX, 26*, in *pag. 108-* recensendis variorum sententiis, qui de fato uxoris *Lothi*, & *115.* de salis statua, exposuere. Inter alias tamen non ei probatur opinio *Jo. Bapt. Ottii*, Viri doctissimi, quod, *Josephum* in *Antiquit. Jud. Lib. I Cap. 12* secutus, fieri existimavit potuisse, ut suo tempore adhuc existerit hæc salis statua. Sed quidni, quæsumus? Nos enim non videmus, cui bono tam longam statuae durationem *Josephus*, non ultimi nominis Historicus, excogitasset. Voluisse certe eum hoc loco alios decipere, verisimile non videtur; aut, si dixisset falsa, mendacii potuisset ab omnibus coargui. Præterea non satis nobis facere argumenta Viri docti, C. W. possunt, cujus Dissertationem de hoc argumento Autor Rev. commemoravit. Verbum enim, quod ille urget, *ισογενῆν*, huc prorsus non pertinet. Deinde, miraculum fuisse, si statua salis usque ad *Josephi* tempora superfuisset, neminem putamus futurum, qui dixerit. *Mosen* autem nihil de ea re dixisse, facile concedi potest, quia *Josephus* aliquot mille annorum vixit serius Judæorum legislatore, *Mosesque* data opera non indicare voluit, an *Josephus* ætate superesse illa statua aut possit, aut debeat. Denique, totam rem fide historica carere, dici quidem a docto citatæ Dissertationis scriptore, sed oppositum refutari non potest. At ulterior indagatio hujus loci non est. Quæ ceterum Rev. Autor ex *Pausania*, *Clemente Alexandrino*, & aliis, de *Niobe*, filia *Tantalii*, & *Amphionis* conjuge, in saxum & statuam mutata, addit, ea magnam præ se & eruditionis & non vulgaris lectionis ubertatem ferunt, sua laude hic non defraudanda. Jam ad *Matthæi XVIII, 1 seq.* acute observat *Am-* *Obs. XXX* *pliss. Autor*, male sedulæ curiositatis exempla præbuisse ali- *pag. 129-* quos, quando nomen pueruli, a Servatore sanctissimo suis *135.*

discipulis exempli loco commendati, sollicitè indagare studuerint. Latine enim Ecclesiæ doctores *Martialem*, Lemoicensium in Gallia Episcopum, puellum fuisse illum, autumant; at Græcæ contra Ecclesiæ ministri *Ignatium*, Antiochenum Præfulem, intellexere, quem propterea *Θεόφορον* fuisse appellatum, arbitrati sunt. *Λῆροι, Ἀῆροι!* Sed & ineruditæ prorsus, ne quid pejus dicamus, interpretationes sunt *Bede*, qui, Christum se ipsum constituisse in medio, deinde *Hieronymi*, qui, per puerum istum Spiritum S. significari, putaverunt. Post hæc suam adjicit sententiam Clariss. Autor, & vere probat, τὸ παιδίον hoc loco non esse puerum aliquem jam grandiore, quemadmodum Pontificiæ & Reformatæ Ecclesiæ doctores vulgo censent, quando fidem in Christum denegare infantibus volunt, sed propria & prima significatione *infantem*, qui nec ambulare adhuc potest, & portatur a scæminis. *Eustatius* certe, atque alii Grammatici, τὸ παιδίον *infantem* interpretantur, *matris, aut nutricis, uberibus adhuc inhaerentem*; copioseque & eleganter monstrat Vir doctissimus, si occurreret vocabulum *πολύσημον*, simpliciter atque nude positum, propriæ tam diu significationi inhaerendum esse, quamdiu aliam isti præferre, non summa, qualis in hoc loco nulla esset, necessitas nos cogeret. In ejusdem divi *Matthæi* verbis, *XI, 12*, commemoratis, multi jam & summi nominis interpretes insudarunt, quorum explicationes videndæ imprimis apud *Matth. Polum* in *Synops. Critic. Vol. IV pag. 190*, & *Jo. Christ. Wolfium* in *Curar. Vol. I pag. 195*. Noster autem Eruditiss. Autor, præter illas sententias, aliorum etiam expositiones, nondum examinatas, & nominatim illam *Hermanni von der Hardt*, profert, quam in *Explicatione manuscripta difficiliorum 4 Evangelistarum locorum* stitit; deinde aliam *Jo. Com. Schwarzii*, V. C., recenset, qui in *Monument. ingenior. Tom. II pag. 177* Epistolam ad Cl. Theologum Altorfinum, *Jo. Guil. Baierum*, de nova, (uti illam inscripsit,) & *probabili interpretatione hujus loci*, inseruit. Atque *Hardtius* quidem in *Explicatione MSta*, quam Doctiss. *Wincklerus* possidet, & ex qua multa in his Observationibus specimina

Obf.  
LXVIII  
pag. 226-  
233.

specimina descripsit, hanc fovet opinionem, quasi *οἱ βίαιοι* Judæi vocarentur, qui violenta manu Evangelium suppressere conati essent, dum omni modo doctrinam Jesu e medio tollere contendissent. Hos enim velut persecutores sui & discipulorum a Christo reprehendi, qui cursum Evangelii turbarent & inhiberent. Nam rapere & diripere illos regnum Dei; quod idem esset, ac Phariseos atque reliquos Judæos præsartios, more prædonum, hostili manu adversus Evangelium ferri, ut id perditum & extinctum eant. Atque hæc quidem B. Hardtius. Cel. autem Schwarzius loco citato sic verba reddit: *A Joannis Baptista temporibus, usque ad hæc, res divina vim sentiunt, & violenti eas rapiunt.* Hæ igitur sententiæ toto inter se cælo differunt. Sed nude saltem eas adduxit, nec falsitatis speciatim redarguit, Rev. Autor, quod facile potuisset, si ipsi libuisset. Hoc unice adjecit, Cel. Schwarzii opinionem aliquanto probabiliorem esse illa, quam Anonymus quidam in ejusdem Schwarzii *Continuat. Collect. Novantiqu. Theologicor. pag. 130* excogitasset, qui per τῇν βασιλείαν τῶν ἁγίων Judaicam Ecclesiam, qualis illa Joannis & Christi exstiterit temporibus, intellexerat. Denique etiam Christ. Schattgenii, V. Cl. sententia, tanquam falsa, ab illo pronuntiata est. In his tamen omnibus optassemus majorem in modum, ut propriam nobiscum sententiam Rev. Autor communicasset de hoc loco controverso, neque ita adhuc explicato, ut nullis amplius difficultatibus laboraret. Sed ulterius quædam videamus. In loco 1 Chron. XXIX, 29, tria occurrunt *Prophetarum* Hebraica vocabula, נבִיאִים, נָחִיָּה, & נָחִיָּה, de quorum discrimine inter eruditissimos viros disputatum est. Quippe res gestæ Davidis scriptæ ibi dicuntur 1) in verbis Samuelis נָחִיָּה, videntis; 2) in verbis Nathanis הנִבִּיאִים, Propbeta; & 3) in verbis Gadî הנָחִיָּה, cernentis. Vir magnis in Ecclesiam & rem omnem literariam meritis venerandus, Jo. Gottlob Carpzovius, Lubecensium hodie Præsul Celebrerrimus, observavit in aureo suo & excellenti opere *Introductionis in libr. Canon. Vet. Test. P. III Cap. 1 pag. 5*, Samuelem frequenter dici נָחִיָּה; Gadum autem נָחִיָּה; utrumque

Obf.

LXXV

pag. 251-

258-

utrumque vero נביא; sed nunquam inverso ordine *Samueli* elogium נחמה, *Gado* titulum נחמה, *dari*, *Nathanem* autem appellari unice נביא. Ex quo concludit Vir summus, discrimen quidem omnino aliquod inter hæc tria vocabula occurrere; silentibus tamen omnibus libris antiquis, non audet plane enuntiare, quale illud fuerit. Igitur Auctor doctissimus Epistolam satis longam, a *Jo. Engelb. Steubero*, Rintelienfis Academiæ primario Theologo, ad se scriptam, communicavit cum eruditis lectoribus, in qua *Rev. Steuberus* ad hunc *Carpzovianæ* Introductionis locum discrimen inter hæc tria verba constituere in se suscepit. Sententia ejus huc redit breviter. Vox *Nabi*, נביא, significationem generalem admittit, & eum notat, cui quacunque ratione revelatio obtingit, quam cum aliis communicat. *Roab*, נחמה, designat illum, cui in visione & somnio voluntas divina manifestata fuit. *Choseb*, נחמה, tandem aliquem indicat, qui per ænigmata & figuras de rebus divinis certior factus est. Hæc quidem *Steuberus* doctissimus. Si modo & vera essent! Nam ipse, quicquid est dictorum, conjecturam meram nominat, dubitationesque adhuc nonnullas de eadem se ipsum fovere, ultro fatetur. Interim gratum fecit *Rev. Autor* amatoribus Philologiæ sacræ, quod revocare eam ipsis rem in memoriam voluit; si qui forsitan exstiterint, qui data opera discrimen speciale trium horum vocabulorum constituere vellent; cujus rei perficiendæ causa ipsis integrum *Caput I Partis III Introductionis Carpozovianæ*, ut & *Herm. Witsius* in *Miscell. S. Lib. I Cap. 1 §. 19*, denique *Scipio Sgambatus Lib. II Archiv. V. T. Tit. 22*, egregiam opem atque non contemnendum auxilium subministrare possent. Finire igitur jam possemus, nisi tribus, quod ajunt, verbis de Mantissa, quæ eruditi hujus Operis latus claudit, nobis dicendum esset. Exhibet ea geminas Dissertationes Viri Reverendi, quarum prior in Academia Lipsiensi, ante decennium, de *Luca Evangelista Medico*, Respondente Viro Cl. *Carolo Christ. Woog*, nunc Antiquitatum Ecclesiasticarum in eadem Acad. Publ. Professore, habita, & nunc multis additionibus amplificata; posterior autem in

Pag. 331.

399.

Acade-



Academia Rintelienſi, pro ſummis in Theologia honoribus obtinendis, ventilata, & *de Philoſophiæ Platonico-Pythagoræa fraudibus, ſeu placitis erroneis, a Paulo atque Petro impro-  
batiſ, & vitari juſſis*, inſcripta; utraque propterea hoc loco adjecta eſt, quia, quamvis ſufficiens, ut Autor ſcribit, exemplorum numerus excuſus eſſet, tam crebro tamen deſiderari cœperat, ut multi hinc inde eam eſſagitant. Nos non difficile hiſ diſtiſ fidem habemus, quia utraque Diſſertatio & eruditiffima eſt, & ſuum argumentum exhaurit, & ſalivam nobis mover, plures ejus generis ſcriptiones a Viro Maxime Reverendo videndi; cui proſperos ſemper ſuſceptarum rerum ſucceſſus, finiendumque inprimis mox certamen, quod ipſi in theſi aliqua theologia cietur, ex animo precamur.

## NOTIZIA DELLE ACADEMIE, &amp;c.

id eſt,

NOTITIA ACADEMIARUM, ROMÆ ERECTA-  
rum juſſu Papæ BENEDICTI XIV.Romæ, opera Joſephi Collini, 1740, 1742, 1743, &  
1744, 12.

Plag. 10.

**E**x quo *Benedictus XIV* ſolium Pontificale Romanum conſcendit, nihil ipſi magis fuit curæ cordique, quam ut veternum civibus ſuis excuteret, rei literariæ infeſtum. Condidit igitur Romæ Academiſ haud unas, quæ Hiſtoriæ eccleſiaſticae Chriſtianæ excolendæ, notiæ Conciliorum, rei liturgicæ antiquæ, ac hiſtoriæ antiquitatibusque Romanorum veterum, intenta eſſet. *Joannes Ciampinus* exſtitit primus, qui hoc ſaxum volvere, ac conſimile inſtitutum condere, habuit in animo, & A. 1671 rationes illius cum P. *Benedicto Mazzoni*, Romirano diſcalceato S. *Auguſtini*, Abbate Paſtriti, Lectore Theologiæ polemicæ in illo Collegio, & cum *Pompejo Sala*, nobili Sabaudo, communicavit. Fuere Purpurati curiæ Romanæ uno plures, quibus id inſtituti aſſiſit. *Clemens XI* deſtinavit ei in proteſtorem Cardinalem *Gabriellum*, Ciſterciienſem Reformatum. A. 1708, præſibus Academicorum in-  
N<sup>o</sup> ductus,

ductus, indulgit ei pro Præfide *Albanium*, nepotem suum, dignissimum nunc curia Romana Cardinalem. Erant in numero Academicorum ea ætate viri, & dignitatis & literariæ rei ornamentis excellentes. *Benedictus XIV* tandem hoc institutum ad summum dignitatis pretiique fastigium evexit, constituens initio, ut Academicorum unus singulis 14 diebus disserat secundum temporis ordinem, unus de Concilio quodam, alter de Canonibus ecclesiasticis, tertius de theologia quæstione. Nunc iussit, duodecim cujusque Academicæ consortes esse, quorum singuli singulis mensibus de re quadam ardua exponant in societate illa sua literaria. Primus tractat in *Academia Conciliorum* quæstiones, ad notitiam eorum facientes, cum suis. Quæstiones ipsæ sunt præscriptæ, ac in his libellis exhibitæ. Academia secunda *Historiæ ecclesiasticæ Pontificiæ* excolendæ est addicta. Quæstiones illi 12 sunt propositæ, de quibus socii exponant pro ordine 12 mensium. Academia tertia est *rerum liturgicarum*, eadem ratione conformata. Academia quarta facit ad *Historiam* & ad *Antiquitates Romæ*, Polytheismo adhuc faventis. Singulis Academicis duodecim ornamento sunt socii, Præsides unus, ac unus, qui societatis est a secretis. Non recurant in distinctis hisce societatibus literariis nomina eadem. Diversorum cœtuum diversi sunt sodales. Singulis societatibus 12 quæstiones enucleandæ sunt propositæ A. 1740, anno denuo 1742, ac A. 1743, & A. 1744. Veniemus in rem præsentem. In Academia Conciliorum A. 1740 enodandæ fuerunt hæc quæstiones: 1) *Ad Historiam; de tempore & causa Concilii Hierosolymitani* Aët. XV, & quibus argumentis usi sint hæretici Judaizantes ad suadendam observantiam circumcisionis aliorumque legalium, & quibus eis confutavit Apostolus Paulus; qui modus, & qua ratio in quæstione definienda servata sit; an præter Apostolos & discipulos etiam laici interfuerint, & obtinuerint jus suffragii. 2) *Ad Jus Canonicum; quid vetitum intelligatur verbis illis: ut abstinere vos ab immolatis simulacrorum, & sanguine, & suffocato, & fornicatione; cur hujusmodi interdictum latum sit ab Apostolis; an quoad omnes ejus partes perpetuum fuerit, vel temporarium; abstinencia a sanguine*

guine & suffocato quamdiu in ecclesia duraverit. 3) Ad Theologiam; an lex vetus omnino post Christi mortem abrogata sit; an ea post templi Hierosolymitani everfionem, vel ante, evaserit mortifera; quanam fuerit controversia inter Cepham & Paulum, inter Hieronymum & Augustinum; & an Cephas fuerit Petrus. 4) Ad Historiam; cujus jussu & quæ Concilia adversus Paulum Samosatenum congregata fuerint; quid in illis actum sit; quæ fuerint crimina, de quibus Paulus Samosatenus accusatus sit; & quomodo plura in Epistola synodica apud Eusebium relata intelligantur. 5) Ad jus Canonicum; an Epistola Dionysii Alexandrini, & altera sex Episcoporum ad Paulum Samosatenum, causam ad Romanum Pontificem retulerint; an Aurelianus Imperator, interpellatus fuerit ab Episcopis tanquam iudex; & quæ sententia ab eo lata sit. 6) Ad Theologiam; cur Patres Antiocheni nomen ἐμψύχιστον, hoc est, consubstantialiale, damnaverint; an & quo sensu Paulus Samosatenus unam vel duas hypostasies in Christo asseruerit; an divinitas Christi ex traditione ecclesiæ catholicæ & testimoniis Patrum, qui fuerunt ante exortam hæresin Artemonis, a Paulo Samosateni renovatam, probari possit. 7) De Concilio Illiberitano ad Historiam; quo tempore habitum sit Concilium Illiberitanum; an Episcopi, qui in eo convenerunt, fuerint catholici, an hæretici; quæ fuerit urbs Illiberis, & num ea adhuc exstet; quodnam fuerit Capitulum, ad cujus idolo sacrificandum ascendere prohibeantur Christiani Can. 59. 8) Ad Jus Canonicum; an primis Ecclesiæ seculis matrimonium inter fidelem & infidelem habitum sit nullum, Can. 15; an iisdem temporibus licuerit in matrimonium ducere sororem propriæ uxoris; & quando id vetitum sit; an & quo tempore ab Ecclesiâ sint constituta matrimonii impedimenta. 9) Ad Theologiam; an cereos accendere in bonorem Sanctorum sit consentaneum moribus antiquæ Ecclesiæ, Can. 34; an aliquæ Sanctorum animæ maneant adhuc in terris, & superstioso cultu, vel alio modo, inquietari possint; an spiritus immundi, quibus vexantur energumæni, sint Dæmones, hoc est, Angeli reprobis, vel potius animæ impiorum, Can. 37. 10) Ad Historiam; qui iudicati sint antiquitus posse baptizare in casu necessitatis, an etiam laici & famina; quid intelligatur nomine

Pag. 26.

28.

30.

32.

- benedictionis Episcopalis, qua perfici debent baptizati a Diacono, Can. 77; quomodo sola manuum impositione quis fieri poterit Christianus. 11) Ad Canones; quid fuerint literæ pacificæ; & quando cæperit earum usus in Ecclesia catholica; an loco tesserarum hospitalium fuerint introductæ; cur faminis vetitum fuerit sine maritorum nominibus eas scribere, & ab aliis excipere, Can. 81. 12) An liceat idola, aliæque superstitionis cultus instrumenta, domi retinere, ne quis se Christianum manifestet, Can. 41; an aliquis occisus ob fracta idola, vel ob deleta, aut scissa, persecutionis edicta, inter Martyres habendus sit; quid necessarium sit juxta morem ecclesiæ Catholice, ut quis inter Martyres recenseri possit. In his quæstionibus exsolvendis Academia Conciliorum A. 1740 & 1741 fuit occupata.*
36. *Academiam vero Historiæ ecclesiasticæ Pontificiæ exercuerunt quæstionum, ex antiquissima de Episcopis Romanis historia defumtarum, enodationes. Spectant illæ quæstiones ad præstantiores Romanorum Pontificum catalogos, quibus vera eorum series & successio continetur; ad historiam Pontificiam Seculi primi, ad successionem quatuor primorum Episcoporum,*
40. *ad librum Pontificalem, vulgo attribui solitum Anastasio Bibliothecario, ad gesta divini Petri, ad cathedram S. Petri, ejusque primatum, in ecclesia Romana fundatum, ad Canonem sacrarum literarum, & ad Evangelium S. Marci, a B. Petro approbatum, ad itinera B. Petri ultima, ad acta passionis S. Petri, ejusque sepulcrum, ad gesta S. Clementis & acta passionis ejus, ad S. Clementis I opera genuina & apocrypha, & ad gesta S. Anacleti. Academiam rerum liturgicarum exercent ritus Christianorum. En quæstiones, primo biennio Academicis propositas: 1) Quo ritu, quoque idiomate, Apostoli, & Apostolicorum temporum sacerdotes, eucharisticum sacrificium celeverint; an Apostoli Liturgiam ullam scripto tradiderint, quæ adhuc exstet; quanam ex nunc exstantibus liturgiis antiquissima omnium dicenda sit. 2) De vocis Missa tum antiquitate, tum origine, quo tempore istiusmodi vox uni divino altaris officio cæperit attribui; de aliis Latinis Græcisve nominibus, quibus idem servitium usitatus appellatus est. 3)*
54. *De numero, ætate, & auctoritate, Ordinum Romanorum; de antiquitate*

*tiquitate Ordinis, quo ad Missæ celebrationem in præsens utitur Ecclesia Romana; de aliis Latinis Ordinibus, etiamnum ab Romana Ecclesia ultro permissis. Omittimus in præsens reliqua, monentes id unum, quæstiones examinandas in altera pagina Latino, in adversa altera Italico, seu Etrusco, sermone scriptas exhiberi.*

*MISCELLANEA LIPSIENSIA NOVA, AD INCREMENTUM scientiarum, ab his, qui sunt in colligendis Eruditorum Novis Actis occupati, per Partes publicata.*

*Voluminis IV Pars IV.*

Lipsiæ, in officina hæredum Lanckisianorum, 1746, 8.

Plag. 12.

**S**ic tandem *Volumen Miscellaneorum quartum* ad finem ac umbilicum Deo propitio est adductum. Habes hic, Lector, præter Indicem geminum, sex tractationes, quibus tute vel laudandis, vel notandis, poteris vacare. Nostrium est, exponere, quid in hoc fasciculo fuerit præstitum. Præmissa fuit reliquis opusculis *J. C. Harenbergii Expositio Ode Davidicæ LX, ad Criticam sacram exacta.* Adornandam esse *Psalmorum* translationem, historię, accentuationi, & vocibus, conformem, Autor monet, causatus, quod interpretationibus huc usque tritis nonnihil nævorum adhæserit. Ostendit, *Vulgatam* Latinam ab *Hieronymo* haud satis fuisse emendatam, judice Cardinale *Gottio*, sed incaute ad modulum Alexandrini Interpretis Græci attemperatam, Interpretis nec voces, nec accentuationem, fontium Ebraicorum ubique secuti. Exhibet Autor novam metaphrasin *Ode LX.* Explicat vocem עֲדָתָא per אֱדָתָא, genus tibiz, a *Jedibuno*, Propheta & vate, appellatum. שִׁשִּׁי, *Schuschān*, hoc judice, est *Sisinnis*, seu *Sicinnis*, species tripudii, tibiis juncti, modestissima, omnique animi motu vacans. *Versiculis 8, 9, 10,* contineri oraculum divinum, existimat. Regionem Aramnaharaim interponit traçui Damasceno ac Menassitidi Transjordanicæ. Regionem Aramæ Zobensis per traçum Laodiceæ Cabiosæ, ad Anti-

584.

- Pag. 587. libanum sitæ, exponit. Definit falis vallem ad oram maris mortui. Vocem מלך per *principem* familiæ reddit, ratione adjuncta. Oppida Succoth & Mazor enodat. Dogmata & sententias morales, ex Oda colligendas, adjungit. Fert judicium de interpretatione veteri Alexandrina, de veteri Latina, ac de ea, quam *Sebastianus Schmidius* adornavit, æque Latina, de difficultatibus quibusdam, in quibus contradictio subesse putatur, dissolutis. Excipit hanc expositionem B.
608. *Petri Zornii Diss. de Christo Salvatore, quatenus is apud Muhammedanos verbum Dei & filius Dei appellatur.* Nomen hoc Christo in Corano & alibi a Muhammedanis tribuitur, at sensu minus genuino, minus sano. Verbum Dei, *Algazelus* putat, esse complexum Corani, quippe qui in ipsa Dei essentia consistat. Jesum Muhammedani vocant *filium Dei*, eo quod *sine patre, modo plane extraordinario & miraculoso, adflatu angeli Gabrielis*, fuerit progenitus. Eodem sensu ipsi eum in amuletis suis vocant *Spiritum Dei*. Sunt tamen nobiliores ac sapientiores multi inter Muhammedanos Sunnitas, qui,
618. Christum, affirmant, esse & Deum & mundi redemptorem. Si quis Christo maledicat, vel *Mariæ*, ejus matrî, is gravem apud Muhammedanos incurrit pœnam. Succedunt huic bellario
620. *Joannis Conradi Schwartzii Correctiones quedam & amplificationes quarundam Grammaticarum Hebraicarum.* Patent hæ correctiones ad integrum Grammaticarum campum, dignæ, quæ ab architectis earum propius inspiciantur. Disseret posthæc, si viveret, Vir laudatissimus de *Barbarismis*, quos
669. impietas hominum confingere ausa est, nec non de Chaldaïsmis, & ceteris figuris. Arridebunt Lectori *Jo. Georgii Schelhornii Singularia de libris quibusdam.* Exposuit ipse in hisce deliciis de *Daphnæi Arcuarii Apologia pro polygamia*, de libro quodam ascetico Hungarico, de *Stanislai Hosii judicio & censura super judicio & censura Heidelbergensium Tigurinorumque ministrorum*, de libro, *historiam Sfortiarum Principum complexo*, de *Cardin. Pallavicini Historia Concilii Tridentini*, de *Stephani ex Nottis opere remissionis a pena & culpa*, de *Jos. Scaligeri carminibus, noctu in lectulo sine lucerna factis*, de
686. *Julii Caesaris Scaligeri Exercitationibus in Cardanum de Subtilitate,*

*litate*, an quadriduo inter alios labores scriptis? de *Annalibus Baronii*, somnio natales debentibus, & ob *Tomum XI* fata Pag 695.  
 expertis sinistra, quæ *Baronius* epistola, hic inserta, ad *Philippum III*, Hispaniæ Regem, studuit amoliri; ac tandem de 704.  
*Odorici Raynaldi Tomo Annalium ecclesiasticorum nono*, eoque  
*posthumo*, qui anno demum 1676 & 1677 Romæ cura alio- 706.  
 rum typis excusus fuit, alienas manus passus, non uni *Ray-*  
*naldo*, sed *Colloredo* etiam ac *Marchesio*, nec non Anonymo  
 cuidam, adscribendus. Provocat attentionem Lectoris post- 707.  
 hæc *M. J. F. Frischii Animadversio de Usu Participii præter-*  
*iti Romano altera, ad Vossii Lib. VII de Arte gramma-*  
*tica Cap. XLI*. Participia enim præterita passiva sæpius acti-  
 vam induunt significationem, & casum quartum citra elli-  
 psin adsciscunt. Ita *Tacitus* vocat *Arminium oblitum fa-* 711.  
*ciem suo cruore*, *Ann. II, 17, §. 5*, significaturus, eum faciem  
 cruore suo oblevisse. Attulit Cl. Autor exempla complura.  
 Ipse *inscriptos nomina regum flores* Virgilii exponit de flori-  
 bus, qui inscripserant in foliis suis nomina Regum. Claudunt 726.  
 agmen *Frid. Ottonis Menckenii ad duo loca Ovidii Animadver-*  
*siones criticæ*. Leguntur in *Ovidii Trist. III, 3, 21*, hi versiculi:  
*Si jam deficiam, suppressaque lingua palato, vix instillato resti-*  
*tuenda mero*. Intolens quiddam spirat *suppressa lingua palato*.  
 Legendum potius: *Si jam deficiat suppresso lingua palato*, ut  
*suppresso palato* sit dativus casus. *Deficere* verbum casui tertio  
 sæpius junxit *Naso*. Promuntur luculenta ex eodem exem- 743.  
 pla. Leguntur in *Metam. III, 269*, hæc *Junonis*: *Semele ma-*  
*ter, quod vix mihi contigit uni, de Jove vult fieri*. Residet dif-  
 ficultas in voce *uni*; nam plures fœminæ e Jove traduntur  
 peperisse prolem. *Unus* pro *unicus*, *unicus* autem pro *excellen-*  
*ti, formoso*, sæpe ponitur. Sensus *Ovidii* hic est: *Ex Jove*  
*concipere optat Semele, quod mihi vix contigit, quæ parem aut*  
*forma, aut potestate, nullam habeo*. Tantum de *Parte quarta*.  
 Lectorum non possumus non, si plura scire avert, ad tractatio-  
 nes ipsas remittere. Eidem saluum stat & illibatum in hæc  
 quoque specimina iudicium..

*Institutiones filii Romani, secundum disciplinam veterum præceptis & exemplis adornata. Accedunt Indices necessarij. Editio auctior & emendatior.*

Lubezæ, sumptibus Jonæ Schmidii, 1745, 8.

Alph. 1 plag. 15.

Cujus, decennio ante, Institutiones non sine plausu exceperat orbis literatus, præclarissimi *Langii* nunc novo beneficio devincitur studiosa juvenus. Non modo repetitur editio, sed emendatur etiam atque augetur. Hoc mirum intra spatium, quæ ad cultiores literas pertinent, lætiorem multa faciem induerunt, multa e tenebris in lucem revocata sunt, multa dies ipse atque usus edocuit, nonnulla denique amicorum monita suggererunt; quibus omnibus sapienter Noster cumque judicio usus, non potuit non, quod dies diem doceat, significare. Itaque primum, si quæ novæ librorum commendatarum editiones prodierunt, indicatæ sunt omnes, novæque præterea tum vel nondum editorum, vel Autori non visorum, librorum percensiones adjectæ, ut & hac ex parte, quantum in ipso esset, perfectior labor evaderet. Deinde, quæ loca ex *Aristotele*, *Demetrio*, *Theone*, *Longino*, *Luciano*, *Aptbionio*, *Græce* tantum, in prima libri editione producta erant, de consilio amicorum, Latine versa subjecit, ut & illi juvenes, qui sine præceptoris auxilio proficere coguntur, nihil admodum, in quo possent offendere, reperirent. Tum, ex quorundam eruditiorum literis, id sibi datum credidit, ut, præmisso singulis Capitibus conspectu, quæ sint prima dicendorum initia, quoque se ordine singula excipiant, uno velut obtutu perspiciant lectores. Porro, quod *Ernestiana Ciceronis* editio maxime juventuti accommodata est, *Tulliana* loca illius ad paginas revocavit. Denique Indicis etiam hanc rationem habuit, ut & auctior multo & accuratior jam appareret, neque tamen in ordine quidquam novaretur. Ad extremum, cum juvenutis ante omnia saluti consulere velleret, in quibusdam capitibus distinctius quædam tractavit ac distribuit, vel in particulas divisit minores; quod, uti in aliis, ita nominatim in capitibus de stilo sublimi, philosophico, itemque historico, factum esse videmus. Tam sane manet intricata, torque antiquorum ac recentiorum Rhetorum definitionibus ac distinctiurculis confusa, de stilo doctrina, ut, ubi pedem figere possimus, subinde nesciamus. Dux igitur & auctor hic vel in primis opus est, qui oculo singula philosophico lustret, & a supervacuis utilia, aque nugis necessaria, sejungat. Tractata jam sunt peculiaribus commentationibus, distincte satis ac fusa, illius genera quædam; merentur autem & cetera hujusmodi limam. Neque hoc satis; omnium quoque intersese distinctiones, definitiones, regulæ, cautiones, junctim & uni velut ad spectui sunt sistendæ. Atque hac in parte, quamvis nondum expederit omnia, pro spatii tamen ratione non exiguam laudem reportat nobilissimus Auctor, quæ quidem ut & in posterum calcar habeat gloria, volumus.



# NOVA ACTA ERUDITORUM,

*publicata Lipsiæ*

*Calendis Junii Anno MDCCXLVII.*

*Pars I.*

C. PLINII CÆCILII SECUNDI PANEGYRICUS,  
Cæs. Imp. Nervæ Trajano Aug. dictus; quem ex XII  
Cod. MSt. librisque collatis recensuit, ac notis, obser-  
vationibusque, item & numis, ære exscriptis, illustra-  
vit, simulque adjectis integris pariter atque excerptis  
Virorum eruditorum commentariis instruxit, CHRI-  
STIANUS GOTTLIB SCHWARZIUS, Com. Pal.

*Cæs. Acad. Altorf. Prof. P. & Senior.*

Norimbergæ, apud Jo. Georg. Lochnerum, 1746, 4 maj.

Alph. 5 plag. 5.

**E**rgo tandem licet restinguere sitim, quam eruditis homini-  
bus, spe *Pliniani* Panegyrici emendandi illustrandique  
facta, commoverat C. G. *Schwarzius*, Vir Celeberrimus.  
Ita enim cognita erat & spectata Viri in hoc genere literarum  
doctrina, ea deinde *xεῖστος* in *Plinio* exercendæ specimina, ob-  
servationibus selectis editis, dederat, iis denique prædiis li-  
brorum instructum constabat, ut facile intelligeretur, eum su-  
periores editores, atque illum ipsum *Plinii*, ut vocat Vir Claris-  
simus, fospitorem, *Lipsum*, longe superaturum esse. Nam, qui  
nuper *Panegyrico Pliniano* emendando admoverunt ingenia,  
*Gesnerus* & *Arnenius*, Viri doctissimi, e *Schwarzianis* maxime  
fontibus hortulos suos irrigarunt, ejusque emendationes parti-  
tim in contextum receperunt, partim vehementer laudarunt.  
Qua re luculentam sane publici de hac *Schwarziana* editione

00

judicii

judicii prærogativam dedere. Eam autem minime vanam fuisse, eventus probat.

Quadraginta prope anni sunt, cum in Academiam Altorfinam vocatus Lipsia V. C. initia Professorii muneris commendare enarrando *Plinii* Panegyrico institueret. Ibi cum paulo curiosius in executiundo contextu versatur, animadvertit, eum plurimis in locis medicina egere, ejusque faciendæ facultas ut sibi, oblati antiquis libris, detur, optat. Forte fortuna in manus ejus venit egregius Panegyricorum veterum Codex membranaceus. Is primus & spem rei perficiendæ movet, & animum plura subsidia conquirendi avertit. Mox illius Codicis adjumento edit *Observationum Plinianarum* quinque libellos, more Academico disceptandos. Interea undique Codices alios MStos, editiones superiores, variasque Codicum lectiones, conquirat. In quo haud parum eum fortuna adjuvat. Nam primo e Vaticana per *Pasfioneum*, Cardinalem, accipit exemplar Panegyrici, ex optimis membranarum ad verbum descriptum, cum trium aliorum Codicum variis lectionibus, in margine notatis. Mox e Bibliotheca D. *Marci* Veneta, itemque ex alia, mittuntur, per *Marc. Ant. Maderum*, amicosque, duorum Codicum lectiones Patavini porro Codicis varietatem obtinet a *Facciolato*, V. C. Accessere Variæ Lectiones e Codice *Thuaneo*, a *Scheidio*, Professore nunc Hafniensi, excerptæ. E Bibliotheca Episcopali Salisburgensi mittitur Codex membranaceus ad mensum aliquot usum; in cujus margine etiam variæ lectiones descriptæ. Is Codex in plerisque convenit cum eo, quem ipse possidet. Guelpherbytani etiam Codicis varietatem accipit a *Burcardo*, V. C. quem vidit in plurimis cum uno e Vaticanis consentire. A *J. A. Fabricio*, τῷ μακροτέρῳ, porro duo exempla Panegyrici, quæ quondam *Gudii* fuerunt; quorum margines Varias Lectiones habebant, partim e *Cuspiniana* editione, partim e Guelpherbytano Codice, qui ipse quondam *Gudii* fuit, aut simillimo, descriptas. Denique Excerpta *Vossiana* e Lugdunensi Bibliotheca accipit, e pluribus Codicibus petita; in quibus etiam Patavinus ille fuisse videtur. His Codicibus editiones

tiones ultra quinquaginta accessere. Ex quo facile intelligitur, quam bene instructus ab hac parte, ad hoc opus *Plinianum* expoliendum accesserit. Is autem omnibus copiis ita dextre vultus est, ut appareat, eas in meliores manus venire vix potuisse. Vel Observationes illæ, quas, per partes, ante diximus, prodiisse, nunc autem iterum recensitæ, auctæ, magisque expolitæ, ad calcem Panegyrici reperiuntur, insigni documento esse possunt, quanto cum ingenio, doctrina, diligentiaque, V. C. sit in iis copiis utendis versatus; quod etiam e cæteris brevioribus, sub ipso contextu positis, animadversionibus apparet. Omnia propemodum Viro Cel. venere in mentem, quæcunque vel ingenium ad inveniendam veram lectionem, vel doctrina, partim ad conjecturas inanes vitiosasque lectiones refellendas, partim ad veras stabiliendas, subjicere potest. Tum in recipiendis novis lectionibus tanta circumspectione, tantaque modestia, utitur, ut, quod dicit se in animo habuisse, ut juventuti specimen justæ & modestæ *κρίσεως* daret, id eum planissime adeptum esse, vere possimus dicere. Nam fere ita in ea re versatur, ut primo, vulgatam lectionem per contextum sensusve manifestam absurditatem stare non posse, ostendat, tum e Codicibus, vitiosarumque lectionum in iis, antiquisque editionibus; vestigiis, eruat veram lectionem. Eam textui aptam & consentaneam, interdum etiam a latinitate non abhorrentem, ostendit; denique, voces illas, quas de contextu tollit, & in contextum restituit, a librariis permutari solitas fuisse, exemplis docet. Quæ autem emendationes sola conjectura nituntur, non & Codicum autoritate adjuvantur, eas perraro, & non nisi in summa evidentiâ, in contextum recipit.

Sed cura Viri Cel. non modo lectionem textus *Pliniani* complexa est: quanquam hoc maxime egit: est enim in hac parte caput & summa rei: verum etiam res formasque loquendi attigit. In quo, fatetur, se non solum doctissimis scripsisse, sed etiam juventuti & mediocriter doctis consulere voluisse. Itaque passim v. c. antiquitatis capita illustrantur quædam, de quibus valde in his rebus versatus lector nihil requirat, ut de congiariis, basilicis, aliisque talibus rebus. Sed

in ea re tamen moderatione iusta utitur, ut qui necessitati juvenum consulere, non jactantiæ & vanitati obsequi, voluit. Itaque etiam tirones, & mediocriter docti, notis *Schwarzianis* adjuti, poterunt Panegyricum hunc, sine offensione, legere, atque e notis de magna interioris latinitatis parte, de multis antiquitatis capitibus, accurate cognoscere. Neque enim e Lexicis & Compendiis ea congesta, sed e fontibus hausta, sunt.

Præter suas autem notas, etiam adjunxit alias doctorum Virorum observationes. Et sub ipso quidem contextu repertiuntur notæ *Pataroli*, Veneti; ad calcem autem Operis reliquorum dispositæ leguntur, *Lipsii*, *Gruteri*, *Livineji*, &c. integræ; nisi quod *Baudii* & *Catanzani* notas, quia nimis prolixæ sunt, prætermisit; quanquam & ex his excerptas quasdam suis notis inseruit. Omisit etiam *Gesnerianas* posteriores, (nam prioris editionis, quæ mere criticæ sunt, accessere,) & *Arnzenianas*, ad verbum addere. Eorum tamen sententias, vel abhorrentes a sua, vel consentaneas, cum suis momentis, narravit. Accessere dein pauculæ conjecturæ, quas exemplo Panegyrici adscripserat *J. F. Gronovius*; item *Heumanni*, V. C. ad *Schwarzium* Epistola, super locis quibusdam *Plinianis*, e *Pæciles Tom. III Lib. IV*. Lucem porro *Plinio* affundere tentavit, adjectis *LXI nummis*, ad res *Trajan*i pertinentibus, cum luculentis explicationibus; quibus etiam subiectus est index locorum, quibus illustrandis numi propositi serviant. Denique *Tabula Chronologica* Consularum & numerorum tribunitiæ potestatis *Trajan*i, cum *Vita Trajan*i & *Plinii*, a *Jac. de la Baune* descripta. Claudunt Opus IV Indices: primus *MStorum* Codicum, quibus usus est, alter editionum Panegyrici *Pliniani* omnium, tertius rerum & verborum, in notis illustratorum, quartus denique latinitatis *Pliniane*. Nunc, quoniam *Idææ* quandam hujus editionis exhibuimus, exemplis quibusdam proferendis, fidem dictis, de notarum & observationum *Schwarzianarum* ratione, faciemus. In quo poterimus esse breviores, quod pleræque emendationes Viri Clariss. in Observationibus propositæ, jam vel ex editis antea

Obfer-

Observationum libellis, vel e *Gesneriana* & *Arnzeniana* editione, notæ sunt.

*Cap. V* vulgo sic legitur: *Quorum quidem (Deorum) in te, Caesar Auguste, judicium & favor, tunc statim, cum ad exercitum proficisceris, & quidem inusitato, enituit.* Hic primo *Plinio* restituitur *Augusti* nomen e Cod. & Ed. variis: unde concidit *Pagii* observatio, *Trajanum* in hoc Panegyrico nuppiam *Augustum* dici; deinde ex editionibus nonnullis *inusitato* indicio, quod etiam *Gesnerus* & *Arnzenius* receperunt. Porro pro *enituit* quinque Codices, *Vatic. Paris. Venet. Salisb. & Schwarz.* & editio *Sichardi*, habent *enotuit*, idque *Arnzenium* constat recepisse. Vir Cl. quid faceret, ambiguus hæsit. Nam & *enotuit* & *enituit* commodè explicari, & aptum esse huic loco, videtur; quod etiam *enitescere* pro *innotescere* poni posse putat. Loca quidem, quibus utitur ad hanc notionem illustrandam, inclarescendi & exsplendescendi vim habent, ut apud *Ciceronem*, etiam *enituisse studia*, id est, splendorem ac nitorem accepisse, dicuntur. Sed aptior fuisset locus *Ciceronis Tuscul. II, 4*, ubi, fruges in segetem datæ, ipsæ sua natura *enitere* dicuntur, id est, surgere e terra, in conspectumque venire, quanquam tamen non satis convenit. Nam segetibus *nitor* tribuitur, exque *nitere* etiam dicuntur Latinis; quod aliter est de judicio & favore, quibus *nitor* non convenit. Itaque melior sane est lectio *enotuit*, quam lectionem mallet V. C. a se receptam esse. Est tamen fortasse, & contra hoc verbum quod objici possit. Nam *favor* non satis apte videtur dici *enotescere*; neque nunc nos pœnitet conjecturæ, quæ nobis dudum in mentem venit, ut legendum putaremus *eminuit*; quod verbum proprium est *favori*, cum ille in hominibus, certis quibusdam signis, e vultu gestuque, intelligitur; diciturque etiam de aliis rebus, quæ hoc modo agnoscuntur. Ut posterioris generis exempla mittamus, quorum nonnulla reperias e *Cicerone* notata in *Clave Ciceroniana*; *Livius* sæpe in comitiis magistratum favorem & studia populi dicit *eminuisse*. Confirmandæ conjecturæ nostræ etiam prodest locus *Ovid. Heroid. XII, 37: Quis enim bene*

celat amorem? Eminent indicio prodita flamma suo, ubi quædam Edd. male, *enitet*; etsi magis poeticum putat Heinsius, cum ne quidem aptum sit illo in loco. Pariter *emineret* & *eniteret* permitterentur a librariis apud Suetonium in *Calig. Cap. 15. Cap. VIII Trajanus* dicitur, *simul filius, simul Caesar, mox Imperator & confors trib. pot. & omnia pariter & statim factus esse*; quæ verba V. C. & in notis & in explicatione nummorum pag. 7 illustrat. Posterjori illo tamen loco miratur, quare in numo prolato; & ad h. l. pertinente, non commemoretur nomen *Imperatoris*. Sed hic se sic expedit, ut dicat, aut spatium non cepisse hoc verbum, aut id nomine *Cæsaris* & tribunitiæ potestatis contineri. Verum est fortasse, quod contra dici possit. Nam, quod de spatio dicitur, id nihili est. Adjicitur enim in aliis numis. Et, si adjiceretur in fine, tamen non talem Imperatorem indicaret, qualis hic dicitur, sed nomen victoris esset, ut ipse vidit in notis. Si autem *Imperatoris* nomine intelligitur Proconsularis potestas, quæ ad provinciarum & militiæ jus pertinet, ut *Pagio* placet *Crit. Baron. Tom. I pag. 90 b, 93 a, 118, 119*, neque facile negari potest; non potest trib. pot. nomine contineri. Verum, ista omnia simul data *Traiano*, non satis certum videtur. *Tillemontius* quidem *Hist. des Emp. in Vita Nervæ pag. 147, 148*, ostendit, *Nervam* non statim omnia & simul adoptato *Traiano* tribuisse; unde colligas, hæc a *Plinio* oratorie dicta esse.

*Cap. XI* post verba: *Qui hoc ipsum imperium peperere, quod modo hostes invaserant, contemserantque*, e vestigiis Codicis Salisb. recte recepit verba: *quoniam Imperator is*; ut nos quoque jam legendum esse censuimus, cum de *Armeniana* editione diceremus *A. 1740 Mens. Febr. pag. 55*. Sed tamen V. C. eam emendationem non debet nobis; quippe, illam plagulam, in qua hic locus occurrit, tum jam exscriptam typis fuisse, scimus, cum *Armenianus Plinius* prodiret. In eodem *Capite* in verbis: *sed ut majestatis crimen induceret*, variant Codd. & Edd. aliis *numen*, aliis *nomen*, aliis, iisque plurimis, *crimen*, habentibus, quod postremum probat & recipit *Schwarzius*. *Numen* quidem ex nomine factum esse videtur.

detur. Utrum autem *crimen*, an *nomen*, præferendum sit, fatemur, nos ambigere. *Nomen* quidem nobis exquisitius videtur, modo recte intelligatur. Nempe *majestas* est ipsum crimen majestatis læsæ. Sic est non semel apud *Ciceronem*. *Judicium majestatis Verr. I, 5*; quid est, nisi judicium de crimine læsæ majestatis? Ergo *nomen majestatis inducere* est, uovi criminis de maiestate genus ac nomen inducere, ut per id nocere possis. In quo *Plinius* videtur imitari voluisse *Ciceronis* sui verba, *Epist. ad Fam. I, 4*: *nomen fidei religionis inducunt esse* ab obrectatoribus Lentuli.

Cap. XIV capitalis primo emendatio proponitur, pro *Partiborum* reponendo *barbarorum*; quæ, etsi nullius libri, vel scripti, vel editi, autoritate nititur, tamen ita evidens, ita elegans, ac necessaria, est, ut & *Gesnerus* & *Arutzenius* receperint in contextum: quod Noster quoque fecit: deinde recte, post *Imperator eras*, maximam interpunctionem adhibet. Post, e vestigiis Cod. Salisb. in quo scriptum est: *Germaniam*, legendum censet: *Germaniam quidem*; quod etiam, post *Gesnerum*, qui tamen *Schwarzio* debet, in contextum recepit: quod nollemus factum: non, quò *Arutzeniana* ratio nobis probetur, quam V. C. recte repudiat, aut non illud *quidem* sic dicatur, ut aptum sit huic loco; sed quod observavimus, illud *que* a scriptoribus argenteæ ætatis, atque adeo aureæ, in rebus narrandis, transitionibus inservire, & ab initio sectionis poni, hac vi, ut sit *porro, præterea*. E *Suetonio* jam exemplum succurrit, quod loco nostro est simillimum. In *Neron. Cap. 38*, cum clades narrasset *Suetonius*, quibus omnes reipublicæ partes *Nero* afflixit, inprimisque incendium urbis, sic finit: *Atque, ne non hinc quoque, quantum posset præda & manubiarum, invaderet, pollicitus cadaverum & ruderum gratuita egestionem, nemini ad reliquias rerum suarum adire permisit: collationibusque non receptis modo, verum & efflagitis, provincias privatorumque census propo exhaufit*. Hic, opinamur, item apparet, punctum post *permisit* requiri, cum in omnibus vulgaris sit colon. Nam, in hac interpunctione, collationes essent intelligendæ ad instaurandam urbem, quod non

non potest probari; sibi enim petebat collationes, ut intelligere videmus etiam *Schwarzius* ad *Cap. 41 init.* Manifeste novum genus cladis commemorat. Itaque punctum poni debebat. Sed particula *que* non intellecta fecit, ut in loco *Plinii*, ut ea verba cum antecedentibus colligere viderentur. Illud autem *que* nil aliud ibi significat, nisi *porro, præterea*, servitque transitioni ad aliud genus cladis. Si quis ibi vellet rationibus *Schwarzianis* uti, posset similiter *quidem* legere, quod non est necesse. Nam sic est & alibi, & quidem in eodem *Nerone Cap. 44: Partem etiam census omnes ordines conferre iussit; & insuper inquilinos privatarum adium atque insularum pensionem annuam representare fisco. Exegitque ingenti fastidio & acerbitate numum asperum, argentum pusillatum, &c.* Etiam *Cicero* sic habet ad *Fam. IV, 1: Trebatique mandavi.* Arbitramur igitur, etiam in loco *Pliniano* *que* sic poni, ut in his locis, neque emendatione locum, hac quidem in parte, indigere. Sed est alia difficultas ex ipsa re. Nam *Pyrenæus* dicitur, inter alios montes, *Germaniam munire ac dirimere.* In qua difficultate multorum ingenium frustra laboravit. Planissimum & facillimum est, quod *Cel. Schwarzius* assert. Nempe hoc recte dici potuisse propterea, quod nullæ legiones ex Hispania in Germaniam, & vicissim hinc illuc, venire terrestri itinere possunt, nisi *Pyrenæum* transierint. Denique, etsi in contextu reliquit *V. C. immensisque alii montes, nisi his compararentur, muniunt dirimuntque*, cum in uno tantum Codice *Gudii*, tum, cum illud caput exscriberetur, *comparentur*, invenisset, tamen, cum observationes expoliret, malebat, receptum esse *comparentur*; quod etiam postea in Codd. Vaticanis & Salisb. invenit. Recte. Nam etiam consecutio temporum *comparentur* repudiat; quod vidit *Cel. Gesnerus*, qui *comparentur* recepit.

*Cap. XX: Quam dissimilis nuper alterius Principis transitus? si tamen ille non populatio fuit; cum abactis hospitum exerceret, omniaque dextra levaque perusta & attrita, ut si vis aliqua, vel illi ipsi barbari, quos fugiebat, inciderent. Primus nodus est in pronomine, ille, quod quidem referri potest ad*



ad *transitus*, sed non satis e ratione Latina; quæ requirit: *si tamen illa non populatio fuit*; atque ita legendum nos aliquando putabamus, aut *adventus*, *transitusve*, verbum repetendum. Itaque bene fecit Noster, quod reposuit e Codd. & Edd. antiquis *transitus ille*; quod etiam correctionis ratio requirit. Deinde post *exerceret*, expectet aliquis, ut recte *Schwarzius* monet, *perureret attereretque*. Sed nil, neque in scriptis, neque in editis, reperitur, quod ad hanc lectionem ducat. Fuisse autem, dicit, qui legendum putaret *exercitus*; eamque conjecturam primo in Observationibus non indignam esse dicit, quæ memoretur, deinde in Supplementis notarum & Var. Lect. certissimam judicat; verum ita, ut *exercitus* substantive accipiat pro turba magna; qua ratione etiam *abactus* sit participium, cum substantive sumtum insolens sit. Fateamur, elegantem conjecturam esse; sed lenius tamen videtur, legere *exercerentur*, vel *exerceretur*, quod, diu est, cum in mentem nobis venit. Passiva forma necessaria est; non tempus perfectum. Ingrata fuissent *ἐμοικτέλευτα*, *exercerentur*, *perurerentur*, & *attererentur*, uno versiculo; itaque participia posuit. Quod denique *Cortii* sententiam repudiat, qui ad *Epist. VIII, 24*, e Cod. Guelpherb. legi volebat *hospitium*; recte eleganterque facit. Possit etiam aliquis hære in verbo *inciderent*; quod esse debebat *incidissent*. Sed Scriptores *Pliniana* ætatis non sunt in hoc genere accuratissimi; nilque Codices variant. Ceterum in eodem *Capite* extremo, *tanti tuum constat*, etsi multis Codicum & Editionum autoritatibus nitatur, tamen vix convenire putat *Plinii* sententiæ. Non enim apparet, cur solius *Traiani* iter dicatur *tanti constare*. Nec intelligitur, quare illud *tuum* tam simpliciter sit positum, cum vox *iter* nimis longe antecesserit. Si paulo majori audacia uti liceret in conjiciendo, se non alienum esse ab ea sententia, ut legeretur: *Principes, velint, nolint, sciant tantum*; propositisque duobus exemplis &c. Nam, & duplicem uno versiculo *παρένθεσιν* duram esse, & compendium scripturæ *sciant tamen* potuisse parere *tantum & tuum*, inde paulatim, adjecto de glossa verbo *constat*, vulgatum effici. Sed,

quoniam non vult audacior esse, legit *tanti constat* ex *Reydeses*; & quidem eo sensu, quo sæpe, apud *Ciceronem* aliosque, vel ipsa, vel similes formulæ occurrunt, etiam apud *Plinium Epist. II, 14.* Atque hanc conjecturam in contextum recepit. Locus est ejusmodi, ut, quicquid conicias, vix satisfacere vel tibi, vel aliis, possis. Parem moderationem adhibuit *Cap. 23,* ubi valde inclinabat in verbis: *Gratum, quod occurrentium populus te quoque, te immo maxime, adstaret, legere, arstaret, sive artaret,* quod in margine editionis Gedanensis, incertum, unde sumtum, pro varia lectione, reperitur. Nam nec accusativus verbo *adstandi* jungi solet; nec intelligi potest, quare populus dicatur prope *Trajanum* quoque, immo maxime prope eum, stetisse; quæ dubitationes tolluntur, si reponas *artaret.* Nam mira facilitas est in Principe, si patiatur, se quoque, immo inprimis, a confluyente populo premi & urgeri. In eodem *Capite* verba hæc vulgo sunt: *Quam similis illi dies, qui hunc genuit diem! ut plena altaribus! angusta victimis cuncta!* In his verbis offendit nos vox *diem.* Scimus, interdum verba ita ab optimis scriptoribus repeti; sed hic valde semper inclinavit animus, ut eam delendam putaremus. Sed nihil adjuvant Codices & editiones. Neque *Gesnerus*, aut *Arnzenius*, aut *Schwarzius*, ea repetitione offensi sunt. Fastidium ergo stomachi nostri accusamus potius, quam lectionem vulgatam. In eo autem eleganter fecit Noster, quod pro *angusta* rescript sit *angusta*, e Codicibus *Salisb. Vatic. Paris. Guelpherb. Schwarz.* & editionibus *Gruteri & Livineji*; ut ante jam fecit *Arnzenius* e *Guelpherb.* ne *Gesnero* quidem improbante, contextu autem magnopere suadente. Mox etiam cum *Arnzenio* habet: *ut in unius salute collata omnium vota.*

*Cap. XXIV* superiores editiones fere omnes habent: *nihil in ipso te fortuna mutavit*; omnes Codices *MSti* habent, *nihil ipso te.* Id servarunt Editores, usque ad *Boxbornum*, qui de conjectura reposuit, *in ipso te.* *Arnzenius* hanc lectionem dicit Codicibus confirmari. Sed ipse usus tantum est *Ext. Voss. & Cod. Guelpherb.* Atqui in hoc est *nihil ipso te.*

Illa

Illæ autem excerptæ neque semper Codicibus, neque certis, nituntur. Itaque non magnum momentum faciunt. Nostro in mentem venit, legere, *nil ipsa te fortuna mutavit*, unius literæ mutatione; eleganter sane; idque in textum recepit, recte, majorique jure, quam superiores conjecturam, in ipso, receperant.

Illæ vero eximia emendatio est, quæ V. C. *Cap. XXX* expellit absurdam, & in omnia Lexica ex h. l. receptam, vocem, *expanditor*; in qua corrigenda superiorum ingenia frustra laborarunt. Nempe ille e Codd. *qui expandebatur, expandatur, cum expandatur*, etiam totidem verbis, *cum expanditur*, ut Vatic. & Guelpherb. sic rescribit: *neque enim vagus ille, cum expanditur, amnis &c.* Itaque non mirum, eam cupide a Gesnero & Arnzenio receptam esse. Unde, cum jam nota sit, non attinet, plura de ea dicere; quæ res facit, ut plures alias similes vel silentio prætermittamus, vel tantum attingamus, qualis est v. c. *Cap. 35*, cum pro vulgato: *mille pænarum indagine inclusos*, e Codicibus profert, in illa *panarum i. i.*

Inprimis difficilis est ad intelligendum locus *Cap. XXXVI, 1*, de ærario: *Nunc templum illud, nunc vere Deus; non spoliarium civium, cruentarumque prædaram sævum receptaculum, ac toto in terrarum orbe locus unus, in quo, optimo Principe, boni malis impares essent.* Difficultas est in ultima hujus *ἐξῆς* parte, in qua explicanda mire se torserunt interpretum ingenia. Vel Arnzenii & Gesneri interpretationes, judice Schwarzio, contortæ sunt, neque nobis probantur. Noster sic explicandum censet, ut in *ac* repetatur negatio *non* e præcedentibus membris, quem usum copulæ pluribus exemplis illustrat. Ex quo fit, ut hæc verba non ad *Trajanum* pertineant, ut ceteris visum est, nisi quatenus aliquid ab ejus consuetudine & institutis removeant. Id quod etiam, ut recte monet Schwarzius, e verbo substantivo *essent* intelligitur. Nam, si de *Trajano* diceretur, sub eo bonis malis impares esse, dicendum fuisset, *sunt*, non *essent*. Nempe, ut nos quoque aliquid lucis, si possumus, addamus,

*Plinius Trajani* instituta de ærario opponit institutis superiorum Principum & malorum & optimorum, quos superiori *Capite* laudavit, *Titi & Nerva*. Dicit ergo, ærarium sub *Trajano* non esse, quod sub superioribus fuerit, neque spoliarium civium & prædarum cr. 5 receptaculum, ut sub *Nerone, Domitiano*, &c. neque tale, quale etiam sub optimis Principibus superioribus, *Tito & Nerva*, fuerit; qui, cum quædam salutariter de ærarii causis sanxissent, tamen nondum effecissent, ut semper boni malis superiores essent; sed, cum omnibus aliis locis ac judiciis boni malis superiores fuissent, in solis ærarii causis impares fuisse, quod species ac nomen utilitatis publicæ, bonæ ac justæ privatorum causæ interdum obesset. Hoc autem tandem effecisse *Trajanum*, adstruendo quædam illorum decretis ac legibus (vid. *Cap. 35 extr.*) quibus boni in talibus causis invicti præstarentur, neque tamen utilitas publica, aut legum autoritas, convelleretur, ut paulo post dicit. Maneamus ergo in *Schwarziana* interpretatione, & verbis & rebus aptissima.

Sed in eodem *Capite* perobscurus est locus de fisco: *Liberum est autem, disceptanti dicere: nolo eum eligere*. Obscuritatem affert ambiguitas *disceptantis*, & verbum *eligendi*, quæ haud facile inter se componuntur. Nam, si *disceptans* est litigator, abhorrere videtur verbum *eligendi*, quod sic non dicitur. Nam, quæ exempla *Gesnerus* attulit, ea *Schwarzius* de arbitro accipit; qui & ipse iudex interdum vocatur, recteque *eligi & sumi* dicitur. Tum, etiam si recte de iudice diceretur, tamen non arbitraremur hanc sententiam commodam esse, quam *Gesnerus* vult: *Potestatem habet litigator dicendi, nolo procuratorem Cæsaris* (de hoc enim sermo est) *eligere iudicem causæ meæ*. Quid enim? Procurator est iudex ordinarius causarum fiscalium? An hic a litigatore eligitur? Non profecto. Rejici potest, non eligi. Est enim delectus a Cæsare ad illas causas disceptandas. Quid ergo *Schwarzius* noster? *Disceptantem* intelligit Prætorem fisci; quem putat institutum a *Trajano*, ac proinde apud *Pompon. D. J. §. 32* legendum, *Nerva Traj.* Liberum esse litigatori, ut possit  
huic

huic Prætori dicere: *nolo*, vel *volo*, *eum* (hunc, vel illum, causæ judicem) *eligere*. Nam etiam *volo*, quod multi Codices habent, præfert. Sic nullam esse *ταυτολογίαν*, sic sequentia planius cohærere, ubi *Trajanus* dicatur, nullam necessitatem suis beneficiis addere, cum etiam Prætoris fisci uti non liceat. Sed facile existimamus apparere, difficultatem in verbo *eligendi* sic manere, quæ *Gesnerianam* interpretationem premebat; quod nempe Procurator est iudex ordinarius, a Cæsare delectus, quem litigator rejicere potest, non eligere; quod si de aliis iudicibus ordinariis causarum fiscalium capias, ut indicare videtur nota *i pag. 144*, oritur altera difficultas. Nam non apta esset oratio antecedentibus & consequentibus, ubi de Procuratoribus est sermo. Tum, plane non esse sermonem de Prætoris fisci, putamus, cujus nulla mentio, sed de solis Procuratoribus. Sensus loci manifeste hic est: Procuratores *Traiani*, cum in urbe, tum in provinciis, sunt æqui, iusti, mites, &c. ut iis iudicibus quisque libenter & sine periculo uti possit, idque sic provisum a *Trajano*, ut nulla querimoniarum causa supersit. Sed, etiamsi jam impulens videri possit, tales Procuratores non habere iudices velle, licet omnibus litigatoribus, eos rejicere, atque adeo Cæsaris illo beneficio non uti; in eoque magna beneficii commendatio inest. Sed huic sententiæ tam perspicuæ & certæ repugnat verbum *eligere*. Requiritur: *nolo eo uti*, vel *nolo eum habere iudicem*. Itaque dudum est, cum nobis verbum *eligere* glossæ nomine suspectum visum est. Nam non moris est, in his formulis verbum tale, etiamsi rectum sit, addere, præsertim in brevitudo, qua *Plinius* utitur. *Plinius* scripsit: Licet autem discept. dic. *nolo eum* scilicet. Procuratorem, qui iudex mihi datus est a *Cæsare*. Hac forma ante usus erat, hac *Cicero* utitur, & alii. Aliquis parum intelligens adscripsit glossam ineptam: *eligere*; ea in textum irrepsit. Talibus glossis inprimis fœdati sunt a librariis imperitis scriptores brevitatis acutæ studiosi, e quo genere est *Plinius*. Atque hoc modo in contextum venisse videtur etiam illud *scienter Cap. LXIV: scienter fessellisset*, pro quo multi *sciens* reponi

reponi voluerunt, cum Noster defendat *ἀναλογίαις* lege, sæpe illa fallaci & usui repugnante, ut, quia *sciens* dicatur non modo de perito & intelligente, sed etiam de eo, qui de industria aliquid facit, &c. sic etiam *scienter* utroque modo dicatur. Ceterum non male fecit, cum in contextu, propter consensum Codicum, retinuit. Volebamus adhuc referre, quam bene V. C. repudiavit lectionem *ministra*, a Cl. *Arnenio* Cap. 48, 8, pro *mysteria* receptam, atque alia nonnulla, Lectoribus grata futura, sed jam longiores iusto fuimus. Itaque definemus cum gratulationibus & votis, ut Deus venerandum Senem hujus tam egregii Operis gloria per multos adhuc annos frui jubeat.

**DANIELIS GERDESII HISTORIA REFORMATIONIS, sive Annales Evangelii, Seculo XVI passim per Europam renovati, doctrinaque reformatæ. Accedunt varia monumenta pietatis & rei literariæ, ut plurimum ex MStis eruta. Tomus secundus, qui res gestas per omnem Germaniam & Helvetiam ab A. 1520 ad 1530 complectitur. Subjuncti sunt Indices in utrumvis Tomum necessarii.**

Groningæ & Bremæ, apud Hajonem Spandaw & Gerh. Willh. Rumpf, bibliopolas, 1746, 4.

Alph. 3 plag. 16.

Cum olim (*A. 1744 Mens. Jun. P. I pag. 301 seq.*) eximii hujus Operis *Volumen primum*, quod introductionem in historiam reformationis sacrorum complectitur, in his nostris Commentariis commemoraremus, ejusdemque præcipua momenta strictim exponeremus, continuationem illius a Cel. Autore precibus efflagitavimus; cujus nostri voti cum compotes simus facti, & nobis, & rei literariæ, eo nomine gratulamur, spe certa freti, fore, ut reliquæ illius Historiæ Partes iusto tempore sequantur. Expeditis superiori *Tomo* iis, quæ sacrorum emendationi vel viam muniverunt, vel occasionem præbuerunt, in præsentem

præsenti res in civitate Christiana gestæ inde ab A. 1520 ad 1530 ordine explanantur, subjunctis monumentis, quæ *alteram Partem Voluminis* hujus constituunt, tum rarioribus, tum nondum editis, ad confirmationem & illustrationem historię illius temporis plurimum facientibus. Effigies summorum, & de sacrorum renovatione optime meritorum, virorum, eleganter ære expressæ, numero quinque, *Caroli* nempe V Imperatoris, *Adriani VI*, *P. M. Berchtoldi Halleri*, *Ambrosii Blaureri*, & *Joachimi Vadiani*, Operi decus haud vulgare conciliant.

In Præfatione modeste solvit objectiones Cel. *Heumanni* de eo, utrum *Lutherus*, an *Zuinglius*, prior sacra iustaurare sit aggressus. Agnoscit summa illius in ecclesiam merita, concedit, ipsum priorem fuisse, qui jam A. 1517 schedularum venialium nundinationi se opposuerit, quod a *Zuinglio* anno demum 1519 fuerit factum; hoc tamen pertendit, ac evidentibus testimoniis sibi videtur probatum dedisse, *Zuinglium* A. 1516, cum apud Glaronenses & Einsidelenses adhuc hæreret, plebem sacram a cultu sanctorum ad fidem Christi, atque ab hominum figmentis ad Scripturæ sacre placita & doctrinam, transtulisse. Historia ipsa duobus absolvitur Capitibus. Primum est de progressu Reformationis in Germania ab A. 1520 ad 1530; alterum de progressu Reformationis in Helvetia ab A. 1520 ad 1530. Præmittit quædam de electione Imperatoris *Caroli V*, & quibus legibus potentia ipsius circumscripta fuerit, declarat. *Sectione I Cap. I*, *Lutherum*, refert, cum *Eccium* Pag. 1-4. Romam, ut a Pontifice disparum fulmine percuteretur, profectum intelligeret, literas ad *Carolum V* Augustum dedisse, ad imperii item proceres, *Leonem X*, aliosque præfules, homines item privatos, scripsisse, quo invidiam sibi factam amoliretur, spemque his fecisse certam, fore, ut, si erroris ex divinis literis convinceretur, ab instituto desisteret. In literis ad *Leonem* multum prodit modestiam, dolens illius vicem, quod ab assentatoribus se ab æquo & justo abduci pateretur; verum tantum absuit, ut hic admonitionibus daret locum, ut potius decreta aspera adversus eum publicaret. Gravius excepit Theologos *Levanienses* & *Colonienses*, 5-10.

ses,

- ses*, qui aliquos ex libris ipsius damnarant, & rogo dignos judicaverant, quorum malevolentiam & ignorantiam pro merito depexam dedit. Scribebatur Roma *Friderico* Principi
- Pag. 10-  
12. *Electori*, ipsum Pontifici & senatui sanctiori male audire, quod hominem erroribus pestiferis infectum, hostem ecclesie teterimum, in terris suis foveret. Criminationem hanc ita diluit Princeps: *Lutherum* erroris alicujus reum adhuc non esse actum, culpam omnem residere in *Ecclo*, qui ipsum suis
- 12-13. litibus irritavit, ut ad alia, itemque alia, sit progressus. Hoc ipso anno d. 15 Jun. Pontifex publicas dat literas, quibus *Lutherum* ac socios diris omnibus devovet, doctrinam ejus damnat, scripta flammis addicit, *Lutheroque* imperat, ut intra 60 dies errores suos revocet. Harum non idem apud omnes fuit effectus; alii plane non, alii non nisi ægre, admitterunt, alii iisdem assurrexerunt, librosque *Lutheri* una cum ipsius effigie igne aboluerunt; *Lutherus* ipso illis ita fuit affectus, ut, convocato studiosorum cœtu, illas una cum jure
- 14-16. Pontificio d. 10 Dec. flammis tradiderit. Quæ res fuit origo gravissimarum contentionum, quibus hoc effectum est, ut veritatis luce agnita, plurimi a societate ecclesie Romanæ se sejungerent. Inde Pontifex d. 4 Jan. A. 1521 *Lutherum* anathematum fulmine vibrabat; hic contra celeberrimum de *captivitate Babylonica* edebat librum, in quo multa cum παρρησίᾳ errores & ulcera Pontificiorum tangit, eisdemque bellum quasi indicit. In Frisia orientali hoc anno insignis rerum conversio contigit. *Edzardus* Comes scriptis *Lutheri* delectabatur. Hujus exemplum brevi cives sunt secuti, & ministerio *Georgii Aportani* purior religio, nequicquam adversariis contra nitentibus, passim, *Emda* potissimum, invaluit. A. 1521 d. 6 Martii publicis Imperatoris literis *Lutherus*, cum certa ipsi de itu & reditu fides facta esset, Wormatiam invitabatur, quo, licet nonnulli dissuaderent, impavido animo contendit, urbem ingressus d. 16 Aprilis. Postero die in confessum Imperatoris & Principum introducit; flagitatur, ut, quæ scripserit, revocaret; ille, moram diei pactus, graviter respondit, se, quæ de fidei doctrina commentatus sit, nisi erroris



ex sacris literis arguatur, retractare non posse. Die 24 Pag. 27-  
 Aprilis de novo accessit, presentibus Principe Electore *Jo-* 32.  
*chimo*, *Georgio* Saxone, Præsule Augustano, aliisque proceri-  
 bus; sed, cum is in sententia sua persisteret, *Eccius* decretum  
 Cæsaris promulgavit, ut e vestigio Vormatia excederet, & ne  
 in posterum vel voce, vel scripto, populum commoveret, dato  
 21 dierum ad redeundum spatium. Discedit igitur d. 26 ejus- 32-35.  
 dem mensis, sed *Fridericus*, veritus, ne quid sinistri ipsi in via  
 eveniret, iussit illum Wartburgum clanculum-abduci, ubi sub  
 nomine nobilis *Georgii* (*Juncker Gargen*) per tempus aliquod  
 deliquit, variis scriptis elaborandis, potissimum autem divini-  
 rum literarum versioni, intentus. Hic dum hæreret, instinctu 35-38.  
*Hieronymi Aleandri*, nuntii Pontificii, a Cæsare proscribitur  
 d. 8 Maji. Decretum hoc durioribus conceptum est verbis,  
 quæ ab *Aleandro* profecta esse multis videbantur; quare pro-  
 ceribus quibusdam non omnino ardebat. Sub idem tem- 38-40.  
 pus Parisienses damnant doctrinam *Lutheri*, *Albertus* Mogun-  
 tinus de novo Halæ Saxonum schedulas veniales exponendas  
 curat, & verbi divini ministrum conjugatum carceribus eo  
 adigit, ut conjugem dimitteret; quam rem adeo indigne tu-  
 lit *Lutherus*, ut epistola gravi Præsulem castigaret, acrimo-  
 niam istam improbane *Capitone*. Existimasset aliquis, facta 41, 42.  
 proscriptione, causam *Lutheri* omnino prostratum iri, sed, ut  
 divina providentia rebus humanis intervenit, ita fuerunt plu-  
 res, qui Cæsaris institutum palam improbant. Evangelii  
 doctrina passim lætius efflorescebat, & superstitio Pontificia  
 supprimebatur. *Vitembergæ* ab *Augustinianis* fratribus Missæ  
 solitariae & alii ritus superstitiosi abrogabantur. Ipso illo 45-49.  
 anno vel lux Evangelii de novo est exorta, vel nova sumsit  
 incrementa, *Zuicavia*, *Fribergæ*, *Erfurti*, *Halberstadii*, *Ham-*  
*burgi*, *Vormatia*, *Ulma*, *Argentorati*, in *Pomerania*, *Fran-*  
*cofurti ad Manum*. *Bartholomæus Bernh. a Feldkirchen*, Præ- 49-57.  
 positus Kembergensis, primus uxorem duxit, cujus vitam, con-  
 jugium, & quæ ipsi propterea lites fuerint mortis, accurate  
 exponit B. Jo. Henr. Feustkingius in *Historia Clerogamie Evan-*  
*gelica*, *Vitembergæ* A. 1703, 4, edita, quem non ita multo post  
 alii

- Pag. 57, alii sunt secuti. A. 1521 d. 9 Dec. *Leo X* viventium numero  
 58. inopina morte eripitur, in cuius locum *Adrianus VI* sedem Pontificiam conscendit d. 9 Jan. A. 1522. Hic, studium reformandi curiam & ecclesiam Romanam initio præ se ferens, ab illo astu *Francisci Soderini Volaterrani*, Prænestini Cardinalis, alienus factus fuisse dicitur, parum æquus *Luthero*, ejusque fociis, ut etiam igne ac ferro adversus illos agendum esse suaserit. Hæserat adhuc *Lutherus Wartburgi*, sed, cum acciperet, nonnullos Vitembergæ rebus novis studere, non consulto Saxone, eo rediit, seque apud Principem literis, divinam animi magnitudinem spirantibus, excusavit. Hoc  
 63-67. anno grave adversus veritatis Evangelicæ confessores edictum Norimbergæ est promulgatum, passim etiam Principes adversus illos duriora moliebantur; nihil tamen minus mira Dei providentia est effectum, ut in aliis Germaniæ oris doctrina purior primum reciperetur, in aliis læta incrementa sumeret. *Vratislavia* faustis auspiciis salutarem doctrinam prædicarunt *Ambrosius Moibanus* & *Jo. Hefsus*, quod post in reliqua Silesia est factum. Eadem fortuna in Cimbria obtigit *Holsatis* & *Ditmaris*. *Bremæ* huic sacro negotio operam suam accommodavit *Henricus Zutphanensis*, qui tandem apud *Ditmarfos* ob Evangelii professionem ignis supplicio est affectus; ne quid dicamus de urbibus Germaniæ, vel illi proxime adjacentibus, de quibus Vener. Autor succincte commentatur.  
 68-87. Ipso hoc anno versionem Novi Test. in secessu Wartburgensi adornatam, *Lutherus* per partes publicavit, cui postea libri Veteris Test. accesserunt, qui labor quanti constiterit, quot molestias pepererit, quos socios habuerit, accurate exponitur. *Jo. Bugenbadius* diem illum, qui operi huic immortalis finem impositum vidit, quotannis cum suis inter hymnos & gratiarum actiones ad Deum directas religiose celebravit. In  
 87-91. comitiis Norimbergenfibus, quæ A. 1523 continuabantur, legatus Pontificius, *Franc. Ceregius*, de *Luthero*, & motibus, ab ipso excitatis, multum querebatur, ad quæ procures libere responderunt, centum gravaminibus nationis Germanicæ adversus curiam Romanam propositis. De decreto Norimbergenfi

genſi *Lutherus* ſententiam ſuam publice declaravit, docens, illud a multis in præjudicium purioris doctrinæ accipi; po-  
 tiſſimum ferendum non eſſe, quod in eodem ſit ſancitum, in  
 ſacerdotes uxoratos ex lege Pontificia animadvertendum eſſe.  
 Scripta, a *Luthero* hoc anno divulgata, nominantur, illorum  
 que argumentum breviter exhibetur. Quid hoc anno circa  
 ſacrorum inſtaurationem in *Saxonia*, Ducatu *Bipontino*, *Be-*  
*ruffia*, *Dantiſci*, in *Livonia*, *Lignitii*, *Hamburgi*, *Hala Sue-*  
*vorum*, *Eſinga*, *Argentorati*, & *Iſenaci*, (ubi quædam de  
*Jac. Straußio* commemorantur, qui, ob præcipitem ſuum fer-  
 vorem & imprudentiam in cauſa ruſticorum tumultuantium,  
 munere ſuo exutus, & in cuſtodiam eſt datus,) fuerit actum,  
 juſto ordine traditur. *Hadrianus VI* d. 14 Sept. h. a. dece-  
 dit, cui d. 19 Nov. *Clemens VII*, ex domo Medicea, ſucceſſor  
 eſt datus, qui ſua pertinacia Evangelicorum cauſam plus pro-  
 movit, quam impedivit. Die 18 Aprilis, inſtinctu *Laurentii*  
*Campegii*, oratoris Pontificii, a Principibus in negotio reli-  
 gionis novum conditur decretum, ſed quod nec Imperatori,  
 nec legato, nec *Luthero*, omni ex parte probabatur. Cum  
 Episcopus Argentoratensis a ſenatu poſtulareret, ut ſacerdotes  
 uxoratos plecteret, contra ſenatus pertenderet, ut Præſul im-  
 puræ libidini ſacerdotum obicem poneret, is in verba hæc  
 minus caſta & offendiſculi plena prorupit: *Quod ſacerdotes*  
*ſiant mariti, multo eſſe grandius peccatum, quam ſi plures*  
*domi meretrices alant.* Hoc anno *Lutherus* cucullum exuit,  
 veſtemque Doctore Theologo convenientem, ſuſcepit. *Me-*  
*lanchethon* Corpus doctrinæ edidit. *Philippus*, Hæſſiæ Princeps,  
 edixit, ut cives ac ſubditi vitam doctrinæ Chriſtianæ con-  
 gruam agerent. *Argentoratensis* eccleſia hoc tempore inſi-  
 guiter floruit, ut ab exteris in doctrina religionis conſule-  
 retur, & cauſa religionis exules exciperet. In Ducatu *Me-*  
*gapolitano*, *Magdeburgi*, *Brema*, in Comitatu *Lippiaco*, *Du-*  
*catu Brunsuicenſi* & *Cellenſi*, Comitatu *Hoyenſi*, Principatu  
*Jeverenſi*, *Annaberge*, *Cygnæ*, vel primum Evangelium do-  
 ceri eſt coëptum, vel ulterius doctrina illius provecta. Se-  
 ditio ruſticorum erupit A. 1525, quæ apud veritatis hoſtes

Pag. 91-  
 97-  
 97-99.  
 99-115.  
 115, 116.  
 116-118.  
 118-120.  
 120-127.  
 128-136.

- reformationi invidiam creavit. Illam *Christophorus Schapplerus*, reformationis Memmingensis, nec approbavit, nec so-
- Pag. 136, vit. In Saxonia, *Friderico* demortuo, succedit *Joannes*, cui
137. favor in doctrinam Evangelicam perpetuus nomen *Constantis* peperit. Motus bellici inter *Carolus V* & *Franciscum I* halyconia præbuerunt ecclesiæ evangelicæ. *Lutheri* scripta, hoc anno luci exposita, recensentur, potissimum liber *de ser-vo arbitrio*, qui ipsius esse, consensu summorum virorum pro-
- 137-141. batur. Hujus matrimonium cum *Catharina Borenia* adversa-riis multam criminandi ansam dedit. Idem consilium agita-
- 141-143. vit *Albertus Moguntinus*, sed irrito effectu. Religionis nego-
- 143-159. tium passim in Germania, & extra illam, feliciter procedit. *Carolus* Imperator in sententia sua persistebat, ut Lutheranismus e Germania proscriberetur; quare Saxo & Hassus, vim metuen-tes, foedus pepigerant A. 1526, quibus post alii Principes & civitates imperii accesserunt. In comitiis Spirensibus, d. 25 Jun. coëptis, edicti Vormatiensis observatio urgebatur, ut vetus reli-gio conservaretur, nova contra exterminaretur, sed inter-cesserunt Saxo & Hassus; quare illius sententia ita est mitiga-ta, ut *\*Principum quisque in religionis negotio ita se gereret, uti Deo & Casari rationem se reddere posse arbitraretur*. Ita Deus sæpenumero hominum cogitatis sua providentia intervenit, eademque alio flectit. Sub idem tempus *Ludovicus*, Rex Hun-gariæ, luctuosa strage cæsus, perierat, & Hungari de novo Re-ge eligendo dissentiebant. Ut igitur *Ferdinandus* Principes Germaniæ sibi adjungeret, illos offendere tutum non erat.
- 159-162. Pace inter *Carolus* & *Franciscum* conciliata, pactum erat, ut hæresis *Lutherana* communibus auxiliis exterminaretur, quod quo minus effectu daretur, perfidia Pontificis in causa fuit. Hic enim, cum Imperatorem tota Italia exclusum cuperet, Gallum jurisjurandi religione exsolvit, cumque illo & Venetis contra Imperatorem est pactus. Quod cum intelligeret *Caro-lus*, Pontificis auctoritatem per totam Hispaniam abrogat, exercitum urbi admovet, illam capit, Papamque in castellum S. Angeli fugere cogit, & arcta obsidione cingit; cui æque ac Purpuratis milites quovis ludibrii genere insultant, ut tandem condi-

conditiones, a Cæsare præscriptas, acceptare cogeretur, cum interea in Hispania publicæ supplicationes pro liberatione Pontificis instituerentur. In Hassia, curante *Philippo*, Pag. 162-*Hamburgi* mense Octobri collatio cum Pontificiis est habita, 164. qui cum vel non comparerent, vel præter convicia nihil proferrent, plenior reformatio est suscepta. Quid novi hoc 164-167. anno circa sacrorum emendationem contigerit in *Saxonia*, Ducatu *Jagerndorfsiensi*, *Borussia*, *Frisia orientali*, recenseretur. Data occasione in laudes *Mariæ*, Reginæ Hungariæ, post gubernatricis Belgii, purioribus sacris faventis, excurritur. Progressurus hinc Autor, ad A. 1527 faciem orbis delineat. Pontifex, a 167-179. Cæsareanis multa ludibria passus, tumque Cæsari reconciliatus, cum illo de extirpandis hæreticis in solennem pactionem descendit. *Jo. Fridericus*, Dux *Saxonix*, spe potiundæ *Catharina*, sororis Cæsaris, dejectus, petit *Sibyllam* Cliviacam; quæ res ad religionem emendatam in terris istis disseminandam & confirmandam plurimum fecit. Quid in *Holsatia* & *Scania* hoc 180 185. anno in negotio religionis fuerit actum, proditur, Academia Marburgensis aperitur, instructio visitorum & summa doctrinæ *Phil. Melanchthonis* omnibus per Saxoniam commenda- 185-189. tur; quæ res malevolorum criminatione non caruit. In *Silesia*, speciatim Ducatu *Lignicensi*, *Magdeburgi*, *Hale Saxo-*  
*num*, *Utna*, *Nordlinga*, & alibi locorum, susceptum religionis negotium felici cum successu promovetur. *Lichtenbergii* va- 189-193. ticiniis, hoc anno denuo publicatis, *Lutherus* luculentam præmisit Præfationem. A. 1528 indicio *Ottonis Packii* Sa- 193,194. xo & *Hassus* satis numerosum exercitum conscripserunt, & ad bellum omnino ventum esset, nisi suspicio exemta, & res pactione confecta fuisset. *Lutherus* utramque edidit Cateche- 194-196. sin. In Comitatu *Diepholdiano* lux Evangelii exsplenduit, *Brunsviga* in universum doctrina purior introducitur, *Bugen-*  
*bagius* Ordinationem ecclesiasticam conscribit, *Breme* reformatio prospero successu procedit, & schola aperitur, *Hamburgi* pariter schola *Joannea* constituitur, *Goslaria* item, in *Marchio-*  
*natu Brandenburgico Franconico*, (ubi de 23 Articulis visitoriis, distinguendis a *Suobacensibus*,) in Comitatu *Montisbelgar-*  
*densi*,

- densi, Argentorati, in orientali Frisia, religio a sordibus magis*  
 Pag. 196- atque magis purgatur. A. 1529 in comitiis Spirensibus multa  
 208. in detrimentum emendatæ religionis statuebantur, quæ cum  
 minus arriderent Principibus ac civitatibus, emendatæ sacrorum  
 doctrinæ additis, provocarunt ad Cæsarem rectius informandum,  
 & ad Concilium *liberum & universale*, a quo tempore illis *Pro-*  
*testantium* nomen adhæsit; legationem etiam ad Cæsarem in  
 Italiam destinarunt, sed illa ob sinistram interpretationem mi-  
 208-212. nus benigne est excepta. Metuentes igitur, ne res in nervum  
 erumperet, foedus Protestantes inter se conciliant de vi depel-  
 lenda; a quo cum *Lutherus* exclusos vellet Principes & civi-  
 tates, Helvetiorum de sacra cœna doctrinam sequentes, collo-  
 quium *Marburgense*, ut partes dissidentes in concordiam re-  
 digerentur, est institutum, in quo, licet de modo præsentia  
 Christi in sacra Cœna convenire non possent, mutuam tamen  
 212-216. caritatem sibi sunt polliciti. *Carolus Barcinone* die 29 Jun. fidem  
 addiderat, se Protestantes, nisi ab religione desisterent, armis  
 ad id coacturum esse. Idem mense Nov. promiserat Pontifici  
*Bononia. Argentoratenses* religionis causa civitatum & Statuum  
 imperialium numero excluduntur; quare, ut de securitate sibi  
 prospicerent, cum Helvetiis societatem ineunt. *Ulmenses*  
 ab Helvetiis reformationis modum sibi expetunt. *Mindenses*  
 pariter atque *Göttingenses* sacra puriora per urbem suam re-  
 216-224. stituunt. Quibus gradibus passim per Germaniam res Pro-  
 testantium sacra fuerit aucta, docet epistola *Bugenbagii*, quæ  
 224-226. integra inseritur. Qua ratione *Simon Gryneus* insidias, Spira  
 sibi structas, evaserit, ex historica narratione *Melanchthonis*  
 refert.  
 226,227. Capite II, quid *Oswaldus Myconius*, *Berchtoldus Hallerus*,  
*Seb. Meyerus*, *Joachimus Vadianus*, *Thomas & Ambrosius Blau-*  
*veri*, itemque *Seb. Hoffmeisterus* apud *Lucernenses*, *Tigurinos*,  
*Basileenses*, *Bernenses*, *Constantienses*, *Lausannenses*, *Uranios*,  
*Suitenses*, *Tugienfes*, *Friburgenses*, *Abbatiscellanos*, *Soloduri-*  
*enses*, *Rhetos*, *Waldshutanos*, & *Scaphusianos*, in negotio re-  
 228-251. ligionis præstiterint, summa fide & accurratione narratur. His  
 præmissis, quid ab A. 1523 quovis anno memorabile conti-  
 gerit,

gerit, luculenter Autor edisserit. *Bernenses* edictum promulgant, ne quis sacerdotum aliquid proferat, quod sacrarum literarum autoritate firmari nequeat. Parum tamen absuit, quin *Hallerus*, *Thom. Wittenbachius*, & *Seb. Meyerus*, urbe fuerint ejecti. Apud *Biennenses* religionis negotium ex voto proce-  
dit. *Zuinglius* ab Helvetiæ Ordinibus graviter accusatur, 251-253.  
quod popularium suorum militiam sub exteris Principibus dissuaserat; sed *Tigurini* ipsius patrocinium in se suscipiunt. Præsul *Laufannensis* mandatum promulgat, quo Clerici omnes jubentur ab hæresi *Lutheri* sibi cavere; visitationem etiam instituit, cujus ergo cum *Bernam* adire vellet, ab senatu repulsam accipit. *Mulhusani*, decreto d. 12 Mart. edito, se 253-256.  
reformationi faventes declarant. *Conr. Pellicanus* una cum *Jo. Oecolampadio* Basileæ publicus Theologiæ doctor constituitur. Apud *Lucernenses* Evangelii doctrina per illius ho- 256, 257.  
stes fere sufflaminabatur, nec *Tugiorum* conditio erat melior. Apud *Scaphusianos* superstitiosi quidam ritus sunt sublati. *In-ter Sarganenses* erant, qui doctrinam puriorem publice prædicarent. *Constantienses* habebant *Jo. Zwickium*; *Jo. Vannium*, *Ambr. Blaurerum*, viros doctos & pios, opus Domini strenue urgentes. A. 1524 d. 26 Jan. in Helvetiæ comitiis 257-262.  
Edictum, puriori doctrinæ noxium, firmatur. *Berna* quædam libertati Christianæ adversa imperantur, nonnullæ tamen cerimoniarum religiosarum migrare jubentur. *Tigurini* templa ab ima- 262-264.  
ginibus religiosis purgarunt, quæ res invidiam ipsis apud reliquos pagos creavit. *Scaphusii* multa in doctrinæ & rituum emendationem suscipiuntur, virgines sacræ claustris exeunt, virisque nubunt, ex ipsis etiam veritatis hostibus quidam illius doctores & propugnatores sunt. Senatus *San-Gallensis* imagines templis noctu effleri jubet, pastoribusque injungit, ut verbum Dei pure annuntient. *Mulhusani* sacerdotibus meretricum & concubinarum usu interdiciunt, conjugium permittunt, & instituto colloquio, Missam aliosque ritus Pontificios proscrubunt. *Basileæ* reformatio felicibus gaudet successibus. *Tog- 264-268.*  
*genburgenses* *Zuinglius* egregia epistola confirmat. *Jo. Eccius*, 268 276.  
Theologus *Ingolstadiensis*, *Zuinglium* ad disputationem publi-  
cam

- cam vel *Badam*, vel *Lucernam*, invitat, sed hic, insidias veritus, eo venire detrectavit; intercessit quoque senatus Tigurinus, causatus, auctoritatem suam minus decere, civium suorum aliquem ad dicendam causam alio evocari. Ipso illo anno etiam
- Pag. 276-280. Pontificii pagi visi sunt reformationem aliquam moliri, sed illa
- 280-282. tantum spectavit Clericos, quo in ordinem redigerentur. *Grisones* præterea ad sacra emendata inclinarunt. Memoratu dignum est, quod de *Samuele Frickio*, Pastore Meyensfeldensi, memoriæ est proditum. Is ante strenuus erat priscae superstitionis vindex, ac ea de causa Romam ad Pontificem tendebat, quo illius præsidium sibi exoraret, sed ipse, motus vitiis, in urbe inter primæ dignitatis sacerdotes & Clericos dominantibus, a Pontificia religione descivit, reformatis doctoribus se applicuit, & eximiam ecclesiæ operam navavit, dicere solitus: *se Romæ factum esse Evangelicum*. A. 1525 libello *Valentini Comparis*, qui in publicis Uraniensum comitiis prælectus erat, *Zwinglius* scriptum moderatum, & multæ frugis plenum, opposuit. Apud *Vitodurenses*, *Scaphusanos*, *Constantienses*, *Bernenses*, *Rhetos*, *Basileenses*, *Glaronenses*, & *Biennenses*, publicis magistratuum edictis varii abusus sunt eliminati, & religio ab inveteratis sordibus magis atque
- 283, 284. magis est purgata. Annus 1526 insignis fuit duobus colloquiis, a quibus ingens rerum mutatio pependit. Primum habitum est *Ilantii*, superioris Rhetici oppido, in publicis procerum comitiis, in quo Pontificii inscitiam suam multis modis prodiderunt, ut ex ipsorum sociis aliquot in Reformatorum partes transirent, & proceres edictum conderent, ut cuicunque liberum esset, quam vellet, religionem sequi, porro ut ecclesiarum doctores verbum Dei non nisi pure prædicarent.
- 284-288. Secundum institutum est *Badenæ* d. 17 Maji pariter in publicis comitiis, congregientibus *Jo. Eccio* & *Oecolampadio*, quorum ille clamoribus & impudentia, hic modestia & argumentorum pondere, vicisse est judicatus. Habito colloquio, a pagis Pontificiis est definitum, ut prisca religio immota maneret, *Zwinglius*, & qui cum ipso facerent, diris omnibus ab ecclesia secluderentur; quæ tamen ab *Oecolampadio* prolata fuere,



fuere, multorum animis adeo alte infixæ hæserunt, ut novæ reformationi occasionem dederint. Subjiciuntur quædam de in- Pag. 306-  
 constantia religionis, quæ in *Erasmo* fuit animadversa, & quo mo- 311.  
 do *Zuinglius* se ab adversariorum criminationibus, quod Bada-  
 næ non comparuisset, defenderit. Referuntur etiam quædam de  
 actis hujus colloquii, postea editis. *Badensis* autem disputatio, 312-317.  
 & septem pagorum renissus, non impedivit, quo minus in instau-  
 randis sacris, & ad pristinam simplicitatem revocandis, perge-  
 rent, ubi de *Conradi Pellicani* ad linguæ Ebraicæ Professionem  
 vocatione, & *Henrici Bullingeri* ministerio apud Capellenses. 317-319.  
*Bernenses* suavis septem pagorum decretum, emendatis sacris non  
 admodum favens, emittunt, sed non multo post benigniores se  
 illis præbent, *Berchtoldo Hallero* in munere suo confirmato, cui  
*Franc. Kolbius* post collega est datus. Apud *Basileenses* nova in- 319-322.  
 crementa cepit reformatio, *Turgovienses* item, *Regusienses*, *Tog-*  
*genburgenses*, *Mulhusinos*, *Scaphusanos*, *Abbatiscellanos*, *San-Gal-*  
*lenses*, quibus multum profuit sua doctrina & in religionem  
 studio *Jo. Vadianus* Consul, itemque *Christoph. Schappelerus*,  
 turbis anabaptisticis minus favens, qui, relictis *Memmingen-*  
*sibus*, ad *San-Gallenses* suos rediit. Septem pagi Pontificii 322-333.  
 quosdam ex civibus suis religionis ergo in exilium mittebant,  
 quos *Tigurini* excipiebant. Hoc anno vivis excedunt *Thom.* 333-334.  
*Wittenbachius* & *Conr. a Rechenberg*, quorum prior sacrorum  
 instaurationem pro virili promovet, hic eidem adversus non  
 fuerat. Anabaptistæ novas dederunt turbas, quorum quidam, 335.  
 obnitentes magistratui, ultimo affecti sunt supplicio, quod Cel.  
 Autor non omnino probat. *Berna*, contra nitentibus Impera- 335-337.  
 tore & pagis Pontificiis, d. 17 Dec. publica disputatio inter  
 Reformatos & Pontificios indicitur; *Basileenses* supersticiosos 337-344.  
 aliquos ritus in exilium mittunt; apud *Mulhusanos* pariter, *Ca-*  
*pellenses*, *Scaphusanos*, *Glaronenses*, & alibi, reformatio pro-  
 spero successu gaudet. A. 1528 d. 7 Jan. initium fit dispu- 344-351.  
 tationis *Bernensis*, quæ per 18 sequentes dies continuatur;  
 convolant ex Reformatis plures; Præsidem agit *Vadianus*; di-  
 sputationis lex hæc figitur, ne quid nisi ex sacra Scriptura de-

- finiatur. Pontificii, ægre congregantes, in arcem sunt compulsi, ipsorumque ignorantia & causæ imbecillitas abunde est cognita. Quare, finita disputatione, publica magistratus auctoritate non solum *Berna*, verum etiam in omni agro subiecto, *Misliæ*, aræ, atque statuz, sunt remotæ, imo totus pagatus abrogatus, monasteria in scholas conversa, speciatim *Academia Bernensis* est aperta. Bernensium exemplum secuti sunt *Constantienses*. *Genevæ* etiam tum per Bernates, eodem subinde divergentes, tum per Cleri luxuriam, potissimum vero effrænem Præfulis libidinem, initia quædam futuræ reformationis sunt facta. Aliis etiam in locis opus hoc læto cum progressu est promotum.
- 363-370. *Basilea* adhuc in quibusdam templis priscus cultus fuerat retentus; quæ res cum multarum contentionum causa esset, tandem cives senatum adegerunt, ut superstitio omnibus templis eliminaretur. Quo facto, *Ludov. Berus* cum Canonicorum collegio, & nonnullis *Academiæ* Professoribus, *Basilea Friburgum* abierunt; secutus etiam *Erasmus*, ne suspicionem aliis moveret, ac si cum Reformatoribus conspiraret, in quorum locum *Heidelberga Simon Grynaus & Seb. Munsterus* sunt vocati, &
- 374-383. alia in emolumentum ecclesiæ constituta. Hoc exemplo reliqui *Helvetii* excitati, ultimam manum reformationi admoverunt, eamque ad perfectionem perduxerunt, a quibus, ubi in reliquiarum arcana accuratius inquisiverunt, variz sacrificulorum fraudes sunt detectæ. Pagi Pontificii, mutatione sacrorum offensi, a *Tigurinis & Bernensibus* suscepta, in illorum perniciem conjurarunt. Hi igitur, ne sibi deessent, arctioris fœderis vinculo se consociarunt, sibi que mutuam auxilium, si quidem
- 387,388. vim paterentur, sunt polliciti. A. 1529 duo Concilia nationalia sunt coacta, alterum in urbe *Toggenburgensi* d. 13 Febr. alterum *Frauenfelde* d. 10, vel 12, Dec. in iisque aliqua, ad bonum ordinem, & vitam Christianam, spectantia, sunt decreta.
- 394,395. Ipso illo anno pagi Pontificii fœdus cum *Ferdinando Rege* pepigerunt, quo *Tigurinos & Bernenses*, religione abs se dissidentes, opprimerent. Quare hi adversus illos copias suas eduxerunt, sed, in eo dum essent, ut congregarentur, intervenit reliquorum

quorum pagorum celebris illa pax *Arovia* d. 26 Jun. est conciliata. Qua cum nimium concessisse se adversarii arbitrentur Pontificii, odii flammæ corde coxerunt, quæ post eruperunt. Pag. 395-397. Recenset Autor *Zuinglii* libellum *de providentia Dei*, A. 1530 divulgatum, in quo, non negat, ipsi duriusculas aliquas locutiones excidisse, quod aliis, idem argumentum tractantibus, *Augu-397-400.* *sino* juxta atque *Luthero*, contigit. A. 1530 *Waldenses* duos ex Pastoribus suis, *Georgium Maurelum* & *Petrum Latomum*, ad diversos reformatos coetus in Helvetia, etiam extra illam, ea mente mittunt, ut illorum doctrinam cognoscant, ab iisdemque in veræ religionis notitia confirmetur, & rediora, sicubi errarent, doceantur. Quem in finem totam rationem doctrinæ suæ, formæ regiminis ecclesiastici, & vitæ, exposuerunt *Jo. Oecolampadio*, qui sententiam de illis pie & nerveose declaravit. Quid hoc anno in reformationis negotio apud *Tigurinos*, *Wilenfes*, *Glaronenses*, *Solodurienses*, *Scaphusianos*, & *Neocomenses*, sit actum, justo ordine exponit. De-401-418. liberatum etiam est de disciplina ecclesiastica, sed prudenter temperata, reducenda, quam quidem *Basileenses* suasu *Oecolampadii* admiserunt; reliqui pagi diversas rationes, maxime a reipublicæ conditione petitas, in contrarium attulerunt. Se-422-424. quuntur lemmata paragraphorum, & Supplementa ad *Tom. I* 425-451. & *II*. Mendis indicatis adjiciemus illud, quod habetur pag. 105, ubi in not. a) pro A. 1726 legendum est A. 1526. Monumenta, quæ huic *II*. Tomo adhaerent, sunt numero XXVIII, quorum indiculum texere, ab instituto nostro alienum non erit. Est igitur 1) *Epistola Lutheri ad Imp. Carolum V*; 2) *Lutheri & Melanchthonis Epistola ad Jo. Thurzonem, Episcopum Vratislaviensem, desumpta ex Sculteti Annal. Decad. I pag. 59-62*; 3) *Leonis X Epistola II ad Albertum Moguntinum* A. 1520, ex MSto avographo, ubi a) mittit ipsi rosam auream; β) queritur de *Ulrici Hutteni* libro in sedem Romanam injurio; γ) responsum dat ad Epistolas *Leonis*; 4) *Leonis X Bulla secunda adversus Lutherum*, edita d. 4 Jan. A. 1521, transumpta ex *Bzovio*, qua *Lutherum* damnat, Romam citat, eundemque omnibus muneribus & beneficiis

- Pag. 15-24. neficiis exiit; 5) *Passio Lutheri*, ex *Celestino* producta, qua actiones Vormatienses representantur; 6) *Epistola citatoria Imperatoris*, ut *Lutherus* Vormatiæ se sistat, d. 6 Mart. A. 1521, *salvus conductus*, uti inscriptio habet, *Luthero*, *Vormatiam eunti*, concessus, *edictum imperiale*, quo *Lutherus* cum asseclis est proscriptus, d. 8 Maji A. 1521; 7) *Tragedia*, quæ Parisiis coram Rege *Francisco 1* acta fuisse dicitur A. 1524; 8) *Missa de nuptiis Andr. Caroloſtadii* A. 1522; 9) *Apologia Senatus Vratislaviensis adversus Adrianum VI, P. R. pro reformationis a se factæ decreto*, petita ex *Sculteti Annalibus* ad A. 1523; 10) *Formula conventus Ratisbonensis* A. 1524 inter *Ferdinandum & Principes catholicos*, ex *Raupachii* Austria evangelica illustrata; 11) *Documenta* quædam, ad primam reformationem Argentinensem pertinentia, ex MStis eruta, scil. 1) *Formula evocationis* ab Episcopo Argentinensi ad *Wolfg. Scultetum*, Presbyterum, qui matrimonium inierat, A. 1524 d. 7 Jan.; 2) ejusd. Episcopi Epistola ad senatum Argentinensem contra ecclesiasticos uxoratos, eodem anno; 3) Senatus Argentinensis Epistola ad Ecclesiastas Evangelicos, ut suæ doctrinæ apologiam consignent; 4) *Epistola Wolfg. Fabric. Capitonis ad Ambros. Blaurerum* d. 4 Maji A. 1524; 5) *Dominici Sleupneri*, concionatoris Norimbergensis, Epistola ad *Capitonem*, d. 2 Dec. A. 1524; 12) *Georgii, Marcionis Brandenb. ad fratrem Casimirum* Epistola A. 1526 pro reformatione Franconica, ex *Sculteto*; 13) *Huldr. Zuinglii Epistola ad Berchtoldum Hallerum* A. 1522, & hujus ad illum *responsum*; 14) Ejusd. *Zuinglii Epistola apologetica ad Jo. Eccium*; 15) *Articuli disputationis Rhetice* A. 1526, ex *Fueslino* hausti; 16) *Huldr. Zuinglii Epistola ad XII pavorum legatos de disputatione, in conventu Badensi instituenda*, A. 1526; 17) *Wolfg. Fabr. Capitonis Epistola ad Ludov. Berum de negotio colloqui Badensis* A. 1526, ex MSto; 107-110. 18) Ejusd. *Capitonis Epistola ad Huldr. Zuinglium* a. eod.; 19) 111-114. *Theologorum Argentinensium Epistola ad Jo. Fabrum* a. eod. 115-117. qua ipsum ad disputationem invitant; 20) *Capitonis Epistola* 118-120. *ad fratres Basileenses*, ex *Sculteto* A. 1527; 21) *Reipubl. Bernensis*

*Bernensis Editum in causa religionis* A. 1527, ex *Fueslino*, quo jubentur verbi divini ministri verbum Dei pure prædicare, retentis vero priscis cerimoniis; 22) *Disputationis* Pag. 120-*Bernensis habitæ*, A. 1528 celebratæ, *iudicio solennis* A. 1527; 123. 23) *Ordinum Bernensium literæ tres ad Episcopum Lausannensem* A. 1527 & 1528, quibus ipsum ad disputationem Bernensem invitant; 24) *Jacobi Monasteriensis, sacrificuli Soloduruni, Epistola ad amicum de disputatione Bernensi* d. 29 Jan. A. 1528, ex *Sculteto*, qua de ignavia atque inscitia Pontificiorum valde queritur; 25) *Jo. Oecolampadii Epistola ad Capitonem* A. 1529 d. 13 Febr. de reformatione Basileensi; 26) 138-142. ejusd. *Oecolampadii Epistola ad Capitonem de ecclesia Soloduriensi*, A. 1529 d. 6 Mart. ex autographo; 27) *Jo. Oecolampadii & Sim. Grynei Epistola mutua de hujus vocatione ad Professionem linguæ Græcæ in Academia Basileensi*; 28) 144-152. *Basileensium Epistola ad Mulbusanos* de tollendis simulatibus & contentionibus d. 6 Nov. A. 1529. Opus claudit Index 153-159. copiosus & accuratus in utrumque Tomum. Librarius nihil, quod externum splendorem præstantissimo huic Operi conciliare posset, desiderari est passus. In sequenti Tomo III enarrabuntur doctrinæ Evangelii emendatæ initia & progressus in Belgio, Gallia, Britannia, Suecia, Dania, Hungaria, Transsylvania, Polonia, in Italia etiam, Hispania, Austria, terris Bohemicis, Bavaricis, & Colonienfibus, in quibus veritatis lux qb hostium vim & truculentiam post omnino defecit; quo ut Summe Venerandus Autor nos quantocyus beet, ipsum publico nomine quam studiosissime rogitamus, gratiam Dei, valetudinem, vires, otium, ex optimo animo ipsi apprecantes.

BREVIS VETERUM MONUMENTORUM, AB Amplissimo Viro, GERARDO PAPENBROKIO, Academiæ Lugduno-Batavæ legatorum, descriptio, in duas Partes divisa, quarum prima Græcos Latinosque titulos, aris, urnis, ædiculis, bustis, arcis, laminisque lapideis,

*inscriptos, uti & anaglypha, continet; secunda statuas, imagines, capita Deorum, illustriunque virorum &c. complectitur. Studio & opera FRANCISCI OUDENDORPII.*

Lugduni Batavorum, apud Samuelem Luchtmanns & filium,  
1746, 4 maj.

Plag. 10, Fig. xn. 3.

**N**on docendus es multa, Lector, qui summa limatissimæ hujus tractationis capita cognoscere ex rubro potes. Lapidēs omnes cum figuris suis quam accuratissime describuntur, Inscriptiones fideliter exhibentur atque explicantur, Autores demum, fusius de iisdem agentes, nominantur. Difficillimus esset descriptionum selectus; Inscriptionum autem, vel exempli causa, nonnihil excerpemus. Prima statim est flavescens coloris lapidea in mole scripta:

IOVI. O. M. SVMMO  
EXSVPERANTISSIMO  
SOLI. INVICTO. APOLLINI  
LVNAE. DIANAЕ. FORTVNAE  
MARTI. VICTORIAE. PACI  
C. ANTISTIVS. ADVENTVS  
LEG. AVG. PR. PR.  
DAT.

Ubi quidem de vocabulo *exsuperantissimo* notatur, ad tempora illud pertinere *M. Antonini*, sequentium temporum in scriptis, nominatim *Apuleji*, haud infrequens. Tertia hæc est, Batavis perhonorifica:

GENS  
BATAVORVM  
AMICI. ET. FRATRES  
ROM. IMP.

11. Qui nono loco sistitur lapis argillaceus, seu cretaceus, inscribitur:

DEAE

DEAE  
NEHALENI  
AE T. FLAVI  
FORTVNAT  
LIB. : :  
PRIMITIVS  
V. S. L. M.

id est, Deæ Nehalenix Titi Flavii Fortunati Libertus Primitius votum solvit lubens merito. Quales lapides votivi passim occurrunt, hunc pariter ordini suo, non ultimo loco, vindicantes, nusquam adhuc typis vulgatum. *Num. 48 literæ, Pag. 39.* Inscriptioni subjectæ, A. D. M. H. M. notant *absit dolus malus huic monumento.* Hic æque, ac alibi sæpius, *bene merens patronus* nominatur, titulo adhuc passim solenni. Inscriptio 50 præbet inprimis exemplum rationis scribendi lapicidarum maxime inemendatæ. Scribitur e. c. SÆPELITAM pro *sepultam*, VNO DOLOREM pro *dolore*, NYPTTV pro *nuptum*. MYSERAE pro *misere*, &c. Inscriptio 65, propter modum scribendi pariter notabilis, impolitissime est expressa, inque medio sistit aviculam, quam Spiritum sanctum repræsentare, conjicit Cel. Autor. Est autem hæc:

PAVLVS ASCLEPIVS

BONE

MEMO (hic avicula) RIAE

QVI VI XIT ME-

SIS WL. DI. EBVS. X. VIII

NATVS. VIII KALENDAS OCTOBRIS

id est, Paulus Asclepius bona memoria, qui vixit mensibus viginti uno, diebus duodeviginti. Natus octavo Kalendas Octobris.

Ceteras reliquias ac statuas, vel inscriptione carentes, vel nudis literis notatas, cum æqualis plurimæ pretii videantur, neque selectum facile permittant, harum rerum studiosis in ipso libro excutiendas relinquimus, bonum ceteroqui factum interpretantes, quod Cel. Oudendorpius pulcherrimas hæc veteris

veteris ævi reliquias ab oblivione vindicandas, transmittendasque ad posteritatem, duxit.

DE VESCICATORI DISSERTAZIONE, &c.

id est,

*JANI PLANCI, SEU JOANNIS BIANCHI, Medici primarii Urbis Ariminensis, de Vescicantibus Dissertatio, habita mense Junio A. 1746 in Lynceorum Academia.*

Venetis, apud Joannem Baptistam Pasqualium, 1746, 8.

Plag. 3.

*Janus Plancus*, Medicus primarius Ariminensis, cum edidisset Linceorum notitiam, quam præmisit novæ editioni Phytobasani *Columna*, a se, cum adhuc in Etruria degeret publicis Anatomæ Professor Academiæ Senensis, adornatæ, in patriam reversus, quo eum honorificis conditionibus sui civis revocaverant, Lynceorum Academiam Arimini restituit, cujus novæ leges *Ciceronis & Grævii* stilo in Ephemeridibus Florentinis A. 1745 referuntur. Is, ut fœtum haberemus aliquem Academiæ illius instauratæ, cujus ipse restitutor perpetuus inscribitur, Dissertationem hanc edidit, quam ipse in eadem Academia Junio mense anni superioris habuit. Laudandi sunt cœtus omnes Academici, præsertim autem ii, qui suis fœtibus non tantum oratorio & poetico lenocinio aures demulcent: qui cœtus frequentissimi sunt in Italia; sed qui solide humanam societatem experimentis & ratione adjuvant; qualis hic est fœtus, quem *Janus Plancus* edidit, quo humanum genus a crudeli & barbaro vescicantium remedio liberare studet. Quod ut faciat, ostendit primo, hoc remedii genus ignotum fuisse primis Medicinæ parentibus, *Hippocrati & Galeno*, æque ac reliquis Medicis Græcis & Latinis. Quin immo, ignotum fuisse, vel Arabibus ipsis, quos, utpote barbaros, autores existisse hujus crudelis remedii, aliqui arbitrantur.



tur. Autores vesicantium Medici recentiores, qui *Hippocraticam* Medicinam instaurarunt, dici non possunt. Nam horum aliqui ita vesicantia averfati sunt, ut diabolicum remedium appellarint, ut fecit *Vallisnerius* in Epistola ad *Baptistam Scarellam*, Botanicum Patavinum, in qua duodecim argumenta, seu conclusiones, adversus vesicantia adducit. *Malpighius* ita vesicantia detestatus est, ut, publico testamento scripto, hæreditate sua privarit suos, si permetterent, ut in aliquo gravi morbo, quo ipse sequi nequiret, vesicantia corpori suo admoventur. Ita *Lucas Tozzius*, & alii quamplures Medici Itali, vesicantia detestati sunt. Ostendit igitur *Plancus*, vesicantium usum non esse admodum antiquum; & in Italia natum vix ante 150 annos. Autores propagati hujus usus dicit fuisse præcipue *Hieronymum Mercurialem*, Forolivientem, & *Herculem Saxoniam*, Professore Patavinum, præsertim vero hunc postremum, qui vesicantia adhiberi suasit pro peste profliganda a ditione Pisarenfi, de qua eum consuluit Dux Urbini, Pisauri dominus. At contra *Saxoniam* scripsit *Alexander Massaria*, Professor item Patavinus. Quare & in ipsa origine contradictores acerrimos invenerunt vesicantia, & post eorum receptum usum semper acutos & doctos Medicos sibi adversantes habuerunt. Quin immo ipsi vesicantium fautores inter se discordes de eorum usu sunt. Alii enim in hoc, alii in illo, morbo ea rejiciunt, ut summatim hinc concludi possit, pro nullo morbo esse adhibenda. Verum *Plancus*, ut incommoda & noxam vesicantium ostendat, ad examen revocat cantharidas, & reliquas res, quas adhibent seplasiarii & Chirurghi in compositione hujus remedii, & repetit, omnia esse venenata, & naturæ admodum stimulantis, quæ inficere possunt sanguinem, si intra ipsum ingrediantur, quemadmodum semper nocent stimulis suis externis, somnum impediendo, delirium excitando, augendoque, si adsit, & cõditiones naturæ perturbando. In ipsa apoplexia non esse illa salutaris usus, dicit, neque in aliis soporiferis affectionibus, licet in his morbis propter stimulos vi-

deantur indicari. Nam, ut ait, in omni morbo tollenda est causa; quare, si multæ apoplexiæ a convulsionibus originem ducant, vesicantia non proderunt, quæ dolorem & convulsionem ipsam inducunt. Præterea in omnibus affectionibus soporosis semper turgent sanguine venæ capitis, ut sectione anatomica compertum habet; remedium igitur erit, sanguinem mittere a jugularibus præsertim, ut meninges & cerebrum a pressione sanguinis liberentur, & sopor tollatur, non vero admovenda vesicantia, quæ excitent quidem ægrum, sed causam morbi non tollant, qui redire, & ad extrema ægrum perducere, soleat solo vesicantium usu, neglecta sanguinis missione. Ita damnat vesicantia in morbis omnibus acutis, propter rationes superius allatas, & præsertim in pectoris inflammationibus, rationesque ad id probandum adducit pæne invictas. Ridet in fine Medicos quosdam præficos, satis ineptos quidem & indoctos, qui in omni morbo gravi vesicantia adhibent, ut nemo per eos orcum invadat, nisi corpore sit istis vesicantibus obsegnatus.

TRAITE' DE LA COMETE, &c.

hoc est,

TRACTATUS DE COMETA, QUI APPARUIT  
 mense Decembri A. 1743, & Januario, Febuario, Mar-  
 tio, A. 1744, continens, præter observationes Autoris,  
 alias, a CASSINO Parisiis, & a CALANDRE-  
 NO Geneva, institutas. Annexæ sunt variae Observa-  
 tiones & Dissertationes Astronomicæ. Autore J. P.  
 LUDOVICO DE CHESEAUX.

Lausannæ & Geneva, apud Marcum Michaellem Bousquet,

1744, 8 maj.

Plag. 20, Tabb. æn. 6.

**C**ometa nuperrimus, qui permultos in sui contemplatio-  
 nem rapuit, variisque vario successu exarandis scriptis,  
 quibus

quibus res literaria partim ornata, partim onerata est, ansam præbuit, etiam præsentì tractationi occasionem dedit. Præmissa est Introductio, *Partem I* occupans, eorum maxime usum, qui principiis mathematicis imbuti non sunt, conscripta, quæ generalia, circa motum siderum in genere, & in specie Cometarum, methodum eos observandi, orbitasque ipsorum determinandi, & conjecturas circa eorum corpora & caudas, inprimis harum curvaturam, ipsorumque reversionem, complectitur; qua occasione quædam haud injucunda circa causas Cometarum finales Autor attulit.

In *Parte II* primo describit Observationes proprias circa Cometam illum, primis 19 diebus, nempe a 13 Dec. A. 1743 usque ad 1 Jan. A. 1744, institutas, quibus totam ipsius theoriam superstruxit. Usus est hac in re Quadrante 18 pollicum, duobus Telescopiis instructo, cujus fulcro ad situm ejus exacte determinandum alius Quadrans & Semicirculus affixi sunt, quemque ad 15" exactum prædicat, duobusque telescopiis, altero communi 14 pedum, altero *Gregoriano* 2 pedum, æqualem prorsus effectum præstantibus. Ad motum Cometæ in orbita parabolica ex observationibus hisce definiendum, adhibuit methodum propriam, quam quidem tunc *Newtoniana* simplicior, & in exequendo calculo faciliorem, credidit, sed quam, in fine Operis ingenue fatetur, huic, propter multas, quas requirit, fictiones, imo longiores calculos, multum cedere; quapropter in ea explicanda haud morabimur. Apponemus tantum elementa præcipua, inde deducta, prout ea correctiora pag. 124 exhibet, ut cum aliorum inventis comparari possint:

Cometa per *Peribeliū* transit A. 1744 d. 1 Mart. 9h. 26', tempore medio, Laufannæ.

Distantia *Peribellii* a  $\odot = 0$ , 22192, posita Telluris distantia a  $\odot$  media = 1.

Angulus inter *Peribeliū* & nodum ascendentem =  $51^{\circ} 14' 2''$ .

Longitudo nodi adscendentis =  $8^{\circ} 16' 54''$ .

Inclinatio =  $47^{\circ} 49' 53''$ .

Ipsi vero Cometæ nullum similem reperit Autor, præter eum, qui A. 1301 apparuit, unde prodiret tempus periodicum 442 annorum, & orbita, adeo prope ad Parabolam accedens, ut maxima a Sole distantia sit 527 vicibus major minima. Ex hac theoria, observationibus jam dictis innixa, construxit etiam Tabulam, qua motus ejus pro tempore reliquo, a primo Januarii nempe usque ad Junium, definitur, addita simul quantitate lucis pro diversis locis; motumque ejus tam verum, quam apparentem, aliquot Tabulis æneis ante oculos posuit. Ad confirmandam vero etiam per observationes theoriæ præcedentem, exhibet *Parte III* observationes, tam proprias, Lausannæ factas, quam alias, a Cel. *Cassino* Parisiis, & a Cl. *Calandrino* Genevæ, institutas, usque ad 1 Mart. continuatas, unde & egregiam systematis *Newtoniani* cum omnibus Cometæ apparentis congruentiam exponit. Simul etiam, quicquid de Cometæ A. 1301 memoriæ mandatum reperire potuit, recenset.

In *Parte IV* describuntur Observationes circa corpus & caudam Cometæ. Prima vice d. 13 Dec. A. 1743 ab Autore casu detectus, fixis tertiæ, aut quartæ, magnitudinis similis apparuit, nec nisi per telescopium brevissima cauda instructus. D. 9 Jan. jam secundæ magnitudinis visus est, ipsum etiam caput distincte conspici potuit. D. 23 diameter hujus  $\frac{1}{2}$  diametro Saturni annulo carentis apparuit. Inde continuo crevit, ita ut initio Martii a quibusdam, Sole supra horizonte constituto, conspectus sit. Forma atmosphæræ, caput circumdantis, etiam subinde mutata est. Cum enim initio illud ex omni parte æqualiter cingere videretur, medio Februarii versus caudam collecta est, ibique forma nubeculæ obscuræ apparuit, quæ varias vicissitudines experta est. Caudæ primum d. 31 Jan. annexa videbatur alia exigua, quæ continuo ab illa magis magisque separari, atque in diversas cœli partes dirigi, cœpit, sed dein plenilunii & crepusculi causâ haud adeo bene dicer-

ni

ni potuit. Observatio autem notatu dignissima accidit d. 8 Martii, quo die hora 4 matutina in horizonte ortivo apparuerunt quinque caudæ permagnæ, usque ad  $22^{\circ}$  elevata, singulæ circiter  $4^{\circ}$  latæ, in medio obscuræ, in extremitatibus autem striis lucidis terminatæ, una cum sexta brevissima; ipso corpore Cometæ adhuc infra horizontem latente. Ut autem hoc phænomenon eo minus pro meteoro quodam aërio haberi possit, tenendum est, illud iterum die 9 insequente, cœlo serenissimo, ab hora  $2\frac{1}{2}$  usque ad  $4\frac{1}{2}$  observatum esse. Hanc apparentiam mira sua specie atque raritate sese commendare, nemo ibit inficias. His expositis, ostendit Autor methodum, ex observata caudæ positione apparenti veram determinandi, quam ad Cometam nostrum applicat, & in Tabula, pro variis observatis caudæ longitudinibus, longitudes veras, deviationes, tempusque, quo vapores ascendere potuerunt, exhibet. Ita e. g. d. 14 Jan. longitudo apparens fuit fere  $8^{\circ}$ , unde prodit longitudo vera = 2286 earum partium, quarum distantia ejus a Sole tunc erat 12519, & deviatio =  $4^{\circ} 11'$ ; utraque autem continuo crevit, ita ut d. 8 Mart. media ex quinque observatis fuerit longitudinis apparentis  $45^{\circ} 20'$ , ideoque ejus longitudo vera = 7527 earum partium, quarum distantia a Sole erat 3390, deviatio =  $113^{\circ}$ . Curvatura caudæ, convexitate versus eas partes, in quas corpus movetur, directæ, etiam fuit maxime sensibilis. Hæc phænomena caudæ illustrat Autor comparatione, cum caudis Cometarum A. 1577 & 1680 instituta, quarum longitudes & deviationes pro variis observationibus determinat. Denique paucis ostendit, parallaxin Cometæ ex observationibus, ad hunc finem non satis exactis, definiri non posse; sicque disquisitiones circa Cometam nostrum claudit, indicatis calu-  
sis, cur eum a mense Martio inde ulterius observare haud li-  
cuerit.

Pergimus ad varias Dissertationes & Observationes Astronomicas, alteram Opusculi Partem occupantes. Prima continet disquisitionem circa *Instrumenta Astronomica*. Duo im-

primis hic genera considerat, ea, quæ in mensurandis angulis usu veniunt, ac ea, quæ ad determinandam variorum sphaeræ circularum positionem adhibentur; variasque præscribit præxes, tam eorum bonitatem examinandi, quam positionem exacte determinandi atque verificandi. Describit etiam fulcrum, quadrante & semicirculo instructum, cujus ope instrumentum perquam commode & exacte in datum situm disponi potest. Denique proponit modum, telescopia dioptrica perficiendi. Cum enim in eo maxime a catoptricis superentur, quod radii heterogenei in his exacte reuniantur, suadet, ut pro illis vitra objectiva colorata adhibeantur, quo facto, radiis homogeneis tantum transitus permetteretur, etsi claritati objectorum quidquam decederet; quod vero in Sole, Luna, Venere, fixis, haud obesset, pro reliquis autem remedium affertur posset, vitra ejusdem cum ipsis coloris adhibendo. Sequuntur cogitata de *luminis fixarum quantitate & propagatione, ipsarumque distantia*, quæ breviter huc redeunt: Si fixæ omnes ponantur Soli æquales magnitudine & quantitate luminis, constat, quantitatem lucis relativam, quam fixa in quavis distantia a Terra ad hanc emitteret, fore ad quantitatem lucis solaris, in ratione inversa duplicata distantiarum fixæ & Solis. Concipiantur nunc plures vortices, nostrum ambientes, eique æquales, sitque numerus fixarum in quovis strato sphaerico, cujus centrum sit Sol, existentium proportionalis superficiiei hujus strati, id est, quadrato distantia ejus a Sole; eritque lux tota ab omnibus fixis hujus strati ad nos transmissa, vi modo dictorum, semper constans, (ratione directa & inversa quadrati distantiarum se mutuo eliminantibus,) in ratione nimirum duplicata distantia Solis a Terra ad distantiam fixarum proximi strati, seu primæ magnitudinis. Invenit vero ex observationibus quibusdam diametrum apparentem harum fixarum  $\frac{1}{129}$  unius secundi, unde colligit distantiam earum fere 240000 vicibus majorem distantia Solis a Terra; atque inde, secundum Cel. *Bouguerii* theoriam de intensitate lucis, invenit, si modo spatium stellarum esset 760 000 000 000 000 vicibus majus

majus vortice solari, quodvis punctum cœli eandem lucem habiturum, ac punctum Solis ejusdem magnitudinis, ideoque lucem totam utriusque hemisphærii cœlestis fore 91850 vicibus luce, quam a Sole accipimus, majorem; si vero spatium hoc repletum esset fluido, radios intercipientem, & 330 000 000 000 000 vicibus rariori, quam aqua, sufficere hoc ad lucem totius hemisphærii adeo minuendam, ut tantum 33 vicibus major evaderet luce, quam in Novilunio pars disci obscura refert. Tertia Dissertatio exhibet *Specimen novæ Theoriæ lunaris*, quæ inprimis continet hypothesein, quod alter orbitæ lunaris focus moveatur in ellipsi parva, cujus centrum sit focus, in quo versatur Terra, vi cujus Tabulas *la Hirii & Cassini* correctiores reddidit. Adjecta est methodus facilis, diametrum Lunæ apparentem, ex observato transitu limbi integri, & partis falcatae, vel gibbæ, per meridianum, determinandi. Sequitur tandem supellex variarum Observationum circa elevationem poli Laufannæ; inveniendam positionem linæ meridianæ, item locorum Lunæ, Eclipsium, reliquorumque Planetarum, nec non altitudinis nubium ex observato instanti, in quo a Sole occidente illuminari desinunt. Plura de rebus modo recensitis verba facere, instituti ratio non permittit. Ceterum Auroris studium, quod in excolenda Astronomia posuit, ejusque observationes atque annotationes, quæ theoriæ Cometarum magis perficiendæ inservire possunt, omni laude dignas censemus.

**VELDIDENA, URBS ANTIQUISSIMA,**  
*Augusti colonia, & totius Rhetia princeps, in tractu præcipue Wilthinensi & Oenipontano, e tenebris eruta & vindicata, insertis compluribus adhuc ineditis, quæ per Tyrolim supersunt, monumentis Romanis, ab*  
**ANTONIO ROSCHMANNO, J. U. Lic. Almæ Universitari Cæsareo-Leopoldinæ a Secretis & Adis, & Illustriss. Provinciæ Ordinum Historiographo.**

Ulmæ,

Ulmæ, prostat apud Danielem Bartholomæi & filium,

1744, 4.

Plag. 22.

**E**x quo tempore Ordinum provinciæ Tyrolienſis Hiſtorio-graphus conſtitutus eſt Clariffimus hujus libri Autor, illud potiſſimum ſibi agendum eſſe cenſuit, ut antiquitates iſtius regionis, minus curioſe adhuc inveſtigatas, e ſitu & tenebris eriperet, ereptasque cum eruditis communicaret. Specimen hujus laboris ex antiquitate profana jam dedit, quando hiſtoriam urbis Veldidenæ, quæ hodie *Wiltben* audit, & juxta Oenipontem ſita eſt, data opera enarravit; ſacræ autem ſimul antiquitatis rationem habens, vitæ *S. Valentini*, Rhætiorum Apoſtoli deſcriptionem vernaculo ſermone concinnavit, de quo libro nuper nos dicere meminimus. Nobiliſſimam & celebratiſſimam urbem fuiſſe olim Veldidenam, totiusque Rhætici caput, & ex *Antonini* Itinerario intelligitur, & recentiorum eruditorum haud pauci, quos inter præcipue *Cluverium*, *Lambecium*, Pag. 2. & Ill. *Mafcovium* noſtrum, Cl. Autor nominat, diſtitarunt. In aliam vero conceſſerunt ſententiam viri in orbe literato admodum celebres, *Lipſius*, *Scaliger*, *Gruterus*, alii, qui, *Marci Velleſi* autoritate nimium confiſi, *Auguſtum* Vindelicorum Rhætici caput fuiſſe, ſummopere contenderunt. Contra eos igitur potiſſimum pugnat Cl. Autor, & Veldidenæ ſuz uti honorem, a quibusdam ademptum, reddat, annititur. Tyrolim igitur hodiernam ſub Rhætici quondam nomine comprehenſam fuiſſe, oſtendit. Duraviſſe hoc uſque ad initium ſexti circiter a Chriſto nato ſeculi, aſſeverat, quo, invaleſcentibus in Tridentino tractu Longobardorum rebus, pars iſtius tractus eorum regno accenſa ſit. Reliquam vero Tyrolin, teſte *Aribone* & *Paulo Diacono*, Bojis dominantibus, Noricum fuiſſe dictam, contendit, & exinde varia antiqua documenta iſtius ævi illuſtrat. ſeculo tandem decimo tertio integer Comitatus ab arce, ad Atheſin fluvium ſita, & *Terioli* in Notitia imperii Romani occidentalis dicta, Tyrolis compellationem



lationem assumsit. Veldidenæ antiquitatem & nobilitatem Cl. Pag. 10.  
 Autor probaturus, ejus nomen jam in Itinerario antiquo,  
 quod Cel. *Wesselingius* evulgavit, occurrere, observat, illud-  
 que Itinerarium primo, aut secundo, post Christum natum  
 Seculo confectum esse, certissime sibi persuadet. Præter Iti- 14.  
 nerarium, Veldidenæ mentionem Tabulam *Peutingerianam*  
 quoque injicere, contendit, quæ, quamvis, ex plerorum-  
 que sententia, *Theodosii* junioris demum ævo confecta sit,  
 non tamen pro prima haberi debere Cl. Autori videtur.  
 Ex manuscripto enim Codice, quem Bibliotheca Augusta-  
 na asservat, orbem terrarum jam ante istius Imperatoris  
 tempora ita fuisse dimensum, docet. Imo, antiquissimos  
 jamjam Romanos atque Græcos tabulas geographicas ha-  
 buisse, monet, &, ex eo palam fieri, dicitur, hanc super-  
 stitem tabulam, *Theodosio* longe antiquiorem, & florenti-  
 bus olim Romanorum rebus delineatam, esse, atque proin  
 inserta ibi loca antiquissima pariter censei posse. Adjunxit  
 ei *Notitiam dignitatum utriusque imperii*, quam aut *Theodosii*  
*M.*, aut junioris, tempore confectam esse, concedit. Locum 15.  
 proin Itinerarii istius, quod vulgo *Antonini* dicitur, huc fa-  
 cientem, apponit. In Tabula *Peutingeriana*, loco *Veldidenæ*,  
*Vetonina* ea urbs vocatur, neque, ut in aliis urbibus celebri-  
 oribus illa in tabula factum est, muri turresque binæ in ea  
 cernuntur. At vero, illam tabulam, prout hodie visitur, ante  
 Seculum sextum, aut septimum, non videri confectam, Cl. Au-  
 tor ostendit, adeoque mirum non esse, quod tot librarium  
 vitii depravata sit, dicitur. Quod autem nullis turribus &  
 muris Veldidenam distinxerit hæc tabula, id ideo accidisse  
 judicat, quod jam A. 452, immixtis per *Attilam* copiis, ea urbs  
 fuerit destructa. Augusta quidem Vindelicorum, *Attila* furo-  
 rem similiter experta, nihilo secius binis turribus in ista ta-  
 bula nobilitatur. Hujus autem rei ea est ratio, quod, uti  
 emporiis & urbibus limitaneis plerumque contingit, mox re-  
 parata videtur. In *Notitia imperii* in figuris decem locorum  
 sub duce Rhetie primæ & secundæ, ejusque insignibus, inter  
 T t depicta

- depicta castra & mansiones, primo statim loco ac ordine, bina veluti munimenta, majori ambitu & decore præ ceteris instructa, conspiciuntur, quorum priori, *Augustanis*, alteri, *Phibianis*, inscriptum legitur. Per *Phibianâ* quid intelligatur, inter interpretes non constat. Cl. Autor vero, per *Augustana* Augustam Vindelicorum, Rhætiae secundæ metropolin, denotari, concedit, sub nomine *Phibianorum* autem Rhætiae primæ urbem principem latitare, existimat, eamque sententiam,
- Pag. 25. allatis quamplurimis argumentis, quæ summum ejus ingenium, & insignem Geographiæ antiquæ notitiam, testantur, confirmare laborat. Partem illam Itinerarii *Antonini*, quæ Illyrici, Norici, ac Rhætiae, urbes ac mansiones recenset, *Augusti* jam ævo confectam esse, ac proin quoque Veldidenam, toties per harum provinciarum directiones recurrentem, non ævo recentiore, sed forte antiquiorem, arguere, pronuntiat, imo, ante *Augustum* jam stetisse, aut saltem stare potuisse, illam urbem, fuscè demonstrare annititur. Coloniam quoque Romanam Veldidenam fuisse, affirmat. Solebant nimirum Romani locis a se devictis colonias immittere, tanquam præsidia partis bello provinciis. Cum igitur Rhætos domuerit *Augustus*, dubitari non posse, Cl. Autor inculcat, etiam ea in loca colonias fuisse deductas. Rhætiae autem principem dicendam esse Veldidenam, ex eo comprobatur, quod in Itinerario *Antonini* ter pro termino assignetur, quale de aliis per Tyrolin locis non constare, & non nisi urbibus nobilibus hoc accidisse, jam *Bergierius* & *Cellarius* observarunt. Cum vero, prout jam supra vidimus, *Marcus Vellferus* aliter longe his de rebus judicet, Vindeliciam & Rhætiam propriam in unam provinciam coivisse statuens, atque Augustam Vindelicorum ejus fuisse metropolin asseverans, eo, quod urbes Augustæ, quæ a populis cognomina acceperunt, istorum populorum principes urbes fuerint, ejus verba, huc pertinentia, diligenter Cl. Autor apponit, ut de hac controversia eo melius lector judicare possit. Ad ejus dein placita convellenda accedens,
41. Rhætos & Vindelicos a scriptoribus antiquis constanter a se invicem

invicem distingui, monet, eamque in rem locum *Horatii Carm. IV, 4, 17*, assert, ibique voculam & in optimis editionibus comparere, observat. Lapidēs etiam *Tacito* adhuc recentiores, quibus verba, *Rhetia & Vindelicia*, sunt inscripta, exhibet. Insuper, Augustam nunquam dici *coloniam Rhetiae*, sed semper *Vindelicorum*, observat. Quamplurimas autem in Rhetia colonias fuisse, ex Inscriptione, quam ipsemet jam *Velferus* edidit, Cl. Autor ostendit. Nummos, quos *Velferus* pro sua sententia attulit, neutiquam rem conficere, insigni doctrina atque acumine docet. Augustam quidem *Vindelicorum* coloniam esse, a *Drufo* deductam, atque in *Augusti*, patris adoptivi, honorem, nomen hoc obtinuisse, Cl. Autor concedit, testimonium *Sexti Rufi* pro hac re stabilienda adducens. At vero, Rhetos atque Vindelicos ab antiquis scriptoribus vere a se invicem distingui, adducta insigni exemplorum copia, iterum inculcat. Rhetiam vero secundam, cujus metropolis Augusta existit, non nisi ubivis jam concussio a barbaris imperio, neutiquam vero *Hadriani* ævo, ut aliis visum, innotuisse, observat, quamplurimos locos, huc facientes, apponens. Rhetiam & Rhetos jam A. U. C. 640, adeoque centum annis prius, quam Vindelicos, Romanis cognitos fuisse, ex *Plutarcho & Strabone* ostendit, imo & alia monumenta, ultimam istius gentis antiquitatem probantia, assert. Summopere Rhetorum fortitudinem miratos esse Romanos, & loca, quæ inhabitaverunt, muri instar imperio Romano postea fuisse, commonstrat. Montis *Brenneri* Tyrolensium jam apud *Herodotum*, *Strabonem*, aliosque scriptores, mentionem fieri, ex quamplurimis eorum locis confirmat. Voces etiam *Pyreno*, & *Pyreni*, non tam a Græco πῦρ, quam potius a Celtico *Brenner*, descendere, & cacumen montis designare, statuit, Cl. *Wachterum* nostrum in *Glossario Germanico* consentientem adducens. Incolæ istius tractus, *Brenni*, aut *Breuni*, per errorem vero *Brenci*, ac *Breuci*, paulo post vero rursus nomine *Briones*, ac *Breones*, moxque iterum non sine vicio *Ibriones* ac *Paones*, dicti sunt. Ut igitur, gentes illas antiquissimas

Pag. 54.

56.

57.

60 seq.

71.

74.

75 seq.

79.

89.

91.

96.

99 seq.

103.

- tiquissimis jam temporibus innotuisse, Cl. Autor ostenderet, scriptores, qui illorum meminere, secundum ordinem, id est, Pag. 105. ætatem, adduxit, ex quibus omnibus liquet, Brennos illos Rhetiz incolas, Rhatos autem a Vindelicis diversissimos, fuisse, cum hi Galli, seu Germani, Illyriique, fuerint, illi contra e Græcia, Lydia, terra Chanaan, sive ex Ægypto, in Italiam delati, id quod *Massæus* jam in *Originibus Etruscis* ostendit, & per plura dein Secula huic ipsi imperitalle Italiæ, dicantur, Urbes etiam Rhæti nonnullas exstruxerunt, quarum multas postea in bello Rhætico expugnarunt Romani, quemadmodum *Vellejus* testatur de condito Tridento, & de altera ad Brennenfes urbe *Plinius*. Hunc vero morem apud Gallos non viguisse, eosque vicatim sine muris habitasse, *Polybius* affirmavit. Omnia hæc Cl. Autor diligenter & copiose comprobabat, atque *Velferi*, unam eandemque Rhætorum ac Vindelicorum fuisse gentem, statuentis, sententiam explodit. His præmissis, Veldidenam *Augusti* coloniam fuisse, ostendere annititur. Monstrat primo, moris apud Romanos fuisse, in loca a se deviata colonos mittere. Ostendit dein ex *Vellejo*, in bello, contra Rhatos gesto, multas urbes & castella *Augustum* per suos expugnasse. Hinc, eum, pro more Romanis solenni, hæc in loca deduxisse colonos, & vero videtur simile, & locus 121. *Dionis* appositus haud obscure indicat. Rhæti insuper, gens admodum bellicosa, coloniarum fræno coercendi erant. Hinc *Augustus* ipsemet post bellum confectum se in Rhætiam contulit, (id quod A. U. C. 740 factum esse, in vita *Horatii* statuit *Massonius*.) ibique res Rhæticas constituit, quo in negotio præcipua ei coloniarum cura fuisse utique videtur. Et, quamvis Autores, qui de coloniis *Augusti* nonnulla prodiderunt memoriæ, nullius in Rhætia neque ab *Augusto*, neque ab aliis, deductæ colonix meminerint, Cl. Autor tamen ex collectoribus Numismatum atque Inscriptionum varia, huc pertinentia, detexit. Tridentum igitur, nec non Teriolos & Veldidenam, colonias deduxisse *Augustum*, pro certo statuit. 123. De Tridento Inscriptionem aliquam probationis loco attulit, pro

pro reliquis autem conjecturis duntaxat militat, neque ipsi probabile videtur, Veldidenam, quæ in Itinerario ter pro termino assignata est, adeoque urbs nobilissima fuit, honore coloniz caruisse, qui tamen Teriolis & Tridento contigerit. Ulterius Pag. 124. tamen in subsequentiis hanc suam de Veldidena sententiam confirmaturus, nummum aliquem ex *Mediobarbo*, nunquam hactenus explicatum, adducit, ejusque inscriptionem, ex meris siglis constantem, per verba: *Colonia Augusta, Latino Veldidena Emerita Rhætorum*, exponit, hujusque interpretationis rationem in subsequentiis reddit. Certe, si hæc nummi explicatio admittatur, res omni carebit dubio. Non autem patitur hic locus, has de hoc nummo Cl. Autoris conjecturas ad amissum vocare; sed eas potius eruditi lectoris iudicio & examini relinquimus, hoc interim affirmantes, ejus in interpretatione nummorum solertiam omnium admirationem & plausum promereri. A. 356 a Suevis Veldidenam fuisse deletam, ob locum *Annumiani Marcellini Lib. XVI* quibusdam videri poterat. Verum illum locum de Rhætia secunda, quæ antiquis Vindelicia dicta est, Cl. Autor exponit, &, per Suevos hic *Alemannos* intelligendos esse, sibi persuadet. Quodsi enim tunc periisset Veldidena, ejus nullam mentionem injicere potuisset Tabulam *Peutingerianam*, quippe quæ hujus ætatis sit, dictitat. *Velferus*, etsi *Augustam* totius Rhætiz caput & urbem principem fuisse, existimet, *Curiam* tamen Rhætiz primæ alterum fuisse caput, simul affirmat. Cum autem luce meridiana clarius sit, urbes principes in directionibus Itinerarii aut capita, aut terminos, fuisse, insuperque Curia *Constantii* Imperatoris tempore non sit antiquior; facile hanc *Velferi* sententiam confutavit Cl. Autor, *Cellarium*, hac in parte secum facientem, adducens. Tridentum caput Rhætiz fuisse, *Cluverius* censuit. Ejus autem urbis cum ne quidem Notitia imperii meminerit, cumque *Antoninorum* jam ævo non ad Rhætiam amplius, sed ad Venetum tractum, ea civitas relata fuerit, prout ex *Ptolemæo* potest intelligi; facile patet, quam longe & hæc *Cluverii* sententia a vero distet. Similiter *Freins-*

126.

139.

140.

- beimium*, qui in Supplementis *Livianis*, *Drusomagus* Rhetiae caput fuisse, dixit, Cl. Autor confutat. *Drusomagus* nampe hodiernum *Bulsanum* esse, ponit. Qui locus quamvis ad Rhetiam olim pertinuerit, & antiquissimus plaueque nobilis sit, eum tamen cum Veldidena comparari posse, Cl. Autor negat, cum nullum adsit in nummis, lapidibus, vel scriptoribus, coloniae Romanae eo deductae vestigium, ex quo tamen dignitas urbium inprimis intelligitur. Neque titulus *Augustae* ei tribuitur, neque unquam in Itinerario occurrit tanquam caput directionis, neque in Notitia imperii locum invenit, quae omnia de urbe principe neutiquam dici possunt. Veldidenam anno Christi quingentesimo octavo a Bojis destructam fuisse, *Aventinus* prodidit. Verum haec *Aventini* narrata dudum a *Velfero*, *Brunnero*, atque aliis rerum Bojicarum scriptoribus, jam explosa sunt. Veldidenam ergo statim post medium Seculi quinti funditus eversam esse, Cl. Autor pronuntiat, neque Bojos, sed Hunnos, illam delevisse urbem, contendit. Hujus sententiae rationem redditurus, proficitur quidem, certis ejus avi testimoniis hoc confirmari non posse; interim tamen, admodum crudeliter cum universa Rhetia *Attilam* egisse, ex eo intelligi posse credit, quod in adversos ei admodum durus fuerit. Cum autem probe nosset, Briones, sive Breones, (sub quo nomine tum latuisse omnes Tyrolenses, Cl. Autor pro certo sumit,) *Actio* adversus illum auxilia in Galliis praestitisse, genti isti eum insensissimum fuisse, & ejus delendi occasionem avidissime arripuisse, non vane licet augurari. Cum *Actio* autem Breones contra *Attilam* dimicasse, *Jornandes* & *Freculphus* commemorant. Insuper duabus adhuc aliis conjecturis sententia haec fulcitur. *Gregorio* nempe *Turonensi*, qui Seculo insequente sexto floruit, non amplius cognita fuisse Veldidena videtur, & Geographus ille Ravennatensis, qui Seculo septimo videtur vixisse, eam urbem plane silentio praeteriit. Certe, si avo adhuc illo urbs princeps fuisset Veldidena, ejus duumviri isti haud dubie meminissent. Alii viri docti contrariam huic hac de retulerunt sententiam. Propter nam

tam scilicet, sensimque auctam, urbem Oenipontanam, Veldidenam decrevisse, ino ex ejus rudibus incrementa sum-  
 sisse Oenipontem, diditarunt. Falso, ex mente Cl. Autoris,  
 qui, eos confutaturus, observat, illud oppidum valde re-  
 morum, & ultra Oenum ad pedem pagi Hœttingensis situm  
 fuisse. Hodie adhuc uberrima antiquitatum circa Veldi-  
 denam messis est, cum insignis urnarum, numismatum, lapi-  
 dumque veterum, effodiatur subinde numerus, ex quo Cl.  
 Autor colligi posse dicit, locum illum ambitu quondam suo  
 amplissimum, Romanorum frequentia nobilem, & dignitate  
 ceteris præstantiorem, fuisse. Capitolium quidem, circi, thea-  
 tra, thermæ, templa, in aliis Romanorum coloniis obvia, hic  
 desiderantur, & ex hoc fundamento nonnulli, Veldidenam  
 fuisse coloniam Romanam, subdubitarunt. At enim vero,  
 in ipsa Roma has antiquitatis reliquias sæpius frustra quæri,  
*Joannes Jucundus Veronensis* ante duò jam Secula & dimidium  
 conquestus est. Quod sigillatim ad theatra attinet, forte  
 jam Etruscorum tempore ac more ea hiis in locis lateritia  
 fuerunt, & hinc eo facilius potuerunt destrui. Credidit in-  
 super non raro religiosa nimis Christianorum sollicitudo,  
 e re catholica esse, hæc paganorum monumenta funditus  
 everti, quod præcipue etiam cum lapidibus factitatum est,  
 quibus quippe Deorum Dearumque nomina subinde inscri-  
 pta erant. Cumque hoc ipsum Veronæ, urbi amplissimæ,  
 & omni ævo splendidissimæ, *Maffeo* teste, acciderit, Veldide-  
 nam, funditus everfam, eandem sortem habuisse, nemo mi-  
 rabitur. Inter præcipua monumenta, illic reperta, quæ *Aug-*  
*usto* adhuc antiquiora videntur, Cl. Autor lapides millia-  
 res quatuor, inscriptionibus carentes, numerat, cum dictus  
 modo *Maffæus* jam observaverit, *Augusti* tempore pri-  
 mum lapidibus hisce inscriptiones fuisse inditas. Neque  
 præter rem Cl. Autor optat, ut jussu Principis lapides tam  
 inventi, quam adhuc forte inveniendi, in locum aliquem pu-  
 blicum convehantur, & ibidem ordine repositi, in communem  
 utilitatem literariam, omnibus, præsertim vero antiquitatum  
 scrutato-

160.

167.

Pag. 163. scrutatoribus, pateant. Veldidenæ nomen in medio ævo pro barbarie temporum vehementer depravatæ est, & in tabulis Tyrolensibus istius ævi *Willerein*, *Wyllentin*, nec non *Wiltshan*, hic locus vocatur. Cumque ager vicinus fruticibus & dumis obsitus esset, inde nomen *Wiltau* exstitit; quamvis in tabulis publicis nullus, aut saltem rarissimus, istius compellationis usus sit. Hodie communiter *Wiltben* dicitur. Solent enim Germani nomina urbium Latina contrahere, uti ex quamplurimis exemplis constat. Et hunc, quidem in modum Veldidenæ suæ antiquitatem Cl. Autor exposuit. Applaudimus nos amplissimæ, quam ille sibi acquisivit, historiæ veteris notitiæ, summopere optantes, ut antiquitatum Tyrolensium enarrationem, quam meditatur, tam præclare cœptam, ad umbilicum feliciter perducatur. Assurget ei omnis eruditorum chorus, & his conatibus nos quoque inter primos favebimus & suffragabimur.

### NOVA LITERARIA.

**A**pud viduam *Casp. Fritschii & Bernb. Christoph. Breiskopsium* venalis prostat *Tomus primus Novi Thesauri Linguae Latine*, a *Jo. Matthia Gesnero* editus in folio. Pretium ei constitutum est unius aurei Batavi; eodemque venient etiam ceteri *Tomi*; quorum *secundus & tertius* mense Septembris proximo, *quartus* autem & *ultimus* futuri anni mercatu vernali, prodibunt. Magnam Opus habet commendationem chartæ & typorum; majorem diligentiam atque doctrinam; quam comparando cum ceteris hujus generis libris tantam reperient intelligentes, ut ei principatum in suo genere facile sint concessuri. Ceterum de hoc Opere pluribus agemus, Deo volente, ubi *ultima* ejus *Pars* prodierit. Jam, ne nihil dicamus, elegantioribus literis læta illa, quæ ex insigni hoc Opere certissime expectari possunt, incrementa, & magnum hunc suæ dignitatis vindicem, qui inter paucos labantia humanitatis studia egregie fortiterque sustinet,

*Gesnerum*, gratulamur.





# NOVA ACTA ERUDITORUM,

*publicata Lipsiæ*

*Calendis Junii Anno MDCCXLVII.*

*Pars II.*

ΩΡΙΓΕΝΟΥΣ ΤΑ ΕΠΙΣΚΟΜΕΝΑ ΠΑΝΤΑ, &c.

id est,

ORIGENIS OPERA OMNIA, QUÆ GRÆCE, VEL  
Latine tantum, exstant, & ejus nomine circumferuntur.  
Ex variis editionibus, & Codicibus manu exaratis,  
Gallicanis, Italicis, Germanicis, & Anglicis, collecta,  
recensita, Latine versa, atque annotationibus illustrata,  
cum copiosis Indicibus, vita Autoris, & multis Dissertationibus. Opera & studio Domini CAROLI DE  
LA RUE, Presbyteri & Monachi Benedictini e  
Congregatione S. Mauri.

*Tomus II.*

Parisiis, typis Jacobi Vincent, 1733, fol.

Alph. 10 plag. 13.

**Q**uæ primo novæ hujus editionis Volumine Syntagmatum nomine exhibentur Origenis scripta, ea olim, cum argumentum illius exponeremus, ordine suo commemoravimus. Sequuntur jam Commentarii, quibus sacra Scripturæ libros olim interpretari aggressus est Adamantius, & qui Exegeticorum nomine vulgo veniunt, quorum tamen tanta pars temporis injuria jam pridem interiit, ut non nisi vel Græcæ orationis, vel Latine tantum interpretationis,

Uu

nis,

nis, fragmenta ad nostram ætatem pervenerint. Et præsens quidem *Volumen* ea complectitur, quæ in nonnullos Veteris Testamenti libros, in *Pentateuchum*, in *Josnam*, *Judices*, *Ruth*, *libros Regum*, *Jobum*, & tandem in *Psalms*, nobis supersunt, ex parte jam typis excusa, ex parte vero nondum in lucem edita. Quæ, interprete *Rufino*, tantum Latine exstant, ea Cl. Editor ad veterum MStorum fidem recensuit. Græca unde huic editioni accesserint, peculiaria docent *Monita*, quæ Commentariis vel inferius adjecta, vel singulorum etiam fronti præfixa, fuerunt. Sunt vero illorum Græcæ orationis non pauca, quæ ibi leguntur, earumque sæpe prolixa, fragmenta; erant adhuc plura, sed prudens tenendus erat eorum delectus, ne pro veris & genuinis admitterentur supposititia. Constat enim, multa quidem sub *Origenis* nomine circumferri, præsertim in antiquis Patrum Græcorum Catenis, tum MStis, Parisiensibus nempe & Anglicanis, tum iis, quæ a *Corderio*, *Barbaro*, *Ghislerio*, *Comitolo*, *Patritio Junio*, aliisque, fuere editæ; at vero, cum fidem iis tuto habere non liceat, & vel scriptorum, e quorum fragmentis Catenæ sunt compilatæ, ita persæpe inter se confundantur nomina, ut, quæ una illarum adscribit *Origeni*, eadem alii tribuat altera; vel etiam unanimi illæ consensu fragmentum aliquod *Origeni* vindicent, quod tamen ipsius non esse, aliunde probatur; hinc non nisi ea Vir doctus huic editioni inferenda esse existimavit, quæ vel ex *Rufini*, *Hieronymi*, aliorumque, antiquis interpretationibus *Origenis* esse constabat, vel falso huic adscripta fuisse, ex aliorum in sacram Scripturam commentationibus probari non poterat. Reliqua, quæ hujus generis non erant, scripta, aut scriptorum fragmenta, prudenti ille consilio omisit, exceptis tantum duobus, quorum prius *tres Libros in Jobum*, qui ad finem hujus *Tomi* leguntur, posterius prolixum in *Jobum Commentarium*, exhibet, qui, ne præsens *Volumen* in molem excresceret, *tertio* Græcæ & Latine accedet. Hos libros, quantvis *Origenis* nomen aperte mentiantur, tamen, quia in *Genebrardi* editione habentur, non æque facile omittendos esse, Noster existimavit, ne, si in præsentī desiderarentur, justam conque-

conquerendi causam præberet Lectoribus. Ceterum unicuique Librorum adjectæ sunt variantes Codicum MStorum lectiones, præterea notæ & animadversiones, quibus vel sacræ Scripturæ loca, vel antiquitates, ecclesiasticæ æque ac profanæ, subinde illustrantur, interdum etiam, quæ male & incongrue ab *Origene* asserta sunt, castigantur. Accedunt *Monita*, ut dicuntur, singulis librorum præfixa, quibus, quæ ad cujusque historiam spectant, Autor exposuit, eadem plane, quam in *primo Volumine* servavit, methodo, de qua ut iterum verba faciamus, opus non est. Omni tamen silentio præterire non possumus, quæ fuscæ & oportune ille de methodo disputat, quam in interpretatione Scripturæ propriam sibi & peculiarem fecit *Origenes*. Constat nimirum, quando iste Librorum sacrorum egit interpretem, sensus literalis dignitatem raro ab eo servatam, potius ingenio suo indulgisse eum, & allegorias quæsisisse in iis etiam locis, ubi, præter *Origenem*, nemo eas ante quæsierat, multo minus inveherat; quod si cui nullus, qui in Patris hujus, cetera doctissimi, lectione librorum versatus est, facile inficias iverit, ita, operæ pretium facturos nos esse, existimamus, si, quam in Præfatione Vir doctus dedit *Origenianæ* illius methodi brevem & succinctam delineationem, eam inde exhibeamus. Tota verò redit ad sequentia capita: Quod 1) triplex sit Scripturæ sensus, literalis, moralis, & mysticus, seu allegoricus; 2) triplex iste sensus non ubique Scripturarum reperitur; 3) si generatim res spectetur, ad institutionem & adificationem simplicium sensus literalis sufficiat; 4) sæpe tamen litera in se habeat falsa, absurda, secum pugnantia, impossibilia, & cetera hujusmodi, unde nati sint errores propemodum infiniti; 5) mysticus, seu allegoricus, sensus nitatur autoritate Novi Testamenti, sique omnino necessarius, ut ab adversariis tuta maneant veritas Scripturarum, & ipsæ Deo digne efficiantur; 6) difficillimum sit, imo impossibile, mysticos assequi sensus, quos in se complectatur Scriptura; 7) iis tamen assequendis conducere queant regulæ sequentes: Primum, si lex ceremonialis adeo tota figuris plena existimesur, ut singula Scripturarum loca, quæ ad illam refe-

vuntur, ne uno quidem excepto, non literaliter, sed mystica tantum, accipiantur; deinde, si, ubicunque sermo est de *Jerusalem*, de *Ægypto*, *Babylone*, *Tyro*, aliisque locis terrenis, totum id referatur ad celestia loca, quæ animarum sint habitacula; ac demum, si ad mysticum sensum confugiatur, & litera deseratur, quoties falsa, inutilis, ac Deo indigna, visa fuerit. Omnem his legibus Scripturarum interpretationem adstrinxisse *Origenem*, Noster deinde, per singula eundo capita, disertis comprobavit illius testimoniis. Postea suas ipse adjecit animadversiones, quibus integrum Systema docte examinavit, & quid in eo reprehendendum, & ab Ecclesiæ Doctõribus reprehensum jam olim fuerit, postquam fusc commemoravit, recte tandem asseruit, frequentem allegoriarum usum periculo non vacare, & in iis etiam locis, ubi figurati sensus veritas in dubium vocari nequeat, summa cautione opus esse, ne illius prætextu detrimentum aliquod patiatur sensus historici veritas.

**JACOBI PEIRCH** PARAPHRASIS ET NOTÆ  
philologicæ atque exegeticæ in Epistolam ad Hebræos.  
Latine vertit, & suas ubique Observationes addidit,  
**JOANNES DAVID MICHAELIS**, Phil. Prof.  
Publ. in Academia Georgia Augusta.

Halæ Magdeburgicæ, sumtibus bibliopolii Lüderwaldiani,

1747, 4.

Alph. 2 plag. 5.

**E**ditis ante annum *Georgii Bensonii* laboribus exegeticis in Epistolam *Jacobi*, & a Cl. Editore in linguam Latinam conversis, specimen nunc succedit secundum, quod circa celeberrimi *Peircii* occupationes literarias, in Epistolam *Pauli ad Hebræos* collatas, versatur, & eandem præ se fert diligentiam Interpretis, quam ex superiori jam perspectam habemus atque cognitam. Gratiâ hinc a Lectoribus nos amitturos esse speramus, & plane confidimus, si faciem hujus libelli depictam atque delineatam propius adspiciendam ipsæ præben-

præbeamus. Frontem libelli exornant *Josephi Halletti* junioris conatus, ad detegendum Epistolæ ad Hebræos scriptorem, linguamque, qua scripta primum est, investigandam, relati. Notissimi jam unicuique isti sunt Commentarii, ex quo scilicet tempore B. *Wolffius* hanc disquisitionem *Tomo tertio Curarum suarum philologicarum & Criticarum* adjecit, Latina civitate donavit, & observationibus suis adauxit. Ex eo etiam factum est, ut Editor noster adornandæ novæ versionis Latinæ labore superfedere posset, dummodo adjiceret, quæ ex industria B. *Wolffius* omiserat, & quæ pro *Halletto* defendendo contra illum in medium proferenda erant. Ex iis-  
Pag. 36.

que causis, in controversiam actis, quædam delibabimus, reliqua omisuri, ne cramben bis sæpiusque coctam apponamus, cum satis jam constet, *Hallettum Paulo* Apostolo non solum has literas vindicasse, sed pro lingua etiam Hebraica, sive Syro-Chaldaica, tanquam originaria harum literarum, acerrime pugnasse. *Hallettus* inprimis facilitatem firmam, qua Hebræi circa usum linguæ Syriacæ pollebant, in causa sua urserat. Sed *Wolffius* refellit hanc sententiam ex eo capite, quia, non ad Judæos Hierosolymitanos, sed Asiæ incolas, scriptam videri sibi Epistolam, dicebat, addendo, Apostolum alios credentium usu Epistolæ exclusos non voluisse, hinc Græce fuisse scribendam. Ad hæc regerit Noster: Fieri non potuisse, quin illa lingua, quam intelligerent omnes, scriberetur Epistola, & ea potissimum, qua utebantur illi, ad quos primo mittebatur. Hinc, rem satis alienam Apostolum fecisse, statueretur, si Græcis literis, ad Hierosolymitanos scribens, uti voluisset. In eo nunc cardo rerum versatur, ut dilucidius exponatur, Hierosolymitanos primos harum literarum ex mente Apostoli fuisse lectores atque auditores, quod in peculiari disquisitione ostendere conatus est Interpret noster, de qua mox dicendi erit occasio. Jam in studio incepto pergimus, ea attingentes argumenta, quæ *Halletianis* sunt adjecta, ea nimirum ratione, ut evincatur, Hebraice hanc ad Hebræos scriptam fuisse Epistolam. Refertur huc Græca scribendi forma, quam minime cum *Pauli*

- convenire stilo, Noster ait, & tribus exemplis illustrat. Deinde ad hanc classē etiam vocantur dicta Vet. Testamenti, quæ in contextu Græco ita leguntur, ut nihil ad *Pauli* scopum facere videantur; qui tamen facile apparet, si ex Hebraico textu, aut Chaldaica *Onkelosi* paraphrasi, nervus demonstrandi excutitur.
- Pag. 39. Confertur hanc in rem testimonium *Pauli* ex *Cap. IX, 23*, coll. *Genes. XLVII, 31*, ex quo evincitur, *Jacobum* moribundum tanquam supplicem, & gratias Deo agentem, sisti, quanquam ex Græcis literis vix tale erui possit. Post hæc reliqua hujus rei enarrantur argumenta, & sidenter in hanc pronuntiatur sententiam, Epistolam hanc Hebraice scriptam quidem, sed a viro sancto ac divinitus afflato in sermonem Græcum summa cum diligentia translata esse, quod aliis etiam contigisse Epistolis *Paulinis*, affirmatur. Responsiones denique ad prolatas objectiones finem huic Commentationi imponunt.
48. Excipit hanc *Michaelis* nostri disquisitio de Hebræis, ad quos data est hæc Epistola *Pauli*, deque ejus scopo & occasione. In aciem hic primo producit triplex doctorum ordo, qui de eadem re, sed diversis armis, disceptarunt. Autor ei se adjunxit parti, quæ de Hierosolymitanis hic cogitat lectoribus.
50. Adstruit hoc effatum tam ex universæ antiquitatis consensu, quam ex Epistolæ inscriptione, quam ei tribuunt Patres, & quæ ad Judæos illos pertinere videtur, qui, Palæstinam colentes, Hebraice loquebantur, cum reliqui Judæi tunc temporis jam Hellenistæ audirent. Reliqua argumenta ex ipsis Epistolæ visceribus sunt deprompta, ex qua apparet, res circumstantes, ibi occurrentes, non admittere, ut de dispersis per Græciam, Macedoniam, Asiamque, cogitare queamus, quin imo reliquarum ecclesiarum statum plane ab eorum esse separatam conditione,
54. ad quos Apostolus has literas dedit. His omnibus additur, *Paulum* in Epistola ad Hebræos ne unico quidem in loco de tolerantia gentium mentionem injicere, cum tamen in reliquis Epistolis nihil habeat prius & antiquius, quam ut Christianos de ea gravissime admoneat, quo ex Judæis & gentibus converſi homines amorem mutuum magis magisque colerent, & hinc

& hinc veri non dissimile videri, ad Hebræos Hierosolymitanos has literas esse perscriptas. In diluendis objectionibus cum B. *Wolffio* rem inprimis habet Autor, non infeliciter pugnans. Præterea, ex Italia hanc Epistolam esse datam, cum in prioribus adhuc vinculis Romanis *Paulus* detineretur, circa tempus paschale, ex quibusdam non contemnendis rationibus dicitur, & ea quidem occasione, cum ecclesia Hierosolymitana post mortem *Fest*i, Pontifice atroci *Anano*, maxime urgeretur calamitatibus. Ad Commentarium ipsum *Peircii* accedimus, de quo constat, quod in sectiones plurimas dividat hanc Epistolam, quibus singulis ea, quæ continentur, strictim præmittuntur, ipsa textus verba circumlocutionibus doctis describuntur, & annotationibus muniuntur, quibus suas etiam adjecit Cl. Editor lucubrationes. Initium verborum Apostolicorum ex translatione Interpretis nostri ita fluit: *Idem Deus, qui per particulas, & variis rationibus, mentem suam sub prisca Fæderis æconomia notam fecit Judæorum patribus, voce Prophetarum, per ultimam hanc æconomiam, seu tempore Messia, ad nos locutus est per filium.* Ultimi dies, ex mente doctissimi *Michaelis*, dicuntur ideo, quia seculum Messia extremum est orbi terrarum, & sub hoc nomine vel majus, vel minus, temporis spatium contineri arbitratur. Arctius tamen istam appellationem esse conjungendam cum temporibus rei publicæ sacræ Judæorum putamus, secundum quæ ultima sunt tempora ista, sub quibus Servator in his terris vitam agebat. Post ea scilicet, parvo interjecto annorum intervallo, omnis ruebat res cerimonialis, & sub ruderibus templi sepulta manebat. Circa easdem paginas nobis arridet explanatio vocabuli Hebraici *יָרֵחַ*, hic annotanda, quod non *hereditandi* primum ac proprium habere significatum affirmatur, sed *occupandi*, a *יָרַח* scilicet, seu *capiendis* piscibus, ita dictum, uti *יָרֵחַ*, quod caput occupare solet. Per *ἀἰῶνας* *Peircius* recte intellexit res, quæ videntur, omnes, in tempore conditas, quam explanationem contra *Oederum* doctæ ruetur Noster, cum ostendit, vanas esse ætates ecclesiæ per Christum digestas, ab illo in hoc testimonio ingeniose fictas.

Idem

- Idem *Peircii* castigat sententiam, quam de Filii Dei essentia  
 Pag. 71. alia, quam Patris, incautius & pro more hodierno civium suo-  
 80. rum scripserat. Tempus, quo sedere cœpit Salvator in solio  
 gloriæ, seu quo rex unctus & constitutus est, incidere in  
*καλιγγενεσίαν*, seu secundos natales excitati a mortuis, & in  
 vitam revocati, Christi, ex quo vocabulum *ΩΩΩ* explican-  
 dum esse, putat Anglus, addens, Christum, cum jam aliis  
 83. nominibus filius Dei esset, tum hoc inprimis ita celebrari,  
 quoniam illi occiso novam Deus pater vitam indidit, qui ex-  
 citasse eum ex mortuis dicitur. Circa verba: *Ego vero pa-  
 ter ipsius, & ipse mihi erit filius*, amplam & doctam Cl. *Michaëlis*  
 instituit disputationem cum *Peircio* & *Whistono*, exci-  
 tationi Apostolicæ ita consulens, ut autoritatis divini scripto-  
 ris ratio ab illo habita esse intelligatur. Eandem etiam dili-  
 95. gentiam in reliquis, a *Paulo* adductis, testimoniis collocatam  
 laudamus, quæ in eo maxime est conspicua, quia labores *Peir-  
 ciani* & suppleuntur, & diligentissime expenduntur, rationibus  
 96. rerum & verborum ubique additis. Phrasis Græca: *λέγει  
 πρὸς τὰς ἀγγέλους*, de angelis dicit, recte exponit Anglus,  
 cui hoc addit roboris Noster, quod accurate hæc re-  
 spondeat Latinæ illi: *Aliquid in aliquem dicere*, ad quæ  
 conferri iubet *Luc. XX, 19, Rom. X, 21*. Ceterum, ne ad ver-  
 bum *λέγει* nomen, *ὁ Θεός*, suppleatur, caver; nec enim Deum  
 ipsum in *Psalmo CIV*, sed Poetam sacrum de Deo, loqui, ad-  
 104. struit. Idem occasione *Davidicæ* vocis, ex *centesimo secun-  
 do Psalmo* a *Paulo* repetitz, affirmat, hanc *Davidicam* cantio-  
 nem spectare ad tempora exilii Romani, in quo ad hunc usque  
 diem versatur gens misera Judaica. Rationes hujus asserti se-  
 quentes assert; quia Sion urbs collapsa, & in ruinas redacta,  
 dicitur; quia gens tota Israelitica vagabunda, & restitutionem  
 desiderans, describitur; quia restitutionis fructus erit, ut  
 gentes Jehovam reveantur & colant. Hæc omnia quam ac-  
 curate sint dicta, non disquirimus. Maxima, præter alias,  
 nobis hic difficultas expedienda videtur ista, qui fieri queat,  
 ut de Judæis, qui nostro tempore sunt superstites, dici  
 possit, eos preces unquam ad Jehovam facere, cum Mes-  
 sianam.



ſiam, tanquam deprecatozem omnium hominum, aſpernan-  
 tur, & maximis conviciis afficiunt. Id quidem recte af-  
 firmari poſſe putamus, hanc cantionem eſſe propheticam, atque  
 ad exulem ſpectare Judæum, non quidem ex Romano exilio  
 ſuperſtitem. Quo etiam voces Rabbiorum referendæ ſunt, ab Pag. 105.  
 Autore noſtro in medium prolata. Angelos *ἀγγέλους* 114.  
*πνεύματα* eleganter Noſter dici putat, quia Græci per *ἀν-  
 τεργόν* non gregarium quemcunque miniſtrum, ſed publicum,  
 eundemque, qui gravia in civitate munera gerit, intelligere  
 ſolent. Perplacet quidem nobis hæc obſervatio, ſed deſide-  
 ramus exempla, quæ addi inprimis opus erat. Per an- 119.  
 gelos adminiſtros in monte Sinaitico cum *Peircio* conſentit  
 Noſter, & vi argumentorum atque veritate coactus, ab eorum  
 ſejunxit opinione ſententiam ſuam, qui a Filio Dei latam at-  
 que promulgatam eſſe arbitrantur legem. Pari facilitate re- 121.  
 liquæ enodantur difficultates, quæ circa hanc occurrunt enar-  
 rationem, a *Moſe* & *Stephano* recitatam. Ceterum notandum 127.  
 eſt, magiſtratum angelorum eſſe abrogatum, hinc etiam, non  
 omnia, quæ tabulæ priſci Fœderis de angelis, rerum humana-  
 rum arbitris, habent, ad tempora Novi Teſtamenti referen-  
 da eſſe, recte cenſetur. Chriſtum *ἀρχηγὸν τῆς σωτηρίας* eſſe 137.  
 eo ſenſu, cum Britanno Noſter dicit, quo *ἀρχηγὸς* dux, ſive  
 princeps, dicitur, qui alios præcedit & anteit, & in quem ſe-  
 quentes, eandem viam ingredientiſ, intuentur; & ſic Chri-  
 ſtus princeps ſalutis eſt, qui primus mortalium ſalutem ſem-  
 piternamque ingreſſus vitam, ad eandem nos ſalutem perducit.  
 Miſericordem & commiſerantem Chriſtum eſſe ſacerdotem, 157.  
 Apoſtoli verba ſatis abundeque oſtendunt, quæ cum Interpre-  
 te noſtro ita accipienda eſſe exiſtimamus, ut ingratum quen-  
 dam ac tristem alienæ calamitatis ſenſum indicent, ad opem  
 afflictiſ ſerendam ſtimulos addentem. Ita enim exiſtimamus,  
 Chriſtum quidem ratione divinitatis ſuæ perpeſſiones & ca-  
 lamitates piorum habuiſſe cognitæ, & vere perſpectæ, ſed,  
 ne quid dubitationis in animis piorum relinqueretur, neceſſe  
 idem eſſe duxit, ut vivam harum vexationum ſubiret ſen-  
 ſionem, in corpore tuo ſanctiſſimo ſuſcipiendam. Quæ rex 160.

- omnis quam maxime in solatium vexatissimis cedit Christianis, siquidem certum & indubitatum est, sua quemque mala prom-  
 tiorem reddere ad juvandos alios, iisdem malis vexatos. Per  
 quietem Dei, in quam ingressuri erant fideles, intelligit Noster  
 statum Christianorum sub Novo Fœdere, seu animi illam quietem,  
 quæ ex sensu existit hæreditatis spiritualium bonorum,  
 conjunctam cum immunitate a lege Levitica, cujus officia ab  
 ipso *Mose* servitia vocari solent. In hac quietem tempore  
 Messæ ingressuri erant credentes Israelitæ, ita tamen, ut reliqui,  
 quibus dura & atrocia erant pectora, aditu hujus quietis prohiberentur. Vivum Dei verbum, de quo multa dis-  
 putant interpretes ad Epistolam nostram, Britannus non de  
 substantiali verbo, Christo scilicet, vult intelligere, ideo, quia  
*Joanni* soli hæc loquendi ratio sit usitata, sed de verbo a  
 Deo prolato, eoque inprimis, quod comminatorium e *Mose*  
 excitatur. Adoptat hæc, & sua non solum facit, sed ube-  
 rius etiam explanat, Autor noster, in subsidium afferendo ea  
 omnia, quæ in tabulis sanctioribus hanc in rem possunt dici.  
 De Christo sacerdote notat Britannus, eum non nisi a resur-  
 rectione ex mortuis factum esse talem, quam inter & com-  
 munem sententiam de Christo sacerdote, mortis supplicium  
 subeunte, aperto quasi Marte decernitur. Argumentis, quæ  
 excitat, hic superfedemus asserendis, id modo monentes,  
 Autorem nostrum ita sentire, nihil in hac inveniri opi-  
 nione, quod satisfactionem pro peccatis nostris morte Chri-  
 sti factam oppugnet, eam tamen vim non habere, ut sibi  
 persuaderi plane possit, Christum ante suum in cælum ingres-  
 sum nullum sacerdotem fuisse, & recte habitum esse. Quæ de  
 relapsu *Paulus* monet, ex communi sententia explicantur, pau-  
 cissimis modo cautionibus additis. *Melchisedecum* sine pa-  
 tre, sine matre, sine genealogia, dici ideo, quia a *Mose* origi-  
 nes gentis suæ omittantur, verisimile est Nostris, & do-  
 ctissimus quidem Interpres elegantem ex *Seneca Epist. CVIII*  
 affert locum, ubi dicitur, duos Romanos Reges fuisse, quorum  
 alter patrem non habuerit, alter matrem. Eadem ratione de  
 hominibus obscuri nominis more Romanorum fertur, quod  
 homines

homines sint sine nomine, quorum parentes lateant. *Melchisedecum* assimilatum fuisse filio Dei, id eo valere Noster putat cum *Whitbyo*, ut per filium Dei hic intelligatur angelus, cui ratione immortalitatis factus fuisset similis, quem ad modum *Lucas* sub resurrectionem nostram immortales nos & similes angelis filioque Dei fore prædiceret. Finem denique *Pauli* in hac comparatione *Melchisedeci* eum esse, ostendit Noster, ut declaret, constituto sacerdote ex classe *Melchisedeci*, totam legem Leviticam uno impetu ruere. Sacerdotes *ye-rovères* sunt isti, qui vivere desierunt; hinc opponuntur sacerdotio Christi, quod in æternum permanet, ubi acute Noster plus simplici vice hanc vocabuli vim edisserit atque confirmat. De thuribulo, in sancto sanctorum asservato, Britanni & aliorum recententur sententiæ, quæ quidem omnes Autori nostro minime placent; hinc conjecturis suis aurem præbet, & suspicatur, *Paulum* non de thuribulo, sed de operculo aræ fœderis, egisse, sive Græci interpretis lapsu, sive librario- rum culpa, hanc transmutationem esse factam, præsertim cum sine gravi negotio hæc transfusio vocabulorum fieri potuisset, ut pro *ἱλαστήριον θυμιατήριον* ponèretur. Sed parum probabilis hæc nobis conjectura videtur, ideo, quia ex sententiâ Autoris culpa in interprete quaerenda non est, utpote docti & divinitus afflati viri, si ex mente Autoris hoc affirmare velimus; nec etiam in librario, quia multis literis, imprimis quidem initialibus atque prioribus, hæc vocabula Græca inter se differunt, &, unius oscitatione omnia hujus Epistolæ exempla corrumpi potuisse, non verisimile, imo nec credibile, putatur. Ceterum, quæ hujus libelli accurata & diligens sit enarratio, a Britanno & Autore nostro suscepta, in oculos & animum lectoris statim incurret, si paucula illa, quæ hic degustanda apposuimus, in usum suum convertere velit. Quod reliquum est, optamus, ut Cl. Autor rem literariam ornare scriptis suis, & de diviniore inprimis scientia mereri præclarissime, ut cœpit nuper, ita diu pergat.

274.

283.

312.

D. CHRISTIANI GOTTLIEBII CLUGII

Xx 2

de

*de Baptismo Adami Commentatio theologica, qua sumat argumentum de tunicis pelliceis primorum hominum paulo uberius enarratur, & cogitata profana de peccato originis, nuper admodum in linguam Germanicam transfusa, breviter strictimque confutantur.*

Vitembergæ, impensis Gottlieb Henrici Schwarzii, 1747, 4.

Alph. 1. plag. 5½.

**A**b Adamo inde Vir Cel. controversias exorditur, pugnans cum Jacobi Rhenferdii manibus, ac obscœni libri vernaculi architecto, Halæ A. 1746, 8, clanculum in lucem protrusi sub titulo hederave, *Disquisitio philosophica de conditione & statu hominis in peccato originis, quo fontes, cause, & effecta, hujus peccati indicantur.* Theologum quendam summum id sibi detulisse honoris, ut in confessu eruditorum Disputationem *Clugianam* excitaret, suoque muniverit suffragio, id vero est, quod ipse inter alia in Præfationis limine candidum docet lectorem. Amicus sententiam eum rogavit de opinione, quam Ven. *Clugius* in Diss. inaugurali de ritu interrogandi infantes ante baptismum susceptum de fide propugnauerat, Amico ipse fecit satis respondendo. Quid ad responsum eam respondit amicus? Id autem Noster ita recitat: *His a me dictis amicus ille facile acquiescebat, monebatque simul, ut fidem exsolverem, & telam captam, edita altera Commentationis parte, continuarem.* Ut hisce precibus velificaretur Cel. Vir, *reculas suas perscrutatus, nihil omnino de chartis suis reperire potuit.* Nec tamen animum despondit, vel anxium amicum sub cultro reliquit. Incidit in manus ejus *Oratio*, inaugurali ritu habita *de fide Baptismi originibus*, omnino polemica, & sigillatim sententiæ Jacobi Rhenferdii, Philologi quondam Franequerani, de Baptismi Christianorum antiquitate evulgatæ, opposita. Iverat hic oratione solenni quadam originem baptismi nostri vindicatum ipsi paradiso, ac præcipuum sententiæ suæ fundamentum in tunicis pelliceis, homini lapsu divinitus impertitis, & quidni in quatuor fluminibus paradisi? collocaverat. Habes, Lector, occasionem conscriptæ de Baptismo *Adami* Com-

Commentationis. Quia vero ratione *Clugius* instituto suo defungitur? Judicat is ipse sic de semet: *Morem antiquum obtineo, de rebus mihi obviis libere candideque pronuntians, eaque in re Erasmus sequens ducem, qui Coletio suo per epistolam narrat, se liberum & toto pectore divinas literas aggressurum esse, ita etiam dicendi rationem planam facilemque assero, bene memor, qui intelligi nolit, ejus scripta nec legi oportere.* Tuam, Lector, fidem! An *Egoismum* practicum hæc quodam tenus redolent? An testimonia domestica & encomia sunt semper maximi facienda? *Encomium Moriae, Erasmo* tribuendum, collaudat Noster, pungens & fodicans eos, quorum aures præter *propositiones, conclusiones, & corollaria*, nihil admittant. Ipse credit, *Erasmum* in futurum quasi prospexisse, ac in *Encomio Moriae Theologiam, ad Aristotelis nostræ ætatis, seu illustris Wolfii, sententias methodumque apte conformatam, & inventiunculis conclusiunculisque minutulis sædatam, vivis coloribus depinxisse.* Quid Vir ille porro? Hoc ego *Erasmi* judicio rectus, *omisso neoterico Theologorum genere, Theologiam, antiquiorem illam & saniores, scriptis Lutheri, Melancthonis, Brentii, Hunnii, aliorumque, & illustratam & vindicatam, amplector, aliosque ad amplectendam illam sedulo cohortor.* Mallemus, ipse *Theologiam* diviniorem literis comprehensam haud omisisset! Ita est. Suus cuique odor bene olet. Nostrum non est, cohortationibus tanti faciendis intercedere. Erunt tamen, qui de rebus sibi obviis haud secus libere candideque pronuntiare didicerunt. Nos de cetero ignoramus recentiorum illam *Theologiam*, si argumentum & rem ipsam species. Eos, qui perperam se vocari *Wolfianos* queruntur, ad unum omnes barbari scilicet sermonis sordibus ac portentis, omnium bonarum literarum incitiæ ac linguarum imperitiæ, deditos esse, Auctori, qui volent, credant, ejusque fiducia persuadeant sibi, in utramvis aurem dormitantes. Nobis tam lynceis esse haud licet, ut sodales illos ex universo barbaros animo oculisque nostris repræsentare possimus, quibus nomen *Wolfianorum* vulgus imposuit. Si qui sunt, qui nec propositiones, nec conclusiones, nec corollaria, mente comprehendunt ac de-

signant, aliquid rationibus suis æstimaturi, eos cum ratione credimus insanire. Ad summam Commentationis provehimur, quadraginta & duabus *propositionibus* constantem. Enarratæ tractationis exordium disceptationem de origine Baptismi Christiani, inter *J. A. Danzium* & *G. Wernsdorsium* agitatam.

- Pag. 5. Monet, sententiam *Danzii* ne *Buddeo* quidem, tunc Præsidi, probatam fuisse. *Jacobi Rhenferdii Opera philologica* Cl. *David Millius* edidit Trajecti ad Rhenum A. 1722, eisque subjecit *Orationem* ejus *de antiquitate Baptismi*. In hac *Oratione Rhenferdus* contendit data opera, ut lectori persuadeat, in ipso Paradiso institutum esse a Deo Baptismum, ac *Adamum* lapsum, proposito fœdere gratiæ, primum aqua tinctum, & cum Deo denuo sic conjunctum fuisse. In *Jacobi* familia ipse etiam Baptismum se vidisse credidit *Gen. XXXV, 2*, ratus, vestes pelliceas primorum parentum symbolum fuisse justitiæ Christi per fidem applicatæ. Vestes has diligentius excutit & perlustrat Noster. Præmonet idem, ea, quæ de lapsu *Adami* a *Mose* enarrantur, non allegorice, nec symbolice, sed historice, ac in *sensu literali*, accipienda esse. In alia omnia abeunt *Jo. Bapt. Helmontius* & *Adrianus Beverlandus*. Hunc pœnitendis voluptatibus, nec tamen allegoricæ interpretationi de primo peccato, renuntiasse, putat. *Henricus Corn. Agrippa* in *Declaratione de originali peccato P. II Oper. pag. 556* *Beverlando* jam turpissimam illam opinionem maxima ex parte præverat, id ipsum haud inficiato *pag. 36*. *Beverlandus* tamen per arborem scientiæ boni & mali, ejusque fructus, designari putavit verenda *Adami* & *Eve*, ac foetus prodeuntes. *Agrippa* serpentem tentatorem pro membro *Adami* virili habuit; *Beverlandus* pro diabolo ipso, per basiliscum fraudibus instruendis operante. Arbor recensetur inter *ligna*, forma fuit spectabili, fructu fuit plena. Mulier ex fructu ejus edit, & ex ea edere potuit sola. Hæc allegorico sensui illi famose obsceno obstant satis. Conjugium jam ante lapsum erat institutum. *Beverlandi* sententiam utique absurdam Noster solide refellit. *Helmontium* soliditate eadem repellit prostratum. Homo profanus ac impius, religionis professione
- Romano-

Romano-catholicus, *Beverlandi* spurcam & obscœnam opinionem haud ita pridem, paucis assutis, reposuit in libro: *Supplement au glaneur historique, critique, politique, moral, littéraire, galant, & calotin*, & quidem numero decimo, ubi disserit de *historia naturali arboris vite*. A. 1746 tenebrius quidam in eadem navigavit puppi, libro e lingua Gallica translato, editoque sub hujus tituli inscriptione: *Philosophische Untersuchung von dem Zustand des Menschen in der Erbsünde, wo man die Quelle, die Ursachen, und die Folgen, dieser Sünde in der Welt anzeigt, nach der sechsten verbesserten Französischen Ausgabe übersetzt von M. Franckfurth und Leipzig, 1746, 8.* Ipse illud N<sup>o</sup> 7 Gen. III, 15, amplectitur pag. 142, ac, sese Italum, cultorem Papæ & S. Ignatii, esse, pag. 169 significat. An serio hæc prodiderit, aliis disquirendum relinquimus. Liber ipse Gallicus jam A. 1714 proditit 28. inscriptus ita: *Etat de l'homme dans le péché originel, ou l'on fait voir, quelle est la source & quelles sont les causes & les suites de ce péché dans le monde.* Idem liber A. 1731 denud Gallice excusus est, titulo aliquantulum immutato. Autor pleraque, teste Præfatione, a *Beverlando* mutuatus est. In eo tamen a *Beverlando* dissentit, quod, *Evam* initio cum ipso serpente, membra viri genitalia induente, congressam esse, & hac voluptate perfusam, *Adamum* ad coeundum sollicitasse, fingit. Idem docet effigies fœdissima, libello præfixa. Non est, quod libri summam, a Nostro enarratam, repetamus, adeo spurcam, stultam, & absurdam, ut, de qua sermo instituitur, ea ne quidem sit digna. 34. *Balthasar Beckerus* præterea & *Thomas Burnetius*, historiam *Adami* lapsi symbolice esse accipiendam, sibi persuaserant, licet a *Beverlandi* nugis longe essent alieni. *Christianus Democritus* redivivus eadem chorda oberravit. 37. Allegoristæ primorum a C. N. Seculorum, *Origenista* præcipue, *pelliceas tunicas* per corpus ac carnem mortalem exposuerunt. At *Origenes* ipse sententiam eam rejecit. Merito historiam lapsi *Adami* Noster citra allegoriam exposuit. Fecerunt enim scriptores divini haud secus. Tum vero ad *tunicas pelliceas* illustrandas progreditur 40. Cel.

- Pag. 55. Cel. Autor. Pelles ex officina coriariorum & pellionum ejus temporis depromsit *Isaacus Peyrerius*, Præadamitarum architectus. An pelles illas Deus creaverit, an *Adamus* jussu Dei bestias ceciderit, pellesque eis detraxerit, carnibus sacrificio destinatis, disquirat Noster. Sacrificia jussu divino niti, idem
73. commonstrat. Ex pelliceis vestibus extundere Baptismum, est sane difficilius, quam si ex pumice aquam expectes. Potuit tamen eo sententiæ *Rhenferdus* delabi. Hunc si ab argumentis solidis destitui, ac opera facili a Nostro devictum esse, dicitemus, ab errore & injuria perstabimus immunes. Facilis vero fuit *Rhenferdio* is ad illam sententiam descensus. Ipse
177. enim Reformatæ, quam vocant, Ecclesiæ erat addictus. Hujus autem doctores habent id pro Sacramento, quicquid ad promissionem divinam facit confirmandam. Ex eo existimant, in statu quoque innocentix jam existisse Sacramenta. *Hermannus Wisfius* eorum numeravit quatuor, *Jo. Brannius* duo,
180. *Calvinus* unum, scilicet arborem vitæ. *Rogerus Boyle* monuit, locum de Sacramentis in genere subjiciendum esse tractationi, de specialibus Sacramentis inscriptæ. Eam causam
181. Noster approbat, addens: *Rationem non video, quare, pertractatis iis, quæ ad circumcissionem pertinent, Jo. Fr. Buddeus in Institut. Theol. dogmat. confestim locum de Sacramentis in genere subjungat, immo hos ipsos Locos iis, quæ de Christo Redemptore, & de actibus gratiæ applicatricis, tradenda sunt, anteponat.* Finge tamen, B. Buddeum alium ordinem instituisse. An vero tunc iis, qui dissentiendo & refutando vitam terunt, fuisset materies refellendi ac reformandi satis ampla? Spem reformandi ordinem locorum theologicorum Noster ita facit
182. ecclesiæ eruditæ: *Nec tamen omnia ac singula ita perfecerunt Theologi, ut non subinde, adhibito scrutinio accuratior, commodior & facilior, Locos Theologicos digerendi, & inter se colligandi, habita maxime ratione controversiarum recens ortarum, appareat, suæque se utilitate commendat.* Addit ipse complura, ad corymbos eosdem annexenda. Si ad inscriptionem libri, in vertice semper repetitam, respicias, dubitabis, an hæc de ordine locorum theologicorum ad Baptismum
- Adamæ*



*Adami spectet. Sit tamen, sit pax rebus. Baptismus cense-*  
*tur in numero Sacramentorum, Sacramenta inveniuntur in syl-*  
*loge locorum theologicorum, & tractatio de particula mundi,*  
*de asbeskite, fenestram patefacit ad differendum de mundo*  
*universo. Rationem igitur videmus, cur in hac Commenta-*  
*tione de instruendo locorum theologicorum ordine copiosius*  
*præcipiat. Vix vero rationem videmus, cur, dimisso Rben-*  
*ferdio ac Baptismo Adami, Cel. Vir titulum libri continua-*  
*verit, ac nihilo minus de novis in Theologia veritatibus, den-*  
*turne tales, nec ne, disputet. Dari eas respectu intellectus*  
*humani, in dies addiscentis, ac ex cognitis in Theologia, præ-*  
*cipue mixta, Logices ministerio deducendis vel sibi, vel aliis,*  
*incognita, affirmavit Cl. Jacobus Carpovius in Præfatione, Psy-*  
*chologia sacratissima præfixa. Hunc Noster novellum Theo-*  
*logum vocat. Nostrium non est, controversiæ illi recensenden-*  
*æ dare operam. Subjungimus id Clugianum duntaxat: Theo-*  
*logi Wolffiani nostræ ætatis, Canzius, Carpovius, Riebovius, alii-*  
*que, in eandem (Philosophiæ in Theologia non ancillæ) viam*  
*ingressi, infelici ausu Theologiam novis veritatibus, vel erro-*  
*ribus potius novis, locupletarunt, adeo, ut, sicut Petrus van*  
*Mastricht Cartesianarum dedit, ita facili opera Wolffianarum*  
*novitatum gangranam suppeditare possim: Ita est: Qui sibi*  
*admodum placet & ultra modum, ei displicent omnes &*  
*omnia. Superest, ut nonnihil moneamus de eo, quod nec*  
*nos, nec Nova Acta hæc Eruditorum, Viro πολημισταῦ plac-*  
*cent. Nec id unquam expectavimus. Dictum fuit de ejus*  
*Animadversionibus in Meditationes B. Reinbeckii philosophicas*  
*de anima, ejusque immortalitate, in Supplem. ad hæc Nova Erud.*  
*Acta Tom. V Sect. IV pag. 181. In Præfatione, Baptismo Adami*  
*præmissa, multum desiderare videtur in ea recensione. Non-*  
*dum legeramus tunc illa Autoris: His a me dictis amicus ille*  
*facile acquiescebat. Quare his jam dictis in præsens acquiesci-*  
*mus. Vindicias nostras legent, si tanti hæc res fuerit, Lecto-*  
*res in Miscellaneis novis Lipsiensibus quam proxime. E re li-*  
*teraria publica haud duximus fore, si judicio Cel. Klugii com-*  
*moveremur. Non indignamur, licet ipse pro more suo no-*

Pag. 192.

197.

biscum agat. Nec inficiamur, ipsum perspicue, ubique promodum pure, & facili benignaque Minerva, notiones ac cogitata animi in chartis librisque evolvere. Non inficiamur, ipsum de *Rhenferdio*, *Beverlando*, Anonymo Gallo, aliisque erroneis, in hac Commentatione justissimum triumphum reportasse. Non inficiamur, ipsum indole vivida dotibusque variis eminere, meritisque suis excellere. Id vero nobis, sit venia verbo, displicet, quod fere nihil ipsi placere possit, unico illo excepto, quod ipsi est proximum, vel potius illud ego magnum. Displicebimus ipsi hac etiam confessione. Id unum tamen monemus ac rogamus eundem, ne ipse sibi persuadeat, nos unquam credituros, iudicio ipsius *Nova Acta* nostra vel statuta, vel casura. Nos certe generoso contentu impetus quoscunque excipiemus, rati, nos in opera nostræ conatu facillime acquieturos, sive ille laudabilis, sive ille prorsus illaudabilis, ab hoc, vel illo, rei suæ patrono appelletur.

JO. HERMANNI BENNER, S. S. THEOL. D.  
 & Prof. Ordin. Superint. & Consistorii Collegæ, Pæ-  
 dagogiarcbæ, ac Scholar. per Princip. Hass. super.  
 Ephori, Lerna Zinzendorfiana, ubi Comitum institutum  
 metaphrasticum excutitur, B. Lutherus vindicatur, pe-  
 stiferis novæ sectæ corruptelis occurritur, dispendia  
 disquisitione insolentissima Viri Cl. POLYCARPI  
 MÜLLERI, Eccles. Unit. fratrum Episcopi.

Lipsiæ, literis Breitkopfianis, 1744, 8.

Alph. 1 plag. 1.

**E**diderat Vir Venerandus *Tirocinium Zinzendorfianum*, in quo mentem suam de nova interpretatione Novi Test. apertius declaraverat. Illud *Polyc. Müllerus* multis conviciis laceSSiverat. Quare, ne communi causæ ecclesiæ, sibi, suoque honori, deesse videretur, & ne silentium ille causæ suæ justitiam interpretaretur, ipse, diocesi suæ ab istis hominibus metuens, scriptum hoc publicare, e re esse iudicavit. Ad-  
 versarium

versarium suum κατὰ πόδα sequitur, ipsiusque prolegomenis prolegomena opponit, & prout ille V Capita suæ disquisitionis fecerat, ita Noster pariter totidem constituit. In Prolegomenis agere fert, vocem τέκτων Marc. VI, 3, per Zim-mergesell verti, causatus, hoc ipso honoris haud parum detrahi Christo. Queritur de conviciis, in se & alios doctores Evangelicos plenis buccis effusis. Societatem suam Zinzendorfsiani sectam appellari nolunt, reliquos cœtus ecclesiasticos hoc nomine insigniunt. Ubi errores illorum eruuntur ac refelluntur, martyria se pati quiritantur.

Cap. I, quod est de instituto & animo Comitis metaphrasæ incassum vindicato, anquiritur, num licitum fuerit Comiti, novam adornare Novi Test. metaphrasin, & an etiam expediverit; num recte fecerit, causam & occasionem edendæ novæ metaphraseos celando. Novam adornavit versionem, ne quid cum Lutherana ecclesia commune haberet, & ut idem faceret, quod Lutherus. Nec juvat dicere, ipsum ad metaphrasin se accinxisse, cum ecclesiam nondum apud se collectam haberet. Num circumspecta prudentia sit usus, ubi, memoriæ felicitate fretus, versionem contexuit, textum Græcum, quod de se jactat, ne quidem inspiciendo. Qualis præparatio requiratur, ubi quis ad novam versionem animum appellat, & num illa Comes sit usus, vel uti voluerit. Nec satis sufficiens tempus operi huic impendit. Num ita instruxerit versionem, ut nihil sectæ suæ admiscuerit. Num dari possit metaphrasis, quæ, si determinatus sensus oraculorum divinatorum exhibetur, se probare queat sectis omnibus. Comitem, adhibendo stilum vulgarem, dignitati Scripturæ sacræ minus consuluisse. Nimia festinatio, qua in vertendo usus, non est probanda. Non sufficiunt rationes, quas allegat, quare tot nævi in versione deprehendantur. Notatur temerarium ipsius effatum, Christum multas forte phrasas rusticas, aut idiotismum operariorum Nazarethæ, adhibuisse, saltem Evangelistas tales retulisse.

Cap. II Vindiciæ metaphraseos B. Lutheri a fide simili- tudine novorum exhibentur. Comitem minus recte institu-

tum vertendi Nov. Test. & νέος, in metaphrasi admissos, exemplo *Lutheri* excusare. Vindicatur versio *Lutheri*, πάλαι-  
 τευμα reddentis per *Wandel*, & illud ἐξ ἧ referentis ad ἐπα-  
 νοῖς, scilicet quod ad sensum, *Phil. III, 20. 2 Petr. III, 16*, in  
 nonnullis Codd. legitur ἐν ἑαυτοῖς: *Lutherus*, transferendo ἐν  
 welchen, non clare expressit, num ad antecedens ἐπιστολῆς,  
 an ad τίνα, quod sequitur, sit referendum. Recte etiam se  
 habere illius interpretationem *Rom. XIII, 5*, ubi illa διὰ ἀνεί-  
 κη ὑποτάσσεται explicat, so seydt nun auß Noth unterthan.

Pag. 128. Porro docet, *Lutherum* in regulas grammaticas *Col. II, 14*,

136. *Rom. I, 19, 20*, non impegisse. Nec nexum orationis solvisse  
 1 *Tim. I, 3-5*, qui priori non sit connectendus per ἕως, cum  
 vocula δὲ opponatur proxime antecedentibus, quæ habentur  
 v. 4, δὲ autem, ut alibi, ita & hic, recte per enim reddi posse.

137-141. Πρώτον *Rom. I, 8*, *Lutherus* recte exponit per aufs erste, quod  
 etiam exemplis exterorum scriptorum probatur, Comes zu-  
 forderst, non rationem prægnantem habet, quare a B. Viro  
 discedat. Præter rationem etiam taxat illum, τὸς πάντας  
*Rom. XI, 32*, vertendo per alles, cum talis locutio, ubi sermo  
 est de omnibus hominibus, non insolens sit scriptoribus sacris

141-143. & profanis. Adhuc non mutasse tempora, ut sensus inde  
 prodeat minus verus, aut concinnus. 2 *Tim. (non 1 Tim.)*  
 IV, 8, *Lutherus* ἡγαπητός bene reddit in præfenti; præte-  
 ritum enim, a *Paulo* adhibitum, actum continuum involvit.  
 Idem dicendum de loco *Matth. XIX, 29*; quare, quod hic in  
 præterito dicitur, alibi per præsens, idemque futurum, expri-

143-145. mitur. Non vocibus præterea & phrasibus tribuisse sensum  
 alienum, nec voces & phrasas cum aliis permutasse. Vin-  
 dicantur hinc Scripturæ loca, quæ in exemplum adducta erant,  
 v. c. *Ebr. IX, 8*, ubi *Lutherus* ἁγία reddit per Heiligkeit,

147-148. quoniam designetur locus, sanctum sanctorum, in quo san-  
 ctitas Dei in propitiatorio apparebat. *Rom. I, 32*, idem vocem  
 δικαιοσύνη, cujus diversi significatus recensentur, recte con-  
 vertit die Gerechtigkeit, quamvis non negetur, etiam præce-

148-152. ptum, & præceptum legis, exponi posse. Locum *Ebr. XI, 3*,  
 a *Luthero* accommode explicari de rerum omnium, quæ ante

non

non existerant, per omnipotentiam Dei productione, curate & prolixè demonstrat, rejecta erronea *Mülleri* interpretatione, per αἰῶνας determinatas rerum mutabilium periodos, & per Φαινόμενα signa prognostica futurorum contingentium, intelligentis. *Lutherum* aliquando verborum modos & genera mutare, non sine difficultate & mutatione sensus, *Müllerus* ex *Ebr. VI, 4-6, 1 Cor. VI, 4, Gal. III, 7*, adstruere conatus erat, sed contrarium ostendit Noster. Eundem in versione sua subinde errasse, non quidem diffitetur, sed plures longe errores admisisse Comitem, in illis etiam locis, in quibus *Lutherum* notavit, quorum plures ex sola Epistola 2 *Petri* in medium profert. Aliquando Virum illum magnum lapsus commisisse, puram doctrinam tollentes, vel impuram introducentes, idem ex *Rom. XIII, 5, VIII, 3, Ebr. XI, 3, Jo. I, 9, 1 Cor. XV, 44*, firmare fategerat, sed vero, quam infelicitè hic conatus ipsi cesserit, docetur. In exercitatione sua Vener. *Bennerus* loca quædam Scripturæ illustraverat, v. c. 2 *Cor. V, 11, 12, 1 Petr. III, 21, Ebr. XII, 1*. Circa illa *Müllerus* partim aliquæ notaverat, partim in alienum sensum traxerat; hæc igitur de novo explicat & vindicat. 2 *Cor. V, 21*, voculam ὑπὲρ non satis emphatice *nostro bono* declarasse Comitem, cum manifesta surrogatio indicetur. Adduntur 1 *Jo. III, 16, Gal. III, 13, Ebr. II, 9*. Num Spiritus sanctus pater Christi ratione humanæ naturæ haberi queat, disceptatur, & contrarium adstruitur. *Müllero*, extenuanti errores, a Comite circa locorum nonnullorum interpretationem commissos, v. c. *Rom. VII, 4, Gal. V, 4, IV, 1, 1 Petr. I, 4, 5, Rom. VII, 6, Gal. IV, 27, 1 Cor. XIII, 4, Rom. VII, 8, 18, 2 Cor. V, 21*, fortunam non favisse, non veritatis normam sectatum esse, sed hujus hostibus herbam subinde porrexisse, doctè ostenditur.

*Caput III de fisco Comitæ tirocinio male edito* inscriptum est. Comes edendo tirocinium a levitate immunis pronuntiarî non potest. Ψευδευχέριαν locorum *Ebr. XII, 1, 2 Petr. I, 21, Rom. VII, 25*, in apicem locat. Statuit Comes, Christum Nazarethæ inter operarios educatum, pariterque inter mercenarios lignariorum, antequam munus propheticum aggredere-

tur, versantem, post, ad docendi munus cum accessisset, dicendi genere plebejo fuisse usum, ut hinc illius sermo obscurus existat illis, qui istiusmodi humili dicendi generi assueti non sint. Hanc temerariam opinionem Cel. Autor a persona & stilo Christi ita depellit, ut, nisi Comes veritati dato studio resistere velit, in contrariam sententiam pedibus ire debeat. Quodsi enim vel maxime datur, Christum, quamdiu vitam privatam egit, operam suam patri suo putatitio, *Josepbo*, addixisse, illud tamen ipsi in dedecus non cedit. Concedamus etiam, ipsum in familiari vitæ consuetudine dialecto Nazarethana usum fuisse, & forte illud dicendi genus, quod usu tritum fuit inter opifices, sectatum esse, num inde consequitur, ipsum Prophetam & doctorem istiusmodi loquendi rationem & modum in usum suum traduxisse? Theologi, & quidem recte, affirmant, Prophetas *Θεοπνεύστους* ita in potestate spiritus fuisse, ut non res solum, verum etiam verba, suggererit. Quod ubi de Prophetis gregariis est dicendum, quanto magis de Prophetarum omnium maximo, *Θεανθρώπῳ*, cujus conjuncta divinitas mentem ipsius humanam ita rexit, ut non solum mysteria regni cœlorum perfecte cognita ipsi reddiderit, verum etiam verba præformarit, quibus illa convenienter rebus efferrentur. *Caput IV de corollariis Zinzendor-  
fianis* agit. Refutatur sententia Comitum, asseverantis, peccatum proprie non nisi unum esse, incredulitatem. Nec ferre vult, ut dicatur peccatum originale. Quod de triplici peccatorum remissione ex sententia Comitum differitur, ad examen revocatur. Lutheranismum, qua cœtum, non modo non esse unicam, sed ne veram quidem, ecclesiam, pronuntiaverat Comes, cujus opinionis momentis scite librat, contrarium evincitur. Num cœtus *Zinzendorfianus* sine controversia sit sancta & pura ecclesia, purior ecclesia Corinthiaca, disceptatur. Illustratur locus *1 Cor. VII, 4. Paulum 1 Cor. VI tradere principia canina, & ut corrupta natura & consuetudini ad tempus cederet*, quod sibi persuadet Illustrissimus Zinzendor-  
fius, solide retundit. Ubi loquitur is de ecclesia, non nisi suam intelligit. Quo jure, quave injuria, jactitet, *neminem salva*  
con-

*conscientia ministrum ecclesie Lutheranae esse posse, nisi vel homo simplicissimus sit, vel omnibus numeris absolutus, excutitur.* Num recte faciant auditores, se a sacrae cœnæ usu, & commercio pastorum, in quibus aliquid est labis, sejungendo. 325-334. Contra Scripturæ autoritatem dici, Spiritum sanctum genuisse & educasse Christum. In injuriam meriti Christi & dignitatem credentium Vet. Test. vergere, ubi dicatur, illos non fuisse sine macula, vel irreprehensibiles, credentes contra Nov. Test. esse sine macula & irreprehensibiles, cum illi justificati sint per legem, hi per fidem. *Cap. V de animo Cl. Mülleri in disquisitione sua demonstrato* disserit. Animum suum cum illo *Mülleri* confert Rev. Autor. Qui illud sit intelligendum, si male scripisset Comes, id fassuram fuisse ecclesiam, declarat. Ut istiusmodi animum induat, qualem optat *Müllerus*, deprecatur. *Müllerus* id agit, ut Comes habeatur pro *Luthero*, &, qui illi devoti non sunt, pro Pontificiis, *Emsero* similibus. Iniquum esse *Müllerum*, judicantem, se in exercitatione sua usum esse stilo ludicro, nec tamen negat, levitatem atque ineptias Comitum conveniente stilo notavisse. Judicium de damno, quod *Müllerus* censet *Bennerum* sua exercitatione fecisse, expendit. Autores Novorum Francofurtensium, compendium exercitationis *Benneriana* dantes, vindicantur. Totum opusculum hoc comto, terfo, ac festivo, stilo est exaratum, amor pro puritate doctrinae evangelicæ ubique elucet, illis argumentorum ponderibus utitur eximius *Bennerus*, ut in angustias adversarios conjiciat, artes, quibus Comes nova dissidiorum semina spargere, suamque factionem amplificare, contendit, deteguntur. 334-338. 346-352. 352-356. 358-362. 364-367. 370-378.

**BRACHYLOGUS JURIS CIVILIS, SIVE CORPUS legum, paulo post Justinianum conscriptum, pandens totum Juris Justiniani ambitum, cum notis perpetuis LUDOV. PESNOTI, PARDULPHI PRAE-  
TEJ, & NIC. REUSNERI. Edidit, præfatus est, emendavit, cum sex Appendicibus, & Indice gemino, in  
usum**

usum Auditorii sui D. HENR. CHRISTIAN.  
SENCKENBERG.

Frankofurti & Lipsiæ, 1743, 4.

Alph. 2 plag. 11.

Si eo meliores in Jure Romano progressus facere tirones creduntur, quo commodiore via ad sanctas ejusdem perducuntur reliquias; omnes certe, sive adhuc inter discentes versentur, sive docentium jam spartam ornent, applaudant, necesse est, gratiasque agant maximas, Perillustri *Senckenbergio*, antea JCro Gissensi, nunc gravissimo Senatus Imperialis aulici Collegæ, quod elegans hoc Jurisprudentiæ civilis Compendium, cujus prope memoria aboleverat, novo instructum ornatu, in lucem conspectumque proferre voluerit. Cum, ut Præfatio indicat, cujus potiora recensebimus argumenta, in hujus libri exemplar forte incidisset Editor, scriptorum methodicorum amantissimus, exultavit lætitia, Autorisque virtutes, olim, nec sibi satis cognitæ, nec etiam in Germania & Belgio amicis, instituto diligentiori examine, mirificas esse, ac paucorum proprias, animadvertit. Mox igitur de recedendo hoc Brachylogo cogitavit, cujus quatuor exstare monet editiones. Primam Vir Celeberrimus eam esse opinatur, quæ Lugduni A. 1559 forma, quam octavam dicimus vulgo, studio *Ludov. Peshoti*, eruditi librarii, absoluta est, adjectis partim suis, partim antiquioribus, notulis. Deinceps hic ipse liber in *Vol. V pag. 499 seq. Corporis Juris glossati ibid. A. 1562 fol.* prior editione longè correctius, recusus est, cum brevibus *Prateji* observationibus. Tum tertiæ editionis in se curam suscepit *Nic. Reusnerus* Ffr. A. 1590, 8, textumque in paragraphos partitus est, & notas perpetuas adjecit, nimium autem indulgens ingenio, multa inseruit aliena, multa etiam vel immutavit temere, vel in diversum nonnunquam sensum detorsit. Idem ille meminit editionis Lovanienfis, adeoque quartæ, cujus inspiciendæ occasionem natum se esse, negat Ill. *Senckenbergius*. Effecit tamen, pro suo interserviendi omnibus studio, ne novæ huic editioni quidquam deesset,

§. 2, 3, 4.



deesset, quod laudati modo viri ad libri usum ac splendorem contulerunt, imo ut aptior redderetur tironibus, non tria solum graduum cognationis schemata adjecit, a *Charonda* editioni Institutionum addita, pariterque *Cujacii* indicem obligationum & actionum, quem *Alexander Chassaneus* Paratidis suis ad Instituta jam inferuerat, sed varias etiam abesse noluit appendices, scilicet *Matth. Wesembecii* Epistolam de formando studio Juris; *Simonis a Leuwen* Historiam Juris; *Sam. Strykii* rationem allegationis jurium; *M. G. J. C.* scriptum, ostendens, quæ in cujusque tituli legumque elucidatione observanda; *Christ. Besoldi* Breviarium Institutionum; denique indicem titulorum omnium & Civilis & Canonici Juris. Quod ad ætatem ac patriam Autoris attinet, lucem eum adspexisse minimum temporibus *Justini II*, Imperatoris, suspicatur, idque ex his rationibus, quod stilus sit græcissans, nec ad Longobardorum dicendi rationem effictus; quod *MSti* Codices vetusti sint, iisque adjuncti *Paulus*, *Ulpianus*, & *Cajus*, qui medio ævo nullius pretii erant apud Glossatores; quod stilus nitidior, ac forma libelli alia, videatur, quam quæ Glossatorum ætati conveniret; quod nemo *JCtorum*, qui medio ævo vixerunt, vel verbo Autoris mentionem injecerit, ac postremo, quod verba Juris Romani retenta fuerint, &, ad *Justiniani* præceptum, sola exposita paraphrasi. Natione Italum, aut Afrum saltem illic commoratum, esse Autorem, persuasum sibi habet Perillustis Editor, argumento tamen, si ad Africam respexeris, non adeo stabili, ut ipse haud diffiteatur. Quæ huic de ætate ac patria Autoris sententiæ reponei forsitan possent, ea non remouet solum & infringit, sed de *MStis* quoque exemplaribus, in Gallia inventis, loquitur, quæ cum accuratius describere jam non licuerit, alio forsitan tempore se id præstiturum pollicetur, quod nunc vero graviora Viri summi negotia vix, nisi prorsus fallimur, permittent. Nomen libelli, qui modo *Brachylogus*, modo *Corpus legum*, dicitur, unde potissimum derivari debeat, & quanta sit ejusdem in explicando Jure ac discendo utilitas, luculenter ostendit Editor, imo plura nonnunquam exhiberi ob-

- §. 21, 22. fervat in eo, ac in universo Corpore Juris civilis, quod vel ex solo evinci *Libro IV* potest, ubi totius Juris Romani processus ordine pertractatur. Ratio est, quia *Justinianus*, suis scribens Græcis & Romanis, quibus procedendi modus quotidie ante oculos erat, eo minus necesse putavit omnia fusius enarrare, quo magis habebatur certum, hoc ipsum non ad Jctos pertinere, sed ad Rhetorum scholas, ex quibus noster multa defumfit. — Hunc cum Italum, aut Afrum, fuisse dictum sit supra; satisfactum etiam iis est, qui, falsis seducti principiis, Juri Romano omnem prope ante *Lotharium* auctoritatem in Italia denegarunt. Inde Perillustris *Senckenbergius* excurrrens non-nihil, de usu Juris *Justiniani* differit plura notatu digna, eo quidem consilio, ut destruat simul historiam Amalphitanam, scilicet nullo illius temporis autore probari posse, quod Pandeetæ ex Amalphitana urbe delatæ Pisas fuerint. Novimus lites, nostra ætate a viris doctissimis de hac fabula motas, quibus eleganter expositis, ad hodiernam Jura docendi methodum transgreditur. Onerantur tirones, ubi vix præcipuos artis terminos intelligunt, horrendis adspectu Commentariis, & mille nugas, mille inanes resolutiones, a præceptoribus audiunt. Addunt isti ingeniorum tortores observationum nubem, in quibus, frigidis licet, calamo tamen excipiendis, vetustissima, & abrogata dudum, Pandeetarum capita magnificis verbis commendant, de ipso usu forensi parum solliciti. Quam perversam seculi consuetudinem sicut merito dolet atque improbat Editor, reconditæ eruditionis laude fulgentissimus; ita etiam, quasi supplementi loco, ad 46 seq. Dissertationem, quam Gissæ A. 1742 divulgaverat, de *Jurisprudentia certa methodo tractanda*, varios addit scriptores, quos vocat methodicos in Jure, iisdemque concludit Præfationem, lectu dignissimam.

OBSERVATIO DE SATELLITE VENERIS, facta a JACOBO SHORT, Reg. Soc. Lond. Socio, mane d. 23 Octobr. A. 1740. Translata ex Transact. Philos. Anglic. Num. 459 pag. 646.

Cum

Cum Telescopium reflectens, cujus focus esset 16, 5 pollicum, & apparatu motum diurnum prosequendi instrumentum, Venerem versus direxisssem, observavi stellam exiguam ipsi valde propinquam. Cepi statim aliud Telescopium ejusdem foci, objecta circiter 50, aut 60, vicibus augens, & Micrometro gaudens, cujus ope distantia fideris a Venere mensurari posset; eamque inveni  $10^{\circ}$ ,  $2'$ ,  $0''$ . Cum autem Venerem valde distinctam, adeoque aerem maxime serenum, animadverterem; Telescopium ita adornavi, ut 240 vicibus magnitudinem augetet; quo facto, summa cum admiratione, stellam istam ejusdem cum Venere phaseos conspexi. Idem prorsus adhuc inveni, cum Telescopium tantum 140 vicibus augendi vi instruxisssem. Diameter stellulæ circiter tertiam, aut quod decedit, partem diametri Veneris constituere videbatur. Lumen ejus non erat adeo coruscans & vividum, attamen insigniter distinctum & probe terminatum. Recta, per ipsam & centrum Veneris ducta, occurrebat Æquatori sub angulo circiter 18, aut 20, graduum. Vidi eam hoc mane repetitis vicibus per integrum horæ spatium; ast, splendore solis oriundi incremente, circiter quadrante horæ post octavam penitus e visu perdididi. Diebus insequentibus, quoties tempus matutinum esset serenum, eandem oculis lustravi; sed nunquam mihi licuit esse adeo felici, ut ipsam de novo conspicerem. De simili Observatione in Astronomia sua mentionem facit *Cassinus*. Observavi quoque duas maculas obscuriores in disco Veneris; erat enim aer apprimè serenus.

**DANIELIS EBERHARDI BARINGII DESCRIPTIO**  
*Salæ Principatus Calenbergici locorumque*  
*adjacentium.*

Lemgoviz, sumtibus Joannis Henr. Meyeri, 1744, 4.

P. I Alph. 1 plag.  $21\frac{1}{2}$ , P. II Alph. 1 plag.  $19\frac{1}{2}$ .

**P**ræclare de patria sua Opere hoc, lingua scripto Germanicæ, et si titulo ex parte Latino ornato, meretur Cl. Autor, qui prope Hemmendorffium in Principatu Calenbergico, Electoratum Brunsvico-Luneburgensium terrarum parte, lucem vitalem

adspexit. Præfationem consecravit recensendis de fluviorum origine sententiis ita, ut, illos ex marinis aquis, in hydrophylacia telluris redeuntibus, primordia capere, doceat, ratus, aquas in fundo maris esse dulces. Laudat ipse *J. J. Schüsslerum*, Rectorem scholæ Eimbecensis, qui Leinam flumen ac amnes, se in illum exonerantes, Programmatibus haud unis descripsit. Partem Leinæ investigavit Physicus Gœtingæ *Cyriacus Henricus Ebelius*. Notat Autor novos *Casp. Schneideri*, qui *Saxoniam veterem & novam, magnam in parvo*, collegit, *Joannem Conradum Knauthium* editorem & accessionum architectum nactus. Omisit certe *Schneiderus* amnes bene multos, ac passim reddidit eos anonymos, quibus nomina sunt sua. Loca ipsa & fluvios haud obiit *Schneiderus*, e mappis quippe geographicis pleraque duntaxat edoctus. Lustravit Noster ipse Salam, Lauensteinensis præfecturæ fluvium, A. 1739 & 1741, ac singula ibi loca peragravit. Enumerat fluvios, quibus æque nomen est *Sale*. Historiam salinarum Hemmen-dorfensium ex Diplommatibus repræsentavit. Inferuit his monumentis ineditas notitias *Joannis Lezneri* de vico Wallensen, de Cœnobio Marienau, ac de oppido Eltze. Disseruit de vocibus passim vetustis, eisque Teutonicis, de loco Dudingē, de cantilena *Henneke Knecht wat wut du daun*, de specu *Lippoldi*, de Lauensteinensi dynastia, de *caminatis*, de fodinis lithanthracum, de officina vitriaria Osterwaldensi, de fonte medicato, de urnis Lauensteinii detectis, ac de Ecclesiasticis locorum singulorum. Flumina scilicet sale fecunda quondam dicebantur *Sale*. Sala Lauensteinensis supra villam Capellenhagam e nonnullis fontibus scatebrisque oritur, ac prope oppidum Elze, seu Aulicam, sese Leinæ committit. Dudingæ natus fuit *Joannes Georgius ab Eckbart* patre *Juane Casparo Eckbarto*, præfecto rei venatoriæ superiori, gente Thuringus. Majores ipsius habitarunt prope monasterium Portense. Ipse A. 1721 a gloriosissimæ memoriæ Imperatore *Carolo VI*, cui *Origines Habsburgo-Austriacas* inscripserat, ad honores nobilitatis fuit evectus, Wirciburgi A. 1730 defunctus. *Wallensen*, seu *Walhausen*, olim *Walehusen*, villa pagi *Gudingē*, Seculo jam

Pag. 1.

4.

8.

16.

jam XI claruit. Dynastæ Homburgenses locum mœnibus altis, quorum rudera supersunt, cinxere. Archidiaconus Walhusensis quondam rectorem ecclesiæ ibi in functionem parochialem per *traditum altaris cornu* immisit. Nostro visum est, per hoc *cornu* designari reditus, e parochia percipi solitos. Quid vero impedit, quo minus cornu Parocho novo traditum fuerit? Dantur variz ejusmodi ævo medio traditiones symbolicz. *Cornu* tunc temporis quoque dicta fuit *mitra cornuta*, *almutium cornutum*, gestamen ad altare adhibendum. *M. Samuel Erich* fuit in Wallensen ad tempus ecclesiastes, qui A. 1643 edidit *Exodum Hamelensem*, ac Epigrammata Latina condidit, quorum pars prior Lipliæ A. 1698, posterior Brunsvici A. 1700, 8, evulgata est. Vitam ejus Noster succincte enarravit. Pater *Baringii* fuit *Henningus*, Ecclesiastes Obergæ, mater vero *Berckelmannia*. Ipse vero in prima ætate Hemmendorpii ad Salinas fuit educatus. Idem animadvertit, circa annum 1530 in Saxonia inferiori desisse in dicasteriis usum dialecti patriæ, inductamque in ea fuisse dialectum Misnicam. Salinæ Hemmendorfienses jam Seculo XII floruerunt, ac Hemmendorffium dictum fuit *Swalenbusen*, pagus Gudinge proprium. Vox *Sock* ibi denotat quadratam falis corbem, quinque & dimidium modos capientem, quos vocant Himpten. Villas, ibi olim sitas, postea desolatas, enumeravit Cel. Autor haud unas. *Tarras* est farina ex tophite pistillis incussis parata, cui si admixta fuerit calx optimæ notæ, inde oritur materia conglutinans, intra aquas indurescens mirum in modum. De septem acervis lapidum Fallingbostelanis fusius exposuit Noster. *Erasmus Francisci*, polygraphus, natus fuit Lauensteinii patre *Erasmo Fix*, Consiliario Ducum Brunsvico-Luneb. ac profatræpe Lauensteinii ac Lauenaviz. Juvat hic legisse vitam illius *Erasmi Francisci*. Divertit Noster porro ad Speigelbergam, ac Comites, inde denominatos. *Speigelberg* Saxonibus vetustis erat locus declivis montanus, e cujus fulcis, seu canalibus devexis, aqua sese proluendo præcipitat, quasi dicas *Spählberg*. Non vacat nobis in præsens facellum S. *Anna* Speigelbergense cum Cel. Autore intueri.

Pag. 25.

33.

37.

42.

50.

56.

111.

124.

158.

177.

185.

- Pag. 231. *Hozingessen villa* ab eo revocatur ad villam Heinsen. Nisi illa ad pagum, a Gudinge diversum, spectasset, haud repugnaremus. *Heinsen villa* procreavit *Jacobum Lampadium*, Procancellarium Hannoveranum. In villa vero vicina *Esbeck*
237. patre ecclesiae natus fuit *Justus Gesenius*, postea Superintendens generalis Calenbergicus. Vitam & scripta utriusque
244. Noster exposuit accurate. Ad cornua Ammonis Marienhagenia hinc procedit. Illustrat villas varias *Osebe* ac *Lede*.
260. Episcopatum Hildenesheimensem primordia Aulicæ debere, tradit. Nobiles de *Aulica*, *Eletse*, *Elze*, dictos, indicat bene
265. multos. Hæc potissime ad *Partem priorem* spectant. *Posteriori* vero recensentur scriptores de salinis generales & speciales, exponitur ordo defluentis Salæ, exhibentur 58 Diplomata, generosissimorum Dominorum *de Bock* genealogia expromitur, ac septem catalogi ecclesiasticarum, *Parte priori* omissi, subjunguntur. Laborem feliciter exantlatum Cl. Autori, in itineribus ipsis ad commoda publica attento, ex animo gratulamur.

**BIBLIOTHECA RINCKIANA, SEU SUPELLEX**  
*librorum, tam impressorum, quam MStorum, quos per omnia scientiarum genera collegit Vir quondam Illustris, Dominus EÜCHARIUS GOTTLIEB RINCK, Jctus, hereditarius in Stætteriz, Sacræ Cæs. Maj. Consiliarius, Academiæ Noricæ Senior, ac Antecessor primarius, cum Præfatione ADAMI FRIDERICI GLAFEY, Jcti.*

Lipsiæ, apud viduam B. Casp. Fritschii, 1747, 8.

Alph. 3 plag. 19.

Notum satis est atque celebratum inter eruditos beati *Rinckii*, de Academia Altorffina pariter atque orbe literato præclarissime promeriti, nomen. Ante biennium is, debitum naturæ solvens, ad meliorem vitam secessit quidem; fama autem optimi Viri, tantum abest, ut morte ejus fuerit oblitterata, ut

ut in omnium, qui virtutes *Rinckianas* norunt, animis perpetuo superstes futura sit. Reliquit enim, præter varia eruditionis & ingenii specimina, Bibliothecam, omnis generis doctrinæ scripta continentem, & apud privatos vix alibi inveniendam. Gaudemus igitur, notitiam tanti thesauri nobis impertitam a Viro Illustri atque Celeberrimo, *Adamo Friderico Glasfey*, Viro insignis in aula Saxonica famæ, & ob doctrinam pariter, atque in rebus gerendis solertiam, summa veneratione dignissimo. Auspiciatissimo is matrimonio cum filia B. *Rinckii* junctus est, eamque ob causam de catalogo Bibliothecæ, a Socero relicta, compilando serio cogitavit, nullisque laboribus ac tædiis, quæ tale opus asferre solet, publicis licet negotiis haud parum distractus, pepercit. Vivus nimirum adhuc *Rinckius*, nullo unquam catalogo, ne minimo quidem unius plagula, usus est, sed ex tanta librorum copia, nullo fere ordine collocatorum, (tanta erat Viri summi memoria,) facillimo negotio quemvis desideratum librum invenire potuit. Varia, uti facile est ad intelligendum, ex tumultuaria hac librorum dispositione hæredibus nata sunt incommoda, & nos Illustri hujus Catalogi Autori, multiplicatum hac ratione vehementer laborem quiritanti, facile fidem habemus. Grates interim ipsi agimus amplissimas, quod splendidissimum hunc librorum apparatus, Regum opes æquantem, in egregium non solum ordinem digesserit, verum etiam de variis libris observationes admodum selectas, & ex intimis Historiæ literariæ penetralibus depromtas, adperserit. Ut ergo, quantum debeant *Glasfey* βιβλιόφιλοι, eo melius cognoscatur, ordinem, quo hoc in Catalogo concinnando usus est, delineabimus, & ex adjectis annotationibus specimina quædam asseremus. Universam Bibliothecam sex Partibus generalibus III. Autor descripsit, quarum *prima* Theologiam, *altera* Jus privatum, *tertia* Historiam & Jus publicum, *quarta* artem medicam, *quinta* Philosophiam, *sexta* denique Codices manu scriptos, & qui illis ob raritatem accensentur, sub artis typographicæ incunabula impressos, complectitur. Singulas vero Partes in varias Sectiones subdivisit, cujus ordinis

- nis rationem, & tabulæ, in fronte Catalogi positæ, exhibent, & Præfatio, admodum doctæ & eleganter conscripta, fusius declarat. Placuit interim ei, Caput præliminære, libros de mediis ad eruditionem perveniendi complectens, quale in aliis Bibliothecarum universalium catalogis, minus tamen recte, omitti solet, præmittere. In hac classe inter alia comparat *Jo. Philippi Slevogtii Parergon de æxiotis maledici disputatoris*, Jenæ A. 1688 emissum. Observat hoc de libello Ill. Autor, eum *Puffendorffio* dedicatum a *Slevogtio*, cum famam, a *Puffendorffio*, qui præcipitanter nimis dixerat, *neminem Jenæ esse, qui pure & eleganter Latine scriberet*, vindicare anniteretur. De *Cornelii Agrippæ a Nettesheym* libro, de *vanitate omnium scientiarum*, Hagæ Comitum A. 1662 typis impresso, monet, in quibusdam ejus editionibus varia, quæ non e re Ecclesiæ Romanæ erant, omiſsa esse, hanc tamen editionem cum prima,
- Pag. 2. eademque incorrupta, anni 1530 consentire. *Partis primæ*, theologicos libros exhibentis, *Caput primum* de fontibus Theologiæ agit. Comparant ibi quamplurimæ sacri Codicis editiones, quas inter *Biblia polyglotta Antwerpensis* eminent.
3. *Capite secundo* scripta Patrum, vetustiorumque Theologorum, recensentur. Agmen in his ducunt *Cotelerii Patres Apostolici*, Amstel. A. 1724 excusi. In *Tomo* hujus Operis *secundo*, *Parte secunda*, post *paginam 268* *Guilielmi Beveregii Codicem Canonum ecclesiæ primitivæ vindicatum* apponi, Ill. Autor docet. Quamvis autem integer is liber appareat, Dedicacionem tamen ad *Wilhelmum*, Episcopum Cantuariensem, nec non
6. *Canones Apostolicos*, in eo desiderari, conqueritur. Reliquæ Patrum editiones, hic recensitæ, neque copiâ, neque præstantia, se commendant. *Caput tertium*, *Scriptores Historiæ Ecclesiasticæ* amplectens, in varias Sectiones subdivisum est. In prima Sectione collectores subsidiorum, seu apparatus ad Historiam Ecclesiasticam, exstant, qui tamen totus apparatus unico duntaxat libro non adeo magni pretii absolvitur. Majoris multo faciendâ est Sectio secunda, in qua *Scriptores Historiæ Ecclesiasticæ universales*, tam antiqui, quam recentiores, enarrantur. In antiquis eminent *Eusebii*, *Socratis*, *Sozomeni*, aliorumque



Pag. 8.

rumque Græcorum Historia Ecclesiastica, Cantabrigiæ junctim edita, de cujus editionis præstantia Ill. Autor erudite disputat, a *Samuele Parckero* hosce Scriptores in Anglicam linguam translatos, monens. Inter recentiores hic nominari merentur *Casaris Baronii Annales, duodecim Tomis* Moguntia A. 1601 excusi. *Baronium quindecim Tomos* horum Annalium composuisse, tresque nondum editos apud Patres Congregationis Oratorii latere, ex *Hieronymi Vecchietii* opere de *sacrorum temporum ratione* Ill. Autor docet. Hanc vero editionem Moguntinensem ab ipsomet *Baronio* fuisse recognitam, & præstantiorem esse Antwerpensi, quippe in qua *Tractatus de Monarchia Sicilia* desideretur, monet, deque aliis *Baronii* editionibus, quas bibliopolæ Itali pararunt, disputat. Occasione *Abrahami Bzovii Historia Ecclesiastica, ex Annalibus Baronii* excerptæ, & Colonia A. 1617 *tribus Tomis* excusæ, monet, *Bzovio* acerrimum hostem contigisse *Herwartum*, Consiliarium Bavaricum. Is enim in controversia de *Ludovico IV* Imperatore, cum ipso agitata, non substitit, sed vindictam suam in omnia ejus scripta extendit, siquidem in mantissa, operi suo de *Ludovico* defenso adjecta, hoc *Bzovianum* opus acerbè fatis perstrinxit. Duos autem duntaxat hujus Operis *Tomos* ipse *Bzovius* composuit, ac tertium *Jo. Fridericus Matthesius* adjecit, in eoque *Bzovii* epitomatores egit. Centuriarum Magdeburgensium editionem Basileensem, A. 1560 *tredecim Voluminibus* impressam, primam vocat Ill. Autor, deque altera hujus operis editione, A. 1624 publici juris facta, quamplurima lectu dignissima in medium profert. *Sectione tertia* Scriptores Historiæ Ecclesiasticæ particulares, secundum gentes, regna, & provincias, insigni numero & selectu recensentur. Exstant inter eos *Melchioris Inchoferi*, e societate Jesu, *Annales Ecclesiastici regni Hungariae*, quos rarissimos vocat Ill. Autor, eorumque *Tomum secundum*, a sociis offensis suppressum, nunquam prodisse, observat. Excipit illam *Sectionem* Historia Conciliorum & colloquiorum theologicorum, eamque singularia themata Historiæ Ecclesiasticæ sequuntur. Preprehendimus in illis opus valde volu-

9.

13.

- minosum atque egregium, quod *Acta Sanctorum* audit, nec non *imaginem primi seculi societatis Jesu, a provincia Flandro-Belgica ejusdem societatis representatam*. Istius libri rarissimi, Antwerpiae A. 1640 emissi, compilatorem *Joannem Tollenarium* dici, atque huic libro, de quo Jesuitae vehementer gloriabantur, alium quendam, *Elixir Jesuiticum* inscriptum, oppositum esse, Ill. Autor observat. De variis etiam editionibus *Catalogi testium veritatis Flaciani* docte admodum disputat, nonnulla a *Buddeo*, in *Isagoge historiae theologiae* nondum observata, supplens, & editionem *Francofurtensem*, A. 1666 a *Jo. Conrado Dieterico* adornatam, quam *Catalogus* hic exhibet, ceteris omnibus praestare, judicans. Occurrit quoque inter hos libros aliquis, *le Jesuite secularise* dictus, nec non alter, qui inscribitur *Critique du Jesuite secularise*, Coloniae A. 1683 impressus, quem librum acerbissimam contra Jesuitas continere censuram, qualis vix unquam prodierit, eumque ab homine Sociniano fuisse compositum, ab Ill. Autore docemur.
29. Inter scripta, historiam Theologiae gentilis continentia, qualia in *Sectione septima* comparent, agmen ducit *Gerhardi Joannis Vossii de origine ac progressu idololatriae Tractatus*, quam *Vossii* lucubrationem inter omnia, quae is scripsit, principem obtinere locum, & editionem *Amstelodamensem*, A. 1668 impressam, reliquis longe praestantiorē esse, ex *Colomesii Bibliotheca selecta* annotatur. *Caput quartum* continet *Commentatores & interpretes Scripturae sacrae, quintum* *Compendia & Systemata theologiae, sextum* libros, Theologiam naturalem explicantes, quos inter *Julii Caesaris Vannini Amphitheatrum* deprehendimus. *Capite septimo* libri, ad Theologiam moralem pertinentes, *octavo* fontes ac dogmata Theologiae gentilis, inter quos tamen libros variae etiam *Alcorani* editiones habentur, comparent. *Caput nonum* scripta Theologiae polemicae, *decimum* libros concionum, precum, & cantionum, exhibet, quibus admixti sunt nonnulli Pontificiorum hujus generis sat lepidi libelli, uti est *Abrabami a S. Clara beissfames Gemisch-Gemisch*. *Undecimo* *Capite* opera theologica varii generis habentur. *Duodecimo* *miscellanea & singularia opera theolo-*

theologica comparent. Quamplurimis horum librorum titulis præclaræ annotationes ab Ill. Autore adjectæ sunt, de quibus fufius dicere, angusto nimis spatio inclusis nobis haud licet. Properamus enim ad reliquas Catalogi partes, quæ libros, Juris scientiam illustrantes, atque adeo B. possessori inprimis familiares, continent. Pars ergo Catalogi *secunda* libros Juris privati sistit, eaque ob argumenti amplitudinem, librorum copiam, & meliorem ordinem, in libros, capita, & sectiones, subdivisa est. - *Liber primus* Juris civilis, tam Romani, quam Germanici, subsidia exponit, ejusque *Caput primum* fontes Juris Romani aperit. In hunc censum referuntur varæ Codicis *Justiniani* atque *Theodosiani* editiones, quas inter *Gregorii Haloandri editio Codicis Justiniani, Noribergæ A. 1530* excusa, eminet, cujus quippe raritatem scriptores, ab Ill. Autore citati, mirantur. Idem dicendum de *Jacobi Cujacii Codice Theodosiano, A. 1586* cum fragmentis annexis edito. Fragmenta enim, huic editioni adjecta, apud *Gotbolfredum* frustra quæri, *Georgius Beyerus* jam monuit. *Joannis Heroldi Origines ac antiquitates Germanicæ*, leges veterum Germanorum comprehendentes, præstantiores sunt editione *Lindenbrogii*, cum & præclaræ voces Theodiscæ, quas *Lindenbrogius* omisit, hic appositæ, & in fine etiam nonnulla, a *Lindenbrogio* prætermis-  
 67.  
 sa, adjecta sint. In *Capite secundo* fontes Juris Saxonici, - tam communis, quam Electoralis, habentur. Excipiunt eos libri, ad Jus statutarium provinciarum ac civitatum Germaniæ spectantes, ubi quamplurimæ simul Dissertationes, peculiaria certorum locorum jura illustrantes, in fasciculos collectæ, comparent. Inter Systemata Juris civilis Romano-Germanici *Everardi Ottonis Thesaurus Juris Romani* quoque relatus est, reliqua non adeo magni facienda sunt. Commentatores in peculiare quædam Juris civilis species dein sequuntur, quorum prior classis Jus militare continet, quam Jus metallicum, æconomicum, criminale, cambiæ, aquaticum, excipit. Inter Commentarios ad fontes Juris civilis *Marquardi Fræbieri libri περὶ δαῶν* exstant, A. 1622, curante *Jo. Boscbio*, Norimbergæ typis impressi. Primam operis hujus editionem,

- nem, quam A. 1588 Francofurti ipsemet *Freberus* procuravit, patri ipse suo cognomini nuncupavit. Hanc vero dedicationem *Boschius* in hac operis editione omisit, eundemque librum A. 1628 sub novo titulo, *Verosimilitum* nempe, ac si nova esset editio, lectoribus obtulit.
- Pag. 92. Inter Decisiones, Responsa, & Consilia Jctorum, quorum ingens farrago hic apparet, *Jo. Ludovici Benderi Conclusio- num decisivarum practicarum librum singularem* relatum esse, cognovimus. Ad capeffendos summos in Jure honores, *Benderum* in Academia Tubingensi conclusiones 38, de revisione in Camera imperii agentes, ad disputandum proposuisse, easque hic novo Commentario, anno 1598, quo ipso in numerum Assessorum judicii cameralis, a circulo Rheno superiori presentatus, recipiebatur, primum edito, illustrasse, Ill. Autor observat. Postea quidem hic libellus in quarto saepius recusus est, nihil vero mutatum in eo deprehenditur. Excipiunt hos libros Scriptores practici & processuales Juris civilis, quorum certe & multos, & utilissimos, selegit *Rinckius*; quemadmodum & inter opera, ad Jurisprudentiam elegantiorē spectantia, haud pauca optimæ notæ, nec non summæ raritatis & pretii, uti sunt *Cujacii Opera omnia*, se nobis obtulerunt. Occurrit quoque in horum librorum classe *Francisci de Amaya* in tres posteriores Codicis *Justinianei* libros Commentarius, Lugduni A. 1667 in folio excusus. Quamplurimos hujus operis titulus decepit, cum non nisi decimi tantum Codicis libri commentarium sistat ipsum opus, reliquis ad edendum quidem paratis, sed Autore morte impedito, quo minus promissis stare potuerit. Quamplurimos Tractatus & Dissertationes, specialissimas Juris materias tractantes, hic etiam adesse cognovimus. Rariores profecto sunt tales libelli, & difficulter parantur; unde eo majoris ejusmodi eorum collectio facienda est. Idem de libris, Jus feudale illustrantibus, dicendum, quorum itidem apparatus ob numerum pariter atque delectum se nobis mirifice commendavit. Obtulit inter alia se nostris oculis *Lunigii Corpus Juris feudalis Germanici*, in qua collectione *Schickfusii Consuetudines Silesiæ feudales*
- 97.
- 100.

*feudales* continentur. Hoc autem opus ab eruditis tam anxie desideratum, tamque rarum, antea fuisse, Ill. Autor observat, ut non solum aliqui manu descriptum ejus exemplar sibi Pag. 168. comparaverint, sed & *Struvius* in *Bibliotheca juris* de impressione ejus unquam facta dubitaverit. *Henrici a Rosenthal* *Synopsis Juris feudalis*, quæ hic comparet, sæpius est excusa, deque variis ejus editionibus fusc Ill. Autor disputat. Plurimas quoque Dissertationes, peculiaris Juris feudalis capita tractantes, hic invenimus. Etiam Juris Canonici ornamentis hæc Bibliotheca superbit, quæ egregios istius Juris fontes, uti sunt *Wilhelmi Beveregii Pandectæ Canonum*, rarioresque Corporis Juris Canonici editiones, ostentat, insignemque apparatus Commentatorum Juris Ecclesiastici, tam Pontificiorum, quam Protestantium, suppeditat. Inter illos Ill. Autor præ aliis laudat *Henrici Wagnereckii Commentarios sanctorum Canonum*, Dillingæ A. 1672 editos, opus hoc, post mortem Autoris publicatum, ob jura Canonica cum juribus Ecclesiarum Germanicarum conjuncta, nostratibus præ aliis scriptoribus Pontificiis commendans. Jus Canonicum excipit Jus privatum regnorum & provinciarum exterarum, quem etiam in censum jus Græcorum, atque libri *Βασιλικών*, ex editione *Fabrotti*, relati sunt. Cum B. *Rinckius* Juri publico Germaniæ præcipuam impenderit curam, scripta, huc pertinentia, tertiam, eamque peculiarem, hujus Catalogi Partem constituunt, in varios libros & capita subdivisam. Enarrantur hac in Parte primum subsidia, ad hoc eruditionis genus inprimis necessaria, inter quæ Historia paginam dubio procul utramque facit. Libri ergo, ad disciplinas, quæ ad Historiam præparant, pertinentes, agmen hic ducunt, quorsum Geographi, itinerum descriptores, nec non libri, Genealogiam illustrium familiarum exponentes, referuntur. Eminent in his *Hieronymi Henninges Theatrum genealogicum*, sex Voluminibus in folio comprehensum, & *Magdeburgi* A. 1598 typis exscriptum. Hujus operis summam raritatem & pretium Viri literatissimi, *Vogtius*, *Reimannus*, *Gundlingius*, alii, celebrarunt. *Habneri* vero, in *Bibliotheca genealogica*

169.

200.

- logica* hoc de opere differentis, errorem Ill. Autor erudite  
 Pag. 253. convellit. *Genealogiam Ruthenorum Comitum, & Dominorum in Plauen*, prioribus emendatiorem, Norimbergæ A. 1715 editam, *Jacobum Wilhelmum Imbottum* compilasse, nonnulli crediderunt. At enim vero, *Henricum decimum tertium*, Graitzæ inferioris dynastam, in tabula operis hujus septima sibi met  
 257. ipsi hunc librum vindicare, Ill. Autor observat. Occasione libri *beraldici*, Theodisco idiomate compositi, qui inscribitur *Martini Schrotii Wappenbuch*, Monachii A. 1576 excusi, de præcipuis insignium descriptionibus erudite idem disputat. Inter interpretes vocabulorum mediæ ævi agmen ducit *Caroli du Fresne Glossarium latinitatis mediæ*, cujus operis duæ editiones, altera Francofurtensis, anno hujus Seculi decimo *duobus Voluminibus* excusa, altera Venetiis A. 1736 impressa, *sex Tomos* in folio continens, hic comparet. Monet Ill. Autor, *Cangium* in fine hujus operis addidisse *Dissertationem de inferioris ævi numismatibus*, prima vice Lutetiæ Parisiorum anno Seculi præteriti septuagesimo octavo editam. Hanc tamen Dissertationem, licet operi, quo Imperatorum Constantinopolitanorum familias describere aggressus est *Cangius*, destinata, *Historia tamen Byzantina*, quam A. 1682 is publicavit, non adjectam esse, docet. Hanc quoque negligentiam neque Venetos, qui recuso corpori Historiæ Byzantinæ *Cangii* Historiam Byzantinam, omissa hac Dissertatione, inseruerunt; nec fratres Benedictinos, novæ editionis Glossarii hujus procuratores, correxisse, con-  
 277. queritur. Inter scripta diplomatica *Mabillonii* consummatissimum opus eminet, de cujus diversis editionibus varia notatu digna Ill. Autor affert. Inter collectiones Diplomatum, privilegia & pacta urbis Francofurtensis ad Moenum, anno hujus Seculi vicesimo octavo compilata, prostant. In hoc volumine potissimum notanda esse Sigilla imperatoria, a *Friderici II* temporibus usque ad *Carolus VI* accuratissime delineata, nec in ullo alio opere tam eleganter expressa, Ill. Autor monet. Ne autem Sigilla antecedentium Imperatorum, a *Carolo M.* nempe usque ad *Fridericum II.* desiderarentur,

tur, ea omnia B. *Rinckius* sibi seorsim comparavit, & in fine voluminis adjecit, quamvis eadem, paulo negligentius delin-  
neata, his Francofurtensibus æquiparari non possint. Histo-  
ricos omnis generis, maximo numero collectos, hic deprehen-  
dimus. Historia quidem ad circulum philosophicum com-  
muniter solet referri; cum autem B. *Rinckius* eam Juris publi-  
ci potissimum causa magni fecerit, libros, ad eam pertineutes,  
hanc in classem ideo Ill. Autor retulit. Fontes historiarum,  
seu scriptores coevi plurimarum gentium, agmen inter eos  
ducunt, inter quos & Parisiensis editio Scriptorum Historiæ  
Byzantinæ comparet, cui tamen, ut nihil in tanta collectio-  
ne deesset, *Genesius* quoque, Venetiis excusus, accessit.  
Collectores inscriptionum, nummorum, & antiquitatum, in Pag. 292.  
eundem censum relati sunt, ubi, præter *Gravii*, *Gronovii*, &  
*Montesalconii*, thesauros, egregium librorum, antiquitates illu-  
strantium, deprehendimus apparatus. Plura tamen simul  
hic occurrunt scripta, quæ non de antiquis nummis, ve-  
rum de hodierna re nummaria, deque eo, quod justum est  
circa nummorum permutationem, exponunt. Inter scripto-  
res Historiæ universales. *Petri Balii* exstat *Dictionarium*, ejus-  
que editio Roterodamensis, anno Seculi hujus secundo emissa.  
Prima hujus operis editio anno Seculi præteriti sexto & no-  
nagesimo prodit. Hæc vero secunda princeps vocari me-  
retur. Nam *Balius* ipse omnem curam adhibuit, ut casti-  
gata, & a mendis purgata, appareret. De reliquis editioni-  
bus omnibus, quæ post *Balii* mortem prodierunt, dolendum  
est, in iis labores ipsius *Balii* cum aliorum additionibus ab  
editoribus commixtos. Bene autem promeritos esse de hoc  
libro Genevenses, qui in Supplementis ad hanc editionem,  
A. 1722 editis, quæ hic *quartum Volumen* constituunt, per-  
egrina separarunt a *Balianis*, Ill. Autor declarat. In censu  
librorum, ad historiam statuum Germaniæ pertinentium, ob-  
tulit se nobis rarissimum scriptum, cui titulus *Fürstenbuch von*  
*Oesterreich und Steyrland*. Primam hujus libelli editionem  
Autor ejusdem *Hieronymus Megiserus* A. 1618 in octava  
forma procuravit. Hæc autem editio adeo rara est, ut ipse  
318.  
327.  
Lambe-

*Lambecius*, in *Commentario ad Bibliothecam Vindobonensem* Codicem ejus manuscriptum recensens, nesciverit, librum hunc jam typis fuisse impressum. Postea *Jo. Petrus a Luderwig* eundem *Tomo IV Lib. IV pag. 191 Reliquiarum MStorum omnis ævi Diplomatum* inferere constituerat, jamque ad plagulam usque *T* perductum opus erat, cum autoritas ministri aulae Cæsareæ instaret, efficeretque, ut plagula jam impressa: supprimerentur. Exemplar vero, quo *B. Rinckius* usus est, in quo tamen plagula *S* deficit, ex involucris fasciculi cujusdam, quem aliquis bibliopola Halensis Norimbergenſi transmiserat, ad eum casu pervenisse; Ill. Autor commemorat.

- Pag. 401. Post Historiam omnis generis, fontes Juris publici Romano-Germanici aperiuntur. Inter hos agmen ducit *Collectio legum imperii fundamentalium*, quæ, præter auream Bullam, ac *Friederici III* reformationem, omnes Constitutiones, ab anno 1495 ad annum 1507 usque evulgatas, septendecim numero complectitur, solo Recessu Augustano de anno 1510 omissio. 605. Præter illam, quamplurimæ, eæque præstantissimæ, Recessuum imperii Collectiones comparent, in quarum numero aliqua, Ambergæ A. 1607 adornata, existat, quam *Marquardi Freberi* diligentia. deberi, Ill. Autor conjicit. Rarissimam eandem esse, ac, præter varia documenta notatu digna, eos etiam Recessus, qui in Corpore Juris publici vulgo desiderantur, sistere, idem contendit. Quamvis etiam *Goldastus* iisdem documentis Constitutiones, quas edidit, imperiales locupletarit, hanc tamen editionem, ex archivis quippe protractam, longe accuratorem esse, Ill. Autor monet. Ita & Recessuum imperii exemplaria authentica, quæ eo ipso anno, quo comitia finiebantur, jussu Imperatoris, vel Electoris Moguntini, in loco, ubi habita erant comitia, ab anno 1532 ad 1654 impressa sunt, 21 fasciculis comprehensa, hic comparent; quam Collectionem rarissimam esse, & a *B. Rinckio* magna industria congestam, Ill. Autor docet. *Melchioris Goldasti Constitutionum imperialium Tomi tres*, Francofurti A. 1673 excusi, in eadem classe sunt olvii. Observat Ill. Autor, novam hujus Collectionis editionem anno hujus Seculi tertio & decimo prodiiſſe, sed



sed nihil ne in indicibus quidem mutatum additumque esse, nisi quod *Tomus quartus* duas partes Statutorum & Rescriptorum imperialium exhibeat, quæ omnia A. 1627 separatim prodierunt. Nemesis Carolina, ab *Ivone Scheffero* A. Pag. 606. 1538 impressa, hic etiam comparet, quæ editio pro rarissima merito habenda est. Inter libros, de pace publica tractantes, *Francisci Burckbardi Antinomia*, Monachii A. 1593 edita, agmen ducit, cujus libri editiones varias Ill. Autor recenset. Quis composuerit hoc scriptum, injuriarum & conviciorum contra Evangelicos plenissimum, inter eruditos valde disceptatum est, cum alii illud aut *Gaillo*, aut *Erstenbergero*, JCtis, alii vero Jesuitis Colonienfibus, adscribant. At enim vero, *Franciscum Burckbardum*, Cancellarium Coloniensem, qui, testantibus actis electionis *Maximiliani II*, Francofurti A. 1563 editis, huic actui legatus Colonienfis interfuit, scriptum hoc confecisse, & ab aliis ostensum est, & ab Ill. Autore pro certo sumitur. Opposuit huic scripto quidam, sub ficto nomine *Antonii Benbellona de Gudentiis* latitans, *Commentationem ad pragmaticam Constitutionem de pace religionis*. Sub hoc nomine *Eberbardum a Weibe* intelligi debere, statuit *Rechenbergius* in Dissertatione, quæ inscribitur: *An ejus sit religio, ejus regio est*; *Rinckius* vero, *Bartholomaum Gericium* verum libri Autorem esse, existimavit. Scripta, de pace Westphalica, Pragensi, & Noviomagensi, tractantia, maximo numero atque delectu hic sunt disposita, ita, ut nihil fere, ad hanc materiam pertinens, desideretur. Capitulationum Imperialium optimas editiones collectas hic deprehendimus. Actorum publicorum amplissimus hic adest apparatus, interque ea *Friderici Hortlederii* opus de *Causis belli Germanici*, vernaculo sermone compositum, existat, de quo opere eleganter admodum Ill. Autor disputat. *Hortlederus* nimirum jam A. 1604 quatuor Dissertationes de *Justitia belli Germanici*, a *Carolo V* *gesti*, Jenæ ventilavit, quæ huic operi majori, A. 1617 primum publicato, ansam dederunt. *Goldastus* multa ad illud opus perficiendum suppeditasse dicitur, ejusque rei fidem illud facere, quod nihil in operibus *Goldasti* de bello hoc Germanico reperiatur, Ill. Autor dicitur. Quam acriter *Fridericus U-*

*ricus*, Dux Brunsvicensis, ob scripta quædam, *Libro IV* inserta, quæ lites, inter domum Saxonicam & Brunsvicensem olim agitata, postea vero sopitas, tangunt, a Duce Vinariensi flagitarit, ut residua hujus operis exemplaria fisco addicerentur, *Electa Juris publici Tom. VI pag. 46* exponunt, simulque commemorant, Autorem ita se exculpasse, ut Dux Brunsvicensis a suo postulato tandem abstinuerit. In præsentī insuper editione, quæ Gothæ A. 1645 prodiit, nihil esse omissum, ut temere quidam existimarunt, sed potius varia ei accessisse, Ill. Autor testatur. Comparant etiam hic *Meieri Acta pacis Westphalica*, nec non ejusdem *Acta pacis executionis publica*, quo in toto opere *Meierum* nunquam tabularia nominasse, ex quibus documenta & acta, ipsi transmissa, acceperit, ne forte offenderet eos, qui cum ipso quædam communicaverant, aut fidem laderet, qua adstringere solent Ministri eos, quibus tabulas publicas ad edendum transmittunt, Ill. Autor observat.

- Pag. 627. Quæstio autem eapropter exorta est, an huic operi fides habenda sit, & an id tunc possit citari; id quod dubium *Reuschius*, Professor Helmstädiensis, evulgato Schediasmate *de Usu & præstantia Actorum pacis Westphalica*, quod hic *prima Parti* operis *Meieriani* præmissum est, erudite discussit. *Rymeri Acta publica gentis Anglica*, *Theatrum Europaum*, pluresque alias Actorum publicorum collectiones, hic deprehendimus. Systemata, Compendia, & Tractatus Juris publici, per partes eundo, hic recensentur fere innumerabiles; ita, ut vere possimus affirmare, nullam Juris publici tam Germaniæ, quam aliorum regnorum, partem esse, cujus non optima subsidia possederit *Rinckius*. *Bilderbeckii Sstatum imperii Germanici*, sermone vernaculo conscriptum, anno hujus Seculi tricesimo octavo ipsemet Ill. *Glasfius* Lipsiæ recudendum curavit, seque in hac editione multas quaestiones practicas, non ubivis obvias, extricasse, & plurima hoc in libro emendasse, non diffitetur. Ad *Moseri Compendium Juris publici*, Tubingæ A. 1731 impressum, monet, in hac ejus editione, aliisque eo tempore editis libris, Ccl. *Moserum* nomine gentis de *Filseck & Weilerberg* adhuc usum esse, in altera vero editione de A. 1735, reliquisque operibus inscutis, eundem hoc cognomen omisisse. Postquam

nempe

nempe illustris gens de *Filseck & Weilerberg*, in Suevia satis celebris, ipsi eo nomine dicam scripserat, consultum duxit, hoc cognomen ad vexas evitandas dimittere, simplici *Moseri* nomine assumpto, etiamsi certo sibi persuaderet, familiam suam cum illustri hac gente ejusdem esse originis. Quamvis autem Juris publici disciplinæ plurimum operæ & impensarum *Rinckius* impenderit; non tamen sine admiratione, insignem quoque omnis generis librorum medicorum in ejus Bibliotheca repositum fuisse apparatus, cognovimus, quales libros *Part Catalogi quarta* exhibet, quorum etiam librorum titulis varia notatu digna Ill. Autor subinde adspersit. De opere, quod inscribitur: *Recreatio mentis & oculi in observatione animalium testaceorum*, a *P. Philippo Bonanni* Romæ A. 1684 edito, Ill. Autor monet, primam ejus editionem in Italica lingua Romæ A. 1681 prodiiisse, ipsum vero *Bonannum* hunc librum in Latinam linguam transfudisse, additis centum testaceorum iconibus, quarum quædam errore artificis minus accurate delineatæ sint. Hunc vero errorem *Bonannum*, a *Lifstero* admonitum, in *Museo Kircheriano*, quod auctius edidit, correxisse. *Thoma Nicolfsii libellum de Gemmis*, ex *Martini Rulandi Lexico Alchymie*, nec non ex *Boetii a Bod* de eadem materia libello, haustum esse, Ill. Autor observat. Libri, ad Philosophiam atque *πολυμαθείαν* pertinentes, in *quintam* *Catalogi Partem* rejeçti sunt. Comparent ibi primo loco opera philosophica, in quorum numero etiam non pauca veterum Philosophorum, *Aristotelis* puta, *Xenophontis*, *Athenæi*, scripta deprehendantur. In *Francisci Baconis de Verulamio* opusculis, Amstelædami A. 1663 junctim impressis, multa reperiri, quæ in Lipsiensi Operum *Verulamii* editione frustra quæruntur, Ill. Autor observat. Physici libri insignem rariorum operum constituunt apparatus. Ita v. c. *Hortum Eyslastensem cum Figuris aneis* hic deprehendimus. Splendidissimus hic liber, qui omnes suæ ætatis splendore superat, a *Basilio Beslero*, Pharmacopola Norimbergenfi, adornatus est. Sub istius nempe auspiciis hortus ille ad id fastigium adscendit, ut omnibus aliis, in universa Europa, palmam præriperet. Ab Episcopo postea *Joanne Conrado*, ex gente *Gemmingorum* ori-

undo, ad describendos horti frutices rariores, is excitatus, cum huic operi imparem se sentiret, *Ludovico Jungermanno*, viro adhuc juvene, rerumque botanicarum non satis gnaro, in consortium adscito, post longam recusationem opus tandem aggressus est, ita quidem, ut *Jungermannus* plantarum & florum descriptiones, *Beslero* dictitante, calamo exciperet. Varix autem exstant libri hujus editiones, quas Ill. Autor omnes justo ordine recenfer. Libri præterea mathematici, & morales, quos inter & illi, qui cerimonias aulicas descripserunt, nec non qui de Jure publico universali, & de Jure divino universali, egerunt, habentur, maximo numero hic exstant. Summa nobis cum voluptate eorum nomina & descriptiones, quas Ill. Autor more suo adjecit, leguntur, cum ubivis libri rarissimi, & singularia tractantes argumenta, se lectorum oculis sistant. Quantum Historiæ literariæ deliciis dederit *Rinckius*, præstantissima opera hujus generis, in Bibliotheca ejus collecta, declarant. Scriptores, vitas eruditorum exponentes, quamplurimos hac in classe invenimus. Exstat quoque in his *Jo. Conradi Zeltneri Theatrum eruditorum correctorum*, Norimbergæ anno hujus Seculi vicesimo evulgatum. Liber hic primum A. 1716 sub titulo *Correctorum in typographiis eruditorum Centuria* speciminis loco prodiit, sed, emtoribus destitutus, post mortem *Zeltneri* novo titulo ornatus est. Quamvis autem iste liber de accuratis correctoribus, ac de librorum accurate imprimendorum ratione, agat; mendis tamen vehementer eundem deformatum esse, Ill. Autor monet. Optandum igitur esse, ut Germani Hispanos imitentur, ubi correctores librorum, publica autoritate constituti, absoluta impressione, novum librum cum MSto conferant, errores notent, ad pretium libri, communiter pro plagula sex Meravedis computatis, deficiant, non vane idem contendit. De *Pauli Freberi Theatro virorum eruditione clarorum*, Norimbergæ A. 1688 excuso, observat, *Freberum*, anno Seculi superioris octogesimo secundo satis functum, hoc opus imperfectum reliquisse, illudque dein ipsius agnatum, *Carolus Joachimum Freberum*, Medicum Norimbergensem, ad umbilicum perduxisse. Rarioribus vero libris hoc opus annumerandum ideo esse, Ill.

Autor

Autor contendit, quia iterata ejus editio non speranda sit; cum tabulæ æneæ, ad illud pertinentes, perierint. Præter uberrimos varii generis Historiæ literariæ fontes, vitæ etiam & facta heroum toga sagoque illustrium, historiæ rei militaris & ordinum militarium, historiæ variarum disciplinarum, rhetores denique, poetæ, & epistolographi, magno numero comparent. Verum nec manuscripti Codices, & qui illis raritate æquiparantur, statim post inventam typographicam artem impressi, tanquam præcipua insignium Bibliothecarum decora, hic desiderantur. *Sexta* enim & ultima Catalogi hujus *Parte* haud spernendum ejusmodi Codicum sistit apparatus Illustris Autor, de singulis hisce Codicibus multa notatu dignissima commemorans, foliis cujusque manuscripti Codicis semper indicatis, pretio quoque, quod pro illis ab emtoribus exigetur, addito. Inter Codices, sacros Bibliorum versip *Lutheri*, Augustæ Viudelicorum A. 1535 excusa, agmen ducit. Totum opus Biblicum ex versione *Lutheri* Vitebergæ primum prodiiisse, Ill. Autor monet, hanc vero editionem, *tribus Voluminibus* constantem, splendore atque ornatu Vitebergensem longe superare, idem docet. In membrana insuper excusus est nitidissima, quæ res ipsi pretium singulare conciliat. Vix centum thalerorum pretium ei imprimendo satis fuisse videtur. Et, quamvis antiquitas pretium augeat, pro dimidio tamen eum vendere hæredes *Rinckiani* parati sunt. Insignia, quæ in ligatura Codicis exstant, eum a Comitibus Benzheimensibus quondam fuisse possessum, indicant. Ceterum locus classicus i. Jo. V, 7, in eo desideratur, quamvis in editione Francofurtensi, A. 1574 excusa, suppletus sit. Biblia sacra Latina, Argentorati anno Seculi decimi quinti octogesimo secundo impressa, manuscriptis merito accensentur. Et, quamvis *Uffenbachius* hujus ætatis Codicibus Biblicis viginti imperiales pro pretio assignaverit, duodecim tamen offerenti ab hæredibus *Rinckianis* tradetur. Libellus precum *Lutheri*, in membranis A. 1522 excusus, holoferico rubro involutus est, atque orationem pro animabus, in purgatorio constitutis, nec non *Ave Maria*, continet, ex quo intelligitur, istum libellum eo tempore confectum esse, quo *Lutherus* non-

Pag.  
1021.

dum omnia repurgaverat. Insignem vero hujus libelli raritatem Auctores *Novellarum Lipsiensium ad Annum 1736 pag. 220* ex eo recte aestimasse, Ill. Autor contendit, quod neque in operibus *Lutheri* deprehendatur, neque a Duce Brunsvicensi, *Rudolpho Augusto*, qui omnes antiquas librorum *Lutheri* editiones sollicitè conquisivit, possessus, neque a *Seckendorfio* & *Frickio* ullibi fuerit citatus. Pretium ejus viginti imperiales constituunt. Inter Codices juridicos duplex Institutionum *Justiniani* exemplar membranaceum occurrit. Alterum a *Petro Schaffero* A. 1468 cum glossa splendidissime excusum est, calamo autem exscriptum, cum glossa adjecta, est alterum. De prioris Codicis præstantia Cel. *Schwartzium* in *Dissertatione ad Proæmium Institutionum* disseruisse, in altero autem, qui Seculo decimo tertio scriptus videtur, ultimos quinque paragraphos Tituli *de Publicis judiciis* deesse, Ill. Autor monet. Prior Codex pro 24, alter pro 30, imperialibus venum prostat. *Joachimi a Beuß* Tractatus *de Sponsalibus & Matrimonii*, Vitebergæ A. 1586 impressus, notis, ab ipsomet Autore adscriptis, locupletatus est, atque unum thalerum solventibus cedit. Fragmentum Decretalium, quod incipit a Titulo *de his, qui maritum accusare possunt*, & usque ad Titulum *de Regulis juris* perducitur, a quodam *Nicolao Waltislao* descriptum est, id quod ex propria istius hominis confessione, circa finem Codicis comparente, liquet. Exstat etiam hic *Wilhelmi Durandi rationale divinorum officiorum*, in membrana Seculo decimo quarto, ut videtur, scriptum, eique viginti imperiales pro pretio assignati sunt. De hoc ipso *Durando*, sive *Durante*, varia Ill. Autor commemorat. Fuit nempe Narbonensis, nobili genere natus. Professoris Juris munere primo functus est, eamque ob causam *pater Practica* dictus; usque dum a Pontifice splendidissimis muneribus admoveveretur. *Rationale* audit ejusdem liber, quia rationes eorum reddit, quæ in rebus ecclesiasticis aguntur. Quamplurimos autem *Durandi* locos ope hujus Codicis explicari posse, Ill. Autor testatur. Insignem præter hos Codicum optimæ notæ & varii argumenti apparatus, inque eo antiquissimam *Speculi Juris civilis & feudalis Alemannici* editionem, Augustæ Vindelico-

1022.

1023.

corum A. 1480 adornatam, eruditis hucdum incoognitam, & a vulgatis exemplaribus haud parum discrepantem, hic deprehendimus, deque eis omnibus quamplurima notatu digna libenter addiderimus, nisi verendum nobis esset, ne longior recensio tedium allatura sit Lectoribus. Notasse igitur adhuc sufficiat, ipsum B. *Rinckium* fronti variorum librorum observationes selectas inscripsisse, quarum notitiam hic Catalogus suppeditat. Ita *Natalis Alexandri Historiam Ecclesiasticam*, Parisiis excusam, Romæ damnatam esse, & in Indice librorum prohibitorum comparere, *Rinckius* monuit, ejusque rei causas edisseruit. Ad *Balii Dictionarium historico-criticum* annotavit, Abbatem *Renaudotum* censuram ejus, Gallico sermone conscriptam, emisisse, eum vero in Supplementis Dictionarii, Volumini quarto adjectis, confutatum esse. *Clavis historiae Thuanæ*, Ratisbonæ A. 1696 emissæ, *Petrum Bessinum* autorem esse, ad frontem libri *Rinckius* notavit. Quinam composuerit Tractatum de hodierno statu Ducatus Sabaudia & Pedemontii, vernaculo sermone conscriptum, & Norimbergæ A. 1670 excusum, inter eruditos non constitit. *Rinckius* vero, a bibliopola, cujus sumtu impressus est liber, edoctus, *Marthiam Kraemerum*, linguarum occidentalium magistrum sat celebrem, Tractatus istius Autorem dicendum esse, contendit. Tandem quoque monendum est, Ill. *Glafeium* Bibliothecam hanc, quæ jam Stætzterizii, prædio Lipsiæ vicino, asservatur, ante Calendas Septembres hujus anni, viginti millia florenorum Rhenanorum repræsentanti, totam venditurum esse. Quodsi intra hoc spatium nullus ejusmodi emtor inveniatur, singula dein opera pro justo pretio erunt venalia. Ante Septembrem vero ne libellus quidem ex tota Bibliotheca sigillatim vendetur. Qui ergo desiderio tam insignis Bibliothecæ perlustrandæ flagrat, is post primum Junii diem adeat Cl. *Schutzius*, Bibliothecæ Paulinæ Lipsiensis custodem, cum quo etiam de Bibliotheca vel integra, vel quibusdam in eo contentis operibus, emendis deliberari poterit. Hæc vero omnia de impressis tantum libris capienda sunt. Codices enim manuscriptos Dresdæ servat Ill. *Glafeius*, ubi quidem inspicere, & pretio soluto comparari,

Pag. 10. .

327.

334.

342.

parari, poterunt. Nos interim maximopere optamus, ut egregius hic Catalogus studiosorum manibus assidue teratur. Ejus enim lectione insignem optimorum librorum notitiam comparari, & Historiæ literariæ cognitionem mirifice ornari atque augeri posse, vere meritoque judicamus.

## NOVA LITERARIA.

**L**ugduni Batavorum sub prelo *Jo. Arnoldi Langerakii* sudare accepimus librum, ita inscriptum: *Barnabæ Brissonii*, Jcti, Regii Consistorii Consilarii, Amplissimique Senatus Parisiensis Præfidis, Opera minora varii argumenti, nimirum Antiquitatum ex Jure civili selectarum Libri quatuor, de solutionibus & liberationibus Libri tres; ad Legem Juliam de adulteriis liber singularis; Commentarius ad L. Dominico de Spectaculis in Cod. Theod. & l. Omnes dies Cod. de Feriis; de ritu nuptiarum liber singularis; de jure connubiorum liber singularis; ~~amplius~~ liber singularis; de regio Persarum principatu Libri tres; quæ omnia recensuit, emendavit, variis annotationibus, præfationibus, & indicibus, instruxit, *Albertus Dietericus Treckell*, Jctus. Pro fundamento fuit editio Operum variorum Paris. A. 1606, 4, quippe quæ & locupletissima, & posthumis quibusdam Autoris accessionibus aucta fuerit, præsertim in libris *Selectarum Antiquitatum; ad Legem Juliam de Adulteriis; de Ritu Nuptiarum, & de Jure Connubiorum*. Quia tamen ipsa Opuscula in illa editione sine certo ordine collocata sunt; placuit, ordine potius chronologico in hac editione collocare, ita, ut in ipso titulo fuit indicatum. Quoniam vero dicta editio Parisiensis, quod ad contextum, variis mendis inquinata fuit; opera potissimum data est, ut ipsa Opuscula cum optimis & accuratissimis editionibus conferrentur, earumque ope menda tollerentur, ut ita nova hæc editio quam emendatissime prodiret. Nihil in toto hoc opere tædiosius & difficilius fuit, quam evolutio locorum veterum scriptorum, quorum multa millia ab Autore adducuntur. Illa igitur omnia, quantum fieri potuit, secundum optimas & recentissimas editiones adducta sunt, & præcipue variarum lectiones in notis indicatae. Græcis veterum scriptorum locis Latina explicatio ex optimis Interpretibus addita fuit. Eadem cura in Legibus adducendis fuit adhibita. Porro operam dedit Clarissimus Editor, ut omnia opuscula brevibus annotationibus, & totum Opus accuratis Indicibus, ad commodiorem Lectorum usum, illustraret, ut ipse pluribus in Præfatione indicabit. Denique, quod ad correctionem & externum operis cultum attinet, nihil a typographo fuit prætermissum, quod ad ejus commendationem pertineat.





# NOVA ACTA ERUDITORUM,

*publicata Lipsiæ*

*Calendis Julii Anno MDCCXLVII.*

NOTITIA HUNGARIÆ NOVÆ HISTORICO-Geographica, divisa in Partes quatuor, quarum prima Hungariam cis-Danubianam, altera trans-Danubianam, tertia cis-Tibiscanam, quarta trans-Tibiscanam, universim XLVIII Comitatus designatam, expromit; regionis situs, terminos, montes, campos, fluvios, lacus, Thermas, cæli solique ingenium, naturæ munera & prodigia, incolas variarum gentium, atque horum mores, provinciarum magistratus, illustres familias, urbes, arces, oppida, et vicos propemodum omnes, singulorum præterea ortus & incrementa, belli pacisque conversiones, & præsentem habitum, fide optima, accuratione summa, explicat. Opus, huc usque desideratum, & in commune utile, sacratissimis auspiciis D. CAROLI VI, Cæsaris & Regis indulgentissimi, elaboravit MATTHIAS BEL. Accedunt SAMUELIS MIKOVINII Mappæ singulorum Comitatum, methodo astronomico-geometrica concinnatæ.

*Tomus IV.*

Viennæ Austriæ, impensis Pauli Straubii, Bibliopolæ, typis Jo. Petri van Ghelen, typographi Regii, 1742, fol. maj.

Alph. 8 plag. 12, cum Mapp. geogr. 8.

C c c

Sup-

**S**uperatis tandem & numero multis, & prorsus summis, difficultatibus, quas occupatissimo in ornanda patria, & opus in commune utilissimum alacriter urgenti, *Belio*, sive belorum, ut omnem Europam, ita inprimis etiam Hungariam, misere afflictorum, atrox terror, sive contagionis, pulcherriam hanc regionem pervastantis, infelix malum, sive privatorum hominum, quibus demandata fuerat operis procuratio, torpor ac perversissima consilia, objecerant, prodit nunc, quod felix & gloriosum sit illustrissimæ & omni ex parte florentissimæ regioni, *Hungaria nove*, ejusque *Cis-Danubiana*, *quartum ordine Volumen*, novam nobis & largissimam admirandæ *Belianæ* Musæ, qua nulla elegantior, nulla ex omni parte ornatior, nulla communi dignior applausu, est, materiam suppeditans. Nimirum, quo majora hujus Operis & decora sunt, & in omne literarum genus redundantia commoda, hoc magis adhuc boni omnes dolebant, id ipsum lentius procedere; nec dubitandum videbatur, si quod malum fatum honestissima Autoris destinata interciperet, id magno non præsentis tantum, sed securæ etiam, ætatis detrimento futurum. Habendæ igitur præstantissimo Viro ab iis omnibus, qui literis bene cupiunt, solennes gratiæ sunt, quod publicas seculi calamitates privata sua & constantia, & industria, vicit, & Deorum providentiæ confisus, in pertexenda, quam ante complures annos cœperat, tela hac pulcherrima strenue multumque desudavit. Gaudentes enim ex præmissa huic *Volumini* Præfatione, quam qui semel lectam non iterum legere velist, nã omni cum ejusmodi suavitatum carere sensu necesse est, cognovimus, latere jam in scriniis Autoris absolutum & perfectum *Hungaria nove* universum opus, & ita omnia disposita, ut, quæ lucem adhuc expectant, *tria* numero *Volumina*, aut, favente temporum opportunitate, ab Autore ipso, aut, si huic, quod nollemus, humani aliquid acciderit, aliquando a filiis duobus, *Carolo Andrea*, Philosophiæ in nostra Academia Professore celeberrimo, & *Matthia Godofredo*, in literarum studiis ita, ut *Belii* decet filium, versante, publica donari luce possint. In quo, cum nemo facile futurus sit, qui suspectam

*Belii,*

*Belii*, Viri probi, & verba dare nescii, fidem habeat; nostrum est, quantulamcunque hanc moram, quam editioni Operis præclari interponere nuper fatalis quædam necessitas cœpit, & interpositura fortassis deinde est, patienter ferre, & in *Belii*, sive patre, sive filiis, eam fiduciam collocare, ut, quantum in ipsis est, ille suis, hi paternis, facturi satis promissis sint, nec Operis, quo illustrius non vidit ætas nostra, *Partibus* residuis frustraturi orbem literatum. Nos interim, quæ nobis liberaliter donata sunt, & donari ab optimo *Belio* ad hunc diem potuerunt, muneribus jucunde fruemur, in his etiam, quicquid demum de ceteris fata decreverint, animi pabulum dulcissimum, & quasi speculum quoddam, in quo contemplari liceat ingenii & doctrinæ *Belianæ* imaginem, habituri. Atque hujus voluptatis ut participes nobiscum fiant, quibus hæc scribimus inprimis, Lectores nostri, *quartum* hoc, quod omnium postremum est, *Hungaria nova Volumen* non prius manibus deponemus, quam omnem ejus rationem, materiam, & quicquid in eo decoris & ornamenti est, velut in tabula exposuerimus, &, descripta generatim forma Operis, eorum, quæ singularia & maxime notatu digna hic leguntur, plurimumque adeo aut roboris, aut gratiæ, ab Autoris non doctrina tantum, sed insigni etiam facundia, acceperunt, aliquem Lectori gustum dederimus.

Continetur igitur *Volumine* hoc *quarto*, in cujus fronte augustissimum *Maria Theresia*, Hungariæ Reginæ, nunc Romanorum Imperatricis, nomen, sideris instar, & *Caroli Andree Belii* ad parentem *Matthiam* Carmen pium & venustum, gemmæ loco, fulget, historia Comitatum *Hungaria Cis-Danubiana* quatuor, *Neogradensis*, *Barscbiensis*, *Nitriensis*, & *Hontzensis* utriusque; quibus cum addere, quod in animo habebat primum, duos alios, *Trentsiniensem* & *Aruensem*, per accrescentem libri molem non licuerit Autori, jam reservandi hos *Hungaria Trans-Tibiscana*, ornaturæ totius Operis *Volumen sextum*, capiendum sibi consilium vidit. Horum, quos diximus, quatuor Comitatum Mappæ, ad leges astronomico-geometricas exactæ, eadem, quæ in superioribus *Hungaria*

*novæ Partibus* tot artis suæ dederat pulcherrima specimina, *Samuelis Mikovini* dextra nobilique manu acceperant, accuratam nobis terrarum, oppidorum, arcium, vicorum, & si quid aliud notari maxime meretur, imaginem exhibentes. Quod vero ad ipsam horum Comitatum historiam attinet, hanc ita executus est *Belius* noster, ut, more sibi dudum familiari, singulorum Comitatum *Partes duas, generalem alteram, alteram specialem*, faceret. Et illam quidem, *generalem, Membris duobus* distinxit; *physico*, situm, naturam, & opportunitates, Comitatus explicante; & *politico*, incolas Comitatus, magistratus, prærogativas, & ditiones, commemorante; hujus autem, *specialis*, capita, seu *Membra*, dedit tot, quot Comitatus cujusque *Processus* sunt, quorum arces, oppida, & vici, separatis *Sectionibus* descripti sunt. Hunc sibi narrandi ordinem definivit *Belius*; hunc & ipsi nos in repetendis rerum narratarum potioribus momentis sequemur. De *Neogradensi* Comitatu, cum *Belianam* industriam primus occupaverit, nos primum dicemus. Comitatu huic nomen datum est ab arce *Novigrad*, Slavorum lingua *arcem novam* significante. Hæc Hungaris *Nograd*, & tota inde regio *Nograd Varmegye*, appellatur. Regionem ab occidente brumali Comitatus *Gömöriensis*, ab æstivo *Hevesensis*, ab occidente

Pag. 3.

4. *Nagy-Hontensis*, a septentrione *Kis-Hontensis*, cum *Zolienfium* limite, a meridie *Hevesensis*, & ora *Pestienfis*, claudunt. Longam Autor milliaria duodecim, latam modo sex, modo quinque, dicit, totum adeo ejus ambitum milliarium circiter 35 faciens. Montes, five ambientes, five varie dividentes regionem, hi sunt: *Matra*, *Medves*, *Satoros*, *Butsony*, *Karants*, *Mulna-Patakensis* & *Kornensis*, *Ofztrossky*, *Dobrocensis*, *Jenöienfis*, *Naszaly*, *Szanda*, & *Liszetz*. Nec silvis regio caret, quarum aliis *Cserbat*, aliis *Medves-Allja*, aliis *Banensium*, aliis *Mahnapatakenfium*, aliis denique *Cornensium*, nomen est. Sed in his, ob intempestivas incolarum venationes, raræ nunc, quæ olim frequentissimæ, feræ hospitantur. Si quas tamen invenias, ursi sunt, lince, apri, cervi, damæ, vulpes, martes, lepores, & feles silvestres. Avium silvestrium varia
- 10.

varia sunt genera, tetraones, attagines, pordices, turdi, fice-  
 dulæ, nec nihil phasianorum. Fluvios majores Autor duos, Pag. 11.  
*Ipolam & Zaggyam*, amniculos minores quatuor & decem,  
 acidorum fontium inprimis octo, numerat. Terra *Neogra-* 18.  
*dienfis* stannum, plumbum, ferrum, aurum, & argentum,  
 generat. Ingenium soli ad septentriones, & intra sinus mon- 19.  
 tium, sterile est, fecundius in montium radicibus, opti-  
 mum a *Szerfinenfi* ora in meridiem. Vineæ nunc melius,  
 quam superiori ætate, se habent, & in vinorum generibus  
 celebrantur inprimis *Zölejenfia*, *Galaboczenfia*, *Szolojenfia*,  
*Bujakenfia*, *Kürtöfenfia*, maxime vero *Kosdienfia*, *Radenfia*,  
*Esegiénfia*, & *Jobbagyenfia*. Medioçris est hujus regionis 21 seq.  
 res hortensis æque ac pecuaria. Habitarunt olim has terras  
 Jazyges Metanasti, quos secuti sunt Hunni Avaræ, ac po- 24.  
 stremo Hungari. Ex horum sanguine omnis Nobilitas origi- 26.  
 nem ducit, avitæ virtutis tenax, & literarum æque ac mili-  
 tiæ laude illustris. Magnum inprimis nomen est *Verböczii*,  
 Hungarorum Ulpiani, ac de horum Jurisprudentia immorta-  
 liter meriti, & *Nicolai Toldy*, militis non strenui tantum,  
 sed inprimis etiam corpore robusti, ut, quæ de eo vulgo  
 narrari solent, superare fidem videantur. Singulares in hac 27.  
 regione ritus funerum sunt, quos jucunde eleganterque de- 28.  
 scriptos hic legere neminem poenitebit. Fœminæ nobiles & 29.  
 venustate, & rei familiaris cura, & virtutis, maxime vero  
 castitatis, studio, sunt commendatissimæ. Viduæ raro ad se-  
 cunda vota transeunt; unde dicitur natum: Viduas Neo-  
 gradiensium nobiles novam, suo isto more, hæresin inve-  
 xisse. Ex rusticis illi, qui Slavicæ gentis sunt, præstant Hun- 30.  
 garis, non morum tantum simplicitate, sed laborum etiam stu-  
 dio, a quibus ita abhorrent Hungari, ut vix unum invenias,  
 qui non agrestes labores in villa sua permittere Slavis soleat.  
 Magistratus *Neogradienfes* Autor noster æqui justique, inpri- 31.  
 mis in imponendis tributis, studiosissimos dicit. *Qua* quidem 34.  
*aquitate*, ita sunt verba Autoris, *fieri necesse est, ut & præ-*  
*standis tributis tum quoque par sit plebs, cum sunt tempora dis-*  
*ficillima; neque ad vertendum solum iniqua nimietate adiga-*  
*tur.*

- tur.* Supremorum Comitum dignitatem inde a Seculi, & quod excurrit, spatio illustres gens *Forgachiorum* tenet, ex
- Pag. 35. qua primus prodiiit *Sigismundus II*, quem secuti *Adamus I*, *Adamus II*, *Joannes Adamus I.I.*, & *Franciscus IX*, nuper demum ad fastigium hoc euectus. Gentis *Forgachiana* origines vetustas, & in patriam merita, cognoscere licet ex *Ferdinandi III*, Rom. Imperatoris, Diplomate, quod hic integrum
- 36 seq. profertur. Ante *Forgachios* dignitatem hanc administrant *Bebekii*, *Raskaji*, *Orszagii*, & *Lofontzii*, sed quorum nunc
42. in illa gente vix nomen superest. Ex aliis gentibus, quæ hac etiam ætate egregie florent, Comites fuerunt *Balassii*, *Banffii*, & *Berenyi*, ex quibus *Balassiorum* inprimis gentem
44. vetustas & rerum bellicarum gloria commendat. De equitum *Neogradiensium* ordine id universis affirmare licet, militiæ inprimis esse deditos, & pro patria fortiter pugnare; quæ causa a nonnullis putatur, cur insignia *Neogradiensia* ostendant virum cataphractum, & cristata ornatum galea, qui dextra porrecta strictum gladium, sinistra insignia regni Hungariæ, huic innixa, tenet; quæ insignia ita aucta sunt *Leopoldi* Imp. gratia, ut accederent regni insignia, quæ jam vir cataphractus sinistra prensat, haud sine virtutis significatione. Præter Comites etiam Vice-Comites habet regio, quorum, ex antiquiori ætate, ab A. 1395 ad 1550, Autor sex & viginti, ex recentioribus septem & viginti, numerat. Qui nunc reum potitur, *Georgius Szentivany* est, vir bonis omnibus ex merito prosequendus. Regio tota novem Dynastiis, quas vulgo *Dominia* vocant, distincta est, *Garsensi*, *Divinenfi*, *Kekkoiensi*, *Gyarmathensi*, *Filekieni*, *Sagbienfi*, *Salgoieni*, *Bujakieni*, & *Neogradiensi*. Inter prærogativas Comitatus illud inprimis referendum est, quod a *Leopoldo* Imp. ei concessum est jus *Neo-Acquisiticum* singulari Diplomate, quod integrum hic legitur. *Processibus* Comitatus iste absolvitur quatuor, *Lofontzienfi*, *Filekieni*, *Szetzenienfi*, & *Kekkoiensi*. *Lofontzienfis* Processus, ab oppido cognomine dictus, totus montosus, & silvis ex omni parte seprus, ab oriente *Filekiensem* Processum, ab occidente *Kekkoiensem*, a meridie *Szetse-*

*Szetseniensem*, a septentrione denique Comitatum *Zoliensem*, vicinitate attingit. Arces huic processui duæ, *Gats* & *Divin*, sunt. Illa, ab *Halitzis*, Russiæ rubræ populo, cognominata, imposita monti, atque adeo amœna æque situ, ac ad defendendum idonea, diruta olim a *Joanne Corvino*, sed a Comite *Sigismundo Forgach* funditus instaurata, superioribus dissidiis civilibus incolumis perduravit, nuperis autem *Rakocianis* a nobilitate fortiter fuit defensa; hæc, in prærupta & inaccessa rupe posita, A. 1576 in Turcarum venit potestatem, a Comite *Palffy* recuperata A. 1593, longo tempore post, anno nempe 1674, ab *Emerico IV Balassa*, turbulentissimo homine, per insidias capta, sed huic a *Strafoldo*, Cæsariani exercitus duce, rursus erepta, & solo æquata, nunc in tristissimo hoc statu *Zichyorum* illustri genti paret. Oppida *Losontzien-*  
*sis* Processus tria sunt: *Losontz*, mercatibus annuis, & *Joannis Corvini* clade, quam constat A. 1451 contigisse, illustratum, *Gats*, suos & ipsum mercatus habens, & *Divin*, ab arce cognomine appellatum, & eo nobilitatum, quod *Balassa*, quem modo diximus, sedes fuit, ceterum mercatibus solennibus clarum, & cives alens, olim fortes & strenuos, nunc agrestes, & venationi deditos. Vicos Processus iste unum & quinquaginta, sed alios aliis majores & memoratu digniores, habet. *Filekien-*  
*sis* Processus totam eam oram, quæ ab *Hevesien-*  
*sium* confinio, per *Gömörien-*  
*sium* & *Kis-Honten-*  
*sium* limites, usque ad *Zolien-*  
*sium* terminos, præcurrit, ambitu suo complectitur. Arces huic sunt quinque: *Filek*, quæ, in edito monte posita, & anno jam 1262 validis munitio-  
 nibus instructa, olim in *Rascayorum*, postea in *Bebekiorum*, potestate fuit, A. 1553 a Turcis capta, brevi post a *Tieffenbachio* recuperata, inde A. 1694 a *Bott-*  
*kajanis* expugnata, sed ex pacis Viennensis conditionibus Cæsari reddita, tum medio fere Seculo XVI a *Tököljo* direpta & deleta fuit; *Salgó*, olim satis nobilis, nunc ad vastitatem redacta; *Somosko*, a Turcis A. 1576 capta, sed ab his rursus A. 1593 relicta; *Zagyva*, a *Matthia Corvino* excissa; & *Baglyas-Vara*, nunc adeo destructa, ut vix vestigium arcis præbeat. Oppidum huic Processui unicum, *Filek*, est, olim floren-

Pag. 52.

56 seq.

60 seq.

64.

65 seq.

72 seq.

86 seq.

89.

91.

- florentissimum, nunc adeo desolatum, ut vix plateas, aut ædes, hic invenias. Vicos Processus iste numero 64 habet, in quibus
98. *Karants-Bereny* illustri genti Comitum *Bereny*, a Cel. Autore in
- 104 seq. tabulam genealogicam redactæ, originem dedit. *Szetsenienfis* Processus, ab arce & oppido *Szetseny* nomen habens, ab oriente *Zagyva*, ab occidente *Ipola*, fluviis, a septentrione *Filekienfi* regione, a meridie *Kekköienfi*, jungitur. Arces ei sex, *Szetseny*, *Holloko*, *Bujak*, *Ecsegh*, *Samsen-Vara*, seu *Feierko*, & *Szanda*; oppidum unicum, *Szetseny*; vici sunt 63; quorum Auctor singulorum fata, vicissitudines, veterem ac hodiernum statum, ita diligenter describit, ut nihil memoratu dignum intractum
- 125 seq. relinquat. Ultimus est Processus *Kekkoienfis*, ab arce *Kekko* ita cognominatus, qui per limites Comitatus *Nagy-Hontensis* in insulam usque *Tosfalusionsem* perpetuo tramite decurrit. Ex arcibus hujus regionis prima est, quam modo diximus, *Kekko*, a petra, quam occupat, colore dicta, cujus fata discimus ex antiquo hoc marmore, portæ arcis interiori inædificato: Anno Domini 1237 sum Arx *Kekkö* ab inclyta Domo *Balassa* fundata, & continue possidebar. Anno 1576 in potestatem perveni Turcicam. Anno 1593 a Turcis pulvere disjecta, ac derelicta. Domini Imperatoris Romanorum, ac Regis Hungaria, *Rudolphi II*, præsectorum incuria, ad extremam deveni ruinam. Anno 1609 a Serenissimo Rege Hungaria, *Matthia II*, hereditariis meis reddita dominis, industria spectabilis ac magnifici Domini, *Sigismundi Balassa*, muris ac propugnaculis e fundamento ampliata, habitationibus exornata, in hunc, in quo ante fui, perveni statum. Ab eadem illustri familia ut avo durante feliciter possidear, faxit Deus Ter. Opt. Max. cui laus & gloria, Anno 1612. Turbantibus omnia *Rakocianis* armis, nefarius quidam *Kokay* arcem universam, subiecto testis igne, exussit.
131. Ceteræ arcēs sunt *Balassa-Gyarmath*, unde nomen habet bellicosissima Comitum *Balassiorum* gens, ab Autore nostro diligentius descripta; *Nograd*, a Turcis capta A. 1544, sed A. 1594 recuperata a *Matthia*, Austriæ Archiduce; denique *Kamor*, dubiæ, at vetustæ, ætatis rudus. Oppida Processus iste habet quinque: *Kekko*, *Balassa-Gyarmath*, *Nagy-Oroszy*, *Nograd*,



*Nograd, Vadkert*; vicos quinque & quinquaginta. Jam progressurus erat Autor ad describendam *Hontensis* Comitatus historiam; sed, notitiarum adhuc inopia laborans, vidit sibi eam Operis sui partem in meliores temporum opportunitates differendam, magno, ut ait, dolore suo, & totius Operis incommodo. Convertit se igitur ad *Barschienfis* Comitatus fata exponenda; quem, a civitate *Barsch* dictum, ab oriente *Zolienfis* & *Hontensis*, ab occidente *Nitrienfis*, a meridie *Strigonienfis* & *Comaromienfis*, Comitatus claudunt. Qua septentrionem spectat regio, montibus *Cremniczienfisibus*, *Ujbanyenfisibus*, aliisque multis, obsidetur. Sed per mediam etiam provinciam juga passim montium spectantur, quorum præcipui sunt *Ktyag*, *Hruschowienses*, & *Ghymesienfis*. Amœnam per se regionem fluvii fecundant, *Granus*, *Nitra*, & *Sitva*, cum tenuioribus multis, inter quos Autori nominantur *Cremnitzienfis* rivus, *Sanctæ Crucis* amnis, *Sklenenfis*, *Wihnenfis*, & *Zernoviczenfis* amniculi, denique *S. Benedicti* rivus. Nec aliis muneribus carere hanc regionem natura voluit, quæ thermas ei & fodinas auri dedit. In illis maxime *Sklenenses*, quæ Germanis *Glashüttners-Bad* vocantur, in his *Cremnitzienfes*, & *Ujbanyenses*, celebrantur. Ingenium incolarum simplex, candidum, laborum, & duri vitæ generis, amans, est. Quod stomachum allio inprimis pascant, id reprehensione carere ideo videtur Autori nostro, quod, magnam adversus venena & nauseam Hungaricam allio vim inesse, sit longo usu exploratum. Illustriora Comitatus Dominia sunt *Sas-Köiense*, *Revischbryense*, *Cremnicziense*, *S. Crucis*, *Levensse*, *S. Benedicti*, *Kis-Topolsanense*, *Marotense*, *Verebelyense*, & *Sallajense*. Ceteras regionis terras præclaræ ac nobiles familiæ *Esterhazyorum de Frakno*, & *de Galantha*, *Forgaciorum*, *Palffyorum*, *Zichiorum*, *Majstheniorum*, & his plurium, tenent. Supremorum Comitum, qui regunt hanc provinciam, temporaria dignitas est, quam nunc esse penes *Georgium Erdödy de Monyorokerek*, merito regionis cives gaudent. Distinguitur Comitatus universus *Processibus* quatuor, *Ofzlanensi*, *Levensi*, *Kis-Topolschanensi*, & *Verebelyensi*. *Ofzlanensis* Processus, cujus pars

Pag. 158.

159.

160 seq.

164.

166.

170 seq.

173.

176.

177.

- superior *Granepsis* districtus, inferior *Ofzlanensis* speciatim, dicitur, duas habet liberas regiasque urbes, *Cremnitzium* & *Regiomontum Hungariae*. De *Cremnitzio*, quippe montanarum ac metallicarum urbium metropoli, paulo, quam solemus de ceteris, copiosius dicemus. Incertæ nominis æque ac ipsius urbis origines sunt. Probabilis tamen Cel. Autoris conjectura est, illud a *Kramitze*, Slavorum vocabulo, quo illi montana tuguriola, a Saxonum coloniis hinc & illinc auri commodius scrutandi ergo posita, appellare solebant, derivantis, hujus autem natales ad ætatem *Colomanni*, hoc est, annum circiter 1100, referentis. Incrementa sua & florem urbs hæc montana munificentie Regum Hungariæ, ut fere omnium, ita imprimis *Caroli Roberti*, *Ludovici I*, *Sigismundi*, *Alberti*, *Matthie I*, *Vladislai II*, & *Ludovici II*, accepta retulit. Oppidum hoc verius, quam urbem, ex omni parte vasta montium juga cingunt, ut adventantium vix prius, quam ejus portis immineant, obtutui subjiciatur. Ædium numerus, si sacras duas, alteram assumptæ ad cælos *B. V. Mariæ*, alteram *S. Francisci*, dicatam, excipias, tricenarium non excedit; nec, præter Germanos, quos ad rem metallicam prisca ætas aptissimos cognovit, ulli alii genti jus olim civitatis hic concessum est. Inter ædes illas duæ sunt publicæ, rei monetariæ causa exstructæ, altera *Pifetaria*, altera *Camera Cæsareo-Regia*, dicta, quarum cum originem, antiquitates, memorabilia, exponit Auctor, simul, quæ *Pifetarii*, quæ *Exploratoris*, seu *docimastæ*, monetælis, montium & sitvarum magistri, Procuratoris *Camera*, Sculptoris ferramentorum, fodinarum procuratoris, supremi Cementarii, Scribæ metallici, Promi condi, Tribuni monetariorum, sive *Libripendis*, in administranda re monetaria partes sint, copiose ac diligenter explicat. Metallifodinarum, urbem hanc nobilitantium, regionem, constat, in posteriorem & anteriorem (*Hinter-und Vorder-Zech*) dispesci. Et posterior quidem juris tota est Cæsareo-Regii, nemine privatorum in laboris, aut fructuum, societatem admisso. Fodinas hæc numero septem habet, quibus nomen est *putei Rudolphi*, *S. Anna*, *Kribani*, *Matthie Archiducis*, *Leopoldi*, *Divine Benedictionis*,

*neditionis* (*Gottes-Seegen-Schacht*), & *fundi* (*Grund-Schacht*). Anterioris duas fodinas, alteram *opaca stella* (*Finster-Stern*) dictam, alteram a *Sacra Triade* (*Heilig-Dreyfaltigkeit-Schacht*) cognominatam, sibi vindicant Reges Hungariæ, alias tres, quarum appellatio est *Communium urbis operarum* (*Gemeiner Stadt-Handel*), *Assumptionis B. V. M. in calos* (*Maria Himmel-fahrts-Stollen*), & *S. Joannis Evangelistæ* (*St. Johann-Evangelisten-Stollen*), universa *Cremniczientis* civitas communi jure tenet, nonnullas etiam proprio jure colunt nobiliores urbis cives, in quibus præcipuæ sunt illa *Rotbiorum de Rothenfels*, *Hilff Gottes-Schacht* appellata, & alia, *nova benedictio divina* (*Neu Gottes Seegen Handlung*) dicta, cui excolendæ præcipuos sumtus gens *Schindleriana* impendit, denique illis aliquando par futura, cui ab operis in spem futuri reditus susceptis (*Hoffnungs-Gebau*) nomen dedit, qui in perficienda ea totus est, *Laurentius Bukown*. Harum fodinarum aliæ aurum, aliæ argentum, aliæ vitriolum, sed omnes metallum purum, & in suo genere optimum, reddunt. Olim, ut diximus, soli in urbe Germani jus civitatis tenuerunt; nunc commune id cum *Slavis* tenent, juribus tamen adhuc propriis quibusdam & peculiaribus utentes. In his, si de plebe homines species, ingenium ad ferendos labores aptum, sed hebes cetera & impositum, mores rudes & inconcinnos, sermonem rusticum & prorsus incultum, si de optimatibus requiras, erectiorem animum, consilii præsentiam, morum insignem quandam suavitatem, animadvertas. Familias opulentas & illustres nunc *Cremnitzium* paucas habet; sed habet tamen *Freyfeiseniam*, *Lemoniam*, *Mashgoam*, *Mösziam*, *Ortlam*, *Peverelliam*, *Rosnaueriam*, *Rothiam de Rothenfels*, *Schindleriam*, *Schmideggiam*, *Schæteriam de Wohlgemuthsheimb*, denique *Weisziām*, consulares plerasque, & muneribus publicis sæpe iterumque defunctas. De urbanis magistratibus, & regendæ urbis ratione, non attinet multa dicere, cum hic omnia fieri ex more reliquarum urbium, quæ sunt liberæ regisquæ, soleant. Adjunctam urbi arcem videas, vetustam illam quidem, & muro cinctam non invalido, sed qui obsidioni su-

Pag. 203.

206.

208.

- finendæ vix sufficiat. Hanc mediam occupat parochiale templum, *S. Catharina* dedicatum, &, si re nulla alia, certe
209. antiquitate, memorabile. Suburbia *Cremnitio*, pro tenuitate urbis, sunt amplissima, novem plateis distincta, quarum
210. nomina, si quis nosse cupit, apud Autorem legat. Per suburbanam regionem iter est *Cremnitziensi* rivo, cujus aquæ miram in opere metallico occupatis utilitatem præstant. Parum
211. amica *Cremnitziensibus* Ceres est, sed magis favet Pomona, nec nulla fama est hortorum, inprimis quos *Rotbii & Sternbachii*, illustrissimi homines, omni amœnitatum genere instruxerunt. Fata urbis nullo tempore satis prospera fuerunt, nunc
- 212 seq. *Giskrana* dominationis incommoda perpessæ, nunc a *Botskaji* emissariis, nunc a *Betblenio*, interceptæ, nunc a *Georgio Rakoczio* sub potestatem redactæ, & in notissimis illis *Rakoczianorum* turbis ita afflictæ, ut ab anno inde 1703 ad 1708, quo Cæsaris placidissimo imperio reddita est, publica malorum & calamitatum omnium quasi quædam officina fuerit. Vicos præci Reges Hungariæ *Cremnitziensi* urbi
216. in *Tbuorczyensi* & *Barschbieni* provincia varios concesserunt, quorum reditus sufficiunt alendæ, non ditandæ, urbi. Insigne urbis *S. Catharinæ* refert, sinistra scutum tenentem, humi innixum. Jam per reliquam Hungariam prosequendum nobis est, aut, quia nimis diu nos tenuit *Cremnitium*, accelerandum potius, iter nostrum. Alteram *Ofzlanensis* Processus urbem diximus *Regiomontum*, quæ, Hungaris *Uj-Banya* appellata, olim fodinas habuit aurarias, easque valde divites, sed postea ipsorum maleficio civium ita perditas, ut, qui A. 1722 educendis aquis subterraneis, quibus oppressæ & suffocatæ fuerant fodinæ, machinam admoverat *Potterus*, Anglus, conatuum suorum successus prorsus irritos habuerit.
- 225 seq. Oppidis Processus *Ofzlanensis* quatuor, *Ofzlany*, *S. Crucis*, *Zarnoczino*, *Welka-Polya*, arcibus, præter *Cremnitziensem*, duabus, *Sas-Kö*, & *Revifchtye*, castellis numero non paucis, Dominiis tribus, *Sasköieni*, seu *Hladomerieni*, *Revifchtyeni*, & *S. Crucis*, vicis bene multis, & ex parte amœnissimis, ab-
- 243 seq. solvitur. *Levensis* Processus urbs, quod constet, nulla, oppida

pida sunt tria, *Leva, O-Barfch, & Nagy-Sarlo*. In his  
*Leva* nomen Processui dedit, illustris maxime fama nundi-  
 narum, quæ magna hominum frequentia hic celebrantur, &  
 arcem ostendens munitissimam, sed diris hostium incursionibus  
 sæpissime vastatam. Vicos hujus Processus Autor duos Pag. 262.  
 & quinquaginta numerat. Ad Processum *Kis-Topolefsanensem* 264 seq.  
 oppidum & castellum *Kis-Topolefsan*, arx *Hruffow*, fanum S.  
*Benedicti*, oppidum *Aranyos-Maroth*, vici quinquaginta, per-  
 tinent. Ultimus est Processus *Verebetyiensis*, quem & Sedem 283 seq.  
 vocat Autor noster, quod ab antiquissimis temporibus præci-  
 pua quædam Archiepiscopi Strigoniensis & Nobilium Prædia-  
 listarum jura hic obtineant, afflicta sæpius & imminuta, sed  
 ita tandem a *Sigismundo & Wladislao* Regibus confirmata, ut  
 jam ii tantum Nobiles, quibus sua extra oppidum *Verebety*  
 sunt prædia, & quicquid in illa regione plebis rusticanæ est,  
 Comitum imperio regantur. Ipsum oppidum, olim, quam  
 nunc, nobilius, inter præcipuas commoditates suas refert an-  
 nuos mercatus, qui qualicunque hominum frequentia agun-  
 tur. Vicos ista regio septem & viginti alit. Jam ad *Nitrien-*  
*sem* Comitatum progressus Autor, hunc, docet a *Nitria*, 292 seq.  
 Episcopali civitate, dictum; ab Oriente adjunctum esse *Bar-*  
*schiensis*, ab aquilone *Tburocziensis & Trentschiniensis*, ab occi-  
 dente *Moravia* partim, partim *Posoniensis*, a meridie *Posoniensis*  
 æque ac *Comaromiensis*, Comitatus; montibus, inde e Car-  
 patho exortis, totum obsideri, principesque in his Hungaro-  
 rum vocabulo appellari *Kraszna Lipa, Jaworina, Ofztry-Wrch,*  
*Zalosztna, Kitscherba, Inowecz, Radoschinszka-Hora, Hawran,*  
*Homola, Klag, Ghymes, Tabor, Kozlicza, & Zobor*; fluvios,  
 quibus irrigetur, esse *Vagum, Nitram, Zitrwam, Livi-*  
*nam, Dudvag, Blawam, Holescbkam, Mijawam, Chwoyni-*  
*tze*, rivos præterea & fontes æque salutares, thermas etiam,  
 ad roboranda corpora miram vim habentes, in quibus ma-  
 xime nominari mereantur *Bajmoczenfes, Pöstinenfes, & Bi-*  
*liczenfes*; soli montani ingenium asperius, felicius campe-  
 stris, esse, notæ optimæ triticum, silaginem, avenam, profe-  
 rentis; vini eximium hic proventum esse, cerevisias satis bo-

nas coqui, hortos ostendi pomis ornatissimos, maxime vero croci feraces, quo vix ulla regio nobiliorem ferat, rem pecuniam satis regioni quæstuosam esse, minus autem metallicam, hæc usque aut neglectam plane, aut Hungarorum more remissius cultam; incolas Comitatus Hungaros, Slavos, & Germanos, esse, quorum illi, qui in montibus degant, ovilia remque frumentariam curent, qui campestre regionem colant, alendis armentis pauperem vitam sustentent; supremorum Comitum dignitatem a multis inde Seculis Episcopis Nitriensibus attributam, nisi quod, vetustissima monumenta passim Comites Nitrienses, quos tiara Episcopali minus constet insignitos, nominent; insignia Comitatus S. *Ladislau* referre cataphractum, dextra securim militarem, sinistra scutum, tenentem; in familiis, quibus floreat provincia, principes esse Comitum *Palffy ab Erdod*, *Erdody de Monyorokerek*, *Furgach de Ghyms*, *Czobor de Czobor Szent-Mibaly*, *Nyary de Bedek*, *de Reva*, Baronum etiam *Zay*, *Revay*, *Majteniorum*, *Ujsalufiorum*, *Aponiorum*, *Mednyanszkiorum*, & *Sandororum*. Processus hujus Comitatus numerantur quinque, *Nitriensis*, *Ujbeliensis*, *Bajmotzensis*, *Bodokiensis*, & *Szabolczensis*, cui & *Szeniczensis* est. De *Nitriensis* primum Processus arcibus agens Auctor, nominat nobis *Nitriam*, arcem æque, ac oppidum, claram episcopali dignitate, quam qui inde ab A. 1158 ad 1737 tenuerunt, non interrupta serie hic exhibentur; tum *Ujvarinum*, mira memorabile vicissitudine fatorum, rebusque nunc a Botskajanorum, nunc a Turcarum, nunc ab Hungarorum, oppugnatione afflictissimis, quarum is fuit finis, ut A. 1724 jussu Cæsaris solo æquaretur. Omnem hanc arcis olim munitissimæ historiam, copiosa oratione a se expositam, breviori tandem elegantissimus Auctor monumento complexus est, arcis tum, cum solo æquaretur, a se posito, & tali prorsus, quale ab uno *Belio*, Gratiarum dignissimo alumno, expectes. Dabimus id Lectori integrum, nobis eo nomine gratias habituro: *Subsiste Viator! O rerum vicissitudines, his ruderibus expressas, mirare, ac time. Ujvarinum, oppidum inermis, fui, dum, cincta viris Hungaria, manibus*

ut

ut cingerer, non indigebat: at, simul viris, & viribus, destituta, in vallis robur, praesidium in muris, cogebatur querere; Marti me Ferdinandus I Caesar dedicavit; consecravit summus Istragani Praeful; Paulus de Varda denique operibus incinxit, Hungarus, Bohemus, Moravus. Ergo, omine a Marte accepto, mutavi simul nomen, ut Ujvarinum, id est, arx nova, dicerer, datura mox novam bellorum tragœdiam. Primus, qui me infectis armis contemnerare ausus est, civis fuit; si civis dicendus est, qui patriam evastavit. Ecquis ille? Stephanus Botskay, Transilvania Princeps, eo unico non culpandus, quod furorem in favorem vertit, quando cavit, ne ab auxiliatoribus suis Turcis sub jugum raperer: quin providit caute, ut parerem sibi, dum me Caesar recuperaret. Quicquid hoc beneficii sit; tamen ille mea spoliū virginitatis habet. Nondum injuriam dedolueram, cum iteratus e Transilvania turbo Hungariam perturbat denuo, me deturpat penitus. Calamitatis autor Gabriel Bethlen exstitit. Crederes, gavisam priori clade mea Transilvaniam, iteravisse maleficiū. Postea, bello depulso, simul pax reddita est, postliminio ad Dominum meum Ferdinandum II redii: felici, uti orbis melior augurabatur, siedere; nisi tricennio post, excitus ab orco barbarus, ante vires meas accidisset, quam tentaret obsidionem. Adamo Forgachio, arcis praefecto, dicam ideo annales scribunt; ego Marchioni Pio, qui volentem receptui canere Forgachium, lessum ut caneret, coegit, dum invitum in inmanem hostium manum impexit. Tunc demum gravior mihi procella incubuit. Dixisses, iratum Jovem detonuisse, Tartara furias omnes in me armavisse; ita ferro, igne, & qua non peste alia, sevitum in me est. Quis molitor tanti fuerit facinoris, ne quere. Mehmetem Tyrannum nominavisse satis est. Igitur, ut me pro virili defensarent duces, omni illi quidem ope elaboraverunt; sed, ne possent incolumem servare, militum consternatio, au perfidia, effecit. Inter diversa ducum militumque hac studia, Tyranno dedor, nunquam antea mitiori, quam cum dediticia signa conspexisset. Nunc est, cur lugeas Hungaria! quae tibi in Ujvarino, tot excitato laboribus, cruentam latrociniorum officinam posuisti: babes tamen simul, cur Deo O. M. gratias referas,

ras, qui calamitati tuæ, pace inopina, modum posuit, atque tuum tibi restituit Ujvarinum. Incomparabilis hæc felicitas Leopoldi Magni fuit, prudentiæ Latharingi, ardore Capræ, virtute Christiani exercitus, procurata. Jam ad quietem vocari videbar, felix, post tot arumnas, Ujvarinum, cum inopinus Rakoczianorum torrens, universam inundat Hungariam, me absorbet. Nolo injurias queri, id in novo maleficio collatum mihi beneficii recorder, (si inest quadam beneficii ratio, ubi comparantur perduellioni præsidia,) quod debilem multis me operibus obsirmavit Franciscus Rakoczy: tandem vindex Nemesis Josepho Casari, Heistero, Palffy, Laxfeldtoltzio, domantibus, me in integrum asseruit. Quid inde? Tot funerum, quæ sive dedi, sive accepi, pertasum, a Carolo VI Imperatore, Rege Hungaria, Pio, Felici, Victore, Triumphatore, Patre Patriæ, alta jam pace, funus ut fierem, impetravi, Anno 1724, posteaquam, ultra sesqui seculum, inter tot belli mala superfui. Abi viator! Et, cum rudera mea cernis, tumultum esse memento centum millium Virorum. Jam reliquas Processus Nitriensis arces Autor memorat, Ghymes nempe, a Forgachiis conditam, cujus gentis, vetustate æque ac nobilitate illustrissimæ, genealogiam Autor duabus tabulis contextam exhibet; & Schempte, sive Schintaviam, a Turcis oppugnatam sæpius, sed expugnatam nunquam. Oppida huic Processui, præter

393 seq. Nitriam & Ujvarinum, tenuiora sunt, Suran, Sallye, Urmeny, Schemmate, Mocsonok, Komjatbi, Ujlak; vici novem & novaginta. Bajmoczenfis Processus arces, quam pro situs commoditate, pauciores, Bajmocz & Kessellö-Kö, oppida, præter Bajmoczenfem, leviora nonnulla, Prividiæ, Nemet-Pronam, Sambokretum, & Szakasnum, vicos habet unum & nonaginta, in quibus unus, Hungaris Divek-Ujsatu, Germanis Neudorff, appellatus, inclaruit gentis Ujsalufianæ natalibus, ab Autore

435. 446 seq. in tabula repræsentatæ. Processus Bodokiensis non adeo magna est celebritas, nec numerare hic, nisi arcem unicam, Bodok, & oppida tenuiora quatuor, Bodok, Nagy-Topolcsanum, Baynam, Radoschinum, liceat. Hoc major copia vicorum est, quorum unus supra centum memoratur Nostro.



In his *Raicsanum* proprium inde ab A. 1301 genti cognominis fuit, cujus genealogiam hic, quorum interest, ex veteris ævi monumentis concinnatam legant. Ad *Ujbelyienfis* Processus, quem totum, quam longus est, amnis *Vagus* interlabitur, terras referuntur Autori oppidum *Ujbelyinum*, olim a *Bela IV* monasterio *S. Martini* in possessionem datum, postea a *Stephano*, *Ladislao*, & *Ludovico*, in dirionem *Laurentii* Comitis redactum; arcem & oppidum *Csejthe*, nefando maleficio *Elisabethe Batbori*, Comitis *Francisci de Nadas* viduæ, quæ in famularum suarum prope sexcentas crudelissimam lanienam & carnificinam exercuit, memorabile inprimis factum; *Verbovia*, fatis amplum, nec incolis destitutum, oppidum; *Pösteny*, saluberrimis a natura thermis donatum; *Vittencz*, locus vastus, & opificum plenus; arx *Jokö*, monti petroso inædificata; *Leopoldopolis*, a *Leopoldo* Cesare A. 1665 exstructum castellum; arx & opidum *Galgocz*, a Germanis *Freystadt*, & Græcæ vocabulo *Eleutheropolis*, appellatum; arx *Temetveny*, vetustissimæ molis, at prospectus amoenissimi; oppida *Ujvaros*, *Kosztolan*, & *Tura*, *Brezowa*; vici denique duo & octoginta. Extremus *Nitrienfis* provincie Processus est *Szakolczenfis*, Austriæ & Moraviæ fines proximè attingens. Hujus partes sunt libera regique urbs *Szakolcza*, a priscis Moravis, ex conjectura Autoris nostri, condita, instaurata autem a *Belo Caco*, & ab hoc privatis publicisque ædificiis condecorata, postea, fervente bello Hussitico, a *Sigismundo* munita, inde a *Pancratio* Liptoviensi, nefario prædone, infessa, nec minus a *Botskajo*, & *Bethleniana* factione, afflicta, a Regibus vero Hungaris, inprimis *Ferdinando I*, liberalius habita, variisque juribus donata; arx & oppidum *Holiesch*, a *Bethleniana* factione igni ferroque delerum; oppidum *Ekbel*, ambitu modicum, civium autem fama olim, quam nunc, florentius; arx & oppidum *Sebassin*; oppida leviora alia, *Radoschocz*, *Szeniczium*, *Szabasifinum*, *Sandorffium*, arces etiam *Berentsch*, *Korlarkö*, & *Eleskö*, vici vero pro dominiorum ratione varii, omnes octo & quadraginta numero. Ad extremam *Voluminis* hujus partem properamus, *Hontensis* nempe Comitatus historiam, ea non minus cura, quam sermonis elegantia, descriptam, ut, hanc le-

Pag. 324  
seq.

gentes, in fine Operis nos constitutos, non, quod alias solemus, gaudeamus, sed doceamus vehementer. Comitatum hunc cum bifariam dividere vulgo soleant, in *Nagy-Hontensem* (*Hont-majorem*), cujus tres sunt Processus, & *Kis-Hontensem* (*Hont-minorem*), qui, conjunctus licet priori illi, & quarti Processus nomine insignitus, separatae tamen provinciae prae se ferre habitum videtur; eundem Noster in dicendo ordinem secutus, singulorum Comitatum descriptionem singulatim exequitur. De *Nagy-Hontensi* igitur primum differens, universae provinciae nomen petitur, docet, a duce quodam, *Hunt*, ortu Germano, qui sub *S. Stephani* vexillo adversus *Cupan* Simigiensem militaverit; utramque ejus provinciae regionem, tam *Nagy-Hontensem*, quam *Kis-Hontensem*, ab oriente *Gümörienfis*, *Hevesienfis*, & *Neogradienfis*, ab occidente *Barschienfis*, a septentrione *Neogradienfis* partim, partim *Zolienfis*, a meridie *Barschienfis* & *Strigonienfis*, Comitatum finibus concludi; totam montibus turgere, nec tamen fertilitatis laude carere; *Nagy-Hontensem* Comitatum, si longitudinem spectes, ad novem propemodum milliaria, si latitudinem, non nisi ad quinque, extendi; montibus hunc & cingi, & impleri, *Schemnicienfis*, *Börsönyenfis*, *Palostienfis*, *Szenobradienfis*, *Szitna*, omnium cellissimo, & minoribus aliis; fluviis foecundari *Danubio*, *Grano*, *Ipola*, *Schemnicienfi*, *Carponenfi*, *Bakabanyenfi*; thermis a natura donatum *Gyögyenfis* & *Szantoiensibus*, nec minori copia acidorum fontium, *Szantoiensi* nempe, *Szalatyensi*, *Gyögyenfi*, *Felső-Palostensi*, & *Schemnicienfi*, quibus jungi mereantur fons periodicus montis *Szitna*, & aquae medicatae *Bakabanyenses* & *Drfeniczenfes*, magnam inprimis ad tollendas strumas vim habentes, atque adeo contrariae aliis laticibus, qui per metallicos montes & in ipsis fodinis scatent, & inde bibentes strumis deformatos dimittunt; agri fertilitatem aliis in locis difficiliorem, in aliis latiore, esse, nec optimae ubique notae vina generari, in quibus praecipuam esse commendationem *Hontensis* constat; rei pecuariae, apariae, & piscationi, parum oportunam, magis autem accommodatam ad aucupia & venationes, regionem esse; metallis ita divitem, ut nulli alii regioni ea laude secunda sit, quippe ferax auri, argenti, plumbi,

plumbi, ferri, æris Cyprii, pretiosorum lapidum, colorum, & varii generis terrarum; a gentibus nunc quidem variis, Hungaris, Slavis, & Germanis, ingenio & vivendi genere valde inter se diversis, coli; Comiti utramque provinciam, tam *Nagy-Hontensem*, quam *Kis-Hontensem*, uni, sed Vicecomitibus singulis singulis, parere. Et Comites quidem inde ab anno 1583, (nam superiorum temporum Comites æterna oblivione sepulti sunt,) ad præsens usque tempus, octo nominantur Auctori nostro; Vicecomites autem *Nagy-Hontensis* regionis ab anno inde 1565 ad præsentem usque duo & triginta. Insignia Comitatus spectandum præbent scutum rubro colore, in quo catafractum hominis brachium ensen strictum, ad summam scuti oram pertingentem, tenet, supra brachium a dextro scuti latere stella, a sinistro vero nova luna, conspicitur. Comitola provinciæ olim *Schemnicii*, postea *Carpantæ*, celebrata sunt, nunc in oppido *Szebeklib* haberi solent. Universum *Hontensem* Comitatum *Processus* quatuor absolvent, *Schemnicienfis*, *Batbenfis*, *Bozokiensis*, & *Kis-Hontensis*, quorum priores tres *Nagy-Honto* adscripti sunt, ultimus, per *Neogradienstum* & *Zolienstum* laxa collimitia directus, suis, ut supra diximus, finibus circumscribitur. *Schemniciensem* Pag. 558  
*Processum* liberæ regiæ ac montanæ urbes duæ, *Schemnicium*, seq.  
 quæ nomen regioni dedit, & *Bela-Banya*, Germanis *Dila*, Slavis *Bela*, dicta, nobilitant. In his *Schemnicium* incolarum multitudine, & metallorum celebritate, inprimis floret, omnibus aliis montanis urbibus hac laude superior. Hujus, *Bana* primum, postea *Sebenicum*, tandem *Schemnicium*, appellatæ, natales in annum 745 schedæ *Schemnicienstum* domesticæ reponunt; at idoneis certisque rationibus doctissimus *Belius* ostendit, in recentiori ac multo feliciori ætate collocandos. Primi urbis incolæ fuere Slavi, sed qui, sub tertii decimi forte Seculi initium, Saxonibus cessere, rerum metallicarum studio huc delatis, tantaque animorum contentione in urbe dominatum affectantibus, ut insolentiam eorum (hanc enim illis, nescimus, an quodam forte gentis odio, Auctor noster, Hungarus, tribuit,) sustinere Slavi haud possent. Tandem lege publica, in comitiis anni 1608 perlata, Saxones, una cum Hungaris, tam ad jura civitatis capeffenda, quam ad magistratus alternis

alternis administrandos, idonei sunt judicati. In magna illa Tartarorum in Hungariam invasionem, quæ regnante *Bela IV* contigit, incendio non ipsa tantum urbs, sed tuguria etiam, & metallicæ passim machinæ, sunt deletæ. Instauratam postea, & novis juribus donatam, a *Bela IV*, *Stephano*, *Ladislao Cumano*, *Carolo I*, *Ludovico I*, *Sigismundo*, *Joanne Corvino*, *Matthia*, *Ladislao II*, & *Ludovico II*, urbem, nova calamitas affecit, cum, defuncto *Alberto*, Rege Hungarorum, alii *Ladislauum*, Polonum, alii *Albertum*, filium posthumum, ex *Elisabetha* natum, Regem eligerent. Tunc enim *Schemnicium*, *Alberti* filio deditum, a *Simone Rosgon*, Episcopo Agriensi, qui ab *Elisabetha* ad Polonum defecerat, bello petitem, direptum, &, plurimis civium trucidatis, foedissime exustum est. Accessit terræ motus vehementissimus, quo, quicquid urbis ab incendio fuerat reliquum, A. 1443 concussum, disiectum, dirutumque fuit. Eodem anno novam, quæ nunc superstes est, ex veteris ruinis urbem surrexisse, scriptores passim referunt, sed quorum narrationem non tam falsam, quam aliqua ex parte dubiam, Autor noster pronuntiat. Novæ hujus urbis quæ & quam tristitia inde ab origine ejus fata, quam propensa Regum Hungaricorum in eam voluntas, quantum ejus ex Cæsaris cum *Rakoczio* pacificatione nomen, quam felices & quam bene instructæ metallifodinæ, fuerint, quæ nunc etiam civium ingenia, quæ decora familiarum, quæ magistratuum in tuenda justitia severitas, civium in urgenda re metallica industria, quæ denique urbis insignia, sint, non minori, quam cætera omnia, aut, ni fallimur, majori etiam, sermonis copia & elegantia exponit, arcis quoque *Schemnicienfis*, & Cœnobiorum ædiumque sacrarum, quibus ista urbs abundat, historiam atextens, de secturis autem metallicis tam plene commemorans, ut nec ipsa harum, quasunque aut prisca ætas habuit, aut

Pag. 677 præsens ostendit, nomina ignorari a Lectore patiat. Eadem  
 seq. Scriptoris nostri diligentia est in tradendis rebus alterius  
 681 seq. urbis liberæ ac montanæ *Bela-Banya*, arcis item *Szitna*, oppidorum *Szebeklib*, *Nemethy*, & *Saagh*, vicorum denique  
 691 seq. *Schemnicienfium* quatuor & quinquaginta. Properandum nobis ad finem est, indignantibus spatii, quo circumcludimur, angustia, & in tali Opere, quale hoc *Belianum* est, hospita-

turis, si liceret, per omnem vitam nostram. Docemus igitur Lectores, de Processus *Batbenfis* libera regia montanaque urbe *Baka-Banya*, seu *Duggantz*, oppidis *Bath & Böröny*, arce Pag. 703  
*Dregely*, & vicis, quorum quatuor & quinquaginta sunt, in- seq.  
 de de *Bozokiensis Processus* arce & oppido *Bozok*, arcibus *Csa- 710 seq.*  
*brao & Drekey*, vicisque septem & quinquaginta; denique de 720 seq.  
 altera Comitatus *Hontensis* parte, cui *Kis-Hont* nomen, ejusque 740 seq.  
 situ, opportunitatibus, incolis, magistratibus, oppidis *Rimaszom-  
 batbino*, & *Tiszolitz*, castellorum *Margith-Vara*, *Szabatbka*,  
*Rabo*, & *Ofgyan*, rudibus, vicisque numero quatuor & tri-  
 ginta, ita commemorare *Belianam* Musam, ut eundem ubique  
 diligentia æque, ac facundia, *Augusti* seculo dignissima, ve-  
 lut tenorem servet, &, quod vere dicere possumus, talis Hi-  
 storici, quales esse omnes deberent, sed nescimus an hac ætate  
 ostendi adeo multi possint, omnes numeros impleat. Nos feli-  
 cissimam tanto rerum suarum scriptore Hungariam judica-  
 mus, & incomparabilem hunc ei civem, qui aliarum gen-  
 tium numerosis legionibus opponi potest, pleni votorum pro  
 gentis *Beliane* diuturna incolumitate, & ex hac certissima in-  
 crementa bonis literis augurantes, ex animo gratulamur.

**INDEX VERBORUM AC PHRASIIUM LUCIANI,**  
*sive Lexicon Lucianæum, ad editiones omnes, maxi-  
 me novissimam Wetstenianam, concinnatum a CAR.*  
**CONRADO REITZIO.**

Trajecti ad Rhenum, ex typographia Hermannii Besseling,  
 1746, 4 maj.

Alph. 2 plag. 12.

**L**ongam hujus libri recensionem nemo a nobis expectet.  
 Quid enim de Indice multa dicamus? Quam utile et lau-  
 dabile institutum sit, indices verborum & phrasium, quibus usi  
 sunt veteres utriusque sermonis scriptores, contexere, inter  
 omnes constat, et ipse rerum usus docet. Ut adeo non possi-  
 mus hunc doctissimi *Car. Conradi Reitzii*, jam Rectoris Gym-  
 nasii Velaviensis apud Harderovicum, laborem non laudare, &  
 meliore de nota omnibus commendare, quibus Græcæ linguae  
 studium curæ cordique, & facetus Autor, qualis *Lucianus*, in de-  
 liciis est, idque eo magis, quo pauciores sunt, qui labores

hujus generis, perquam utiles quidem eos & prorsus necessarios, at tædiosos tamen, et invincibilem requirentes patientiam, subire audeant, & valeant exantlare. *Reitziorum* Fratrum bene de literis merendi studium abunde jam claruit, laudemque suam meretur. Et, si qui sunt, qui non omnia putent ab iis præstita, quæ desiderari poterant, æquitas tamen dicat, etiam bonam voluntatem amandam & probandam; neque omnes omnibus pares a natura factos esse. Autores veteres non solos sibi Criticos flagitant, sed etiam viros, qui, quamvis non doctos, laboriosos tamen, ut ita dicamus, labores, qualis hic *Reitzianus* est, in se suscipiant. Index hic pure Græcus est, non, ut alii, Græco-Latinus; raro sparsa quædam habet Latina. Utile inprimis est illud institutum, quo studuit Cl. Autor hunc Indicem etiam illis utilem facere, qui novissimam editionem *Hemsterbusio-Gesnerianam* non possident. Indicem nempe subjecit illi magno, seu Lexico, quo exhibuit initia Capitum cujusque libri *Luciani*, in quæ hunc Autorem *κατακρίματα* placuit curatoribus editionis novissimæ Amstelodamensis. Melius tamen, nostro quidem judicio, processisset Cl. Autor, si, non secundum alphabeticum, (ut *Abdicatus, Accusatus, Adversus indoctum,*) sed eum, ordinem, quo in libris vulgatis sese libri excipiunt, Indicem disposuisset. Si quis jam levem illam operam subire velit, ex hoc Indice numeros Capitum suo, cujuscunque editionis, exemplari adscribendi, poterit is hoc Indice valdè utili, & quod nulli dubitamus, completo, uti. Indices quoque sunt præmissi duo alii, alter criticus omnium Autorum veterum, quorum lectio in Notis ad *Lucianum* emendatur, vel qui cum elogio allegantur, & quorundam recentiorum, qui laudantur, vel castigantur, alter, qui allegationes utriusque sacri Codicis, in Notis ad *Lucianum* obvias, exhibet. Tandem etiam Cl. *Jo. Friderici Reitzii* legitur brevis defensio sui adversus Autorem recensionis, nostris hisce *Notis Actis Eruditorum Anni 1745 Mense Majo pag. 241 seq.* insertæ, quæ judicium de ejus in *Lucianum* meritis, ut ipse credit, haud æquum tulit. Ac, de peccatis quidem typographicis in contextu Græco, fatetur, item de minutis grammaticis & puerilibus; quas tamen in unum collatas non ultra octo paginas completuras dicit, & hoc nomine veniam rogat; fert etiam,

iam, se moneri de nonnullis; sed tamen in quibusdam sibi injuriam factam queritur: tanquam, quod *Brodei* pueriles notas addiderit, & *Bourdelotii* peccata non reprehenderit: quod *Elfneri* loca Obs. S. ubi *Lucianum* ad partes vocarit, adiecerit etiam, quamvis levibus in rebus: neque se commisisse, ut aut non satis æquus *Gesnero*, quia Germanus sit, aut injuriosus in *Gravium*, fuisse diceretur, cujus notam, in qua, manifeste per errorem operarum, ἐκατηγεῖτο positum est, alia nota reprehenderit potius, quam errorem sustulerit. Ad hæc, non est, quod quidquam reponamus, istaque reprehendere si injuria, aut convicium, est, veniam rogamus. Unum est, de quo respondere pauca volumus. Nempe niquissimi fuimus, quod *Solano*, & ipsi, insultavimus, ut ait, propterea, quod legi voluerint παρ' ἐλπίδος, præter spem, ipse autem etiam πέρα ἐλπίδος: cum *Solanus* diserte dicat, se legere παρ' ἐλπίδα, eique ipse assensus sit. Nos autem hoc nuspiam negavimus. Vidinius enim oculis nostris. Sed o! viri boni, si scitis, neque πέρα ἐλπίδος, neque παρὰ ἐλπίδος, rectum esse, sed contra sensum illud, hoc autem contra præcepta grammatica: quare, quæsumus, chartam maculatis, & notas oneratis talibus conjecturis proponendis, & lectorum otio abutimini sic? Si reperit v. c. πλέτως dici in plurali posse, cur non delegit priorem notam, in qua negaverat? Quid enim lectores emant notas, e quibus discant, quid aliquando nesciverit? Nam, qualis defensio sit, quod non satis temporis se habuisse dicit, ut posset priorem notam delere, nemo non videt.

**EPISTOLA AD VIRUM ERUDITUM, CONYERS MIDDLETON, Vitæ M. T. Ciceronis scriptorem, in qua ex locis ejus Operis quamplurimis, recensionem Ciceronis Epistolarum ad Atticum & Quintum Fratrem desiderari, ostenditur: de illarum vero, quæ Ciceronis ad Marcum Brutum, Brutique ad Ciceronem, vulgo feruntur, Epistolarum ἀνθεντικῶν, nonnulla disseruntur. Autore JAC. TUNSTALL, Coll. Div. Joan. Cantab. Socio, & Academiæ Oratore. Accedit J.O. CHAPMAN Dissertatio chronologica de Ætate Ciceronis Librorum de Legibus.**

Cantabrigiæ, apud Guil. Thurlbourn, 1741, 8.

Alph. 1 plag. 3.

**D**e *Middletoni*, V. C. Commentario de *Vita Ciceronis*, diu est, quod copiose in his Annalibus commemoravimus. Is, cum multa bona multasque suavitates haberet, avide lectus est, imprimis in Anglia. Idem cum venisset in *Tunstalli*, V. C. manus, qui magna cum diligentia aliquamdiu erat in excutiendis emendandisque *Ciceronis* ad *Atticum*, *Q. Fratrem*, & *M. Brutum*, Epistolis versatus; statim ille animadvertit, a *Middletono* quædam vel minus recta pro certis venditata, vel recta nonnunquam perperam intellecta, fuisse. Quare, cum ad literarum utilitatem interesse putaret, si earum studiosi de ea re admonerentur, instituit hanc Epistolam scribere, in qua minus recte tradita ex *Epistolis ad Atticum* & ad *Q. Fratrem* convinceret. Quod ille ita perfecit, ut simul multa earum Epistolarum loca explicaverit, multa etiam emendare tentarit. Quo magis nos gratam rem Lectoribus speramus facturos, si hujus libri argumentum breviter exponamus, &, speciminibus quibusdam propositis, de toto Opere judicandi Lectoribus potestatem faciamus. Cum *Nepos* in *Vita Attici* de XVI voluminibus Epistolarum *Ciceronis* ad *Atticum* dicat, eas a Consulatu *Ciceronis* ad extremum usque tempus missas esse, easque qui legat, non multum desideraturum temporum eorum contextam historiam; id male ita accepit *Middletonus*, ut crederet, nihil tum accidisse, cujus non accurata & ampla narratio in illis Epistolis reperiretur. Nam primo altius, quam *Nepos* dicit, earum initium repetendum, nempe a quinto ante *Ciceronis* Consulatum anno; deinde non pertinent ad extremum usque *Ciceronis* tempus, sed plus quam integrum annum ante desinunt; denique intervalla quædam Epistolarum scribendarum fuisse. Nam v. c. circa ipsum *Ciceronis* Consulatum plus quam triennium totum sine ulla Epistola intercessit. Neque integram illam, qua *Nepos* usus est, συναγωγήν ad nos pervenisse putat *Tunstallus*, cum in iis, quas habemus, Epistolarum ad *Atticum* missarum mentio fiat, quarum nulla particula hodie superest. Sed, quo magis elegantes & plenæ historia doctrinaque sunt, quas habemus, eo magis perditæ desiderandæ sunt. In iis, quas habemus, egregie versati sunt *P. Victorius*, *P. Manutius*, *Simeo Bo-*

sius,



*sius, J. G. Gravins, & Cl. Mongaltius, Francogallus.* Sed multa tamen restant difficilia, corrupta, & perperam mutata. Ejus rei indicium etiam hoc est, quod *Middletonus* loca dubia aut non attingit, aut sæpe male ad partes vocavit. Idque ei hoc magis in Epistolis ad *Q. Fr.* accidit, quod in iis viri docti non eadem, ac in illis, diligentia sunt versati. Inprimis autem in multos errores *Middletonum* induxit hoc, quod non animadvertit, Epistolas ad *Atticum* non esse accurate ad ordinem temporis dispositas; (quod tamen non primus *Tunstallus* vidit, sed jam *Simeo Bosius* monuit, item *Manutius & Popma*, qui etiam primi Libri Epistolas eodem prope modo ac *Tunstallus* digessere,) sed in rerum temporibus definiendis eundem, qui Epistolarum est, ordinem fecit. Ceterum ex perturbato Epistola-  
rum ad *Atticum* ordine colligit *Tunstallus*, haud scimus, an vere, eas Epistolas non *Tironem*, ut *Middletonus* putat, sed *Atticum* ipsum, lucri facienda studio digessisse, qui non modo gladiatorum familiis, sed etiam servis literatis & plurimis librariis alendis, quæstum fecerit. Quodsi *Tiro* eos digessisset, non dubitat Vir doctus, quin eas ita jam, ut a *Cicerone* datæ erant, dispositas haberemus: quasi Epistolæ ad Familiares a *Tirone* isto ordine digestæ sint. Neque tamen hoc audet confirmare, nihil in ordine, ab *Attico* facto, mutatum fuisse: cum sæpe una in plures divisa sit, plures in unam coaluerint, id quod etiam Epistolis ad *Q. Fratrem* accidisse putat. His explicatis, 24 seq.  
Vir doctus se ad res *Ciceronianas* ipsas convertit, quæ partim ad rem publicam, partim ad privatam *Ciceronis*, & ejus scripta sententiasque, pertinent; in quibus omnibus demonstrat luculentis exemplis, *Middletonum* subinde errasse, cum vel, quod in aliis tamen ipse merito reprehendit, fidelissima Epistolarum ad *Atticum* & *Q. Fr.* testimonia submoverit, vel in iis, optimis per se, partim ex sua brevitate, rerumque ipsarum ingenio, obfcuratis quamplurimum, partim ex vetustatis injuria misere oblitteratis, monumentis, aliorum autoritate niti, quam suo uti iudicio, maluerit. Illud etiam erroribus quibusdam locum fecisse, quod non meminerit, *Ciceronem* in aliis scriptis virum optimum esse præstantissimumque civem, in Epistolis autem inconstantiam cupiditatemque subinde prodere, eoque fieri, ut

Pag. 50.

35.

veræ ejus vitæ stultitia quædam in tanta fictæ eloquentiæ prudentia delitescat, & nisi ab attentis Epistolarum lectoribus, conspici non possit. Pefellisse eum hanc quoque opinionem, quod putaret, Orationes *Ciceronis*, etsi veras de rebus philosophicis sententias raro exhibeant, rerum tamen gestarum, earum certe, quæ vel in senatu, vel ad populum, actæ sint, testes certissimæ esse: cum hæc veteris eloquentiæ vel maxima ars fuerit, ut non modo vera tacerentur, sed etiam res, ut causæ serviretur, vel augerentur, vel minuerentur. Atque hujus oratoricæ *circumplexæ* vestigia non solum in Orationibus, sed in rhetoricis etiam philosophicisque operibus, reperiri, non modo quoad personarum & sermonis fictionem, qui mos est dialogorum, sed eventorum etiam rerumque gestarum. *Μνημονικά* *Ciceronis ἀμαγθήματα* in historicis rebus animadvertisse multos; *ἐντεχνῶς* autem meditateque nonnulla *παρὰ τὴν ἱστορίαν* posita esse, non ita esse proclive judicare; quod tamen nisi fiat, historiam ex *Ciceronis* libris congeri veram non posse. Ejus rei quatuor exempla affert, e quibus hoc unum ponemus, quod *Cicero* in *Bruti* procæmio dicit, sibi, e Cilicia decedenti, Rhodum cum venisset, nuntiatam esse *Hortensii* mortem, idque, eo loco adductus *Middletonus*, post alios, verum esse judicavit. Sed idem *Cicero* ad *Att.* VI, 6, e Cilicia scribit: *De Hortensio te certo scio dolere. Equidem exerceor. Deceeram enim cum eo valde familiariter vivere.* Epistola sequente autem scribit, *se Rhodum velle.* Dicet aliquis: quare autem aliter scripsit, ac res erat? Nempe ad *Bruti* sui materiam accommodatissimum erat, ut Rhodi potissimum, in nobilissimo eloquentiæ emporio, de morte *Hortensii*, cujus laudes tantopere in *Bruto* celebrantur, primum nuntiatum diceret. Hinc jucundissimi procæmii occasio nascebatur, operæque ab utroque Oratore summo, *Cicerone* & *Hortensio*, apud unum optimum eloquentiæ magistrum *Molonem* Rhodi olim positæ suavissima recordatio. Conf. *Brut. Cap. 90.* Hoc artificium cum non assequerentur librarii in *secundo de Legibus Cap. 1.* ubi *Atticus* dicit: *Equidem, qui nunc primum tunc venerim, satiari non queo: magnificasque villas, & parimentia marmorea, & laqueata tecta, contemno, cum credere non possent, Atticum tunc primum in illam Ciceronis villam venisse, neque id intelli-*

intelligerent, consilio ita scriptum esse, & exquisita aliqua ratione, ut nempe *τοποθεσια* Arpini his Dialogis includi posset, in qua scilicet suavitas quædam inesset, ad exornandum librum accommodata, reposuerunt *nunc potissimum*; quo totus locus corrumpitur. Nam, si *Atticus* inducitur esset talis, ut jam sæpe vidisset Arpinum, sane tota illa *τοποθεσια* aliena fuisset & scholastica. Jam inde a pag. 66 ad pag. 192 multis per omnem vitam *Ciceronis* exemplis demonstratur, quom graviter in multis rerum *Ciceronianarum* partibus a vero aberrarit, eaque omnia ex iis, quas diximus, Epistolis repetita sunt. Nobis hic satis erit, huc referre ea, quæ ad *leges* Pag. 66. *Clodias* pertinent, ceteris lectorum diligentia relicta. Quatuor *leges* tulit *Clodius* in initiis tribunatus: primam, ut frumentum populo gratis daretur in posterum, non, ut e lege *Sempronia* datum erat antea, semissibus & trientibus; alteram, ne quis per eos dies, quibus cum populo agi liceat, de cælo servaret; tertiam, de collegiis restituendis, novisque (*innumerabilibus* *Cicero* dicit *pro Sext. Cap. 25*) instituendis; quartam, ne Censores, nisi accusatum apud se, & de communi utriusque sententia, notarent (*Cicero* dicit *ibid.* ut *Censoria* notio de rep. tolleretur). Sed post has *leges* *Middletonus* putat aliam legem latam ab eo, ut *lex Ælia Fusia* ne valeret, eaque lege in perpetuum sublatam esse legem *Æliam Fusiam*; & deinde subtiliter exquirat rationes, quare in republica ejus legis vis aliqua reliqua videatur. Hic *Tunstallus* recte docet, *Ciceronem* non intellectum esse a *Middletono*. Nam ea, ut dicitur, non nova lex fuit, sed eadem, quam antea loco secundo commemoravimus, sive potius ejus pars. Nam in eadem erat, ne auspicia valerent, ne quis obnuntiaret, ne quis legi intercederet, ut omnibus fastis diebus legem ferre liceret, ut *lex Ælia*, *lex Fusia*, ne valeret. Erroris autem causa hæc fuit, quod *Middletonus* non vidit, quæ *Cicero* de legibus *Clodianis* dixit, ea non esse ita, uti dicuntur, accipienda, sed esse oratorie aucta. Quis enim credat, *Clodium*, hominem popularem, ausum esse lege tollere religionem, auspicia, obnuntiationem, intercessionem? Quis credat porro sublata, cum postea valuerint? Poterat autem *Middletonus* ex *Dione Cassio* discere, *Clodium*, cum timeret, ne lex in *Ciceronem* ferenda im-

pediretur, tulisse, ne quis de cælo servaret per eos dies, quibus necesse esset, plebem aliquid sciscere, hoc est, ut per proximos dies comitiales lege Ælia Fusia solutus esset. Neque inusitatum hoc erat, ut aliquis ad tempus ea lege solveretur. Nam biennio ante *Lurco trib. pl. solutus est lege Ælia & Fusia, ut legem de ambitu ferret, ad Att. I, 16.* Et, cum lex de Cicerone revocando ferenda esset, Senatusconsultum factum est, *ne quis de cælo servaret, ne quis moram ullam afferret.* Ceterum miramur, qui factum sit, ut *Tunstallus* semper legem *Fusiam* appellet, cum satis constet hodie, legem *Fusiam* dicendam esse, nisi forte errore operarum ita expressum est: quod si est, miramur, quomodo, qui alios errores, tanquam *pag. 32 πολυτελήν οὐκ εἶχαν*, in addendis fustulit, non hunc quoque tam frequentem emendarit. Deinde non assequimur, quare non modo *Middletonus* inducatur ita disputans, quasi unam legem Æliam Fusiam putarit, sed ipse etiam *Tunstallus* ita loquatur, cum duæ diversæ leges fuerint. Sed, antequam in argumento libri enarrando progrediamur, illud quoque monendi sunt lectores, *Tunstallum*, dum *Middletoni* sententias ex Epistolis *Ciceronis* ad *Atticum* & *Q. Fr.* refellit, multis locis medicinam asserre studuisse: quam rem, etsi non negaverimus, ei interdum non adeo infeliciter cessisse, tamen & illud fatemur, multas atque adeo plerasque conjecturas nimis a vulgata lectione recedere, multisque dubitationibus obnoxias esse; quod pluribus exemplis doceremus, si nobis tam longis esse liceret, neque alia nobis ex hoc libro narranda restarent. Versatur autem reliqua libri pars in eo, ut ostendatur, *Epistolas* eas, quæ ad *Brutum* scriptæ a *Cicerone* putantur, atque a *Bruto* ad *Ciceronem*, quæque Epistolis ad *Quintum Fr.* subjici solent, spurias esse, & utri-

Pag. 192. que ab impostore quodam suppositas. In quo Vir doctus non eo solum argumento utitur, quo vulgo in hujusmodi causâ uti solent, quodque a dicendi genere abhorrente a *Ciceronianæ* elegantia ductum, lubrico illo sane & sæpe fallaci, sed etiam luculentiori & potentiori, quod a rebus sumitur. Nempe, cum primum ille paulo diligentius legere has Epistolas instituisse, statim *Ciceronianæ* orationis candorem & copiam desideravit, easque ita dictis sententiisque concinnatas animadvertit, ut ex

194.

221.

*περιεργία* potius & meditatione scholastica, quam ex negotiis Pag. 193.  
 ipsis, vitæque veræ actione, natæ esse viderentur. Miratus  
 deinde est, qui factum sit, ut reliquæ Epistolæ utriusque mu-  
 tæ & ante & post ea tempora scriptæ, in quæ hæ incidunt,  
 quarumque adeo mentio sit apud veteres, *Plutarchum* inpri-  
 mis & *Quintilianum*, interierint omnes, hæ remanserint so-  
 læ, quæ ad *Atticum* scriptarum historiam producant, & quasi  
 Epilogi vicem sustineant. His rebus adductus, diligentius 194.  
 rem excussit, in iis Epistolis invenit multa & *νοήσες* absona, &  
*λέξες* inconcinna, multa, ex utraque parte, rerum futurarum  
 mira auguria, narrantis porro *Ciceronis* & conjicientis *Bruti*, &  
 vicissim, repentinos quosdam mirabilesque concursus, quod  
 autem maximum est, in historia non solum novata atque im-  
 mutata quamplurima, sed & nonnulla palam falsâ, *Ciceronis*  
 certe veris genuinisque operibus ex adverso repugnantia. Hæc  
 ille in hoc libro pluribus exequitur, initio factò ab eo, quod  
 ultimo loco posuerat, & quod est rei caput. Digna sane res  
 est, quæ etiam atque etiam consideretur. Nam, ut non omnia  
 argumenta probamus, quædam tamen sunt, non contemnenda  
 sane, digna certe, quæ diligenter a doctis hominibus excutian-  
 tur. Hic quidem neque spatium, neque ratio, fert, ut omnia  
 argumenta commemoremus & examinemus: inprimis cum ad-  
 huc aliquid dicendum videatur de *Jo. Chapmani*, Viri doctis-  
 simi, Dissertatione chronologica, de *Ætate Ciceronis Librorum*  
*de Legibus*, quæ huic libro *Tunstalliano* subiecta est. Vulgo qui-  
 dem horum librorum natales ad annum U. C. 702, e calculo  
*Pighiano*, & *Servium Sulpicium* & *M. Claudium Marcellum* Con-  
 sules, referuntur. Fuere tamen, nominatimque *J. A. Fabricius* &  
*Morabinus*, Franciscus eorum librorum interpres, qui, paulo ante  
 mortem *Ciceronis* scriptos, putarent, id est, A. U. 710 *Hirtio* & *Pan-*  
*sa* Coll. Cl. *Chapmanus* quidem plurimis, iisque egregiis, ut no-  
 bis videtur, argumentis contra primam illam sententiam prola-  
 tis, de Legibus libros extremo A. U. 709 scriptos esse, defendit.

CHRISTIANI GOTTLIEB BUDERI, SERENISS.

Saxon. Ducibus a Consiliis aulicis, in Academia Jenensi  
 Juris & Histor. Prof. Ordin. &c. Opuscula, quibus se-

*lectiona Juris publici, feudalis, ecclesiastici, Germanici, & Historiæ patriæ ac literariæ, argumenta exhibentur.*

Jenæ, apud Christ. Henr. Cuno, 1745, 8 maj.

Alph. 2 plag. 1.

**O**puscula eruditorum minora, ea maxime, quæ vulgo Dissertationum Academicarum insigniri nomine solent, cum non modo rarius in regiones exteras perferantur, sed eorum etiam sæpiissime manibus excidant, qui propius vivunt, & alias in conquirendis scriptis ejusmodi nec operæ parcent, nec sumptibus; publico sane dignus elogio est Illustris Autor, quod Dissertationes & Programmata, quæ inde a triginta annis separatim ediderat, uno juncta volumine, historiarum pariter & Juris publici amatoribus exhibuit. Qua in re sicuti exemplo præstantissimorum virorum, quos idem laudabiliter fecisse novimus, incitatum se ipse proficitur Celeberrimus Buderus; ita etiam id habet hæc Sylloge præ multis aliis præcipuum, quod omnia secundis sub examen curis vocata, pluribusque hinc inde accessionibus locupletata fuerint, addita simul, quæ antea lucem non viderat, Oratione inaugurali, bonæ frugis plenissima. Largus igitur & exteris, & civibus nostris, fons patet, ex quo haurire cum voluptate possint, quæ ab aliis vel non observata, vel non erudite satis tractata, & in illustribus tamen rerum argumentis obtinent. Quod ut appareat luculentius, vel solos Opusculorum titulos subjunxisse juvabit, qui non paucos profecto ad ipsam eorundem lectionem allicient. Scilicet primum occupant locum *Vindicia juris Imperatorii adversus Episcopos Romanos*; alterum *Diatribæ de juramentis Principum ecclesiasticorum S. R. Germ. Imp.* qua ad finem perducta, occurrit expositio *de Feudis sceptri*, itemque *de Feudis officialium hereditariorum Procerum & Provinciarum Germaniæ*, quam *de Legationibus obedientiæ Romam missis* liber singularis excipit. Deinceps *de Canonicatibus Imperat. Augg. Germaniæque Regum ac Præbenda regia* disseritur, cui scripto succedunt *Commentationes de S. R. I. Vicariorum jure præsentandi ad beneficia ecclesiastica; de Commissario imperiali in causis feudalibus, sigillatim ad investituras;*

*turas; de Commissario Imperiali ad causas feudales varias; de Feudo jurisdictionis, & de Judiciis duodecimviralibus populorum septentrionalium ac Germaniae.* Post Oratio conspicitur, notis literariis instructa, *de instauratione studii historiarum patriae Friderico III & Maximiliano I Augg. imperantibus*, quam indixerat Programmate solenni *de Friderico III Electore Saxon. studiorum historicorum patrono ac propagatore.* Huic vero Illustris Autor comites dedit partim Programmata alia, partim Dissertationes epistolares, *de satis doctrina Juris publici in Academiis maxime Germaniae; de Bibliothecis legatis; de Bibliotheca diplomatica; de jure manus mortuae; de compendiis fisci regii & camerae apud Germanos; de verbi Reich, terrulis adscripti, significatione, ac tandem de Sigilliferis Episcoporum, cumprimis Germaniae.* Lætentur nunc hiæce politissimi ingenii monumentis Themidos elegantioris cultores, & ne solus hic *Tomus* maneat, optent reipublicæ literariæ causâ, quæ tanto plures *Budero*, de se optime merito, honores decernit & laudes, quanto magis spectata Viri modestia omnes deprecatur.

# LECONS DE PHYSIQUE EXPERIMENTALE, &c.

hoc est,

LECTIONES PHYSICÆ EXPERIMENTALIS, AUCTORE Abbate NOLLET, Academiae Scientiarum Parisiensis, & Societatis Regiæ Londinensis, Socio.

## TOMUS II & III.

Amstelodami, sumptibus Societatis, 1746, 12 maj.

Tom. II plag. 21 Tab. 20, Tom. III plag. 22 Tab. 19.

**P**ergimus in recensione elegantissimi Cursus Physicæ experimentalis, a doctissimo *Nollet*o edi cœpti. Totam instituti rationem, methodumque, qua in eo exequendo versatus est, nuper, cum de *Tomo primo* verba faceremus, exposuimus. Exorsus est ibi doctrinam de motu, atque hujus eam partem, quæ de motu simplici agit, absolvit. *Motus* itaque *compositi*, atque *virium centralium*, consideratio initium *Tomi secundi*, & quidem *Lectionem V*, constituit. Post explicatam hujusmodi motus naturam, variæ sistuntur

tur machinæ elegantes, quibus varii ejus casus re ipsa ad experientiam revocari possunt; & plurimorum phænomenorum, quæ in natura sunt obvia, & attentione vel ideo digna, quod minus expertis aliter consequi debere videantur, ratio redditur. De viribus centralibus quoque peringeniosæ quædam exhibentur machinæ, quibus effectus vis centrifugæ & centripetæ, motus vorticis, corporumque, ei innatantium, motus corporum in curvis, ut spiraliibus, ellipsibus, &c. clare ante oculos ponuntur. Vis centrifuga applicari potest maximo cum usu in variis machinis construendis, quibus motus fluidorum producitur; quo pertinet *Papini Suctor* rotatilis, in his *Adis* olim descriptus, antliæ, aquam elevantes, a *Galleno* expositæ, folles, quibus in locum quendam continuo aer recens injici potest, a *Desaguliero* constructi, aliæ. Simili artificio utitur *Noster*, ceu remedio Thermometris applicando, si, ut interdum fieri solet, accidat, ut liquor dissipetur, & intervalla vacua inter se relinquat. Modo enim Thermometrum superiori sua parte manu teneatur, & aliquoties celerrime convertatur, adeo ut globus in peripheria circuli sic descripti existat, tubus autem radius ejus constituat; statim liquor iterum unietur. Expertus est aliquoties, mortem, vel saltem permagnam violentiam, animalibus inferri posse, si per aliquod tempus celeriter in gyrum agantur. Proponit hac occasione, an non motus gyratorius inservire queat paralyticis; ad humores in pristinum cursum restituendos. De phænomenis corporum, in vortice fluido motorum, eorumque causis, varia notatu digna affert. Sequens *Lectio VI* de *gravitate corporum* agit. Phænomena, a gravitate proficiscentia, sunt vel ita comparata, ut gravitati soli debeantur, vel ut alia insuper vis ad effectum concurrat. Prius fit, si corpus motu libero in verticali decidat; posterius duobus præcipue casibus accidit, si corpus aut in plano inclinato, vel curva quavis, motu non libero descendat, aut a vi quadam in directione quavis projiciatur, ac dein libere moveatur. In quaestione de causa gravitatis, de qua adeo in diversa abierunt Philosophi, *Noster*, quemadmodum & in aliis ejusmodi, experimenta solum asserre contentus, in nullius castra transire audet. Cum, omnia corpora, etsi apparenter levia, & in aere adscenden-



adſcendentia, gravitate tamen prædita oſtendiſſet, quæſtionem de adſcenſu vaporum attingit. Expoſitis variis hac de re ſententiis, nonne, quærit, aer atmophæricus ſimul diſſolvere & elevare poteſt ſpongii in modum corpora, ipſum circumdantia? Videmus enim, aquam, vaſi, cujus fundus ſale tegitur, inſuſam, hoc in partes minimas diſſolvere, ubique in poros ſuos recipere, & per totam ſuam maſſam uſque ad ſupremam ſuperficiem elevare; idque eo magis, quo magis diſſipata, quo minores, & quo magis aqua jam imprægnata, ſunt hujus particulæ. Hujusmodi autem granis aſſimilantur corporum omnium moleculæ, quarum pori continuo aere opplen-  
tur, quæque adeo nec cum reliquis penitus cohærent, nec unquam in perfectâ quiete conſtituuntur. Haud quoque huic rei obſtabit, eas eſſe aere graviores, cum, aquam in ſpongio ſponte adſcendere, conſtet. Fatetur Cl. Autor, rem ſic non ad primam cauſam deduci, ſed phænomenon unum ſaltem per aliud explicari; ſed quid aliud agendum in tanta cauſarum obſcuritate? Ceterum hac Lectione varia, ad motus ex gravitate ſpectantia, tam rationibus geometricis explicantur, quam machinis variis ad experientiam revocantur. *Hydroſtaticam Lectiones VII & VIII* complectuntur. Hæc tractatio verſatur vel circa fluida in ſe ſpectata, ubi de conditionibus æquilibrîi fluidorum, aut homogeneous, aut heterogeneorum, vel circa æquilibrium ſolidorum in fluidis. Dum æquilibrium fluidorum heterogeneorum inter ſe conſiderat, doctrinam de preſſione atmophærx, ejusque effectibus in barometris, antliis, &c. ſimul attingit. Hac occaſione aſſert inſtrumentum valde ſimplex, denſitates duorum fluidorum absque prolixiori apparatu ſecum comparandi. Conſtat exigua antlia ſuctoria, e qua prodeunt duo tubi æquales vitrei, aſſerculo in partes minimas diviſo affixi; qui ſi duobus vaſibus, horum fluidorum plenis, ad æqualem profunditatem immergantur facta elevatione emboli, fluida ad altitudines adſcendent, denſitatibus reciproce proportionales; modo uterque tubus ad minimum 3, aut 4, pollices diametro interiori contineat. Appendicis loco accedunt duæ diſquiſitiones, altera de *tubis capillaribus*,

*pillaribus*, de *causis fluiditatis & soliditatis corporum altera*. Ad tres potissimum classes redeunt Physicorum de causis phenomenonorum in tubis capillaribus sententiæ. Alii ea pressioni inæquali fluidi subtilis ambientis adscribunt, quam in vas liquore plenum facilius, quam intra tubulum, exerceri posse putant. Aerem id esse non posse, statim docent experimenta, sub antlia haud minus, quam in aere libero, procedentia. Huic quidem responderi posset, aerem sub antlia ubique æqualiter rarefieri, proinde eandem adhuc proportionem inter pressiones intra & extra tubum aeris expansi, quam inter pressiones naturalis, subsistere. Sed novum repugnat experimentum. Si enim aer pressionem intra tubum libere exercere nequit, sequitur, ipsam eo magis imminui, quo longior est tubus; cum tamen longitudo tubi nihil omnino ad altitudinem fluidi intra eum conferre deprehendatur. Aliud ergo fluidum aere subtilius in usum vocant, quod adhuc in vasibus aere evacuatis subsistat. Huic partes globulosas tribuunt, sicque tubum nunquam exacte replere putant; unde pressio oriatur inæqualis, idque eo magis, quo tubus sit angustior. Verum enim vero conceptu est difficile, quomodo fluidum adeo subtile, ut poros vitri permeare queat, tam male sese applicet parietibus tubi, ut inæqualitas pressionum evadat sensibilis. Præterea, posita hac pressionum differentia, altitudines liquorum intra tubos deberent esse densitatibus reciproce proportionales, contra experientiam. Quin & prorsus non pendere videtur hic effectus a pressione externa, cum is eodem modo consequatur, si tubus non immittatur vasi liquore pleno, sed saltem guttula ei extrorsum applicetur. Secunda opinio eorum est, qui statuunt, extremitate tubi in liquorem immersa, columnam exiguam, eum ingressam, pondus suum adhesionem ad vitrum perdere; unde ab exteriorum columnarum pressione elevetur; eodem modo elevari secundam, & ita porro, donec altitudo fiat proportionalis frictioni, quæ sit reciproce ut diameter tubi. Verum non perpendiculari, columnam fluidi sustineri quidem posse frictione, quamdiu in quiete versatur, eandem vero frictionem superandam

dam esse, si movenda sit, quod nullo modo a pressione externa fieri posse liquet. Sed & ipsi repugnat experientia. Idem enim effectus consequitur, sive tubus saltem attingat liquoris superficiem, sive, quantum potest, profunde immergatur; quod, pressionem columnarum externarum nihil eo conferre, docet. Tertia itaque & maxime recepta sententia attractione liquoris & vitri mutua nititur. Quæ hac de re assert Noster, eo potissimum redeunt: Qui attractionem pro principio physico venditent, iis duo probanda incumbere: primo tale principium actu existere, dein effectus, ipsi tributos, per leges impulsione explicari non posse; qui vero pro causa tantum secundaria sumant, iis de ipsa ad leges naturæ ordinarias reducenda laborandum esse. Præterea forsitan incassum in his effectibus per unicam hypothesin explicandis desudari, sed potius plures una causas ad eos concurrere posse; nimirum, præter inæqualem fluidi cujusdam subtilis pressionem, insuper adhesionem, seu viscositatem naturalem liquorum, quantitatem & figuram partium, motum internum, & ita porro. De causis duritiei & fluiditatis corporum acturus, primo experimenta assert, quibus adhesio corporum mutua adstruitur; quo pertinet cohesio duorum marmorum politorum, & suspensio Mercurii intra tubum sub antlia usque ad 75 pollices. Hos effectus pressioni fluidi subtilis adscribendos colligit. Ex eodem fundamento quoque vel duritiem, vel fluiditatem, corporum deducit, prout vel pressio fluidi hujus exterior excedit reactionem ipsius intra poros corporis, vel prout fluidum adeo se poris insinuat, ut pressionem exteriorem superet; quæ omnia ita explicat, ut, ejus hypothesin veritatis speciem maximam præ se ferre, negari nequeat.

*Tomi tertiæ Lectio IX Mechanicam explicat.* Cum enim leges æquilibrîi & motus corporum solidorum ac fluidorum in præcedentibus Autor exposuerit; nunc de mediis, æquilibrum producendi, motumque applicandi, agit. De machinis autem simplicibus inprimis dicere hic instituit. Harum tres tantum numerat, vectem, planum inclinatum, & funes. In

omni machina ad quatuor res primarias attendendum esse monet: potentiam, resistantiam, seu onus, hypomochlium, seu centrum motus, & velocitatem, quacum moventur potentia & onus. De veste experimenta omnia unius ope machinæ absolvit, per quam non solum hypomochlium in veste pro lubitu variari, sed & vestis contraponarii ope ita disponi, potest, ut lineæ mathematicæ vicem subeat. Simul de machinis, a veste pendentibus, libra, axe in peritrochio, trochlea, & polyspasto, agit. Omnia autem ita pertractat, ut non solum palmarias eorum proprietates explicet, ac experimentis confirmet, sed & ipsorum applicationem in rerum natura, ac in vita communi, ostendat. Cum plano inclinato cuneum cochleamque conjungit. De funium partim usu, partim quoque resistantia, quam eorum applicatio asserre potest, varia notat: resistantiam, ex rigore ipsorum oriundam, augeri directe, ut vires tendentes, & ut diametri eorum, illosque flecti eo difficilius, quo cylindri, quibus circumvolvuntur, sint minores, hanc tamen resistantiam non crescere directe ut diametri, ostendit, experimentisque confirmat, *Amontonium* (in *Comm. Acad. Scient. A. 1699*) secutus. Maximopere igitur in machinarum, in quibus funes usurpantur, fabrica & usu ad hancce resistantiam respiciendum est. Hac occasione ex eo discimus, *Dubamelium du Monceau*, inspectorem rei maritimæ generalem, theoriam & praxin artis funes fabricandi parare, eaque de re jam varia cum Academia Scientiarum communicasse, multaque experimenta instituisse. Experiundo quoque probat, quod Cel. *Reaumurius* primus detexit, (vid. *Comm. Acad. Scient. A. 1712*) funes contorquendo multum de vi sua perdere, nec unquam tantum sustinere contortos, quantum separatum simul applicati. Denique, quos effectus siccitas & humiditas in funibus edant, ostendit; simulque de hygrometris verba facit. His absolutis, doctrinam de natura & proprietatibus aeris *Lectione X* aggreditur. Aerem duplici ratione hic considerat: quatenus nempe in se spectatur, seu corpus peculiaris naturæ, absque respectu ad quantitatem & figuram totius ejus massæ; & quatenus partem magnam telluris

luris nostræ, seu atmosphæram, constituit. Ad priorem pertinet aeris materia, fluiditas, gravitas, elasticitas, condensatio, vel expansio, inprimis a calore, necessitas ad respirationem in corporibus animalibus, & ad genesin ignis, insinuatio in poros corporum. Notissima est, aerem ope globi vitrei ponderandi, methodus. Huic vero processui objici posset, accessionem ponderis, quæ in globo antea evacuato post immissum aeremprehenditur, non tam ipsi aeri, quam particulis heterogeneis & vaporibus aquosis, in eo continuo hospitantibus, deberi; quod commovit *Barhaavium*, ut ipsum aerem haud magis, quam ignem, gravitate præditum conjectaret. Cui dubio ut occurreret Noster, rem ita instituit: Globi aere pleni pondus balance examinavit; aere dein eum evacuavit, quo factum est, ut vapores, ei innatantes, ad fundum vasis deciderent; hac ratione maximam partem corporum heterogeneorum, in eo contentorum, quibusque pondus ipsius tribui posset, in globo retinuit, solumque aerem puriorem ex eo sustulit; interim tamen, clauso epistomio, globoque denuo ponderato, tantum quam proxime ei decessisse ponderis, quantum antea accefferat,prehendit. Instrumentum, aerem puriorem reddendi, materiasque heterogeneas ab eo separandi, Nostro debetur, ejusque descriptio in *Comun. Acad. Scient. A. 1741* exstat. Dum de aere, ex variis corporibus producto, agit, prodigiosam ejus quantitatem, volumen horum multum superantem, explicari posse notat ex eo, quod hic aer non sit purus, sed procul dubio ex multis materiis heterogeneis compositus; quod ex ejus effectibus manifestum sit, cum aer, ex plurimis vegetabilibus elicitus, ignem exstinguat, vaporem violentum spargat, &c. Ut, quantum aeris, quantoque tempore, in se recipere possit aqua, ab eo primum purgata, exacte & perfacile cognosci queat, instrumentum excogitavit. Proponit quoque, an non hac ratione certi odores ope aeris in fluida introduci queant, aliaque nova effici; qua de re jam varia se tentasse affirmat, idque aliis quoque Physicis ad indagandum commendat. Quod jam ad considerationem aeris, seu atmo-

sphæræ, tellurem ambientis, attinet, ea iterum duplex esse potest; quatenus ipse est fluidum, aut in æquilibrio, aut in motu, constitutum. Priori respectu atmosphæra partim ut gravis, partim ut infinitis particulis diversissimæ naturæ repleta, occurrit, quæ dein variis modis in terram recidunt. Posteriori duo imprimis motus in aere observantur, alter tremulus, minimasque particulas ejus agitans, manente ipsarum situ mutuo, sonus nempe; alter, magnum ejus volumen concitans, certaue velocitate ac directione propellens, ventus. Doctrina itaque de sono hic fuse expopitur, tribus potissimum rebus palmariis consideratis, corpore ipso sonoro, medio sonum transmittente, denique organo, eum percipiente. De hisce omnibus variæ notatu dignæ observationes afferuntur, simulque machinæ, huc spectantes, describuntur.

*D. JOANNIS ERNESTI HEBENSTREIT, Professoris Pathologiæ Publici in Academia Lipsiensi, Pathologia Funiculi umbilicalis, quam Dissertatione proposuit Lipsiæ A. 1747.*

**TAB. IV** **Fig. 1.** Vita fœtus in utero matris, circuitu sanguinis inter matrem  
 et fœtum, subsistit unice, nec quidpiam liquoris am-  
 nio, qui embryonem, sua amnio (*Fig. 1, BB,*) obvelatum, alluit, ab  
 eo deglutitur, uti contra dissentientes a *Monro*, Edimburgensi,  
*Medical Essays Tomo II* argumentis evictum fuit. Quamvis  
 enim liquor, ab amnio liquido haud multum discrepans, in  
 ventriculis fœtuum reperiatur, licet bilis utraque, in duode-  
 num embryonis derivata, & motus intestinorum peristalticus,  
 a *Ruyfchio* visus, alimentorum per os ingestionem supponere  
 possit, uti etiam meconium aliunde, quam ex alimentis, ore  
 captis, proficisci haud posse arguitur; tamen debilia omnino  
 sunt ista argumenta, cum, quod in ventriculis reperitur, li-  
 quor sit gastricus, quod fœculentum de ano neogeniti exit,  
 bilis & liquor intestinalis censeatur, motus autem peristalticus  
 liquoribus inquilinis propellendis destinetur. Proinde solo  
 matris sanguine nutritur fœtus, nec obstat, ovulum primis  
 diebus

diebus haud radicari utero, proinde nec sanguinem a matre accipere, cum tam tenero, uti est primis diebus, foetui nec deglutitio tribui possit, proinde putandi sint villi, de chorionales, (*Fig. 4*) mucus uteri sugere, donec, uteri parietibus ovulum innascatur. Ab illo tempore funiculus umbilicalis suo officio fungi incipit. Mater enim arteriosum sanguinem, sinibus uterinæ substantiæ infusum, villis chorii tradit. Hi sensim, intertexta glandulosa materie, in placentam concresecunt, hinc sanguinem acceptum ad radices venæ umbilicalis porro transferunt, non equidem materno similem, sed legibus nutritionis protentelli foetus conditione accommodatum. Nam fieri omnino oportet haud levem sanguinis materni mutationem, ut ille tenerrimis fibris foetuum quam simillimus efficiatur. Sanguis maternus ad hepar foetus uno indiviso tramite ducitur, sed, postquam ille umbilicum embryonis vena subiit, sinistro hepatis sinu exceptus, majore parte jecur transit, aliqua parte per canalem venosum venæ cavæ infunditur. Progreditur ille sanguis, variis causis moventibus compulsum, Ex altera enim parte sanguinis arteriosi continuus ex matre affluxus columnam sanguineam protrudit. Ex altera autem arteriæ, quæ de foetu exeunt, & circa venam (*Fig. 5, A*), flexantur, eandemque serpentinis flexibus (*Fig. 5, BB*), amplexantur, pulsibus suis inertiam venæ superant, & sanguinem contentum urgent. At nec otiosa omnino ista vena habetur. Licet enim pulsu prorsus destituatur, tunica tamen utitur elastica, cujus virtute sanguis iste propellitur. Neminem autem arbitrari fas est, sanguinem illum, qui vena umbilicali ad cor foetus ducitur, a matre omnem esse, sed arteriarum umbilicales, cordis infantilis pulsu excitatæ, sanguinis haud parvam molem de foetu ad placentam transferunt, ibidem novis dotibus augendam, & venæ umbilicalis ostiis infundendam. Nam arteriarum lumina simul sumta, ex rationibus Celeberrimi *Halleri*, venæ umbilicalis lumen aliqua parte superant; ergo plus abiret de foetu, quam ad illum convehitur, id quod cum vita & celeri illo, quo foetus proficit, augmento, stare nequit.

TAB. IV  
Fig. 4.

Fig. 5.

quit. Proinde a dubio longissime abest, venam umbilicalem illius sanguinis, qui per arterias de fœtu exiit, magnam partem colligere, & embryoni reddere. Stabilitus adeoque per naturam est perpetuus inter fœtum & placentam uterinam circulus; hinc ipsa placenta sanguinis, a fœtu exeuntis, est diverticulum. Cum systemate arteriarum fœtus longe aliter sese res habet, quam cum systemate arterioso hominis, post natales suos considerati. Embryonis uterque ventriculus cordis in unum tubum salientem conspirat; ventriculus cordis

TAB. IV anterior arteriam suam (*Fig. 3, A,*) ita dirigit, ut illa, minimis

Fig. 3. per pulmones projectis ramis, in aortam descendantem demergatur. Canalem arteriosum istam arteriæ pulmonalis cum aorta conjunctionem nominare moris est, verum tantum abest, ut canalis, seu tubus, diversi generis vasa uniens, hoc vas sit, ut potius ipsa arteria pulmonalis, quanta est, in arteriam magnam convergat, adeoque vis tam hujus, quam magnæ arteriæ (*Fig. 3, B,*) in unam arteriam aortam descendantem conspiret. Quæ cum ita sint, cumque sanguis arteriosus in fœtu duplicis cordis potentia propellatur, fieri aliter nequit, quam quo projectionis vis in fœtu, quam in nato homine, duplo sit audior. Ab ista sanguinis duplicata vibratione oritura est violentia, quam vasa corporis tenelli ferre nequeunt, adeoque prospexit Creator, ut esset auxilium frangendo sanguinis impetui aptum, secessus scilicet sanguinis, mediantibus arteriis umbilicalibus (*Fig. 2, CC,*) extra corpus ad placentam, ejusque per venam umbilicalem ad cor refluxus. Numerus arteriarum istarum quandoque a consuetudine abluat. Videas interdum unicam arteriam umbilicalem de fœtu exire, aut eo ampliore diametro donatam (*Fig. 7*); rarissime illud ita evenit, a *Vesalio*

Fig. 2. aliquando observatum, & a me nuper visum. Contingit illud non defectu alterius arteriæ, sed utriusque in unam consensione, uti videmus, duplicem arteriam vertebralem in unam basilarem conspirare. His legibus unice vivit fœtus. Quare, cum chylo de alimentis elaborato utatur nullo, nec excretionibus quidem opus illi fuit. Uti enim non sudat, vel transpirat,  
fœtus



foetus glutinoso amnii liquore tubulos halantes ad istam actionem ineptas efficiente, ita nec urinæ plus elaboratur, quam quantum ejus opus est, ut cavum vesicæ a concretionem liberum fervetur. Adeoque nec via opus fuit, qua urina de vesica foetus effunderetur. Est equidem in fundo vesicæ quidpiam, quod umbilico foetus respondet, quodque urachum appellant Anatomici. (Fig. 2, D.) De foetus umbilico exire, per funiculum umbilicalem continuari, inque vesiculam aliquam, allantoideam nomine insignitam, expirare, istud, quicquid est, dicitur, qua via urinam fluere, non antiqui tantum, sed etiam ex recentioribus haud pauci, perhibent. Ast vexata valde hæc est sententia. Nam rei istius, quæ urachi nomine indicitur, extra umbilicum foetus nullum apparet vestigium, uti *Arantius* jam superiore sæculo, ex nostris eruditus *Hallerus*, & *Trevius*, frustra quæsi verunt, licet, se vidisse, Clarissimus *Neufville* perhibeat. Alia adeoque urinæ istius ad allantoideam via esse deberet; ast aliud haud superesset effugium, quam aliquam arbitrariam opinionem amplecti, qua liquor obscæus per cellulas vasis umbilicalibus (Fig. 11) intermediis depluere ad allantoideam diceretur; verum nec ista quidem via multum probabilitatis habet: nam alius aliquis & ab urinis tota natura discrepans humor istas cellulas occupat, quem *Whartonus* gelatinam appellat; qua omnes cellulas occupante efficitur, ne quidquam transcolari commode possit. Receptaculum ipsum, cui instillanda est urina, allantoideam puta, dubio haud caret. Hanc animalibus brutis natura dedit, quorum contemplatione induciti veteres, homini eandem similiter adjudicaverunt. Ast sane permultum dubii superest, an ille folliculus, in secundis brutorum repertus, uti illum nemo negaverit, sit urinale foetus receptaculum, & an liquor, intus collectus, pro vera urina haberi debeat, cum de uracho pervio penes bruta nihil plus constet. Humor illius capsulæ cum copiosissimus sit, partui facilitando, lubricandisque partus viis, uti est, glutinosus destinatus magis esse videtur, nec ita sita est ista capsula, ut de foetu, amnii pomæriis penitus circumscripto, quidpiam illi infundi possit: multo minus penes hominem talis est congenita

TAB. IV

Fig. 2.

H h

foetui

foetui matula. Allantoideam, pro confutata habitam, instaurare annisus est Celebris *Halaus*, ejusque eruditus defensor, *Neufville*; ast argumentis sententiam istam aggressus est eruditus *Nortwyck*. Uti *Neufville* allantoideam describit, datur, aliquod cavum, ast nulli humori dedicatum. Si enim, qua parte funiculus placenta immergitur, tunicam inspicis, vasis umbilicalibus circumductam, laxa ibi fit ista & rugosa, utpote quae de amnio versus funem adscendente, sensimque collecto, oriatur. Ex plicis adeoque laxae amnii fit cavum, quod statu per cellulosam chordae substantiam immisso in bursam extumescit. Hae bursula *Ruyfchio* pseudo-allantoideae nomine cognita fuit.

- TAB. IV (*Fig. 8 AA*). Ast nullus inibi deprehenditur humor, quem
- Fig. 8. uberrimum, si urinam colligeret, esse deceret. Enimvero ne opus quidem isto urinae receptaculo esse videtur, cum foetibus vesica;
- Fig. 2. data sit ad proportionis cum corpore leges capacior, (*Fig. 2, B*); & continendae, quae, omni gestationis tempore colligi potest, urinae haud impar, uti intestina continendo meconio sufficiunt. Uti funiculus umbilicalis complexu arteriae duplicis atque
- Fig. 9. unius venae, quae septis (*Fig. 9*) distinguuntur, constat; ita forma ejus & mensura consideratione sunt dignissimae. Nam praeter, quod (*Fig. 5*) spiralis sit horum vasorum circumductio, fit quoque, ut arteriae plerumque, vena quandoque, in nodos contorqueantur. Arteriarum scilicet mos est, interea, dum
- Fig. 6. ab umbilico ad placenta feruntur, passim orbiculos (*Fig. 6, A*) flectere; vena autem non tam torquetur, quam varicoso, quodam tumore (*Fig. 8, A*) elevatur saepe. Fit quoque, quod, sicuti *Hobokenius* observavit, maculae sanguinae variae umbilicalibus vasis intersint, quarum alias Autor iste ad arterias, alias ad venas, refert, maculasque arteriosas ac venosas appellat, id quod sine dubio de ecchymosi aliqua est, quando funiculi in partu colliduntur. Longitudo funiculi, utut ad certam mensuram revocari haud possit, semper foetus proceritatem excedit, etque talis, quae motum & volutationem foetus in liquore amnii, ejusque ad partum conversionem, permittere possit. Ast ea ipsa longitudo saepe morborum, qui embryonibus eveniunt, causa fit. Nam, dum volvitur, seseque jactitat, foetus, funiculum saepe

sepe pessime complicat. Observati fuerunt nodi in medio fune nexi, funis frequenter jugulo foetus obvolvitur, vel circa artus flexu fertur, unde vel mors praematura, vel in ipso partu interitus. Si gemelli unius ovi (Fig. 1, BB,) incolz TAB. IV fuerint, sepe enim diverso ovo fiunt, diversisque adeo secundis involvuntur, tunc septo, quod de amnio chorioque, coalescentibus, fit, (Fig. 1, AA,) tanquam pariete intergerino divisam stationem oblineat; aliter enim evitari mutua funiculorum implicatio vix posset; hinc raro nascerentur vivi; at, quae singularis est summi Numinis in regendis vitae humanae primordiis providentia, diversa est amnios, diversus liquor; linea dividente determinantur placenta. Plures eveniunt funiculis sitis praeternaturales, propter quos foetibus vivere haud licet. Breviares funiculi efficiunt, ut moveri sufficiens foetus, hinc, qui a motu eorum dependet, expeditus sanguinis circuitus celebrari nequeat. A brevitate funium consequitur maturus, in partu, secundinarum a fundo uteri discessus, hinc haemorrhagia. Marcelli funiculi efficiunt, ut abortivi nascantur. Propendens de utero, collisus, collo brachiisque implicatus, funis, durante partu, circulum sanguinis ad vitam foetus necessarium sufflammat. Fit aliquando, ut prope umbilicum foetus cutis cum musculis dehiscat, hinc intestina elabantur. Hoc in casu *Ruyfchius* motum peristalticum viscerum in ventris penes foetum vidit. Praefectus, nec obligatus, funis, maxime evulsus de umbilico, lethalem nascenti haemorrhagiam procurat; aliquando tamen, si praelonga est relicta de umbilico pars, nodisque arteriosis distincta, sanguinis effusio, flaccido fune, sistitur sponte. Quare in renuntiatione legali de funiculis haud obligatis, uti iste neglectus mortis foetuum causa fit, cautione opus est, ne rea accusetur praecipitanti. At sectio legalis, visa vacuitate vasorum sanguineorum foetus, vel eorum plenitudine intellecta, declarat, an haemorrhagia ex fune abreptus fuerit foetus, nec ne. Ex istis omnibus clarum, fit, de minimo viso organo multa dici scribique posse, quae ad artem exercendam conferunt.

SEBALDI RAVII, J. E. FIL. S. MIN. CAND.

*Diatribæ de Epulo funebri gentibus dando, ad Jesh. Cap.*

*XXV, 6, 7, 8, cum Prefatione DAV. MILLII.*

Trajecti ad Rhenum, apud Paddenburgios, 1747, 8.  
Plag. 6.

- Pag. 3. **Q**uo sanctior a nobis Codex divinitus perscriptus habetur, eo major cura atque occupatio circa veritates ex abyfso verborum eruendas esse debet. Laudabile hujus laboris nobiscum jam specimen communicat doctissimus *Ravius*, fama laudeque majorum insignis, occasionem largissimam præbente vaticinio *Jesaja*, quod venustissimo emblemate bona gratiæ, sub temporibus N. T. profanis gentibus offerenda, velata exhibet. Prædicat hic ante omnia Cl. Autor, quod quidem causam ipsius nonnihil adjuvat, multiplicem rerum scientiam in *Jesaja* conspicuam, verborumque non minus, quam rerum, pondere, amplitudine, gravitate, venustate, & elegantia, eminentem. Apparet hoc vel ex præsentis vaticinio, in quo profanarum gentium mores supersticiosos attingit, miram dicendi facultatem ostendit, & singulare artificium rhetoricum adhibet, dum per *παρὰνουσταὶ, ἀναφορὰν, & ἀναδιπλῶσιν*, maximam eloquio vim addit, & legentium animos perstringit. Nec est, quod hujus loci dilucidam interpretationem a Rabbinis & Chaldæis, omnino hic hallucinantibus, aut a Christianis, non accurate satis hic commentantibus, repetere velimus. Ipse *Vitringa*, nobilissimum *Jesajana* dictionis decus, circa verborum propriam significationem a veri janua hic aberrare videtur, pericopam nostram de epulo triumphali, non funebri, accipiens. Nexus verborum, in præsentis vaticinio occurrentium, cum præcedentibus iste videtur esse:
8. Dixerat Propheta de gentibus, cæterum sanctiorem afflicturis; hinc occasionem arripit, impulsu divino de iis etiam aliquid prædicendi, qui ex gentibus illis ad sacra Christiana quondam accessuri sint. Atque adeo ex mente Cl. Autoris hic descriptio communis gentium sortis exhibetur, ante introitum ipsarum in ecclesiam, atque mox infecuturæ e statu illo mortis per
- Messiam

Messiam liberationis, auferendæque hostilitatis inter Judæos & gentes. Proponitur id omne sub imagine epuli funeralis ac rituum, qui illud ingrediebantur, ut lugentes obliviscerentur suorum defunctorum, quos superstiose adamaverant. Post sententiæ hujus brevem delineationem verba singula expendantur, & per שמרים non pingua stricte sic dicta, sed omnis generis opipara & lauta, intelligi debere, ostenditur. Circa explanationem vocabuli שמרים major occurrit difficultas e medio tollenda. Plurimi, qui de potu nocivo, vel de vino defæcato, hoc intelligunt, optimis rationibus & exemplis refelluntur. Genus potius potulenti e vinaceis expressi sub hoc signo declarari, ex Ps. LXXV, 9, atque traditionibus quibusdam Talmudicis, apparet, Lora Judæorum fuisse videtur, quæ ex vinaceis aqua mixtis exprimebatur in torculo, & per colum transmittabatur. Suavioris saporis sine dubio potus iste fuit, qui Latinis etiam scriptoribus de re rustica ignotus plane non est. Emergit hinc venustissimum emblemata. Significat enim Dominus Jehova, fore olim, ut porionem gentium, quam quotidiano usui & sacris adhibere solebant, ab omni nociva impuritate & fæcibus diligenter purgare velit. Additur denique מוֹקֵקִים, *percolatos factos*, ubi ejusmodi est concipiendum animo vasculum, per quod liquor stillando emittitur, ut nempe coletur & munderetur ab impuritate. His præstruatis, pergitur ad reliqua, ubi, ex mente Autoris, causa luctus & mortis spiritualis, incumbens scilicet maledictio, a gentibus removeretur, ut hoc modo superstitionis avitæ obliviscerentur. Verba הלֹרֶשׁ הַלֹרֶשׁ abstrusiora sane, & ægymatis loco habita, ex Zaubario, Lexicographo Arabe, ita enodantur, ut *adbarendi, adglutinandi, obducendi, & oblinendi*, notione explicanda optime veniant. Qua ex principe significatione plurimis Scripturæ S. locis, ubi idem occurrit vocabulum, lux affunditur clarissima. In præsentī vero oraculo propriè illud gluten ab Autore nostro indigitatur, quod ex aromatibus & unguento cadaveribus conservandis obducabatur. Hanc quidem crustam informem & squalidam e medio esse tollendam ex sententiā Jehovæ, qui hanc ob causam בִּלְעַ פִּנִּים addere Prophetam jubet, Noster prolixius docet. Dictionem

- Pag. 49. nem denique ultimam exponens, per **המסכה הנסוכה** intelligit imagines ære conflatas, coram quibus genua flectere solebant profani homines, quin aromata atque unguenta, quæ ipsi in cadaveribus ita profundebant, ut corpora talibus **μύμματα** circumfusa quasi natarent. Fiebant hæc omnia ideo a gentibus profanis, ut incertam post fata vitæ spem diurno;
55. cadaverum condimento lenirent. Verbis ita omnibus singulisque expositis, emblemata vaticinii constituitur firmandum moribus atque institutis gentilium. Altius rem omnem Auctor repetit a convivii Hebræorum publicis, quæ in monte Sionis multifarie a sacerdotibus, & populo sacrificia offerente, instituebantur.
57. Has epulas *Jesaja* occasionem præbuisse putat loquendi de epulo in monte Sion, ubi tamen inprimis tale epulum esse ait cogitandum, quod iis, qui morte cognatorum tristes esse solebant, propinatur, perpetua scilicet allusione facta ad pollincturam & curationem funeris
59. profanorum populorum. Epulæ hinc funerales apud Græcos & Romanos strictim enarrantur, & qui illorum, aliarumque gentium, circa easdem mores fuerint, breviter attingitur. Ad sepeliendi inde cadavera modum pergit, qualis inter Ægyptios, Assyrios, Æthiopes, Hebræos, Græcos, & Romanos, obtinuit, ratione inprimis cremationis pollincturæque habitæ, quæ omnia ad rem præsentem applicantur, & quam maxime ad epulum funebre profanarum gentium referuntur. Ne quid denique superesse videatur, quod addi possit interpretationi hujus vaticinii, implementum ejus perquirat Noster, certissimum quasi robur suæ sententiæ apponens. Miseram ante tempora N. T. gentium fuisse conditionem, quod ad salutem æternam attinet, facile licet conjectura assequi. Præ-
79. sens inprimis *Jesaja* testimonium populos istos, extra communionem ecclesiæ viventes, fuisse tales, qui sine spe salutis tristissimi atque afflictissimi sunt mortalium, quibusque perinde, atque iis, qui mortem cognatorum lugent, fomento opus est atque solatio. Non quidem proprie de morte temporali agitur, quatenus illa se terribilem præbuit fidelibus in persecutione tyrannorum, sed de spiritali, cui obnoxii omnes
84. erant gentiles, sua culpa luce veræ cognitionis orbati. Hanc ut

amoveret Deus, epulum instruit lautissimum, e tenebris mortis eos & tristitiæ revocans, propinando bona gratiæ, quæ sæpius in S. S. sub figura epuli atque convivii indicantur, ut hac de causa omnes fere res circumstantes cum epulo funebri convenient. Sub calcem libri ii refelluntur interpretes, qui *Jesaiam* nostrum vaticinium de epulo triumphali accipiunt. Non vulgari hanc Commentationem linguarum rerumque orientalium peritiâ commendari, primo statim intuitu unicuique apparebit.

Pag. 85.

## INTRODUCTION A LA SYNTAXE LATINE, &amp;c.

hoc est,

INSTITUTIO SYNTAXIS LATINÆ, AD FACILE discendam compositionem Latinam; exemplis atque argumentis ad omnes συντάξεως regulas accommodatis per gradus aliquos ad utilitatem liberorum, adiuncto simul compendio Historiæ Græcæ ac Romanæ ad utilitatem liberorum magis progressorum in cognitione linguæ Latinæ; una cum regulis, ad genus nominum Latinorum spectantibus, Autore JOANNE CLARKIO, principe Collegii urbis Hullensis in Eboracensi Comitatu. Opus conversum ad sextam editionem Anglicanam; cum quibusdam additionibus atque emendationibus in usum Collegiorum, lingua Gallicana utentium.

Genevæ, apud Henr. Alb. Gossium, 1745, 8 maj.

Plag. 14.

**P**auca sunt istum ad librum annotanda. *Speciei* atque aliorum ad modum compositus est, eidemque exempla potius propria, sermone patrio concepta, vocabulisque Latinis instructa, quam optimi cujusque Latinorum scriptorum, subjuncta reperiantur. Qui conatus, quodque exercitium, quatenus puerorum ex usu fuerit, aliorum esto judicium; dum præsertim Autoris magis, quam interpretis, ad rationes pertinet. Ceterum est isthæc inde a paucis annis secunda grammaticorum libellorum Anglicana de lingua conversio apud Genevenses publi-

plici

blici juris facta. Prior Grammaticæ Latinæ atque Anglicanæ Raddimaniana titulum habet: *Rudimens de la langue Latine, ou Introduction simple & aisée à la Grammaire Latine: ou les principes de la Langue sont exposés methodiquement en François & en Latin; avec des Notes & des Observations qui expliquent les termes de la Grammaire & qui en étendent les Régles. Traduit de l'Anglois sur la huitième édition, par J. A. Porte, Ministre du S. Evangile & Régent au Collège de Geneve, 1746, 8.* Hæc posterior, ut illa principia & regulas Grammaticæ, sic exempla continet ad locutionum atque argumentorum, secundum easdem regulas, compositionem. Interpres istam rationem proponendi tam facilem, tamque bene conceptam, existimat, ut audeat thesaurum tam docentium, quam discientium, nominare. Autor unamquamque compositionis regulam singulari Capite proponit, secundum ordinem libellorum grammaticorum, in Anglia receptissimorum; subjungens varii generis magno numero locutiones, ad vocabulorum atque aliarum rerum copiam facientes: & ita quidem, ut a facilioribus semper ad difficiliora surgat. Præterea non nisi in casu primo, aut prima persona, ponuntur ad latus vocabula; per numeros simul declinationibus, vel conjugationibus, annotatis. Ordo vocabulorum ad stilum est Latinum accommodatus. Electio rerum non erit minus notabilis. Vel ut ratio, vel ut animus, formetur, accommodata sunt omnia. Eodem sine & compendium historię, lectioni scriptorum classicorum inserviturum, subnectitur. Interpres ad viginti annos linguam Latinam atque elegantiores literas in Anglia ipsa docuerat ante; adeoque tanto magis idoneus fuit ad istum laborem suscipiendum: præsertim dum XL annos generatim artem grammaticam docuit. Puritatem tamen stili Gallici a quibusdam desideratum iri arbitrat. Ita sese defendit, ut facile quidem esse dicat, de Anglicana lingua in Latinam, & vice versa, difficilium autem de Gallica in Latinam, & contra, convertere. De utilitate tandem hujus operæ, quæ declinationem, conjugationem, cognitionem generum ac præteritorum, supponit perfectam, adeo securus est, ut pueros novem annorum nominet, hac discendi ratione magnos qui progressus fecerint, atque eam institutioni publicæ pariter ac privatæ commendet.



# NOVA ACTA ERUDITORUM,

*publicata Lipsiæ*

*Calendis Augusti Anno MDCCXLVII.*

MUSEUM ETRUSCUM, EXHIBENS INSIGNIA  
veterum Etruscorum monumenta æreis tabulis C, nunc  
primum edita, & illustrata observationibus ANTONII  
FRANCISCI GORII, publici Historiarum Professoris.  
Accedunt V. C. JO. BAPTISTÆ PASSERII, Jcti  
Pisatensis, Dissertationes V, quas subiectus clen-  
chus declarât, nunc primum editæ.

## *Volumen III.*

Florentiæ, excudit Cajetanus Albizinius, typographus,  
1743, fol.

Alph. 4 plag. 6, Tab. æn. 100.

**O**pus hoc, Præfati amplissimo, Mario Guarnaccio, Patri-  
cio Volaterrano, optime de Cel. Gorio, & re publi-  
ca literaria, merito, dicatum, superiora duo, de eo-  
dem argumento edita, Volumina vel æquat, vel superat, splen-  
dore & dignitate. Jure meritoque id sibi Cel. Gorius tan-  
quam proprium vindicare potest, ut omnium popularium  
suorum in eruendis e tenebris Etruriæ antiquitatibus & di-  
ligentissimus & sagacissimus sit existimandus. Superiori-  
bus duobus Voluminibus monumenta, ducentis Tabulis ex-  
pressa, atque ex ditissimo Etruriæ deprompta penu, observa-  
tionibus suis illustravit. Nunc vero alia profert fere majo-  
ris & dignitatis & antiquitatis documenta, quæ æri in centum  
Tabulis incidenda curavit: in quo imitatur veterum convivio-  
rum

rum ἐπιφωρήματα, sive menſas ſecundas, quæ, teſte *Arbæneo*, ciborum lectiſſimorum ſuavitæ, vinorum optimorum prætio, coronarum unguentorumque luxu, primis menſis præſtabant. Quemadmodum autem in convivio, opipare ita apparato, omnia mirari quidem, ſed pauca deguſtare, licet; ſic omnium rerum, in ampliſſimo hoc *Volumine* propoſitarum, facilis quidem eſt admiratio, reſenſio vero difficilis. Proinde totius Operis elegantiffimi formam, primis adumbratam lineis, ante oculos Lectorum ponere animus eſt. In Præfatione 32 paginarum & inſtituti rationem Autor explicat, & indicem proponit argumentorum. Eſt vero univerſum Opus in duas diviſum *Partes*, quarum prior *Gorianaſis* ſiſtit Diſſertationes; poſterior vero Diſſertationes ſex Cel. *Joannis Baptiſtæ Paſſerrii*, Jcti Piſarenſis. *Prima* Diſſertationum in *priori Parte* eſt Cel. *Gorii* de Etruſcorum antiquis publicis ædificiis. Huic Diſſertationi pauca præfatur de Etruſcæ gentis potentia; imperii amplitudine, ac gloria ad poſteros tranſmiſſa; inprimis de horum architectura, quæ ceterarum in Italia gentium ædificandi rationem multis partibus vincat. Deinde *Cap. I* Etruſcorum ritus in condendis urbibus reſenſet, & illuſtrat. Quæ vero ab his antiquiſſimis temporibus conditæ ſint urbes, quæ oppida munita, peculiari expoſitum ſe promittit Diſſertatione, de coloniis & regimine veterum Tuſcorum inſcribenda. Ipſum ritum urbium apud Etruſcos condendarum ex *Varronis Lib. IV de Lingua Latina* repetit, cujus hæc verba ſunt: *Oppida condebant in Latio, Etruſco ritu, multa: id eſt, junctis bubus, tauro & vacca, interiori aratro circumagebant ſulcum; hoc faciebant religionis cauſa, die auſpicato, ut ſoſſa & muro eſſent munita. Terram, unde exſculperant, ſoſſam vocabant, & introrſum factum, murum. Poſtea, quod ſiebat orbis, urbis. Principium, quod erut poſt murum, pomerium dictum, ejusque ambitu auſpicia urbana finiuntur, &c.* Temporum injuria perditis Autoribus Tuſcis, pontificalibusquæ Etruſcorum libris, converſis quondam in Latinum, locum *Varronis* hunc clauſicum ex ſcriptoribus Romanis antiquis explicat. Inprimis, cum inter omnes conſtet, Romam antiquam

P. I  
pag. 1.

2.

3.

quam a *Romato* & *Remo* ad Etruscorum instituta conditam esse, hujus rationem diligenter evolvit, ostenditque ex *Livio* & *Dionysio Halicarnassensi*, quid urbem sit *auspicato* condere; quid porro *augurium augustum*; qui dies natalis Romæ; quæ, re divina peracta, placatisque Diis, epulæ instructæ; qui invocatus, sacrisque cultus, *Genius*; qui rursus urbis Romæ ambitus & termini; quid sibi velit tauri & vaccæ junctio ad aratrum; quid orbis in designanda urbe descriptus; quem ultimum ritum eleganter ab Ægyptiis repetit. Sulcum a fossa recte disjungit, idque contra *Thomam* monet *Dempsterum*, cujus omnino major fuit diligentia, res controversas dijudicandi. Disputat rursus de cinctu *Gabiino*, quò sacrum opus peregrissent. *Cap. II* agit de urbium antiquarum mœnibus, pomœrio, & cippis, sive terminis, *Varrone*, *Solino*, & *Tacito*, autoribus, constituitque mœnium pomœriique locum & sanctitatem. Veteres pomœrii locum designant jam *post murum*, jam *prope murum*, jam *proximum muro*, jam *circa murum*. Hinc recentiorum alii pomœrium ponunt intra muros, alii extra hosce. Melius *Onuphrius Panvinius*, magnæ vir eruditionis, pomœrium tam intra, quam extra, urbis murum censet; in cujus sententiam recte discedit *Cel. Autor*. *Cap. III* agit de Etruscorum antiquorum in re ædificatoria ingenio, industria, peritia, & in condendis urbium mœnibus magnificentia. Etrusci primi omnium excoluerunt artem extruendi mœnia, Italisque monstrarunt, unde *Tyrheni*, vel *Tyrseni*, dicti. Hæ enim munitiones, *Dionysio* auctore, *τύρραι*, tyrses, id est, turres, dicuntur tam Tusco sermone, quam Græco. Deinde *Cel. Autor* mœnium structuram antiquam sistit e quadratis lapidibus; laudat majorum suorum prudentiam in locis urbium figendis, ut qui in arduis accessuque difficillimis eas condidissent; describit urbium formam variam, rotundam, polygonam; addit nonnulla de tutelaribus urbium Diis, quos ignotos esse Etrusci voluissent, ne evocati, obsessa urbe captaque, ad hostes migrarent. Quin etiam, non mœnia tantum, sed urbes quoque, sacras habitas esse, docet. *Cap. IV* Volaterrarum, Cortonæ, Fæsulæ,

Pag. 4.

5.

6.

7, 8.

9.

10.

12.

13, 14.

15.

16, 17.

18.

19, 20.

21.

22.

23.

24.

25.

26.

27, 28.

- rum, aliarumque Etruriæ urbium, mœnia profert atque illustrat. Quamvis enim injuria temporum plurima Etruriæ priscæ monumenta diruerit atque deleverit; mœnibus tamen pluribus in locis quodammodo pepercit, ut ipsæ residuæ partes admirandum molium ac substructionum speciem quandam referant priscæ majestatis. In exemplum quædam affert, & quidem
30. *Tab. I* mœnia Volaterrarum, quæ in duodecim interioris Etruriæ civitatibus numerantur. Jam *Aristoteles* & *Strabo* hujus urbis mœnia laudarunt. Cel. Autor urbis hujus originatorem explicat, ipsosque describit muros, horum ambitum, 31. firum, altitudinem, amplitudinem, quoad ex ruderibus fieri conjectura potest. Singuli lapides quadrati sunt, & minores tantæ magnitudinis plurimis in locis, ut fere Florentinas ulnas quinque, pedesque Romanos circiter novem, majores fere pedes duodecim, superent. Omnes e tephaceis cryptis 35. eruti sunt, ipsaque mœnia, sine calce & opere cæmentitio exstructa, perelegantis marmoris speciem referunt. In laudes municipii Volaterranorum excurrit Cel. Autor, vel propterea laudandi, quod ejus patronus *M. T. Cicero* fuerit, uti ex *Epistolis ad diversos* apparet. Cortonensium muri paucis in locis pulcherrimam adhuc speciem ostentant. Ipsa murorum ratio convenit cum superioribus; quod etiam 38. confirmandum de Fæfularum antiquissimarum mœnibus, 40. quorum altitudo Romanos pedes fere triginta excessit. De tempore autem mœnium horum exstructorum existimat, 41. Etruscos, cum, *Romulum*, cernerent, & subsequentes Reges Romani imperii fundamenta jacere, illudque ampliare, ac munitionibus augere, ipsos quoque salutis quietique suæ ædificatis fortissimis consuluisse muris. Sed malimus origines murorum apud Etruscos a temporibus ante *Romulum* repetere. Certe Veientes, gens Etrusca, jam *Romuli* ætate incolebant urbem muris validam, uti *Livius* autor est *Lib. I, 9*, 42. quod etiam ex *Dionysio* apparet. *Cap. V* tractantur portæ urbium Etruscarum; & in exemplum utraque facies insignis Portæ Etrusci operis Volaterrarum urbis affertur: Portæ in Etruria

Etruria non eam, quam muri, fortunam expertæ sunt, quandoquidem una modo superest ad nostram ætatem, cujus Cel. Autor ichnographiam *Tabula IV*, interiorem formam *Tabula V*, Pag. 43- & exteriorum *Tabula VI*, ostendit. Unicum hoc monumentum omnino dignum est visum, quod tanquam insigne Tuscanicæ architecturæ exemplum proferretur. Ejus formam malimus integram apud Autorem legi, quam hic mutilatam. Reliquis Etruriæ oppidis non desunt quidem antiquæ portæ, sed magna ex parte dirutæ sunt, atque obstructæ. Denique tangit sanctitatem & ornamenta portarum. Cap. VI Etruscarum urbium insigniora templa, & statux Deorum, publica ædificia, circi, theatra, amphitheatra, & piscinæ, indicantur, horumque omnium afferuntur exempla. Decima urbium ornamenta fuere Deorum sana ac templa, quæ antiquissimis temporibus Tusci habuerunt, uti longo exemplorum sirmate ostenditur. In singulis civitatibus præter patrios Deos templis celebrabantur Dii majores, *Jupiter*, *Juno*, *Minerva*, quos *Consentes* dixeret; quod mirifice auxit templorum numerum. Insigne inprimis est *Nortia* Deæ templum apud Volturnenses propter clavi figendi rationem, quam ab Etruscis Romani didicerunt. Nec minus celebre *Volturna* Deæ sanum, ad quod frequentes habiti sunt quondam conventus. Plurima tamen *Baccho* & *Herculi* posita templa. Hac occasione data investigat aliquantum templorum origines apud Etruscos, qui sacra Diis sub arboribus primum fecere: integram autem & dedita opera susceptam harum originum rationem in commodius rejicit tempus. Erant autem prima Tuscorum templa, admodum angusta & exigua, pro magnitudine statuarum parum alta. Fuerunt tamen columnis, epistyliis, gradibus, aris, suspensis armis, donariis, & simulacris Deorum, ornata. Documentum solertiz & peritiz Tuscorum hac in re est, quod Romani, facras exstructuri ædes, illos arcessi curaverint, atque in consilium adhibuerint semper. Atriorum propter templa inventores scidem sunt Tusci, sed tantum in Italia. Jam enim multum ante iis in templis usi sunt Ægyptii, teste *Strabone*. Quod porro ad circos attinet, ad histriones, ad theatra, rursus primi sunt

Pag. 43-

45-

46-

47-

48-50-

51-

52-

53, 54-

- sunt in Italia, qui hisce rebus operam dedere; atque ha-
- Pag. 55- buerunt fere Romanos his in rebus imitatores. *Tab. VII*
62. Arretinii Amphitheatri facies expressa, quod, cum a *Laurén-*  
*tio Guazzeffio*, Patricio Arretino, Commentario sit doctissimo  
illustratum, paucis adumbrat, iisque ex dicto hoc volumine
63. repetitis. De piscinis unam aëfert subterraneam, quæ ad-  
huc integra Volaterris est. Hanc, cum fama esset, repletam  
serpentibus esse, ipse Cel. Autor primus omnium per scalas  
adiit A. 1739, atque insigne comperit antiquitatis opus,  
delineatum *Tab. XI, XII, XIII*. Excipiebant ejusmodi pisci-  
næ aquam ex aquæduçibus, atque ad futuros usus contine-  
bant servabantque. *Cap. VII* ostendere conatus est doctissimus
64. Autor, Etruscos priscos in ædificandi ratione cum Ægyptiis  
& Græcis conspirasse; Romanos vero sub Regum imperio imi-  
tatos Etruscos in publicis ædificiis, quorum insignes reliquæ  
adhuc perstarent. Disputat primum de Ægyptiis ædificiis, at-  
que deinde de Græcis. Ægyptiorum ædificiorum exemplum  
præbent Thebæ Ægyptiæ, quarum formosissima rudera siltit  
*Tab. XIV*, a *Nordeno* oculis usurpata; Græcorum vero duo  
templa in eadem *Tabula* a *Cyriaco Anconitano* descripta. Utro-  
rumque par & una ratio est cum Etruscis cum ad materiam,
65. tum ad formam quoque. Idem de Romanis dicendum, quod
66. ex cloaca maxima & templo *Jovis Capitolini*, *Tab. XV* expresso,  
colligitur. Inprimis hoc patet ex arce *Sullana*, castello ni-  
mirum a *L. Cornelio Sulla* exstructo in edito monte Volaterrani  
agri, quod ipsum inspexit, duabusque *Tabulis XVII & XVIII*  
nitidissime exprimendum curavit *Gorius*. Silent hoc ca-  
strum *Chuverius*, *Cellarius*, alii, hoc magis commemoran-  
dum. Ejus hexagona est forma, &, ut tum tempora erant,
69. inprimis ad arcendos comparata hostes. *Dissertatio secunda*
- 70-72. agit de Etruscorum antiquis privatis ædificiis. In Præfatione  
comprobat, Etruscos Ægyptiorum imitatores etiam in sepul-  
chris fuisse. *Cap. I* Hypogæum sepulcrum apud Crotonenses,
- 73-75. quadratis ingentibus lapidibus exstructum, describitur, & obser-  
vationibus nonnullis illustratur. Exhibetur hoc *Tab. I & II* se-  
cundæ Classis. Fama est apud Crotonenses, hanc Cryptam olim
76. inco-

incoluisse *Pythagoram*, in Italiam delatum, *Polycratis* nimirum tyrannidem fugientem. Sed haud dubie hæc fama Crotonenses cum Crotoniatis confundit, apud quos, teste *Diogene Laërtio*, *Pythagoras* mortuus est. *Cap. II* sistit Cryptam sepulcralem apud Falatim, Etruriæ urbem, insignem compluribus loculis in rupe excisis, Etruscisque literis; nec non alterius Etrusci hypogæi sepulcri ichnographiam & descriptionem; *Cap. III* Iguvinorum sepulcrum, pereleganti Tuscanio opere quadratis lapidibus extructum; *Cap. IV* Perusinorum sepulcrum, Tuscanio opificio & Etrusca prælonga inscriptione insignè. Perusia enim inprimis ejusmodi antiquissimis conditoriis superbit. *Cap. V* pergit ad sepulcrum, effossum prope Clusium, quatuor cellis, lacunaribus, scammis, statuis, & picturis, ornatum. Ita verustum hoc, ut superiora, non est, sed multo illis elegantius, forte inventum A. 1734 a rusticis vinitoribus. In topho scitissime excavatum est. Crucis formam hujus cryptæ non a Christianis, sed Ægyptiis, reperit: quam, veremur, ut ex documentis Ægyptiis usurpatam in sepulcris sit comprobaturus. Insignis elegantia cryptæ suadet recentius ævum. *Cap. VI* Cryptæ sepulcrales explicantur, inventæ prope antiquum Cornetum, picturis, lacunaribus, scammis, urnis, pictis vasculis, Etruscisque inscriptionibus, ornata. Cel. Auctor sub initium hujus *Capitis* promittit, alio in loco de Graphices origine apud Tuscos se acturum; cujus laboris præclara jam documenta sistit. Observat de Inscriptionibus Cryptarum, has, in parietibus excavatis in molli terra pictas, aere ingresso, quod superficiem tantum argillæ occupent, brevi evanescere, adeoque statim describendas esse. Sequentibus *Capitibus* non minoris dignitatis illustrantur monumenta; ut *Cap. VII* sepulcra apud Volaterranos; inprimisque *Cacine* gentis subterraneum conditorium, porta, aditu, scammis, urnis marmoreis, anaglypho opere sculptis, iisdemque pictis & inauratis, araque marmorea pereleganti, auctum; *Cap. VIII* aliud inventum in agro Senensi, ejusque ostium, cineraria, & ollæ, Etruscis literis inscriptæ. Has Dissertationes excipiunt Cl. *Joannis Baptista Passerii* de Etruscorum sepulcris observationes, quibus Perusinum, Iguvinum, & Tarqui-

77-

79.

80 81.

81-83.

84.

85 87.

88.

89.

92-93.

96-98.

- Tarquinienſe ſepulcrum, adhuc obvium, illuſtratur, quod negotium *Paſſerio*, Architecturæ gnaro, & antiquitatis ſcientiſſimo, præclare ſucceſſit. Numerat autem Peruſinum & Iguvinum in publicis; Tarquinienſe in privatis. *Differtatione III Goriana* explicantur ſepulcrorum Etruſcorum ornamenta. Debet hæc Cl. Autor beneficio ampliſſimi Romanæ aulæ Præfulis *Marii Guarnaccii*, Patricii Volaterrani, in cujus nomine hic *Tomus tertius* apparuit. Hic enim, ad literas huius generis promovendas natus, inde ab A. 1738 ad hoc tempus ingentibus ſumtibus ac perpetuis curis patria hæc Tuſcorum Volaterranorum ornamenta e terræ latebris proſerenda curavit, atque iisdem muſeum exſtruxit perinſigne ſuum. Tractantur autem hæc *ſedecim Capitibus. Cap. I* ante lectorum oculos exponuntur uræ cinerariæ & ollæ, tanquam præcipua ſepulcrorum Etruſcorum ornamenta. Conferunt autem plurimum ejusmodi cinerariæ arcule, anaglypho opere ſculptæ, ad ritus moresque veterum Etruſcorum cognoscendos. Hæ enim oſtendunt, quæ ad religionem huius inclytæ gentis pertineant, quæ opiniones, quique Dii atque Heroes, cum Græcis Latinisque communes, apud eos culti, quæ ſacrificia, quæ donaria, quæ in funeribus habita ſacra, qui luſtus, quæ lugubres veſtes, qui honores mortuis tributi, qui ludi in horum memoriam inſtituti, quæ denique illuſtiores apud eos familiæ fuerint. Neque hæc omnia adhuc accurate expoſita. *Thomas Deimpſerus*, dedita opera ritus tractans Etruſcos, ſunus Etruſcum ſilet. Solus fere Cel. Autor in hac clariffima antiquitatis Etruſcæ parte fecit operæ pretium. Dijudicat materiam, formam, figuram, urnarum Tuſcarum, diſputatque de ſculptoribus Tuſcis, & de illorum emblematis. Inprimis memorabile cinerarium eſt, allatum in *Tab. XV Sect. III*, atque inventum in ſepulcro *Cuelniorum*, cujus interior pars duobus loculis exciſa eſt. Factum autem hoc, ut, qui vivi ſanguine juncti fuerant, mortui una caperentur urna. *Cap. II* inquiri in antiquitatem plâſtices, ſculpturæ, & picturæ Etruſcorum. Eſt autem plâſtice ars omnium, uti conſtat,



constat, antiquissima, & mater statuariz, sculpturæ, & celaturæ, uti jam *Plinius* observavit. Hanc Tusci vel invenerunt, Pag. 119-  
 vel mirifice excoluerunt, uti accurate Cel. Autor comprobat. 121.  
 Simile de sculptura & pictura confirmandum, cujus utriusque 123.  
 antiquissimus fuit in Etruria usus. Pergit Cel. Autor ad urnarum 124.  
 architecturam, quam vocat, *Cap. III*, quæ in nonnullis  
 prorsus eximia est, in aliis mediocris, in aliis rudis admodum.  
*Cap. IV* sistit imagines defunctorum virorum & mulierum, qui 128.  
 recumbentes, vel dormientes, sculpti sunt in operculis sepulcra-  
 lium urnarum. Cum Etruria omnes gentes & nationes cultu  
 & pietate in defunctos suos superaverit; mirum non est, quod  
 Cel. Autor tot & tanta monumenta hanc in causam attulerit.  
 Licet autem in his peculiare aliquid observare. Defunctorum  
 imagines, sculptæ in operculis, expressæ sunt, tanquam viventes  
 genio suo & hilaritati in conviviis indulgeant, specie atque ha-  
 bitu corporis discumbentium & epulantium. Occurrunt etiam  
 culinæ sacræ in sepulcris Etruscis vestigia, forte in usum paran-  
 darum feralium epularum pro mortuis. *Cap. V* ad nobilium his-  
 toriæ Etruscæ monumentum eruendum progreditur Cel. Au-  
 tor, nimirum ad comprobandum, Etruscos hos credidisse ani-  
 marum immortalitatem, & divinitatem post mortem. Asse- 133-136.  
 rit autem hoc cum ex apparatu ferali, tum ex veterum tes-  
 timoniis. Quin *Cap. VI* ex sacrificiis, oblationibus, & donariis, 136-139.  
 evincit, cultos defunctorum manes ab Etruscis. Sequenti *Cap. 140-145.*  
*VII* totus est in titulis urnarum & variis emblematis eruendis  
 & interpretandis. Fuerunt, qui, titulos, existimarent, propo-  
 nere præcepta quædam morum, vel rerum gestarum compen-  
 dia; sed primus Cel. *Gorius*, eruto Etruscarum literarum Al-  
 phabeto, ostendit, hosce titulos nomina duntaxat sistere de-  
 functorum. *Caput VIII* Museo *Guarnaccii* dicatum est, hujusque 146-152.  
 sepulcrales urnas, peregrinas historias, Trojanumque bellum,  
 exhibentes, explicat. Ex his inter alia apparet, quibus armis  
 mortalium primi in bello usi sint, nimirum saxis, bipennibus,  
 trabibus aduncis, sudibus, hastis, facibus, jaculis, sagittis,  
 & quæ clypeorum galearumque forma fuerit. *Cap. IX* versatur 153-158.  
 in emblematis urnarum, e Troica historia depromptis, eruendis.

- Sunt, qui confusæ Græciæ & Etruriæ culpam in Cel. Autorem devolvere ausi sunt; sed, quemadmodum jam *A. 1739 Mense Januar.* hanc maculam, Museo ejus Etrusco frustra affectam, in *Adis* his deleamus, sic et in præsentia ejus rei nos non pœnitet. Mirus est in singulis fere rebus Græciæ & Etruriæ consensus; nec illa Trojana in urnis mentio aliorum est trahenda. Quod idem quoque de sepulcris intelligendum, insculptis feralibus emblematicis, cum Trojana historia conjunctis, tragicisque celebrioribus thematibus, quæ *Cap. X* in lumine ponuntur. Cel. Autor, ex Græcia in patriam redux, *Cap. 167-169. XI* sacra Deorum mysteria, initia, lustrationes, atque expiationes, ex urnis ostendit. Egregie his illustrantur Etrusca, vel sacra, vel civilia, instituta; quin imo multarum aliarum gentium. Nam expiationes illæ innumerabiles, ab *Arnobio* allatæ, suas origines haud dubie ab Etruscis repetunt. Occurrunt autem exempli causa in *Tab. XVIII* sacra *Diana Taurica*. *A. 170-172.* sacris ad nuptias, pompas, & epulas nuptiales, in urnis obvias, progreditur *Cap. XII*. Atque hic *Tab. XX, XXI, XXII & seq.* pulchre apparet vestium nuptialium forma, imago porro Pronubæ Etruscæ, & alia. Superfunt *quatuor prima Partis Capita*, quorum singula haud contemnendum tractant argumentum. *Cap. XIII* adumbrat luctum Etruscorum in funere, sacros ritus, pompas, honores, lustrationes, eorumque de statu animarum post mortem opiniones. Nam, etsi hanc rem supra jam tetigit, tamen complura nova, præsertim ad luctum, hic adduntur. *Cap. XIV* sistit ex urnis civiles ritus, mores, & consuetudines; quorum jam mentionem fecerat in *duobus* superioribus *Tomis*. Verum nova hic urna est in *Tab. XXVII*, in qua magistratus suam dignitatem auspicantur, & procedunt. *180. Cap. XV* evolvit symbola in urnis. Erant autem symbolica Etruscorum sepulcra, quorum anaglypha nullas historias, nullasque fabulas, præferebant, neque civilia, vel sacra, documenta, aut Heroum gesta, repræsentabant, sed modo themata ex antiquæ theologiæ fontibus, ut rudes homines, his symbolis observatis, Deorum inferorum potestatem venerarentur, *Ma- 184-186.* nes Deos metuerent, colerentque, Tandem *Cap. XVI* additur func-

funeris defunctorum supellex, inventa in Volaterranis sepulchris, atque asservata in Museo *Guarnaccio*. Universam hanc in tres classes dividit, quarum prima respicit superos atque inferos Deos; secundæ continet vasa & instrumenta, quæ ad sacrificia in honorem tum Deorum, tum mortuorum, pertinebant; uti sacrificales pateras, tripodes, arulas, candelabra, lucernas, coronas; & his plura; tertia denique ea complectitur ornamenta, quæ viris mulieribusque, dum viverent, grata fuerunt. Omnia hæc expressa in *Tab. XXX, XXXI, XXXII, & XXXIII. Pars II* non quidem lucubrationes Cel. *Gorii* complectitur, sed Dissertationes. sex *Jo. Baptistæ Passerii*, J.Cti Pisaurenسيس; quæ tamen dignæ omnino sunt, ut *Gorianis* addantur. Eandem enim spirant diligentiam, atque idem fere in eruendis antiquitatibus acumen. *Prima* est de genio domestico ad Cl. Virum, *Andream Joannellium*. In hac agitur primo de genio, universi autore & præside, de ceteris geniis, rerum creatarum gubernatoribus; & tandem de genio domestico, cujus munera, expiatio, cultus, & simulacra, sistuntur. Singula hæc in *Tab. IV, V, VI, VII*, aliisque quamplurimis, nitide exprimuntur. *Alterâ Dissertatio* inscribitur *Acheronticus, sive de ara sepulchrali*, ad Virum Cl. *Philippum Lib. Bat. de Stofsch*, quæ cum *quindecim Capita* contineat, gravissimis rebus conferta, singula veluti digito indicabimus, ut eorum argumentum in aprico ponatur. *Cap. I* describuntur *columella* quædam, literis exarata Etruscis, & quæ nuper defossæ sunt. *Cap. II Acherontici* vocem ex Etrusca repetit lingua, qua sacrum significet, simulque veterum Acheronticorum librorum, in Etruria celeberrimorum, recenset argumentum, quod totum in religione Etrusca occupatum fuisse constat. *Cap. III* aggreditur sepulchralis *Aræ* descriptionem. Nimirum A. 1731 emtus fuit lapis albi coloris, tereti figura, ad tres palmos productus, acuminatus in cupressi formam, ingenti atque rudi hypobasi, quæ ex eodem lapide constat, Etruscarum literarum linceis ex una parte insignitis. Præclarum hoc monumentum, a villico in stabulum domesticum invecum, ita in pariete obfirmatum erat, ut, proficiente

P. II  
pag. 1.

6-17.

19.

21.

24-25.

- cylindro in clavi speciem, ruralem supellestilem inde suspenderet: cui usui per sexennium inservivit, donec ad *Passerium* perveniret. Ita ipse *Passerius. Cap. IV* comprobatur, hanc columellam fuisse sepulcralem. Occurrit hic elegans digressio de columellarum usu in sepulcris apud plerosque populos.
29. *Cap. V* investigatur aræ sepulcralis origo, & mos referendi mortuos inter divos publica & privata autoritate. *Capite vero VI* explicatur modus, quo divinitas a Diis tradi sit credita, & ab hominibus impetrari; quod argumentum uberius tractat *Cap.*
32. *VII & VIII.* Ad conciliandam divinitatem necessaria nimirum erant piacula, adspersiones ex liquoribus, quæ ambrosiæ & nectaris vicem sustinerent, abditi porro in tumultu liquores, in vasculis inclusi; coronæ cum mortuo sepultæ; quæ data occasione agitur de coronis Cuprensibus. *Cap. IX* expenditur forma sepulcralium vasculorum, quæ & Deorum inferorum imagines, & animalium; Diis sacrorum, referunt. In his animalibus inprimis est leo, cujus figura lapidea sæpe in sepulcris visitur. Afferuntur non tantum antiqua, sed etiam recentiora, testimonia. Est autem inter aras sepulcrales, quæ publica, & inter eas, quæ privata autoritate positæ sunt, aliquod discrimen, quod *Cap. X* explicatur, atque ostenditur, ejusmodi aras ab Etruscis Laribus defunctorum, a Latinis Manibus, dicatas esse. Intelliguntur autem per Lares Etruscorum & Latinorum manes animæ defunctorum, inter Deos relatæ, vel Senatusconsulto, vel domesticis modo hæredum cognatorumque suffragiis. Cur vero Manes plurali numero sint invocati, etsi perobscura sit suspicio, tamen *Cap. XI* ex *Servio* colligit, hoc factum, quod antiqui quatuor existimaverint in homine uno animas esse. Diversus Larium Maniumque cultus evolvitur *Cap. XII.* Ab his sejungendus Genius, cujus originem, cultum, speciem in urnis fictam variam, sistit, atque idoneis *Cap. XIII* comprobatur argumentis, mortuis, cum pro Diis haberentur, plures Genios administratos traditos esse. Habent Etrusca monumenta hoc singulare, ut, cum Latinorum Genii tantum mares ferantur, illa & Genios fiant; quæ ultimæ, *Junones* perpetuo diæ, nihil commune
- cum

cum Jovis uxore habent. Hartum officia ex monumentis eruuntur *Cap. XIV. Caput XV & Conclusio* plures exhibet columellas *Pag. 60.*  
 sepulcrales vetustissimas, Etruscis literis insculptas, primumque nunc e tenebris erutas. Scriptio in his columellis fere semper, ut orientalium, a dextra ad sinistram ducitur; uti antiquissima Græcorum, quorum literas multas imitata est Etruscorum scribendi ratio. Sed, quod quoque observandum, 69.  
 occurrit in illis τὸ βροτῶν φῶδον, uti in Græcis vetustis. *Dissertatio tertia* Cl. *Passerii* est de Etruscorum funere, ad Virum Clariss. *Diamantem Comitem de Montemellino*, Patricium Perusinum. Observat in hac bene multa, ab aliis ita non animadversa, uti de ratione excipiendi ore spiritum morientis; cur prisci in funere crines evellerint. Ex urnis porro Etruscis 103 seq.  
 agit *Diff. quarta* de antiqua Velciorum Etruscorum familia Perusina, ad *Franc. Antonium Domitianum*, Tudertem; *Dissert. vero quinta* de architectura Etrusca urnarum aliquot sepulcralium, earumque emblematis, ad Virum Cl. *Antonium Francisc. Gorium*. Antiquum est marmor, cujus inscriptione explicata, expressam formam pingit. Gratumque sine dubio erit hoc simplicissimæ Etruscæ antiquitatis specimen, poteritque cum paucissimis, quæ supersunt, monumentis conferri. Ipsam elegantem ejus descriptionem, pluribus a Cl. *Passerio* traditam, malumus apud eam legi, quam a nobis minus plene repeti. In universum 123.  
 monet, nullam regulam certamque formam fuisse apud Etruscos, plerumque Doricos cultus referre monumenta, sæpe tamen etiam Ionicos & Corinthiacos, incertique ordinis, quos quisque sculptor pro ingenio & arbitrio suo invenisset. Neque mirandum hoc est, cum Etruria ex innumeris pæne populis constitisset, qui ex Asia, Græcia, & Oriente, profecti, eam occupantes, aliquid semper ex patriis sedibus retinuisent. *Dissertationis* corollarium est de Rege Nemorensi, uti dicebatur *Dianæ Tauricæ* sacerdos, cujus imago sæpe in urnis & gemis Etruscis apparet. Ultima denique Cl. *Passerii* *Dissertatio* est 129.  
 de antiquis tegulis sepulcralibus Etrusco-Latinis, ad Virum Cl. *Petrum Paulum Aslancollum*, Patricium Tudertem. Magni pretii hæc monumenta sunt, quod ex his Etruscæ & linguæ & 133.

- scripturæ, in Latinam migrantis & dilabentis, vestigia non obscura, sed expressa, adsunt, cujus rei admodum rara sunt exempla. Fuit autem usus harum tegularum ad obstruendas columbariorum valvulas, in quibus urnulæ sepulcrales, defunctorum cineribus oppletæ, conditæ erant. Refert autem has tegulas Etrusco-Latinas ad ea tempora, quibus pressa Etruria bellis Romanorum, lingua, commercio, & autoritate, primas tenentium, veterem linguam & splendorem amittere incepisset. Suave igitur est, in his tegulis intueri Etruscarum literarum formas, se paulatim in Latinarum literarum ductus induentes. Duplex Index, qui Opus hoc *Gorianum* doctissimum præstantissimumque finit, res, & in *Passerianis*, & in *Gorianis*, Dissertationibus obvias, ante oculos ponit. Ceterum optamus, & haud dubie nobiscum orbis literatus, ut, quas passim in hoc Volumine promittit Doctiss. *Gorius* novas lucubrationes, ut *P. I pag. 2* de coloniis & regimine veterum Tuscorum, *pag. 38* de origine & progressu Graphices apud Etruscos, *pag. 126* quæstiones Etruscas, *pag. 142* duo Lexica, Hetruscum & Pelasgicum, denique *pag. 185* Commentarium *Lazari Bayssii* de vasculis veterum, accessionibus suis locupletatum, propediem cum eruditis communicare velit.

*EPISTOLARUM REGINALDI POLI, S. R. E. Cardinalis, & aliorum ad ipsum, Pars prima, quæ scriptas complectitur ab A. 1520 usque ad A. 1536, scilicet a primo Reg. Poli Patavinum adventu usque ad delatum ei a Paulo III Cardinalatum. Præmittuntur Animadversiones in Epist. JO. GEORG. SCHELHORNII, Vita Card. Poli, & quædam hujus scripta, atque Diatriba ad easdem Epistolas. Pars secunda, quæ scriptas complectitur annis 1537, 1538, 1539, scilicet ab inita Legatione Belgica usque ad desitam Legationem Hispanicam. Præmittuntur Animadversiones in Epist. JO. GEORG. SCHELHORNII, Diatriba, & Monumenta quædam præliminaria ad easdem Epistolas.*

Brixia,

Brixiz, excudebat Joannes Maria Rizzardi, 1744, 4 maj.

P. I Alph. 3 plag. 14, P. II Alph. 3 plag. 4.

**R**eginaldus Polus, doctrina, consilio, rerum gestarum magnitudine, virtute, enixissimo ecclesiam Romanam juvandi amplificandique studio, quondam insignis admodum, non facile illustriorem, nec digniorem, laudum suarum præconem, & scriptorum suorum instauratorem, quam quidem *Angelum Mariam Quirinum*, Purpuratum Eminentissimum, cujus non minora in sedem Romanam merita, quam decora, quibus in orbe literato fulget, existunt, invenire potuisset. Splendidum hoc Opus, quod in fronte effigiem *Poli*, affabre pictam, ostentat, inscriptum est *Dominico Ursino*, pariter Ecclesie Romanæ Purpurato, cui se ob conciliatam sibi *Benedicti XIII* beneficentiam, quem sanguine attingat, obstrictum agnoscit. In Præfatione *Partis primæ* sistit *Animadversiones in Epistolam, a Schelbornio ad se scriptam*. Ægre fert, quod is *Burneti* de *Polo* narrationi nimium tribuat, cum tamen ex hujus epistola, in *Amanisatibus* publicata, rectiora scire potuisset. A *Polo* de-  
 pag. 1-6.  
 pellit suspicionem, ipsum, galeri purpurei potiundi desiderio inescatum, per *Henrici* Regis infamiam ad summum illum honorum apicem grassatum esse. Num recte fecerint primæ dignitatis in ecclesia Romana viri, inque his ipse *Joannes Petrus Carassa*, post sub nomine *Pauli IV* ad Pontificium fastigium evectus, ipsum, ubi de novo Pontifice eligendo deliberaretur, gravissimorum vitorum reum agendo, querit. Aliquanto acerbior  
 6-12.  
 12-14.  
 14-21.  
 21-38.  
 38-44.  
 44-50.  
 50-56.  
 56-62.  
 62-68.  
 68-74.  
 74-80.  
 80-86.  
 86-92.  
 92-98.  
 98-104.  
 104-110.  
 110-116.  
 116-122.  
 122-128.  
 128-134.  
 134-140.  
 140-146.  
 146-152.  
 152-158.  
 158-164.  
 164-170.  
 170-176.  
 176-182.  
 182-188.  
 188-194.  
 194-200.  
 200-206.  
 206-212.  
 212-218.  
 218-224.  
 224-230.  
 230-236.  
 236-242.  
 242-248.  
 248-254.  
 254-260.  
 260-266.  
 266-272.  
 272-278.  
 278-284.  
 284-290.  
 290-296.  
 296-302.  
 302-308.  
 308-314.  
 314-320.  
 320-326.  
 326-332.  
 332-338.  
 338-344.  
 344-350.  
 350-356.  
 356-362.  
 362-368.  
 368-374.  
 374-380.  
 380-386.  
 386-392.  
 392-398.  
 398-404.  
 404-410.  
 410-416.  
 416-422.  
 422-428.  
 428-434.  
 434-440.  
 440-446.  
 446-452.  
 452-458.  
 458-464.  
 464-470.  
 470-476.  
 476-482.  
 482-488.  
 488-494.  
 494-500.  
 500-506.  
 506-512.  
 512-518.  
 518-524.  
 524-530.  
 530-536.  
 536-542.  
 542-548.  
 548-554.  
 554-560.  
 560-566.  
 566-572.  
 572-578.  
 578-584.  
 584-590.  
 590-596.  
 596-602.  
 602-608.  
 608-614.  
 614-620.  
 620-626.  
 626-632.  
 632-638.  
 638-644.  
 644-650.  
 650-656.  
 656-662.  
 662-668.  
 668-674.  
 674-680.  
 680-686.  
 686-692.  
 692-698.  
 698-704.  
 704-710.  
 710-716.  
 716-722.  
 722-728.  
 728-734.  
 734-740.  
 740-746.  
 746-752.  
 752-758.  
 758-764.  
 764-770.  
 770-776.  
 776-782.  
 782-788.  
 788-794.  
 794-800.  
 800-806.  
 806-812.  
 812-818.  
 818-824.  
 824-830.  
 830-836.  
 836-842.  
 842-848.  
 848-854.  
 854-860.  
 860-866.  
 866-872.  
 872-878.  
 878-884.  
 884-890.  
 890-896.  
 896-902.  
 902-908.  
 908-914.  
 914-920.  
 920-926.  
 926-932.  
 932-938.  
 938-944.  
 944-950.  
 950-956.  
 956-962.  
 962-968.  
 968-974.  
 974-980.  
 980-986.  
 986-992.  
 992-998.  
 998-1004.  
 1004-1010.  
 1010-1016.  
 1016-1022.  
 1022-1028.  
 1028-1034.  
 1034-1040.  
 1040-1046.  
 1046-1052.  
 1052-1058.  
 1058-1064.  
 1064-1070.  
 1070-1076.  
 1076-1082.  
 1082-1088.  
 1088-1094.  
 1094-1100.  
 1100-1106.  
 1106-1112.  
 1112-1118.  
 1118-1124.  
 1124-1130.  
 1130-1136.  
 1136-1142.  
 1142-1148.  
 1148-1154.  
 1154-1160.  
 1160-1166.  
 1166-1172.  
 1172-1178.  
 1178-1184.  
 1184-1190.  
 1190-1196.  
 1196-1202.  
 1202-1208.  
 1208-1214.  
 1214-1220.  
 1220-1226.  
 1226-1232.  
 1232-1238.  
 1238-1244.  
 1244-1250.  
 1250-1256.  
 1256-1262.  
 1262-1268.  
 1268-1274.  
 1274-1280.  
 1280-1286.  
 1286-1292.  
 1292-1298.  
 1298-1304.  
 1304-1310.  
 1310-1316.  
 1316-1322.  
 1322-1328.  
 1328-1334.  
 1334-1340.  
 1340-1346.  
 1346-1352.  
 1352-1358.  
 1358-1364.  
 1364-1370.  
 1370-1376.  
 1376-1382.  
 1382-1388.  
 1388-1394.  
 1394-1400.  
 1400-1406.  
 1406-1412.  
 1412-1418.  
 1418-1424.  
 1424-1430.  
 1430-1436.  
 1436-1442.  
 1442-1448.  
 1448-1454.  
 1454-1460.  
 1460-1466.  
 1466-1472.  
 1472-1478.  
 1478-1484.  
 1484-1490.  
 1490-1496.  
 1496-1502.  
 1502-1508.  
 1508-1514.  
 1514-1520.  
 1520-1526.  
 1526-1532.  
 1532-1538.  
 1538-1544.  
 1544-1550.  
 1550-1556.  
 1556-1562.  
 1562-1568.  
 1568-1574.  
 1574-1580.  
 1580-1586.  
 1586-1592.  
 1592-1598.  
 1598-1604.  
 1604-1610.  
 1610-1616.  
 1616-1622.  
 1622-1628.  
 1628-1634.  
 1634-1640.  
 1640-1646.  
 1646-1652.  
 1652-1658.  
 1658-1664.  
 1664-1670.  
 1670-1676.  
 1676-1682.  
 1682-1688.  
 1688-1694.  
 1694-1700.  
 1700-1706.  
 1706-1712.  
 1712-1718.  
 1718-1724.  
 1724-1730.  
 1730-1736.  
 1736-1742.  
 1742-1748.  
 1748-1754.  
 1754-1760.  
 1760-1766.  
 1766-1772.  
 1772-1778.  
 1778-1784.  
 1784-1790.  
 1790-1796.  
 1796-1802.  
 1802-1808.  
 1808-1814.  
 1814-1820.  
 1820-1826.  
 1826-1832.  
 1832-1838.  
 1838-1844.  
 1844-1850.  
 1850-1856.  
 1856-1862.  
 1862-1868.  
 1868-1874.  
 1874-1880.  
 1880-1886.  
 1886-1892.  
 1892-1898.  
 1898-1904.  
 1904-1910.  
 1910-1916.  
 1916-1922.  
 1922-1928.  
 1928-1934.  
 1934-1940.  
 1940-1946.  
 1946-1952.  
 1952-1958.  
 1958-1964.  
 1964-1970.  
 1970-1976.  
 1976-1982.  
 1982-1988.  
 1988-1994.  
 1994-2000.  
 2000-2006.  
 2006-2012.  
 2012-2018.  
 2018-2024.  
 2024-2030.  
 2030-2036.  
 2036-2042.  
 2042-2048.  
 2048-2054.  
 2054-2060.  
 2060-2066.  
 2066-2072.  
 2072-2078.  
 2078-2084.  
 2084-2090.  
 2090-2096.  
 2096-2102.  
 2102-2108.  
 2108-2114.  
 2114-2120.  
 2120-2126.  
 2126-2132.  
 2132-2138.  
 2138-2144.  
 2144-2150.  
 2150-2156.  
 2156-2162.  
 2162-2168.  
 2168-2174.  
 2174-2180.  
 2180-2186.  
 2186-2192.  
 2192-2198.  
 2198-2204.  
 2204-2210.  
 2210-2216.  
 2216-2222.  
 2222-2228.  
 2228-2234.  
 2234-2240.  
 2240-2246.  
 2246-2252.  
 2252-2258.  
 2258-2264.  
 2264-2270.  
 2270-2276.  
 2276-2282.  
 2282-2288.  
 2288-2294.  
 2294-2300.  
 2300-2306.  
 2306-2312.  
 2312-2318.  
 2318-2324.  
 2324-2330.  
 2330-2336.  
 2336-2342.  
 2342-2348.  
 2348-2354.  
 2354-2360.  
 2360-2366.  
 2366-2372.  
 2372-2378.  
 2378-2384.  
 2384-2390.  
 2390-2396.  
 2396-2402.  
 2402-2408.  
 2408-2414.  
 2414-2420.  
 2420-2426.  
 2426-2432.  
 2432-2438.  
 2438-2444.  
 2444-2450.  
 2450-2456.  
 2456-2462.  
 2462-2468.  
 2468-2474.  
 2474-2480.  
 2480-2486.  
 2486-2492.  
 2492-2498.  
 2498-2504.  
 2504-2510.  
 2510-2516.  
 2516-2522.  
 2522-2528.  
 2528-2534.  
 2534-2540.  
 2540-2546.  
 2546-2552.  
 2552-2558.  
 2558-2564.  
 2564-2570.  
 2570-2576.  
 2576-2582.  
 2582-2588.  
 2588-2594.  
 2594-2600.  
 2600-2606.  
 2606-2612.  
 2612-2618.  
 2618-2624.  
 2624-2630.  
 2630-2636.  
 2636-2642.  
 2642-2648.  
 2648-2654.  
 2654-2660.  
 2660-2666.  
 2666-2672.  
 2672-2678.  
 2678-2684.  
 2684-2690.  
 2690-2696.  
 2696-2702.  
 2702-2708.  
 2708-2714.  
 2714-2720.  
 2720-2726.  
 2726-2732.  
 2732-2738.  
 2738-2744.  
 2744-2750.  
 2750-2756.  
 2756-2762.  
 2762-2768.  
 2768-2774.  
 2774-2780.  
 2780-2786.  
 2786-2792.  
 2792-2798.  
 2798-2804.  
 2804-2810.  
 2810-2816.  
 2816-2822.  
 2822-2828.  
 2828-2834.  
 2834-2840.  
 2840-2846.  
 2846-2852.  
 2852-2858.  
 2858-2864.  
 2864-2870.  
 2870-2876.  
 2876-2882.  
 2882-2888.  
 2888-2894.  
 2894-2900.  
 2900-2906.  
 2906-2912.  
 2912-2918.  
 2918-2924.  
 2924-2930.  
 2930-2936.  
 2936-2942.  
 2942-2948.  
 2948-2954.  
 2954-2960.  
 2960-2966.  
 2966-2972.  
 2972-2978.  
 2978-2984.  
 2984-2990.  
 2990-2996.  
 2996-3002.  
 3002-3008.  
 3008-3014.  
 3014-3020.  
 3020-3026.  
 3026-3032.  
 3032-3038.  
 3038-3044.  
 3044-3050.  
 3050-3056.  
 3056-3062.  
 3062-3068.  
 3068-3074.  
 3074-3080.  
 3080-3086.  
 3086-3092.  
 3092-3098.  
 3098-3104.  
 3104-3110.  
 3110-3116.  
 3116-3122.  
 3122-3128.  
 3128-3134.  
 3134-3140.  
 3140-3146.  
 3146-3152.  
 3152-3158.  
 3158-3164.  
 3164-3170.  
 3170-3176.  
 3176-3182.  
 3182-3188.  
 3188-3194.  
 3194-3200.  
 3200-3206.  
 3206-3212.  
 3212-3218.  
 3218-3224.  
 3224-3230.  
 3230-3236.  
 3236-3242.  
 3242-3248.  
 3248-3254.  
 3254-3260.  
 3260-3266.  
 3266-3272.  
 3272-3278.  
 3278-3284.  
 3284-3290.  
 3290-3296.  
 3296-3302.  
 3302-3308.  
 3308-3314.  
 3314-3320.  
 3320-3326.  
 3326-3332.  
 3332-3338.  
 3338-3344.  
 3344-3350.  
 3350-3356.  
 3356-3362.  
 3362-3368.  
 3368-3374.  
 3374-3380.  
 3380-3386.  
 3386-3392.  
 3392-3398.  
 3398-3404.  
 3404-3410.  
 3410-3416.  
 3416-3422.  
 3422-3428.  
 3428-3434.  
 3434-3440.  
 3440-3446.  
 3446-3452.  
 3452-3458.  
 3458-3464.  
 3464-3470.  
 3470-3476.  
 3476-3482.  
 3482-3488.  
 3488-3494.  
 3494-3500.  
 3500-3506.  
 3506-3512.  
 3512-3518.  
 3518-3524.  
 3524-3530.  
 3530-3536.  
 3536-3542.  
 3542-3548.  
 3548-3554.  
 3554-3560.  
 3560-3566.  
 3566-3572.  
 3572-3578.  
 3578-3584.  
 3584-3590.  
 3590-3596.  
 3596-3602.  
 3602-3608.  
 3608-3614.  
 3614-3620.  
 3620-3626.  
 3626-3632.  
 3632-3638.  
 3638-3644.  
 3644-3650.  
 3650-3656.  
 3656-3662.  
 3662-3668.  
 3668-3674.  
 3674-3680.  
 3680-3686.  
 3686-3692.  
 3692-3698.  
 3698-3704.  
 3704-3710.  
 3710-3716.  
 3716-3722.  
 3722-3728.  
 3728-3734.  
 3734-3740.  
 3740-3746.  
 3746-3752.  
 3752-3758.  
 3758-3764.  
 3764-3770.  
 3770-3776.  
 3776-3782.  
 3782-3788.  
 3788-3794.  
 3794-3800.  
 3800-3806.  
 3806-3812.  
 3812-3818.  
 3818-3824.  
 3824-3830.  
 3830-3836.  
 3836-3842.  
 3842-3848.  
 3848-3854.  
 3854-3860.  
 3860-3866.  
 3866-3872.  
 3872-3878.  
 3878-3884.  
 3884-3890.  
 3890-3896.  
 3896-3902.  
 3902-3908.  
 3908-3914.  
 3914-3920.  
 3920-3926.  
 3926-3932.  
 3932-3938.  
 3938-3944.  
 3944-3950.  
 3950-3956.  
 3956-3962.  
 3962-3968.  
 3968-3974.  
 3974-3980.  
 3980-3986.  
 3986-3992.  
 3992-3998.  
 3998-4004.  
 4004-4010.  
 4010-4016.  
 4016-4022.  
 4022-4028.  
 4028-4034.  
 4034-4040.  
 4040-4046.  
 4046-4052.  
 4052-4058.  
 4058-4064.  
 4064-4070.  
 4070-4076.  
 4076-4082.  
 4082-4088.  
 4088-4094.  
 4094-4100.  
 4100-4106.  
 4106-4112.  
 4112-4118.  
 4118-4124.  
 4124-4130.  
 4130-4136.  
 4136-4142.  
 4142-4148.  
 4148-4154.  
 4154-4160.  
 4160-4166.  
 4166-4172.  
 4172-4178.  
 4178-4184.  
 4184-4190.  
 4190-4196.  
 4196-4202.  
 4202-4208.  
 4208-4214.  
 4214-4220.  
 4220-4226.  
 4226-4232.  
 4232-4238.  
 4238-4244.  
 4244-4250.  
 4250-4256.  
 4256-4262.  
 4262-4268.  
 4268-4274.  
 4274-4280.  
 4280-4286.  
 4286-4292.  
 4292-4298.  
 4298-4304.  
 4304-4310.  
 4310-4316.  
 4316-4322.  
 4322-4328.  
 4328-4334.  
 4334-4340.  
 4340-4346.  
 4346-4352.  
 4352-4358.  
 4358-4364.  
 4364-4370.  
 4370-4376.  
 4376-4382.  
 4382-4388.  
 4388-4394.  
 4394-4400.  
 4400-4406.  
 4406-4412.  
 4412-4418.  
 4418-4424.  
 4424-4430.  
 4430-4436.  
 4436-4442.  
 4442-4448.  
 4448-4454.  
 4454-4460.  
 4460-4466.  
 4466-4472.  
 4472-4478.  
 4478-4484.  
 4484-4490.  
 4490-4496.  
 4496-4502.  
 4502-4508.  
 4508-4514.  
 4514-4520.  
 4520-4526.  
 4526-4532.  
 4532-4538.  
 4538-4544.  
 4544-4550.  
 4550-4556.  
 4556-4562.  
 4562-4568.  
 4568-4574.  
 4574-4580.  
 4580-4586.  
 4586-4592.  
 4592-4598.  
 4598-4604.  
 4604-4610.  
 4610-4616.  
 4616-4622.  
 4622-4628.  
 4628-4634.  
 4634-4640.  
 4640-4646.  
 4646-4652.  
 4652-4658.  
 4658-4664.  
 4664-4670.  
 4670-4676.  
 4676-4682.  
 4682-4688.  
 4688-4694.  
 4694-4700.  
 4700-4706.  
 4706-4712.  
 4712-4718.  
 4718-4724.  
 4724-4730.  
 4730-4736.  
 4736-4742.  
 4742-4748.  
 4748-4754.  
 4754-4760.  
 4760-4766.  
 4766-4772.  
 4772-4778.  
 4778-4784.  
 4784-4790.  
 4790-4796.  
 4796-4802.  
 4802-4808.  
 4808-4814.  
 4814-4820.  
 4820-4826.<

- verborum strepitu, nec conviciorum tumultu, hominum animos perculerunt, sed doctrinae suae praestantia, & gravissimarum rationum ponderibus, horum pervicaciam expugnaverunt, ut lubentes ipsorum praeceptiones admiserint. Non illi sumus, qui patrociniū rerum omnium, ab *Henrico* gestarum, suscipiamus, sed & illud apparet, *Polum* molitionibus suis id egisse, ut Regem ad obsequium Praefulis Romani revocaret, ipsumque ad extirpandos emendatae religionis confessores inflammaret; non ut veram pietatem, virtutisque studium, ipsi ingeneraret. Affirmat Illustrissimus *Quirinus*, clerum Anglicanum & reliquos ordines regni Regem *Henricum* ecclesiae protectorem, unicum & supremum dominum, & caput, non nisi invitos & adactos agnovisse; quod de quibusdam quidem, non de omnibus, dici potest. Notaverat *Schelbornius*, consilium de emendanda ecclesia, in quod *Sturm* calamus strinxerit, *Polum* una cum aliis Cardinalibus, jubente ita *Paulo III*, concepis-  
 Pag. 38-  
 42. se, ac scripto consignasse, inque indicem librorum prohibitorum relatum esse. *Quirinus* hoc ita diluit: Sententiam iudicii non tam fuisse directam in consilium, quam quidem ea, quae in Germanica editione eidem adjecerit *Sturm*, cum vel *Cochlei* discussio vindictiarum *Sturmii* eodem infortunio sit affecta, quandoquidem censes nullas omnino in consilium istud annotationes, quales etiam fuerint, probare voluerint.
- 42-49. *Antonii Braccioli* Italicas Bibliorum versiones jure proscriptas esse, in easdemque *Justum Fontaninum* merito invehi, docet,  
 49, 50. non autem ipsius *Dialogos* notari. Crimini dederat *Polo* *Schelbornius*, quod *Carolus V* Imp. & alios Principes Christianos adversus *Henricum* concitare, sicque ipsum & regnum illius in discrimen adducere, sit anisus. Contrarium demonstrare annititur Noster, causatus, scriptum illud ad Imperatorem, aliosque Principes, nunquam fuisse missum, nec alio spectasse, quam quo *Henricus* sanioribus consiliis aurem praeberet.
- 51-71. Sed sit ita, *Polum* non scripto id egisse, quorsum spectaverunt hujus legationes, nonne ut Imperatorem aliosque Principes adversus Regem & regnum Angliae armaret? Et, qui in alium omnia convicia impotentia quadam animi conjicit, illumne sibi adjunget, ut se illi facilem & benignum praebeat? Enumeravit



merat hinc viros doctrina & vitæ sanctitate in ecclesia Romana, tempore *Pauli III & Poli*, ex ordine Purpuratorum, antistitum, & hominum religiosorum, conspicuos, quos cum illis, qui vivo *Luthero* novas de religione sententias in Germania propalarint, contendendos, imo illis forte superiores, esse arbitrat: interim non it inficias, & illa, & adhuc nostra, tempestate conquestos bene multos fuisse, labis haud parum adhærere ecclesiæ, illamque emendatione indigere, propterea tamen vinculum consociationis diffuendum haud fuisse, nec in segreges cœtus discedendum, concludit.

Sequuntur jam *Monumenta preliminaria hujus Voluminis*. Pag. 76-

In Præfatione ad Lectorem disserit Emin. Autor 1) de *vita Poli*, 80.

quam ex Italica descriptione *Ludovici Beccatelli* in Latinum sermonem convertit *Andreas Dudithius*, cujus indolem, doctrinam, virtutes, dilaudat, sed dolet, *laudes eum suas miserandum in modum Catholice religionis desertione sœdasse*; 2) de *Apologia ad Carolum V Imp.*, quam proœmii loco operi *de Unitate ecclesiastica* præmiserat, consignata, postquam A. 1558 dirum excommunicationis carmen a *Paulo III* in *Henricum* evulgatum erat. Num vero verborum acrimonia, qua *Henricum* insectatur, & consilium, Imperatori datum, Regem armis persequendi, si aliter malo mederi nequeat, & quod plus periculi ab illo sit metuendum ecclesiæ, quam ab ipsis Turcis, hac ratione excusari queat, quod *loquatur non sua, sed ecclesiæ, voce, quæ ejus ministerio utebatur, & ex munere, injuncto ipsi a Dei vicario*, viderint alii. Agit 3) de *altero Proœmio*, cujus 83-87.

partem, quam Codex MStus Vaticanus exhibet, tertio loco inter *preliminaria Monumenta* reposuit. Directum est ad *Jacobum*, Scotiæ Regem, quem ob constantiam in avita religione prædicat, monens eum, ut ab insidiis *Henrici* sibi caveat. 4) De *Apologia Reginaldi Poli* disserit. Subjicitur *Hermanni Sam. Reimari*, V. C. ad *Angelum Mariam* Cardinalem *Quirinum* Epistola de libro ipsius, *ad Reginaldi Poli gesta* pertinente, quem multa laude prosequitur, ab omni tamen judicio de controversiis religionis pro moderatōne sua abstinens. 87-95. 95-97.

Sed, missis Prolegomenis, nos ad opus ipsum accingamus. In illo primum comparat *Vita Reginaldi Poli*. Hic il-

- lustrissima prosapia, quæ & paterno & materno sanguine Angliæ Reges attingebat, A. 1500, menſe Martio, eſt procreatus. Patre ipſi puero, præcipitato fato, prærepto, mater ipſum Londini primum, inde in Cartuſianorum Collegio, non multum ab urbe diſſito, omni literarum genere erudiendum curavit, in quibus adeo profecit, ut pæne puer diſputationem publicam & ſolemne, cunctis plaudentibus, habuerit. His rudimentis ad ſumma quæque præparatus, cum miro literarum elegantiorum amore flagraret, regia munificentia adjutus, decimum nonum ætatis annum agens, Patavium contendit, ibique & cum ſummis viris amicitiam conciliavit, & præcipuos quos-
- Pag. 1-6. que doctores ſedulo coluit. Quinquennio in Italia exacto, in patriam eſt reverſus, aque Rege & Regina, præcipuæque nobilitatis flore, multa cum gratiæ & benevolentię demonſtratione eſt exceptus. Sed, ubi *Heuricus Catharinam* repudiâſſet, tempeſtates imminentes proſpiciens, Pariſios abiit.
7. Exacto ibi anno in Britanniam redux, Rex, ampliſſimis præmiis propoſitis, ipſum ad partes ſuas pertrahere allaboravit,
- 7-10. ſed a conſtantia ſua ſe dimoveri non eſt paſſus. Quare Rex, ira percitus, impetrato ab illo per amicos annuo ſtipendio, Avenionem primum, inde Patavium & Venetias, eſt profectus.
- 10, 11. Cum Rex ſupremum ſe eccleſiæ Anglicanæ caput appellâſſet, ipſius ſententiam per literas requiſivit. Scripſit igitur *quatuor*
12. *Libros de Unitate eccleſiæ*. Ab hoc tempore in luce eccleſiæ Romanæ eſſe cœpit. Primum adſcriptus eſt ſocietati illorum, qui de reformanda diſciplina conſultationem inſtitue-
- 12-14. rant, poſtea A. 1536 d. 11 Cal. Jan. a Pontifice *Paulo III* Cardinalis eſt renunciatus. Diverſas legationes in cauſa Angliæ obiit in Galliam, Belgium, ad *Carolus* Imperatorem, & in Hiſpaniam,
- 14-18. ſed quæ proſpero fere eventu caruerunt. Cui ut gratum animum teſtaretur Pontifex, ipſi legationem Viterbienſem detulit,
- 18-20. eundemque Tridentum ad Concilium ablegavit. Mortuo *Paulo III*, parum abſuit, quin Pontifex fuiſſet creatus, Gallicanis Cardinalibus obnixè intercedentibus, ne partes Cæſareanæ novo hoc incremento invaleſcerent. Cum, *Eduardo* Rege præmature mortuo, *Maria* in regni ſolium eveheretur, illaſque matrimonii ſocietate cum *Philippe*, Hiſpano, jungeretur, qui Pontifi-

Pontificiam religionem revocabat, *Polus* rogatu Regis ac Reginae Britanniam, qua legatus Pontificis, repetiit. A primo igitur statim adventu decreta, contra Pontificem & religionem Catholicam lata, abrogavit, regnum in fidem & obsequium Præfulis Romani recepit, eaque omnia fecit, quæ ad reducendos ritus Romanos spectabant. Post a Regina Archiepiscopus Cantuariensis declaratus, convocavit Concilium in urbe Londinensi, in quo de disciplina ecclesiastica instauranda, & sacris ad morem rituum Romanorum reducendis, est actum. Qui obnitebantur, vel blanditiis sunt pellecti, vel pœnis plexi, ex quibus *Thomas Cranmerus*, Præful quondam Cantuariensis, vivus flammis est ustulatus. Quanto vero cunque studio res Pontificis in Anglia promotas cuperet *Polus*, non tamen optimam gratiam reportavit. Dissensiones, inter *Philippum* & Pontificem exortæ, in apertum bellum proruperant; arbitrum igitur se interposuit, & hunc sui officii admonuit *Polus*. Hoc Pontifex adeo indigne tulit, ut legationem ipsi abrogaret, eundemque Romam ad se purgandum arcesseret. Quo minus autem res effectui daretur, Regina suis effecit monitis. Ipse *Polus* certum hominem Romam, qui de objectis sibi criminibus responderet, ablegavit. Interea Regina, multa ægritudine & morbis confecta, A. 1558, 17 Cal. Dec. inopinato decessit, cumque ipso illo tempore *Polus* ex febri gravissimè laboraret, nuntio hoc accepto, insequenti die pariter fato est functus, natus annos 58, menses 6. Subjicit descriptionem habitus corporis, morum, virtutum, dictorum, factorum, studiorum, familiaritatum, itemque recensionem scriptorum ipsius, tum quæ edita sunt & absoluta, tum quorum tantum lineas aliquas duxit, & fragmenta reliquit.

Sequuntur jam scripta *Poli*, & quidem 1) *Apologia ad Carolum V Casarem super IV Libris, a se scriptis, de unitate ecclesiæ*. In illa explicat & propugnat, quæ ante *IV Libris* contra Regem *Henricum* scripserat, postquam is supremi capitis ecclesiæ in regno nomen ac dignitatem assumerat. Quanta ipsum vehementia aggrediatur, apparet ex sequentibus. Postquam Rex a Pontifice hostis ecclesiæ declaratus erat, recepit, se facturum, ut apud Principes ejus nequitia sic pateret, ut aperte cognoscerent,

- gnoscerent, illum multo graviores hostem ecclesiæ esse, quam Turcam tyrannum; & si alter bello esset persequendus, multo iustius contra illum arma convertenda, quam contra Turcam, ut e quo major perniciēs. Nec multo post, se Casarem a bello Turcico abducere conari, & quantum possit, suadere, ut arma sua eo convertat, si huic tanto malo aliter mederi non possit,*
- Pag. 78. *quo ipsum major ecclesiæ necessitas vocet.* Verborum duritiem eo excusat, quod se voluntate Dei, & nutu Pontificis, qui vicem Dei gerat, impulsus esse sentiat. Ubi se caput ecclesiæ in regno appellari voluerit, crimen omnium gravissimum admisisse, seque iudicio divino exposuisse. Qui ipsius lapsus eo gravior, quo maiora divinæ benevolentiae indicia in ipsum ante existerint, pietate in Deum, multisque aliis virtutibus, egregie eluxerit, ut etiam adversus *Lutherum* pro causâ ecclesiæ calamum strinxerit, indeque titulum *Defensoris fidei* promeruerit. Statum regni quietum turbasse, ubi filiæ, omnibus virtutibus regiis illustri, in pellicis gratiam jus successione eripuerit, *Achaso* similem factum, qui ad nutum *Jesabelis* se totum composuerit, conjugem obtentu voluntatis divinæ thalamo eiecerit, se impio aulæ caput ecclesiæ dixerit, populum nimis exactionibus exhaustum, monasteria expilavit, & illorum ultra trecenta & sexaginta funditus everti curavit.
- 83-88. Porro, ubi inauditam crudelitatem in Episcopum *Rossensem, Thom. Morum*, religiosos, aliosque conspicuos & probos viros, exercuerit, *Thomæ Pecqueti* corpus, 300 annis ante trucidati, & Sanctorum cœtui adscripti, terra erui, igne comburi, inque aerem cineres spargi, donaria, mausolæo ipsius illata, diripi, & *Augustini* sepulcrum una cum templo & monasterio dirui, iusserit. Fontem tantæ mutationis in Rege, cum ante virtuti studuerit, ait fuisse cupiditatem, qua in *Boleniam* fuerit raptus, quæ non ante corporis sui Regi copiam facere voluerit,
- 93-113. quam se conjugem sibi, *Catharina* exturbata, junxisset. Hinc, cum adhuc legum vinculis & religione teneri videretur, hominem callidum, cui nomen *Cromwello*, ipsum oratione ad fallendum composita legum obligatione exsolvere allaborasse, & quantum emolumenti ad ipsum & regnum redundaret, si se obsequio Pontificis subtraheret, prolixè ostendisse. Totam

hominis orationem refert, & quid in illa desideret, fufe de-Pag. 118-  
clarat; qui cum innutritus fuisset principiis *Machiavelli*, in 136.  
huius doctrinam acriter invehitur, & quæ inde incommoda  
ad religionem, rempublicam, ipsos Principes, proficiscantur,  
oratione gravi significat. Equidem, *Henricum* simulandi ar- 136-148.  
tem probe calluisse & exercuisse, vel ipsa illa nihil aliud effe-  
cisse, quam ut omnes in ipsius actiones sint intuiti curatius, &  
latentia ipsius vicia detexerint, summi Numinis ipse vindictam  
& Pontificis ultionem provocarit. Queritur, se ab ipso ho- 148-154.  
stem & proditorem publice esse declaratum, in cineres *Tho-*  
*mae*, in sanctos, in innocuos, sævisse, iurandum de ser-  
vanda religione susque deque habuisse, religionem, leges,  
sacramenta, mutasse, seque his facinoribus antichristum & *Ne-*  
*ronem*, imo *Nerone* deteriorem, demonstrasse. Non igitur esse,  
ut quisquam vel Principum, vel aliorum, cum ipso amicitiam  
colat; esse potius, ut odio eum prosequatur, in ipsumque cau-  
sa Dei & religionis insurgat. Odium, pergit, exercuisse in ami- 154-161.  
cos, illisque mala multa intulisse, conjugii moribundæ ne quidem  
concessisse, ut filiam ante decessum suum complecteretur, eique  
gratiam divinam apprecaretur. Nec mitiorem se præbuisse 161-163.  
Pontifici, Imperatori, Regi Galliarum, cum Germanis, de reli-  
gionis negotio dissidentibus, amicitiam conciliare voluisse,  
quo illos in factione confirmaret, ne in pacis conditiones de-  
scenderent. Postremo se ad Deum convertit, eidemque ec- 163-165.  
clesiam committit, Reges vero excitat, ut mala illa ab eccle-  
sia depellant; non minus ab hoc pertimescendum esse, excla-  
mans, quam ab antichristo *Mohammedico*. 165-171.

Legitur hinc *Proæmium alterum ejusdem libelli, a Reginal-*  
*do Polo transmissi ad Regem Scotiae*. Laudibus tollit constantiam  
Regis in prisca religione tuenda, cavere eum jubet ab insidiosis  
libellis, aliam religionem, alias ceremonias, suadentibus, ex vicino  
regno ipsi submissis, describit denique artes *Cromwelli*, quibus 172-178.  
*Henricum* circumvenierit.

Ultimum inter *Monumenta* locum occupat *Apologia Regi-*  
*naldi Poli ad Angliæ Parlamentum*. Suprema curia ipsum insi-  
mulaverat, ac si honorem Regis libello famoso profciderit; ab  
illa igitur accusatione se defendit, ostendens, quicquid fecerit,

in salutem Regis fecisse. Scripsisse soli Regi, nec libri sui legendi cuiquam copiam fecisse. Inde iustitiam causæ suæ demonstrat actionibus, quas in salutem Regis direxerit, nec crimini sibi verti posse, quod Romam abierit, ac galerum, sibi oblatum, ex manibus Pontificis acceperit.

Comparet jam Eminentiss. Præfulus ad *primi* hujus *Voluminis Epistolarum Reg. Poli Diatriba, sex Capitibus* distincta, quibus, quicquid pertinet ad vitam, scripta, & in Ecclesiam merita, *Reg. Poli*, copiose, maxime vero ex ejusdem Epistolis, illustratur, additis hinc inde, quibus omnis illius temporis historia explicatur, doctissimis, lectuque dignis, observationibus.

- Pag. 179- Ad ipsas jam *Epistolas* accedimus, quæ in *primo Volumi-*  
 187. *ne* sunt numero XLVI, partim ab amicis ad *Polum*, partim ab ipso ad illos, exarata. Illæ ut plurimum sunt officiosæ, subinde tamen quædam notatu digna occurrunt, quorum aliqua in medium adducemus. *Epistola XI Erasmus de Luthero queritur: Lutherus, offensus mea diatriba, modestissime disputante, scripsit in me magnum volumen, quale nemo scriberet in Turcam. Huic ex parte respondimus. Nam sero volumen illius nacti sumus. Ego ille pacis & quietis amantissimus, cogor esse retarius, nec hoc satis, cogor Στεγνάζειν. Casp. Contareno Epistola XXII scribit Polus de libro Episcopi Vintoniensis, cui titulum fecerat de Obedientia, in quo Regem præcipuum caput ecclesiæ Anglicanæ asseruerat, Pontifici vero omnem autoritatem abrogarat, ab illo multum mali ad alios manaturum esse, cum ab eo sit profectus, qui jus Pontificis vindicare debuisset. Librum suum adversus *Sanfonem de Pontificis Romani primatu* mittit *Epistola XXV* ad *Contarenum*, rogitans, ut, si quæ emendanda ipsi viderentur, resingeret; nec diffi-*
395. 429. 434-437. 438, 439. *tetur, se acerbius in Regem scripsisse, sed & illa ipsius arbitrio permittit. Quod duriter in Regem scripserit, Epistola XXVI ad Aloysium Priolum* descendit, quoniam ad meliorem mentem reduci non posset, nisi peccata ipsi sua dilucide ob oculos ponantur; maxime cum lenia remedia adhuc nil quidquam esserint. Librum suum adversus Regem Pontifici ostendi, et ab illo aliqua legi, non prohibet *Epistola XXVIII*, modo ne id fama dimanet in Angliam, illum ante a Pontifice

lectum fuisse, quam ad Regem delatus esset. *Epist. XXXI* Pag. 443. refert de Cæsaris adventu in urbem, optat, ut congressus ille ecclesiæ sit salutaris, censet, rationes belli gerendæ utilitatibus ecclesiæ anteferendas non esse. *Epist. XXXII* comine- 451-454. morat, a Rege sibi significatum esse, ut in patriam & ad aulam revertatur, quo melius de quibusdam rebus cum ipso agere possit; hoc vero, nisi Rex ad ecclesiam se recipiat, detraxit. Cum Rex aliquam spem ad ecclesiam redeundi ostendisset, monet *Epist. XXXIII*, quid Pontifici Max. in tantæ rei negotio incumbat. *Contarenius Epist. XXXVI* dissuadet, ne, in- 458,459. vitatus etiam abs Rege, in Britanniam redeat, seque præsentissimo periculo exponat. *Epist. XXXIX Paulus III*, Pont. Max. ipsum 463. Romam arcessit, ut una cum aliis viris doctis & piis de Concilii habendi ratione deliberet. *Epist. XLV* significat *Contare- 466,467. no*, literas sibi ex Britannia a *Cromwello*, & *Tunstallo*, Episcopo Dunelmensi, missas esse, qui iram Regis denuntiarent, ni præpropere in regnum remigraret, & dissuaserint, ne Romam cogitaret; rogat igitur, ut super hac re Pontificis sententiam requirat. Negari quidem nequit, *Polum* summo ingenio 483. præditum fuisse, & pro cogitationum varietate, quæ animo ipsius se simul ingesserunt, orationem ipsius fluminis instar decurrere, ut ad Asiaticam luxuriam proxime accedat; sed ardor iste, quo in supremam Pontificis Romani dominationem ferebatur, ipsum præpedivit haud raro, ut non reputaret, quibus argumentis decertaret, & adversarios suos non tam rationibus convincere allaboraret, quam conviciis protereret. Chartæ nitor & typorum elegantia Opus hoc commendat, mendæ studiose sunt sublata, subinde tamen quædam minus recte scripta, & quæ sensum turbant, occurrunt.

*Voluminis secundi* frontem ornant *Animadversiones* ad alteram Epistolam *Schelbornii*, cum subjuncta *Diatriba*, qua *Epistole* hujus *Voluminis* recensentur. Ubi amplissimus *Purpuratus* priorem *Schelbornii* Epistolam cum animadversionibus publicaverat, hic aliam illi destinavit, plenam omnis modestiæ, humanitatis, ac studii. Sed vero de novo instat, *Polum* non ita inson- tem esse declarandum, qui *populum Britannicum ad seditionem*

in

in Regem, & exteros Principes ad bellum ei inferendum, concitare fit annisus, adeoque jure dici queat, Vatiniano in illum odio flagrasse. Quod ne temere pronuntiasse videretur, provocat ad testimonium non *Sleidani* solum, verum etiam *Beccatelli* & *Raynoldi*, testantium, ipsum jussu *Pauli III* Regem Gallia, Scotia, Regnam *Mariam*, Flandria gubernatricem, eo consilio adivisse, quo ipsos contra Britannum concitaret, ipsique ex seditionibus Anglicis fructum atque utilitatem aliquam caperent. Quæ ut dilueret, redit ad id, quod in superioribus ingeminaverat, medici munere solum fundum esse, qui morbum indicare, indeque apta remedia suadere, debuerit, & si quidem aliquando modum excesserit, id excusationis loco asserit, in legationibus istis non propriam, sed Pontificis, cui obedire necesse fuerit, causam egisse. Pontifex ægre ferebat, regnum sibi suoque ærario quondam adeo lucrosum eripi; omnem igitur movebat lapidem, ut id ipsum ad obsequium suum reduceret. Num autem, qui operam suam illi accommodat, qui minas atque iras adversus alium spirat, eidemque mala quævis arcessere laborat, ab omni culpa vacet, illi judicent, qui æquitatem atque mansuetudinem in religionis negotio sequendam esse discunt. In *Diatriba* subiecta id agit, ut, quæ ad illustrationem *Epistolarum Poli* faciunt, adducat, notitiamque illorum tradat, ad quos sunt scriptæ, vel quorum in illis injicitur mentio. Potissimum opera hæc omnis eo directa esse videtur, ut *Paulus III*, ejusdemque senatus, ac ecclesiæ Romanæ doctores, a doctrina, sapientia, moderatione, vitæque sanctimonia, commendentur, quo sacrorum emendatorum antesignanos argueret, non sat rationis ipsis fuisse, a societate ecclesiæ Romanæ discessionem faciendi. Quædam speciminis loco proferemus. Sic, *Pauli III* sanctitatem & sapientiam, qua viros quoque præstantissimos in sanctiorem senatum allegerit, probaturus, testem citat *Ciacconium*. Sed, quantum inter fucatum oratoris sermonem, & historici fide digni relationem, interfit, nemo ignorat; certe rumores, qui, testante *Tivano Hist. Lib. VI pag. 119*, post ejus obitum per Italiam & alias terras spargebantur, non multum laudis ipsi attulerunt. Ipsum illum



illum cum senatu suo eo annisum esse, ut ecclesia in veterem dignitatem restitueretur; insert igitur, heterodoxos non habuisse rationem, ut ab ecclesiæ Romanæ societate se seungerent, illorum potius fuisse, *consilia cum Catholicis conferre ad ejusdem maculas eluendas*. - Maculas plures, sedem Romanam & sacrorum ministros deturpantes, illi notaverant, quibus hoc a Paulo datum erat negotii, ut consilium de emendandis moribus, & reformanda curia, conscriberent, cujus exemplum nobis Natalis Alexander Hist. Eccles. Sec. XV & XVI pag. 177-192 exhibet. Sed num ad horum indicium sordes istæ sunt detergæ? Malum omne a Pontifice, sacerdotibus, & religiosis, profluere, libere testabantur. An vero ab illo tempore curia Romana nitidiorem faciem induit? Num querelæ Imperatoris, Regum, atque Principum, de corrupto ecclesiæ statu sunt auditæ? An illis medela aliqua est allata? Præter morum corruptionem sacrorum emendatorum doctores taxabant gravissimos errores, & male sanam superstitionem, utque religionis doctrina secundum oraculorum divinorum ductum ad primævam simplicitatem & puritatem reduceretur, contendebant. Sed tantum absuit, ut æquas his atque faciles præbuerint aures, ut potius diris eos execrationum fulminibus prote-  
 rant, eosdemque, ubi poterant, igne ac ferro excinderent. Astrologiæ divinatrici Paulum nimis deditum fuisse, nixus testimonio Mendoza & Cardani, scripserat Schelbornius. Hanc ab ipso infamiam depellit Eminentiss. Præsul, non negans, Astronomiam ab ipso deamatam, ab Astrologia vero judiciaria animo alienum fuisse, asseverans. Verum enim vero & alii scriptores Pontificii hujus ipsius vitii eundem insimulant. Onapbrius Panvinus haud obscure id innuit, *eorum studiorum*, in-  
 quiens, *quod occulta & exitu plerumque vana sint*, & alioqui *sacris viris parum digna, culpam sustinuit*, de Vita Pauli III pag. 384. Disertius Thuanus: *Siquidem ille Pontifex Astrologiæ divinanti, quæ de singulorum fortunis judicat, valde addictus erat*, Lib. IV pag. 87. Menckenius noster in Vita Fracastorii, hujus nimium assentandi studium, quo Paulum sibi adjungere nitebatur, notaverat, qui sibi hæc verba excidere sit passus: *Ipsum (Paulum) in stellas orbesque potestatem unum*

Pag. 28.

29.

45.

46-56.

Fig. 78-  
82.

*ex mortalibus cunctis habere. Porro: Nihil in inferiori hoc mundo esse, nihil in superiori, quod ipsi se non aperiat. Hoc Quirinus lividi heterodoxorum ingenii indicium esse, pronuntiat. At enim Lectoris, extra partes constituti, conscientiam imploramus, num verba illa, in se considerata, homini, cujus etiam sit dignitatis, aptari queant. Ornaverit Menckenius Fracastorium hoc elogio, ipsum quasi quoddam in terris esse delapsum Numen, & Gibertum Diis celestibus velut aquaverit, hæc certe locutiones, pèr similitudinem quandam prolata, illis Fracastorii æquiparari minime possunt. Dicere, illas pro more Poetarum, in qua arte mire excelluerit Fracastorius, molliorem sensum admittere posse, rem non conficit. Quem fugit, Poetas, ubi omnia fingendi licentiam sibi sumunt, etiam haud raro ad turpe adulandi studium se demisisse, & veremur admodum, ut hæc explicandi ratio strenuis Pontificiæ potentia propugnatoribus arrideat. Sint Petro commissæ claves cælorum, eademque illa potestas ad Pontifices successores transmissa, propterea tamen ex vero dici nequit, ipsos in stellas orbesque habere potestatem, nihil esse in mundo superiori & inferiori, quod se ipsis non aperiat, quod nemini certe competit, nisi cui potestas in cælo & terra est data, quod ipsum tamen etiam nonnulli assentatores Pontifici Romano cum multorum offensione tribuere nulli dubitarunt. M. Antonium Flaminium explanationes in XXXII Psalmos Davidis monitu Poli typis exprimendas curasse, memorat, quas dicit multis verborum encomiis tollere heterodoxos, ispirantes eximiam in Deum pietatem, in quibusque animi sui sensa de præcipuis Christianæ fidei capitibus, deque pia & recta vitæ institutione ita exposuerit, ut ne Evangelicæ ecclesiæ addictus aliquid amplius possit desiderare. Qui ipse, cum in Dedicatione, ad Paulum III directâ, eundem custodem & principem omnis sanctitatis appellet, ab illis exposcit, ut & hoc admittant: quasi vero, qui de necessariis fidei Christianæ capitibus recte sentit, etiam hoc credere teneatur, Pontificem Rom. esse custodem & principem omnis sanctitatis. 109-115. Albertus Pigbius, Purpuratus, unus ex familiaribus Poli, nonnullis de justificatione secundum mentem ecclesiæ Romanæ minus recte sensisse videtur, nec desunt*

desunt ex ipsis Pontificiæ societatis Theologis, qui ipsi dicam propterea scribant, quod cummaxime fecit *Rnardus Tapperus*, Lovaniensis Theologus; sed, hunc a sententia de iustitia inhærente non discessisse, prolixè disputat Reverendissimus Antistes, addens quædam de *ecclesiastica* ipsius *bierarchia*. Commentatur dehinc de *Davide Betonio*, & *Jo. Fischerò*, in Purpuratorum senatum a *Paulo* adscitis, quorum uterque doctrinam ecclesiæ sanguine suo obsignarit, itemque de *Henrici VIII* facinoribus & crudelitate, in sanctos homines exercita; qua occasione in *Thuanum*, mitius de Rege sentientem, calamum stringit, crimina hujus silentio prætermittendo. In scenam productis viris nonnullis, qui, quo tempore sacra emendabantur, in ecclesiâ Romana doctrina & virtute eminebant, subdit, non habere heterodoxos, quod asseverent, in *Catholicis doctoribus ne micam quidem sanctitatis deprehensam fuisse*, cum contra *Erasmus* passim reformationem, a *Luthero* ac aliis susceptam, irrideat ac execretur, & speciatim in quadam Epistolarum scribat: *Nunc Lutherus scribit in se ipsum, videns, rem alio verti, quam putaret, & exoriri populum non evangelicum, sed diabolicum, cum interitu omnium bonorum studiorum.* *Erasmus* reformationis opus prorsus improbasse, dici nequit, modus agendi in omnibus ipsi minus placuit. Fuit is in sententiis, quæ ad religionem attinent, inconstans, & uti Pontificii ipsius iudicio non semper stare volunt, ita æquitati adversatur, ex hujus sententia dijudicare Protestantes. Dura illa verba procul omni dubio feriunt *Anabaptistas*, genus hominum sub religionis prætextu inquietum & turbulentum, omnique sapientiæ humanæ & optimis literis infestum, qui, uti ex *Lutheri* primorumque Reformatorum schola non prodierunt, ita illos nunquam pro suis agnoverunt. *Paulum* Nicæam, Galliæ Narbonensis oppidum, iter instituisse, quo pacem inter Cæsarem & Galliæ Regem conciliaret, non autem ut privatis suorumque commodis consulere, contra *Sarpium* & *Courayerium* disputat. *Sadoleti* librum de *edificatione ecclesiæ*, de quo prolixè commentatur, a *Dupino*, pariterque *Niceronio*, non memorari observat, quem tamen *Montfauconius* inter Codices MStos Vaticanos annotet

pag. 128-143.

173.

174-182

213.

in *Bibliotheca MStorum. Bernardinum Ochinum* ante ob virtutem & sanctimoniam principibus in ecclesia Romana viris probatum, post, ubi Genevam se contulerit, Reformatorumque coetui se  
 Pag. 256- addiderit, *agni veste deposita, squamosum draconem apparuisse,*  
 258. *acerrimumque barseos patronum factum* fuisse, iudicat. Alia, quæ acerbius in Protestantes sunt dicta, passim occurrunt.

Exhibeantur jam Eminentiss. Auctori *Monumenta* hujus *Vol-  
 luminis præliminaria*, numero quatuor, quæ sunt hæc: 1) *Epistola octo Pauli III in forma Brevis*; 2) *Instruzione, ovvero in-*  
*formazione, sopra le cose d' Inghilterra, data dal Card. Polo a*  
*Papa Paulo III, quando vi fu destinato Legato*; 3) *Instruclio pro*  
*Rev. Card. Polo, ad Casaream Majestatem proficiscente*; 4) *Epis-*  
*tola quatuor, Italice Toletæ scriptæ, Card. Alexandri Farnesii,*  
*tres ad Pontificem Paulum III, una ad Card. Polum.*

His subiectæ sunt ipsæ *Polii* Epistolæ, numero LXXXVIII, elegantissime omnes scriptæ, & unde illius temporis res gestæ plurimum lucis accipiunt, sed quas sigillatim persequi, spatii, nobis definiti, angustia prohibemur. Has igitur legendas iis, quorum interest, illius temporis statum in Anglia ecclesiasticum habere cognitum, vehementer commendamus.

*SCRIPTORUM, A SOCIETATE HAFNIENSI,  
 bonis artibus promovendis dedita, Danice editorum,  
 nunc autem in Latinum sermonem conversorum, in-*  
*terprete P. P. Pars prima.*

Hafniæ, sumtibus & typis Orphanotrophii Regii, excudit  
 Gottmann. Frid. Kisel, 1745, 4.

Alph. 2 plag. 5.

**E**ximum est specimen, quod Societas hæc literaria, sub illu-  
 strissimi Jo. Lud. de Holssem præsidio florens, eruditorum civitati exhibere potuit primum. Neque habemus, cur impensas facientium postulationes vituperare queamus, quippe qui, solorum popularium auxilio, lingua Danorum patria edi cœptas Commentationes in Latinam vertendas curarunt, ut & alii inde proficerent. Spectant hæc quidem ad septentrionales Danicasque inprimis plagas, sed, cum eruditi sint κοσμοπολίται,

μεπολίστας, exteri pariter sibi partem hujus instituti quandam sibi vindicant. Novem autem hoc in *Volumine* Commentationes occurrunt. Sunt illæ *M. W.* Meditatio de *M. Jo. Tauffani* versione Danica Pentateuchi; *J. G.* de anno, quo *Canutus M.* iter suum Romanum suscepit; *E. P.* de linguæ Danicæ fati & conditione, cum superiori, tum præsentī, ævo in Cimbria australi, sive Ducatu Slesvicensi; *M. W.* Explicatio numi cujusdam Judæocabbalistici; *C. L. S.* Demonstratio, quod Dania imperio Germanico nexu feudali nunquam fuerit subiecta; *B. M.* Periculum genealogicum, stemma *Eskilli*, Archiepiscopi, edisserens; *J. G.* de Pulvere pyrio, quando in Europa inventus, & quamdiu in usu fuerit apud Danos; *E. P.* Mausolæum Gothicum, sive brevis relatio de quodam A. 1744 prope arcem Jægersprii in colle reperto monumento giganteo, vulgo *Jettestuve* dicto, cum quatuor in eo conditis sceletis, sive cadaveribus exaresactis, cujus monumenti ætas, quoad fieri potuit, in gratiam antiquitatum patriæ amatorum, indagatur; ac denique *J. F. R.* historico-physica enarratio de stupendis luminis borealis phænomenis, natura, & origine. *Taußanus*, de quo prima Commentatio agit, & cujus labor A. 1535 lucem publicam adspexit, anno nimirum ante, quam *Christianus III* Pontificis jugum penitus excuteret, est inter divinæ veritatis reparatores non ultimo loco nominandus, neque tamen postea tempus habuit reliquum ad cœptam telam perficiendam; unde & in Danorum lingua totus sanctissimus Codex non nisi A. 1550 comparuit. *Canutum* illum, Daniæ atque Angliæ Regem, A. 1027 Romæ fuisse, contenditur, *Baronii* sententia plurimos adversus dissentientes, qui annum 1031, vel 1032, nominant, defensa. Tertiam Commentationem, cum ceteræ magis sint peculiaris argumenti, vel solam paulo penitus persequamur. Spectat illa solum Ducatum Slesvicensem, ubi pariter quondam Danica florens lingua, variis deinde casibus, a Saxonica, vel Teutonica, fuit absorpta. Quodsi hypothesein Islandicam, vulgo receptam, nostram facimus, factionem *Orbini*, ex Asia profugam, his terris suum sic dictum Asarum idioma intulisse, negari nequit, idemque, certum est, in Saxonia esse disseminatum, quam Asarum propago non minus, quam Daniam &

Pag. 3  
seq.

55.

56.

- Sueciam, incoluit. Noster hic, quanquam pomum eridos perpetuum esse concedit diversam de migrationibus populorum opinionem, tamen, ex vetustissimis Græcorum ac Romanorum monumentis se quidem confirmare posse, credit, Teutones, vel Teutonos, si quidem illi Germanicæ gentis autores fuerint, in Dania domicilium habuisse ante, quam Germaniam occuparent, atque idem illud ex *Pomp. Melæ Lib. III Cap. 3 & 6* confirmatur; cui de recentioribus *Christophori Cellarii* consensus additur, indidemque elicitur, linguam pariter ex Dania in Germaniam migrasse. His positis, variis argumentis probatur, antiquissimam, verissimam, & familiarissimam, Slesvicensium linguam minime esse Teutonicam, sed Danicam. Primo, quod incolarum, in quatuor si partes dividatur; dodrans domi suæ Danice loquatur, una quadrans Germanice, pauci Frisonice, occidua qui littora infederunt. Deinde, quod loca plurima Danicis gaudeant nominibus: hinc, quod saxa, Runicis literis incisa, idem illud prodant. Notatur hac occasione,
58. Runicis literis incisa, idem illud prodant. Notatur hac occasione,
61. Runica, vel Gothica, literarum elementa tribus modo gentibus septentrionalibus familiaria, neque ultra, quam earum extendebatur dialectus, fuisse usitata; idque non tam antiquissimo, quam melio potius, ævo. Novum præbet argumentum, quod, cum doctrina Christiana Seculo IX & sequentibus eo inferretur, lingua Danica, nonnulli etiam Frisonica, incolæ utebantur, unde præcones, ab antistite primario Hamburgensi ac Bremensi eodem missi, surdis narrabant fabulam, donec linguam illorum didicerant; vel interpretes adhibere cogebantur. Diu etiam deinceps rei sacræ antistites ac ministri Dani gente fuerunt.
64. Quintum est atque ultimum argumentum, quod hæc
65. provincia inde ab Aboriginum seculis iisdem paruit Principibus, iisdem adstricta legibus, eodemque regiminis modo, quo ceteræ Danorum provinciæ, administrata; semper quippe Danico regno, nunquam imperio Romano, iuncta. His omnibus tamen non obstantibus momentis, partim Principum, partim provinciæ ordinum, singulatim nobilium & sacri, opera factum est, ut Teutonica lingua publice adoptaretur: idque factum est ab eo tempore, quo *Waldemar* Rex inter quatuor filios provincias suas divideret, qua divisione *Abel Dux*
68. Cini-
- 69.

Cimbriam australem obtinuit. Numus Judaicus, quem *Marcus Valdiike* explicavit, magicus est, in utraque parte quatuor habens circulos, inter sese conclusos, verbis singulos Rabbimicis, & primum simul planetarum signis, notatos, gestantibus forsitan in singulos hebdomadis dies prospera quæque promittens. Quæ sequuntur, Dissertationes sunt longiores, atque ita omnino comparatæ, ut per spatii nostri angustiam haud satis digne a nobis excerpti possint. Finem igitur dicendi facimus, Autoribus doctissimis ac prorsus egregiis vires porro corporis ingeniiue firmas, & prosequendo huic instituto sufficientes, ex animo comprecantes.

THE EPISTELS OF M. T. CICERO TO M. BRUTUS  
and of Brutus to Cicero, with the Latin Text on the opposite page and English Notes to each Epistle, &c.  
id est,

*EPISTOLÆ CICERONIS AD M. BRUTUM ET  
hujus ad illum Latine, cum apposita versione Anglicana, Notis ad quamque Epistolam Anglicanis, & Dissertatione præliminari, in qua dictæ Epistolæ vindicantur  
a Rev. TUNSTALLI objectionibus, quarum quæque  
seorsum consideratur & confutatur, a CONYERS  
MIDDLETONO, Theol. D. & primo Bibliothecario  
Academiæ Cantabrigiensi.*

• Londini, apud Richard Manby, 1743, 8 maj.

Plag. 20½.

**Q**ualis hic liber sit, & quo tendat, apparet ex inscriptione. Scilicet, cum *Middletonus* in illo celebri suo libro, *Vita Ciceronis*, (vel, ex judicio *Tunstalli*, rectius *Historia temporum Ciceronis*,) ad probandas suas historicas assertiones sæpe *Ciceronis* atque *Bruti* Epistolas amœbas advocasset, deinde vero *Jo. Tunstallus* earum probitatem fecisset dubiam edita Latina Epistola; credidit eo libello Noster se quasi provocatum fuisse in duellum, voluitque simul aviditati Anglorum lectorum gratificari, controversas illas Epistolas non tantum Latine exhibendo, sed etiam Anglice, quo scilicet omnes pariter ju-

dicare

dicare-possent etiam Latine non periti; simul etiam adversarii tentavit argumenta singula, maxime quidem in Anglicana Præfatione, octo plagulas implente, aliqua vero, minorisque ea momenti, in Notis, cuique subjectis Epistolæ, confutare. Aliisne satisfecerit ita, ut sibi, valde dubitamus. Certe *Tunstallus* adeo territus & repressus hoc opusculo non fuit, quin ei alium opponeret, sat grandem, librum Anglicanum, inscriptum: *Observations of the present Collection* &c. de quo proxime plura; in quo non tantum sibi olim Latine dicta repetiit & ampliavit, & solidioribus argumentis fulsit, sed etiam nova quædam contra *Middletonum* protulit. Necessè non putamus esse in re manifesta, ut *Middletoni* argumenta allegemus, quæ debilia & inania non esse procul dubio nequeunt. Ideoque perlegendò libro & examinando nolimus operam impendere. Quam certe impeditus in hypothesi sua, quam ad angustias redactus, sit noster Editor harum Epistolarum, & quam ipse prodat se diffidere illarum probitati, satis indicat illud, quod earum antiquum ordinem turbavit, librosque duos, inventionis tempore diversos, in unum conflavit, &, quod majus est, æras plurimarum, seu, ut nos dicimus hodie, data, pro lubitu contra fidem librorum omnium mutavit. Et neque sic tamen cavere potuit, quin istæ Epistolæ cum aliorum Autorum relationibus & historica fide persæpe pugnent, & lectores implicent. Debuerat saltem tabulam apposuisse ordinis, quo hæ Epistolæ in præcedentibus editionibus, & quo in sua, legerentur. Supplevit hunc defectum *Tunstallus*, & ad finem Præfationis ad librum suum proxime recensendum differentiam editionum sub uno conspectu exhibet, quam tabulam necesse duximus hic repetere. Prima quidem columna præfert ordinem Epistolarum in editione *Gronovii* Leidensi A. 1692, & Hagana A. 1725, altera in editione *Middletoni*.

*Gronov.* I. 1. 2. 3. 4. 5. 6. 7. 8. 9. 10. 11. 12.  
13. 14. 15. 16. 17. 18.

*Middlet.* 1. 14. 9. 11. 10. 13. 12. 7. 16. 19. 6. 17.  
18. 20. 21. 22. 15. 23.

II. 1. 2. 3. 4. 5. 6. 7.

8. 3. 2. 4. 2. 4. 5.



Anglicam examinare versionem Epistolarum quid opus est? Ideo, nisi fallimur, illa fuit edita, ut Angli, Latine non docti, de celeberrima hac controversia judicare possent. Nos ceteri, qui possumus ex ipso textu arbitrari, tali adminiculo non indigemus. Quia tamen hanc versionem *Tunstallus* obscuram haud raro & male fidam affirmat esse, agetum, & eam vocemus sub censuram, ab *Epistola X* (seu *I, 5*), quæ forte nobis occurrit, orsi. Verba itaque: *Ad fidem & ad dignitatem tuam pertinere, eum persequi*, reddit: *It concerns your character and dignity, to pursue him*. Rectene vox *fides* sit reddita per vocem *character*, videant Angli. Quamvis enim *character* possit accipi pro nota alicujus fide; putamus tamen nos certe, eam vocem amplioris esse significatus. In verbis *Epist. XI* (seu *I, 4*): *Prudenti porro, quæ tibi superest, nulla abs te desideratur, nisi modus in tribuendis honoribus*, putamus, eum prorsus falsum fuisse, quando sic ea reddit: *Nor is any prudence required from you for the time to come, but a moderation in conferring honours*. Quomodo in eam venerit opinionem, ut, *quæ tibi superest*, verteret *for the time to come, pour le tems à venir, in tempus futurum*, non valde intelligimus; nisi dicamus, eum, loci corruptela implicitum, maluisse utcumque sensum bonum extundere, quam prorsus præterire locum. *Superest* enim est corruptum, & (si fas est, impostoris solæcismos emendare,) legi debet *superat*, id est: *No other thing is required from your prudence, of which you have a great share. De tua prudentia, quæ polles amplissima, & abundanter es instructus, nihil aliud requiritur, &c.* Etiam illa verba ejusdem Epistolæ: *Itaque timeo de Consulatu, ne Cesar tuus alius se ascendisse putet decretis tuis, quam inde, si Consul factus sit, ascensurum*, non recte versa nobis videntur sic: *I am in pain therefore about the Consulship, lest this Cesar of yours should think himself raised higher already by yours decrees, than it would be from his present right to be advanced still to a Consul*. Debuerat potius: *higher, than he could be, even from the Consulship, if he had reached that degree, Alius, quam ipso a Consulatu, putet se posse ascendere, si, quod fingemus, eum attigerit*. Male etiam proxime coherentia:

*Quod si Antonius ab alio relictum regni instrumentum occasionem regnandi habuit, sic reddit: If Antony took the ensigns of royalty &c. Instrumentum regnandi non sunt insignia regia dignitatis, sed illæ opes, quibus regnum acquiritur & retinetur, nempe milites & pecuniæ. Paulo melius hic idem Middletonus infra Epist. XXI (I, 15.) instrumentum regni delatum ad Lepidum & Antonium, the equipage of Kingly power. In ejusdem Epistolæ fine: Quod utinam inspicere possis timorem de illo meum, vertit: I wish that you could look into the fears which I conceive in my breast about him. Debuerat about that. Illo enim est neutrum, (id est, illa de re,) non vero redit ad Cæsarem. Epistola XII (I, 7.) initio: L. Bibulus quam carus mihi esse debeat, nemo melius judicare potest, quam tu, cujus tantæ pro republica contentiones sollicitudinesque fuerunt, turbat, nostro quidem iudicio. Nam cujus, quod constructio prodit ad tu, proxime præcedens, id est, ad Ciceronem, pertinere, retulit ad Bibulum. How dear L. Bibulus ought to be to me after so many struggles and anxieties, which he has sustained for the republic, no man is better able to judge than you. Fatemur, sensum sic saniores fore & ratiocinium aptius, si cujus ad Bibulum redeat, quam si ad Ciceronem. Verum an non ineptus erit scriptor & infans dicendus & tricator, qui verba collocat, ut jacent, quæ debuerat sic collocare, & sic enuntiare: L. Bibulus, cujus tantæ pro republica contentiones sollicitudinesque fuerunt, quam carus mihi esse debeat, nemo melius judicare potest, quam tu, qui ejus merita, si quis alius, maxime habes perspecta. Sic certe expectaremus a scriptore, non dicam eloquente, sed humane tantum fari docto. Deinde, quæ sequuntur, Bibuli encomia tanta certe non sunt, ut inde colligas, ei pro republica summas contentiones & sollicitudines fuisse; quas fuisse Ciceroni, omnis loquitur historia, & nemo est, qui nesciat. Manet ergo, cujus pertinere ad Ciceronem, & hunc, quisquis, ille fuit, Sophistam hominem ineptum & artis argumentandi imperitum fuisse. Eadem Epistola exeunte, sed Domitius in sua epistola celebrabitur, reddit: But Domitius's pretensions will be set forth in his own epistel.*

*epistel.* Nos certe credimus, hunc illorum verborum sensum esse: *We shall speak of Domitius and his merits more at large in our letter to you, which you shall receive by him. Laudes Domitii celebrabimus seorsum & amplius in epistola, quam per illum ad te destinabimus.* Quæ proxime adherent: *Bibulum noli dimittere ex sinu tuo, tantum jam virum, ex quanto, crede mihi, potest evadere, qui vestris paucorum respondeat laudibus, sic vertit: Do not fail however to admit Bibulus into your confidence, he is already — so accomplished a man, that he bids fair to merit the honour of being ranked amongst the few of your class.* Apparet, eum scriptoris mentem profus non perspexisse. Hic enim *Bibulum* appellat virum, τριαύτη κεχρημένον ἀρετῆς ἀφ' ἧς ἐκείνου ἐργώμενον αὐτὸν ἐνδέχεται ἔμοισιν ἔπεσθαι τῇ αὐτῶν δόξῃ τῶν ἐλπίων τῶν ἐπ' ἀρετῇ καὶ ἀνδρείᾳ ὠνομασμένων. *Epist. XIII (1, 6,)* locum difficilem: *Constituemus de reditu ejus (Ciceronis filii) ad petitionem (Pontificatus), aut ad commendationem bonoris, sic redit: We will settle the matter together about his return to persecute his petition, or to recommend it to the next occasion.* Paulo quidem hæc Latinis clariora, verum tamen neque sic sensus omnino est expeditus, neque dictio. Eadem *Epistola Cythereus* aliquis memoratur. Vitium illud aliisne inhæreat editionibus, nescimus, putamus tamen. Atqui, si Criticus fuerat noster *Middletonus*, debuerat aut emendare, aut certe vitium indicare. Difficile non est emendare. *Cythereus* est nomen homini, non *Cythereus*, quod nihili est. In *Epistola XIV (1, 2,)* Criticum quoque desideres. *Cum magis mihi probatur militum severitas, quam tua*, vertit, ut jacet, *i am better pleased with the severity of the soldiers than with yours.* Non melior sensus ex Anglicis emergit, quam e Latinis. *Quam tua clementia* debebat, *than your mercy*, ut recte *Marklandus* apprehendit. Neque in illis ipsi de vitio suboluit ejusdem *Epistolæ: Me maximo otio egisse, ut inflectarer Antonios.* Nam vertit: *That i have managed so, as to be able to pursue the Anthony's much at my ease.* Quis, quæsumus, bonus sensus? Nisi scripserit, certe scripsisse debebat Auctor, *me maximo opere* (vel

potius negotio,) egisse &c. id est, omnes in id nervos intendisse, *that i have spend all my power.* Paulo post: *Vehementer a te, Brute, dissentio, nec clementia tua concedo,* vertit sic: *I differ widely from you, Brutus, not that i yield to you in point of clemency, but a salutary &c.* Apparet, cum sic voluisse residuum habere textum: *Vehementer a te, Brute, dissentio, & tibi sum dissimilis, non quidem ac si tibi quidquam in clementia concederem,* id est, minus clemens forem, quam tu es. Verum non intellexit phrasin, hic positam, concedere alicujus clementia, ἐμολογεῖν πρόστι, vel ἐπιτελεῖν τὸν, id est, ad alicujus sententiam de exercenda clementia accedere, eamque approbare. *Epistola XVIII (I, 13,)* verba: *Alii aliter cum suis vivunt: nihil ego possum in sororis mea liberis facere, quo possit expleri voluntas mea, aut officium,* sic in crustavit: *Other people live in a different manner with ther friends, but i can never do enough for my sister's children, to satisfy either my inclination, or my duty.* Nulli dubitamus, isti loco vitium inhaerere, & legendum esse: *Nihil ego possum in sororis mea liberis non facere.* Ratiocinatur sic: Alii quidem amicos & affines liberosque suos negligunt, & eos exponunt periculis, ut *Lepidus* suos liberos, eosdemque sororis mex; verum ego, impulsus ab ingenio meo, debeo facere, & non possum non facere, ea omnia, quibus possit expleri mea voluntas & meum officium. In illo *Epistola XX, (I, 14,)* quod jam *Marklandus* notavit, obscuro & ambiguo, non studuit *Anglus* clariora verba efficere: *Ciceronem meum ne dimittas, tecumque adducas, quod ipsum tibi jam jamque faciendum est. You would not dimiss my son, but bring him hisher along with you. This you must do instantly.* Debuerat enim: *For you must come instantly.* *Epistola XXI (I, 15,)* recte vertit, tantumque vigilat in studio, *he spends so much of his time in study.* Recte quidem hæc, & bene *Anglis* auribus sonant. Verum *evigilare in studio, pro literarum studiis invigilare,* veremur, ne multis fœdus solœcismus videatur. In eadem *Epistola,* dubitamus, num *Angli,* suo utentes acumine, melius hoc *Anglicanum* capiant ratiocinium, quam nos *Latinum* impostoris, *While these (Lepidus & Antonius)*

were

were ardently wishing to raise fresh disturbances in the state, we had no troops about us, which we could oppose to them. For the whole was eager and unanimous in asserting it's liberty. Sic vertit hæc Latina: *His ardentibus perturbanda reipublica cupiditate quod opponi posset, præsidium non habebamus. Exuerat enim se civitas, in retinenda libertate consentiens. Nihil hic sani videmus, nihil cohærens, nihil concludens, nihil, quod enim respiciat, aut requirat. At, si dixisset, exuerat enim se civitas, id est, ipsa se prædiis omnibus nudaverat, utpote consentiens in retinenda libertate, neque putans, in sinu suo se tyrannos gerere latentes, ille certe foret sanus & aptus sensus. The state had himself spoiled from all his forces, thinking them to no use for him at all; as being beyond all danger of oppression, by a unanimous zeal for asserting of the liberty. Ista ejusdem Epistolæ vitiosa: Sed animus idem, qui semper infixus est patriæ caritate, discessum ab ejus periculis ferre non potuit, sic in crustat: Yet my mind always the same, and ever fixed on the love of my country could not bear the thought of leaving it in it's distress. Verum quis non videat, Latina, quæ circumferuntur, Latina non esse: animus infixus patriæ caritate. Et quorsum illud est? quod aut abundabit, aut deerit & post caritate. Verum sic locus emendandus & interpungendus est: Sed animus, idem qui semper infixus, ex patriæ caritate discessum ferre non potuit. Cur, paulo post, illa: Cum Austro me in Italiam resulisset, vertens: when an uncommon south wind has driven me bak to Italy, vocem uncommon addiderit, rationem non videmus. Certe in Latinis non est. In eadem non intellexit, si ita vis. Nam verba: eos per ipsos dies effudi, si ita vis, honores, id est, si permittis mihi, ut illa metaphora, aut hyperbole, utar, ita vertit: I poured out honours, since you will have it so; quasi legisset siquidem, vel quando quidem ita vis. Ex illis Epistola XXI (1, 16): Vindici quidem alienæ dominationis, non vicario, equis supplicat, uti optime meritis de republica liceat esse salvus? extudit hunc sensum: One may supplicate indeed the successor, but never the avenger of another's tyrannie, that those may be safe. Id est,*

*posse aliquis successori in alienam tyrannidem supplicare, sed non item vindici. Sine dubio, qui hunc sensum tribuit Auctori, debuit verba sic collocasse: Vicario quidem alienæ dominationis, non vindici, quis supplicet, omisso signo interrogationis. Atqui hoc est vim scriptis facere. Scilicet non pervidit, locum mancum esse, & sic scribendum: Vindici quidem alienæ dominationis, non dicam vicario, equis supplicet? Obscurum illum locum in fine ejusdem Epistolæ: Itaque, resistere Antonio Ciceronem, etsi magna laude dignum est, tamen, quia ille Consul hunc Consulare merito præstare videtur, nemo miratur, non juvat: neque extricat hac interpretatione: Wherefore, for Cicero to act against Antony, though it be a part highly commendable, yet because such a Consul seems of course to promise such a Consular, no body wonders at it. Quid enim? Estne apta & naturæ rerum consona idea, Consulém aliquem, qualis fuit Octavius, puer imberbis, præstare, id est, ordinarie efficere talem Consulare, qualis fuit Cicero, humilem & servum. Non cohærent rerum & idearum nexus atque necessitudines. Si loco merito præstare esset temere terere, sensus emergeret aliquantum commodior. Nempe, quod Cicero resistit Antonio, in laudem ipsi cedit. Sed, quando idem Cicero, tantæ famæ consularis vir, ab imberbi Consule se patitur absque necessitate cogente terreri atque ducitari, nemo illud prius amplius laudat, aut miratur. In proxime sequentibus: Idem Cicero si flexerit adversus alios judicium suum, non felicius fuit versatus Interpres noster, ita reddens: But if the same Cicero, with respect to others, should waver at least in that resolution. Omnia alia cogitabat Auctor. Sed mirum non est, si dictio inepta & sibi adversa versionem trahat ineptam & incongruam. Primum quidem abesse debebat illud but, verum, vel at. Non enim arguit præcedentia, sed est novum rationcinium. Sed locum integrum apponemus, sane monstruosum, in quo nihil sani: Idem Cicero si flexerit adversus alios judicium suum, quod tanta firmitate ac magnitudine direxit in exturbando Antonio, non modo reliqui temporis gloriam eripuerit sibi, sed etiam præterita evanescere coget. Videmus quidem,*

dem, quid senserit Autor, hæc scribens, & quid effari voluerit. Nempe hoc: Idem *Cicero*, qui tanto & tam firmo animo restitit *Antonii* ambitioni & tyrannidi, si aliis tribuerit suum favorem, eoque illos ad dominationem evexerit, efficiet hoc modo, ut non tantum annos, quos ipsi fatum adhuc indulgebit, inglorius & contemptus exigat, sed etiam ceteris, a se antea bene & cum gloria peractis, excidat. Substitue jam verbis: *flexerit adversus alios judicium suum*, hæc: *flexerit ad alios favorem suum*; videbis, quam portentosus & immanis sensus emergat: Si *Cicero* flexerit ad alios (id est, *Octavium*,) suum favorem, quem tanta firmitate ac magnitudine direxit in exturbando *Antonio*. Itane homo sanus loquatur? Adeone potest aliquis favorem suum dirigere in alterum exturbandum (sic enim saltem scribere debuerat)? Nos vero putabamus, ad id efficiendum, id est, ad subvertendum & exturbandum aliquem, infestum animum & odia adhiberi. Ἡράκλειος, τῆς ἀναίτησις. Poterat ex hoc solo loco impostor sophista, sed is non semper sibi similis, detegi atque deprehendi. Verum jam satis putamus hanc Anglicanam versionem a nobis excussam esse. Definimus itaque, ad *Tunstalli* librum Iustrandum, hoc est, ad lautiores dapes, proxime accessuri.

**FRANCISCI TORTI, MUTINENSIS, PHILOSOPHIE & Medicinæ Doctoris, in patrio Lyceo Professoris primarii, Serenissimi Raynaldi I, Mutinæ, Regii, Mirandulæ, Ducis, Medici, a consiliis quatuor Virorum publicæ valetudinis, & Societatis Regiæ Londinensis Sodalis, Therapeutice specialis ad febres periodicas perniciosas; cui subnectuntur Responsiones iatro-apologetice ad Cl. RAMAZZINUM; addita in hac quarta editione Autoris vita, a LUDOVICO ANTONIO MURATORIO conscripta, atque aliis ejusdem Opusculis.**

Venetis, apud Laurentium Basilium, 1743, 4.

Alph. 3 plag. 4.

Quinque.

Quinque Opusculorum genera hoc volumen complectitur, de quorum tribus, quoniam sæpius jam edita sunt, nihil hoc loco commemorabimus. Eaque Therapevtice specialis sunt, quæ jam quartum in lucem emittitur, Responsiones iatro-apologeticæ, quibus, in Therapevtica, de Cortice Peruviano, data præcepta, contra Cl. *Ramazzinum*, Autor tuetur, eæque tertio prodeunt, & iterum editæ Dissertationes de Mercurii motione in barometro. Duo tamen sunt, quæ & his addidit typographus, Præfatio & Dedicatio Therapevtices, quales in prima editione anni 1712 fuerunt; prætereaque ea Therapevtices loca, ad quæ *Tortus* in Responsionibus provocavit, cum primæ editioni accommodata essent, ad hanc quartam accommodavit. Sed hæc quidem nullius momenti sunt. Amplius de vita *Torti*, ac de tribus ejus Epistolis, dicendum est, quæ jam primum apparent, & quæ *Muratorio*, V. C. debentur, Vita, tanquam auctori Epistolæ, ut editori; ad *Muratorium* enim a *Torto* scriptæ sunt. *Tortus* igitur, Mutinæ natus, patriam habuit, quæ spatio Seculi circiter plures, præcipue ob medendi scientiam, claros viros procreavit: *Sancazzanum*, *Pacchionum*, *Gherlium*, *Davinium*, *Monrealum*, *Leprotum*, *Vandellium*, *Ramazzinum*, & *Valliscerium*, qui omnes ex illa regione orti sunt, cui Duces Atestini dominantur. Sustulit *Franciscum* pater *Franciscus*, militum tribunus, pridie Cal. Decembris A. 1658. Ubi literis humanioribus ac Philosophiæ usque ad A. 1675 operam dederat, ad Jurisprudentiæ studium se contulit; at, cum, nihil eam amœnitatis habere, conspiceret, ad medendi se artem convertit, & sibi ipse magister factus, theoriæ ex libris petiit. Paulo post se *Antonio Frassonio*, celebri Mutinensium Medico, in disciplinam dedit, qui, cum in eo ingenium vividum, tenacem memoriæ, judicii supra ætatem perspicaciam, cerneret, ad ægrorum lectos deduxit, & hoc magistro tantum profecit *Tortus*, ut A. 1673 in Bononiensi Gymnasio Medicinæ & Philosophiæ Doctor crearetur. Reversus in patriam, cum, vix viginti tres annos natus, aliis medendi artem cum fructu traderet, datus ipsi in Mutinensi Gymnasio proximus a *Ramazzino*



*mazzino* locus fuit, & hoc Medicinam docendi munere multa cum laude functus est, siquidem & cum *Ramazzino* Galenistarum methodum abrogavit. Cum eodem dignus judicatus fuit, cujus consilio *Franciscus* Dux uteretur, adversa valetudine usus, cui etiam eleganti & festivo ingenio, & elegantibus versibus, placuit, quibus sæpe in Latina & Italica lingua ludebat. Tum quoque *Tassi*, & in universum patriæ suæ Poetarum, tutelam contra Gallos *Tortus* suscepit; atque in satirico inprimis genere excelluit, cujus a *Murasporio* aliquod specimen adjunctum est. Primum physici argumenti scriptum, quod in lucem emisit A. 1694, de Mercurii motione in barometro Dissertatio fuit, exercendi ingenii causa scripta, qua, *Borellum* excusari, ejusque, in quem prolapsum erat, errorem quodammodo defendi posse, ostendit. Quatuor annos post, altera Dissertatione emissâ, ad *Schelhammeri* fundamenta dejicienda stilo scholastico se contulit. Eodem anno Anatomico Theatro Mutinæ præfatus est, quod ipsius consilio Dux *Raynaldus*, qui *Torto* ad valetudinem suam tuendam utebatur, nuper exstrui curaverat. Maximam deinde famam comparavit *Torto* Therapevce specialis, in quo opere primus docuit, adversus periodicas febres, quæ primo adpectu mites, inopinato malignæ & lethales, fiant, in solo Peruviano Cortice quærendum auxilium esse, ac certo inveniri, modo major ejus modus adhibeatur. Is liber A. 1712 demum prodit, etsi diu ante reperta hæc Corticis vis fuerat, & synopsis ejus libri tres ante annos in lucem emissâ. Fuit autem hic liber tanto, apud externos etiam, applausu exceptus, ut non solum *Hequetus*, *Lancisus*, *Hofmannus*, aliique Medici, *Torto* de tam præclaro opere edito gratularentur, verum etiam Sociis Regiæ Londinensis Societatis adscriberetur. Soli fere *Ramazzino* hic *Torti* labor tam parum placuit, ut & A. 1714 Dissertationem de abusu Chinæ Chinæ ederet, qua omnem fere usum hujus corticis proscribere ex medendi arte volebat. *Ramazzinus* eodem anno vivere desierat, neque in hoc libello *Tortum* nominaverat; tamen is altero anno post Responsiones Iatro-Apologeticas edidit,

dit, cumque & his aliqua cum in vita *Ramazzini*, tum a *Mangeto*, opponerentur, per *Ferrandum Ferrarium* curavit librum A. 1719 emitti, qui Mutinensium Medicorum methodus antipyretica vindicata inscribitur. Præter hæc nihil adeo edidit *Tortus*, etsi *Muratorio* Tractatum promiserat de febribus continuis acuti generis. Quo major Medicus fuit, eo magis & libentius incertitudinem & impotentiam artis in gravioribus præsertim morbis tum agnovit, tum quoque publice interdum fassus est. Bis in alias Academias vocatus cum laudis admodum conditionibus, & amplissimo stipendio, A. 1717 Taurinum, & tribus annis post Patavium. Cum vero commoveri non posset, ut patriam relinqueret, plures ipsi a Duce suo honores collati, immunitatis privilegium concessum, duplicatum quoque honorarium fuit. A. 1731 improvise paralyti corripiebatur, &, quanquam restitutus esse videretur, tamen minus prospera valetudine utebatur, &, hydrope tandem A. 1741 accedente, eodem anno octoginta tres annos natus, finem vivendi fecit, meruitque, ut duæ ipsi a discipulis marmoreæ tabulæ ponerentur.

Hæc de vita *Torti*. Quæ sequuntur *Epistola*, iis *Tortus* ad quatuor a *Muratorio* quæsitæ, & *prima* quidem ad hoc, respondit, cur, quæ ægris consilia dederit, non revisa emiserit in lucem. Duas sibi causas fuisse ait, alteram, quod, cum responsiones accommodaverit systemati Medicorum, consilium petentium, noluerit has ita mutare; ut semper doctrinæ, quam alias profitebatur, responderent, alteram, quod paucissimorum morborum exitum sciat, de quorum curatione quæsitus fuerit. *Secunda Epistola* rationes aperiebat, cur Tractatum de *Febribus continuis* non perfecerit; cum vero eam *Muratorius* perdiderit, *tertia* sequitur, in qua, cur nollet porro medendi artem exercere, rationes reddit. Quæ fere omnes in hac conveniunt, nolle se, senectutis incommodis fere oppressum, cum exercitio medendi artis conjunctas molestias porro ferre, præcipueque eas, quæ ab hoc proveniant, quod vel ipsi ægri velint quasi cogere Medicum, ut hanc, vel illam, medendi viam ingrediatur, vel cum ejusmodi

Medicis

Medicis habenda res sit, qui, etsi neque sedem mali, neque naturam, cognitam habeant, neque etiam in utramque inquisiverint, tamen se opponere *Torto*, propositamque ab ipso medendi rationem damnare, audeant, quod sibi scribit aliquoties, præcipue ratione usus Corticis Peruviani, accidisse. Neque vero se inde proveniente damno moveri posse, quia didicerit paucis contentus esse. Superest, ut de *quarta* Epistola dicamus, in qua causas exponit, cur noluerit Academiis celebrioribus adscribi. Gloriæ igitur se dicit non adeo cupidum esse, præcipueque illius, quæ non adeo semper vera sit, se vero summam gloriam, qualis ex servatis civibus possit nasci, libro illo consecutum esse, in quo docuerit, quomodo certo alias morituri homines per corticem Peruvianum servari possint, & propter hunc librum se in maiore fortassis laude apud posteros futurum esse, quam si plurium Academicarum socius fuerit. Hæ quatuor Epistolæ lingua Italica scriptæ sunt.

**BIBLIOTHECA HISTORICA BRANDENBURGICA**, *Scriptores rerum Brandenburgicarum, maxime Marchicarum, exhibens, in suas classes distributa, & duplici Indice instructa, a GEORG. GODOFR. KUSTERO, Gymnasii Frider. Rectore, & Regiæ Societatis Scient. Collega.*

Vratislaviæ, 1743, 8.

Alph. 2 plag. 16.

**C**eleberrimus Autor inde ab annis bene multis horas subsecivas excolendæ Historiæ Marchicæ dicavit, inque hoc ipso studio tam præclaros fecit progressus, ut dignum illud plausu publico judicaverit & Societas Regia Berolinensis, & alii quidam viri ordinis in republica literaria superioris. Undique igitur conquisivit & collegit ea subsidia, quibus vel aliquid lucis affundi posse Historiæ Marchicæ arbitratus est. Quod cum intelligerent nonnulli, Autoremque ante aliquod temporis spatium in recudendo, notisque ac supplementis locupletando, *Rentschii* libro, qui *Brandenburgischer Ceder-*

*Hayn* inscribitur, esse rescirent occupatum, frequenter cohortati sunt eundem, ut, quæ ad *septimum* hujus libri *Caput*, de Scriptoribus Historiæ Brandenburgicæ, explicandum illustrandumque spectant, novæ *Rentschii* editioni præmitteret. Nec sane voluit refragari, edoctus nempe experientia, qui Bibliothecas historicas, vel universales, vel particulares, ediderunt, *Herzium*, *Lipenium*, *Struvium*, *Menckenium*, aliosque, perpaucos commemorare scriptores, res Marchicas exponentes. Plures enim prostare, jam illo tempore comprobavit doctissimus *Kusterus*, quo notitiam Scriptorum, Historiam Marchiæ illustrantium, ordine alphabetico adornatam, & *Leutingeri* annexam Operibus, in dias luminis auras exire passus est. Nunc vero apparatus iste librorum ejusmodi historicorum, sive ad Scriptorum numerum, sive rectum, quo disposita sunt, ordinem, respexeris, uberior longe ac splendidior exhibetur, & propterea sese commendat simul, quod Autor præstantissimus non plagulas tantum eorum scriptorum adjecit, quæ vel possidet ipse, vel oculis usurpavit, sed sæpiusculæ etiam de uno alterove candidum subjunxit judicium, nec minus Anonymos Pseudonymosque, quantum fieri poterat, detexit, ut, quisnam, *Apellis* exemplo, se post tabulam abdiderit, subinde cognosceretur. Vides ex his generatim, Lector, qua ratione compositus sit liber elegantissimus; nunc, ut ipsa quasi corporis viscera tuo subjiciantur conspectui, efficiemus.

- Pag. 1-44. *Libro* scilicet *primo* de originibus Marchiæ & Marchionum, scriptoribusque geographicis potissimum, agit *quinque Capitibus*; *Liber secundus*, qui *novem* complectitur *Capita*, scriptores, ad historiam Marchiæ naturalem spectantes, in medium profert; *tertius* recenset eos, qui historiam Marchiæ ecclesiasticam illustrarunt, & *Capitibus viginti tribus* absolvitur.
- 300-384. *Quarti Libri Sectio I* de libris genealogicis editis & ineditis, Compendiis historicis, Annalibus, scriptoribusque Marchiæ, partim ineditis, partim adfectis, partim deperditis, partim fabulosis
- 385-687. etiam, *duodecim* continet *Capita*. *Sectiois II* argumenta sunt de vitis Principum, qui Marchiæ cum imperio præfuerunt, de meritis Electorum Brandenburg. in imperio S. R. G.; de titulis & insignibus Brandenburgicis, potentissimæ Domus
- eminentia,

eminentia, sigillo majestatis, nexu cum Domo Saxonica, pacto confraternitatis, ordinibus equestribus, ac denique Deductionibus, quæ omnia *Capitibus quinquaginta novem* pertractantur. *Sectio III* tribus *Capitibus* scriptores sistit genera-  
les ac speciales, itemque specialissimos, qui notitiam Comitum, Baronum, & Nobilium, suppeditarunt. In *Sectione IV Capitula sex* occurrunt de Chorographis ac Poleographis, sive iis scriptoribus, quorum industria provinciarum, urbium, & vicorum, historiam debemus. *Quintus Liber*, & is quidem potestatem, scriptorum, qui ad Marchiam literatam referendi, catalogum *octo Capitibus* exhibet, inque his Autor Celeberrimus differit, ac scriptores producit, de favore Principum Brandenburgicorum erga literas, de Academia Viadrina, societatibus eruditis, Gymnasiis & scholis, Bibliothecis, tam publicis, quam privatis, scriptoribus juris Marchici, numis Brandenburgicis, & numophylaciis Marchiæ præstantioribus. Finem Operi pulcherrimo imponunt Supplementa, quibus ea, quæ interea temporis, dum Bibliotheca sub prelo sudabat, vel adhuc incognita, vel rectiora, intellexit, nos ignorare noluit *Küsserus* omni laude dignissimus.

ANG. MAR. BANDINII IN ANTIQUAM  
Tabulam eburneam, sacra quædam D. N. Jesu Christi  
mysteria anaglypho opere exhibentem, Observationes.

Florentiæ, ex typographio ad insigne Apollinis, 1746, 4.

Plag. 7, Fig. æn. 2.

Quantum pretii & usus apud antiquos ebur fuerit, vel ex ædibus eburneis, quarum in literis sacris fit mentio 3 Reg. XXII, 39, Ps. XLIX, Amos III, 14, quales & Menelao tribuit Poëtarum princeps *Odyss. Δ. v. 72 seq.* satis patet. Apud Romanos eminebant præsertim eburnæ sellæ, quales deinceps Exarchorum quoque Ravennatum fuisse dicuntur, & quarum partem esse censuit, qui exemplum tradidit Autori nostro atque explicatori doctissimo, eburneam istam tabellam, conditione illius idem prodente. *Bandinius* eam, ex sculpendi modo, ad Secu-

lum circiter septimum refert, cujus post dimidium spatium Exarchorum dignitas interiit. Utraque tabulæ pars ad magnitudinem eboris incisa æri sistitur. Altera facies miraculum exhibet, *Jo. II* designatum, dum aquam, sex hydriis contentam, Christus in vinum convertit. Capacitate comprehendisse dicuntur singulæ duas, vel tres, μεφτάς. Dum igitur sacrum istum locum φιλολογικῶς lustrat, interpretationis suæ specimen hac occasione daturus; illa quæ mensura fuerit, expendere solet. *Tremellius* ex Syriaca versione *quadrantalia* transtulit. *Quadrantal* autem, ait *Ludovicus de Dieu*, est octava pars cadi, sive modii. LXXII varie utuntur, modo scilicet pro Batho, modo pro Satho, quæ erat tertia pars bathi, & semper ὑδρίαν vertunt. Ideoque hydria est, quæ Ebraice כרס, vel amphora, non Romana, ut nonnullis placet, sed, ut melioris notæ Criticis, Attica. Græca vero Romanam dimidio superabat, & continebat Χέως, hoc est, congios Atticos XII, sextarios Atticos LXXII, cotylas CXLIV, libras vini CXX, libras aquæ CXXI, cum dimidio, ut *Capellus* computat. Quibus evictis, ingenue suppositas atque affidas esse hydrias, proficetur, quæ integra, aut quorum fragmenta inter pretiosa templorum cimelia ostentantur, quasi miraculo inservierint. Et artifex ipse deceptus est, qui amphorarum formam sistit, cum tamen ista fuerint vasa, lotionibus ante sacra & convivia quæ inserviebant. Hæc expiationis consuetudo ab Ebræis ad Græcos, & ab iis ad Romanos, manavit, qui propterea juxta sua templa fontes & vasa ponebant, ad purificationem jussu XII Tabularum, in quibus legebatur: AD DIVOS CASTE ADEUNTO. Erant vero hæ aquæ viduæ, ut vocat acerrimus *Tertullianus*, quoniam nulla expiandi animos virtus in illis erat. Etiam apud Christianos obtinuit, qui profanarum gentium consuetudinem istam ad suos transtulerunt. Hinc aqua in fontibus, cisternis, & magnis vasibus, ante templa servabatur. Agitur hac occasione de immersione in sacrum fontem, pluribus seculis usitata, ut ostendit *Edmundus Martens Lib. I de Ritibus eccles. pag. 128*, & *Josephus Martinus in Theatr. Basilic. Pis. Apostolicæ traditionis institutum esse*, contendunt *Northonus Knatchbull ad 1 Petr. III. 20*, *Gabriel Tawersson Libr. Angl. de Baptismo*, *Carolus Maria de Veil*, & *Salmasius in Apparatu de primatu Papæ*, *Schlichtingius ad Jo. I. 26*, aliique. In figura

confusus sistitur Servator, ut ordinis sacri viri apud Pontificios. Hac occasione de origine ritus disputatur, quem alii a Judæorum Nasiræis, alii a profanarum gentium sacerdotibus, ac virginibus Vestalibus, repetunt, ut *Jo. Douglbejus in Analectis ad V. T. pag. 477, & Lindebrogius pag. 2378* ad Codicem legum antiquarum, alii a servis, quorum de ratione *Pignorius*, alii aliunde, ut *Fabric. in Bibliogr. ant. Cap. 18 pag. 566, Casp. Zieglerus de Tonsura Clericorum, Saluafius in Primatu Pape, & Epist. sive libro de Coma ad Colvium*. Indutus est porro tunica & pallio. Propior Christo est figura mascula forsitan architrictini, Christum autorem miraculi plicatis aliquantulum digitis, indice excepto, indicantis. Tertio loco sistitur sponsus, scyphum dextra tenens, sinistra aperta, & ad Christum directa, ipsumque veluti stupefactus indicans. Notabiles hic sunt scyphus & tunica manicata. Scyphus erat vas admodum capax & amplum, nonnunquam præterea insigni labore cælatum. Tunicas porro manicatas, quas Græci χειρῶνες vocant, quod *χειρῶνας*, sive manicas, habeant, adhibebant mulieres, & apud barbaros plerosque pariter viri.

In altera tabulæ parte somnium *Josephi* sistitur, atque Bethlehum cum *Maria* gravida & asino insidente via. Utrobique spiritus aliquis divinus simul conspicitur, alis præditus ad indicandam velocitatem, tenui atque expedita veste, hilarique vultu. Baculum, ut Noster arbitratur, vel, ut nos interpretamur, facem, tenet sinistra. Facem, inquam, quod in parte tenetur inferiore, non nisi dimidium ad corpus pertinet, inque superiore ac latiore flammam satis luculenter ostendit; noctem autem circumfusa obscuritas indicat. Dextra superior somnum capienti in stragulis *Josepho* anterioribus digitis porrectis benedicit; inferius asinum ducit capistratum. Opinatur Noster, fugam ista inferiore figura in Ægyptum describi, sed infans nusquam apparere, contra vero, quam *Josephus* juxta vadens amplectitur, virgo luculenter satis uterum ferre conspicitur. Somnium quidem, superius depictum, Autoris nostri opinionem confirmat; neque vero & altera tan copere obstat, prætereaque spissis illis tenebrarum in temporibus tancas fuisse, ut, gravidam in Ægyptum fugisse, credideriat, existimamus. Præsertim, cum cetera sint satis accurate descripta, & nominationem *Josephi* dormientis cum proficiscentis figura exacte consentiat. Interim arbitratur *Cl. Bandinius*, infantem concipi debere matris veste reatum, atque ab aeris injuria munitum; quam quidem difficultatem, cum vestigium inveniatur nullum, neutiquam nos removere posse, profiteamur.

GRAMMATICÀ LATINA, METHODO NOVA ET  
artificiofa, in usum illustris Gymnasti Bethleniani,  
adornata a MICHAËLE AJTAI.

Gibinii,

Cibinii, 1744, 8.

Plag. 8.

**F**elici non minus instituto, quam maximo rei literariæ apud Transylvanos incremento, Cl. Viri, *Mich. Ajtai*, laudabili industria prodiit linguæ Latinæ, quam vocant Grammaticam, institutio, facili ac nova apud suos methodo concinnata, quæ elementa linguæ Latinæ in brevi & perspicua synopsi ita exhibet, ut tenellorum ingeniis, in intimos Latini sermonis recessus penetrare cupientibus, multum lucis accendat, illaque eo, quo tendunt, missis ambagibus omnibus, per compendium ducat. Naturali enim methodo ac singulari artificio digesta, suis quæque locis comprehendit, subnexis cuilibet parti primis ac præcipuis maximeque necessariis vocum inter se connectendarum regulis, ut, qui nomina per casus declinare, verbaque per modos ac tempora inspicere, didicerint, substantiva cum adjectivis componere, verbaque suis, quos regunt, casibus jungere, rite norint. Valere Autor jussit veterem illam, qua hætenus obruti pæne fuerant parum firmi puerorum animi, Grammaticam perplexam satis & confusam, barbarieque plenam, versibus inclusam, quorum non minori, minusve difficili, labore mens evolventa, quam verba memoriæ infigenda erant. Nam Poeticen a prima statim ætate sic desipere magis, quam sapere, cogebantur tirones. Quæ omnia qui perpenderit, facili intelliget negotio, non posse non novam hanc Institutionem Linguæ Latinæ, teneriori ætati aptam, brevitate perspicua, methodo facillima, puritate sermonis nunquam obscura usam, memoriæ, quod dudum summo opere juvenus scholastica desiderabat, consulentem, ingenia adolescentum juvantem, eaque puritatis ac elegantiae Romanæ novis, quibus locupletata est, præceptis imbuentem, omnibus, quos optinarum artium tenet desiderium, mirifice sese commendare. Nec pœnitebit igitur pauca quedam adhuc dixisse de scripto non inutili, totiusque libelli æconomiam lectoris ob oculos posuisse. Divisus autem est in *Classes tres*. *Prima* est de Elementis Latinitatis, in qua nominum & pronominum declinandi pariter ac verbi inflectendi formas, eorumque accidentia, seu qualitates, breviter dilucideque exponit, regulasque generales nominum ac pronominum æque ac verborum subjungit; *altera* est de ipsa Grammatica in qua apte loquendi & scribendi rationem perspicue tradit, additis regulis de generibus nominum, regulisque specialioribus constructionis eorumdem ac verborum, reliquarumque partium orationis; *tertia* de Syntaxi, quæ tota in eleganti & concinna vocum ac sententiarum in oratione dispositione versatur, ac, quicquid orationem exornat, certis ac novis compluribus de elegantia sermonis Latini præceptis docet, & figuras syntacticas, quæ orationem mirum in modum ornant, perspicua brevitate explicat. Denique ars poetica, non prolixè quidem, sed clare tamen dilucideque, exposita, subjicitur.

\* \* \*



# NOVA ACTA ERUDITORUM,

*publicata Lipsiæ*

*Calendis Septembris Anno MDCCXLVII.*

*Pars I.*

DELLE ANTICHE STATUE GRECHE E ROMANE, &c.

hoc est,

ANTIQUÆ STATUÆ GRÆCÆ ET ROMANÆ, quæ in atrio Bibliothecæ D. Marci, & in aliis locis publicis urbis Venetiarum, reperiuntur.

*Pars I & II.*

Venetiis, 1740 & 1743, fol. max.

P. I Alph. 1 plag. 4, Tabb. æn. 50, P. II Alph. 1 plag. 2, Tabb. æn. 50.

Cum faustissimo bonarum artium & literarum bono egregius hic & splendidissimus signorum statuarumque prisicarum, Venetiis collectarum, apparatus in lucem prodierit; nostrarum imprimis esse partium judicamus, relictis omnibus nostris incomparabilium horum operum divitias Lectoribus nostris commendare, artesque *Phidiarum & Polycleto- rum*, si possunt satis prædicari, apud humanissimum quemque judicem multum per se æstimationis habituras, literulis utcunque nostris ornare. Ante vero, quam hujus propositi fidem exsolvamus, non a re alienum erit, varias imaginum, signorum, statuarumque veterum, syllogas a patrum inde temporibus in memoriam revocare. Primum vero, quæ vis & potestas vocabulis Latinis insit, quibus signorum quæ-

P p

libet

libet genera denotare fas est, explicemus, ne vel cum vulgo in errorem inducamur, vel ipsas statuarum formas parum accurate loquendo confundamus. Multum hac in re iusta & subtilis *Plinii* diligentia praestitit, quem ducem sequi nullo modo poenitebit. Statuas scilicet nominarunt veteres, in quibus totum corpus apparebat, quarum sunt nonnullae pro amplitudinis, vestium, armorum, ornamentorumque, discriminibus vel Colossæ, vel Augustæ, vel Achilleæ, paludatæ, chlamydatæ, togatæ, ne quid de ceteris eius generis formis dicamus. In eo tamen sermo Latinus inopia quadam dictionum laborat, quod symplegmata luctatorum, aut alias plurium hominum inter se nexorum species (*groupes*), vel generali vocabulo signi, vel statuar, denotari legimus. Quodsi hæc sculptilia vel infantis mensuram æquant, superant aliquantum, vel eadem minora habentur, peculiari nomine sigillorum, statuarum cubitalium, palmarum, & imaginuncularum, veniunt, adeo ut mirum cuiquam videri possit, statuarum frustra, hoc est, capita & cultus hominum tenui humero expressos, (Gall. *bustes*.) tantummodo imaginum sibi vocem vindicasse & retinuisse. His breviter expositis, & in ordines suos numerosque relatis, in his generibus quomodo doctissimorum hominum diligentia laboraverit, rectius judicari potest. Imagines Deorum *Vincentii Cartarii* huc non pertinere, nemo non videt, utpote ex numis maximam partem, quanquam scite & subtiliter, sumtas. Præius omnium, quantum sciimus, operæ pretium fecit *Achilles Statius*, cum *illustrium* ex antiquitate *virorum vultus* excuderet Romæ A. 1569 fol. Paulo post *Theodori Gallei* manus non infeliciter se applicuit *Imaginibus Fulvii* depingendis A. 1598 in 4, quas luculento dein Commentario ornavit *Jo. Faber*, vir doctus, Antwerp. A. 1606, 4. Non diu ante *Ursinum* prodierunt *antiquarum statuarum urbis Romæ icones* Romæ A. 1584, 4, & in eunte priori Seculo iisdem optimis ac verissimis rerum antiquarum monumentis *Bartholomæus Rossus* hoc libro: *Ornamenti di Fabriche antichi e moderni della Città di Roma*, Romæ 1600, 4. Nec minor accuratioris & elegantior laus debetur *Jo. Andreae Borbonii*

*Borbonii de Statuis* libro Romæ A. 1661, 4, & *Ju. Petri Bellorii veterum Philosophorum, Poetarum, & Rhetorum, imaginibus*, Romæ, 1635, fol. Recentiora vero plerorumque sunt in oculis, atque ideo nobis non commemoranda, quod in his Annalibus pleraque velut in transcurso dicere nos oportet. Præterimus hic elegantissimos *Simonis Thomassini* labores, & *Francisci Perrierii* statuas, radio descriptas, & Amstelædami in fol. promulgatas. Horum enim omnium studia vicit *Dominici Rossi* assiduitas, cui plenissimam statuarum veterum descriptionem, obstetricante *Paulo Alexandro Maffeo*, debemus. Qua contentione, etsi egregia, in eum tamen locum res nondum deducta fuit, ut post largam messem nihil spicilegii superesse videretur, sed contigit, ut vel temporis beneficio plura in lucem protraherentur monumenta, quæ antea essent sepulta, vel e Museorum latebris in conspectum totius literati orbis & lucem principum virorum munificentia venirent. Illi generi profuerunt *Blanchinii*, *Scip. Maffei*, *Ficoronii*, scripta; harum splendorem quis nescit mirabiliter crevisse *Museo Florentino*, & *Museo Regio Dresdeni*, quorum neutri statuarum affluentia, dignitas, & elegantia, deest? Tot igitur icones cum tanta diligentia, ingenio, dexteritateque, a renatis inde literis certatim e tenebris protractæ vulgatæque sint; nemo sibi forte persuadeat, numerum aliquanto majorem illis, quæ in libris exstant, adhuc superesse, nisi animum & oculos ad hunc thesaurum convertat, in quo quid potissimum mireris, copiamne simulacrorum, anaglyphorumque operum, an magnificientiam tabularum, radio scriptarum, haud dictu facile est. Nullis enim hic sumptibus pepercit Editor, sed tot picturis linearibus, in ære effictis, ubique exornavit, ut major in hoc librorum genere pulchritudo & decor vix votis peti posset. Quælibet tabula unico tantum signo, vel imagine, exsplendescit, cujus habitum, mensuram, proceritatem, formam ἀξέτητος; felicissime imitatus est cælandi artifex. Quemadmodum vero signa multum sui splendoris & gratiæ amisissent, nisi additis enarrationibus dilucidatus eorum sensus fuisset, per quas vita & anima bonis post mortem ducibus redire solet; sic in hæc

potissimum curam cogitationemque incubuit Editor, ut res gestas viri illius principis, quem retulit simulacrum, ex illorum temporum nostræque memoriæ libris ore Etrusco exponeret, præmissoque aliquo numi, aut gemmæ veteris, typo, quem *Zanettianum*, *Tbeupolum*, & *Apostoli Zeni*, forte Museum subministrabat, incredibilem monumentorum accurationem & convenientiam inter se declararet. Neque Commentarius suis ornamentis destituitur, sed omni ex parte sigillorum, animalium, capitum, personarum, picturis, velut cancellis quibusdam, novo exemplo includitur, e quarum profecto contemplatione, dici vix potest, quantam oculi voluptatem capiant. In eam autem splendidissimam & vere regiam collectionem ea tantum signa immigrarunt, quæ majores Venetorum e Græcia olim secum asportantes, in atrio Bibliothecæ *D. Marci*, ceterisque publicis et illustribus in locis, collocarunt, non tantum ut classici essent victoriæ a Turcis reportatæ testes, sed ut magnificentiæ urbis memoriam ad posteros servarent. His spoliis Græciæ principum non minus illius urbis virorum, sed privatorum quoque hominum, studia adeo incensa sunt, ut sequenti tempore signa, longinquis in regionibus dispersa, in eundem locum cogerent. Laudem hic inprimis meretur *Dominici*, Cardinalis, & *Josephi*, Patriarchæ Aquilejensis, *Grimanorum*, munificentia & præclara literas juvandi ambitio, qua factum est, ut gloriæ patriæ illi memores, signa veterum scite & venuste elaborata, quæ possent, scrutarentur & perquirerent, nec ad suum quæstum nundinationemque, ut inos est, traducerent, sed ad claritatem dignitatemque Musei publici conferrent. Jam igitur, si tot marmora & statuas antiquas maximo historiæ, cum veræ, tum fabulæ, commodo servatas requirimus, quam parum est præstitum, si admirabilem majorum diligentiam cum his opibus, & hæc statuarum nova farragine, contendimus? Quare, si quid unquam dignum interpretis cura, & nomine *Cbrijliani VI*, Regis Daniæ, fuit, hæc certe monumenta fuerunt. Ne vero Lectores nostri existiment, vana nos de amplitudine hujus apparatus scripsisse, age, omnes utriusque *Tomi* icones in medium

dium proferamus, in quo tamen consilio ratio nos & via admonet, ut in suos quasque generum ordines descriptas exsignatasque procedere jubeamus. Quod uterque *Tomus* tabulis æneis absolvantur, in principio hujus libri jam observatum est. *Primus Tomus* meris propemodum imaginibus constat, quarum numerus est tricesimo major, insertis tamen subinde aliquot statuis & marmoribus anaglyphi operis. Imagines plerorumque Imperatorum Romanorum Augustarumque vultus a *C. Julio Casare* inde usque ad *C. Vibium Volusianum* exhibent, in quorum serie etsi desiderentur non pauci, multum tamen ex eo capiunt incrementi & decoris, quod ab illorum purpura & fascibus ne Cæsares quidem segregatos esse videmus. Statuæ non nisi novem occurrunt, omnes tamen antiquissimæ, singularique artificio perfectæ. Videlicet operæ pretium est in his *Cleopatra*, venenum haurientis, *Agrippina*, *Germanici* uxoris, *Julia*, *Titi* Imperatoris filia, *Martia*, *Augustæ*, *Faußina*, *Antonini Pii*, *M. Aurelii Antonini*, *M. Aur. Commodi*, *M. Tullii Ciceronis*, & cujusdam *Flaminicæ*, formas cognoscere. Inprimis *Julia* effigies tantam ostendit pulchritudinem, ut ex hoc solo simulacro, quam veræ sint laudes, quibus *Julia* veneres olim protulerunt scriptores, opportune intelligatur. *Martialis* certe in eandem festive dicta huic statuæ mirabiliter respondent:

*Quis te Pbidiaco formatam, Julia, celo,  
Vel quis Palladia non putat artis opus?  
Candida non tacita respondet imagine Lygdos,  
Et placido fulget virus in ore decor.  
Ludit Acidatio, sed non manus aspera, nodo,  
Quem rapuit collo, parve Cupido, tuo.  
Ut Martis revocetur amor, summiq; Tonantis  
A te, Juno, petat ceston, & ipsa Venus.*

Statuæ excipiunt quatuor equi sine fessoribus, eadem magnitudine conspicui, & in ære affabre fusi, non inusitato antiquis more, qui, cum tanti putarent, equorum nomina literis mandare, neque statuarum honorem iis deesse voluerunt. Constantinopoli eos Venetias auctos esse, interpret indicat, A. 1204,

sibi que persuadet, tempore *Neronis* in arcu triumphali positos, & a *Constantino M.* Byzantium eo consilio translatos esse, ut Hippotromum ornarent. Agmen signorum claudunt tabulae marmoreae tres, non minus probae vetustatis, quam doctrinae & iudicii quadam subtilitate sculptae. Autores sumus suasoresque antiquitatum cultoribus, iis praesertim, qui sacrorum indolem ritusque accuratius indagare discipiunt, ut ad haec monumenta gradum accelerent, & Suovetaurilium veram inde speciem animo & cogitatione allequuntur. Alter *Tonus* Deorum Dearumque statuas & imagines continet. In statu *Ledam* cum cygno, *Castorem*, *Ganymedem*, ab aquila raptum & sublatum, *Hecaten*, *Dianam*, *Minervam*, *Apollinem*, *Citharædum*, *Musam* cum tibia, *Venerem*, genitricem, *Hygeam*, *Aesculapium*, *Venerem*, *Amorem*, *Apollinem*, sive *Adonidem* malis, *Mercurium*, *Cererem*, *Brutum* cum Fauno, *Silenum*, *Deam* marinam, & *Abundantiam*, miramur. Imagines *Cybelen*, *Jovem*, *Jovem Hammonem*, *Minervam*, *Satiricam* bacchantem, *Herculem*, & *Paridem*, referunt. Ne quid vero praetermisisse videamur, nolumus Lectores ignorare, inter statuas hujus *Toni* quoque eminere *Gladiatorem* moribundum, *Athletam*, *Gladiatorem* cadentem, nec non bovis cuiusdam ex ære, & leonum formas ex marmore, in quarum altera hunc titulum recentioris fabricae legi serunt:

*Franciscus Maurocenus Peloponnesiacus*

*Expugnatis Athenis*

*Marmorea Leonum simulacra,*

*Triumphali manu e Piræo direpta,*

*In patriam transfudit, futura Veneti Leonis,*

*Qua fuerant Minervæ Atticae ornamenta.*

Alteri hæc inscripta esse, interpretes docet:

*Atheniensia Venetæ classis trophæa*

*Venetæ Senatus decreto*

*In navalis vestibulo constituta*

*Anno Salutis MDCLXXXVII.*

Reliqua, in hoc Tomo obvenientia, marmora *Cybelen* cum *Atside*, *Mercurium*, *Bacchum* infantem, *Sityros*, *Centauros* bacchantes,

bacchantes, aras *Marti* & *Baccho* consecratas, tres spiras, *Baccho* dedicatas, *Somnum*, aram Deæ *Ægyptiæ* erectam, prælium navale, vasa, eleganter sculpta, tradunt, in quibus profecto nihil est, de cujus bono non vehementer res ipsa publica Venetorum gloriari possit.

PORTRAITS HISTORIQUES DES HOMMES ILLU-  
stres de Dannemark, remarquables par leurs merite, leurs  
charges, & leur noblesse, avec leurs Tables genealo-  
giques, &c.

id est,

IMAGINES HISTORIÆ DANORUM ILLU-  
strum, a suis meritis, dignitatibus & nobili origine,  
memorabilem, una cum ipsorum stemmatibus.

### Partes VI.

Sine loci & typographi indicio, 1746, 4 maj.

Alph. 4 plag. 6, cum plurimis Tabb. an.

**O**ptime collocata est opera, quæ describendis illustrium  
virovum vitis, & tradendæ posteris memoriæ meritum,  
quibus illi rempublicam humanumque genus sibi obligarunt,  
impenditur. Quare illustri viro, *Tychoni Hoffmanno*, harum  
Vitarum Autori, Cancellarius Regis Daniæ Secretario, & So-  
cietatis Regiæ Londinensis membro, summa debetur laus, quod  
civium suorum toga sagoque illustrium res gestas elegante suo  
calamo, tabulisque & chartis nitidissimis, immortalitati dedicare  
voluerit. Non enim potest tam ad splendorem & magnifi-  
centiam compositum opus, tamque rerum, quas tractat, mo-  
mentis grave, perire. Quinque id *Partibus*, aut *Voluminibus*,  
sed iis magnitudine disparibus, absolvitur. Cui *sextum* acce-  
dit, tanquam appendix, initium novi libri. Illis *quinque* prio-  
ribus Autor recenset Danos natalium nobilitate illustres, qui  
aut consiliis suis Reges suos regnumque sublevarunt, aut le-  
gationes obierunt, aut bella terra & potissimum mari gese-  
runt. *Sexto* autem, seu appendice illa, trium Danorum  
fata persequitur, qui ab obscura & humili origine ad summas  
dignita-

dignitates, & unus quidem ad totius regni moderamen, duo vero reliqui ad navalium copiarum ducatum, adscenderunt. De singulis deinceps videbimus. Ubi liber impressus sit, non constat. Neque videtur uno in loco, unoque tempore, continuato ordine fuisse impressus, quando quidem charta non est ejusdem conditionis, neque magnitudinis. Neque imagines uno in loco, eodemque ab artifice, sunt æri insculptæ. Quod si foret, posset conjectura de loco impressionis fieri. Celeberrimi enim artifices, Parisienses, Londinenses, Batavi, Lipsienses, ad ornandum hoc Opus operam artemque suam contulerunt; quo factum, ut aliæ aliis pulchriores sint. Quicquid sit, est opus, cultum externum si spectes, cum splendidissimis certans, & quod spectatores in admirationem rapit, & ad lustrandum legendumque vel invitò invitât. Tabulæ æneæ tam confertæ frequentesque sunt, ut, quamvis non numeraverimus, plus centum tamen earum esse putemus. Mirabuntur aliqui, qui Danus homo sermone Gallico librum tantum exarare ausus fuerit. Sed voluit illustri Auctor etiam extra patriam suorum civium laudes legi & celebrari, & a quovis hominum genere. Quod melius fieri non poterat, quam si Gallica dialecto scriberet, quæ ubivis terrarum hodie innotuit, & a politioribus adamatur. Eaque dexteritate id præstitit, ut peregrinitatem in eo vix agnoscas.

*Tomo primo de Ovone Giedde*, conditore colonix Daniæ in Tranquebara & India orientali, narrat; deinde de *Huïsfeldis*, & *Haraldo* præcipue, illustri scriptore Historiæ Daniæ; tum de *Frisiis*, post de *Skelliis*, *Gersdorffis*, *Hagis*, & *Urupis*; tandem, *Parte altera primi Tomi*, de *Brabeis*, quos inter eminet *Tyebò de Brabe*, celeberrimus ille Astronomus; de *Sebestedis*, & maxime *Hannibale*, præclaro ad Regem Franciæ, *Ludovicum XIV*, legato.

*Tomo secundo* familiam *Ranzaviorum* persequitur, quos inter eminere *Joannes*, & *Henricus*, ab eruditione clarus, & *Jysias*, a fortitudine bellica celebrer, quem patrem fuisse *Lodovici XIV*, Chronicon Scandalosum asseverat. Inde *Thotots* memorat, & *Gieeos*, & inter eos *Marcum* maxime, ad Franciam



Franciam & alias curias celebrem legatum; *Kanfos*, & maxime *Niels*, seu *Nicolaum* illum, *Christiani IV* tutorem; *Troilos*, ad quos pertinet Archiepiscopus ille Upsalix, *Gustavus*, qui, ut Sueciæ regnum ad Danos & *Christianum II* transtulit, sic contra, quo minus illud regnerent, in causa fuit; & *Herluf*, rebus adversus Suecos bene Seculo XVI celebrem; porro *Krugos*, & inter eos *Ottonem*: qua occasione vitam *Nicolaï Cragii*, scriptoris Antiquitatum Laconicarum, & Historiæ Danicæ, quamvis ab hac gente diversi, attingit.

*Tomo tertio* de *Windis* & *Juellis* exponit; quæ ambæ domus prodiderunt duces mari celeberrimos: illa quidem *Georgium Wind*, *Christiani IV* strenuum ducem & administrum in bello Suecico; hæc vero *Nicolaum Juel*, Suecorum victorem & terrorem.

*Tomus IV* *Rosencranzos* exhibet, quos inter *Holgerus* ab eruditione scriptisque libris famam habuit, & alter, pariter etiam *Holgerus*, sed is ob literariam litem infelix, quæ ipsi cum *Bunone*, Autore *Ideæ Historia universalis*, intercessit; item alius *Gunde Rosenkranz*, plurium librorum scriptor. Inter *Reetzos* maxime *Fridericus* celebratur; inter *Holkos Eilerus*, & *Henricus*, qui, quamvis Lutheranus, pugnavit tamen pro Imperatore contra suæ fidei additos in bello sic dicto tricenali, & postquam deditione cepisset Lipsiam A. 1633; periit; inter *Oxos Petrus*.

*Tomo V* de *Krabbis*, & *Ulfeldis*, agit; quos inter fatorum varietate memorabilis sunt *Corfitz* ille *Ulfeldt*, & ejus uxor, filia *Christiani IV* ex illegitimo thoro, amore mariti, pictura, poesi, & aliis præclaris artibus, illustris. Avi sunt hi illustrissimi Comiti *Ulfeldii*, primi in aula Imperatoria Reginæ Hungariæ ministri.

*Tomo sexto*, quem sic appellabimus, quamvis eam inscriptionem non gerat, primum vita *Petri* Comitis *Griffenfield* apparet, qui, dexteritate sua ex humillima sorte ad illustrissimas dignitates & prima curiæ munia enisus, adversa fortuna dejectus ad miserrimam conditionem & infamiam fuit. Deinde vita *Cort*, seu *Conradi*, *Adeler*, qui, postquam sub Vene-

tis strenue contra Turcos pugnasset, in patria deinceps copias navales contra Suecos duxit. Tandem vita legitur *Petri Tördenfkiold*, qui ex homine dissolutæ vitæ & vili nauta brevissimo tempore bonus dux evasit, rebus magnis summa cum audacia & fortuna contra Suecos mari gestis inclaruit, & jam ad summos adspirans navales honores, & summa quæque promittens, nondum triginta natus annos, in itinere a sicario Sueco cecidit.

Quisquis amat historiarum studium, putatque, illud ad vitam bene feliciterque agendam quidquàm facere, non poterit museum hoc opus absque fructu & voluptate legere.

**HISTORIA SACRA DE BAPTISMO CONSTANTINI Max. Augusti, colloquiis familiaribus digesta, Autore MATTHIA FUHRMANNO, Austriaco, Ord. S. Pauli primi Eremitæ Sacerdote, & Procur. General. ejusdem Ord. in urbe Socio.**

*Pars I.*

Romæ, 1742, 4.

Alph. 1 plag. 21.

**C**onscribendi Operis hujus, quod *Benedicto XIV*, Pontifici Maximo, de antiquitate sacra optime merenti Principi, dicatum, ex prima statim fronte apparet, præcipuam Autori occasionem dederat memoria baptismi Imperatoris *Constantini Magni* miraculosi, quæ iterata vice quotannis inter cætus, sacris Pontificiorum addictos, instauratur, pieque recolitur. Res omnis, miraculosè confecta, ita enarrata legitur in Actis Sanctorum: *Constantino* Augusto, balneum sibi ex sanguine infantum, Medicorum consilio, parari jubenti, *Petrum & Paulum* per somnum apparuisse, qui ipsi præceperint, ut, omiſſa hac balnei immanitate, *Silvestrum* arceſſeretur, &, sacro fonte tinctus, salutem corporis animique sibi quæreret. Quo facto, rei prædictæ eventum respondiſſe, contendunt omnes, ex ſententia Cl. Autoris, Græci Romanique eccleſiaſtici ſcriptores. Sollicitata tamen hujus enarrationis

fides

fides jam dudum fuerat a cive conterraneo Nostri, *Joanne Cuspiniano*, in *Maximiliani I* Imperatoris familia Medico, insigni arte sua, & literarum antiquiorum peritia, invitato ad id lectione librorum, qui de rebus sacris, antiquis temporibus gestis, diligentissime exponunt. Hic, explendam esse historiam hujus miraculi omnem, vanitatis scilicet & mendacii suspectam, judicavit. Ne vero religiose ista ex multis inde seculis credita narratio rei sacre damnum inferret, latiusque malum serperet, sui officii esse putabat Noster, adversam sententiam repudiare, suamque vindicare. Præfens ejus opera in eo præcipue fuit occupata, ut baptismum *Constantini*, *Nicomediæ* peractum, omnibus, quibus posset, viribus labefaceret, in *secundam Partem*, proxime edendam, reliqua causæ suæ firmamenta collaturus. Libuit ei, ut eo luculentius pateret, quid sentiret, sermone familiari atque quotidiano, quem colloquia postulant, uti, & sub fideis *Eusebiani* & *Silvestriani* nominibus suas adversariorumque partes agere. In *primo* itaque Colloquio quæstionis propositæ ratio, difficultas, & variæ doctorem hominum de ea opinionibus, recensentur. Num *Constantinus M.* sub finem vitæ *Nicomediæ* sacro lavacro fuerit affectus, id est, quod quaeritur. Quadruplicem hic eruditorum Autor esse sententiam, docet. Prima est eorum, qui, Principem istum Augustum Romæ quidem, non sub *Silvestro* tamen, sed sub ejus antecessore, *S. Melchiade*, in cœtum sanctiorem baptismum esse receptum, perhibent. Alii, sub *Silvestro* quidem eum baptizatum, sed postea, cum in Arianorum castra secederet, *Nicomediæ* iterata vice sanctiori flumini immersum esse, strenue contendunt. Ad tertiam classem ii pertinent, qui, semel tantum sub finem vitæ *Nicomediæ* Imperatorem nostrum baptismum esse receptum, dicunt. Ultimo demum loco eorum sententia laudatur, qui cum Pontificia ecclesia defendunt, baptismum a *Silvestro* multis annis ante, quam ex vita discederet, Romæ peractum. Singulos singularum sententiarum patronos in medium hic produxit nullos, sed, rebus simpliciter modo enarratis, pergit ad refellendos eos, qui, sub *Mel-*

Pag. 23

¶

- chiade* hoc gestum esse, dicunt. Concedit Noster, *Melchiade* clavum gubernante Petri, *Constantinum* Christiano nomini quam maxime fuisse, ad quod confirmandum epistolam, ex
- Pag. 6. *Labbei T. I Concil. col. 1562* sub nomine *Melchiadis* notam, excitat; quin & suo jure tunc temporis Christianum appellatum fuisse, ut *Augustinus*, *Sulpicius Severus*, aliique, memorie prodiderunt, quia, signo crucis conspecto, majestatem Dei vereri cœpisset; sed, consummatum eum tunc factum fuisse Christianum, constanter negat. Ad secundam sententiam quod attinet, altero Colloquio pertractatam, duplici illam ex ratione redarguit, quarum alia ex re ipsa, alia ex auctoritate scriptorum, repetitur. Rem ipsam, inquit, mendacii convincere eos, qui, *Constantinum* iteratis vicibus fonte sacro lavatum esse, temere affirmant, dum nec *Atbanasius*, nec *Hilarius*, nec *Epiphanius*, nec *Gregorius Nazianzenus*, *Basilius*, *Hieronymus*; aliusve, *Arianis* id unquam exprobrarint, quod *Constantini* & *Constantii* temporibus, in suæ sedæ cives repetitum baptismum esse peragendum, statuerint. Auctoritates vero *Anselmi*, Episcopi Havelburgensis, qui circa medium Seculum XII floruit, *Zeni*, *Jacobatii*, aliorumque, ætatem non ferre; recentioresque esse, quam ut hanc rem conficere possint, cum, a *Theodoreto* illos, quoad secundum *Constantini* baptismum, deceptos esse, appareat.
11. Postea ad tertiam sententiam, caput scilicet causæ suæ, accedit Noster, & in Colloquio tertio omnia profert antiquitatis monumenta, quæcunque pro baptismo *Constantini* Nicomedienſi possunt afferri. Primarium hujus rei assertorem recte dicit *Eusebium Pamphili*, qui in vita *Constantini M.* omne hoc negotium accurate copioseque exposuit. Tum testis loco adducitur *Paschalis*, seu Alexandrini Chronici concinnator, qui vixit sub Imperatore *Constantio*. Idem probat testimonium trecentorum & aliquanto amplius Episcoporum occidentaliū, Ariminii A. C. 359 congregatorum, quod *Atbanasii* merito appellari possit, quia istud approbavit, & ad posteros transulit. Sancti Martyres *Jovianus*, *Hercolianus*, *Ambrosius* item, *Hieronymus*, *Socrates*, *Theodoretus*, *Hermias*,

*mias*, *Sozomenus*, *Isidorus Hispalensis*, antiquitatis testes dignissimi, eandem plane rem docent, quibus maxima turba recentiorum scriptorum, *Aeneas* scilicet *Sylvius*, Pontifex deinde *Maximus* dictus, *Cardinalis Cusanus*, *Henricus Valesius*, *Daniel Papebrochius*, *Antonius Pagi*, alique, suffragantur, & in subsidiis quasi superiorum Autorum collocantur. Contra tam bene instructam aciem, in qua, ipso satente Autore, omnes pene reipublicæ literariæ Quirites inveniuntur, copias suas educere, illamque confundere, quin & totam profligare, magno animo aggreditur. Ipse probe sentiens Clarissimus Autor, exercitum adversariorum se facillime esse prostraturum, si primipilo, *Eusebio* nimirum, vulnus lethale inferret, unice illum petit, quo, hoc cadente, omnis turba ruat. Ante tamen, quam hoc efficiat, breviter repetendum esse ducit id, quod a tempore Concilii Nicæni usque ad mortem Imperatoris nostri gestum fuit, quo appareat, *Constantinum* ad vitæ usque finem purioris veritatis testem mansisse, neminemque, præter Presbyterum quendam, morienti ipsi adfuisse, qui, corrupto patris testamento, *Constantium*, natu secundum filium, loco *Constantini*, nato majoris, hæredem Orientis instituerit, quia *Arii* partibus ille favebat maxime. Quibus præstruâ, inquitur *subsequenti* in Colloquio in testem illum oculatum, qui moribundo Imperatori adfuisse dicitur. Conjectura nixus Autor, Presbyterum, cui *Constantinus* testamentum commendasse, & quem ad baptismum adhibuisse, scribitur, *Eudoxium*, seu potius *Acasium*, *Luscum* fuisse, verisimiliter declarat, quia per omnia huic homini, atro carbone a *Baronio* notato, assimilari eum posse arbitrat. Quæ omnia tamen caput rei nondum constituunt, sed viam modo sternunt ad ea, quæ dicenda nunc veniunt in quinto reliquisque Colloquiis de *Eusebio*, ejusque operibus institutis. Recenset hic ante omnia ex *Hieronymo*, *Photio*que, opera *Eusebii Pampbili*, & tunc exinde quæstio devolvitur ad vitam *Constantini*, nomine ipsius editam. Favet ipse sententiæ *Jacobi Goswofredi*, qui in *Chronologia Legum Codicis Theodosiani*, aliisque in Commentariis, libellum istum

Pag. 29.

31.

32.

64.

69.

73.

- nunquam sub *Eusebii*, sed sub *incerti Autoris*, nomine, vel mil-  
lies, ut cum Autore loquamur, excitat. Eandem opinio-  
nem *Joannes Georgius Dorschaus* est amplexus. Acrius hinc  
Pag. 79. spernendis sane argumentis *Eusebio* hanc *Constantini* vitam tri-  
buunt. Palmarium, quod contra *Hanckium* profertur, respon-  
sum eo redit, quod argumenta ejus, in libro *de Byzantinis*  
*Scriptoribus* allata, tantum indicent, antiquos Historicos *Eusebio*  
ex tituli præfixi ratione hunc libellum adjudicasse, de  
quo tamen adhuc sub judice lis agitur, num sit genuinus,  
an spurius. Hoc vero ruente, causa omnis cadit. Quam  
ob rem, cum neque ea, quæ passim in capitibus, & præfixis  
illis indicibus, *Eusebii* nomen exprimunt, hoc ipso confir-  
ment, quod vere ab *Eusebio* sint perscripta, *Hanckium* mi-  
nus recte ostendisse, libros de *Vita Constantini* ab *Eusebio* esse  
83. compositos, Noster arbitratur. Deinde, paucis quibusdam  
interjectis, pergit ex temporum ratione conjecturam elicere,  
quod nullo modo *Eusebius* huic libro edito superstes fuerit,  
id quod ipsi ansam præbet, suspicionem non levem de adul-  
terina & interpolata *vita Constantini* capiendi, atque in *Aca-*  
*cium Luscum*, utpote hominem audacissimum, discipulumque  
*Eusebii*, culpam omnem conjiciendi, & simul *Gorbisfredi* ar-  
gumenta, ut melius in suum usum ista converteret, excutiendi.  
93. Pergit tum Libros quatuor *Eusebii* de *vita Constantini* ideo  
damnare, quia nunquam ab ecclesia recepti atque approbati  
fuerint, sed inter apocrypha probabiliter rejei, qui ad ad-  
struenda fidei dogmata nunquam publicam obtinissent auto-  
ritatem. Quantum vero nobis hic perspicere datum est, ex  
ipsa Pontificiorum, quæ hic attingitur, opinione, id tan-  
tum sequitur, quod certi de autore vitæ hujus nihil plane  
constet, neutiquam vero, quod a Catholicis vitandi, elimi-  
nandi, aut damnandi, sint ejusmodi libri: Quod praxi eccle-  
siæ Pontificiorum omnino adversatur, quin imo, ipso *Bellar-*  
*mino* judice sedente, improbandum esset. Confundere hic  
videtur Cl. Autor receptionem in ecclesiam prohibitam cum  
notione de libris apocryphis formanda. Altioris est indagi-  
nis

nis, & causam ipsius inprimis ornat, quod contendit, hos libros in cœtum suum non receptos unquam esse, si modo firmiora adduxisset argumenta. Quod enim ad *Gelasianum* provocat decretum, id minime omnia conficit. Primo enim Pag. 95. varia, ut ipse ait, de eo est eruditorum sententia. Deinde nondum inde evincitur, quod supposititius hic sit liber, quoniam *Gelasius* Acta *Silvestri*, in quibus historia de baptismo *Constantini* Romano refertur, laudatur, & approbatur, inter opuscula retulerit, quæ in ecclesia catholica recipiuntur. Multum enim *Gelasius* abest ab ætate *Constantini*, & Seculum fere quintum attingit. Nec ex falsitate narrationis cujusdam ad auctoris statim spurium colligi potest nomen. Sed palatia sacra linquit Noster, atque ad Criticorum castella se recipit. Tanta munimenta certe requirit adversariorum suorum impugnatio. Ex ipsis libri visceribus veritatem eruendam esse, recte statuit, & secundum Criticorum iudicia, vitia detegere conatur, quæ libros, de vita *Constantini* conscriptos, spurios & sublestæ fidei reddunt. Criticorum nubem, quam excitat, conficiunt *Socrates*, *Photius*, *Gravesonius*, *Reginaldus Polus*, *Canus*, *Baronius*, *Antonius Possessinus*, *Abrahamus Scultetus*, *Benius*, denique *Laelius Bisciola*. 106. Sed, omnia eorum si conferas testimonia, ad unum omnes *Eusebio* hos libros tribuere perspicies, & parum confirmandæ rei propositæ inservire animadvertes. Ipse Autor noster, hoc videns, addit statim, tanta nomina titulo spurio esse decepta. Sed vellemus, ut hoc suum assertum ad liquidum magis perduxisset. Proponit deinde alias, quæ hanc vitam præmere videntur, difficultates, quæ tamen, si verum fateri liceat, exigui esse momenti videntur. In eo inprimis hæremus, quod vere ab *Eusebio* nostro 108. historiam de baptismo *Constantini* Romano, ex Græco in Latinum versam, in Acta *Silvestri* relatam, & a *Gelasio* approbatam, literarum monumentis consignatam esse, tradit, nec tamen, genuina ista ubi enarrata reperiatur, docet, aut, qui plane corrupti ea potuisset, monet. Si *Gelasius* omnia diligenter excussisset, & spurios libros a genuinis separarit, quod Noster asserit, qui hoc fieri potuerit, nisi Codicibus in subsidium adhibitis? Qui 118. si tunc

si tunc temporis adhuc illibati fuerint, quo modo affirmare licebit, hanc historiam seculo ante ab *Acacio* fuisse mutilatam; aut, si non fuerint casti atque integri, quare *Gelasius* nihil hac super re præcepit? Forsitan etiam reliqua incommoda, quæ proponuntur, facile tolli queant. Notamus hic, a Nostro, dum partibus aliquantulum in ea causa studet, modo Autorem Vitæ Constantini ob nimiam *Constantini* laudationem reprehendi, &, quod sibi tantum canat, taxari, cum tamen ipse eum, ut fas est, omnibus laudibus in cælum extollat; modo bilem ipsi movere tenuem verborum pompam, qua *Constantinum*, ex ipsius judicio quidem, parcius prosequatur, inprimis ubi nummi cujusdam mentionem faciat, qui ab altera parte demortuum *Constantinum* obvoluto capite forma exsculpta ostendit, in altera vero eundem quadrigis iustar aurigæ insidentem, & demissa illi cœlitus manu dextra exceptum, exhibet. Hoc in loco Cl. Autor

- Pag. 130. ferre nequit, quod in laudes ipsius amplius non excurret, cum occasionem tamen quam maxime opportunam nactus fuisset. Colloquio subsequente *oſtavo* demonstrare satagit, quod narratio de Nicomedienſi *Constantini* baptismo nec historia, nec fabula, sed confictum, idemque perniciosum, sit mendacium, quia autor illius rei alios fallere conatus sit. Dolemus autem, de mendacio isto minime nos ab Autore convinci potuisse, cum testimonia adducta minus antiquitatem redoleant. Majoris sunt momenti, quæ nonum habet Colloquium, ubi priora textus de Baptismo Nicomedienſi verba trutinantur ac refelluntur. Multa hic occurrunt antiquitatis ultimæ vestigia, sive ad rem sacram, sive profanam, respicias. Memorata causa itineris ultimi, a *Constantino* suscepti, ex genuinis fontibus repetitur. Tempus definitur, ex quo militares Romanorum ordines Diaconos, aliosque rei sacræ administratos, secum habere consueverunt, ad rem divinam faciendam. Denique prolixè ostenditur, qui fuerint mores veterum circa Catechumenos, in templo orantes, vulgo introducti. Miramur integritatem Autoris, qui subinde tanta adversariæ partis exponderat momenta,



menta, ut, nisi de ipsius sententia certo constaret, addubitare prima facie lector posset, atque in eam pervenire opinionem, Autorem ideo adversariam sententiam ita confirmatam exhibuisse, quo suæ causæ sic appareret infirmitas. Sed aliud plane omnis hujus operis ambitus docet Subsequentis *decimi* Colloquii ratio eo spectat, ut causa dilati Baptismi *Constantini*, quæ vulgo tradi solet, irrita reddatur. Nihil aliud ex mente Autoris vitæ *Constantini* in cau- Pag. 169.  
 fa fuisse perhibetur, quare actum hunc religiosum differre voluerit, quam desiderium in Jordane se ablundi, ex ritu Christianorum initiationis solenni. Sed causam istam, tanquam superstitioni patrocinantem, propter vanitatem, quæ a religioso Principe minime expectari debeat, explodendam prorsus esse, Autor noster judicat. Ut vero reliqua enarrationis, de Nicomediensi Baptismo susceptæ, verba manifestæ falsitatis convincantur, *Colloquium XI* huic labori dicavit Autor, ubi docet, propter paschalem festivitatem, a *Constantino* antea jam concelebratam, eum sacris Christianorum mysteriis initiatum fuisse, valde probabiliter concludi. Nec attentionem ullam Autorem vitæ *Constantini* amplius mereri putat, cum leges historię migraverit, ac ne primarias quidem res circumstantes, minime omittendas, verbi gratia, de persona, rem faciente sacram, loco, & tempore, attigerit, quod tamen negligere in tam gravi negotio, insulsum recte æstimetur. Id vero, ex nostra sententia, plene comprobare non potest, vel Autoris causæ saltem tenebras offundit, quod testimonium *Gelasii*, superiori loco jam excitatum, data opera, in Conciliorum editionibus, cum toto *Gelasii Libro tertio* omissum scribat, licet *Photius* in Bibliotheca ad illud provocare non erubescat, & Jordanis aquas *Constantinum* desiderasse, inde confirmet. Nec minus causam suam Autor prodere videtur, quod *Schotti* 185.  
 approbat sententiam, qui, *hanc*, scribit, *fuisse rationem omissi Gelasii libri, quia Eusebii errorem, a multis pridem Græcis Latinisque scriptoribus refutatum, hic Gelasius secutus sit.* Sed quomodo *Gelasius* errorem sequi poterat, qui accurato criterio (conf. pag. 94.) aliorum Autorum scripta excussit, certa

- ab incertis separavit, quin & Apostolico decreto omnia mu-  
 Pag. 203. nivit? Sed ejusmodi tricus & litigiis lubens se expedit Noster,  
 & ad XII properat *Colloquium*, ubi de confidis mendaciis,  
 quibus Autor V. C. narrationem suam claudit, agit. Expli-  
 cat ibi, quæ *Constantinus* post peractum lavacrum sacrum ani-  
 mo consilia conceperit, quamque ex Sacramento extremæ  
 unctionis, quo refectus fuerit, ad sedes cœlestes abiturus,  
 lætitiâ prodiderit. Male ipsum inprimis habet, quod minus  
 ample descripserit Autor V. C. peractam sacram cerimoniam,  
 209. in quo voluisse eum *Arianam* prodere mentem judicat. Mul-  
 ta hic interferuntur de consuetudine, qua purioribus addi-  
 ti sacris doctores ex hæresi *Arii* conversos in societatem  
 suam receperint. Litem postea devolvit ad testimonium  
 trecentorum Patrum Ariminensium, pro confirmando Nico-  
 226. mediensi baptismo adductum. Sequitur hic Noster *Baronium*,  
 & depravatum Epistolæ textum contendit, ex qua documen-  
 tum istud promitur, ubi pro *Constantino* legi debeat *Constans*,  
 quod satis fuscè declaratur, num satis etiam solide, ipse vi-  
 248. derit. Excipit peractum hunc laborem in *Colloquio XIV* &  
 259. *XV* testimonium Martyrum *Joviani* & *Herculiani*, itemque  
*Hieronymi*, pro Baptismo Nicomediensi prolatum, quod ve-  
 ro utrumque falsum esse contenditur, atque ex mutilis quasi  
 281. & interpolatis monimentis repetitum perhibetur. *Ultimum*  
 denique *Colloquium*, baptismum controversum, secundum  
 veras theologicæ criseos regulas examinatum, non nisi in-  
 ane sigmentum esse, demonstrat. Quod de ultima hujus  
 Operis parte ingenue est dicendum, illud in reliquis etiam  
 convenit. Autorem nimirum nostrum omnem operam  
 atque studium, quantum fieri modo potuit, contulisse in  
 rem suam confirmandam, & in contrariam sententiam de-  
 struendam, ita, ut vix invenias quidquam, quod ab ipso  
 sit neglectum. Singulari etiam humanitate utitur, nec in ut-  
 lum alium, nisi in spurium, ut loquitur, Autorem V. C.  
 acerbiora pronuntiat verba. Ceterum a cœtus sui scripto-  
 ribus, principibus modo exceptis, *Baronio* & *Bellarmino*,  
 æque facile secessionem facit, ac ab Evangelici nostri cœtus  
 Auto-

Autoribus, ut, partibus nihil ipsum dare, dicere nobis vere liceat. De altera hujus Operis Parte, nuper demum edita, qua verus atque unicus *Constantini M.* baptismus Romanus ex nonnullis æri incisís monumentis, & numismatibus, probatur, proxime dicemus.

DISSERTAZIONE CONTRO I FATALISTI, &c.

hoc est,

**DISSERTATIO CONTRA EOS, QUI FATUM absolutum fingunt, Autore P. F. THOMA VINCENTIO MONIGLIA, Ordinis Prædicatorum Socio, S. S. Theologiæ Doctore, & Historiæ Ecclesiasticæ publico in Academia Pisana Professore.**

Luccæ, apud Philippum Polloni, librarium Pisenum, 1744, 8.

Alph. 1 plag. 8.

**R**ectissime statuit S. Rev. hujus Dissertationis Autor, libertate hominum sublata, neque religionem, neque prudentiam moralem, neque societates hominum, amplius stare posse. Cumque aliquando ex cathedra Academica de præstantia religionis Christianæ verba faceret, quorundam simul scriptorum, qui prima religionis principia, fatum absolutum esse defendendo, impugnant, somnia discussit. Exinde hæc ipsa lucubratio enata est, cum, antequam revelatæ religionis defensionem contra empiricos in se susciperet, libertatem primo hominis defendere, secum constituisset. Præmisit autem huic Dissertationi translationem, qua religionis origines investigat. Examinat primo eorum sententiam, qui, integras gentes omni religionis sensu carere, asseverant. Si hoc vel maxime verum esset, nihil tamen ad deprimendam religionis præstantiam exinde elici posse, docet, cum barbaræ quædam & incultæ gentes non comparari queant cum quamplurimis aliis moratioribus, quibus religio curæ semper cordique fuit. Insuper, totam eam rem incertis atque vanis itinerariorum narrationibus inniti, & multo certius contrarium

Pag. 51

- comprobari posse, adducto insigni testimoniorum numero confirmat. Ex antiquis Philosophis *Epicurum* religionem ex animis hominum tollere, atque atheismum introducere studuisse, observat. Invehitur in *Lucretium*, qui istius hominis deliria summis plaufibus excepit, & carmine celebravit. Totum quoque *Epicuri* systema egregie convellit, & absurda, inde existentia, detegit. Neque etiam certos quosdam homines unquam fuisse, qui omnem de Deo sensum & reverentiam ejurarint, pronuntiat. Exempli loco famosos admodum atheismi defensores, *Benedictum de Spinoza*, *Hobbesum*, multosque alios, adducit, qui, quamvis ab initio omnem Dei timorem & cultum exuere laborarint, adeo tamen meticulosi fuerunt, ut & omnem solitudinem præ timore fugerent, & postea, in alterum prolapsi extremum, superstitioni evaderent.
- 29 seq. Sententiam eorum, qui, religionem ideo esse excogitaram, somniant, ut cives hoc tanquam frano in fide & obedientia retinerentur, confutat, & false ridet. Civitatem, ex meris atheis constantem, consistere non posse, contendit. Originem vero religionis atque notitiæ de Deo ex tribus fontibus, ratione nimirum, traditione, & divina revelatione, derivandam esse, monstrat. Ipsa Dissertatio in duas Partes abit. In priori Parte nonnulla, ad historiam errorum, quos confutat, pertinentia, proponit. Illustris *Leibnitii* placita examinat. Libertatem homini inesse, per experientiam comprobare annitur. *Collini* quoque, aliorumque adversariorum, dubia discutit. In Parte posteriori *Hobbesum* & *Spinozam*, necessitatis absolutæ defensores, refellit. Doctrinam moralem quomodo isti homines proponant, docet. Sententiam *Collini*, Deum, angelos, & beatos cœlites, libertate destitui, dictantis, examinat. De libertate bestiarum disputat, tandemque de *Thoma Aquinatis* circa libertatem sententia judicat. De his igitur doctrinæ istius capitibus quid attulerit S. Rev. Autor, nunc more nostro exponemus. Manichæi, alique priorum Seculorum hæresiarchæ, an libertatem hominum prorsus negarint, certo constitui posse, negat. Laudat hac occasione Cl. *Beausébris* Historiam Manichæismi, multa tamen in eo libro simul repre-

reprehendit, quæ si abessent, eum præstantissimis accensendum esse scriptis, profitetur. Ex antiquis Poetis nonnullos fatum finxisse, cui vel ipsemet *Jupiter* obnoxius sit, pronuntiat, quamvis & alios, sigillatim *Homerum* & *Virgilium*, *Jovem* fati esse superiorem, credidisse, loci eorum adducti comprobent. *Democritum Abderitam* fatum absolutum finxisse, ex *Cicerone* ostendit. *Epicuri* quoque placita fatum inducere, monstrat. Stoicos, eorumque fere principem, *Chrysippum*, fatum absolutum & inevitabile confinxisse, locus *Gellii* adductus evincit. Hanc ipsam vero de Stoicorum fato narrationem ex *Balii Dictionario* voc. *Chrysippus* se hausisse, fatetur. S. *Augustinum* a labe fatalissimi, ipsi a *Balio* impacta, defendere quovis modo studet. Eum nimirum contra Pelagianos docuisse, gratiam Spiritus S. esse necessariam, neutiquam vero necessitantem, contendit. *Balium* hac occasione admodum perstringit, & ex novis literariis sua eum corrasisse, neutiquam ipsum *Augustinum* inspexisse, queritur. *Abalarthus* quondam statuit, Deum non posse producere aliud, quam quod optimum ipsi videatur. Hanc vero sententiam, quæ omnipotentia divinitæ ex mente S. Rev. Autoris limites ponit, doctrinæ & placitis Ecclesiæ esse contrariam, & Ill. *Leibnitium* nimis facilem ad eam defendendam fuisse, contendit. Omnes, qui Spiritus negant, libertatem simul tollere, demonstrat. *Balium* sententiam suam de libertate hominis non satis prodere, & vix consistui posse, quidnam hac de re senserit, observat. *Lockii* opinionem, quam in libro de *Intellectu humano* exposuit, non sine laudis præfamine adducit, & inde eorum, qui spiritus negant, deliria, egregie confutari posse, docet. Is nempe, potentiam activam. atque principium motus, in nullis corporibus esse, quippe quæ non nisi alia externa quadam causa accedente moveantur, monstrat. Nos contra, uti experientia docet, principium motus in nobismet ipsis deprehendere, inculcat. Hominem liberum idem describit per talenti, qui potentia cogitandi & non cogitandi, movendi se, aut non movendi, gaudet. Quodsi vero quis non potest facere illud, quod voluntas appetit, eum libertate destitui, dicen-

P. I  
pag. 4.  
7.  
8.  
15.  
20.  
30.

37.  
41.  
42.

- dum esse, docet. Unde, libertatem esse non posse, ubi facultas cogitandi & appetendi deest, concludit. In subsequen-  
 47. tibus tamen *Lockium*, libertatem voluntati adscribendam esse  
 62. negantem, confutat. Definitionem libertatis, ab eo allatam,  
 68. examinat. *Lockium* ab initio statuisse, voluntatem semper il-  
 lud, quod optimum videtur, appetere, postea vero sententiam  
 mutasse, & bonum aliquod a voluntate non appeti, nisi ejus  
 76. privatio atque desiderium accedat, credidisse, monet. *Col-  
 lini* librum, qui inscribitur *Disquisitiones philosophicae*, omnem  
 religionem revelatam tollere, & libertatem penitus negare,  
 81. asseverat. Ill. *Leibnitii* deinceps placita, de principio con-  
 tradictionis, ratione sufficiente, & harmonia præstabilita, fu-  
 se edisserit. Neutiquam vero S. Rev. Autori hæc *Leibnitii*  
 de harmonia præstabilita opinio arridet, quam ideo enervare  
 & confutare omni modo laborat. Non autem tam argu-  
 mentis, quam exemplis, pugnat. *Cæsarem, Pompejum*, alios-  
 que heroes, in scenam producit, neque sibi persuadere potest,  
 101. eorum actiones omnes ex puro corporis mechanismo proflu-  
 xisse, huncque cum anima eorum ita semper consensisse. Im-  
 mo, *Tigellium* illum cantorem, cujus inconstantiam animi  
 admodum lepide pingit Satira Venusina, in partes suas trahi,  
 neque in hominibus, quorum cogitationes & desideria tanto-  
 pere inter se pugnent, harmoniæ præstabilitæ locum esse pos-  
 103. se, credit. Nostrum non est, his de controversiis jam ferre  
 judicium, quamvis neutiquam dubitemus, haud pauca de-  
 fensoribus istius sententiæ in promptu futura, quibus hæc en-  
 nervari possint. *Balii* quoque objectiones adducit, & quæ  
 105. contra *Leibnitium* disputavit, per omnia probat. Idealistam  
 & Pyrrhonistam Philosophum illum vocat. Ejusque doctri-  
 nam subtilem quidem & arduam, non autem captu facilem,  
 110. esse, pronuntiat. Libertatem tollere ejus placita, asseverat  
 eo, quod statuerit, voluntatem illud debere necessario ap-  
 115. petere, ad quod per rationis dictamen adigatur. Contra ra-  
 tionis sufficientis principium monet, animam non esse machi-  
 nam spiritualem, ad leges inevitabilis necessitatis in omnibus,  
 117. quæ cogitet, adstrictam. Propriam dein circa unionem animæ  
 & cor-

& corporis sententiam expromit. Animam videlicet, tanquam partem hominis superiorem, dominii in corpus capacem statuit. Unde corpus, singulasque ejus partes, dictantur animæ obedire teneri, inculcat. Immo, corpus occasionem præbere posse Deo, ut perceptiones & ideas suscitet, dicitur. Hanc Pag. 123. interim sententiam non prorsus suam facit, sed duntaxat, eam ceteris magis esse probabilem, constituit. Ad systema influxus physici adoptandum ipse pronus est. Influxum vero illum ex anima in corpus, non ex corpore in animam, procedere, dicitur, eamque sententiam fuisse in sequentibus probare satagit. *Leibnitium* suum de harmonia præstabilita 124 seq. sententiam non serio, sed per jocum, prodidisse, ex literis, ab ipsomet conscriptis, ostendere annuitur. Ad *Collini Disquisitiones philosophicas de libertate hominis* postea descendit. Profitetur quidem ille scriptor in Præfatione, operi præmissa, sententiam suam principiis doctrinæ moralis neutiquam adversari. Urget, omnia, quæ fundamentis societatum civilium repugnent, falsissima esse. Cum autem *Collinus* statuatur, actiones hominum a causis præcedentibus ita definiri, ut non possibile sit, ut actio non fuisset, aut aliter perpetrata fuisset, eum necessitatem, si non physicam, moralem tamen, introducere, S. Rev. Autor suæ hæsitacione affirmat. Concedit, voluntatem non posse non felicitatem atque bonum appetere. In rebus autem mixtis, id est, ubi commodum cum incommodo conjunctum est, voluntatem indifferentem, & prorsus liberam, esse, contendit. Ad bonum & felicitatem puram consequendam, voluntatem non impulsu quodam violento cogi, sed libere in illam ferri, pronuntiat. Experientiam inprimis contra *Collinum* militare, & prorsus indefinitam libertatem voluntati vindicare, contendit, illamque rem, adducto insigni exemplorum numero, confirmare studet. *Newtonum* quoque & *Burnetum*, secum consentientes, adducit. *Collinus*, libertatem per experientiam negaturus, ad quatuor classes operationes mentis reduxit. Primo loco ponit perceptiones idearum, secundo judicium de quibuscunque propositionibus, tertio voluntatem, et quarto vim peragendi 138. 140. 143 seq. 167.

- peragendi illud, quod voluntas dicitur. Minus autem accurate eum ita dixisse, & ultimum, quod posuit, pro peculiari facultate perperam venditari, cum illa vis unice a voluntate pendeat, S. Rev. Autor monet. *Samuelem Clarckium* insuper adducit. Qui cum istius hominis placita confutaret, eum obscuritatis & fraudis reum postulavit, cum per voluntatem ultimum rationis dictamen atque iudicium intellexerit. Neque vim percipiendi ideas, neque vim iudicandi, neque intellectum, quatenus in cognoscendis rebus consistit, agentia dici posse, quibus tamen solis libertas adscribi possit, idem *Clarkius* docuit. Differentiam suæ opinionis ab *Epicuri* doctrina S. Rev. Autor monstrat, & perperam ab adversariis hanc labem suæ sententiæ adspersi, docet. *Leibnitii* principium, de impossibilitate indiscernibilem, impugnare & convellere satagit, & negari non posse, asseverat, quamplurimos existere casus, ubi, si duo nobis proponantur eligenda, quorum neutrum præstantius est altero, voluntas liberrime alterutrum eligit.
231. *Hobbesium* libertatem negasse ex principio (uti S. Rev. Autor vocat) sufficientiæ, eumque hoc pacto *Leibnitio* prævisse, sibi persuadet. Dixit *Hobbesius*, posita ratione sufficiente, effectum sequi necessario debere. At vero, fallaciam & petitionem principii hic subesse, S. Rev. Autor urget, cum quidem, admissa ratione iusta, effectus sequi possit, non autem sequi debeat. Eundem *Hobbesium* fundamenti loco ponere, actiones hominum a causis necessariis pendere, id quod tamen multis adhuc dubiis involutum est, & quod dissentientes constanter negant & pernegant, observat. Facile quidem concedit, rationem sufficientem non esse impeditam, verum, hoc rem non conficere, nec exinde sequi, talem rationem ideo necessariam esse, monet. Fusius dein *Hobbesii*, nec non *Spinoza*, placita exponit, & *Harvisii*, Angli, confutationem, quam per omnia probat, adstruit. Libertatem, quæ in arbitrio atque electione diversarum actionum ponitur, ad atheismum ducere, & a nullo, nisi qui *Epicuri* prober somnia, credi posse, dixerat *Collinus*. Hunc vero confutaturus S. Rev. Autor, ad experientiam, pariter, atque doctrinam moralem, provocat.
- Quod



Quod ad hanc attinet, inter omnes constare ponit, præmia atque pœnas fundamenta omnis societatis civilis constituere. Sublata autem inter actiones electione, neutri locum amplius esse, inculcat. Dixerat quidem, huic dubio obviam iturus, *Spinoza*, & cum eo *Collinus*, pœnas ideo introductas esse, ut membrum putridum a societate aut rescindatur, aut salutari pœnæ metu corrigatur, atque ab aliis delictis abstrahatur. Hoc autem concessio, nihilo secius pœnas negari, atque duntaxat futura delicta coerceri, S. Rev. Autor judicat. Immo, Pag. 44. hoc posito, pœnas & præmia aternitatis cogitari non posse, cum in altera vita neque correctioni locus sit futurus, neque facinorosi metuendi sint, ostendit. Iussit *Collinus*, dicens, 458. multo majora & plura scelera esse futura, nisi voluntas hominum ad præmia amplectenda, & ad pœnas metuendas, esset condita. At vero S. Rev. Autor præclare monet, hoc nihil contra libertatem facere, cum sæpissime aliquid nobis bonum videatur, quod re vera malum sit. Bonum, sive verum, sive apparens, nunquam aliquis averfabitur. Facinorosi ergo transgressionem legum tanquam bonum considerant, neque pœnas secuturas esse, semper certo credunt. Ex quo facile fuit, eos a scelerum perpetratione nulla necessitate abstrahi, neque ad pœnas reformidandas adigi. Imo, ex sententia adversariorum, omnia facinora necessitate quadam invincibili esse perpetranda, graviter S. Rev. Autor monet. Libertate admissa, nullam distinctionem inter virtutem & vicia remanere, neque hominem amplius agens morale tunc dici posse, *Collinus* audacter tradidit. Bonum nempe & felicitatem, cum virtute conjunctam, & contra malum, vicia comitans, causas motrices ad virtutem amplectendam constituere, dicitur. Verum, sibi non constare eum, & ex propriis verbis confutari posse, cum ipsemet in sequentibus profiteatur, homines sæpissime malum tanquam bonum considerare, S. Rev. Autor observat. Ex *Collini* etiam principio effici, operationes animæ physicas esse, & eadem mechanica necessitate, qua v. c. sanguis in corpore fluit, & per venas sese diffundit, & opera laude digna, & scelera, peragi, idem evidentissime demonstrat. Deum hoc pacto autorem pec-

- Pag. 63. catorum dici, ostendit. Angelos bonos, & beatos cœlites, jam libertatem peccandi amisisse quidem concedit, his tamen, cum in vita adhuc essent constituti, eam denegari haud potuisse, contra adversarium monet. Libertatem cum præscientia Dei non pugnare, docet, eamque rem dictis Biblicis quoque confirmat. *Paulum* Apostolum a labe Stoicisismi, quam ipsi
71. *Dodwellus* impegerat, defendit. Bruta esse agentia necessaria, & tamen per castigationes & pœnas ad illud adigi, quod volumus, *Collinus* constituit, ex eoque conclusit, etiam demta libertate præmiis & pœnis inter homines locum esse. At vero adversarius aut concedere debet, verum, esse, quod *Cartesius* dixit, bestias non nisi machinas, secundum leges motus agentes, esse, & hoc pacto, uti S. Rev. Autor recte pronuntiat, maxima erit eas inter & homines differentia; aut, si illud negat, prout præstantissimi Philosophi jam fecerunt, secundum leges mechanicas brutorum actiones non erunt æstimandæ. Insuper, perperam & non sine temeritate bestias hic cum hominibus comparari, S. Rev. Autor decernit, cum earum natura neutiquam adhuc satis sit cognita. Varias inde variorum de natura brutorum sententias adstruit, ex quibus liquet, *Cartesium* suam hac de re sententiam non primum excogitasse, verum eam ex *Gomesii Pereira* libro, qui inscribitur *Margarita Antoniana*, hausisse. Inter quamplurimos autem Philosophos, qui hoc argumentum tractant, optimam fere rationem iniisse *Lockium*, S. Rev. Autor profitetur, cujus
129. seq. sententiam & fuse asserit, & sollicitè examinat, propriam opinionem non sine maxima in cogitando peritia & acumine expromens. Constituit nempe, bruta animantia cum infantibus tenellis non inepte comparari, sponte quidem ea agere, non autem *cum ratione*, quod tamen libertatis humanæ præcipuum sit attributum. Cum ratione autem agere, ipsi est, objecta, ex bono & malo mixta, dijudicare, & quod optimum est, eligere; quam facultatem brutis inesse. S. Rev.
162. 166. seq. Autor constanter pernegat. Ad Scholasticorum tandem, & præcipue *Thomæ Aquinatis*, placita descendens hosce homines iusto acrius quibusdam scriptoribus vapulare, contendit,

vario-

variorum etiam de *Thoma Aquinate* judicia apponit. *Thomam* Pag. 219.  
 igitur illum statuisse, Deum esse liberrimum, & in ejus arbi- 221.  
 trio fuisse, an voluerit hanc, vel aliam, rem producere, S. Rev.  
 Autor observat. Deum enim esse perfectissimum, & nihil  
 ei perfectionis ex aliis rebus accrescere, adeoque extra se  
 constituta eum non ex absoluta necessitate velle; Doctor iste  
 angelicus dicitavit. His omnibus calculum suum S. Rev. 224.  
 Autor adjicit, hunc ipsum mundum non esse ex omni-  
 bus mundis, qui cogitari possunt, optimum, atque Deum,  
 si quidem ei placuisset, meliorem creare potuisse, fusc de-  
 monstrans. Deum, pro infinita, qua pollet, potentia, va-  
 rios ordines & causas rerum constituisse, quarum alie ne-  
 cessariae sint, alie liberae, dixerat *Thomas*. Omnipotentia hae  
 requirit, ut non solum fiat omne, quod Deus vult, verum ut  
 etiam ita fiat, prouti vult. Cum igitur Deus ab omni coa-  
 ctione immunis sit, potuisse eum hujus perfectionis participes  
 reddere creaturas, urget. Vere autem homines hoc dono  
 gaudere, pro certo sumit. Multus adhuc est in laudandis &  
 recensendis *Thomae* placitis, quibus nos, ne justo longior eva- 239.  
 dat nostra recensio, non immorabimur.

**EMANUELIS SWEDENBORGII, S. R. M. RE-**  
*gnique Sueciae Collegii Metallici Assessoris, Regnum ani-*  
*male, anatomice, physice, & philosophice, perlustratum;*  
*cujus Pars prima de visceribus abdominis, seu de or-*  
*ganis regionis inferioris, agit, Pars secunda de vi-*  
*sceribus thoracis, seu de organis regionis supe-*  
*rioris, agit.*

Hagæ Comitum, apud Adrian. Blyvenburgium, 1744; 4.

P. I Alph. 2 plag. 9½, P. II Alph. 1 plag. 13.

**S**eptem anni sunt, quod liber: *Oeconomia regni animalis,*  
*in transactiones divisa,* inscriptus, apparuit. Qui, quam-  
 vis nomen Autoris additum non esset, facile tamen cogno-  
 sceretur non posse, nisi a *Swedenborgio*, provenire, quod  
 scilicet ex Latina dictione, sed imprimis ex philosophandi

ratione, apparebat. Jamque in Prologo hujus libri ipse se *Oeconomiae* Autorem nominat; quod si propter hoc fecit, quod, ne sibi alius aliquis ejus libri gloriam tribueret, metuebatur, poterat id secure omittere. Magis ipsi gloriae cedit hoc, quod, se *Oeconomiae* filum abruptisse, fatetur, propterea, quia iusto festinantis, ut ait, & citius gradum ad propositam metam contulerit. Atque vellemus, quæ in hoc libro proposita sunt, Autor aliquanto clarius pertractasset, nisi fortassis ex eorum numero est, qui, cum demum virum doctum esse, existimant, in cujus scriptis intelligendis se lectores frustra fatigant. Ex duabus ad veritatem perveniendi viis eam *Swedenborgius* ingressus est, quam Græci ἀνάλυσιν vocant, quamque solam ait terrigenis apertam esse videri, cum, quæ σύνθεσις nominatur, entibus & potentiis superioribus modo, ut Autor vocat, spiritibus, angelis, ipsique omniscienti Numini, pateat. Atque in hoc hic ipse liber ab *Oeconomia* non differt. Quæ in *prima Parte* proposita sunt, *Swedenborgius sedecim Libris* comprehendit, quæ in *secunda, septem*. In singulis *Capitulis* ita processit, ut primum de singularum partium fabrica plurium doctorum virorum observationes atque experimenta, longo sermone, & ipsis Autorum verbis servatis, proponeret, deinde vero Analysin subjiceret, quæ nihil aliud est, quam usum muniumve partis cujusvis expositio, cui plures, sed parum ad rem facientes, annotationes subjectæ sunt. Ex viris doctis autem per omnia *Heisterum*, atque *Wisslovium*, in pluribus *Barbaavium*, atque *Malpighium*, in nonnullis *Morgagnum*, & paucos alios, secutus est. Quorum virorum etsi tanta autoritas est, ut propter eorum delectum vituperari *Swedenborgius* permultum non possit, tamen de hoc excusari non potest, quod, qui de singulis partibus corporis humani exposuerunt, non ubique consuluit, atque ad *Bidloï*, similesque, parum accuratas, aliorum icones provocavit. Neque sine magno lectorum dispendio factum est, ut integra loca horum Autorum proferret, qui cum in aliis idem dixerint, in aliis diversa senserint, satius fuisset, illa contrahere, ex his illa tantum proponere, quæ propius a vero abesse videbantur,

bantur, quam lectorum judicio relinquere. Hæc de toto Opere in universum sufficiant. Jam, si non singula, saltem aliquot *Capita*, lustremus. *Primum* de Lingua est, cujus descriptionem ex *Heistero*, *Winstovio*, *Malpighio*, & *Barbazzio*, Autor repetiit, iisque ex *Swammerdamo* quædam de interiorum linguis subjunxit. Tria autem propria esse linguæ munera dicit: primum sugere, sorbere, potare, & comedere, vel alimēta recipere, & deglutire, alterum sentire & sapere, tertium loqui. Cetera derivativa esse dicit, ut *spuendi*, *evomendi*, *sibilandi*, *inslandi* *buccinas*, cet. A potentia enim comedendi, bibendi, atque loquendi, principaliter pullulare ait. Neque ex lingua salivalem humorem provenire, qui cibis admisceatur. Ab his Autor ad musculorum linguæ expositionem progreditur, ubi & Græcæ linguæ & Anatomies scientiam egregie probat hoc, quod, cerato- & basioglossum a nonnullis in mylo- & chondroglossum dividi, scribit. Ex nervis deinde quinto pari sentiendi, nono movendi facultas, adscribitur, & qui ab octavo pari proveniunt, dicuntur a primis lactisugis linguam informare, quomodo alimēta recipiet, circumager, devolvēt, & ventriculo committer, nempe propter hanc evidentissimam causam, quia ex cerebello effluunt. Ut, quantum *Swedenborgius* ceteros Physiologos antecellat, ex his evidenter apparet; sic idem, & quanta sit ipsius anatomica scientia, demonstrat hoc, quod, quis primi secundique ordinis papillas *Winstovius* vocat, non solum glandulas facit, quod aliquo modo concedi posset, verum etiam pariter ac foramen cæcum non excernendo salivali humori, sed eidem æque ac succis ciborum solutis absorbendis hauriendisque, destinatas esse, pronuntiat. In *secundo Capite* de labris, ore, palato, & glandulis salivalibus, agitur, quo loco leve esse videtur hoc, quod, præter *platyima-myodes*, & *di-gastricum* musculus, nullum alium novit, qui *maxillam* a mala diducat, quodque inter eos, qui illam ad hanc apprimunt, *masseterem* non numerat. Non contentenda tamen sunt, quæ deinde de linguæ usu inter potandum profert; quem vero usum papillis glandulique manifesto in lingua

Pag. 26

seq.

29.

32.

33 seq.

61.

63.

68.

- conspicuis adscriptis, scilicet, subtiliores ex cibis solutis succos forbere, ac bibere, eundem etiam guttur palatumque habere, ait, propterea, quod glandulæ lenticulares, sicut in lingua adsint, non e subjectis glandulis emissæ, sed emissaria, seu tubulos versus interiora ablegantes. Neque aliter in universum de stomachi, ventriculi, ac intestinorum, glandulis, vasculisque, in hæc cava loca hiantibus, sentit, quasi vero ipsi, tot Dissectorum experimentis spretis, usum, immo structuram, partium pro lubitu mutare liceret. Sequitur in *tertio Capite* de pharynge, œsophago, & eorum glandulis, tractatio. In qua memorabilia hæc sunt, quæ de successione motuum in lingua, palato, faucibus, & stomacho in deglutitione, ab influxu nervearum fibrarum procedente, de salivali humore, ex glandulis thyreoidea, bronchialibus, jugularibus, occipitalibus, cervicalibus, proveniente, atque a stomacho attracto, tum sigillatim de spiritibus, seu animalibus nobilioribus essentiis, a ventriculo attractis, quibus saliva demum vivificetur, ut potis sit intimas edulium partes involverè, & per insensiles poros in sanguinem traducere, atque de motibus alternis respiratoriis pulmonum, ventriculo, appensisque ceteris visceribus, per œsophagum impressis, proposita sunt, ut qui tanquam axis homodromus cum suis loris & succulis sit, qui hanc rotam in pulmonum vices excitet, verset, & circumducat.
- 83 seq. In *quarto* deinde *Capite*, in quo de ventriculo tantum, & ejus orificiis, exponitur, de chylo tamen quædam, ex *Leeuwenbachio* exscripta, apposuit. Utque spissioris in faucibus reperiundi succi, (mucum appellant,) ejusque in deglutitione utilitatis, mentionem nullam fecit; sic quoque gastricum succum neglexit.
104. Multa contra, nobis parum intellecta, de forma spirali disputat, actionemque fibrarum ventriculi in gyrum fieri contendit, qui, a superiore orificio orsus, in inferiore desinat, & alterno respiratorio pulmonum motui synchronus sit. Cumque superiore aliquo loco monuerimus, *Swedenborgium* existimare, tunicam interiorum ventriculi non tam emittere succos, quam
- 112 seq. potius fugere, ipsa Autoris de hac re verba apponamus: Purissima & summe decantata immediate in cerebrum & cerebellum, inque

inque ipsas eorum substantias, subtile organicas, ablegat. Quæ illis puritate succedunt, directe in venas & sanguinem; quæ his iterum, in tunicam cellulosam, & ab hac vel in vasa capillaria, vel in lymphatica, & his mediis in cystemam chyli, residua ejusdem tunicæ reposcere & ruminare videntur. Minus autem defacata adhuc castiganda, per expositam viam sanguineam in hepar. Neque ab his multum abludunt, quæ in *Capite quinto*, in quo de intestinis primum in universum, Pag. 114. deinde singulis, agitur, de chyli motione ad vasa lactea aliaque proferuntur, quam videtur *Swedenborgius*, neque adeo 148. male, existimare, per valvulas intestinorum dirigi. Ex appendice autem vermiformi, plicis coli undosis inungendis & lubricandis, ac præcipue macerandis facibus, idoneum liquidum emanat, quod tamen superfluum peritonæi, & viscerum abdominis, esse, vehementer dubitamus. Plura, ut verum fateamur, segmenta in proxima de mesenterio, vasisque lacteis, tractatione occurrunt, qualia sunt, de vasis lacteis pulmonum, 149. lienis, hepatis, peritonæi, de vasis lacteis intestinorum, non in villosa, verum in cellulosa, eorum tunica finem habentibus, 163 seq. de viribus, per quas in cellulosam tunicam attractus chylus in vasa lactea urgeatur, inter quas glandulæ mesenterii referuntur, quæ se instar folium contrahant ac elevent, chylumque hac ratione alliciant. Porro de sede receptaculi chyli in centro totius trunci, de singulis fibris. ubicunque vadant, anum, 166. seu ipsas affectiones, sui parentis cerebri, vel cerebelli, secum portantibus, aliaque. Occurrunt etiam non pauca in 170. *septimo Capite*, quod de ductu thoracico est, atque in *octavo*, in quo de glandulis in genere exponitur. Earumque duo 196. summa genera admittit, conglobatas, quas Autor electissimam lympham excipere, perque sua cola, suos foros, & folliculos, diffundere, mox diffusam colligere, & per similis textus vasa ad alvearia transmittere, dicit, & conglomeratas; quæ 198. totidem perfectissimæ operarum chymicarum ideæ, & quasi laboratoriorum exemplâ, esse dicuntur, dividunturque in generales, specificas, & particulares. Quadruplicis naturæ 201. fibris dicuntur constare, fibra cerebri, seu nervea, corporis, seu arteria

- arteria & vena, fibra motrice, ex hac utraque constante, & Pag. 204. fibra glandulæ conglomeratæ, ex grandinibus & acinibus ejus enixa, hæcque cerebri exemplo illustratur. Sed nolumus Lectorem his nugis amplius recensendis morari. Quare reliquorum *Capitum* contenta breviter tantum indicabimus. *Nonum* igitur de hepate, & vesica felle, est, ubi *Bianchiani* operis & *Morgagnii* Epistolarum pariter ac *Ferreniani* inventi 222. seq. ne verbo quidem mentionem fecit. Multa contra futilia de jam diu feliciter explosis operationibus corporis chymicis, tanquam de re nova, proposuit, bilemque ex chylo crudo, 229. sanguineque impuro, in hepate parari, contendit. In *decimo Capite* de pancreate agitur, in *undecimo* de liene, quod viscus 286. dicitur omnem susceptum sanguinem arteriosum in transtra sua cellulosa effundere, ibique versare ac subigere, cujus deinde partem venæ per multiformes aditus absorbent, partem vasa lymphatica sibi vindicent, & partem fortassis ipsa cellulata compages in omentum ejiciat. Quæ si fortassis tolerari 289. possent, certe tamen non possunt ea, quæ deinde de immundioris sanguinis in liene præparatione &c. proponuntur. *Caput XII* de omento est, de cujus quadruplici usu melius, quam de ceteris, expositum esse videtur. *Caput XIII* renibus succenturiatis dicatum est; de quibus præ reliquis debuisset *Morgagnium* in Epistolis ad *Valsalvam* consulere. Ipse vero *Swedenborgius* mira quædam de hujus partis actione narrat, eamque circulum chylosi feri dicit per cellulatas tunicas peritonæi, & ejus viscerum, sicut cor embryonicum circulum sanguinis per vasa jugiter instaurare, ipsumque alumnum, & spiritu fecundum laticem, copulare sanguini, ac copulam in sanguinis gyrum remittere. De renibus ac ureteribus in *Capite XIV* exponitur. Quos cum urinam a sanguine per alternam 258. expansionem constrictionemque separare, & lentas damnosæque pituitas, & forte aliquam partem essetæ pinguedinis, a peritonæo educere, scribit, videtur nobis rem nulla ratione probandam proponere. Hanc tractationem in *Capite XV* illa de vesica urinaria excipit. In eaque multa primum de ordine partium corporis humani, ac nâsu earum, quæ in ventre sunt, in vesicam,



cam, modoque, quo urina quasi exprimitur, proponuntur, quæ fortassis admitti possent, saltem facilius, quam quæ Pag. 397.  
*Swedenborgius* de alterna vesicæ vibratione, ad varios usus, profert. Post hæc in *XVI Capite* de Peritonæo sic agitur, ut, quæ de eo a *Douglasse* scripta sint, Autor ignorasse videatur. Nolumus, vel non possumus potius, hic ea recensere, quæ initio hujus *Capitis* de universali & communi disputantur, pariter ac illa, quæ de peritonæo, tanquam communi vinculo membrorum abdominis, atque ultimo loco de circulatione ichoris per textum peritonæi cellulosum, exponuntur, ut quorum omnium sensum assequi nobis non licuit. Finem huic *primæ Parti* Epilogus imponit, in qua, summam munerum omnium abdominis viscerum, chylificationem, sanguificationem, ac repurgationem, esse, ostenditur. Ad *alteram Partem* progrediamur, cujus *primum Caput* de naso & uvula agit. De qua *Swedenborgius* vel propter hoc excusari non potest nihil eorum protulisse, quæ *Litterjusz* & *Valsalva* exposuerunt, quod *Brownii* tamen icones musculorum, easque ex *Mangeto*, & *Verbeyeni* illarum partium figuras, allegavit. Inter plures vero, quæ naribus utilitates adscribuntur, nova utique hæc est, a quinto pari ramum naribus datum fuisse, quo resciat animal, quid intro in pulmones conetur irrumpere; atque singulare est etiam hoc, nostræ ætatis Medicum contendere posse, nares etiam a cerebri medulla, cortice, & menyngibus, lymphas pituitosas abducere, ne de aliis, risu magis excipiendis, opinionibus dicamus, quas de narium æque ac uvulæ, quam a velo palatino, etsi minus accurate, distinguit, usu fovet. Laryngis & epiglottidis descriptio in *Capite II* sequitur. Ejusque sex usus esse etsi contendit, tamen parum clare exponit, neque, quid per glottidem intelligat, ullo loco declaravit, quin, eam potius pariter ac ipsam moventes musculos nunquam a *Swedenborgio* visos fuisse, colligere aliquis vel ex hoc posset, quod ab aliis musculis in rimam coartari ait, ab aliis in orbem, seu circum, expandi. Tolerabiliora esse videntur, quæ in *Capite III* de aspera arteria habet, si ea excipias, quæ de motibus alternis respiratoriis pulmonum partibus vicinis, &

412 seq.

7.

15.

19.

40.

43.

87.

- per has remotis, ab aspera arteria infusis, de eadem arteria, sanguinem arteriosum ad caput & cerebrum enitentem excitante, communique modificatione exhilarante & animante,
93. tumque in se ut in effigie representante, quomodo unumquodvis membrum hujus corporis, aut regni, non sibi soli, sed omnibus, vivat, exposuit. *Caput IV* de pulmonibus doctrinam continet, & *V* illam de pleura, mediastino, & pericardio. Et pleura quidem, si *Swedenborgio* credimus, miras utilitates præstat hoc, quod respiratorios motus, ut vocat, ad musculos pectoris, ad cor, arterias, venasque, ad peritonæum, ad medullam spinalem, &c. transfert. Quo vero amplior de pleura tractatio est, eo angustiores limites illa de mediastino & pericardio habet. Ultimis duobus locis de thymo ac diaphragmate agitur. Atque in illius usu inveniendi omnes Physiologos adhuc frustra laborasse pudeat, cum felix *Swedenborgii* ingenium facile & unctuosum humorem thymi, & per quas ille vias in mediastini cava, cordis parenchyma, stomachum, asperam arteriam, pectoris cavum, &c. depluat, inveni-  
 224 seq. nit. Præter hæc dicitur quinque peculiares in partibus usus habere; quos amplius hoc loco non recensemus, pariter ac quæ de diaphragmate, tanquam communissimo ligamento, & medio uniente omnium totius corporis membrorum, &  
 237 seq. tanquam communi directorio & medio uniente omnium eorum virium, motuum, munerum, & usuum, proferuntur. In Epilogo denique de mediatorio pulmonum inter animam & corpus munere, de via, quæ generi humano sciendi, & demum sapiendi, concessa sit, de facultate distincte cogitandi, ac de finibus, agitur, ob quos, inquit, cardines vitæ notæ ita inversi sint, ut postrema primas agerent, seu ut sensus corporei mentem suam magistram in scientias inaugurarent, & non ab initio, explicatis & excultis organis, acutissime, quid in re quaque verissimum sit, videremus. Et hæc quidem de somniis *Swedenborgianis* sufficiant.

## ASTRONOMIE NAUTIQUE, &amp;c.

id est,

ASTRO-

## ASTRONOMIA NAUTICA, SEU ELEMENTA

*Astronomiæ, pro Observatorio, tam fixo, quam mobili; Autore DE MAUPERTUIS.*

Parisiis, ex typographia Regia, 1743, 8 maj.

Plag. 9, cum Schematibus, textui insertis.

**I**nutile fere judicamus, indicare, libellum hunc singularem sibi apud eos, qui rebus mathematicis, præsertim astronomicis, favent, attentionem conciliare posse, cum ipse optimas suas literas commendatitias præ se ferat. Nomen enim Autoris in fronte gerit, qui jam tot egregiis inventis atque observationibus scientias, Geographiam inprimis & Astronomiam, ornavit & auxit, ut ab eo nihil nisi elegantissimum quodque sibi promittere liceat. Forsitan tamen haud omnes, qui solum ejus titulum norunt, justam de ipsius contentis ideam concipient. Errarent enim, si syllogen eorum, quæ in re nautica ex Astronomia petuntur, cum descriptione instrumentorum, methodorum observandi, & similibus, quæ a scriptoribus doctrinæ nauticæ vulgo exponi mos est, expectarent. Eum potius finem sibi proposuit Cel. Autor, ut varia nova exhiberet Problemata, quæ, ut Astronomiæ generatim inferviunt, ita præsertim in re nautica, pro variis circumstantiis, summo cum fructu in usum vocari possunt. Accommodatum est itaque opusculum usui utriusque Astronomi, tam stricte sic dicti, seu fixi, quam nauticæ; Astronomi mobilis. Utrique offeruntur varia atque nova subsidia, quorum ope partim observationes commodius instituuntur, partim ea, quæ ex observationibus resultant, majori cum rigore reperiuntur. Inprimis tamen nautis sunt longe utilissima, quorum ratio observandi vulgo & est admodum lubrica, & ita comparata, ut, levi obstaculo se offerente, nulli prorsus usui inservire queat; cum tamen plura alia adminicula adhiberi possint, quæ vel non minus exacte, quam facile, proposito satisfaciunt, vel, si non summum rigoris gradum admittant, deficientibus tamen exactioribus optimum in casu necessitatis erunt refugium, idque eo

magis, quod nullum fere apparatus sibi deposcant. Totum negotium absolvitur quadraginta Problematibus. Ad methodum quod attinet, Trigonometriam sphaericam, quam plerique executientes quasi ad Problemata astronomica solvenda applicant, plane non adhibere consultum duxit, atque omnia ex solius Geometriæ principiis derivavit, & formulis algebraicis eleganter complexus est, adeo ut, cum eadem methodus etiam ad alia Problemata sphaerica facile applicari queat, hoc respectu fere *Astronomiæ sphaericæ analytice expositæ* titulo præfens opusculum insignire liceat.

Priora quinque *Problemata* sistunt formulas canonicas, quæ in omnibus reliquis usu veniunt. Docetur nempe pro quinque his elementis, altitudine poli, sideris declinatione, altitudine, angulo horario, & azimuthali, omisso uno, invenire relationem inter quatuor reliqua. Si nempe, posito sinu toto  $= r$ , dicantur respective sinus & cosinus eorum:  $s, c; x, y; h, k; t, u; m, n$ ; habebuntur sequentes æquationes: 1)  $r r b - r a x = c y u$ ; 2)  $r r x + n c k = r s b$ ; 3)  $r n y t + r m c x = m s y u$ ; 4)  $r c b t + n s k t = r m k u$ ; 5)  $m k = y t$ . In *Problemate 6* ex dato tempore, quo sidus datum angulum absolvent videtur, invenitur declinatio; est enim, posita hujus chorda  $= a p, y = r p : t$ . *Probl. 7, 8*, ex altitudine poli, & declinatione sideris, quarum tangentes  $= S, X$ , præbet arcus semidiurni cosinum  $= S X : r$ ; & cosinum amplitudinis ortivæ, vel occidivæ,  $= r x : c$ . Ex formula priori datur refractio horizontalis; cum enim detur tempus, quo sol est actus in horizonte, & observari possit altitudo ejus apparens, addendo parallaxin relinquetur quæsitæ refractio. Ex posteriori definiri potest declinatio acus magneticæ. Hac occasione novum atque singulare prorsus *instrumentum azimuthale* pro observatorio fixo commendat Vir ingeniosissimus, ipsum nempe horizontem sensibilem; quod in gradus dividi posset, observando variarum stellarum, quarum declinationes constant, angulos horarios, unde per formulam canonicam tertiam darentur anguli azimuthales, adeoque ope telescopii, in plano verticali mobilis, hi gradus notari possent per objecta, horizontem terminantia.

Quo

Quo instrumento semel constructo, omnes observationes siderum absque altitudinibus mensurandis expediri possent per solum telescopium ac pendulum; cum ex angulo azimuthali & horario ipsæ altitudines computari queant. In *Problemate 10*, ex data altitudine poli, & declinatione sideris, quæritur, in quam altitudine hoc verticaliter ascendere, vel descendere, videatur. Patet, accidere hoc in eo puncto, ubi circulus diurnus tangitur a verticali, & angulus azimuthalis sit sui generis maximus. Si itaque formula canonica secunda differentietur, positis  $c, s, x$ , constantibus, & ponatur  $dn = 0$ , prodit sinus quæsitæ altitudinis  $= rs : x$ , & ipsius anguli azimuthalis cosinus  $= r \sqrt{(x^2 - s^2)} : c$ ; unde liquet, illud phænomenon competere non posse, nisi stellis inter polum & zenith trans-euntibus. Hoc *Problema* applicatur in sequenti ad definiendam refractionem. Cum enim eo momento, quo stella partem verticalis describit, refractione solam altitudinem afficiat, ipsumque momentum sit idem, ac si nulla adesset refractione; poterit, ex comparatione altitudinis veræ, per form. præc. computatæ, cum observata, ipsa quantitas refractionis elici. *Problematâ* tria sequentia versantur circa correctionem meridiei, per altitudines correspondentes determinatæ. Si nempe capiantur duæ altitudines solis ante & post meridiem æquales, medium intervalli temporis inter eas daret momentum meridiei, modo declinatio solis interea non mutaretur. Posito enim sole in signis ascendentibus, eo momento, quo post meridiem eandem haberet altitudinem, paulo propius ad zenith accessit, ideoque tardius, quam deberet, ad eandem altitudinem iterum pervenit. Contrarium accidit, si sit in descendentibus. Quare ab ipso medio intervalli priori casu aliquid demendum, posteriori ei quid addendum erit, ut habeatur vera meridies. Quod ut inveniatur, differentietur formula canonica prima, positis  $s, c, b$ , constantibus, & pro  $dy, du$ ; introducantur ipsi arculi meridiani  $dD$ , & æquatoris  $dE$ , & (posita tangente anguli horarii  $= T$ ) prodit  $dE = (S : t - X : T) dD$ . Hinc vice versa data differentia ista temporis  $dE$ , datur differentia declinationis  $dD$ ; vel utra-

que data dabitur altitudo poli. *Problema 15* est famosum illud de *die minimi crepusculi*, quod olim summorum Geometrarum par; fratres *Bernoullios*, per quinquennium occupatos tenuit, (fatente ipso *Joanne Oper. Tom. 1 pag. 64*), cujusque solutiones in his *Actis*, & utriusque *Operibus*, ut & in *Analyfi Hospitaliana*, exstant; quas vero defectu laborare ostendit præfens acutissimi Autoris solutio, mira facilitate ex formulis generalibus emanans. Cum enim duratio crepusculi exprimitur tempore, inter duo momenta, quibus sol horizontem & circulum crepuscularem (intra horizontem  $18^\circ$  depressum) attingit, elapso; quod manifeste æquatur intervallo momentorum, quibus ad horizontem & altitudinem  $18^\circ$  perveniret; liquet, mensuram ejus fore arcum æquatoris terminatum duobus cosinibus, quorum unus  $u$  respondet angulo horario eo instanti, quo sol horizontem attingit, alter  $u'$  eo, quo ad gradum  $18$  elevatur. Qui arcus cum sit mini-

$$\text{mum, erit ejus elementum } \frac{du}{\sqrt{(rr-uu)}} - \frac{du'}{\sqrt{(rr-u'u')}} = 0.$$

Substitutis ergo ex formula prima valoribus ipsorum  $u, u'$ , per  $s, x, y, b$ , positisque  $s, b$ , constantibus, prodibit sinus declinationis quæsitæ  $x = \left( \frac{r+k}{b} \right) s$ . Duo ergo valores vi-

dentur proposito respondere, quorum unus  $\left( \frac{r-k}{b} \right) s$

præbet analogiam, a laudatis Geometris jam pridem inventam,  $r: \text{tang. } 9^\circ = s:x$ ; alter vero, ab iisdem neglectus, non nisi propter ambiguitatem quandam, in Problemate hoc obviâ, adest. Si nempe elevatio poli major sit depressione circuli crepuscularis, arcus æquatoris, crepusculum metiens, est (ut jam diximus) differentia duorum arcuum, quorum cosinus cadunt ad eandem centri sphaeræ partem; & valor prior respondet hujus differentiae minimo, justamque declinationem exhibet, posterior præbet imaginariam. Si vero elevatio poli depressione arcus crepusculi minor sit, arcus ille est summa duorum arcuum, quorum cosinus cadunt ad partes centri diversas;

verfas; & duarum declinationum una præbet minimum summæ horum arcuum (qualis proprie requiritur), altera minimum differentię, quod vero nec dat crepusculum minimum, nec maximum. Hoc excipiunt *tria Problemata*, quibus ex altitudinæ poli, & declinatione solis, definitur tempus, quo discus integer super horizontem elevatur, aut infra eum deprimitur; vel vice versa. Positis nempe in formula prima non nisi *b, u*, variabilibus, & pro *du* introducendo arcum æquatoris *dE*, pro *db* vero ipsum diametrum solis *dH*, pro-  

$$\text{dit } dE = \frac{r dH}{\sqrt{(y^2 - s^2)}};$$
 unde vice versa ex observato hoc

tempore poterit nosci elevatio poli, quod subsidium, uti executione est facillimum, ita, deficientibus aliis, nautæ potest esse utilissimum, cum præterea refraçtio nullum errorem inducat. In *Problematis tribus* sequentibus continetur relatio inter altitudinem poli, declinationem & altitudinem astri, & tempusculum, quo per quantitatem minimam elevatur, vel deprimitur; unde ex datis posterioribus elici poterit altitudo poli, novo in casu necessitatis subsidio. *Tria*, quæ sequuntur, *Problemata* ex datis astri declinatione, duabus altitudinibus, & intervallo temporis, investigare docent altitudinem poli, & tempus observationum; quod simplicius efficitur, si in altera observatione astrum sit in horizonte, vel si stella æquatoria assumatur. *Problema 25* exprimit altitudinem poli, & declinationem sideris, ex observatis transitibus per duos verticales ope angulorum azimuthalium & horariorum. *Probl. 26, 27*, ex data altitudine poli, & observatione duorum siderum, quorum adscensionēs rectæ & declinationes constant, in eodem verticali, invenire docent horam; quod facillime expeditur, si utriusque adscensio recta sit fere eadem; imo tota observatio nullum apparatus, nisi solum pondere onustum, requirit. Per *Probl. 28, 29*, reperitur altitudo poli ex observatis duobus ejusmodi sideribus, in eodem vel verticali, vel almucantarath. Sequens definit altitudines poli & horam, ex intervallis, quibus trium siderum (quorum adscensionēs & declinationes notæ) unum in eodem verticali, quo singula reliqua reperiuntur; quod

quod eo respectu inprimis est utilissimum, quod & observatio transitus per verticalem facillima, & ipsum nulli refractioni sit obnoxium. *Problema 31* est insigne illud, inter celeberrimos *Academia Petropolitana* Socios quondam valde agitatam, (quorum solutiones in *Comm. Petr. Tom. IV* exstant,) de inveniendi altitudine poli, & declinatione sideris, ex tribus altitudinibus & duobus intervallis temporum; quod tamen magis esse curiosum, quam in ipsa praxi utile, haud diffiteretur Noster. *Sequentia Problemata* exponunt relationem inter altitudinem poli, & diem anni longissimum brevissimumve; tam neglectis, quam consideratis, refractione & parallaxi. *Problema 38* tractat quaestionem, nautis longe utilissimam, quæque non minus exacte mari, quam terra, solvi potest, de inveniendi altitudine poli ex diei longitudine. In hujus solutione omnia in computum ducuntur, quæcunque modo variationem inducere possunt: refractionis, parallaxis, variatio declinationis solis, variatio loci navis tam in longitudinem, quam in latitudinem. Qua in re notatu est dignissimum, refractionem horizontalem quam proxime æquari diametro solis apparenti, adeo ut refractionis rationem habere opus non sit. In *Problemate 39* investigatur altitudo poli ex intervallo inter ortum, vel occasum, duorum siderum, quorum constant ascensiones rectæ & declinationes; quod inservire potest nautis, eligendo tale sidus, quod in horizonte conspici potest, Solem nempe, Lunam, Venerem, aut Jovem. Denique *Problema 40* exponit *Maieri*, de Astronomia optime meriti, methodum, (in *Comm. Petr. Tom. V* exhibitam,) inveniendi altitudinem poli, & declinationem sideris, ita ut neutra ab altera pendeat, nulliusque anguli mensuratione opus sit, dum nempe observantur transitus duorum siderum per meridianum, per duos verticales, & per duos almucantarath, etiamsi incognitos, modo sint constantes; cujus solutio ex formulis generalibus methodo valde naturali derivatur, etsi rei natura expressiones haud adeo concinnas admittat. Quo ipso finis elegantissimo huic opusculo imponitur.



MISCELLANEA LIPSIENSIA NOVA, AD IN-  
crementum scientiarum, ab his, qui sunt in colligendis  
Eruditorum Novis Actis occupati, per Partes publicata.  
Edendi consilium suscepit, Præfationem præmisit, sua  
nonnulla passim addidit, FRID. OTTO MENCKE-  
NIUS, Ph. & J. U. Doctor, Regi Pol. & Elect. Sax.  
a Consiliis Aulæ, Urbis patriæ Senator, & Acad.  
Scient. Reg. Boruss. Sodalis.

*Voluminis V Pars I.*

Lipsiæ, in officina hæredum Lanckisianorum, 1747, 8.

Plag. 12.

**I**n Præfatione, huic Volumini præmissa, significavit Mencke-  
nius, *Miscellanea* hæc barbariei ingruenti veluti repagulum  
obicere, pollicitus, se cum laboris fociis nunquam, dum  
vixerit, instituto huic renuntiaturum, vel ejus curam, nisi  
ipsum suprema illa rerum necessitas hinc invitem abstraxerit,  
ex animo dimissurum esse. Simul ac ad collectitium exercitum,  
in hac opera occupatum, nos convertimus, nobis Jo. Christoph.  
Harenbergii *Dissertatio apocalyptica de Cantilena Moysi, servi  
divini, eaque agni cantilena, ad Apoc. XV, 3, observatur.*  
Tempus, quo *Apocalypsis Joannis* literis consignata fuit, Au-  
tor in partes distribuit, ac illud inter annum 59 ac 68 interje-  
ctum credit, habita æræ vulgaris Christianæ ratione. Argu-  
menta, quibus sit inductus, ut ita sentiat, exponit haud una.  
Gersæni consensum laudat. Periodos septem temporis, ad-  
ventum Messiae vindicem præcessuras, ex Judæorum doctrina  
proponit, ac in luce ponit. Comites et cantores illius cantilenæ  
ex antiquitatibus sacris Judaicis, ac nominatim ad festum taber-  
naculorum referendis, illustrat. Cantilenam Moysi & agni  
eandem esse ac exhiberi *Deut. XXXII*, rationibus allatis in  
medium it comprobatum. Summam cantilenæ, seu episodium, Pag. 31,  
apud Joannem strictim attingi, docet. Effectum & eventum  
cantilenæ adjicit. Corollarium de nomine Moysi, Messiam  
U u etiam

- etiam denotantis, & agni, subjungit. Succedit huic Commentationi Petri Zornii *Dissertatio de ימים טובים, sive diebus magnis Ebræorum*. Dies primus ac ultimus trium festorum majorum Ebræorum imprimis habiti sunt sancti; dies intermedii haud æque sancti magnique fuerunt reputati. Primus dies mensis Tithi hic æque in censum venit. Addatur Expiationis dies. Hellenistæ dies bonos illos vocarunt *ἡμέρας μεγάλας*. Conf. Jo. VII, 37, XIX, 31. Si Sabbati dies cum die festi majoris esset idem, dies ille æque vocatus fuit *magnus*. Postrema a sententia discesserunt Usserius, Hornbeckius, alii. In medio tutissimum ire voluit Jac. Henr. Hottingerus. Christiani vero *Sabbatum magnum* & *hebdomada magnam* paulo aliter acceperunt. Sequitur Zornii Diatribam Pl. Rev. Gottlobi Friderici Gudii *Epistola apologetica pro Dissertatione sua historico-critica de Sadducæorum in Judaica gente autoritate*, Vol. II pag. 1. *hærum Miscellaneorum* pag. 13 inserta, ad Summe Reverendum Conradum Ikenium, Theologum Bremensem, perscripta. Strenue hic dixerat pro Sadducæorum & Karæorum omnium autoritate in *Symbolis literariis* P. III pag. 299, opem eorum sibi necessariam fore arbitratus ad paschalem Christi cœnam *συνεσπικνον* constituendam. In eo nunc est Rev. Gudius, ut, nonnullos nævos sibi a Cel. Ikenio impactos fuisse immerito, ostendat. In calce *Joachimum Meisterum*, primum Lycei illustri Bremensis Rectorem, Laubæ suæ vindicat, hic Restoratu scholæ functum, antequam Gottingam fuerit evocatus. Progredimur hinc ad M. Theoph. Ludolphi Münsteri de *Honoribus servorum Romanorum Specimen prius, de honore, servis Romanis habito in rebus sacris*. De honoribus servorum, conditionis vix tolerandæ levamentis, per partes Clariss. Vir exponere statuit, exorsus ab iis maxime, qui res spectant Romanorum sacras. Commentatio hæc in *septem* diffusa patet *Capita*. Primum est inscriptum de Diis servi Romani; secundum de ipsius honore in diebus festis; tertium de servorum Romanorum sacrificiis; quartum de illorum jurejurando; quintum de asylis ipsorum; sextum de servis gladiatoribus; & septimum de servis, in funeribus maculatis. Quicquid ars critica valet;
- id

id hoc loco satura lance fuit exhibitum. Quinto loco in conspectum prodit *M. Caroli Henrici Zeibichii, Ordin. philosoph. Vitemb. Assess. Questio critica, utrum Cadytis Herodoti recte vendicaretur pro metropoli Palestinae. Herodotus Cadytin memorat II, 159, & III, 5, urbem Syriae magnam, Sardibus non multo minorem, Palaestinae annumerandam. Pro Hierosolyma Cadytin habuere Cellarius, Humphredus Prideaux, Jo. Lightfoot, Herm. Conringius, Jo. Matth. Hასius, alii, inter quos Jo. Phil. Heinius & Ludov. Casp. Valckenaer eminent, quantum lenta solent inter viburna cupressi. Dissentiunt viri quidam doctissimi. Urbem Gath in Cadyti sibi invenisse videntur Bochartus & Relandus. Cadesiam mavult designatam Jac. Palmerius. Ad urbem Palaestinae Cades respiciunt Thomas de Pinedo, Saurinus, Nicol. Gurtlerus, Jo. Clericus, Jo. Christoph. Harenbergius, Josephus Scaliger. Cum vero Cades Barnea ab urbe Cades, Hermoni subiecta, multum differat, illam complures praeulerunt alteri. Hierosolyma certe nunquam simpliciter sancta fuit appellata. Gentes, a Judaeis diversae, cur eam urbem vocassent nude & simpliciter sanctam? & quidem Herodoti aetate? Judaei caput gentis suae dixerunt *Kdoschab*, non *Kdotab*. Chaldaei ac Syri eam urbem vocassent *Kaddischab*, *Kaddischo*, si sanctam voluissent eam appellare. Rex Aegypti Necos, ut hoc etiam ex apparatu nostro adjungamus, teste Herodoto terrestri acie congressus fuit cum Syris in Magdolo, victoria potitus est, & post praelium Cadyti, magna Syriae urbe. Praelium id pugnatum fuit in campo magno prope urbem Megiddo, haud procul ab urbe Hadad Rimmon, Zach. XII, 11, 2 Reg. XXIII, 30, 2 Chron. XXXV, 22. Urbs itaque Hadad Rimmon est Cadytis Herodoti, id quod copiosius ostendit B. Cornelius Dietericus Kochius in Diss. inaugurali, cui est index: *Striclturae theologiae in Jo. Harduini Opera selecta*, Helmstadii, 1710, 4. At proferendus est gradus. Provocat enim attentionem nostram Anonymi de Joanne Bocatio, e *Lusato Hungaro*, Poeta laureato Casareo, *Commentatio*. Natus hic fuit in Lusatia A. 1569. Vitebergae scientiis ac disciplinis operam navavit. Rectorem Gymnasii Eperiesini in Hungaria agere*

Pag. 101.

103.

112.

- Pag. 114. coepit A. 1592. Eidem muneri Cassovia ut praeesset, evocatus fuit A. 1599, quocum conjunxit postea dignitatem senatoriam, ac tandem Consulatum, usus titulo *rectoris reipublicae literariae & politicae*. Ipse a Caesare Rudolpho II civitate Hungarica & nobilitate donatus fuit, licet ab hoc ad *Botskajum* desciverit, & huic, urbis tunc prator, A. 1604 Cassoviam tradiderit. A *Botskajo* ad Germaniae Principes legatus, invisit *Henricum Julium*, Ducem Brunsvico-Luneburgensem, ac, per fines Poloniae reversurus, carceri mancipatus fuit. Posthæc denuo *Gabrieli Bethlen*, foede Hungariam laceranti, se aggregavit, ejusque Historiographus A. 1620 fuit renuntiatus.
120. In versibus suis Gnathonem agere consueverat. Non est nostrum, seriem contexere scriptorum, quorum *Bocatus* fuit autor. Pergimus hinc ad *M. J. F. Frischii de Usu Participii prateriti Romano Observationes posteriores, ad Vossii Lib. VII de Arte Grammatica Cap. 10, 11, & 12*. Participia praterita significationem & activam & passivam habere, Noster demonstraturus, pronuntiato suo exemplis, ex Autorum classicorum gente decerpitis, fidem facit. Sequitur hæc Observationes *P. Cornelii Severi de Aetna Carmen antiquum, a praepositis Joannis Clerici conjecturis vindicatum studio Frid. Ott. Menckenii*. Reliquit Autor Clerico post fata etiam merita sua inviolata, & huic inter Criticos, si non omnium acutissimos & principes, at tolerabiles & satis bonos, locum concedit. Exemplis posthæc variis docet, Clericum passim in Severo emaculando & interpretando destinatione optima fuisse inferiorem. Continuantur hæc curæ criticae Parte sequenti. Dicendum porro est aliquid de *Gisherti Cuperi ad Theod. Janssonium Epistolis, quintum continuatis, & finitis*. Epistolam hic legimus XXII, *Passionei* Comitis laudes exhibentem. Sequens eam Epistola, de *Casaubono* varia commemorari in *Colomeseanis*, refert, &, an exstet aliquis *Salmasii* de Annulis liber, requirit. Epistola XXIV tota in Fastis Romanis & augendis & emendandis & illustrandis occupatur. Epistola XXV varias daper, quæ ad Fastos illustrandos faciant, apponit *Cuperus*, simulque rationes, cur, Therapevtas fuisse Christianos, neget, subjungit. Persuaserat sibi circa annum 1710, quo hæc scripta

pta, *Bernhardus Montfauconius*, per Therapevtas designasse *Philonem* Christianos, discipulos *Marci*. *Epistola XXVI Laur. Patarolli* consilium, edendi *Quintiliani* Declamationes, explicat, *Almeloveemium*, ut ferat suppetias, rogans. *Epistola XXVII Cuperus Jo. Schultingii* in *Quintiliani* Declamationes merita commemorat, ac varia edisserit ad Fastos illustrandos. *Epistola XXVIII* exhibet idem *Philippi a Turre* nonnullas ad Fastos Romanos annotationes, variasque Inscriptiones Romanas explicat & illustrat. Idem *Ep. XXIX* varia, quæ ad illustrandos Fastos pertinet, exponit, vocis *revincire* rariorem significatum ostendit, in Notæ NP. sensum inquiri, atque Glossaria *Philoxeni* & aliorum emendat.

**EPISTOLA, QUA DE GESTIS PAULI III, Pontificis, ad emendationem ecclesie maxime spectantibus, disserit, & sententiam suam Cardinali QUIRINIO monesse exponit, JO. RUDOLPH. KIESLINGIUS,**  
S. Theol. D. & P. P. L. S. Ord.

Lipsiæ, ex officina libraria Jo. Godofr. Dyckii, 1747, 4.

Plag. 9.

**E**a jam literarum laude inter externos doctissimus hujus libelli Autor floret, ut primarii quique Viri ejus sibi amicitiam honori ducant. Principem inter hos, qui ei impense favent, locum obtinet Pater purpuratus *Angelus Maria Quirinius*, per omnem terrarum orbem celebratissimus, qui ante aliquod tempus Autorem nostrum ad commercium literarum provocavit, & non vulgaria benevolentie sue testimonia ei exhibuit, digna sane, quæ publice prædicarentur. Es vel hoc nomine Lectoribus nostris hæc se commendare potest scriptio, quæ non controversiam & litem spargit, sed amicam tantum diversarum sententiarum collationem continet. Res omnis est historica, persisterque ad libellum *Quirinii*, ante biennium Brixie editum, de imagine optimi sapientissimique Pontificis, expressa in gestis *Pauli III Farnesii*, ad primos tantum quinque Pontificatus ejus annos spectantibus. In diligentissima vitæ hujus Pontificis enarratione monumenta multa, tenebris adhuc involuta, in rem præsentem tamen plurimum facientia, publica luce donaverat *Quirinius*. At, nonnulla hic occurrere, Noster intelligebat, de quibus dubitatio non levis exiebat, utrum ad genuina fidei historica testimonia

Pag. 6.

- referri possent, & de unione ecclesiæ, per *Paulum* vere restituenda, restarentur, nec ne. Omnibus itaque depositis præconceptis rerum opinionibus, & humanis auctoritatibus, de Pontificis hujus vita, & animo, paci ecclesiæ minus amico, Noster differere instituit. Laudatur *Pauli III* studium, circa emendationem curiæ Romanæ, & quorundam abusuum, non vero circa repurgandam doctrinam, occupatum. Considerabat ille quidem unionem ecclesiæ, sed eam, quæ Lutherani in potestatem Episcopi Romani transfirent. Hinc omnis labor ipsius nihili putandus erat, his remediis iniquis unionem ecclesiæ tentantis. Obiter petrastrat Noster, quæ de juvenili hujus Pontificis ætate *Quirinius* scripserat, & ad solas se convertit res in Pontificatu gestas. Taxat hic *Pauli* nostri nimiam in cognatos suos indulgentiam, quos contra Concilii *Agathensis*, *Tridentini*, & quæ sunt reliqua, decreta atque constitutiones expressas purpura donavit. Maxime hic miratur Patris purpurati elegantem dictionem, quæ hanc Pontificis in cognatis prædicat paternam indulgentiam, suoque suffragio approbare non erubescit, quam ipsi Romanæ sedi addicti scriptores, inter quos *Sfortia Pallavicinus* eminet, graviter reprehendunt. His omnibus tamen omisiss, caput causæ aggreditur Autor noster, demonstraturus, susceptam a Pontifice *Paulo III* religionis emendandæ operam, nec non consilium, de instituendo quodam ad componenda partium dissidia conventu, in quo arx Commentationis hujus versatur, tacti non esse æstimandum, quanti a Romanis, & *Quirinio*, fuit habitum. Primum pro sua stabilienda sententia Eminentissimus adversarius argumentum ex illustri illo, quem ex optimis viris, eisque maxime purpuratis, coegerat *Paulus*, confessu depromptum dederat. Agebatur hic conventus ex sententia Pontificis eum in finem, ut dilacerata ecclesiæ coalescerent membra. Sed, num serio hoc optaverit *Paulus*, & justo ordine incesse ad finem suum obtinendum, quæritur. Laudandum erat ejus studium in confessu quodam doctissimorum virorum conscribendo, dummodo doctrinæ, non abusuum solum, emendationem instruisset. Aperit hic Noster carcerum fores, & duo momenta conficit, quorum alterum confirmat, reformationem a nullis Pontificibus esse tentatam, nec eam, quam *Paulus* suscepit, emendationem ad doctrinas pertinuisse, sed ad abusus modo, & deperditos quosdam curiæ Romanæ mores, quod altero loco demonstratur. Ex Seculo XV modo repetendam esse hujus rei confirmationem, Noster scribit, ubi *Constantiensis*, & paucorum interjecto annorum intervallo, *Basileensis*, celebratum fuisse Concilium, relatum legimus, cujus prioris infelix combustione *Hussi* fuit exitus, posterioris vero gravissima in Episcopos & clerum Romanum divulgata mandata eventu fuerunt destituta, omnesque de emendatione ecclesiæ instituendæ consultationes Pontificum in fumum tenuemque auram abierunt. Nec *Leo X* rem deperditam restituere studuit in Concilio *Lateranensi V*, quod finivit, sed sua luxuria, violentia, & avaritia, in deteriorem omnia mutavit faciem, omnisque

historia faciorum repurgandorum loquitur, emendationem a *Leone X* neque tentatam, neque serio susceptam, sed igni ferroque, teste locupletissimo *Sleidano*, impeditam esse. Aliter rem esse factam *Hadriani VI* & *Clementis VII* auspiciis, vanissima Pontificiorum sunt dictoria. Deventum nunc est ad tempora *Pauli III*, ejusque tentatam ecclesie corruptæ emendationem. Trita hic potissimum rerum pondera sunt examinanda. Repurgatio sacrorum vel ad doctrinas falsas, vel ad abusus, vel ad statum regimenque externum, est referenda. Nihil horum a *Paulo* fuit confectum, & nullam hinc aliam ab ipso emendationem, quam curiæ Romanæ, fuisse tentatam, patet. Illa est, quam per conventum, satis per se laudabilem, Pontifex noster moliebatur, eam ob causam ad id negotii inprimis excitatus, ne res Romana, collapsa jam, in ruinas abiret. Ipse confessus viris pietate, doctrina, & sapientia, claris conspicuus reddebatur, & laudi ducitur *Paulo*, eum cavisse, ne quid contra veritatem proponerent, aut quidquam infcio se decernerent. Consultatio horum seniorum, ad Concilium convocatorum, in Germaniam delata, in singulari libro a *Joanne Sturmio*, & *Luthero* ipso, in Commentatione Germanica, sub incudem vocabatur, quam quidem operam moleste ferebant Pontificii. In limine consultationis suæ Pontifici velificabantur Concilii hujus patres conscripti, & omnem corruptelam ex superiorum Pontificum favore, avaritia, & propensione in adulatores, enatam esse, libere profitebantur. Abusuum duas proferebant classes, quarum prima abusus circa administrationem, altera eos, qui circa regimen ecclesiasticum deprehenduntur, complectitur. De doctrinæ emendatione nulla erat dicendi facultas. *Paulus III*, videns, in quantum periculum res adduceretur, novum instituit Patrum purpuratorum Concilium, cujus deliberationes reformationem morum in curia Romana attingebant. Illustrior *Pauli III* apparebat cura in negotio reformationis, cujus causa Concilium æcumenicum convocare annitebatur. Oratores ab eo ad dissentientes mittebantur Principes, hos monituri, ut in gratiam redirent, & ad Concilium, Mantuæ indictum, convenirent. Vitebergam tunc temporis Legatus Pontificius *Vergerius* venit, & cum *Luthero* atque *Bugenbodio* colloquium instituit. Ingenue tum *Lutherus* profitebatur, Pontificem Concilium serio non promittere, & si vel maxime haberetur, non nisi de rebus futilibus actum iri. Sed hæc omnia, licet primo intuitu gravissima videantur, sunt levissima. Subdole modo *Paulum* egisse, ex eo patet, quod Pontifex invitus *Carolus V* rei Lutheranae fautorem inveniebat, mitiorem in nostrum cæterum sententiam pronuntiantem, & liberum Concilium in Germania exoptulantem. Est huic rei clarissimo indicio epistola ipsius, ad Imperatorem perscripta, ubi eum admonet, ne in alienam messem falcem immitteret, extraque oleas, Italiam scilicet, vagaretur. Quæ omnia ita sunt comparata, ut indignationem *Pauli* aperte prodant, inprimis cum Imperator, ob rerum suarum maxime afflictarum conditionem, de se-

pag. 19.

20.

21.

23.

25.

26.

28.

31.

33.

- curitate publica, nec non de Concilio libere instituendo, Protestantibus prospiceret, quod inique Pontifex noster ferebat. Eo quoque Concilio de libello, cui nomen *Interim* imponebatur, conscribendo cogitabat Imperator, ut paci ecclesiasticæ consulereetur. Nec probandus in eo est *Paulus*, qui auctoritatem, præsidium, & iudicium, Concilii convocandi, remoto Imperatoris arbitrio, sibi solus vindicabat. Secundum de *Pauli* Lutheranis infesto animo argumentum commodè depromitur ex variis machinationibus, quas struebat ipse, ut arma Imperator sua verteret in Protestantés, quæ copiis & nummis adiuturum se promittebat, quod extra omnem dubitationem Summe Rev. Autor ponit, res in confesso Patrum purpuratorum, præsentè Imperatore, gestas exponens. Ubi addit, in eodem confesso de concordia inter Imperatorem & Regem Galliarum refarcienda, & Concilio Mantuæ indicendo, agitatum fuisse. Ipse *Paulus* hujus rei testis est locupletissimus. Tertia pro *Paulo*, pacifico scilicet, ratio ex secessu ejus ad conventum *Niciensem* desumitur. Quam levis vero illa sit, ex eo patet, quoniam in eo conventu, in quo *Carolus I.*, *Franciscus I.*, & *Paulus III.*, præsentés erant, id maxime agebatur, ut induciæ decennales inter Imperatorem & Regem Galliarum firmarentur, & Pontifex possessionem Ducatus Mediolanensis callide sedi Romanæ acquireret. Deinde Pontifex in hoc confesso de eo cogitabat, ut populos, deceptos scilicet ex sua sententia, alliceret, & tumultuantes Principes coherceret, quod utrumque tamen a pace ecclesiastica multum aberat. Denique omnia consilia Pontificis in hoc conventu eo tendebant, ut inter *Octavianum Farnesium* & *Margaretham Austriacam* connubium conciliaretur. Ad postrema pervenit nunc Autor noster. Concilium, *Mantuæ* indictum, ex sententia Romanorum, de pacis studio Pontificis testatur. Testimonia Patris purpurati, pro hac re in medium prolata, accurate hic oculis subjiciuntur, & deinde sub examen revocantur. Primo urgetur, Protestantes serio de Concilio universali liberoque cogitasse, illiusque necessitatem demonstrasse, nec unquam sese isti subtraxisse. Sed Mantuanum gravissimis commoti causis repudiabant. Interim prompti paratique erant Lutherani Principes ad celebrandum Concilium, quod ex confectiõne *Articulorum Smalcaldicorum* patet. Sed varia oblata impedimenta Concilii, in diem indicti, irritam spem reddebant, quorum inprimis Pontifex, & *Fridericus*, Dux Mantuanus, & ille quidem non injuste, autores erant. De Vicentio deinde Concilio astute cogitabat *Paulus*, sed de die in diem, & denique ad Calendas usque Græcas, id differebatur, ut quisque perspiceret, Pontificem vanam atque inani spe Concilii Germaniam demulcere. Sub finem sententiam suam Noster de *Paulo III* amplius declarat, & certissimis confirmat rationibus, ipsius in Lutheranos minime propensum fuisse animum, nec de emendanda religione serio unquam eum cogitasse, quod omni, qua valet Vir Summe Venerabilis, diligentia & rerum gestarum peritia exponitur.



# NOVA ACTA ERUDITORUM,

*publicata Lipsiæ*

*Calendis Septembris Anno MDCCXLVII.*

*Pars II.*

ΟΡΙΓΕΝΟΥΣ ΤΑ ΕΠΙΣΚΟΜΕΝΑ ΠΑΝΤΑ, &c.

hoc est,

ORIGENIS OPERA OMNIA, QUÆ GRÆCE,  
vel Latine tantum, exstant, & ejus nomine circumferun-  
tur, ex variis editionibus & Codicibus manu exaratis,  
Gallicanis, Italicis, Germanicis, & Anglicis, collecta,  
recensita, Latine versa, atque annotationibus illustrata,  
cum copiosis Indicibus, vita Autoris, & multis Disserta-  
tionibus. Opera & studio Domini CAROLI DELA-  
RUE, Presbyteri & Monachi Benedictini e Con-  
gregatione S. Mauri.

*Tomus III.*

Parisiis, sumtibus Joan. Debure, 1740, fol. maj.

Alph. 12 plag. 3.

**P**raestantissimæ Origenis Operum editionis, quam Rev.  
Delarue procuravit, Tomum tertium Lectorum oculis si-  
stimus, qui prioribus nihil cedit & diligentia Editoris, &  
editionis splendore. Continuantur hoc Tomo scripta exegetica  
Origenis, quorum permulta eum conscripsisse constat, Seculo ter-  
tio insignis diligentia nomine maxime celebrem. Primum

Xxx

locum

- Pag. 1. locum occupant fragmenta ex libro de Proverbiis *Salomonis*, quorum duo priora tantum exstant Latine in Apologia *Pamphili* Martyris pro *Origene*, cetera vero omnia in epitoma sua refert *Procopius Gazaus*, illo excepto, quod ad *Proverb. I, 6*, pertinet, quod exhibet Catena MSta Bibliothecæ *Mazarinæ* ad Caput
11. *VIII Luca*. Sequuntur in Canticum *Salomonis* duæ Homiliæ Latine, interprete divo *Hieronymo*. Bis aggressus est *Canticum* explanare *Origenes*, primum cum adhuc juvenis esset, deinde vero alium librum exorsus est in Canticum, quem *decem* in
26. *tomos* distribuit. Hujus majoris operis fragmenta exhibentur, interprete *Ruffino*, de cujus tamen fide in his recensendis merito dubitant eruditi. His subiecta est series *Procopianorum* excerptorum ex *Origene* in *Canticum Canticorum*, Græce & Latine.
104. Sistitur jam *Origenis* Commentarius in *Esaiam*, quem triplici modo exposuit, Tomis nempe, Scholiis, & Homiliis. Fragmenta quædam Latina producuntur ex Apologia *Pamphili*
106. Martyris pro *Origene*. E viginti quinque Homiliis supersunt tantummodo Latine novem, quas interpretatus est *Hieronymus*, de quibus observat *Ruffinus*, interpretem nimia libertate usum fuisse, atque ex erroribus ea tantum sustulisse,
124. quæ catholicæ de Trinitate fidei adversabantur. *Jeremiam* num aliter exposuerit *Origenes* quam Homiliis, incertum est. *Cassiodorus* Homilias 45 recenset, quæ adhuc exstant *Rabani Mauri* tempore. Novendecim Homilias Cl. Editor recenset, quas interpretatus est S. *Hieronymus*, Græce & Latine, hasque comitantur nonnulla fragmenta Latina, in *Huetii* editione omiſsa, & tricesimæ nonæ Homiliæ fragmentum Græcum,
287. quod exhibet *Philocalia*. Deinde apparent selecta quædam
320. capita in *Jeremiam* Græce & Latine, & in *Lamentationes* ejusdem itidem quædam fragmenta, quæ adhuc hodie supersunt, & exhibentur sub *Origenis* nomine in Catena *Gbistlerii* in *Lamentationes*. *Ezechielem* Prophetam quinque & viginti voluminibus, seu tomis, *Origenem* explicasse, tradit *Eusebius*, sed unicum hodie superest vicesimi tomii fragmentum, quod exhibet *Philocalia* Caput undecimum. Hoc fragmentum *Origenis*

*nis* quatuordecim Homilias continet ex interpretatione *Hieronymi*. Selecta præterea nonnulla ex *Origene* in *Ezechielem* accedunt Græce & Latine. Claudit Commentarios *Origenis* Pag. 406. in Vetus Testamentum Commentarius in *Oseam*. *Eusebius* quidem testatur, se expositionis *Origenis* in duodecim Prophetas minores quinque & viginti Libros reperisse. Sua manu eos descripserat *Pamphilus* Martyr, cujus exemplar postea incidit in manus *Hieronymi*, ut ipse testatur. E tot tamen libris unicum hodie superest fragmentum, quod exhibet *Philocalia* Caput octavum, tanquam excerptum e Commentario in *Oseam*, quod hoc in loco Græce & Latine legitur.

438.

In N. T. *Origenis* habemus Commentarios in *Matthæum*, quorum 25 tomos existisse memorat *Eusebius* circa annum Christi 245, imperante *Philippo*, totidem se legisse fatetur *Hieronymus*. Sed maximam partem horum tomorum jam dudum tempus edax rerum absumsit. Inde ex prioribus tomis duo fragmenta tantum exhibentur Latine & Græce ex *Philocalia*, & duo Latina ex Apologia *Pamphili* Martyris. A Cap. XIII *Matthæi* usque ad finem quæ supersunt commentaria *Origenis*, partim Græce, partim Latine, exhibentur. Græca a Cap. XIII ad XXII primus in lucem edidit *Petrus Daniel Huetius*, ac nova sua interpretatione donavit. Atque hæc cum textu Græco etiam hoc in loco reperitur, Græco textu collato cum quatuor Codd. MSS. quorum variantes lectiones in notis etiam exhibentur, non omisiss *Huetianis* observationibus. Nec plane vetusta interpretatio, quod fecerat *Huetius*, neglecta fuit, sed hæc in ima pagina representata est, cujus ope etiam deinde, ubi desinunt Græca, series Commentariorum *Origenis* in *Matthæum* a Cap. XXII, XXXII, usque ad finem continuatur. Claudunt hunc tertium Tomum Commentaria *Origenis* in *Lucam*, e quibus Homiliæ 39 supersunt, *Hieronymo* interprete, & fragmenta quædam ex *Macarii Chryscephali* Orationibus in *Lucam*, Græce & Latine. Notatu præterea dignum est, quod in Præfatione memorat Cl. Editor de his in *Lucam* Homiliis *Origenis*. Scilicet, cum Epistolarum S. *Ignatii*, Martyris Antiocheni, disertam men-

440.

442.

830.

932.

979.

tionem faciat *Origenes* Homilia sexta, & *Ignatianarum* Epistolarum autoritate se jugulari perentiscerent heterodoxi, Presbyteriani vulgo dicti, Homilias in *Lucam Origeni* adimere quam maxime conati sunt, ut argumentum ad *Ignatianarum* Epistolarum veritatem adstruendam penitus everterent. Alii, eas Latinorum natalium indiciis scaterere, clamitarunt, idque in primis probare tentavit *Dallaus*. Omnium tamen horum argumenta non sufficere, nec quidquam hoc in negotio valere, facile demonstrari potest. Totum Opus duo claudunt, alter locorum Scripturæ, alter rerum & verborum, Indices copiosissimi. Paucae animadversiones ad totum opus, si illas exceperis, de quibus supra ad *Mattheum* diximus, accesserunt, quæ potissimum varias aliorum Codicum lectiones memorant. Librorum singulis Præfationis instar præmissum est monitum, quo Cl. Editor cum cura excussit, quo tempore, quo loco, quæve data occasione, liber sit editus. Ceterum omnino dolemus, Cl. *Carolus Delarue*, hujus præstantissimæ editionis procuratorem perindustrium, antequam hic *Tomus* prelo esset absolutus, diem obiisse supremum. Vita enim Editoris, huic *Tomo* præmissa, nobis confirmat, eum Lutetiæ Parisiorum in monasterio S. *Germani* pridie Non. Octobr. A. 1739 e vita excessisse, quem merito lugent socii, amici, & respublica literaria, quæ bona adhuc de eo quæque sperare poterat. Neque tamē hinc adeo magnam causam huic editioni Operum *Origenis* timendi habemus. Namque simul in Editoris vita edocemur, jam ante aliquot annos, cum sæpe cum adversa valetudine confliicaretur, eum fratris sui filium, *Carolus Vincentium Delarue*, Monachum ejusdem Congregationis S. *Mauri*, Lutetiam ad se advocasse, ut in id opus junctis cum ipso viribus incumbere. Atque inde spem concipimus, fore, ut ultimis duobus hujus Operis Voluminibus proxime in lucem prodire publicam contingat, id quod cum omnibus, quibus hæc literæ curæ cordique sunt, ex animo precamur.

PUBLII VIRGILII MARONIS OPERA, CURIS  
& studio STEPHANI ANDREÆ PHILIPPI.

Lutetiæ

Lutetiae Parisiorum, sumtibus Ant. Urb. Coustelier, 1745, 12.

*Tomii III.*Tom. I plag. 10, Tom. II plag. 10, Tom. III plag. 16<sup>1</sup>,  
cum Tabb. æn. 18.

**S**plendida est isthæc editio *Maronis* Operum atque accurata, licet variorum annotationibus neutiquam superbiat, contextu Poetæ potissimum contenta. Secutus est Editor optimum atque antiquissimum mille trecentorum annorum Codicem manuscriptum Bibliothecæ Mediceo-Laurentianæ, bono publico & commodo, typis *Mannianis* Florentiæ descriptum A. 1741, utpote qui animadverteret, viros doctiores hoc minus ansam errori præbuisse, quo plura ex illo fonte saluberrimo hauserint. Ipsi tamen religio fuit, ne latum quidem unguem a probatissimis receptisque editionibus recedere, aut aliquid scalpello suo rescindere arroganter, quod veterum recentiorumque consensus unanimis sacrarit. Itaque laboris neutiquam impatiens varias in variis Codicibus legendi formulas quam accuratissime perpenderit, collatis inter se, quos undique conquisitos parare licuit, libris editis, ne quid curæ philologicæ desideraretur. Hinc ad uniuscujusque *Tomii* calcem suis variis lectionibus assignatus ordo est. Multa nomenclatim restituit ex *Nic. Heinsii* fide, cum ille novissimam *Virgilii* sui editionem ex MStis triginta contexuerit. De hocce quod *Fogginius* habet iudiciûm, Nostro ac nobis memorabile videtur. *Laudandus certe est, inquit, elegantissimus ille Musarum Amasus, ut eum vocat Norisus, & Poetarum Latinorum, ut a Bentlejo dicitur, sospitator unicus, Nic. Heinsius, Dan. filius, qui, uti præsto essent omnibus Vergilii poemata optime emendata, non solum scriptores rei grammaticæ, aliosque omnes ex antiquis Latinis in Marone imitando occupator, aut qui eum adhibent testem, diligenti ac sedula opera adhibuit, sed etiam &c. & quæ in laudem præsertim Medicei Codicis sequuntur, qui totus Romanis literis scriptus & emendatus fuit atque distinctus a Turcio Rufio Asterio Aproniano, qui una cum Præsidio Consulatum gessit A. C. 494. Sed ad nostram redea-*

mus editionem, *Heinsiana* qui varias repetitiones cognoscere student, ad Præfationem *Philippi* ablegatis. Hic igitur *Tomo primo* inclusit *Eclogas*, *Georgica*, & *Poemata juvenilia Maronis*, quæ postrema quidém admodum ad nos mendosa pervernerunt. Unicuique libro, ut & poemati minori, argumentum præfixum suum est. *Tomus secundus Æneidos Libros sex* priores complectitur; posteriores *tertius*. Hic simul variæ reperiuntur vitæ *Virgilianæ* descriptiones, atque operum argumenta varia, carmine potissimum concepta. Primum obtinet locum *Maronis* vita, incerto Autore, quem aliqui *Tiberium Claudium Donatum* falso putant. Cum hæc antiquissima Poetæ vita erroribus scateat, atque aliis errandi locum præbuerit; subjungitur ejusdem historia per Consules, a *Carolo Ruæo*, S. J. descripta, atque inde ab anno U. C. 684, qui primus erat *Virgilii Cn. Pompejo Magno I & M. Licinio Crasso I* Coss. Huic adduntur testimonia veterum, nec non præconia de *Virgilio*, & ejusdem operibus, *Horatii*, *Ovidii Nasonis*, *Sexti Aur. Properii*, *Quintiliani*, *Silii Italici*, *Statii*, *Juvenalis*, *Martialis*, *Sulpicii Carthagiensis*, *Alcimi*, *Velleji*, *Senecæ*, *Plinii*, *Taciti*, *Augustini*, atque aliorum. Sequitur vitæ cūriculum, a *Phoca*, Grammatico urbis Romæ, versibus Sapphicis delineatum, & heroicis præsertim; quod autem mutilum ad nos pervenit. Incerti quoque Autoris de operibus *Virgilianis* elegiacum carmen adjunctum habetur. Item versus leguntur *Alcinoi* de *Virgilio*, *C. Sulpicii Apollinaris*, Grammatici, in *Æneidem Virgilianam*, imitatio ejusdem *Phocæ*, Grammatici, ex fragmento *Virgilii* vitæ, de eadem re versus attributi *Cornelio Gallo*, scholastici Poetæ, ut apparet, imitationique propositi ex eodem *Sulpicio Carthaginiensi*, de eadem re veteris scholastici Poetæ versus sub nomine *Augusti Caesaris*, eorundem versuum scholastica imitatio, per *Phocam*, Grammaticum, ex *Virgilii* vita, alius cujusdam Poetæ scholastici argumenta in *Æneidem* sub *Ovidii* nomine, eadem argumenta monostichis, argumentum omnium operum *Virgilianorum*, item argumenta in *Æneidem* per hexasticha, in *Æneidem* monosticha *Basilii*, incerti Poetæ tetrasticha in *Georgica*, duodecim scholasticorum

rum Poetarum argumenta in *Aeneida*, eorundem epitaphia *Maronis* per tetrasticha & disticha, tandemque in bucolica argumentum. Inter Epitaphia est e. c. *Basilii*:

*Hoc jacet in tumulo vates imitator Homeri,*

*Qui canit Ausonio carmine primus oves.*

*Ad cultos hinc transit agros. Aeneidos autem*

*Non emendatum morte reliquit opus.*

ALI BEN ABI TALEB CARMINA ARABICE  
& Latine edidit, & notis illustravit, GERARDUS  
KUYPERS, FRANC. fil.

Lugduni Batavorum, apud Jo. Hasebroek & Bernard. Jongelyn, 1745, 8 maj.

Plag. 15.

*Ali*, filius *Abi Thalebi*, cujus hic dicuntur edi Carmina, fuit princeps inter primos Muhammedanos, virtutibus longe plurimis, factorumque iniquitate, celeberrimus, de quo qui plura cupit, Historicos orientales, & ex nostratibus *Herbelotum* atque *Okleyum*, adeat. Nam ab hoc Editore frustra tale quid exspectes. Ut in omni gente, & omni ætate, fuerunt, qui sub illustri nomine suas extundere nugas laborarunt; sic etiam apud Muhammedanos, solertes mentiendi magistros, præsertim in afferendæ suæ superstitionis favorem, repertus fuit, præter alios, Grammaticus aliquis otiosus, vel monachus male sanus, qui sub *Alii*, eruditi & eloquentissimi Principis, & a scholasticis ineptiendi artificii procul remoti, nomine suam infantiam & futes argutias prodidit; potuitque, quod mirum, gemino editori, Italo primo, & alteri Batavo, imponere. Si bene illi calluissent linguam Arabicam, & melius novissent *Alim*, summum virum, nunquam miserabilem istum foetum humilis ingenii luce publica dignum censuissent, nedum sub tanti nominis prodidissent auspiciis. Credisne, *Alio* aut otium fuisse, aut animum tam puerilem, ut preces conderet rhythmicas, quæ omnes alphabeti literas successive exhiberent, ut illæ sunt editionis hujus a pag. 18 ad

ad 134. Prætermittimus alia. Quando *Philippus Guadagnolius* in *Institutionibus* suis *Arabicis* hæc prætensa *Alii* Carmina ediderit, omisit Batavus Editor in Præfatione annotare. Inde ille excerptis, & rursus exhibuit cum sua Latina versione, qua huc usque carebant. Leida quidem meliora & luce digniora existant Arabica, in quibus ille, profectum suorum specimen edere cupiens, exercere se potuerat. Sed partim iudicio destitutus, partim suæ diffusæ Arabicæ linguæ peritæ, nolebat meliora suadentibus & sponte subministrantibus obsequi. Ego certe, qui hæc scribo, commendabam Autori, antequam ederet Opusculum suum, ad me hac de re referenti, ut, quandoquidem semel decreverit aliquid monumentorum *Alii* edere, saltem ea sumeret, de quorum sinceritate nullum sit dubium, ut illa, quæ passim apud *Almaidanensem* occurrunt, & apud Autorem *el Camel*, qui Orationem *Alii* sat longam, & perquam elegantem, nervisque potentem & spiritibus, recensuit. Sed nullo modo poterat a recoquenda illa miserabili crambe retineri, ad quam non possunt sani iudicii homines non naufragare; qui si omnem Arabicam eruditionem ab illis quisquiliis æstimant, vide, quam nos ipsi nobis nostrisque votis, quibus promotum cupimus Arabismi studium, officiamus. Ego ipse certe, qui non parum operæ in hoc literarum genere posui, nisi præstantiora scirem ab Arabibus expectanda, quam hæc talia sunt, Arabicum omne studium nullo prorsus in loco numeroque haberem. Præsertim cum hæc natura sua inepta noster Editor adhuc ineptiora interpretando fecerit. Neque poterat aliter, homo, qui, præter editos libros Arabicos, quos ne quidem ipsos intelligebat omnes, manu exaratos vidit nullos. Quamvis enim ex *Abul Ole* MSto Codice Leidensis Bibliothecæ passim quædam citet, tanquam ipse illum voluisset, certe tamen novimus, non tantum non illum Codicem, sed neque ullum alium opulentæ illius Bibliothecæ, huic unquam inspectum fuisse. Sed habuit apographum alicujus in his literis aliquantum versati Germani, quod is e Codice Leidensi sibi fecerat, & Editori deinde rogatus per amicitiam commodaverat, sed cujus nomen ingratus Batavus mentione dignum



dignum non putavit. Patet fere omnibus ex paginis, Batavum nostrum uti linguæ Arabicæ caruisse, quandoquidem sæpe alienissima tribuit Arabi Autori, sæpe corrupta deprehendere non novit, nedum emendare. In notis subtili illi & tædio-sæ atque ridiculæ, certe parum utili, omnia ad primas significatum origines reducendi, quæ Leidenfisibus adeo nunc placet, periergiæ indulgit, aut in grammaticæ resolvendis vocibus occupatur. Quod institutum privatis exercitationibus Academicis congruit; at, nostro quidem iudicio, typis indignum est. Si persequi pressò pede totum librum institueremus, demonstrare possemus, hanc nostram de hoc opusculo sententiam non esse nimis morosam, neque severam nimis, aut iniquam. Sed pauca tantummodo quædam notabimus exempla. *Primum* statim primi Carminis *versum*, patet, a Batavo prorsus intellectum non fuisse, quod eum sic vertit: *Homines inter se comparati sunt aequales*. Atqui debuerat: *Homines respectu suæ formationis, πλάσεως καὶ φύσεως, sunt aequales*, id est, homo natus, quatenus homo est ex carne & sanguine formatus, altero neque vilior, neque præstantior, est. In *quarto versu* (ut is numerat, sed rectius *secundo*), *pag. 5* corruptam lectionem non deprehendens, ineptum dedit ratiocinium. Quam enim, quæsumus, illa coheret & concludunt: *Pater ipsorum est Adamus, & mater Eva; & quidem matres hominum sunt vasa repositoria: ast nobilia facta a patribus manant*. Cardio rei vertitur in voce احسان, quam vertit *nobilia facta*. Quam notionem istius vocis Arabica lingua ignorat. Legendum est احساب, & sic vertendum: *Matres quidem nihil sunt, quam vasa, in quibus aliquid reponitur & asservatur* (nempe semen), *stemmata vero*, de quibus adeo gloriantur & ob quæ superbiunt mortales, *nihil sunt, quam patres*, homines fragiles & mortales. *Quintum & sextum* (vel potius *tertium*) *versum* sic vertit: *Si in stirpe eorum sit nobilitas, gloriantur de ea. Ast vero lutum & aqua*. Estne id humane loqui? Non putamus. Verti debuerat: *Si qua tandem illis, scilicet hominibus, concedenda sit generis nobilitas, de qua gloriari merito possint, consistet illa nobilitas in luto & aqua, e quibus elementis*

*elementis homo confectus est.* Patet ex hoc specimine, quam immerito plerumque Arabes vitio notentur obscuritatis. Obscure certe non sunt, si quis eos recte capiat, & reconditiones quidem, at sanos tamen, eorum sensus evolvat. Verum obscuri sunt eorum interpretes, quod jam præclaro viro, Stollio, suboluit in *Historia eruditionis medicæ*, ubi, tam incondite Arabes Medicos non scripsisse, conjicit, quam eos exhibent Latino-barbari interpretes, imo vero satis concinnos & doctos esse, si quis Arabicum sermonem calleat. *Versum octavum* etiam non perspexit Batavus, quem sic vertit: *Et si proferas gloriam majorum nobilium, est prosapia nostra nobilis & sublimis.* Sensus Autoris hic est, quem ille non pervidit: *Proferas argumentum quodcunque gloria, quo uti solent viri nobiles.* Nos certe, interrogati, unde deveniamus, respondemus, patrem nostrum esse liberalem & ingenuum animum, & matrem nostram esse mentis famæque celsitudinem. Etiam in decimo & undecimo versu peccavit: *Non est nobilitas nisi eruditis* (ita vertit); nam hi sunt directi, & ei, qui petit directionem, duces. At vertendum erat: *Nam hi sunt duces illi, quæ in veram viam duci utque dirigi volunt.* Versus undecimus, qui sic ab illo exhibetur: *Pretium viri est id, quod ipsum bonum reddit,* debebat sic reddi: *Vir tantum a suis bene præstareque gestis rebus æstimari debet.* Hæc sunt in versione primi Carminis notanda. Unde iudicium fieri potest de ceterorum quinque Carminum versione. Sex enim in universum sunt, prout quidem numerat Batavus Editor. Sed re vera septem sunt. Nam quintum in duas partes secundum est, & ejus septimo versui titulus hic: *Carmen sextum*, præfigendus. Est enim parodia tantum præcedentium. Quod ipsum, præter pedestrem dictionem, prodit, hæc omnia hominis otiosi figmenta & imposturas esse. De notis adjectis quid sperandum sit, hoc doceat specimen ex pag. 20: *Dajem est partiscipium I a Dama, דגים, perennavit, proprie aquavit, equo in statu permansit. Origo latitat sub Damna, דמא, levit, illevis. Liniri autem dicuntur ea, quæ æquantur, coæquantur. Lino Latinorum productum est ex veteri lio, quod antiquitus idem fuit*

fuit cum leo, unde in compositione habemus deleo. Illa linitio clarissimum in modum sub Dama apparet. Tertia enim glossa est (scilicet in Goli Lexico), madefecit aqua crocum, & per oris interiora movit linguam, ne exaresceret. Lingere dicerent Latini, quod a lino itidem videtur oriundum. Hinc quoque glossa septima pinguedinem rotundam, ac superne libratam, habuit, quasi dicas aequaliter illitum fuit. Glossema primum secunda conjugationis, sedavit bullientem ollam, nihil aliud est, quam astum effervescentem stravit, bullientemque fervorem equavit. Hæc subtilis ille & plus quam subtilis originator atque conciliator. Possemus illud pag. 29 de מרר allegare, & alia innumerabilia. Sed sufficiat hoc, quod primum nobis occurrit, specimen. Et quid expectes ab homine, cui plenæ sunt arcule inaniis & aranæ, quas expromere maluit, & ea ratione doctrinæ gloriam apud amicos non intelligentes venari, quam solidæ atque utilis eruditionis monumentum condere non periturum. Theologum, qui est, prodit pag. 120 in illa frigida & prædicatore digna declamatione contra Paradisum Mubammedis. His Alii, ut vult, Carminibus subjunxit non inficeta quædam Carmina Arabica, aut potius epigrammata, & carminum apospasmata, quæ Goliis olim seorsim Arabice ediderat in peculiari plagula dimidiata. Sed quæ, quoniam exigua erat opella, evasit rarissima. Num eadem majori Grammaticæ Erpenii, a se editæ, inferuerit, examinare & definire nunc non possumus, ut qui librum illum ad manus non habemus. Eadem de causa non constat nobis, adjecta illis Latina versio sitne Batavi nostri, an, quod potius putamus, Goli. Est enim hæc prioribus admodum dissimilis. Batavus, ut hac de re moneret, sibi cavit. Opusculum claudunt Indices vocum Arabicarum & Hebræarum, quas in notis explicuit Rev. Kuypers. In Præfatione, postquam commendasset studium sacrum Codicem Hebræum ex Arabica dialecto declarandi, ait inter alia, Celeberrimum Schultensium opusculi sui plagulas aliquot, a prelo madentes, lustrasse & laudasse. Miramur certe, quare Vir ille Arabice doctissimus Autorem de crassis illis erroribus, qui statim sub initium opusculi occurrunt, noluerit monere. Est quidem

vir humanissimus, & benigne de conatu studiosorum quovis vel levissimo judicare solet; verum tamen vel literarum de causa, & honori sui discipuli studens, debuerat errantem in rectam viam ducere. Ut omnia paucis contrahamus, valde dolet nobis, chartam & typos Arabicos ad utilius scriptum & Arabicæ literaturæ magis honorificum impensos non fuisse.

**M. PETRI DE PRETIO, VICECANCELLARII**  
*Conradi IV, Regis Romanorum & Siciliæ, Adbortatio ad Henricum Illustrem, Landgravium Thuringiæ, & Marchionem Misniæ. Ex MSS. eruit, notisque historicis passim illustravit, JOANNES HERMAN-NUS SCHMINCKIUS, Consiliarius & Bibliothecarius Hassiacus, curante filio FRIDER. CHRISTOPHORO SCHMINCKIO.*

Lugduni Batavorum, apud Samuelem Luchtmans & filium;  
 Academiæ typographos, 1745, 4.

Plag. 4.

**A**dhortationi illi pretium est suum, eo quod in ea non solum fatalis *Conradini* casus describitur, sed indicatur etiam, *Margaretam, Friderici II* Imperatoris filiam, *Alberti, Marchionis Misniæ*, uxorem, veram *Conradini* hæredem in regno *Siciliæ* ex testamento tam fratris, quam nepotis, institutam fuisse. Appulerat horis subsecivis animum *Jo. Herm. Schminckius* ad novam editionem Epistolarum *Petri de Vineis* parandam. Cœpit itaque in hunc usum varios Codices hujus *Petri* colligere, manu exaratos. Incidit ipse tunc temporis in duo exemplaria, quorum unum servat celeberrima Bibliotheca Paulina Lipsiensis, alterum Academica Jenensis, quæ quidem recentiora erant, sed varias comprehendebant tamen literas ineditas, inter quas præsertim opusculum *Petri de Pretio* eminebat. In hoc Autor ille Seculi XIII partim ob violentam *Conradini* necem in *Carolum Andegavensem*, Regem *Siciliæ*, hostem Suevicæ gentis insensum, acerrime invehitur, partim *Misnenses Marchiones*, tanquam legitimos ultimi hujus furculi hæredes

redes & testamentarios, ad vindicandam ejus mortem cruentam, & ad regnum Siciliae utriusque capessendum, multis modis stimulisque exhortatur. Viderat aliquid veluti per nebulas Cel. *Tentzelius* in Diss. sua de *Friderico Admorsō*, quam B. *Joannes Burchardus Menckenius* Collectioni suae *Scriptorum rerum Germanicarum* inseruit. Destituebatur tamen monumentis fide dignis. Vulgo Itali, Hispani, ac Germani, putant, *Conradinum* transtulisse regnum Siciliae in *Petrum*, Arragoniae Regem, per chirothecae projectae symbolum. Silet de eo *Petrus* noster. Filius amicae *Conradini*, *Margaretæ*, Marchionissæ Misnensis, *Fridericus Admorsus*, institutus fuit hæres. Hunc *Collenutius* in *Hist. Neapol. Lib. IV* in *Fridericum* Castellani convertit contra jus fasque. *Collenutium* sequitur *Gerardus de Roo* in *Historia Austria Lib. I. Beatrix*, filia *Philippi Suevi*, *Ferdinando III*, Castellæ Regi, nupta, peperit ex eo *Alphonsum X*, *Fridericum*, & *Henricum*. At hæc non erat *Conradini* amita. Habuit *Petrus*, Arragoniæ Rex, in matrimonio filiam *Manfredi*, spurii ex *Friderico II* procreati. Id veritati omnino congruit. At *Petrus* nunquam jus in Siciliam ex *Manfredo*, *Conradini* hærede, vel ex uxore, arcessivit. *Petrus de Pretio* eruditus est ignotus. Didicit B. *Schminckius* ex *Conradi* quodam Diplomate, eum *Conradi IV* fuisse Vicëcancellarium. *Pipinus* hunc *Henricum* in *Chronico* suo consuluit. Vidit ejus scriptum *Chronographus* Colonienfis, teste *fol. 193*. Incertum manet nihilo minus, quis & qualis exstiterit ille *Henricus*, quamnam munera successu temporis gesserit, & quando diem obierit supremum. Videtur *Adhortatio* A. 1269 scripta. Parabat inter hæc *Schminckius*, pater, novam collectionem Epistolarum de rebus *Friderici II*, *Henrici*, & *Conradi*, Regis Romanorum, *Entii*, Regis Sardiniae, filiorum, & nepotum Suevæ Ducis, ministrorumque ejus, præterea *Honorii III*, *Innocentii III*, *Gregorii IX*, *Innocentii IV*, *Alexandri IV*, *Urbani IV*, & *Clementis IV*, Cardinalium, Archi- & Episcoporum, Abbatum, item Imperatorum Constantinopolitanorum, Regum, Ducum, Comitum, Urbium, in quibus

famofissima illa inter Imperium ac Sacerdotium controversia describitur, multisque publici juris Germaniæ & regni Italici, nec non historiæ Germanicæ, momentis lux affunditur nova. In fine daturus erat appendicem miscellanearum epistolarum *Petri de Vineis & de Pretio*, nec non *Nicolai a Rocca* ad familiares, atque varias *Fridericiani* dicasterii intimi formulas, quæ ad fraudes Diplomatum suppositiorum detegendas faciunt. Hæc ex *B. Joannis Friderici Schminckii* Præfatione delibasse liber. Adjicit duo momenta filius, tanto parente dignus. Unum est, quod affirmat, optimum patrem hanc collectionem satis reliquisse perfectam, licet ultimam ei, obitus necessitate intercepto, manum haud admoverit. Alterum consistit in spe, quam optimum facit civitati eruditæ filius, de opere illo edendo, ac obtinendis compluribus Epistolis ex eruditorum apparatu, a patre suo non visis. Ægre omnino Historici illo opere *Schminckiano* carent. Preces itaque nostras publico nomine cum *Schminckianis* votis conjungimus, ac Italos inprimis omni, qua possumus, honoris & studii testificatione interposita oramus, ut editionem illam operis *Schminckiani* data opera ac benevole augeant, ornent, ac splendidiorem ad gentis suæ splendorem reddere velint. Ex *Henrico de Pretio*

Pag. 3. jam paucula sunt decerpenda. Vocavit ille hunc *Conradum secundum*. Vocavit *Fridericum Admorsum Fridericum tertium*. Ipse nomen suum prodidit §. 7. *Carolus Andegavensis* ab hoc appellatur §. 8. *Nero secundus*, gentis *humana carnifex*, regni *Siciliæ violentus invasor*, alter *Ruffinus*, & *Catiline novus*. Pupillum, ab hoc percussus, vocat *Conradinum secundum* §. 13. Modum necis, in hunc expromptæ, delineat tragice. Tribuit huic *Conradino* conjugem §. 14. *Vitus Arenpeck* in *Chronico Bojariæ* eam vocat filiam *Theoderici*, *Marchionis Misnensis*; nec tamen jam ductam, sed desponsatam ipsi, 14 annos nato. Ostendit §. 15, *Fridericum II* Imperatorem *Carolo Andegavensi* concessisse (in feudum) *Provincia Comitatum cum uxore*. *Fridericum Admorsum* vocat *tertium*, & *Imperatoris Friderici nepotem*, *Regis Conradini II consobrinum*. Et hunc invitabant *Thuscæ* legati, ut sibi præesse dignaretur.

gnaretur. Ipse etiam in animo habuit vindicare hæreditatem *Conradini*, teste *Chronico Placentino Tom. XVI Scriptor. Rer. Ital. Muratorii pag. 476.* *Petrus de Pretio* prodidit luculentis verbis, *Conradinum*, expositum neci subeundæ, alta voce proclamasse, publiceque simul *Fridericum* illum *Admorsum* instituisse suum *hæredem universalem*, tum in regnis, tum in Sueviæ Ducatu. *Conradus*, *Conradini* pater, testamento, illud ipsum indicaverat stabilieratque suo. Supererat tunc ex *Friderici II* hæredibus legitimis unica *Friderici Admorsi* mater, *Margareta*, A. 1270, biennio post *Conradinum* obtruncatum, defuncta. Omittimus alia, id subjungentes, Cel. olim *Schminckium* passim illam *Adhortationem*, nunc demum editam, illustrasse luminosis annotationibus, virumque existisse talem, quales Germania inter historicos ac eloquentiæ principes numerat perpauca. Precamur Deum, & ardentè optamus, ut parentis præstantissimi filius eruditissimus fidem datam liberet, &, quo eam liberare possit, valetudine firma, eaque diuturna, & rebus gaudeat secundis. Pag. 15.

*SERIES PROFESSORUM ET LECTORUM ACADEMIÆ FRISICÆ, quæ est Franequeræ. Accedunt Fasti rectorales, & Syllabus eorum, qui Senatui Academico fuerunt ab actis, ut & Bibliothecariorum.*

Franequeræ, apud Nicolaum Velink, 1745, 8.

Plag. 8 $\frac{1}{2}$ .

**E**x diuersis ista Elogia monumentis sunt collecta: ex Orationibus parentalibus, Actis Academicis, excerptis decretorum III. & Pot. Frisicæ Ordinum, atque aliunde. Neque vero hic tota comparent, sed velut majoris operis ἀποσπασµατῖα, cujus spem habemus in posterum videndi. Sunt autem, quorum ad ordinem annorum elogia exhibentur, *Sibrandus Lubbertus*, *Martinus Lydius*, *Henricus Antonii Nerdenus*, alias *Antonides van der Linden*, Theologi; *Henr. Schotanus a Sterringa*, J.Cus, *Petreyus Tiara*, Medicus, antea Græcæ linguæ Professor, ac primus novæ Academiæ Rector magnificus, qui edidit

edidit poemation de nobilitate & disciplina militari veterum Frisorum; *Joannes Drufius Aldenarda*, Flander, Theologus in lingua Ebræa veratissimus, *Lullius Adama*, J. U. D. *Elardus Reinalda*, qui, confessui Ill. Ord. Frisæ delegatorum adscriptus, singulari quodam in literas & novam Academiam affectu Professoris linguæ Latinæ & eloquentiæ munus imponi sibi passus est A. 1586, *Alardus Auletius*, Medicus, *Jo. Arcerius Theodoretus*, seu *Theodori* filius, Frisius, *Julius a Beima*, J. U. D. *Joannes a Sande*, Arnheimio-Gelrus, J. U. D. qui & senior Presbyterii Leovardiensis Synodo Dordracenæ interfuit, *Adr. Metius*, Medicus, *Henr. de Veno*, J. U. D. *Raphael Clingbyl*, Medicus, *Marcus Lydama a Nyebolt*, J. U. D. *Sixtus Arcerius*, Medicus, L. Gr. Prof., *Timæus Faber*, J. U. D. *Augustinus Adama* Medicus, *Paulus Busius*, J. Ctus, *Andreas Roorda*, Philothophus, *Joach. Andrea*, J. U. D. *Jo. Maccovius*, seu *Makowski*, Lobzenica-Polonus, Theologus, *Menelaus Winssemius*, Medicus, *Sixtinus Amama*, *Joannes Acronius*, Theologus, *Henr. Rbala*, J. U. D. *Arnoldus Werbel*, J. U. D. *Hellor Bouritius*, J. Ctus, sed simul elegantioribus literis Græcis Latinisque optime excultus, *Guil. Amefius*, Britannus, Theologus, *Jo. Hachtingius*, Philosophus, *Bernardus Schotanus a Sterringa*, J. Ctus, *Justus Reisenberg*, Hergera-Nassavius, J. Ctus, qui obiit Acad. Rector A. 1631, *Ge. Pasor*, Ellara Nassavius, *Meinardus Schotanus*, Theologus, *Bernardus Fullenius*, *Dan van Dam*, *Martinus Wybinga*, J. Ctus, *Sibrandus Menaldus*, Theologus, *Jo. Bogermannus*, Theologus, *Corn. Pynaker*, J. Ctus, *Pierius Winssemius*, J. Ctus, Historicus, Orator, qui & carmina scripsit, *Sirium & Amores*; *Jo. Coccejus*, proprie *Cock*, vel *Coch*, Bremensis, Theologus & Philologus, *Nic. Vedelius*, Palatinus, alius Gallus, Theologus, *Christian. Schotanus a Sterringa*, Theologus, *Jo. Antonides van der Linden*, Medicus, *Jo. Phocylides Holwarda*, Medicus & Philosophus, *Jo. Jac. Wissenbachius*, Nassavius, J. Ctus, *Jo. Cloppenburgius*, Amstelædamensis, Theologus, *Guil. Cup*, Bonamelia-Gelrus, J. Ctus, *Dom. Acronius de Bouma*, Eloq. Prof. *Petrus Mol*, J. U. D. & Prof. L. Gr. *Laur. Banck*, Gothus Norcopensis, J. Ctus, *Dan. Anguilla Roscæ*, *Lud. Parent*, Blesis Galius, Lingu. occid. Prof.

*Christoph.*



*Christoph. Munsterus*, Philosophus, *Nic. Arnoldus Lesna*, Polonus, Theologus, *Joach. Frencelius*, Lufatus, Medicus, *Phil. Mattheus*, Marpurgo-Cattus, Medicus, *Jo. Gerhardi Terentius*, L. Ebr. Prof. *Jo. Valkenier*, Colonienfis, Theologus, *Ulr. Huberus*, J. U. D. *Abr. de Grau*, Mathematicus, *Jo. Greidanus*, Philosophus, *Franc. de la Prix*, Gallus, Lingu. Occ. Prof. *Abr. Steindam*, Philosophus, *Jo. Wubbana*, Philosophus, *Mich. Dufch*, Pomeranus, Hist. & Pol. & Eloq. Prof. *Taco a Glins*, Jctus, *Jo. Ant. Tronchin*, *Jo. Melch. Steinberg*, Theologus, *Nic. Blanckardus*, Medicus, Hist. & L. Gr. P. qui & Panegyricum anno seculari Academix Frisicæ scriptit, *Phil. Mattheus*, Medicus, *Silvester Jac. Dankelmann*, Jctus, *Herm. Witsius*, Theologus, *Jo. a Marck*, Theologus, *Jo. van der Veyen*, Theologus, *Seb. Schelkens*, Mœno-Francof. Jctus, *Jo. Schotanus a Sterringa*, Philosophus, *Gerb. Noode*, Jctus, *Abr. Gulichius*, Philosophus, *Tob. Andrea*, Bremensis, Medicus, *Camp. Vitringa*, *Jac. Perizonius*, *Jac. Rbenferdius*, Mulhemio ad Rhenum Ubis, L. Ebr. P. *Bern. Fulenius*, J. U. D. qui & Ebræam calluit linguam, & Mathesin professus est, *Jo. Regius*, Brabantinus, Philosophus, *Corn. van Eck*, Jctus, *Henr. Al. Roell*, e Comitatu Marcano Westphalus, Theologus, *Henr. Philiponeus de Hauteour*, Ducæo prope Ab-rincas Gallus, Theologus, *Jo. Lemonon*, Pontevelio-Gallus, L. Gall. Prof. *Petrus Latané*, Gallus, Medicus, *Abr. Cyprinnus*, Medicus, *Guil. Coetier*, J. U. D. *Jo. Sibranda*, praelector linguae Gr. *Zach. Huberus*, Jctus, *Ant. Schultingius*, Jctus, *Lamb. Bos*, L. Gr. Prof. *Ruardus Andala*, Theologus, *Jo. van der Wayen*, Medioburgo-Selandus, Theologus, *Jo. Hemsterhuis*, Medicus, *Nic. Gurtlerus*, Basilea-Helvetus, Theologus, Philosophus. Philologus, *Wilb. Loré*, Mathematicus, *Wyerus Guil. Muys*, Stenovico-Transilvanus, Medicus, *Dom. Balk*, Jctus, *Alb. Schultens*, L. Ebr. P. *Camp. Vitringa*, *Camp. filius*, Theologus, *Jo. Ortwinus Westenberg*, Jctus, *Tib. Hemsterhuis*, Groning. L. Gr. & Hist. P. *Jo. Conr. Rungius*, ex Com. Lippiaco, El. & Hist. P. *Herm. Venema*, Groning. Omlandus, Theologus, *Petrus Wesseling*, Steinfurto-Benthem. El. & Hist. Prof. *Alb. Wilb. Melchioris*, Theologus, *Jo. Gottlieb Heineccius*, Jctus, Halæ non sine lite-

rarum detrimento mortuus, *Jac. Voorda*, Jctus, *Abr. Wieling*, Hammona-Westphalus, Jctus, *Jo. Oosterdyk Schacht*, Medicus & Philosophus, *Godofr. du Bois*, Cruininga-Selandus, item Medicus & Philosophus, *Emo Lucius Vriemoet*, Embda-Frisius, L. Ebr. P. *Petr. Burmannus*, El. Hist. & Poet. P. *Petrus Conradi*, Theologus, *Ge. d' Arnaud*, Jctus, *Petr. Laan*, Theologus, *Chr. Henr. Trotz*, Colberga-Pomeranus, Jctus, *Lud. Cass. Valckenaer*, L. Gr. P. *Jo. Arntzenius*, Vefalia-Clivus, J U. D. El. Hist. & Poet. P. *Nic. Ypei*, Mathematicus, *Bernardinus de Moor*, Theologus, *Fred. Winterus*, Clivus, Medicus, *Sam. Kanigius*, Philosophus, & *Jo. Schraderus*, prælector Eloq. & Hist. Horum elogiis qui adduntur, cum saltem sint Indices, non est nostrum, eos excerpere, quippe quibus sufficit majoris operis excitasse sitim.

**THEODORI CRÜGERI, THEOL. D. ET SUP. Diœces. Chemnit. Apparatus Theologiæ moralis Christi, & renatorum, variis observationibus illustratus, in quo sanctissimum Jesu Christi exemplar, ex natura & gratia ejus expressum, in intellectu, conscientia, religione, imaginatione, memoria, voluntate, affectibus, virtutibus, sensibus, corpore, infirmitatibus, & medicina mentis, conspicuum, accuratius & plenius regentis ad imitandum proponitur.**

Lipsiæ, apud Bernhard. Christoph. Breitkopfium, 1747, 4.

Alph. 7 plag. 6.

**O**ptime quidem Venerabilis Autor noster cognitum atque perspectum habebat, quam ferax esset ætas nostra talium librorum, quorum lectio ad formandos mores sanctiores plurimum conducirer; nihilo tamen minus rem bonam sibi facturus videbatur, si omnes animi sui doctrinæque nervos eo intenderet, ut *specialem renatorum Theologiam moralem, ex imitatione Christi depromptam*, cum veritatis diviniore affectis communicaret, idque inprimis ageret, ut hiatus doctrinæ moralis renatorum, & insigniores ejus defectus, pro

pro virili sua parte suppleret atque restitueret. Methodo autem utitur medicorum sanandi rationi non abfimili, quod ex his, quæ deinde dicemus, unicuique lectorum facile erit iudicatu. *Prolegomena* inscribuntur *de natura atque indole Theologiae moralis renatorum, ex imitatione Christi depraevæ*. Varias variorum hic, doctrinam morum tradendi, vias recensere libuit Autori, ex quibus *paradigmaticam* præoptat, secundum *Seneca* præclaram vocem; *Longum iter est per præcepta morum, breve & efficax per exempla*. Suis tamen limitibus hujus doctrinæ metam, ait Noster, contineri, ne abusus doctrinæ sanctiori injuriam inferat, quod tum demum fieri solet, si exempla aliorum *sanctorum* absolute, & citra ævorum, in illis conspicuorum, exceptionem, ad imitandum proponantur, & fabulæ aniles pro veris rerum gestarum monumentis venditentur. Quid *studium sit imitandi*, cui omnis Theologia paradigmatica innititur, quis ortus, effectus, quæve cautelæ sint notandæ, illud curatæ Autor exponere laborat, & *studium* quidem imitandi in conatu, censet, vel connato, vel assuefacto, consistere, qui fertur ad formandos mores secundum exemplar alterius, vivis coloribus expressum. Arcius deinde fines constituuntur, intra quos exemplum Christi ratione imitationis nostræ continetur, quod brevissimis ita expedit Autor, quatenus scilicet ipsa humana Christi natura studium imitandi exercuerit in *rebus humanis*, post formam servi assumptam in similitudine hominum constituta. Exinde optimum ad imitandum nobis proponitur exemplum, sanctissimum & ab omni labe immune. Post interjectam satis fusam enarrationem scriptorum, qui vitam Christi expositam dederunt, imitatio Christi, generatim spectata, dicitur *studium habituale Christianorum, e viribus gratia Spiritus S. ortum, sequendi exemplar cogitatorum, propensionum, virtutum, didicorum, & factorum Christi, in quantum imitabilia illa vobis proposita sunt*. Ex his altius inquiritur in necessitatem, indolem, objectum, fructus, reliquasque hujus rei affectiones, & ad realem descenditur finitionem, ubi doctrina moralis, studium imitandi vitam Christi systematicè proponens,

Pag. 3.

9.

11.

14.

17.

19.

23.

25.

27.

33.

- ponens, dicitur Theologia Christi paradigmatica, seu scientia habitualis practica, e verbo divino hausta, sistens nobis vitam, habitus naturales, & dona gratiæ Jesu Christi, in exemplar agendorum & onitendorum, ad cujus amissim omnes regentorum ideæ, propensiones, virtutes, affectus, sensus, mores, dicta, & facta, pro viribus dirigi, & ad imaginis divinæ ulteriorem in dies instaurationem, sollicite adduci debent, ut gloria Christi & animarum salus in dies promoveatur. Circa finem præliminaris hujus Dissertationis impius ille, & in meritum Christi injurius, profligatur error plurimorum adversariorum, qui, Servatorem in mundum ideo unice venisse, tradunt, ut tantummodo perfectum exemplar virtutum nobis conspiciendum proponeret. Sequitur nunc
49. *Caput primum, principia fundamentalia* imitationis Christi moralis, e Christologia dogmatica analogice depronata, pertractans, ubi *Sectio prima* de sequela nominum, naturæ, personæ, munerum, & statuum Christi, moraliter a renatis præstanda, præcipit. Propositio universalis, ex qua in hoc virtutum genere omnes veritates immediatæ fluunt, ita constituitur: *Sequere naturam & gratiam in Christo conspicuam*, cujus principii, adæquate constituti, uberiores deinde Autor reddit rationem, & ad onomatologiam Christi, mentem nostram ad virtutum sequelam elevantem, pergit, cujus exempla quædam, ut forte nobis sunt obvia, hic enarranda sumamus. Quando Christus dicitur תלוי, *suspensus*, ad eam hic exergendam admonemur virtutem, ut gloriemur super afflictionibus crucis
63. ad suscipiendum jugum Christi. Porro Christus dicitur *rosa vallis*, & *flos Saronis*, *vitaque lignum*, quod Christianos edocet, ut de vita sua caduca, sicut flore, crebrius cogitent. *Caprea* dicitur Servator; hinc, ut agilis & alacris sit Christianæ suæ vitæ praxis, unusquisque instituitur. Ex his reliqua facile datur æstimandi vera ratio. Ea, quæ sequuntur, plurima ex parte ex Theologia dogmatica sunt desumpta, ubi de unionem Christi personali, ejusque duabus naturis, præceptiones afferuntur plurimæ. Inter ea tamen Commentatio interseritur singularis *de phenomenis naturæ*, physice consideratis,
70. naturam

naturam moralem veteris & novi hominis non parum illustrantibus, cujus generis hæc inprimis nobis fuerunt obvia: Natura physica nihil frustra agit; sed natura veteris hominis moraliter omnia frustra agit, cum e contrario natura sanctificata novi hominis moraliter nihil frustra agat. Natura physica semper intendit id, quod est optimum; at natura veteris hominis nihil intendit, nisi pessimum, cui contra nitens natura sanctificata id intendit, quod est optimum. Et sic reliqua. Caput omne tractationis hujus in eo versatur, ut ex doctrina illa de unione, & naturis in Christo, axiomata gratiæ habitualis in Christo discamus, quæ cardinis quasi vicem in omni Autoris opere sustinent. Sunt vero istæ, qualitates donorum peculiarium, & præ nostris eminentium, finitorum tamen, & quæ naturæ humanæ habitualiter & subjective insunt, ita, ut in statu renovationis homini novo ad imitandum proponantur. Imitationem moralem *ἐννοήσας* Christi Autor in *ὑποτάξει* fidei quærit, non essentialiter quidem, aut substantialiter, sed *mysticæ* & spiritualiter, spectata, in actu justificationis, ubi persona Christi velut peccatum, & persona hominis justificandi velut justus Christus, per imputationem divinam reputantur. Delabitur inde Noster ad immunitatem Christi a peccato, & nefandas voces famosissimi *Edelmanni*, hominis pessimi, strenue refellit, quibus, *naturam Christi humanam nunquam quidem actu peccasse, sed habuisse tamen fomitem peccati, & peccare potuisse, si voluisset*, impie atque absurde dixerat. His profligatis diæteriis, imitationem Autor perfectam *ἀναμνησας* Christi in regno futuro cælorum constituit, cum in statu gratiæ perfecta illa non datur, nec quoad partes, nec quoad gradus. Communionem intimam naturarum Christi personalem imitari analogice & moraliter communionem fidelium mysticam, Noster asserit, & mysticæ hujus imitationis partes primarias ordine exponit, quibus ratione trium generum communicationis Christi *idioma-tum* aliæ adduntur mysticæ nostræ imitationis rationes. Officium Christi propheticum imitantur omnes regeniti *ἑοδι-δαστοι* mediante verbo, non solum in munere publico eccle-

Pag. 76.

87.

90.

97.

107.

111.

124.

- fiastico versantes, sed privata quoque sui institutione, per spiritualesunctionem, & efficacem cordis immutationem, illuminationem, regenerationem, & sanctificationem, eruditi.
142. Pari modo reliqua officia Christi ad imitandum regentis caute proponuntur, & ad status Christi diversos fit digressio, quorum gradus recensentur, quodque in iis detur imitabile, quave optime id fiat ratione, clarius docetur. In *Sectione* hujus *Capitis secunda* de sequela gratiæ in Christo agitur, ubi principii loco ponitur gazophylacium totius renatorum Theologiæ moralis, quod est doctrina de gratia divina, per Christum parta, & in exemplo imitabili Christi conspicua. Hinc sequela gratiæ Christi est præcipuum fundamentum totius doctrinæ moralis renatorum, & thesaurus, a Deo nobis donatus.
168. Homo renatus gratiam Christi, active in se operantem, imitatur passive per varios gradus gratiæ propter meritum Christi, ita, ut gratia divina, nobis donata, analoga sit, & similis gratiæ Dei, quæ in Christo est, pari modo, sicut sigillum ceræ imaginem suam imponit, ita, ut, quem ad modum Christus exinanitus profecit in gratia Dei, sic anima fidelis crescat in gradibus gratiæ, quorum singula hic enarrantur capita. Unctio spiritalis Christi dicitur communicatio divinæ plenitudinis & donorum gratiæ, unigenitum Dei filium adimplens gratia & veritate, quam unctio fidelium spiritalis imitatur, quæ consistit in collatione donorum gratiæ, tam administrantium, quam sanctificantium. Donum miraculorum Christi extraordinarium fuisse χάρισμα, Noster dicit, tales edendi actiones supernaturales, quæ nec in naturæ, nec in gratiæ ordine, solito nexu, aut viribus, continentur, sed ordinem naturæ, & gratiæ, a Deo constitutum, longe transcendent. Hoc donum pertinuit etiam ad fideles in ecclesia Christi plantanda, quibus dona miraculosa ad imitationem Christi fuerunt permissa. Hac data occasione, *Holmanniana* de miraculis sententia, qua *Wolfianam* hypothesein de forma miraculorum defendere studuit, modeste examini subijcitur. Extremam hujus *Sectionis* partem occupat Commentatio de pirastica sacra, quæ donum gratiæ divinæ renatis datum dicitur,

quo intra semet ipsos, ratione sui, & aliorum, examen actu instituunt de fide sua salvifica, & operibus vere bonis, ubi cavendum est, ne fallacia nostræ naturæ, gratiam imitantis, Pag. 224.  
nobis aliisque illudat. *Caput secundum* *Ψυχολογίαν* Christi, 227.  
seu doctrinam de *anima humana* Christi, & Christianorum, assimulatione consubstantiali, exponit, ubi quidem 230.  
non solum de animæ humanæ existentia in genere, sed de Christi etiam anima, ejusque partibus essentialibus, disseritur. Anima ipsius ad ductum Scripturæ Sacræ describitur, quod sit 234.  
essentia spiritalis, simplex, finita, & incompleta, corpori naturaliter, τῷ λόγῳ personaliter, unita, facultate intelligendi & volendi, multisque aliis donis gratiæ habitualibus, instructa, ad genus humanum docendum, redimendum, & ecclesiæ militantis triumphantisque regimen capeffendum, divinitus destinata. Mansit autem anima Christi finita atque dependen- 247.  
dens, etiamsi infinita dona per unionem cum λόγῳ personalem acceperit; quo pacto probe intelligitur, successive eam crevisse in sapientiæ donis, & sua incrementa aliis ostendisse hominibus. Eundem in modum nostra anima humana finita prorsus est atque dependens, ex parte modo cognoscens, & voluntatis desiderium, in infinitum bonum tendens, in his, quas natura ad vivendum dedit, angustiis quam maxime circumscriptum cernitur. De præexistentia deinde animæ & Christi agitantur quæstiones multæ, quibus alia additur 250.  
de origine animæ Christi, ubi disputatur a viris doctis, num 253.  
illa immediate a Deo creata, utrum potius per traducem e *Maria* generata sit. Facili negotio, si modo in evidentia testimonii Spiritus S. acquiescere velimus, discuti hanc quæstionem posse, Noster recte asseverat, cum literæ nos doceant 257.  
sanctiores, per generationem utero *Mariæ* eam esse productam. Objectiones quædam, facile hic subortæ, deinde remouentur, & contra *Carporium*, in hac causa ab Autore dissentientem, nonnulla monentur. Circa nexum animæ & corporis Christi, a Spiritu S. nobis non revelatum, philosophicas Autor attingit quæstiones, de commercio animam inter & corpus humanum vulgo agitas. *Caput tertium* *Νοολογίαν* Christi, 262.  
277.

- Christi, sive doctrinam de *habitus intellectualibus* Christi, secundum naturam & gratiam spectatis, renatis ad imitandum propositis, persequitur. *Seclio* inprimis *prior* sequelam luminis
- Pag. 178. naturæ in Christo pertractat, & quid per *voclogyslav* Autor sibi velit, tradit; ubi docet, illam instruere renatos circa imitationem intemeratæ mentis Christi, quo modo nempe omnes suos habitus intellectuales, facultates item & operationes mentis, ad exemplar habituum intellectualium Christi, emendare, atque ad veram sapientiam, scientiam, prudentiam, fidem,
281. & reliquis intellectus virtutes spirituales, per illuminationem Spiritus S. rite perducere queant. Demonstrata existentia intellectus Christi, facultas & operationes ejus altius examinatur, & curate docetur, ideas Christi humanas cum ejus omniscientia divina non esse confundendas, siquidem facultates ejus naturales finitæ & separatæ manserint ab omniscientia infinita, cum ipso communicata; ideas porro ejus in statu exinanitionis ab ideis ejus in statu exaltationis fuisse diversas, diversamque idearum Christi originem pro diversis objectis cognoscendis statuendam esse. Suspensio judicii Christi, nonnunquam in vocibus, ab ipso editis, occurrens, docet renatos, ut Christum imitari debeant, quando inperscrutabiles providentiæ divinæ vias rimari nequeant; quando mysteria revelata audiant; quando sibi caveant ab omnibus verborum æquivocationibus, aut aliis lenociniis, in quibus suspensio judicii effugium quærit.
302. Admiratio Christi in diebus carnis nunquam, sicut in nobis, supponit inscitiam antegressam, sed, circa objectum, ipsi placens, versans, pro laudis ejus encomio sumitur, circa objectum autem, ipsi displicens, indignationem ejus significat, & querelas comites habet.
310. Lumen huic naturæ contradistinguitur ab Autore lumen gratiæ, sive complexus facultatum & habituum supernaturalium Christi & renatorum, intellectui divinitus superadditorum. Tales sunt divina sapientia, scientia, prudentia, *θεοσοφία*, *θεομυστία*, fides, & reliqua, quæ *Seclio tertia* plenius evolvit, sequelam luminis gratiæ in Christo uberius docens. Exhibentur hic *phenomena naturalia* intellectus humani, e Logica desumpta,
315. 322.



defumta, phænomena spiritualia & moralia eximie illustrantia, quæ omnia hic recensere, spatii angustia prohibet. Nec hic de- Pag. 336.  
esse voluit rebus suis ornandis Autor, & impietati profligandæ, cum, data occasione, prolixam hic iterum contra *Edelmannum* instituit disputationem, qui, rationem humanam esse ipsum Deum, & λόγον *Joanneum*, adoratione dignum, in scriptiunculis suis deblaterare non erubuit. Refertur huc etiam peculiaris Commentatio de *Arithmetica* spirituali renatorum, quæ Autori dicitur ars computandi mystica, sanctam Christi ratiocinationem moraliter imitari studens, in quotidiana pœnitentia & exploratione sui ipsius, quæ beneficia Dei accurate considerat, & momenta vitæ ad trutinam exempli Christi & legis Dei ponderat, uti hoc secundum singulas numerandi species exigitur. Fides Christi dicitur notitiæ, assensus, & fiduciæ ejus immotæ, acquiescentia perpetua in veritatibus cœlestibus, præsertim in promissionibus Dei patris, rite perceptis, sincere approbatis, & sancte sibi applicatis. *Caput quartum συνειδελογίαν*, seu doctrinam de conscientia & religione Christi, pertractat, & in *Sectione* ejus *priori* speciatim de sequela conscientie Christi agitur, cujus existentia confirmatur primo, & deinde, qualis fuerit, describitur. Est autem conscientia Christi argumentatio mentis ejus de suis cogitatis, dictis, factis, & omissis, ad voluntatem Dei patris, ipsum mittentis, relatis, ut nulla factorum pravitas, sed perpetua bonitas, cum mentis tranquillitate, inde in ipsum redundaverit. Norma hujus conscientie est intrinseca Christi sanctitas, & mentis divinæ rectitudo, conveniens exacte cum voluntate divina, generatim spectata. Christum in agone mortis sensisse conscientiam dubiam, utique asserendum esse, Noster statuit, ita tamen, ut non in *συντηρήσει*, & notitia voluntatis divinæ, sed in *συνειδήσει*, & propriarum virium ad tolerandos cruciatus ἀγωνίας exploratione, existerit. Inde, adjicit, solatium haud mediocre in renatorum conscientiam dubiam profluere. *Posterior* hujus *Capitis Sectio* de sequela religionis Christi præcipit, quæ verum ejus de Deo trinituno sensum, & rectum ei præstitum cultum, complectitur, qui

348.

353.

357.

361.

362.

377.

393.

- Pag. 409. imitationi renatorum proponitur, ubi præter reliqua ab Autore nostro monetur, Christianismum V. T. quoad vitam praxi non pro norma habere potuisse imitationem vitæ Christi, quia Messias tunc temporis nondum in vivis fuerit, adeoque vita ejus ad imitationem trahi nondum potuerit. *Caput quintum*
417. *Φαντασιολογίαν* Christi commemorat, sive *facultatem imaginandi* in Christo secundum naturam & gratiam spectatam.
420. Distinguitur illa in activam & passivam. Activa imagines objectorum absentium suscitavit, conservavit, composuit, sejunxit, compescuit, auxit, imminuit, atque ad varios effectus in semet & aliis excitandos direxit, & semper intellectui suo puro subordinavit. In quantum hæc cadant in renatorum phantasia, quantaque sit differentia utriusque, sequentia docentur.
432. Distinguitur illa in activam & passivam. Activa imagines objectorum absentium suscitavit, conservavit, composuit, sejunxit, compescuit, auxit, imminuit, atque ad varios effectus in semet & aliis excitandos direxit, & semper intellectui suo puro subordinavit. In quantum hæc cadant in renatorum phantasia, quantaque sit differentia utriusque, sequentia docentur.
438. *ἐνθουσιασμένον*. Sed per enthusiasinum intelligit Noster hoc loco concursum immediatum & intimam permeationem naturæ divinæ cum facultate imaginandi Christi humana, qua illa imagines rerum absentium, præsertim futurarum perpeffionum, persolvendi *λύτρεσ*, & status exaltationis, facultati imaginandi humanæ Christi distincte suggessit, communicavit, composuit, fovit, sustentavit, & eum in finem sapienter direxit, ut intuitu futuræ gloriæ natura Christi humana eo promptior redderetur ad subeundum tremendum opus redemptionis, & ad animarum nostrarum salutem promovere. Ad *sextum* accedimus *Caput*, quod de *μνημολογίαν*, sive *facultate recordandi*, in Christo secundum naturam & gratiam spectata, disserit. Facultas recordandi humana, sicut in universum, ita seorsim spectata, in Christo est facultas mentis ejus, agnoscendi iterum reproductas ideas pro iis, quas olim concepit intellectus, vel sensus humanus, cui in quantum assimiletur nostra facultas ruminandæ, & quam diversa sit hæc ab illa, Autor explanare non

non omisit. In quæstione de frontalibus mnemonicis proba- Pag. 460.  
biliter Noster judicat, Christum utique gestasse phylacteria,  
non ex necessitate, aut superstitione, sed ex imitatione & par-  
ticipatione rituum innoxiorum Judaicorum. Difficultates le-  
vissimæ, hæc sub controversia motæ, tolluntur facili negotio 461.  
ab Autore nostro Venerabili. Memoriam Christi supernatu-  
ralem, Noster ait, continere dona gratiæ mnemonica, facul-  
tati recordandi naturali Christi superaddita, qua permeatio  
mutua, naturæque divinæ internus concursus, plenum rerum  
præteritarum omnisciumque reminiscentiæ habitum cum natu-  
ra Christi humana communicavit. *Caput septimum Θεληματο-* 485.  
*λογίαν* Christi, sive doctrinam de *voluntate* & *libertate* Christi,  
pertractat. Existencia atque indole voluntatis ejus declarata, 488.  
impulsus, determinans facultatem volendi, aut nolendi, dicitur  
representatio rationis sufficientis, objecti boni, vel mali, vere, 490.  
vel apparenter, melioris, aut peioris. Classes deinde facultatum  
Christi volendi constituuntur, & in specie de actibus ejus vo-  
lendi *elicitis*, seu immanentibus, atque *imperatis*, seu emananti- 497:  
bus, & in opus ad extra transeuntibus, differitur. Necessi- 502.  
tas Christi moralis, monente Autore, immutabilem nexum  
causarum atque effectuum in essentia & voluntate Christi con-  
tinet, ita, ut aliter se habere nequeat, eaque est institutio-  
nis personalis, consecutionis fœderalis, atque operationis hy- 505.  
potheticæ. Spontaneitas Christi est intrinseca ultronea deter-  
minatio & nîsus voluntatis ejus ad bonum sufficienter cogni-  
tum appetendum, & peragendum, & ad malum, satis perspe-  
ctum, averſandum & omittendum. Ultimo loco phænomena  
statico-mechanica, doctrinam moralem in voluntate, li- 520.  
bertate, & *ἐνδεχέσθαι* humana, non parum illustrantia, addun-  
tur, ex quibus, loco speciminis, unicum hic proferre lubet  
exemplum. In æquilibrio sunt gravia æqualia, a centro  
gravitatis æqualibus intervallis suspensa. Ita in voluntate di-  
vina justitia & mîsericordia ejus in æquilibrio sunt, quin justitia  
ejus stat sicut montes *Pſ. XXXVI, 17*, & omnes viæ ejus  
implentur bonitate *Pſ. XXV, 10*. At renati meritorum suo-  
rum putativum æquilibrium ad cœli gloriam promerendam  
Aaa a 2 abnegant,

- agnescant, debiti sui immerentis, & gratiæ divinæ, æquilibrium  
 Pag. 523. agnoscant nullum. *Caput octavum παθολογίαν* Christi complectitur, seu doctrinam de *affectibus* Christi, renatorum affectibus ad imitandum propositis. Omnis hujus rei contemplatio quatuor momentis absolvitur, quorum *primum* desiderii humani generalem tractat enucleationem, prout in voluntatem, vel tædium, tendit; *secundum* exhibet affectus primitivos, amorem & odium; *tertium* perpendit affectus derivativos reliquos; *quartum* signa dat affectuum externa. Excerptamus jam ex *Sectione priori*, de affectibus Christi primitivis agente, nonnulla, ut Lector habeat, quod de Autoris nostri laboribus judicare possit. Sympathia Christi physica est mutua in sentiendo, agendo, & patiando, animæ & corporis ejus convenientia, præsertim in nexu animæ & corporis, naturaliter conspicua, qua *συμπάσχωσα* mutuo inter se vinculo conjuncta sunt. Sympathia vero moralis est arcana voluntatis & agendi patiendique in Christo & renatorum attractiva consensio. Affectus Christi naturales & nostri conveniunt quidem inter se ratione indolis formalis; differunt tamen etiam ratione affectuum regiminis, causæ finalis, obligationis legis, fallaciæ naturæ, gratiam imitantis, & numeri. Singulis deinde generibus amoris & odii enarratis, ad *Sectionem*  
 542. Noster *alteram* hujus *Capitis* pergit, ubi de affectibus Christi derivativis, ad imitandum propositis, agitur. Hinc de læticia, tristitia, spe, fiducia, metu, & reliquis, ex industria fit disputatio. Christi *ἀγωνίαν* theatrum fuisse plerorumque ejus affectuum, Autor putat, ubi angor, metus, consternatio, tristitia, ira, indignatio, zelus, pudor, dolor, odium, & reliqua, ad summum usque gradum se manifestarunt. Hanc imitantur renati in articulo mortis, & in statu summæ tentationis, quando præsertim lucta carnis & spiritus ad supremum gradum perducitur. *Secutio tertia* cum pathologia semiotica hoc *Caput* claudit. De *Φιλανθρωπία* Christi signum hoc affertur insigne, *sibilus* scilicet ejus *evangelicus*, per verbi præconium blande advocans mortales, ut ad fidem & vitam æternam se adduci patiantur, quem renati blandis suis alloquiis

quius imitari student. Rîsum signum esse lætitiæ, Christumque  
leniter subrîssisse utique, per probabilem conjecturam Autori  
videtur. Renati, verecunde subrîssentes, hanc imitantur lætitiæ  
testificationem. In *Capite nono* ad virtutes Christi generatim  
spectatas fit progressus. Demonstrata existentia virtutum in  
Christo vere talium, illæ per habituales describuntur inclina-  
tiones mentis & voluntatis ejus ad actiones ubivis sanctas, ju-  
stas, rectas, & voluntati divinæ perfectissime conformes, per-  
agendas. Ex his forma, indoles, fons, subiectum, atque objectum,  
virtutum Christi amplius describitur. Cumque pro vario ob-  
jectorum respectu virtutes Christi nonnullæ dentur inimitabiles  
tam respectu nostri, quam respectu sui ipsius, sollicite hæc  
Autor separat, & distincte exponit. His præsuppositis, ad de-  
scribendam formalem rationem virtutum Christianarum pro-  
cedit Noster, perhibens, formam earum esse habituales incli-  
nationem mentis ad exemplar Christi se constanter & serio  
componendi ad voluntatem Dei legalem & evangelicam, quæ  
per partes ad singulas virtutes conferuntur. *Seçtio secunda* de  
virtutibus Christi erga Deum specialem instituit tractationem,  
ubi de pietate, & divino ejus cultu, tam interno, quam ex-  
terno, amplius disseritur, & imitatio ejus in cultu renatorum  
quoad ejus requisita, classes & attributa devotionis, sub fi-  
nem proponitur. Pari modo in *Seçtione tertia* doctrina de  
virtutibus Christi erga semet ipsum præcipitur, cui in *quarta*  
Commentatio de virtutibus ejus erga alios additur, & ad imi-  
tationem renatis singula proponuntur. Sequens *Caput decimum*  
ad *explorationem sensuum* Christi accedit, & in *prima* quidem  
*Seçtione*, de sensibus Christi externis, generatim spectatis,  
agente, sensus Christi naturales describuntur, quod fuerint  
motus fluidi nervei in corpore ejus, inducti ab objectis ex-  
ternis, organa sensuاليا attingentibus, & ad cerebrum pro-  
pagati, ibique ab anima Christi naturaliter percepti. Isti  
sensus nostrorum sensuum mundandorum sunt exemplar, ut  
secundum ejus rationem restituantur, & ut nos ipsi labem ori-  
ginis, sensibus adhærentem nostris, cum vera contritione cor-  
dis agnoscamus. Regimen sensuum mysticum apparet in san-

633.

638.

640.

643.

647.

691.

730.

767.

825.

827.

830.

- Pag. 833. aificatione & renovatione nostra quotidiana, quippe quæ  
 recolectio est sensuum externorum ad interiora mentis, per  
 veram fidem ad Deum conversæ. Phænomena denique sensuum,  
 generatim spectata, prout naturam sensuum mysticam,  
 & fallaciam naturæ, in sensibus gratiam imitantis, illustrant,  
 sub finem hujus *Sectionis* adduntur, quorum exemplum illud  
 est: Sicut sensus omnes naturales in unum generalem, tactum, re-  
 solvuntur, ita & sensus mystici omnes in unum cordis spiritua-  
 lem, contactum, resolvuntur. Reliqua consulto omittimus.  
 837. Procedimus ad *Sectionem secundam*, de *visu* Christi, renatis  
 ad imitandum proposito, præcipientem. Visus hic primo  
 839. naturalis Christi describitur, & deinde, metaphoricus & alle-  
 goricus qualis fuerit, expenditur. Utrum Christus in diebus  
 carnis patrem oculis corporis viderit, quæritur; quam quæ-  
 sitionem, jam olim motam, Noster ita solvit, ut dicat, Chri-  
 stum per modum prægustus æternitatis, vel beandorum, vel  
 damnandorum, Deum patrem vidiisse, non autem compre-  
 hensive. Qualis usus secundum exemplar Christi oculorum  
 sit nostrorum, sequentia momenta ad imitationem revocant,  
 851. & usu mystico ordinario perhibetur, illum per solam fidem  
 854. in Christum, mediante verbo, fieri, cujus phænomena ex  
 phænomenis visus naturalis quam maxime illustrari posse, No-  
 ster existimat, dummodo reputare nobiscum velimus, non  
 dari lucem innatam oculis humanis corporis, siquidem nec  
 embryones, nec demortui, nec homines vivi, in loco tene-  
 broso & umbroso constituti, quidquam videant. Ita etiam  
 non dari lucem spirituales innatam oculis mentis. Secun-  
 dum hanc methodum reliqui pertractantur sensus Christi, &  
 865. renatorum, ut vel ex his facile Lectori de reliquis constet. *Se-*  
 877. *ctio* hinc *tertia auditum* Christi, renatis ad imitandum propo-  
 889. *situm; quarta tactum; quinta gustum, & sexta denique odo-*  
 904. *ratam* Christi secundum nostrum odorem naturalem & mysti-  
 cum exigit, ut odoriferi siamus Deo. Subsequens *Caput un-*  
 915. *decimum* ad *σωματεργίαν* pergit, de corpore Christi doctri-  
 nam in communem Theologiæ moralis usum asserens. *Se-*  
*ctio prima* hujus *Capitis* de corpore Christi, generatim spe-  
 ciato,

claro, differit. Consideratur hic ante omnia dignitas atque excellentia corporis Christi, cui succedit diversitas genealogiæ ejus, & conceptio corporis ejus, non naturaliter, sed supernaturaliter, facta. A quantitate corporis Christi naturali trans-  
 itur ad quantitatem corporis mysticam, & primo quidem ad  
*trigonometriam* hominis novi mysticam, divinorum mysterio-  
 rum sublimitatem pro modulo unctionis spiritualis delinean-  
 tem. Axioma hujus generis, præter reliqua, sequens com-  
 municabimus: *Datis tribus personis divinis, triangulum mystic-  
 cum* consubstantialia & reale in S. S. Trinitate a novo homine  
 per fidem indubiam *concepitur*. Pari diligentia *Epipedometria*  
 novi hominis, & *Stereometria* ejus, applicatur, cujus axioma  
 quoddam hic addere juvat: *Cylindrum sollicitudinum suarum*  
*temporalium* devolvit novus homo in manus Christi, huic com-  
 mendat vias suas, probe confidens, quod *Christus omnia bene  
 fecerit*. Reliqua, quæ sequuntur, ad ætatem, sexum, tem-  
 peramentum, venustatem, aliasque corporis Christi affectio-  
 nes, spectant. Nec omittitur *electricitas*, seu agilitas corpo-  
 ris Christi, quæ ea dicitur qualitas, qua Christus per circum-  
 gyramentum frictionem ætheris in radiis solaribus diurnis, vel  
 per facies nocturnas splendentes, externe fuit illuminatus.  
 Hæc quomodo ad electricitatem novi hominis corporis mate-  
 rialis transferantur, lectoris arbitrio est permittendum, ne ni-  
 mis longi in enarrando hoc Opere videamur. *Secundo* de  
*partibus* corporis Christi *solidis* agit, quatenus  
 novo homini in exemplum sunt proponendæ. Singula hic  
 percurrere facile quivis poterit, qui partes corporis solidas  
 cogitet. Nostrum modo erit, unum alterumve exemplum  
 proferre, ex quo, quomodo imitatio renatorum ab Autore  
 instituatur, perspicui queat. Crines & pili artuum Christi,  
 sanguine ejus madentes, peccatis totius mundi expiandis,  
 λύτρον partem solverunt. Crines ergo novi hominis per cri-  
 nes Christi sanctificantur, ut albedo originalis lepræ, crui-  
 bus mystice adhærens, aboleatur, *Levit. XIII, 3-57*. Viscera  
 Christi naturalia in tempore passionis & mortis ejus holocau-  
 stum fuerunt, flammis iræ divinæ pro redimendis nobis ob-  
 latum.

Pag. 931.

945.

946.

949.

959.

968.

991.

1005.

1033.

- latum. Viscera ergo novi hominis naturalia, velut insigne Dei donum ad respirationem, nutriendum corpus, & cibum digerendum, egerendumque, habenda sunt; hinc miranda eorum structura Anatomicis ansam præbet ad demonstrandam inde existentiam divinam. In *Sectione* denique *tertia partes* corporis Christi *fluida* recensentur, ad quas lux oculorum, sonus vocis, habitus, sanguis, lympa, bilis, & sudor, referuntur. Guttulam unam sanguinis Christi effusi, respectu redemptoris infiniti, potuisse quidem *λύτρον* consummatum perficere, sed non debuisse; nam totus sanguis ejus effundendus erat pro decreto divino. Phænomena sanguinis mystici vitalis, in novo homine, optimo jure Autor e phænomenis sanguinis, naturaliter in corpore humano circulantis, explicari posse, judicat. V. g. motus & pulsus sanguinis naturalis fit per systolen & diastolen cordis; ita & meritum Christi, per verbum divinum cor movens nostrum, fidem, velut principium totius vitæ spiritualis, communicat. Ad quæstionem, acriter nostro tempore agitatam, *utrum fundus sanguinis Christi in regno gratiæ ab eximie saltem piis inveniri possit*, caute atque distincte Noster responder, de sacramentali usu sanguinis Christi statuendum esse, convivas omnes omnem sanguinem fufum, adeoque & totum calicem S. Cœnæ, exhaurire. *Caput duodecimum de infirmitatibus & languoribus* Christi, novo homini in solatium propositis, agit, ubi infirmitates Christi dicuntur naturales & irreprehensibiles animæ & corporis affectus & defectus. Dividuntur iidem in negativos & privativos. Negativi defectus consistunt in languore earum rerum, quæ nec per naturam possunt, nec per officium debent, adesse. Privativi sunt earum rerum, quæ per naturam adesse possent. *Caput decimum tertium*, idemque ultimum, de *sanitate & medicina* mentis spirituali Christi & Christianorum agit. Medicina mentis, generatim spectata, est illa doctrinæ moralis pars, quæ media spiritualis vitæ tam instaurandæ, quam conservandæ, & promovendæ, suppeditat. Pertinent huc media gratiæ, Therapeutica sacra constituenta, quæ in *Diateticam & Pharmaceuticam* spiritualem distinguuntur.

folet.



folet. Illa est doctrina cœlestis, e sola Scriptura S. hausta, quæ ordinem medicaminum mentis ad vitam spiritualem vel continuandam & promovendam, vel conservandam, tractat. Hæc dicitur ea doctrinæ moralis pars, quæ medicamina sacra pro conservanda, aut recuperanda, animarum salute subministrat. Quæ omnia secundum consuetam mediorum gratiæ doctrinæ methodum rite recensentur. Ultimo denique loco explicatio additur nummorum quorundam, æri incisorum, atque os Christi, ex plurimorum sententiis, referentium, quo exinde pateat, quæ venustas fuerit faciei Christi, & in quantum vultus signum animi sit habendus. Ex his, vel nobis tacentibus, tanti Operis pretium atque dignitatem unicuique cognosci posse, non temere judicamus.

Pag.  
1147.  
1148.

Biblisck-Exegetische Untersuchungen, u.

id est,

JO. DIETERICI WINCKLERI, S. S. THEOL.  
Doct. Hildesh. Eccles. Superint. Consistorii Assessoris pri-  
marii, & Gymnasii Ephori, Biblico-exegetica  
Disquisitiones.

Pars I.

Lemgovia, typis Jo. Henr. Meieri, 1747, 8.

Plag. 14.

**P**ro eo, quo in literas sanctiores fertur S. Rev. Autor, studio insigni, facere non potuit, quin nobiscum Observationes suas, ante aliquot annos publice promissas, doctissime æque ac diligentissime scriptas, communicandi faceret initium. Ea hujus *prioris Partis* est ratio, ut nil, nisi sensus, a Spiritu S. intentus, investigetur, & ob oculos inprimis ponatur, non tamen plane omisissis subsidiis philologicis & criticis, licet rarius occurrant. Ineditæ adhuc omnes illæ sunt disquisitiones, in hoc libello occurrentes, nec ex iis, quas sparsim Noster antea in lucem exposuerat, repetitæ. Primum inter eos locum occupat excussio te-

Bbb b                      Simonii

- Pag. 4. testimonii *Paulini* ad *Hebr. V, 7*. Conficit hic Noster, sermonem esse Apostolo de statu Christi humiliationis, & inprimis quidem de diebus illis, in quibus mortem subibat mediator noster, quæ sententia cum genuinis *Lutheri* versionibus vernaculis non incommode conciliatur. Precum deinde argumentum, & modus precationis, explanatur, quorum prius ad feliciter consummandam passionem Christi, & liberationem a mortuis, est referendum. Ipsa autem precandi ratio, ex ipsò vocabulorum tenore adstructa, erat submissa, & quam maxime flebilis. Ubi contra *Cel. Bengelium* egregie ostenditur, *καὶ ὑπὲρ* non quidem ad preces Christi, in horto Gethsemanes peractas, sed in crucis ligno magna vi animi & corporis prolatas, pertinere, quibuscum sine ulla dubitatione etiam lachrymæ fuerunt conjunctæ. Denique, meritorias fuisse preces istas & fiduciales, cum magno liberationis emolumento conjunctas, sequentia declarant verba. Vellemus modo, *Cel. Autorem* ab ea loquendi formula abstinuisse, qua Christus *morte aeterna* liberatus dicitur, ne incautis lectoribus tale quid, quod ipse nollet Autor, in mentem veniat. *Secunda* Observatio enucleat sensum verborum *Jer. XXXI, 3*, qui Nostro videtur hic: *Jehova filius apparuit ab aeterno patri*, tanquam mediator & causa salutis; *hinc ab aeterno etiam summo amore complexus sum*, inquit pater, *Israellem ex universali mea gratia*. Ad particulam *מרחם* excitantur testimonia prophetica *Jes. XXV, 1*, *Jer. XXX, 10*, *XLVI, 27*, ex quibus conficitur, *ab aeterno* esse explicandam. Quam commode divinitatis personæ ex hoc loco possint demonstrari, succincte monetur. *Tertiam* meditationem occupat *Psal. XCV, 10, 11*, in quo manifesta sit allusio ad errores populi Israelitici in desertis locis, uti omnes res circumstantes docere possunt. Maxima hinc orationis vis in eo versatur, quod petulanter ducem viæ non admiserint Israelitæ, hinc quasi vagabundi errare cogeantur per loca arida, pallida, lurida. Quo pacto hæc ad spirituales pertineant sensum, Noster recte monet. *Quarto* exponitur gloria Dei, hancque ostenditur fuisse *Jes. XL, 5*, manifestationem filii Dei in carne gloriosam, quam ipse ostensus erat per mirifica opera, gloriosam vitam, & majestatis plenam

plenam orationem. Describitur hæc tanquam vera, omnibus-  
que oculis conspicienda, quæ in temporibus Vet. Test. ad-  
modum obscura obtegebatur umbra, nec tam clare adspici  
poterat, quam hoc sub novi seculi adventum fiebat. Pag. 46.  
Modestiam, fidem, & prudentiam æconomi, ut dicitur, Ecele-  
siastici ad *Luc. XII, 42*, exponit *quinta* Disquisition, quæ plane  
est practica. Subsequens Autoris opera in exponendo testi-  
monio *Ezech. XVI, 49, 50*, est collocata. Accurate hic pro-  
ponuntur, atque ex vocabulis Hebraicis eruuntur, causæ pecca-  
torum Sodomiticorum, quorum altera erat affluentia bono-  
rum, felicitas terræ, uberrimus agri & hortorum proventus,  
& loci natura amœna. Rectissime huc tendere *[N] arbitramur*,  
non tam *superbiam*, quam *excellentem dignitatem*,  
indicans. Altera erat fiducia & inordinatus in res humanas  
amor, origo omnium malorum & peccatorum, ex quo  
præter reliqua nefandus bonorum terrestrium fluebat usus.  
Conjungitur cum hac Observatione *septima* ad *Genes. XIX,*  
*24, 25*, pœnam, cœlitus in Sodomam & Gomorram immisissam,  
explicans, quæ extraordinaria quidem & miraculosa, non na-  
turalis, ex motu terræ funditus incensæ orta, habetur. *Octa-*  
*vam* instituens disquisitionem, devenit ad *Rom. XII, 3*, ubi do-  
ctrinæ, de suspendendo judicio, & moderata dicendi in ju-  
diciis privatis ratione, partes pertractantur potiores. 51.  
Osten-  
dit hic Cel. Autor, *Paulum* orationem suam autoritate & gra-  
vitate quadam Apostolica proferre, eandemque Apostolica sua  
vi & gratia communire. Partes deinde hujus adhortationis  
pertractantur, tum secundum ea, quæ in hac causâ omittenda,  
tum quæ facienda sunt. 56.  
Multo uberius deinde in *nona*  
Observatione in sensum verborum *Pauli Gal. III, 19, 20*,  
inquiret Noster. 61.  
Definitur ante omnia, Apostolum oc-  
cupare objectionem adversariorum, quærentium forte,  
quisnam legis usus sit, si illa ad salutem impetrandam  
nihil valeat. 66.  
Hinc in sequentibus verbis ad tacitam  
hanc exceptionem respondet, ubi, multis verborum atque  
rerum interpositis argumentis, confirmatur, non de lege mo-  
rali, sed ceremoniali, dicere Apostolum. Illa lex, ritus ec-  
clesiasticos 76.  
80.  
87.  
90.  
101.  
104.

- clericales præscribens, addita est παραβόλεων causa populi Judaici, ut caveret Deus, ne ad cultum idololatricum abiret
- Pag. 108. Israelita, cui de Messia promissio facta erat futuro. Per has leges sèpimentum quasi inter Judæos & gentes interponebatur, quo arcebantur, ne cum gentibus miscerentur, sed peculiaris Deoque sanctus populus maneret, *Ephes. II, 14, 15*. Hic finis qui sem legis cerimonialis unicus non erat. Accedebat alter, ut scilicet perduraret ad ea tempora, quibus semen, id est, Christus, veniret. Quæ verba implicite nos
110. docent, eam hujus legis fuisse rationem, ut per membra Christum præfiguraret, quo accedente, abroganda hæc lex erat. Cum his conveniunt sequentia verba, ubi dicitur lex
116. data per manus mediatoris ab angelis. Ita enim optime facta Deo videbatur, ut ministerio angelorum uteretur in adumbrandis œconomix futuræ umbris, & cerimoniis levioribus præcipiendis, quæ res, ut argute Nolter monet, recte demonstrat, non a cultu Ægyptiorum, quæ *Spenceri* est sententia, repetendam esse legem illam cerimonialem, quia tunc ministerio angelorum opus non fuisset, si res ipsa *Mosi* jamjam fuisset cognita. Data vero est lex illa per mediatorem, *Mosen* scilicet, quia non de salutis negotio, sed
119. de rerum externarum modo, sermo instituitur. Addit vero Apostolus: Ubi mediator est, ibi duæ partes adsint, necesse est, litigantes. Jam vero Deus est unicus, immutabilis, & promissis suis ubique persistans; ergo non ad Deum, sed ad populum, hujus mediatoris necessitatis culpa est referenda, utpote qui transgressionibus suis a Deo desciverat, nec per
123. veram fidem, sine tanto cerimoniarum apparatu, uti *Abrahamus*, in unione cum Deo permanerat. Apparet hinc ex populi parte defectio ipsius minime laudabilis, ex parte vero Dei summa ipsius benignitas, deficientes homines per
124. intercessorem ad obsequium fidei revocandi. *Decima* in Disquisitione S. Venerabilis Autor exponit verba *Jes. XXIII, 31, 32*, ubi varia de falsis Prophetis, ad fallendum compositis, eorumque somniis, proponuntur, inter quæ notandum est, Nostrum putare, *לֵךְ* positum esse pro *לֵךְ*, & somnia

somnia plurima falsis Prophetis per nullum genium fuisse sug-  
 gesta, quæ ipsi pro divinis venditarunt. In *undecima* Obser- Pag. 137.  
 vatione verba *Pauli Tit. II, 11, 12, 13*, docta illustrantur com-  
 mentatione. *Duodecima* Observationi proposita sunt verba  
*Jo. VIII, 48, 49, 50*. Ostendit hic Noster gravitatem delicti, 170.  
 ab Judæis in Servatorem commissi, & deinde duplex hujus  
 criminationis genus evolvit, quorum alterum falsa Samaritani  
 erat compellatio, alterum vero ad diaboli operationem, ipsi as-  
 fidam, spectat. Prius, quia aperte falsum erat, silentio in-  
 volvit Christus. Posterius, quo novitatem doctrinæ in- 176.  
 primis ipsi objiciebant, accurate vindicat, ostendendo,  
 suam doctrinam non honoris aucupandi, sed honoris divini 180.  
 augendi, causa proferri. Sequens tractatio exponit admoni-  
 tionem Christi de vitandis voluntariis carnis, & curis ter-  
 renis, *Luc. XXI, 34*. In *decima quarta* Disquisitione excutitur  
 vox *Pauli* ad *Ebr. V, 9*, quæ de perfecta Christi passione, 194.  
 tanquam causa & fundamento salutis, ex niente Autoris, ex-  
 poni debet. In *ultima* Observatione verba ejusdem Apo-  
 stoli ad *Phil. III, 19*, proponuntur, & communis eorum ex- 199.  
 plicatio contra aliorum novaturientium opiniones stabilitur.  
 Ex his Lectores satis intelligent, quantum sperare liceat de  
 doctissimi hujus Operis *Parte secunda*, quam Sum. Ven. Au-  
 tor, si Deo ita videatur, propediem luce publica donabit.

SPECIMEN EXEGESEOS SACRÆ PRO EXPLI-  
 cando *Psalmo L*, in quo nova hypothesis ad illustratio-  
 nem hujus *Psalmi* proponitur & confirmatur, Autore C.  
 P. ERP. BROCKHAUSEN, V. D. M. in Comit.

Lippiaco.

Lemgoviz, typis Jo. Henr. Meyeri, 1747, 4.

Plag. 7.

Omnis tractatio Clarissimi Autoris, ut brevissimis nos ex-  
 pedi-mus, eo redit, ut primo sumat, hunc *Psalum*  
 agere de temporibus Novi Testamenti, quod quidem ipsi fas  
 esse putabat, cum nemo Christianorum adhuc aliter existima-

Bbb b 3

verit.

- Pag. 7. verit. Hinc ex *Tillio* tantum repetit argumenta, quæ ex ipso *Psalmo* ad confirmandam hanc rem pertinent. Ex his ad alterum hypotheseos suæ membrum se convertit Autor, argumenta proponens, quibus evincit, duas personas in hoc *Psalmo* loqui, cui denique tertium addit de eo, quod in prima *Psalmi* parte *Joannes* Baptista, illustris regis Messiae præco, loquens introducatur, in altera vero ipse Messias. Argumentis sat gravibus postea evincit Autor, de *Joanne* Baptista omnia posse dici prædicata, quæ in *Psalmo* de præcurfore illo regio occurrunt. Objectionem circa adventum Messiae non in carnem, sed ad judicium ultimum Judaicum, in *Psalmo* prædictum, commodè removel Noster, conciliando, seu subordinando, hujus adventus vices diversas. Ultimo denique loco ex ipsis *Psalmi* visceribus adstruitur, Messiam hic loquentem proponi, quo confecto, synopticam hujus cansionis tabulam ad calcem libelli apponit Noster, & Commentationis hujus brevioris suo tempore pleniorẽ daturum se illustrationem, promittit.

Fortsetzung der neuesten Beschreibung der Griechischen Kirche, &c.

id est,

D. JACOBI ELSNERI CONTINUATIO NOVISSIMÆ delineationis Ecclesiæ Græcæ in regno Turcico, addita Appendice de Palæstina excellentia.

Berolini, in officina libraria Haudeana & Speneriana, 1747, 8.

Alph. 1 plag. 5, cum Tabb. æn. 2.

**V**aria fuerunt, quæ Celeberrimum Autorem ad edendas has de statu ecclesiæ Græcæ continuatas enarrationes permoverunt. Partim enim cavere voluit, ne recentiora additamenta, quæ cum ipso communicata fuerant, imperfectam, si in tenebris sepulta permanerent, Commentationem ipsius priorem relinquerent, partim vero, ut obviam iret perversis hominum malevolorum judiciis, quos suæ famæ inde ab aliquo tempore detractum ivisse queritur. In *Capite* statim primo de notissimo

notissimo illo Archimandrita, *Athanasio Dorostamo*, ejusque fide, exposuit. Multæ enim dubitationes contra sinceritatem hujus viri enatæ erant ex eo inde tempore, quo Monachus quidam Græcus Silvæ Ducis, oppido nobilissimo Brabantæ, criminis falsi reus factus, & judicio peracto, laqueo punitus fuerat. Vix hujus facinoris fama in finibus Germaniæ percrebuerat, cum ad aures Cel. Autoris, aliorumque clarissimorum virorum, afferretur nuntius, *Dorostamum* fuisse, qui infelicem hunc vitæ suæ exitum habuisset. Sed omnis causa Archimandritæ nostri integra erat, sub idem tempus in *Elfneri* mensa prandium fumentis, quo de suspensio hoc Monacho Autor noster explorabatur. Nomen hujus monachi varie effertur, licet *Paulus Athanasius* ut plurimum, interdum etiam *Paulus Thomich*, *Paulus Thomaitis*, & *Ragusanus*, nominetur. Profertur hic omnis lis ejus judicata ex actis, Batavo & vernaculo sermone delineatis, quæ fidem certissimam faciunt, aliter rem sese habuisse cum impostore illo, quam creditum vulgo fuerat. Multis quidem exceptionibus supplicium ille amoliri conabatur, sed frustra. Hinc ex sententia condemnatoria, a iudicibus urbis illius lata, gula laqueo ipsi frangebatur; quæ quidem res, si non inique, nimis tamen acerbè, peracta *Dorostamo* videbatur, de cuius vitæ morumque integritate, ne quid suspicionis amplius suboriri malevolis possit, testimonia uberrima fideque dignissima hic proferuntur. His diligenter accurateque pro rei dignitate disceptatis, addita-  
menta sequuntur, ad *prius Caput* collecta, quorum primaria adventum Apostoli *Andree* in urbe Patris, & *Parasce-  
ven* quandam, spectant, quæ domina fuit hæreditaria in agro Epibati, in Moldavia sito. In *Capite secundo* tolerabilior illa servorum, seu mancipiorum, inter Turcas conditio confirmatur, & felicissima quidem in Ægypto esse traditur. Durissimi habentur illi, qui Christianis, fidem atque religionem patriam ejurantibus, operam suam præstant, quorum quidem infelicitatem longe exsuperant alii, ad triremes in æternum damnati, deteriores longe habiti, quam omnes veteris

Pag. 4.

6.

22.

41.

45.

53.

57.

60.

- teris ecclesiæ testes veritatis, de quibus per literarum monu-  
 Pag. 65. menta nobis constat. Defensionem deinde Noster judicii sui,  
 & emendationis, in literis Patriarchæ *Paisii* tentatæ, mo-  
 deste & diligenter suscipit, cui quod reponamus, non ha-  
 bemus. Ad finem hujus *Sessionis* ex antiquitatis testimoniis  
 docet, nomen *Φιλερχίστ* multis Regibus & Principibus, quo-  
 rum exempla affert, admodum fuisse familiare. Dehinc, quæ  
 67. sit natura pennæ, ex calamo, seu arundine, Patriarchæ scri-  
 benti inservientis, erudite disserit. Uberiora multa sup-  
 peditantur additamenta ad *Caput tertium*, quorum nonnul-  
 71. la quidem Lectori degustanda dabimus. Nomen *Patriar-*  
*chæ* jam Seculo V a Judæis sibi imponi passî sunt Episco-  
 pi Christiani, utpote qui tum temporis Patriarchas suos  
 in Oriente & in Palæstina venerabantur, judices seden-  
 tes in omnibus rebus, quæ vel ad forum civile, vel ad sa-  
 crorum administrationem, pertinebant. Perpetuam successio-  
 nem Patriarcharum ecclesia jactat Græca, ab *Andrea* Apo-  
 74. stolo inde inceptam, quæ quidem maxime incerta atque du-  
 bia videtur. Nomina tamen Patriarcharum, qui fuerunt hu-  
 89. jus Seculi, ex ordine disposita, Noster recenset. Diade-  
 ma, seu corona Imperatoria, qua superbit Patriarcha Constan-  
 tinopolitanus, dignitatis superioris Imperatoris indicium esse  
 debet, sicuti Pontificis triplex corona, ex quo Imperatores  
 99. Romam deferuerunt, sacerdotalem & imperialem summam di-  
 gnitatem & potestatem indicat. Nec levioris sunt momenti,  
 quæ de baculo pastoralis Patriarchæ, de ipsius electione, sa-  
 lutatione Imperatoris Turcici religiosa, epistolis nuntiatoriis,  
 112. aliisque rebus, huc pertinentibus, adduntur. Vestitus re-  
 ligiosus Patriarchalis, circa quem plurimi, & ipse etiam *Hei-*  
*neccius*, errarunt, ex traditione *Dorostrami* copiose accura-  
 teque describitur, quæ singula quidem hic repeti, non patitur  
 121. institutum nostrum. Non temere Noster suspicatur, omnem  
 hunc habitum pontificalem ex gentilium ornatu, & Deorum  
 inprimis vestitu, esse mutuo sumtum, cui rei indicio esse vi-  
 124. detur imago Deæ Syriæ, a *Bellorio* exhibita, atque ex *Tomo*  
*VII Thesauri Gronoviani* huc translata. Qua occasione  
 contra



contra *Montefalconium*, antiquitates hujus rei negantem, do-  
 cte atque diserte disputatur. Insigne Patriarchale, quod *Lu-* Pag. 137.  
*dewigius* quondam ex Brandenburgicis elicere voluit insigni-  
 bus, Imperatoribus Græcis vindicatur, qui bicipitem aquila-  
 m inter heraldica sua ornamenta amabant, duplex eorum  
 regnum in Asia atque Europa præfigurantem. In descriptio- 145.  
 ne pompæ Pontificiæ, cum *Cybeles* ornatu convenientis, ar-  
 gute admodum in eos luditur, qui sellam gestatoriam Pon-  
 tificis humeris suis portant, quale onus in *Cybeles* cul-  
 tu asinis, vel, his deficientibus, sacerdotibus, imponeba-  
 tur. Plura deinde Pontificiæ dignitatis insignia exponuntur, 162.  
 quæ nonnihil ab Orientalium superstitione deflectunt ado-  
 randi ratione. Sequuntur nunc additamenta ad *Caput quâr-* 168.  
*tum*, quod de reliquis Patriarchis, & clero Græcorum,  
 agit. Primas inter eos tenet Patriarcha Alexandrinus, cui 171.  
 titulus Papæ tribuitur, & qui singulari quodam lepidissimo-  
 que more initiatur. Ex solenni ejurandi religionem Græcam  
 formula, qua usus est quondam A. 1712 *Samuel Capasûlis*, 176.  
 Patriarcha Alexandrinus, facile liquet, quæ controversia La-  
 tinam inter & Græcam ecclesiam agitentur, quique adhibeatur  
 modus, hominem Græcæ ecclesiæ addictum in Romanum cœ-  
 rum transferendi. Hæc quidem res Papam tunc temporis se-  
 fellit, & omnis eventus infelix fuit. Qui Patriarchæ *Antioche-* 178.  
*ni*, *Hierosolymitani*, atque *Achridani*, sit titulus & quæ conditio,  
 ex additamentis patet. Ad Archiepiscopos & Metropoles 188.  
 progrediens Noster, alia emendat, alia addit, quibus lon-  
 ga annectitur de monachis, Athos montem incolentibus, eô-  
 rum moribus, institutis, & doctrina admodum rara, tracta-  
 tio. Eadem diligentia de monasterio in monte Sinaitico 201.  
 agit, monachorum non solum vitam recensens, sed felix etiam  
 loci ingenium ex recentioribus, iisque optimis, scripto-  
 ribus prædicans. Reliqua, quæ hic adduntur, ad monia-  
 les, Diaconos, eorumque officia & habitum, pertinent. In 213.  
 spicitegio, ad *Caput quintum* collecto, dilucidius ostenditur, 222.  
 quam parum Romana ecclesia cum Græcorum institutis reli-  
 giosis, & doctrina symbolica, conspiret, licet Pontificii ex

- Adis Orientalis ecclesiæ contra *Lutherum*, infausto tamen successu, eruere quidpiam voluerint, de quo gloriandum sibi ducerent. Lepidissimum omaino est, Romanos magna cum gravitate, nec minori rerum suarum confidentia, consensum suæ atque Græcæ ostendere ecclesiæ, licet non negent, alteram ecclesiam alteri defectionem ab Apostolicis doctrinis & traditionibus contentiose objicere. Multa hic occurrunt, quæ veterum Romanorum, gentilium, atque Græcorum, mores attingunt, quæ singula singulis lectoribus sunt commendanda. Additiones ad *Caput sextum* cultum Græcorum publicum spectant, cujus generis est adoratio reverenda templi & liminum portæ, quoties religionis causa accedunt; immodica cantilenæ *Kyrieleyson* repetitio & vociferatio, nugis gentilium fere similis; exosculatio libri evangelici, quoties illum attingunt. Cultus publicus horarum una plurium spatio absolvitur, & in diebus præcipue festis primo mane inchoari solet. Templum perfumationibus ubique est obvium, & innumeris cerimoniis, gentilissimum spirantibus, omnis cultus peragitur. In descriptione luminis sancti, quod in sacro sepulcro conspicitur, contra Venerabilem *Mosbemiū* modestè disputatur. Contra eundem contenditur, *Primerium* & *Lampadarium*, cujus in subscriptione Concilii fit mentio, non vulgarem quandam esse ministrum ecclesiæ, sed primum Patriarchæ, & principis ecclesiæ, administrum. Ad *Caput septimum* quæ fuerunt annotata, pertinent ad præsentem Græcorum conditionem, sub Turcærum imperio gementium, quæ quidem admodum flebilis videtur, cum census, in capita impositus, multo gravior atque audior reddatur, & quæ fruuntur, tutela cum multis, iisque durioribus, conditionibus conjuncta sit. Regnum Turcicum, vulgo porta Ottomannica dictum, exinde id nominis adeptum fuit, quia *Porta* aulam significat regiam, ut adeo Ottomannica porta idem sit, quod alio nomine aula Ottomannica dici solet. Quanto in periculo inter Turcas versentur Christiani, ex iis patet exemplis, quæ Autor profert, imprimis cum liceat ipsis, autoritate Corani sui, sancta bella in infideles,

infideles, & religionis suæ adversarios, inferre. In Appendice Pag. 401. S. Rev. Autor ingenium felicissimum terræ Palæstinæ describit, idque contra varias variorum objectiones, ex monumentis profanis, aliisque testimoniis geographicis, nummisque, ut & ex natura loci, frugum, incolarum, atque occupatione hujus provincie, solide declarat. Inter nummos, hic occurrentes, duo priores ex *Fralichii* Amalibus sunt defuncti, quorum alter lyram & uvam, alter uvam & palmam, exhibet conspiciendam. Reliqui in *Liebigii Gotha nummaria* occurrunt. Quantum hi nummi de fertilitate terræ sanctæ testentur, ex *Josephe* & *Relando* constat. Misera & deploranda hujus terræ conditio, qualis nunc est, ex devastatione, & solitudine hominum provenit, ubi peregrinantes, vel inviti, veritatem divinarum comminationum cognoscunt, qua tantam sterilitatem *Deut. XXIX, 22*, & *Jes. IX, 10, 13*, in locis opimis & fertilissimis Deus prædixerat, & propter Judæorum atrocissima facinora, eventum prædictioni nunc respondere jussit.

432.

**D. CHRISTIANI GOTTLIEB LUDWIG, MED.**  
*P. P. Extraord. & Coll. B. M. V. b. t. Præpositi, Definitiones generum plantarum, olim in usum auditorum collectæ, nunc auctæ & emendatæ.*

Lipsiæ, apud Jo. Fridericum Gleditschium, 1747, 8.

Alph. 1.

**I**nsignis corporum naturalium varietas, potissimum in regno vegetabili observata, industriam naturæ indagatorum maxime exercet, ita ut accurata corporum dispositio in genera, species, atque varietates, repetito labore demum perficiatur. Cl. Autor, qui ante decennium in Definitionibus plantarum specimen aliquod generum ordinandorum, in usum auditorum conscriptum, evulgaverat, nunc novam, & a priori longe diversam, exhibet ejus Operis editionem. Nos, qui singulas definitiones recensere haud possumus, instituti rationem tantum brevibus jam describemus. Duplici quidem ratione ea perfecit, quæ in præcedenti editione inceperat. Partim enim ex scriptis recentiorum

Cccc 2,

Botani-

Botanicorum omnia sedulo conquiſivit, quæ ad plantas accuratius ordinandas ſpectabant, partim vero & ipſe in plantis vivis characteres certos & evidentes collegit. Ita quidem non ſolum omnia genera, ab Autoribus deſcripta, deſignavit, ſed & plurima, accuratius deſcripta, in ordinem redegit. Aſſumſerat in priori editione methodum *Rivini*, in qua, poſt characteres ex numero & regularitate ſorum deſumptos, fructus diſquiſitio ſequitur. Cum vero non in omnibus plantis fructus ſiniul cum flore examinari queat, conſilium mutavit, & poſt corollam ſtamina & piſtilla in generibus mediis adhibuit, tandem vero inferiora genera ex variis & ſingularibus harum aliarumque plantarum partium proprietatibus decerpiſit. Methodi, quam ſibi elegit, delineationem generalem vide in *Aſſis* noſtris *A. 1743 pag. 367*. Cum vero in generibus inferioribus deſiniendis Autores quam maxime diſſerant; in eo potiſſimum fuit Autor, ut, comparatis inter ſe characteribus, diverſas Autorum deſinitiones uno quaſi intuitu ſiſteret. Id quod maxime neceſſarium videbatur, cum non omnes æque Autores cum uno, eodemque generico, nomine eandem ideam conjungant. Quamobrem tirones maxime confunduntur, niſi deſinitiones inter ſe conferant. *Origanum* exempli loco adducamus. Hoc a *Linnaeo* deſignatur, quod flores ex ſpicis lamellatis & imbricatis oriantur, quod corolla tubuloſa bilabiata ſit, labium ſuperius diviſum, vel emarginatum, inferius triſidum, ſegmento medio vix latiore deprehendatur, quod ſemina quatuor ovata obtineat. Calicis differentias, & diverſitatem lamellarum ſpicæ floriferæ, non attendit *Linnaeus*. Quod ſi igitur hæc diſtinguere velit Botanicus, tum tria habebis genera. *Origanum Tournefortii* flores, in capitula laxiora oblonga ſpicis ſimilia congeſtos, & calicem tubuloſum quinque-dentatum, obtinet. Majorana *Tournefortii* flores in capitula denſa brevia, ex ordine quaterno foliolorum, ſquamatis ſibi mutuo incumbentium, conſecta, diſpoſitos, & calicem brevem bilamellatum, obtinet. *Dictamnus Ragi* flores, in capitula laxiora, ex foliolis imbricatis majoribus conſtata, congeſtos, & calicem brevem auriculatim ſciſſum, obtinet, ita ut in hoc labium

labium superius integrum emineat, labium inferius vero ferme nullum inveniatur. Ostendimus hoc in genere, quod specierum numero non abundat. Major enim difficultas in iis generibus est, quæ multas species habent, a recentioribus nonnullis in nova genera inferiora mutatas. Sic *Lychnidis*, *Alfines*, *Sedi*, & *Centaureæ*, genus primaria forte sunt, quæ exempli loco adduci, & in definitionibus his evolvi, poterunt. Monet quidem Cl. Autor, nullum Botanicorum in generibus institutendis audiendum esse, nisi eum, qui ex legibus bonæ methodi genera stabilire suscipit; sed in tali libello, in hos usus scripto, omnia genera congerenda erant, ut quasi in pinace conspiciantur. Plantarum genera omnia non nisi ex characteribus essentialibus, hoc est, ex flore desumptis, definienda sunt, id quod Autor quoque in omnibus præstitit. Placuit tamen eidem nunquam, imprimis in officinalibus, alios quoque characteres, ex reliquis plantæ partibus desumptos, & accidentales dictos, addere, e. g. *Hyssopo* flore in verticillos densos, inferius distantes, superius in spicam congestos, & unum latus respicientes, tribuit; *Rosmarino* radicem perennem, caules du-ros fruticosos, folia angusta & oblonga, verticillos minores, adscribit. Qui quidem characteres, si ad genera stabilienda, & ad stabilita facilius cognoscenda, adhibeantur, usu suo non destituuntur. Autorem itaque scopum suum attigisse judicamus, dum libellum exhibuit, ad cujus normam Botanophili generum disquisitiones instituere possint.

*MISCELLANEA LIPSIENSIA NOVA, AD IN-  
crementum scientiarum. ab his, qui sunt in colligendis  
Eruditorum Novis Actis occupati, per Partes pu-  
blicate.*

*Voluminis V Pars II.*

Lipsiæ, in officina hæredum Lanckisianorum, 1747, 8.

Plag. 13.

Scenam aperit G. G. N. *Dissertatio de Elia, autore Epistola, ad  
Foramum data, ad 2 Chron. XXI, 12. Elie Thibice in  
Cccc 3 regno*

regno Judææ nil fuit negotiū. *Eliam* igitur alium Noster circumspexit, eumque in *Joel* sese deprehendisse arbitratur. Binomines certe in Codice V. T. sunt satis frequentes. Succedit ei B. *Joannis Christiani Biel, Past. ad S. Ulr. & Jo. Brunsvic. Observatio ad verba Ezech. XVI, 8: Et expandi alam meam super te.* Docet Autor, ὡς ἐν ἀγίοις, factus a vate divino instar matrimonii recens contracti describi, ac loquendi formulas a ritibus nuptialibus fuisse desumptas. Ebræi matrimonium ineundum jurejurando firmarunt haud secus ac Græci & Romani. Autori visum simul illustrare *Theocrisum*, & *Hesychium* emendare. Exponit locum *Jer. II, 2.* Vocī כְּרִיתָרָה significatum nuptiarum vindicat. Explicat ritum explicandi alas in aliquam de ducendi uxorem more, & illustrat locum *Ruth. III, 9.* Vestes pro stragulis olim adhibitas esse, monet. *Euripidem* dilucidat. Sensum verborum *Ezechielis* ad pleniorē evehit intelligentiam, ac vim vocum de-

- Pag. 219.** finit. Excipit hanc *Dissertatio Petri Zornii de כְּמִתָּה, sive Mausoleis veterum Ebræorum, posthuma.* Subest vocabulo כְּמִתָּה significatus loci editioris, sive a natura, sive arte, aggesti, collem altitudine superantis. Speciatim denotat id ipsum quoque Mausoleum, seu sumtuosum aliquod sepulcri monumentum. Significatus hic obviū est *Ezech. XLIII, 7,* ubi vituperatur situs mausoleorum, quæ Reges Judææ posteriores sibi condiderant. Mausoleum Sebnæ describitur *Ef. XXII, 16.* Maccabæorum mausolea ad urbem Modin eminuerunt. Mesfiz mausoleum indicatur *Ef. LIII, 9.* Adduntur haud tralatitia de aliis Orientalium mausoleis. Sequitur *Joannis Christophori Harenbergii Continuatio prima Supplementi in Hadriani Relandi Palestinam, ejusque Librum III de Urbibus & Vicis Palestina, & Palestina adjacentibus, complectens reliqua litera C, ac literas D. E. G. H.* Habes hic, *Lehor*, varia de locis *Cbeleon*, *Chepha*, *Chepher*, *Cheres*, *Chefchbon*, *Cheszron*, *Chetlon*, *Chit*, *Csobah*, *Chola*, *Cholon*, *Choronaim*, *Chorazin*, *Chorgidgad*, *Chusab*, *Chuzibab*, *Kain*, *Kibroth Taavab*, *Kimmereib*, *Kiriathberefch*, *Kiriathsanna*, *Kiriathsepher*, *Kitbron*, *Kletharro*, *Con*, *Constantia*, *Co-*  
*race,*

*race, Cretha, Culon, Dabaritta, Dalmanutba, Damasco, Dan, Daphnis, Daria, Daron, Deblatai, Dedan, Diblath, seu Diblataim, Dibon, Dinkaba, Disabab, Dodan, Dopbka, Dor, Dorban, Duma, Dura, Eboda, Ebron, Ecbatana, Eden, Edom, Pag. 273.*  
*Eglathschlischijab, Elai, Elam, Elana, Eleale, Eleas, Elisa, Ellasar, Ecrebel, Elim, Elul, Ematb, Emesa, Enchatzor, Eneglaim, Engedi, Ephraim, Efrach, Etam, Eshan, Ezeen- 295.*  
*geber, Gabaa, Gubula, Gad, Gadara, Gadeiram, Gader, Gal- gala, Galilea Harduini, Gallim, Gamala, Gath, Gath Rim- mon, Gaza, Gazoro, Geba, Gephro, Gerara, Gilboe, Gob, Gojim, Gudgod, Gosan, Gofeben, Guba, Gypsaria, Habron, Hadra, seu Adra, Hadid, Hagarim, Ham, Hbanes, Han- negev, Hbarab, Harar, Hasla, Hatita, Heliopoli, Heroon- poli, Hipba, Hor, ubi de monte Hor Syriaco, ac terminis terræ, Abrahamidis promissæ, septentrionalibus, fuisse disseritur. Hinc dispicere licet *Christoph. Aug. Heumanni Epistolam cri- ticam ad V. C. Frid. Ottonem Menckenium de aliquot Ovidii & 328.*  
*Valerii Maximi locis. Examinat inibi Valerii Maximi locum I, 5, VI, 8, ac Ovidii elegos duos, Vir Celeberrimus. Suc- 330.*  
*cedit P. Cornelii Severi de Æsna Carmen antiquum, a præpo- steris Joannis Clerici conjecturis vindicatum studio Frid. Otto- nis Menckenii. Pars altera. De revolutis ætibus, de montibus discedentibus, de curvo æstu, de lentitie, de rapina, pro raptu dicta, aliisque abstrusioribus Latinæ linguæ recessibus, ibi longe lateque, exemplis dilucide copioseque aliunde adscitis, dispu- tatur. Vocat nunc operam nostram de Satira Varroniana, seu Menippea, brevis Commentatio J. G. Hauptmanni, Haynen- 358.*  
*sis. Autori visum hic disserere de diversis Satirarum ge- neribus, de Varrone, de Menippo, de satiræ Varroniane na- tura & definitione, de nonnullis ejusmodi satirarum scri- ptoribus, tam antiquis, quam recentioribus, de regulis illarum & cautionibus, ac de earundem adversus dissentientes defen- sione. Varro, eques Romanus, notitiam neminis fugit. Hic Menippum imitatus est, inter quinque alios eminentem, pa- tria Gadarensem, conditione servum, Cynicorum hæresi ad- dictum. Eundem tramitem Satiræ insliterunt Petronius, Se- 362.*  
*neca,**

- neca, *Julianus* Imperator, *Iustus Lipsius*, *Jo. Barclajus*, *Petrus Cunaus*, atque inter Gallos *Sarrafinus*. *Octavum* occupat locum *Jo. Boguslai Proscibowski*, *Artium Baccalaurei*, *Notitia libri Græci, omnium primi in Polonia typis excusi*. Sapere ipsi datum fuit ex Bibliotheca Illustrissimæ gentis Poloniarum *Zalusiana*, cujus merita & in Musas studium incomparabile merito prædicat. Bibliothecæ ejus curam habet Vir nobilissimus, *Joannes Daniel Janozkius*, A. 1746, 3 Id. Nov. publice magnisque solennitatibus inauguratæ. Primus omnium Cracoviæ Græcus liber prodiiit A. 1537, 4, sub titulo: *Oeconomicorum Aristotelis libri, Græcis & Latinis annotationibus suis locis illustrati*. Editor exstitit *Georgius Libanius*, Lignicensis, tunc Academiæ Cracoviensis doctor. Translatio Latina & Liber secundus sunt *Leonardi Aretini*. Ultimo loco compareret *Marci Velferi*, civis *Augustani*, ad *Conradum Rittersbusium*, *Jesum Altorfinum*, *Epistola anecdotæ*. Hanc & aliarum *Velferi* epistolarum, aliarumque, a doctis olim ad æque doctos scriptarum, earumque ineditarum, fascem plenum & copiosum pro humanitate sua cum *Menckenio* communicavit *Cel. Christ. Gottl. Schwarzius*, *Altorfinum* decus.

## NOVA LITERARIA.

Rem omnibus, qui elegantiora amant studia, sine dubio gratissimam significamus, Lugduni Batavorum prelo *Haakiano* excudi *Jo. Guil. Hoffmanni*, elegantissimæ doctrinæ Viri, sed immatura morte extincti, *Operum, ad illustrationem Juris Romani facientium*, sparsim editorum olim, *συνοψήσων*, quo in Opere repetita hæc *Hoffmanni* scripta legentur: 1) *Commentarius ad Legem Juliam de adulteriis*; 2) *Meletemata ad Pandectas*; 3) *Historia Triumviratus*; 4) *Diff. ad Legem Oppiam de matronarum cultu*; 5) *Præfatio, Menagii Amanitibus Juris civilis præmissa*. Hæc, plaudentibus olim doctis ad unum omnibus edita, nemo non eorum, qui bonis literis ex animo sunt dediti, hoc, quo diximus, modo ad feram posteritatem transmitti, vehementer gaudebit.





# NOVA ACTA ERUDITORUM,

*publicata Lipsiæ*

*Calendis Octobris Annq MDCCXLVII.*

CORPUS JURIS CANONICI, GREGORII XIII,  
Pontif. Max. auctoritate post emendationem absolutam  
edition, in duos Tomos divisum, & Appendice nova au-  
ctum; cum necessariis Indicibus. JUSTUS HENNIN-  
GIUS BOEHMER, Jctus, Potent. Regis Boruss. Conf.  
int. Regim. Ducat. Magd. Cancellarius, Academ. Fri-  
deric. Director, ejusdemque Profess. Juris primarius, il-  
lud recensuit, cum Codicibus veteribus manuscriptis,  
aliisque editionibus, contulit, variantes lectiones adiecit,  
& notis illustravit, præmissa Præfatione  
duplici.

## *Tomii II.*

Halæ Magdeburgiæ, impensis orphanotrophei, 1747, 4.

Tom. I Alph. 3 plag. 18, Tom. II Alph. 5 plag. 21.

**Q**uanta sint Ill. *Eabmeri*, Jureconsultorum huius seculi  
facile principis, in Jurisprudentiam ecclesiasticam  
merita, non, nisi qui in hoc eruditionis genere  
sunt hospites, ignorant. Ex quo enim tempore Vir Il-  
lustris nobilissimam hanc Juris partem sibi familiarem redde-  
re laboravit, duo potissimum adminicula necessario compa-  
randa esse, si feliciter hoc in stadio progredi, & ultra vulgus  
sapere, velimus, intellexit; Juris naturæ nempe & doctrinæ  
moralis peritiam, ac monumentorum ecclesiasticorum ac-  
curatam

Ddd d

curatam

curatam cognitionem. Jus naturæ enim generalia fundamenta suppeditat, quibus jus positivum qualecunque, & sic etiam ecclesiasticum, plura superaddit, quæ ex illis illuminanda ac declaranda sunt, ecclesiasticorum vero monumentorum notitia origines institutorum ecclesiasticorum primas refert, faciem primitivæ ecclesiæ ex doctrina Christi, & usu Apostolico, atque Apostolicorum successorum, exhibet, mutationes corruptionesque pedetentim ingravescentes suggerit, causasque & artes callidas detegit, quibus factum, ut tandem, sub infinitis licet contradictionibus, status ecclesiasticus in hierarchiam & rempublicam sacerdotalem degeneraverit, & a prisca simplicitate prorsus cum summa rei publicæ jactura recesserit, spurias denique rationes monstrat, quibus causam suam excusare solent dissentientes. Hisce igitur subsidiis cum diligentissime utendum esse Ill. *Bæhmerus* intelligeret, quantum quidem ad Juris naturæ disciplinam attinet, inprimis ipsi in deliciis fuit libellus *Pufendorfii* præstantissimus, *de habitu Christianæ religionis ad vitam civilem*, cujus Autor primus inter Jctos ex principiis rectæ rationis docuit, qualem statum ecclesiæ in republica teneant, & quæ rei publicæ jura, circa religionem, maxime Christianam, tribuenda sint. Antiquitates ecclesiasticas vero simul diligentissime investigans, fontes ipsos cævosque scriptores singulorum Seculorum consuluit, & quæ ad institutum facere videbantur, cum cura selegit. Adjumento etiam fuerunt libri eruditissimorum quorundam scriptorum, maxime Gallorum, qui jam antea variis occasionibus jura ecclesiastica ex veteribus monumentis illustraverant. Primum inter hos locum Ill. *Bæhmerus* tribuit *Petro de Marca* in Dissertationibus egregiis *de Concordia sacerdotii et imperii*, seu *de libertatibus Ecclesiæ Gallicanæ*, in quibus Præsul eruditissimus primario quidem causam Ecclesiæ Gallicanæ contra insultus curiæ Romanæ egit, sed præterea etiam infinita jura ecclesiastica ex genuinis fontibus eruit, varias, doctrina limatiore refertas, observationes edidit, viamque monstravit, qua illis eundem est, qui ad maiora hoc in campo tendunt. Cum autem rarius paulo in Germaniæ Bibliothecis tam elegans liber depre-

dēprehenderetur, illum typis repetendum anno hujus Seculi octavo Ill. *Bæbmerus* curavit. Communicavit consilium cum *Stephano Baluzio*, qui literis responsoriis, 17 Cal. Jan. A. 1707 ad eum datis, illud humanissime probavit, et quædam addenda transmisit, quæ etiam novæ editioni Lipsiensi pag. 126i adjecta sunt. Post triginta annos a prima editione istius operis, quæ A. 1641 lucem adīpexit, pleniori lumine ex intima antiquitate instituta ecclesiastica illustravit *Ludovicus Thomassinus*, Oratorii Gallicani Presbyter, in libro, quī inscribitur: *Vetus & nova Ecclesiæ disciplina circa beneficia & beneficiarios*, qui liber, Gallico primum sermone compositus, bis typis exscriptus est, Latino postea sermone, ut votis plurimorum satisficeret, donatus, quæ Latina libri editio a Gallicanis in eo differt, quod singula argumenta, per diversas quidem ætates, sed continuata serie, quod in Gallicanis prioribus observatum non erat, excusserit, & ad hodiernum ecclesiæ statum perduxerit. Similem operam Juri Ecclesiastico circa finem Seculi præcedentis impendit *Zegerus Bernardus van Espen*, Professor in Academia Lovanienſi celeberrimus, vir meliore fortuna dignus. Is nimirum *universum Jus Ecclesiasticum, hodiernæ discipline, præsertim Belgii, Gallie, Germaniæ, & vicinarum provinciarum, accommodatum*, composuit, Colonia Agrippinæ anno hujus Seculi secundo recusum. Horum triumvirorum nova, & a communi plane recedens, ratio Ill. *Bæbmeri* mentem ad Canonum, & Historiæ ecclesiasticæ, studium traxit, cum, horum exemplo, & propria experientia, doctus, perspiceret, sine hoc præsidio nec *Gratiani* compilationem intelligi, nec decretales Pontificum explicari, posse. Et, cum hæc ut plurimum se referant ad illam, quæ tamen sine ullo discrimine temporum & delectu congesta est, non aliam medicinam, jura hæc in ordinem redigendi, vidit, quam si ipsorum Conciliorum Canones secundum ætatis seriem æstimarentur, iidem cum antiquioribus conferrentur, eorum causæ, occasiones, atque historia, diligenter investigarentur, si quid in eis mutatum, vel temporum injuria, aut deseribentium negligentia, corruptum, appareret, id

annotaretur, atque hac ratione cujuscunque instituti ecclesiastici status antiquus & vicissitudines usque ad nostra tempora deducerentur. Hoc modo præparatus Ill. *Babmerus*, ad enucleandas Pontificum decretales se accinxit, atque jam A. 1714 *Tomum primum* ad Libros duos priores publicavit, decretalium decisiones cum protestantium Ecclesiarum principiis conferens, atque ostendens, longe cautius in earum applicatione procedendum esse, quam JCI plerique, nimium Juris Canonici sententiis infescati, antea fecisse consueverunt. Crevit labor sub manibus, & rerum dignitas effecit, ut tribus sequentibus Libris exponendis plus temporis & laboris impenderet, & majori ornatu atque studio eos expoliret, unde factum est, ut demum A. 1737 universo operi coronidem imponeret. Hoc autem labore superato, Institutiones Juris Canonici conscripsit, ut auditores, aliena prius esca lactatos, proprio cibo pasceret. In his interim nondum substitit Ill. *Babmeri* diligentia, verum de nova etiam Corporis Juris Canonici editione, in qua variantis, inprimisque sinceræ, lectionis ratio haberetur, adornanda, senectute quantumvis ingravescente, serio cogitavit. Rectissime enim secum constituit, in Academiis de librorum, ex quibus ipsæ leges, tanquam Jurisprudentiæ principia, hauriuntur, majori copia cogitandum esse. Hæc ratio ad novam hanc editionem adornandam Ill. Editorem potissimum impulit, quo in labore quid ab eo præstitum sit, antequam enarremus, de Dissertatione præliminari, Decreto præmissa, ubi varia Decreti *Gratiani* fortuna exponitur, dicendum est. *Gratianum* ex Etrusca civitate Clusio oriundum fuisse, ex inscriptione sepulchrali, in ejus honorem confecta, & a *Mabilonio* in *Itinerario Italico* edita, Ill. Editor comprobat. Eum circa medium Seculi duodecimi floruisse, ex *Trithemio*, & *Annalibus Benedictinis Gabrielis Buccellini*, ostendit. Fabulam de *Petro Lombardo* & *Petro Comestore*, partu adulterino una cum nostro editis, quam aliquis *Antoninus*, Florentinus Episcopus, in *Chronico* primus protulit, erudite convellit, *Pagium*, in *Criticis ad Annales Baronii* consentientem, adducens. *Gratianum* opus suum suavis

*Bernhardi,*

*Bernhardi*, Abbatis Clarævallenſis, compilaffe, obſervat. In monaſterio Bononienſi *S. Felicis* hoc factum eſſe, ex inſcriptione, a *Mabillonio* in libro ſupra citato edita, docet. Cœptum ab eo hunc laborem eo tempore, quo ſtudium Juris civilis ad ſcholam Bononienſem translatum eſt, adeoque A. 1138, probabile videtur, A. 1151 vero ad finem opus perducum eſſe, *Calendarium Archigymnaſii Bononienſis* antiquiſſimum indicat. Ante eum jam a quodam *Omnibono Coucordiam diſcordantium Canonum* compoſitam, ejusque veſtigia *Gratianum* ſecutum eſſe, *Albericus* in *Chronico* narravit, quam tamen narrationem nullo fundamento niti, adeoque ad fabulas relegandam eſſe, Ill. Editor fuſe demonſtrat. Pro certo potius habet, *Gratianum* hoc opus proprio Marte compoſuiſſe, quamvis ex aliorum collectionibus ſua hauſerit, atque in novam formam converterit. Ægre fortaiſſis ferebat, Juri civili operam dari, in Jure autem Eccleſiaſtico deeſſe collectionem, quæ æquale pretium cum Corpore Juris civilis haberet, cujus auxilio ad Juris Eccleſiaſtici noticiam ſtudioſi Bononienses deduci poſſent. Traſtabatur tunc temporis Bononiæ præter elegantiores literas tantum Jus civile, cum ea urbs Cæſarei juris eſſet. Moleſtum vero *Gratiano* fuit, deeſſe ſtudioſis librum, ex quo jura eccleſiaſtica addiſcere poſſent, unde ſine dubio conſilium de nova collectione, & quidem tali, faciendâ, quæ in ſchola Bononienſi autoritate Pontificis publice explicaretur, ſuſcepit. Adſuiſſe quidem jam eo tempore collectiones Canonum atque Epistoſtarum decretalium, Ill. Editor obſervat, earumque varias recenſet. Cum autem illæ vel Pag. 16.  
Pontificis cauſæ tantum inſervirent, uti v. c. *Anſelmi, Lucenſis Episcopii, Collectio. Canonum* omnis in eo eſt, ut *Gregorii VII* cauſam, a cujus partibus ſtetit, contra Imperatorem & *Guibertum* Antipapam ageret, quædam vero particulares duntaxat Canonum collectiones exhiberent, ſolis Bibliothecis, non uſui ſcholæſtico, inſervientes, nihil denique præter nudam compilationem Canonum atque monumentorum eccleſiaſticorum continerent; tale ſuſcepit & exadificavit ſyſtema *Gratianus*, in quo methodo ſcholæſtica, tum uſitata, propoſitiones

Pag. 12.

tiones quasdam instar principiorum præmitteret, singulas ex Canonibus, Pontificum decretis, Patrum scriptis, imo & legum consensu, comprobaret, simulque doceret, qua ratione discordantes Canones in concordiam reduci possent, id quod ejus institutum exemplis, e Decreto allatis, comprobat Ill. Editor. Opus hac ratione perfectum Academicæ Bononiensis obtulit *Gratianus*, ut illud examinaret, corrigeret, & postea *Eugenio III* offerret, idque, hujus autoritate & indultu confirmatum, Bononiæ doceretur. Quia enim, examen libri, qui Jus Canonicum nova methodo tractabat, ad Pontificem spectare, & præterea, facultatem, publice in scholis hanc systematis partem tradendi, ab eadem sede impetrandam esse, arbitrabatur, de ejus potissimum approbatione fuit sollicitus. Annuit desideriis *Gratiani* Academia, cujus nomine Cancellarius Academicus hoc negotium in se suscepit, atque hanc approbationem A. 1152 obtinuit. Multi quidem hac de re dubitarunt, ideo, quod rescriptum *Eugenii III* desit; verum Ill. Editor, cum prius observasset, per hanc Pontificis approbationem neutiquam usum forensē, sed tantum scholasticum, opus hoc accepisse, eam rem ex *Alexandro Machiavello* in *Commentario ad Sigonii Historiam Bononiensem*, quam Tomo tertio Operum *Sigonii* inseruit *Philippus Argelatus*, comprobata esse, docet. Ut autem felicius opus cœptum procederet, tres honorum Academicorum gradus Juris Canonici cultoribus præstituit Pontifex, ut ejusmodi præmiis ad hoc Jus eo alacrius tractandum juvenes allicerentur, id quod ex Calendario Bononiensi Ill. Editor ostendit. Duo Juris hujus interpretes, *Gratianus* videlicet ipse, & *M. Raynerius Bellapecora*, A. 1152 constituti sunt, quamvis eam provinciam *Gratianus*, A. 1158 mortuus, non diu administraverit. Qui igitur in Decreto *Gratiani* promoti erant, *Magistri Decretorum*, nec non *Decretistæ*, vocati sunt, oppositi *Legistis*, in Jure Romano promotis, tantaque jam Seculo duodecimo eorum fuit autoritas, ut *Fridericus I* Decretistas, una cum Legistis, in suo comitatu habuerit, eosque in gravioribus causis in consilium adhibuerit, uti ex *Arnoldi Lubecensis Chronico Slavico Lib. III Cap. 10 n. 6* Ill. Editor

«4.

Editor ostendit. Parem ergo ab eo tempore & æqualem habuit Decretum cum Jure civili auctoritatem, aliis Canonum compilationibus negatam, indeque effectum est, ut glossæ passim ad illud conscriberentur, summo omnium applausu exceptæ. Inter primos Glossatores Ill. Editor ipsum *Gratianum* & *Raynerium Bellapecoram*, a *Guidone Pancirolo* in libro *de claris Legum interpretibus* omisos, collocat, quamvis, eos Decretum, infinitis jam erroribus scatens, obscurasse magis, quam illustrasse, neutiquam diffiteatur. Graviore causæ tam Romanæ in *Rota*, quam alibi, ex Decreto decisæ sunt, id quod variis exemplis Ill. Editor illustrat. Appendices variz, pallearum nomine venientes, Decreto mox adstruebantur. In aliis etiam Academiis maximam Decretum nanciscebatur auctoritatem, spuria tamen principia, ex spuris fontibus, *Isidori* nimirum *Mercatoris* collectione, hausta, per hoc ipsum Decretum simul introducta sunt. Laudandum esse *Gratianum*, quod *Pseudo-Isidorianas* merces Decreto suo inferuerit, eumque, eas decretales adulterinas esse, optime novisse, nonnulli statuerunt. At vero, utrumque oppido falsum esse, invictis argumentis Ill. Editor demonstravit. Stetit Decreti hujus auctoritas usque ad medium Seculi decimi quinti inconcussa, usque dum aliquis Episcopus & Cardinalis, *Joannes a Turrecremata* dictus, Ordinis Prædicatorum sodalis, exemplo *Antonii Mincucci*, qui Jus feudale in meliorem ordinem redigere studuit, incitatus, se ad Decretum *Gratiani* corrigendum accingeret. Cum vero *Gratianus* tam in forma, seu ordine connectendi, quam etiam in materia, seu in ipsis Canonibus, decretis Pontificum, aliisque, quæ huc pertinent, digerendis, peccasset, laudatus *Jo. a Turrecremata* tantum de forma & methodo meliore sollicitus fuit, atque curavit, ut, toto opere dissoluto, in meliorem ordinem collectanea & sententiæ *Gratiani* reducerentur, atque ad methodum, in decretalibus observatam, componerentur. Libros igitur quinque retinuit, licet nihilo secius in aliis a methodo *Raymundi de Pennaforte* recesserit. Quamvis ergo nova hæc Decreti ordinatio Pontificibus mirifice placuerit,

Pag. 17.

22.

cuerit, displicuit tamen Canonistis, veteri methodo & glossis in Decretum adeo assuetis, ut se ab illis retrahi non paterentur. Mansit ergo deforme Decretum in pristino statu, atque nova ejus ordinatio in tenebris diu delituit, usque dum jussu *Benedicti XIII*, atque cura *Justi Fontanini*, anno hujus Seculi vicesimo septimo, Romæ ex Codice manuscripto primum evulgaretur, quo quidem libro se summo cum fructu in hac editione adomanda usum esse, Ill. Editor profitetur. De correctione deinceps Decreti, sub auspiciis trium Pontificum, *Pii IV, V*, atque *Gregorii XIII*, ab eruditissimis triginta quinque viris instituta, fuscè disputat, nomina correctorum, ex Præfatione *Justi Fontanini*, Decreto *Gratiani*, a *Turrecremata* noviter ordinato, præmissa, recenset, eosque correctores nequitiam omnes naves ex Decreto eliminasse, imo totum eos *Gratianum* ita immutasse, ut, quæ hodie in Decreto comparent, non omnia *Gratiani* sint, observat. Quamvis etiam *Gregorius XIII* sub excommunicationis pœna omnem in posterum Decreti emendationem penitus prohibuerit; hoc tamen non obstantè, *Petrus & Franciscus Pithei* Corporis Juris Canonici novam editionem, in qua ætas potissimum singulorum textuum studiose notata est, adornarunt, a quorum tamen sententia nonnunquam Ill. Editor recessit. Per correctionem istam Decretum *Gratiani* vim & auctoritatem legalem per indirectum accepisse, fuscè demonstrat. Hunc etiam Decreti usum doctrinalem tantum existimationis pondus Decreto attulisse, Ill. Editor docet, ut eruditi, qui acta & Canones Conciliorum, nec non Capitularia Regum Francorum, collegerunt, aut Patrum scripta de novo ediderunt, in margine locos notaverint, qui in Decreto ex illis desumpti sunt, ut cuivis, fontes ipsos evolventi, quænam capita exinde hausta in Decreto sint, appareat. Hæc denique auctoritas eos, qui in causâ religionis inter se dissentiunt, induxit, ut ad illud in controversiis, tanquam ad validissimum causæ præsidium, recurrerent, illudque in partes suas traherent, majori fundamento se subnixos esse credentes, si autore *Gratiano* quædam asserre possent. Cum autem, reformatione religionis subsecuta,

Pag. 30.



subsecuta, quamplurima argumenta pro causa protestantium ex Decreto peterent eruditi, magno numero ab Ill. Editore Pag. 32. citati, ab eo tempore magis de destruenda, quam augenda, Decreti autoritate, quantumvis frustra, cogitatum est. Utilitatem, ex *Gratiani* Decreto hauriendam, Ill. Editor fuisse edisserit. Ex quibus dictis facile est ad intelligendum, quantum ipsi orbis literatus debeat, quod Corporis Juris Canonici novam editionem parare, illudque accuratius de novo sistere, secum constituerit. Conferri autem hoc Juris Corpus curavit cum quatuor Codicibus manuscriptis optimæ notæ, eumque laborem perficiendum filio eruditissimo, *Georgio Ludovico Bæhmere*, Antecessori hodie in Academia Göttingensi meritissimo, paternarum virtutum imitatori felicissimo, commisit, qui, cum adhuc in convivio paterno esset, ante abitum in Göttingensem Academiam hanc collationem cum sociis, sibi adiunctis, ad finem perduxit, atque variantes lectiones Ill. Parenti exhibuit. Apparuit exinde, *Gratianum* per correctores Romanos plane alium factum esse, quam Codices in statu suo primo sistunt, a quo correctum Decretum magnopere recessit. Diligentissime igitur notavit Ill. Editor, quid a correctoribus sit additum, atque emendatum, ut differentia inter Decretum antiquum & correctum exinde appareret. Sæpe lectiones meliores in Codicibus manuscriptis deprehendit, quæ saniores etiam sensum efficiunt, uti inprimis in *Can. Redintegrando 3, C. III, Qu. 1*, optimo exemplo docuit, & hoc remedio antiquum aliquem & inveteratum errorem explosit. In nominibus propriis tamen, & locorum designationibus, antiquos Codices ut plurimum corruptos esse, non diffiteretur, eorumque ideo integritatem ex geographicis & historicis monumentis curiose restituit. Usus est autem Ill. Editor Codicibus manuscriptis tribus, quos Bibliotheca Regia Berolinensis asservat, de quibus omnibus accuratam suppeditat notitiam. Quarti Codicis copiam ipsi fecit Vir illustris, *Jo. Petr. a Ludewig*, qui eum in Bibliotheca, quam collegit, instructissima asservavit. Quinti Codicis loco ipsi fuit Decretum, a *Turrecremata*, prout vidimus, nova methodo digestum, quod etiam

diligenter cum Decreto, a correctoribus Romanis emendato, contulit, cum nullum sit dubium, Eminentissimum Purpuratum meliorem Codicem adhibuisse. Non autem duntaxat lectionum variantium rationem habuit, sed, quod præcipuum erat, ad chronologiam & ætatem singulorum textuum diligenter respexit, quæ res cum laboris plenissima sit, & ab Ill. Editore solo peragi non potuerit, socium sibi assumpsit V. C. *Fridericum Sigismundum Witzlerum*, Quersfurtensem, qui, per XII annos in Academia Halensi moratus, in antiquitatibus & Juris scientia egregie profecit. Quotidie is per unam vel duas horas in ædibus *Babmerianis* huic temporum annotationi operam dedit; acta Conciliorum ex editione *Harduini* evolvit, Tomos & paginas ex ea ad singulos textus notavit, eaque annotata ad Ill. Editorem detulit, ulterius examinanda. Secutus quidem is hoc in negotio inprimis est *fratres Pitbaos*, & *Justum Fontaninum* in editione *Decreti, a Turrecremata ordinati*; sapissime tamen ab illis recessit, simulque rationem disensus ut plurimum suppeditavit. Præterea locorum quoque rationem habuit, cum manifestum sit, varios mores, variamque disciplinam, pro diversitate locorum fuisse, adeo ut ex circumstantia loci genuinus sæpe Capituli sensus erui possit. Observationes denique iis textibus adjecit, quæ absque historiæ luminibus explicari nequeunt. Cum satis superque constet, non omnia esse *Gratiani*, quæ hodie in editione Romana correctâ deprehenduntur, illudque data opera com monstravit *Diomedes Brava*, *Patricius Tranensis*, in *Disquisitione critica de interpolatione Gratiani*, Bononiæ A. 1694 edita, illud quidem scriptum, cum in paucissimorum manibus sit, integrum hic Ill. Editor apposuit. Secundæ parti Corporis Juris Canonici Dissertationem præliminarem, *de decretalium Pontificum Romanorum variis collectionibus & fortuna*, idem præmisit. Exponit primo, quid Epistolæ Pontificum olim continuerint. Consulti nimirum de quæstionibus disciplinæ ecclesiasticæ dubiis, sententiam edebant, & ita rogati more Jctorum decernebant. Decreta quidem olim significasse ea, quæ, causâ cognita, a Prætoribus aliisque magistratibus pronuntiabantur,

Pag. 42  
seq.

bantur, &, quicquid ex Decreto statutum erat, id *decretale* dictum esse, Ill. Editor ex variis Juris civilis textibus comprobavit. Epistolas Pontificum etiam *decreta* dicta fuisse, ex testimonio *Dionysii Exigui* evincit. In sensu tamen longe diverso eas ita dici, quia Pontifices in causa controversa non dicebant sententiam, sed consulentibus respondebant, observat. Cum sedis Romanæ maxima antiquitas fuerit autoritas in Occidente, frequentissimæ ad eam factæ sunt ab aliis Ecclesiis, de dubiis juris articulis, relationes, de quibus sententiam in responso literis ediderunt, quæ diligenter in archivo Ecclesiæ Romanæ, seu *registris*, asservatæ sunt. *Regesta* enim, seu *registra*, medio ævo vocata esse scrinia, quæ chartas publicas & rescripta custodiebant, Ill. Editor observat. Quamvis autem ab initio istæ decretales vim legis nequaquam haberent; earum tamen autoritas, posteaquam colligi, & Codici Canonum adjici, coeperunt, major pedetentim existit. Constituerunt nimirum Episcopi Romani Seculo quarto, Romanæ Ecclesiæ morem ab omnibus in Occidente Ecclesiis observandum esse. Ex hoc principio collegerunt ulterius, in casibus dubiis Ecclesiam Romanam necessario consulendam esse. Hoc ipso factum est, ut relationes ad curiam Romanam crescerent, & inde decretalium copia indies augeretur. Quamvis vero, primam earum collectionem sub *Leone* factam fuisse, *P. de Marca* existimet, ab eo tamen Viri Celeberrimi, ab Ill. Editore citati, dissenserunt. Calculum suum eorum sententiæ is adjecit, *Dionysio Exiguo* gloriam primæ collectionis decretalium tribuit, deque *Dionysio* illo, ejusque compilatione, accurate & erudite disputavit. Collectionem *Dionysii* successu temporis auctam fuisse ex subsequentium Pontificum, qui post *Anastasium* vixerunt, *Hilarii* nempe usque ad *Gregorium II*, epistolis, eamque secundam decretalium collectionem dicendam esse, & codici *Dionysiano* mox videri adjectam, Ill. Editor contendit, *Jussellum* consentientem adducens. Seculo sexto in Hispania codicem Canonum existisse, autoritate legali præditum, eique decretales Pontificum adjectas videri, ex actis Concilii BracarenŒ I, A. 561 habiti,

Pag. 3.

4 seq.

10.

comprobat. Codicem illum, per varios Conciliorum Canones, in Hispania conditos, & epistolas *Gregorii M.* auctum fuisse, tandemque post annum 589 eidem ab Episcopo quodam Hispano Præfationem præmissam, Ill. Editor egregiis argumentis ostendit. Ex hac majori collectione conflatum postea est compendium, vel breviarium, Canonum & Epistolarum Papalium, nova methodo compilatum, in quo argumenta specialia, in certos titulos digesta, interque se connexa, deprehenduntur. Integrum videlicet compendium in decem Libros divisum esse, Ill. Editor nos docet, argumenta etiam, in singulis Libris pertractata, secundum Librorum seriem apponit. Singuli Libri in titulos subdivisi sunt; in quos epitome Canonum, vel Epistolarum, Pontificum Romanorum, argumentum tituli speciale illustrantium, relata est. Primus iste compilator nova arte, & quodammodo ordinatius, jura ecclesiastica collegit, eumque postea *Regino* cum aliis usque ad *Gratianum* secutus est. Primus hanc epitomen Canonum edidit Cardinalis *Aguirrius Tomo III Collectionis Conciliorum Hispania*, *Cajetanus Cennius* vero illam postea *Antiquitatibus Ecclesie Hispanie* præmisit. Quamvis autem hic, *Isidorum Hispalensem* ejus compendii autorem fuisse, statuatur, contra tamen sentit Ill. Editor, & Autorem circa finem Seculi VII, seu post Concilium Toletanum XVI, vixisse, adeoque, si *Isidoro* adscribendum sit, hoc de *Isidoro Seſabitano* capiendum esse, contendit. Seculo octavo, & quidem post annum 780, primum falsas & confictas Pontificum epistolas effingi cœpisse, earumque jam collectionem exstitisse, Ill. Editor conjicit. Possedisse eam collectionem jam videtur *Ingelramnus*, Metensis Episcopus, quando A. 785 octoginta capitula, causam suam peroraturus, *Hadriano* Pontifici obtulit. Ea etenim capitula, quæ *Harduinus Tomo tertio Conciliorum* inseruit, maximam partem ex spurii Pontificum epistolis confarcinata esse, a *Cointio* in *Annal. Eccl. Franc. Tom. VI ad annum 785 n. 17* jam ostensum est. Seculo tamen nono magis illa collectio innotuit, prout ex *Hincmari Rheimensis* loco, ab Ill. Editore citato, intelligitur. Collectionis istius spurie compiler *Isidori*

Pag. 13.

*dori Peccatoris* nomen mentitur; hoc enim cognomine *Isidorus Hispalensis* poenitentiae quotidianae ergo, more monastico, usus est, unde librariorum negligentia illud cognomen in vocem *Mercatoris* perperam transformasse dicenda est. Hispanum fuisse hunc impostorem, Ill. Editor, allatis argumentis variis, comprobare satagit, quae an satis valida sint, & an non potius a Germano, aut Gallo, istae merces adulterinae fuerint profectae, uti quidem *Blondellus* censuit, eruditus lector iudicet. *Benedictum* interim *Levitam* has epistolas neutiquam confinxisse, contra *Blondellum* evidentissime demonstrat. Collectio haec, tot supposititiis Pontificum epistolis contaminata, eo tempore conflata est, quo de iudiciis ecclesiasticis inter curiam Romanam & Episcopos provinciarum, sub metropolitans suis constitutos, lites jam dudum intercesserant. Et eam dubio procul ob causam compilata est, ut jus inde certum, & extra controversiam positum, erui in posterum posset, & curia Romana haberet, unde causam suam instrueret, cum praesertim decretalium tanta esset eo tempore autoritas, ut parent vim cum Canonibus haberent. Galliae sacerdotes supremos, inque illis *Hincmarum*, mendacia haec Pseudo-*Isidoriana* quodammodo in dubium vocasse, Ill. Editor observat, nihilo minus tamen, ea in tenebris eorum temporum, quibus publicata, facile speciem veritatis induisse, ideoque *Ingelramnum* & *Benedictum Levitam*, imo ipsos Galliae praefules, ex hac collectione plura in usus suos transtulisse, observat, autoritatis quoque eorum incrementum, usque ad ea tempora, quando Centuriatores Magdeburgici fraudem eruditis detexerunt, recenset. Cum studiosi Bononienses in addiscendo Jure civili ac Decreto diligentissime desudarent, ingentes exinde in foro lites extruxisse, has vero infinitas provocaciones ad curiam Romanam peperisse, Ill. Editor observat. Nimirum jam circa Seculi quarti finem id egerunt Pontifices Romani, ut necessitatem, in quaestionibus Juris ecclesiastici dubiis ad sedem Romanam relationem faciendi, eamque super his consulendi, omnibus Episcopis in Occidente imponerent, atque controversiarum decisiones authenticas sibi assererent. Inde decre-

Pag. 182

21.

tales, in ecclesiasticis ad relationes Episcoporum factæ, magnum in decidendis litibus obrinuerunt pondus, pauciori tamen numero per plurima secula in quibuscunque collectionibus apparentes. Seculo autem duodecimo *Gratianus* uberiorem earum numerum in scenam produxit, imo eo tempore de causis civilibus etiam pronuntiare cœperunt Pontifices, id quod ex *Cap. 5 X de Caus. poss. & propriet. Ill.*

- Pag. 22. Editor comprobat. Ab eo tempore ingens decretalium multitudo prodiit, cum præsertim ex patrimonio *Petri* Romam frequentissime deferrentur tum relationes, tum provocaciones, in rota Romana decidendæ. Ex his decisionibus rotalibus, quarum in foro magna autoritas fuit, decretales sunt compositz, cumque decisionibus illis abundare forum inciperet, novæ collectiones earum componi cœperunt. Decretales autem more antiquo istæ decisiones dictæ sunt, quod in formam literarum, seu rescriptorum, redactæ, ad iudices delegatos ut plurimum transmissæ, vel ad præcedentes relationes compositz fuerint. Exinde tandem alteram partem Juris Canonici natales suos accepisse, Ill. Editor monet. Ob tantam igitur decretalium multitudinem privata pariter ac publica autoritate quædam earum collectiones confectæ sunt, ut opus *Gratiani* exinde suppleretur, ipsæ vero decretales in usum forensem eo promptius & facilius deduci possent. Primam earum collectionem Ill. Editor, eam vocat, quæ in *Urbano III* desinit, cum ante *Bernhardi Circe* compilationem, quæ vulgo pro prima inter quinque antiquas haberi solet, composita ipsi videatur. Cumque ex hac collectione quamplurima *Bernhardus Papiensis*, & *Raymundus* in suas decretalium compilationes traxerint, atque inde nonnunquam hæc suppleri atque emendari queant, eam ex Codice vetustissimo Bibliothecæ Hassio-Casselanzæ in Appendice decretalium N. 2 Ill. Editor primus evulgavit. Altera decretalium compilatio, sub titulo *Appendicis ad Concilium Lateranense Iil*, apud *Harduinum T. VI Concil. P. II pag 1694* comparet. Re vera tamen eam non esse appendicem ad Concilium Lateranense Ill. sed principalem collectionem decretalium *Alexandri III*, Ill. Editor nos docet,

docet. Tertium locum *Bernhardi Circa* collectioni tribuit, Pag. 24. atque de reliquis etiam compilationibus, ab *Antonio Auguſtino* atque *Innocentio Cironio* editis, admodum fuſe diſputat. Cum autem non omnes iſtæ collectiones publica autoritate compilate eſſent, imo variæ decretales adhuc extra illas vagarentur, ita, ut de fide earum non ſatis certo conſtaret, atque maxima juris incertitudo exinde gigneretur, medelam huic malo adhibere ſtudit *Gregorius IX*, vir Juris Eccleſiaſtici peritiſſimus, & in Archigymnaſio Bononienſi publicus quondam Decreti interpres, qui, novam decretalium collectionem, ex prioribus confarcatam, componi, eique novas, quæ prodierant, decretales addi, curavit. Sine dubio *Juſtinianum* hac in re ſecurus eſt Pontifex, qui ex Codicibus *Hermogeniano*, *Gregoriano*, & *Theodoſiano*, *Juſtinianicum* ſuum Codicem, adjectis conſtitutionibus, a ſe noviter editis, compilavit. Uſque adeo autem ad ejus exemplum ſe compoſuit *Gregorius*, ut non integras decretales ex more præcedentium compilatorum ſiſteret, ſed tantum præcipua earum capita, vel etiam deciſiones duntaxat, ibi contentas, referret, atque ad ſtatum ſui temporis accommodaret. Inde vero novas difficultates interpretibus creatas eſſe, ab illis demum ſuperandas, qui integras decretales evolvere norunt, Ill. Editor graviffime judicat. Laudat eo nomine *Antonium Contium*, qui, in editione decretalium, A. 1570, adeoque ante correctionem Romanam, Antwerpia adornata, ea, quæ in decretalibus omiſſa erant, textui ſubjecit, & ſenſum evidentiorẽ hoc pacto reddidit, quæ additiones adeo eruditis placuerunt, ut poſtea conſtanter editionibus decretalium novis, diverſo quam charactere, inferi conſueverint, non obſtante editione Romana, ſub *Gregorio III* publicata, in qua quidem omiſſæ ſunt. Uſus autem eſt *Gregorius IX* opera *Raymundi de Penna-Forte*, vel *Penia Fort*, uti in Bulla *Elementis VII*, qua catalogo Sanctorum inſcriptus eſt *Raymundus*, vocatur. Fuit is Ordinis Prædicatorum ſocius, Capellanus, ſeu cauſarum palatii Apoſtolicæ auditor & poenitentiaris, qui A. 1234 hunc laborem abſolvit, a Pontifice confirmandum. Reſcriptum

*Gregorii*

348. *Gregorii IX*, ad Academiam Bononiensem missum, totum hic  
 Pag. 29. exhibuit Ill. Editor. Præter hanc vero *Raymundi* collectio-  
 nem, duas adhuc alias recentiores exstare, de quibus vulgo  
 silent, qui historiam Juris Ecclesiastici descripserunt, idem  
 commemorat. Altera est collectio *Innocentii IV*, unice ex  
 Concilio generali, quod Pontifex A. 1245 indixerat & cele-  
 braverat, ad methodum decretalium *Gregorii IX* composita,  
 & ad Academiam Bononiensem transmissa, ut tam in judiciis,  
 quam in scholis, in posterum usum præstaret. Exhibuit hanc  
 compilationem, nondum hætenus editam, in Appendice N. 3  
 ex Codice manuscripto Bibliothecæ Berolinensis Ill. Editor.  
 Altera est *Gregorii X*, in ipso Lugdunensi Concilio generali II  
 composita, quæ compilatio ad methodum decretalium com-  
 munem in ipso Concilio jam ordinata, & pariter ad Aca-  
 demiam Bononiensem sub eadem forma, qua prior, transmissa  
 erat, id quod pariter in Appendice N. 4 ex Codice MSto  
 eodem Ill. Editor ostendit. Integram vero eam edere no-  
 luit, cum eodem ordine, quo in Codice prædicto sistitur, in  
 Conciliorum collectionibus occurrat, unde tantum ex illo Co-  
 dice variantes lectiones excerptit. Post ea tempora Corpus  
 aliquod decretalium ex Epistolis *Gregorii IX*, *Innocentii IV*,  
 & *Gregorii X*, compositum est, prout jam *Bernhardus de Mont-*  
*faucon* in *Bibliotheca Manuscript. Tom. II pag. 1211* docuit. Et,  
 quamvis posteriores duo Pontifices jusserint, ut sub suis titu-  
 lis decretalibus *Gregorii IX* infererentur, hoc tamen factum  
 fuisse, non liquet, sed separatim posteriores duæ compilatio-  
 nes glossis illustratæ sunt, quas tamen hic addere Ill. Editor  
 noluit. Hanc ipsam vero ob causam sub *Bonifacio VIII* no-  
 vam decretalium compilationem prodixisse, cui præter novi-  
 ter emissas decretales integræ præcedentes collectiones, de  
 quibus modo dictum est, insertæ sunt, Ill. Editor observat.  
 Dicebatur ea compilatio Liber sextus decretalium, ut in po-  
 sterum, neglectis duabus præcedentibus, immediate *Gregorii*  
*IX* compilationi succederet, ejusque *Librum sextum* consti-  
 tueret, licet in Libros quinque, ad methodum compilationum  
 antiquarum, esset subdivisa. Hunc librum, sedulo prius per-  
 lectum



lectum atque examinatum A. 1298 promulgavit *Bonifacius*, qui alteram partem decretalium post hæc tempora constituit. Tertia pars deinceps eidem accessit ex *Clementis V* constitutionibus, in Concilio Viennensi, A. 1311 celebrato, editis, quoad maximam partem composita, decretalibus, ante & post illud Concilium datis, aucta, & A. 1303 in Consistorio publicata, quæ vulgo *Clementinarum* nomine insignitur, quamvis *Clemens V* hanc syllogen appellatione *Libri septimi* decretalium venire voluisse dicatur. Quod cum fusius jam sit expositum a *Georgio Ludovico Bahnero*, Antecessore Gotingensi meritissimo, Ill. Editoris filio dignissimo, in *Diatriba de Clementinis* §. 12, actum agere Ill. Editor noluit, sed dictam modo Diatriben citavit. In omnes autem Academias hanc collectionem introductam esse, negat. *Extravagantes Joannis XXII* privata autoritate circa annum 1340 collectas esse, statuit. *Extravagantium communium* natales ad annum 1484 refert, easdemque privato studio collectas videri, monet, quamvis utraque extravaganantium collectio decretalium reliquis partibus adjecta sit, & per Bullam *Gregorii XIII* de A. 1580 stabilem & perpetuam sedem in Corpore Juris Canonici, & inde aliquam auctoritatem in foro, acceperit. Tandem, a *Petro Matthæo*, Jcto Lugdunensi, circa finem Seculi XVI novam compilationem, quæ iudem *Liber septimus* audit, profectam esse, privata autoritate collectam, & a partibus decretalium probatis separandam, Ill. Editor monet. Eam illustrationis & notitiæ causa in Appendicem conjecit, & primo statim loco ibi collocavit, cum continuationem extravaganantium contineat. Ab hac vero compilatione distinguere debere alium quendam Librum septimum, cujus confectionem *Gregorius XIII* quibusdam Cardinalibus commiserat, Ill. Editor inculcat. Post mortem *Gregorii*, *Sixtus V* æque curam suam ad ejus perfectionem, morte prædecessoris interruptam, extendit, publicatio tamen ejus impedita est. Parem in censum cum Libro illo septimo Ill. Editor refert *Institutiones Pauli Lancelotti*, jussu quidem *Pauli IV* conscriptas, nunquam tamen publica auctoritate & vi legis donatas, quanquam a *Paulo V* Corpori Juris Canonici notitiæ & illustrationis gratia annecterentur.

Pag. 31.

32.

rentur. Cumque ideo a partibus probatis Corporis Juris Canonici merito separandæ sint, eas Appendici cum ceteris monumentis inferere, consultius duxit Ill. Editor. Tandem, ut, quid in nova hac editione ad illustrandas decretales ista attulerit, constet, sciendum est, eum utilia, sine quibus intelligi decretales nequeunt, a *Raymundo* textui detracta, ex antiquis decretalium collectionibus excerptisse, ipsisque textibus, diversis tamen typis, inseruisse, ut sine ulla interruptione omnia conjunctim legi possint. Decretales insuper *Gregorii IX* cum duobus Codicibus manuscriptis Bibliothecæ Regiæ Berolinensis contulit. Adjunxit illis Codicem perantiquum Bibliothecæ Hasso-Cassellanzæ, qui *Seculo XIII* videtur esse conscriptus. Quartum Codicem, qui Seculi decimi quinti ætatem refert, Bibliotheca Ill. *Ludewigii* suppeditavit. Contulit præterea editionem antiquissimam, A. 1478 in forma maxima evulgatam, ex qua plures se optimas lectiones collegisse, eamque editionem instar optimæ notæ Codicis manuscripti habendam esse, proficitur. Bibliothecæ Hasso-Cassellanzæ etiam acceptum refert Codicem decretalium *Alexandri III*, quem adeo in Appendice edidit. Librum quoque sextum decretalium cum Codice Regio Berolinensi, nec non alio quodam Codice ex Bibliotheca Hassiaca, contulit. Compos etiam factus est editionis antiquissimæ Libri sexti, & *Clementinarum*, adjectis Constitutionibus XV communibus, sub titulo *extravagantium*, quæ non diu post inventam artem typographicam typis expressa videtur. His aliisque adhuc subsidiis instructus, variantes lectiones, quæ textum vel illustrant, vel probabilem rationem sistunt, unde obscuritas emergens interdum tolli possit, cum cura annotavit, auxilio optimi Filii sæpius laudati hoc in negotio usus, quamvis vulgatam lectionem, ab editione Romana adoptatam, in ipso textu semper retinuerit. Denique capitulis quibusdam decretalium observationes breves historicas & criticas adpersit, atque omnis in eo fuit, ut ostenderet, ex quo fonte decretales desumptæ fuerint. In Librum sextum, Clementinas, & extravagantes, tales observationes conscribere, ob vires senectute fractas aliaque negotia non potuit. Ætatem quoque singulorum textuum studiose

studiose notavit, & quamplurimos *Pithæorum* errores hac in re correxit, quamvis, in argumento adeo lubrico se ipsum nonnunquam lapsum esse, candide profiteatur, & ubi meliora edoctus est, palinodiam canat. Indices tandem locupletissimi, *Pithæanis* longe accuratiores, adjecti sunt, in quibus instruendis Cl. *Henningii*, Leucopetrensis, operam Ill. Editor prædicat. Habent igitur Juris Ecclesiastici cultores jam fontem, unde sitim suam reslinguant, Ill. *Bæbmeri* diligentia ab obscuritatum fordibus purgatum, & vere limpidum. Nos autem præstantissimo huic Jureconsulto pro limatissimis operibus, quibus Bibliothecas nostras ditavit, proque incredibili industria, quam Juri Ecclesiastico illuminando impendit, gratias decernimus amplissimas, eique placidam senectutem, & lætissimos omnium rerum successus, ex animo comprecamur.

Pag. 34.

*HISTORIÆ UNIVERSALIS POLITICÆ,  
quantum ad ejus Partem I ac II, idea, plane nova ac  
legitima, tractationem summorum imperiorum exhibens,  
in lectionum Academicarum usum propofita a JOANNE  
MATTHIA HASIO, Matb. P. P. O.*

Norimbergæ, impensis hæredum Homannianorum, 1743, 4.

Plag. 14.

**M**axima erant haud ita pridem B. *Hassii* in Historiam, Chronologiam, ac præcipue in Geographiam, tabulasque geographicas convenienter naturæ adornandas, merita. Et hæc est causa, cur elementis hisce Historiæ universalis suis constet honos, sua stet dignitas. Dolemus merito Viri tantopere quondam frugiferi obitum haud satis maturum, civitati eruditæ, omnino luctuosum. Opus hoc posthumum in lucem bonis avibus emisit Cl. *Augustus Gottlob Bæbmius*. Complectitur id ipsum Præfationem, sciagraphiam historiæ summorum imperiorum, Tabulas chronologicas XVI accuratissimas, Tabulas XXVIII geographicas, exquisitissime fabrefactas, coloribusque illuminatas selectissimis, ac instituto congruentibus. Tabulæ chronologicæ sequuntur ante Jesum natum æram Pentateuchi Samaritani veluti hypothesin. Eligenda enim Autori

Pag. 9.

Fff f 2

vide-

- videbatur talis sententia, quæ indicaret modum, quo inter diluvium *Noachicum* & initia regni Sinensis atque Ægyptii regni spatium ejusmodi interjaceret, quod sufficeret tempori, quo post extinctam generis humani multo maximam partem talis rursus numerus mortalium succrescere potuisset, qui re-
- Pag. 11. gno cuidam formando esset aptus. Tempus hac ratione postdiluvianum 100 fere annis redditur amplius. Regnum ita *Menis* Ægyptiacum incidit quam proxime in annum periodi Julianæ 2516. *Cainanem* vero e Patriarchis postdiluvianis ejecit Autor, codicem Ebræum ac Samaritanum affectatus.
14. In Chronologia patrum antediluvianorum secutus est rursus utrumque eum codicem consentientem. *Sesoftris* ætatem exhibuit tergerminam. Priorem desumpsit ex Chronico Alexandrino; secundam ex Marmore Arundelliano; tertiam posuit in *Rehabeami* tempora, siquidem multi *Sesoftrim* pro *Sesaco* habent. A condito mundo ad diluvium numerat annos 1656; a diluvio ad *Nachorem*, *Tarachi* filium, annos 942; inde ad natum ipsum *Abrahamum* 60 annos; inde ad evocatum *Abrahamum* 75 annos; inde ad exitum Israelitarum ex Ægypto 430 annos; inde ad structuram ædis sacræ *Salomone* annos 680; inde ad finem regni *Zedekie* annos 422½. Ultimum horum annorum statuit annum 18 *Nebucadnezaris*, annum
2. currentis periodi *Julianæ* 4127. Sciagraphia dicendorum exhibet prolegomena, seu definitiones ac divisiones, historiæ proprias, voces eo spectantes, titulos imperantium, appellationes quasdam particulares, vocabula chronologica. Scenam aperit historia sacra politica patriarchalis & Judaica, ad excidium Hierosolymæ alterum procurrens. Sequitur hanc tractatio compendiosa, de summis imperiis inscripta. Carptim ibi exponitur de Imperio Ægyptio, Scythico, Assyriorum, Chaldæorum, ac Medorum, Lydorum, Trojanorum, Persarum, Græcorum. Imperium *Alexandri M.* Græcum fuit conflatum ex regnis Lacedæmonum, Sicyoniorum, Corinthiorum, Elis, Argivorum, Mycenæorum, Messeniorum, Arcadiæ, Achajæ, Atheniensium, Bæotiæ, Thessaliæ, Cretæ, non Siciliæ, at Thraciæ & Macedoniæ. In imperio Græco memorabilia apparent regna Macedoniæ, Syriæ, Asiæ utriusque,

que, ac Ægypti. Inſeruit in calce nonnihil de regnis Mediæ Atropatenæ, Indiæ, Baſtrianorum Græcorum, Bithyniæ, Pergami, Ponti & Boſpori, Cappadociæ, Armeniæ. Adjecit Pag. 40. paucula de republica Pœnorum. Tum vero ad res Romanorum, eorumque imperium, procedit. Subjicit compendioſæ harum rerum traſlationi epitomen regni Italici, Provinciæ, Burgundici, Armeniæ, Bohemiæ. Tum vero progreditur ad imperium Parthico-Perſicum, Arabicum, ſeu Saracenicum & Muhammedanum, 58. Mugalicum, Timuricum, Turcomanicum, Ottomano-Turcicum, ac Conſtantinopolitanum, anno 1453 recentius, Ruſſicum, Sinicum, Tatarîæ Orientalis, ac imperia Africana. Horum imperiorum ac regnorum initia, progreſſus, atque finis, intra Tabulas chronologicas accurate ſunt indicata. Tabularum geographicarum ſeries meditata fuit delineata. Prima imperium *Sefoſtris* repræſentat. Imperii Aſſyrii regiones ac fines Tabula ſecunda exhibentur. Tertia ſuppeditat fines regnorum, quibus Reges Mediæ, Babylonîæ, ac Lydiæ, præfederunt. Imperium Perſicum, quale id imperante *Dario Hiſtaſpide* exſtitit, offert conſpectui Tabula quarta. Quinta imperium exprimit *Alexandri Magni*. Succellorum ejus regna indicantur in Tabula ſexta. Septima exhibet periodum horum regnorum alteram. Imperium Partho-Perſicum exhibet Tabula octava. Imperii Romani, *Auguſto* ſubjecti, limites offert nona Tabula. Decima exhibet imperium Romanum reſpectu diviſionis, in occidentale ac orientale adornatæ. Imperium Romanum, *Juſtiniano I* parens ac ſubjectum, ſuppeditat Mappa geographica undecima. Imperii Arabici, ejusque Saracenicî ac Muhammedani, regiones Tabula duodecima complectitur. Partes imperii Arabici orientales offert Tabula XIII. Partes occidentales exhibet Tabula XIV. Quantæ exſtiterint regiones ac oræ imperii Arabici tempore expeditionis cruciatæ primæ, declarat Tabula XV. Tabula XVI exhibet partes imperii Arabici occidentales ſub Moravidis potiſſimum Hiſpano-Africanis, ac temporibus Selgiukidarum. Tabula XVII ſpectatori tradit imperium *Caroli Magni*, notatis diviſionibus inter *Ludovici Pii* filios ac *Lotharii* primi natos. Imperii Romano-Germanici

sub *Ottone I* ac *Conrado II* regiones subministrat considerandas Tabula XVIII. Sequens Tabula indicat conspectum generalem partium earum, quæ unquam ad Imperium Romanum, a *Carolo Magno* resuscitatum, relatæ fuerunt, quantum ad tractus spectat occidentales. Partes orientales separatim exhibentur Tabula XX. Qualis exstiterit forma imperii, *Carolo VI* Austriaco obnoxii, Tabula XXI ostendit. Imperii Mugalici, seu Zingiscanici, ad A. 1257 regiones exhibet Tabula XXII. Imperium *Tamerlanis* patet ex Tabula XXIII. Imperii Mugalici residuas regiones, seu *Can Taifcha* regnum, æque ac imperii Tataro-Sinici limites, illustrat Tabula XXIV. Imperium Ottomanno-Turcicum indicat Tabula XXV, ad *Muhammedis II*, Constantinopolin expugnantis, ætatem accommodata. Sequens Tabula Turcici imperii spectat ad ætatem, quæ Viennam A. 1683 obsessam præcedit. Tabula XXVII exhibet idem imperium, pace Passarovicensi determinatum. Imperium Russicum, tam in Europa, quam in Asia, a *Petro Magno* constitutum, visentibus offert. Tabula XXVIII. Hæc est libri ejus summa, in quo perficiendo, & ad umbilicum adducendo, Cel. Autor vitam calamumque deposuit, libri, si molem spectes, mediocris, sin' rationem habeas diligentia & accurationis multijugæque notitiæ, cum operibus difficillimis ac pretiosissimis comparandi.

IL NEUTONIANISMO, &c.

id est,

NEUTONIANISMUS, SIVE DIALOGI DE LUCE,

*Coloribus, & Attractione. Editio sexta.*

Neapoli, impensis hæredum Hertziolorum, 1746, 8 maj.

Alph. 1 plag. 4, Tab. æn. 1.

**N**ovo nunc atque eo habitu indutum in lucem prodit doctissimum hoc Illustrissimi Comitæ *Francisci Algarotti* opus, ut, quam olim meruit, famam non tueri modo, sed & multo adhuc majorem sibi conciliare, quest. Equidem jam summo plausu, frequentissimisque præconiis, non minus eruditorum, quam omnium eorum, qui elegantissimas quasque literas amant, exceptum est, quamprimum ipsorum conspectui

spectui fuit expositum; id quod, si nihil aliud, vel iteratæ sæpius ejusdem editiones, & translationes, luculenter testantur. Nec sane erit aliquis, præclari gustu adeo destitutus, ut laude illud, quam publice tulit, satis esse dignum, neget, sive ipsum institutum, sive argumentum, sive tractandi methodum, consideret. Quo plura enim in scientiis exstant, quæ, etsi ad culturam intellectus, & ad multiplicem rerum, nobis quotidie obversantium, cognitionem comparandam, sint apprime utilia, adeo tamen magnæ molis operibus ac difficili sermoui involuta jacent, ut iis, quibus omne tempus sedulæ literarum culturæ impendere non datur, fere inaccessible maneat; eo utiliore procul dubio operam ii navant, qui talia austero, quo incedunt, habitu exuere, sermone plano ac populari includere, variisque ad placendum requisitis exornare, nituntur. Digna sane inter ea est præclara illa *Newtoni* de Luce & Coloribus theoria, quæ totam Physicorum gentem, cum primum panderetur, in sui admirationem rapuit, dignæ etiam sunt reliquæ doctrinæ, Viri summi Systema constituentes, ut planæ atque expeditæ reddantur, sicque ad omnium, qui sciendi cupiditate tanguntur, notitiam traducantur. Quod etiam ita executus est Ill. *Newtonianismi* Autor, ut non solum rem ipsam dilucide & ordine naturali explicaret, collatis simul aliorum Philosophorum de eadem re sententiis, sed & elegantissimo, quod ipsi plane proprium est, dicendi genere, interspersisque ubique salibus, & politioris sermonis floribus, mirum in modum exornaret. Attamen novæ nunc accedunt causæ, cur hæc editio palmam reliquis præripere, Lectoribusque suis denuo se commendare, possit. Cum enim varia judicia, de opere suo lata, nec non animadversiones criticas, in illud hinc inde factas, intellexisset, Ill. Autor, hæc ipsi incitamento fuere, ut denuo totum scriptum retexeret, atque omnia iterum sedulo rimaretur; unde factum est, ut varix nunc emendationes in eo sint conspicuæ, additis aliis, plurimis resectis, quin & ipsa dicendi genera magis perpolita & ornata appareant; licet ipse, insigni modestia ductus, illud adhuc a perfectionis, quem in eo desiderat, gradu multum remotum esse, fateatur. Ipsa Operis contenta quod attinet, inutile fere judicamus, de iis uberior

uberius verba facere, cum non solum illud jam pervulgatum, ac in publicum notum, exstet, sed & nos ipsi jam tum, cum primum lucem adspiceret, de argumento libri tantum, quantum fatis est, dixerimus. Vid. *Nov. Act. Erud. A. 1739 pag. 613*. Est vero liber jam ita comparatus, ut non tæxus tantum sequioris usui (quemadmodum tunc titulus præ se ferebat) inserviat, sed & quibusvis viris, elegantioris doctrinæ fautoribus, sese probare possit. Quare adjiciamus tantum mentionem variorum scriptorum, huic editioni noviter adjectorum. Primo *duæ* exhibentur *Epistola*, Systema opticum Comitum *Rizzetti*, jam satis notum, respicientes, quibus partim ejus argumenta, ad confirmandam sententiam suam allata, modeste expenduntur, partim dubia contra *Newtonianismum*, ab eo excitata, diluuntur. Sequuntur *duæ Dissertationes*, Gallice scriptæ, & A. 1739 *Diario Parisiensi*, cui titulus: *Le Pour & le Contre*, insertæ, quibus opinio, circa numerum colorum simplicium a Clar. *Du Fay* prolata, examini subjicitur. Statuit nempe Vir ingeniosus, loco septem colorum principalium, e quibus, summus *Newtonus*, quemvis radium luminis componi, tot experimentis probare annisus est, non nisi tres numero existere, rubrum, flavum, cœruleum; ex rubro enim & flavo aureum, ex flavo & cœruleo viridem, componi posse, sicut indicum & violaceum non nisi gradus sint fusciores cœrulei. His varia apponit Autor noster experimenta, quibus aureum & viridem compositos disferre a simplicibus *Newtonianis*, sicut indicum & violaceum a cœruleo fusciori, evincitur. Denique exhibetur *Dissertatio* Latina, ab Autore juvene in *Academia Institutii Bononiensis* recitata, qua recensentur varia experimenta, circa *Theoriam Newtoni* instituta, quæ omnia cum *Newtonianis* ubique egregie conspirare deprehensa sunt. His igitur finis imponitur elegantissimo Opusculo, cui si plura exstarent similia, aliaque etiam sublimiorum scientiarum materiæ hac ratione luci essent expositæ, singulari prorsus & scientiis, & omnibus, qui his delectantur, id emolumento fore, plurimumque ad magis magisque divulgandum solidioris doctrinæ gustum conducturum esse, confidimus; quod sane a nemine melius, quam ab excellenti Autoris nostri ingenio, expectare liceret.

CHRIST



CHRIST. FRID. OECHLITZII, A. M. ANALY-  
fis Solutionis suæ Problematis Catoptrico-Analytici, in  
Nov. AÆ. A. 1746 Mart. P. I pag. 134 traditæ, con-  
tinuata, ubi Problema illud generatim considera-  
tum & solutum sistitur.

**A**nalyfin Problematis hujus traditurus eadem methodo, qua  
in ejus solutione inveniendâ me versatum esse fateor,  
procedere consultum duxi. Casum nempe ejus particularem  
atque simpliciorē, cujus consideratio primo sese mihi obtu-  
lit, Analyfi subjectum superatumque nupero *Mense Aprili* ex-  
posui. Ut ergo Problematis solutio omnibus numeris abso-  
luta habeatur, restat, ut ipsum, sensu latissimo, prout a Cel.  
Autore propositum est, acceptum, quâ ratione a me ad fi-  
nem perductum sit, methodo analytica nunc exhibeam.

1. Sensus itaque *Problematis generalis* is est: Dato pun-  
cto radiante C, invenire Curvam continuam MAm, ea proprie-  
tate præditam, ut radius quivis CM, in Curvam incidens, ac  
inde in m reflexus, ex m denuo reflectatur in C. Relata sta-  
tim Curva, ut moris est, ad coordinatas rectangulas, sit CP  
 $=x$ , PM $=y$ , Rμ $=dx$ , MR (ordinatis in ea positione,  
quam figura exhibet, decrementibus)  $=-dy$ ; ponatur  
 $\frac{dx}{-dy}$  (seu tang. PMT ad rad. i)  $=p$ , unde subtangens  
PT $=\frac{ydx}{-dy}=yp$ , subnormalis PO $=\frac{-ydy}{dx}=\frac{y}{p}$ ; deni-  
que sit CV $=u$ , & tang. PMV, seu cot. MVP,  $=v$ , po-  
sito radio  $=1$ .

2. Primo itaque condendæ sunt formulæ, quibus gene-  
ratim ex datis positione, Curva quavis MA, & radio quovis  
incidente CM, positio reflexi MV definitur per quantitates  
ad Curvam pertinentes. Quæ facile deducuntur ex conside-  
rata primo reflexione radii axi paralleli NM (conf. *Sched.*  
*nuperum* §.2 pag. 220). Reflectatur enim is in S, eritque TMS  
 $=tMN=MTS$ , unde SM $=ST$ ; & OMS $=NMO$   
Gggg  $=MOS$ ,

TAB. V  
Fig. 1.

$\equiv MOS$ , unde  $SO \equiv SM \equiv ST$ , seu  $ST = \frac{1}{2} OT$ . Ponatur nunc  $OQ$  ipsi  $SM$  parallela, eritque  $QOM \equiv OMS$  (sp. modo ostensa)  $MOS$ ; quare, cum etiam sit (ex nat. reflex.)  $QMO \equiv OMV$ , erit  $\triangle OMQ \equiv \triangle OMV$ , proinde  $OQ \equiv OV$ . Hinc, cum sit, ob ūm.  $\triangle \triangle CSM$ ,  $COQ$ ,  $CS : SM = CO : OQ$  seu  $OP$ ; invenietur  $CV$ , componendo  $CS : CS + SM = CO : CO + OV$ ; unde, quia  $CS \equiv CT$  —

$$TS = (\S. 1) x + \frac{1}{2} yp - \frac{1}{2} \frac{y}{p}, \quad CS + SM = CS + ST =$$

$$CT = x + yp, \quad CO = CP - PO = x - \frac{y}{p}, \quad \text{fiat } CV =$$

$$(x + yp) \left( x - \frac{y}{p} \right) : \left( x + \frac{1}{2} yp - \frac{1}{2} \frac{y}{p} \right) = u. \quad \text{Dein tang. } PMV$$

$$= \frac{PV}{PM} = \frac{u-x}{y} = \left( xp - \frac{x}{p} - 2y \right) : (2x + yp -$$

$$\frac{y}{p}) = v. \quad \text{Quæ duæ quantitates } u \text{ \& } v \text{ positionem radii } MV \text{ determinant.}$$

3. Ad ipsam Curvæ propositæ naturam indagandam nunc accedens, ratiocinium formo simile ei, quod in casu speciali (conf. §. 3 pag. 226) institui. In eo enim imprimis versatur negotium, ut Curva, proprietate præscripta gaudens, sit continua. Quod ut efficiatur, ponatur  $MAm$  desiderata Curva continua; concipiatur radius aliquis  $CM$  reflecti in  $V$ , & tam  $CV$  seu  $u$ , quam  $\cotang. V$  seu  $v$ , dari per  $x$ , vel  $y$ , vel  $p$ , per quarum unam semper vi formularum superiorum ex æquatione Curvæ dari possunt. Primo itaque eidem  $u$  aliud adhuc punctum Curvæ  $m$  respondeat, necesse est; secus enim alter radius  $Cm$ , si tanquam incidens consideretur, non etiam reflecteretur in  $V$ . Quare æquatio Curvæ inter  $u$  &  $x$ , vel  $y$ , vel  $p$ , ita debet esse comparata, ut pro quavis  $u$ , si ea ceu cognita assumatur, duos valores ipsius  $x$ , vel  $y$ , vel  $p$ , ambigue præbeat. Quod si in Curva quadam obtineat, hoc ipso jam fiet, ut, quovis radio  $CM$  in  $V$  reflexo, aliquis radius, ex  $V$  denuo in Curvam incidens,  $Vm$  iterum reverti possit

possit in  $C$ . Sed præterea Problema nostrum exigit, ut  $MV$ ,  $Vm$ , eandem rectam continuam, h. e. eundem angulum  $V$  cum axe, constituent. Ergo, ut eidem illi  $u$ , quæ ad duo puncta  $M$ ,  $m$ , pertinet, unica tantum  $v$  respondeat, requiritur. Ad similem prorsus conclusionem pervenietur, si loco  $u$  initio assumatur  $v$ . Nam primo eidem  $v$  duo puncta Curvæ  $M$ ,  $m$ , h. e. duæ  $xyp$  ambigue respondere debent; quo fiet, ut semper a duobus radiis  $CM$ ,  $Cm$  reflexi  $MV$ ,  $mV$  axi sub eodem angulo, & ad easdem partes posito, occurrant; præterea autem pro eadem ista  $v$  unica tantum  $u$  obtinere debet, quo ipso duo hi radii in idem punctum  $V$  incidant, eandemque rectam continuam efficiant.

4. Ex his intelligitur, quænam relatio inter quantitates assumptas  $xyp$ , atque  $uv$ , naturam Probl. nostri constituat. Primo enim, cuivis valori, qui tam pro  $u$ , quam pro  $v$ , assumitur, duos valores ipsius  $x$ , vel  $y$ , vel  $p$ , ambigue respondere, necesse est. Dein unico valori ipsius  $u$  unicus tantum valor ipsius  $v$ , & vice versa unico ipsius  $v$  valori unicus ipsius  $u$  valor, competere debet. Quibus duabus conditionibus simul obtinentibus, præscriptam proprietatem ubique in Curva locum habituram, oppido liquet. Cum autem (§. 2)  $v$  simplicius exprimatur, quam  $u$ , considerabo in posterum, quomodo ex assumpta  $v$  definiantur  $xyp$ , &  $u$ . Quibus positis, duæ conditiones allatæ, si simplicissime enuntientur, eo redibunt, ut

1)  $xyp$  sint functiones ipsius  $v$ , ex irrationalibus quadraticis constatæ,

2)  $u$  sit functio ejusdem  $v$  mere rationalis.

5. Hac ratione jam id effectum est, ut proprietas Probl. palmaria, eique imprimis difficultatem inducens, lex nempe contiguitatis, in computum ducta, & Probl. ad quæstionem Methodi tangentium inversæ redactum sit, in qua de relatione inter coordinatas  $xy$ , &  $puv$ , per has coordinatas, earumque differentialia, expressas, agitur. Quare, si nunc absque alia præparatione Curvas varias desideratas, easque algebraicas, erucere vellemus, assumenda esset pro lubitu æquatio e. g. in

ter  $u$  &  $v$ , posteriori conditioni satisfaciens, ut  $u = av$ ,  $u = av + b$ , &c.; quo facto haberetur, restituendo ipsius  $p$  valorem, æquatio Curvæ diff. primi gradus; quæ integranda, ac dein videndum esset, an  $xy$  tales valores, quales ex condit. priore habere debent, obtineant. Sed, ne dicam, rem hac ratione saltem tentando perfici, nullamque solutionem generalem inde derivari, posse, insuper difficultas, æquationes ejusmodi reducendi, esset prorsus insuperabilis, cum formulæ, quibus  $uv$  per  $xy$  &  $dx$ ,  $dy$ , exprimuntur, adeo sint complicatæ, ut etiam in casu simplicissimo  $u = a$  æquatio ad Sect. con. non nisi operoso calculo derivari queat.

6. Alia igitur methodus adhibenda erit, in difficillimis methodi tangentium inversæ quæstionibus, ubi ex data relatione inter quantitates, per coordinatas Curvæ, earumque differentialia, expressas, ut hic  $uv$ , quæritur ipsa æquatio Curvæ, in subsidium vocanda. Nimirum ope æquationum, quibus  $uv$  per  $xyp$  exprimuntur, debitis substitutionibus eliminandæ sunt ipsæ  $xy$ , ita ut remaneat æquatio inter  $p$  &  $u$ , in qua si dein detur una earum e. g.  $p$  per reliquas  $uv$ , dentur etiam  $xy$  per easdem quantitates, ideoque (ob earum relationem mutuam, per hyp. datam,) per earum alterutram; adeo, ut vel, eliminando hanc ipsam, æquatio inter  $xy$  reperiri possit, vel tamen constructio semper in promptu sit. Hunc in finem assumo ex §. 2 duas æquationes 1)  $(xp - \frac{x}{p} - 2y)$ ;

$$(2x + yp - \frac{y}{p}) = v, \text{ \& \ } \frac{u-x}{y} = v, \text{ seu } 2) x = u - vy.$$

Substituendo  $x$  in priori habebitur 3)  $y = \frac{1}{2}u(p^2 - 2pv - 1)$ ;  $(pv + 1)(p - v)$ . Differentiando autem 2dam, ponendoque (§. 1)  $dx = -pdy$ , fit 4)  $du - ydv + (p - v)dy = 0$ . Jam ex his æquationibus eliminando  $y$  (qui calculus

facile absolvitur, exprimendo æquat. 4) ita:  $\frac{du}{y} - dv$

$$+ (p - v) \frac{dy}{y} = 0, \text{ \& \ } \text{substituendo } \frac{dy}{y} \text{ ex æquat. 3) per}$$

diffe-

differentialia logarithmica, & dividendo totam æquationem per  $p^2 + 1$ , emergit æquatio sequens quæ sita inter  $p, u, v$ :

$(pv + 1) (p - v) du - (p - v) p u dv + (v^2 + 1) u dp = 0$ . In hac æquatione jam ex binis quantitatibus, eam ingredientibus, semper datur tertia. Si ergo exprimitur e. g.  $u$  per  $v$  secundum conditionem 2dam, illaque integretur, dabitur etiam  $p$  per  $v$ . Unde, si hæc expressio sit talis, qualem cond. prima exigit, in æquatione 3) dabitur  $y$  per  $v$ , unde per 2) etiam  $x$  per  $v$ , adeoque, eliminando  $v$ , æquatio inter  $x, y$ . Vel, si secundum cond. primam sumatur  $p$  per  $v$ , dabitur, facta æquationis resolutione, etiam  $u$  per  $v$ , quæ si conditioni 2dæ satisfaciatur, dabitur eodem modo æquatio inter  $x, y$ . Nimirum sufficit, valorem ipsius  $p$  conditionem primam sequi, quo facto valores ipsarum  $x, y$  per se eidem satisficient, cum duabus  $p$  necessario duo puncta Curvæ respondeant. Ex his simul liquet, (quod & a priori jam posset colligi,) infinita Curvarum genera proposito respondere, cum æquatio, inter duas dictarum quantitatibus assumpta, infinitis modis variari queat.

7. Ab hujus itaque æquationis primariæ resolutione pendet determinatio omnium possibilium Curvarum algebraicarum, Problematis, vi superiorum, satisfaciendum. Ut ergo hac methodo Curvas simpliciores eruamus, assumamus primo æquationem, qua exprimitur  $u$  per  $v$  secundum cond. secundam, & quæramus  $p$ . Simplicissimus ipsius  $u$  valor erit, si ponatur  $= a$ ; tunc autem  $u$  proprie a  $v$  penitus non pendet, seu unica  $u$  omnibus omnino  $v$  respondet. Induit vero æquatio hoc casu hanc formam: —  $(p - v) p dv + (v^2 + 1) dp = 0$ , seu  $dv - \frac{v dv}{p} - \frac{(v^2 + 1) dp}{p^2} = 0$ , quæ, ut reddatur integrabilis, dividenda est per  $(v^2 + 1)^{\frac{1}{2}}$ ; quo facto erit integralis  $\frac{v}{\sqrt{v^2 + 1}} + \frac{1}{p \sqrt{v^2 + 1}} = n$  constanti arbitrariæ; unde emergit  $p = \frac{1}{+n \sqrt{v^2 + 1} - v}$ , ejusque adeo formæ, qualis per cond. primam requiritur.

Ut æquat. inter  $xy$  habeatur, hoc casu ad æquat. 3) §. 6 recurrere non opus; cum enim sit æquat. 2)  $x = a - v y$ , seu  $v = \frac{a-x}{y}$ , &  $p = \frac{-dx}{dy}$ , fiet  $\frac{-dx}{dy} = \frac{(x-a) dx + y dy}{\sqrt{(a-x)^2 + y^2}} - a + x$ , seu  $\frac{(x-a) dx + y dy}{\sqrt{(a-x)^2 + y^2}} = -n dx$ , quæ denuo integrata dat  $\pm \sqrt{(a-x)^2 + y^2} = C - nx$ .

Ut constans  $C$  determinetur, ponatur  $x = a$ , unde  $y = C - na$ . Cum autem tunc sit  $v = 0$ , fiet  $p = \frac{1}{n}$ , & 3)  $y = \frac{1}{2} a (p^2 - 1) : p = \frac{(1-n^2)}{2n} a$ , unde  $C = y + na = \frac{(1+n^2)}{2n} a$ . Quare æquat. est  $\pm \sqrt{(a-x)^2 + y^2} = \frac{(1+n^2)}{2n} a - nx$ ; quæ ideo denotat generatim sectionem conï, cujus

TAB. V focus unus  $C$ , alter  $V$ , posita  $CV = a$ , axis major  $BA = \frac{a}{n}$ ,  
Fig. 2, 3.

$n = \text{tang. anguli } LTV$ , quem tangens sectionis  $LT$ , foco  $V$  respondens, cum axe constituit, posito sinu toto  $= 1$ . Nam

(per modo ostensû)  $LV = \frac{(1-n^2)}{2n} a$ , unde, ob  $n : 1 =$

$LV : VT$ , erit  $PT = \frac{(1+n^2)}{2n^2} a - x$ ; ex natura sectionis

con. autem est, ducta normali  $TK$ ,  $BA : CV = MK$ , seu  $PT : VM$ , hoc est,  $\frac{a}{n} : p$ , seu  $1 : n = \frac{(1+n^2)}{2n^2} a - x :$

$\sqrt{(a-x)^2 + y^2}$ ; unde æquatio præced. oritur. Et quidem prodit vel Ellipsis, vel Hyperbola, prout  $n <$ , vel  $> 1$ . Quales Problemati nostro hoc modo satisfacere, a priori abunde constat. Ceterum liquet, Hyperbolam proprie non physice, sed saltem geometricè, conditionem præscriptam exhibere.

8. Ponatur nunc  $u = av$ , & æquatio primaria sit  $(p-v) dv + (v^2 + 1) v dp = 0$ , seu  $p dv + (v^2 + 1) v dp - v dv = 0$ , quæ iterum integrabilis fiet, dividendo per

$$(v^2 + 1)^{\frac{1}{2}}, \text{ eritque integralis } \frac{pv}{\sqrt{(v^2 + 1)}} + \frac{1}{\sqrt{(v^2 + 1)}} = n \text{ constanti arbitrariæ; unde fit } p = \frac{+n\sqrt{(v^2 + 1)} - 1}{v}$$

quæ iterum conditioni primæ satisfacit. Pro æquatione inter  $x, y$  elicienda sumatur iterum æquatio 2)  $x = av - vy$ , seu

$$v = \frac{x}{a-y}, \text{ unde erit } p = \frac{-dx}{dy} = \frac{+n\sqrt{(x^2 + a-y)^2} - a + y}{x}$$

ex cujus integratione prodit, (ut §. præc.)  $\frac{+}{2} \sqrt{(x^2 + a-y)^2}$   
 $= C - ny$ , seu (determinata constante)  $= \frac{(1+n^2)}{2n} a - ny$ ;

quæ priori prorsus sit æqualis, modo in ea  $x$  &  $y$  permutentur. Unde patet, eam adhuc denotare sectionem conï, ad rectam per focum  $CA$ , axi transverso  $EF$  normalem, relata. Quod & statim a priori patet. Nam, quia  $u = av$ , est  $v : 1 = u : a$ , id est, (§. 1)  $PV : PM = CV : a$ ; ergo, occurrente  $MV$  ipsi  $CF$  in  $D$ ,  $CD = a$ , seu radius reflexus  $MV$  semper per punctum constans  $D$  transit. Eodem modo adhuc sectiones conï prodirent ponendo  $u = a + bv$ .

TAB. V  
Fig. 4.

9. Sed fatendum, si jam pro  $u$  aliæ functiones ipsius  $v$  assumantur, haud adeo facile ad resolutionem æquationis primariæ perveniri. Quare videndum, quid altera via, qua sumitur relatio inter  $p$  &  $v$ , & quaeritur  $u$ , possit erui. Æquatio, statuendo  $u$  quaesitam, fit  $\frac{du}{u} = \frac{p^2 dv - pvdv - v^2 dp - dp^2}{p^2 v - pv^2 + p - v}$ .

In hac jam secundum cond. primam (§. 4) sumi debet  $p$  functio ipsius  $v$  irrationalis. Cum vero non pateat, qualis ea esse debeat, ut æquatio fiat integrabilis, hæc ipsa primo indaganda. Ponatur ergo  $p$  componi ex parte & rationali & irrationali, hunc in modum  $P + \sqrt{Q}$ , positis ipsis  $P, Q$  rationalibus. Substituto hoc valore, & ponendo, radicales sese tollere

tollere mutuo tam in numeratore, quam in denominatore, habebuntur duæ æquationes; prima  $2Pv\sqrt{Q} - v^2\sqrt{Q} + \sqrt{Q} = 0$ , unde  $P = \frac{v^2-1}{2v}$ , altera  $2P\sqrt{Q}.dv - v\sqrt{Q}.dv -$

$$\frac{(v^2+1)dQ}{2\sqrt{Q}} = 0, \text{ cujus integralis } Q = \frac{n(v^2+1)}{v^2}, \text{ ubi}$$

$n$  constans arbitraria. Hisce valoribus in expressione remanente substitutis, fit  $\frac{du}{u} = \frac{(3v^2+1-4n)dv}{v(v^2+1-4n)}$ , quæ per

logarithmos integrata præbet  $u = cv(v^2+1-4n)$ ; cumque sit  $p = \frac{v^2-1+2\sqrt{n(v^2+1)}}{2v}$ , patet, conditioni utrique

§. 4 hoc modo esse satisfactum. Substituendo jam hos valores in æquat. 3) & 2) §. 6 posito brevitatis causa  $1-4n = m$ , fit  $y = \frac{1}{2}c(v^2+m)(3v^2-2+2\sqrt{(v^2+1)}) : v^2$  &  $x = cv(v^2+m) - vy$ . Ex his, eliminando  $v$ , haberi potest æquatio inter  $x, y$ , quam, simul patet, infinitas species sub se continere, ob duas indeterminatas  $n, c$ , quarum utraque pro lubitu variari potest. Si sumatur species simplicissima, qua

$$m=0, \text{ fiet } p = \frac{v^2-1+\sqrt{(v^2+1)}}{2v}, y = \frac{1}{2}c(3v^2-2+2\sqrt{(v^2+1)}) \text{ unde } v^2 = \frac{6y+8c+2\sqrt{(6cy+16c^2)}}{9c},$$

&  $x = v(cv^2-y)$ , ex quibus datur  $x$  per  $y$ , & Curva per puncta facile potest construi. Videtur autem ea 4ti ad minimum esse ordinis, & 4 cruribus parabolicis, ad superiorem partem axis positis, pergere in infinitum, infra axem autem non extendi ultra ordinatam  $2c$ .

10. Verum enim vero hac ratione nondum ad solutionem generalem, & omnes Curvas algebraicas eadem formula simul exhibentem, qualis ad Problema hoc omnimode absolvendum merito desideratur, esse perventum, inficias iri nequit. Quam cum variis modis tentassem, vidi, difficultatem in eo imprimis latere, quod methodo, in §. 7 seq. observata, primo conditio Probl. implenda, dein vero æquatio differentialis



ferentialis, eaque satis complexa, integranda sit, quorum posterius priori omnino est valde difficilius. Huic ergo incommodo succurrere cupiens, versa vice primo æquationem differentialem primariam resolvere, & Curvas omnes algebraicas ex ea determinare, postea vero inter has, quæ Problemati satisfaciant, eruere, studui; quo facto facile ad optatum finem perveni. Refumo igitur æquationem §. 6, quæ ita disposita est

$$\text{separabilis: } \frac{du}{u} = \frac{p^2 dv - p v dv - v^2 dp - dp}{(p v + 1)(p - v)}. \quad \text{Quæ ut}$$

per logmos integrari queat, quæro, an non posterius membrum in differentialia logmica ipsarum  $p v + 1$  &  $p - v$  resolvatur, & omnino illud deprehendo resolvi in

$$\frac{p dv + v dp}{p v + 1} - \frac{dp}{p - v}.$$

Unde integralis  $l u = l(p v + 1) + \int \frac{dp}{v - p}$ . Quæritur nunc, qualis relatio debeat esse inter  $p$  &  $v$ , ut hæc æquatio integralis fiat algebraica. Manifestum est, hunc in finem  $\int \frac{dp}{v - p}$  etiam debere esse logmicam. Quare, cum  $p$  quærere velimus per  $v$ , tollendum primo  $dp$ , quod fiet, resolvendo  $\int \frac{dp}{v - p}$  in  $\int \frac{dp - dv + dv}{v - p}$ , cujus integralis  $= -l(p - v) + \int \frac{dv}{v - p}$ ,

eritque proposita summa logmica, si  $\int \frac{dv}{v - p}$  sit talis. Ponatur ergo hæc  $= lV$ , denotante  $V$  functionem quamvis algebraicam ipsius  $v$ , fietque  $p = v - \frac{V dv}{dV}$ . Hinc  $\int \frac{dp}{v - p}$

$$= -l \frac{V dv}{dV} + lV = l \frac{dV}{dv}; \text{ in qua integratione additio}$$

constantis  $lc$  non opus est, cum functio generalis  $V$  eam jam includat. Æquatio vero integralis primo inventa erit  $l u =$

$$l(p v + 1) + l \frac{dV}{dv}, \text{ adeoque } u = (p v + 1) \frac{dV}{dv} = (v^2 + 1) \frac{dV}{dv} - V v. \quad \text{Quare nunc quæcunque functio al-}$$

gebraica determinata ipsius  $v$  assumatur pro  $V$ , dabuntur exinde  $p$  &  $u$  expressio mere finita. His etiam porro in

$$\text{æquatione 3) \& 2) §. 6 substitutis, prodit } 2y = \frac{(v^2+1) dV^2}{V dv} - V, \quad 2x = 2(v^2+1) \frac{dV}{dv} - \frac{v(v^2+1)}{V} \frac{dV^2}{dv^2} - Vv.$$

Hoc ergo modo detecti sunt omnes modi possibiles, quibus  $p$  &  $u$  possunt esse functiones ipsius  $v$  algebraicæ, ita ut etiam Curva, in qua talis relatio obtinet, sit algebraica.

11. Id nunc agendum, ut inter omnes Curvas algebraicas ex inprimis seligantur, quæ Problemati nostro satisfaciunt. Quod ut fiat,  $p$  &  $u$  debent speciatim tales esse functiones algebraicæ ipsius  $v$ , ut prior contineat radicales, posterior nul-

las. Requiritur ergo, ut  $p = v - \frac{Vdv}{dV}$  sit irrationalis,

hoc est, ut ipsa  $V$  sit talis. Non autem  $V$  debet esse radicalis simplex, alias enim (ut ex differentiatione logmor. constar)

$\frac{V}{dV}$  foret adhucdum rationalis. Ponatur ergo  $V$  componi

ex partibus, rationali & irrationali,  $R + \sqrt{S}$ , ubi ipsa  $S$  ra-

tionalis. Quare, cum  $u = (v^2+1) \frac{dV}{dv} - Vv$  debeat esse

rationalis, facta substitutione, necesse est, ut radicales se mu-

tuo tollant, hoc est, ut sit  $\frac{(v^2+1) \cdot dS}{2\sqrt{S} \cdot dv} - v\sqrt{S} = 0$ ,

unde prodit  $\frac{dS}{S} = \frac{2v dv}{v^2+1}$ , cujus integralis  $S = c^2(v^2+1)$ ,

adeoque  $V = R + c\sqrt{v^2+1}$ . Quare, cum hoc modo non

solum utrique conditioni satisfactum sit, sed id etiam, ob

functionem  $R$  indeterminatam, infinitis modis possibilibus;

liquet desideratam solutionem Problematis completam nunc

esse in promptu. Substituto nempe valore  $V = R + c\sqrt{v^2+1}$

in formulis §. 10 siue, prodeunt expressiones sequentes:

$$u = (v^2+1) \frac{dR}{dv} - Rv$$

$$p = \frac{\pm \left( \frac{v dR}{dv} - R \right) \sqrt{v^2 + 1} - c}{\pm \frac{dR}{dv} \sqrt{v^2 + 1} + c v}$$

$$2y = \frac{\frac{dR^2}{dv^2} (v^2 + 1) - R^2 - c^2 \pm 2c \left( \frac{v dR}{dv} - R \right) \sqrt{v^2 + 1}}{R + c \sqrt{v^2 + 1}}$$

$$2x = \frac{\frac{2R dR}{dv} (v^2 + 1) - \frac{v dR^2}{dv^2} (v^2 + 1) - R^2 v + c^2 v \pm 2c \frac{dR}{dv} \sqrt{v^2 + 1}}{R + c \sqrt{v^2 + 1}}$$

In his formulis  $R$  denotat generatim functionem quamvis algebraicam rationalem ipsius  $v$ ,  $c$  autem constantem arbitriariam, quæ ex natura rei nunquam potest esse  $= 0$ . Ex igitur non solum, quicquid in hujusmodi Problematibus indeterminatis a Geometris desiderari solet, præstant; sed & suam statim demonstrationem præ se ferunt, ex §. 3 facillime concinnandam. Et si autem ex haud adeo sint simplices, id tamen nequaquam mirum videri potest perpendenti, quam complicatæ sint formulæ (§. 2), quas ipsa rei natura pro reflexione in Curvis suppeditat, ut etiam Cel. Problematis Autor ipse monuit. (Conf. *A. 1746 Mens. April. pag. 231.*) Ceterum ad eliminandam  $v$  pro obtinenda æquatione inter  $x$  &  $y$ , commodius erit usurpare alterutram formulam pro  $x$ , vel  $y$ , & hanc  $x = u - vy$ .

12. Applicemus nunc has formulas ad varias Curvas simplices eliciendas. Cum  $R$  debeat esse functio rationalis ipsius  $v$ , ponatur primo  $R = a$ , & fiet  $u = -av$ ; seu, scribendo  $-a$  pro  $R$ ,  $u = av$ ,  $p = \frac{\pm a \sqrt{v^2 + 1} - c}{cv}$ ,  $2y = \frac{-a^2 - c^2 \pm 2ca \sqrt{v^2 + 1}}{-a + c \sqrt{v^2 + 1}}$ ,  $2x = \frac{-a^2 v + c^2 v}{-a + c \sqrt{v^2 + 1}}$ . Ad

eliminandam  $v$  adhibeatur  $x = a - vy$ , unde  $v = \frac{x}{a-y}$ , quo  
in posteriori æquatione substituto fit  $\pm \sqrt{(x^2 + a - y^2)}$   
 $= \frac{a^2 + c^2}{2c} - \frac{a}{c}y$ , quæ formulæ omnes prorsus sunt ex-

dem cum inventis supra §. 8, ubi est  $n$ , quod hic  $\frac{a}{c}$ . Pro-  
deunt igitur hoc modo sectiones conï, ad rectam per focum  
 $CA$ , axi transverso  $EF$  normalem, relatæ, estque distantia

TAB. V focorum  $CD = a$ ,  $EP = c$ .

Fig. 4. 13. Ponatur nunc  $R = av$ , fietque  $u = a$ ;  $p =$   
 $-\frac{c}{a^2 - c^2}$ ,  $2y = \frac{a^2 - c^2}{av + c\sqrt{(v^2 + 1)}}$ ,  $2x =$   
 $\frac{+a\sqrt{(v^2 + 1)} + cv}{a^2v + c^2v + 2ca\sqrt{(v^2 + 1)}}$ . Ob  $x = a - vy$  fiet, sub-

stituendo  $v = \frac{a-x}{y}$  in æquatione ipsius  $y$ ,  $\pm \sqrt{(a-x)^2 + y^2}$   
 $= \frac{a^2 + c^2}{2c} - \frac{ax}{c}$ , quæ penitus congruunt cum formulis

Fig. 2, 3. §. 7, posito ibi  $n = \frac{a}{c}$ .

14. Sumatur porro  $R = av - b$ , eritque  $u = a + bv$ ,  
 $a^2 - b^2 - c^2 + 2abv + 2cb$   
 $p = \frac{+b\sqrt{(v^2 + 1)} - c}{+a\sqrt{(v^2 + 1)} + cv}$ ,  $2y = \frac{\sqrt{(v^2 + 1)}}{av - b + c\sqrt{(v^2 + 1)}}$ .

Æquatio vero  $x = a + bv - vy$ , seu  $v = \frac{a-x}{y-b}$ , substituta  
dat  $\sqrt{(a-x)^2 + y-b^2} = \frac{a^2 + b^2 + c^2}{2c} - \frac{a}{c}x - \frac{b}{c}y$ ,

æquationem pro sectionibus conï, ad rectam quamvis per fo-  
cum relatæ, ubi  $c$  axis transversus,  $b$  perpendiculum ex alte-  
ro foco ad lineam abscissarum,  $a$  distantia ejus perpendiculi  
a foco  $C$ .

15. Sit jam  $R = av^2 + \beta v + \gamma$ , fietque  $u = av^2 +$   
 $(2a - \gamma)$

$(2a - \gamma)v + \beta$ . Ponatur facilitatis causa  $\beta = 0$ ,  $\gamma = 2a$ ,

fietque  $u = av^3$ ,  $p = \frac{+(av^3 - 2a)\sqrt{(v^2 + 1)} - c}{+2av\sqrt{(v^2 + 1)} + cv}$ . Si de-

novo ponatur simplicitatis ergo  $c = 2a$ , procedet divisio per  $\sqrt{(v^2 + 1)} + 1$ , fietque  $p = \frac{v^3 - 1 + \sqrt{(v^2 + 1)}}{2v}$ . Exin-

de autem prodit  $y = \frac{1}{2}a(3v^3 - 2 + 2\sqrt{(v^2 + 1)})$ ,  $x = av^3 - vy$ . Quæ est ipsissima Curva, supra §. 9 fine inventa, quæque adeo post sectiones conii videtur simplicissima. Si vero generatim ipsi  $\gamma$  valor quivis tribuatur, prodibit æquatio generalior, §. cit. inventa, posito  $m = \frac{2a - \gamma}{a}$ . Eo-

dem modo ex unico hoc valore ipsius  $R$ , initio hujus §phi posito, infinitæ aliæ derivari possunt Curvarum species. Pariter poni poterit  $R = a + \frac{b}{v} + \frac{c}{v^2}$  &c. Quæ cum omnia

ad solum calculum redeant, in iis amplius morari, operæ pretium non duco. Hoc saltem monebo, si ponatur  $u = \frac{a}{v^2}$ , eandem Curvam prodire, in qua erat  $u = av^3$ , sed saltem ad axem priori normalem relatam; & generatim, si sit  $u = av^n$ , eandem Curvam ad axem huic normalem præbere  $u = av^{1-n}$ ; quod facile demonstrabitur.

16. Sed, quo etiam in hac disquisitione fecunditas Analyseos pateat, liceat paucis exponere, quomodo formulæ finales §phi 11 alio adhuc ratiocinio, quam §. 10, 11, ex æquatione differentiali primaria derivari queant. Quemadmodum nempe ea ibi ita resoluta est, ut  $u$  ceu quæsitæ per  $pv$  determinata sit, ope æquationis  $lu = l(pv + 1) + \int \frac{dp}{v-p}$ ;

ita nunc vice versa quæram, quomodo ea integranda sit, ut  $p$  tanquam quæsitæ per  $uv$  exprimatur. Quod etsi per regulas consuetas resolutionis æquationum differentialium directe fieri haud posse videatur, cum  $p^2$ ,  $p$ ,  $dp$ , simul in ea insint; tamen id ex modo allata æquatione integrali sequenti modo deducam. Cum in ea  $p$  sit sub vinculo summatorio, pono pri-

mum  $\int \frac{dp}{v-p} = 12$ , unde differentiando, iterumque inte-  
 grando, fit  $p = \int \frac{v dQ}{Q}$ . Quo substituto, æquatio fit  $u =$   
 $v \int v dQ + Q$ . Ex qua, differentiando, & denuo integrando,  
 reperitur  $Q = \frac{u}{v^2+1} + \frac{v}{\sqrt{(v^2+1)}} \int \frac{u dv}{(v^2+1)^{\frac{3}{2}}}$ . Qua-  
 re, cum antea inventa fit  $p$  per  $Q$ , exprimeretur nunc eadem  
 per  $u$  &  $v$ , nempe  $p = \frac{u-Q}{vQ} = \frac{u v - \sqrt{(v^2+1)} S}{u + v \sqrt{(v^2+1)} S}$ , ubi  $S$   
 $= \int \frac{u dv}{(v^2+1)^{\frac{3}{2}}}$ , quæ est integralis quasita æquationis dif-

ferentialis primariæ. Ut jam hanc formulam usui præsentî  
 accomodem, quero iterum primo Curvas algebraicas.  
 Quem in finem  $S$  debet esse functio ipsius  $v$  algebraica. Pu-  
 tetur factum, & fit  $u = (v^2+1)^{\frac{1}{2}} \frac{dS}{dv}$ , &  $p = (v(v^2+1))$

$\frac{dS}{dv} - S) : ((v^2+1) \frac{dS}{dv} + vS)$ . Sumta ergo pro  $S$  fun-  
 ctione quavis algebraica, fient  $u$  &  $p$ , hinc & ipsæ  $x$  &  $y$ , alge-  
 braicæ. Ut jam ex his detegantur Curvæ Problematis, fieri  
 debet  $u$  functio rationalis,  $p$  irrat.; ideoque  $S$  irrat., sed ta-  
 lis, ut  $(v^2+1)^{\frac{1}{2}} dS$  fiat rationalis. Ponatur ergo  $S =$   
 $\frac{R}{\sqrt{(v^2+1)}} + c$ , posita  $R$  rationali, quo substituto, prodit  
 $u = (v^2+1) \frac{dR}{dv} - Rv$ , prorsus ut ante, pariterque  $p$  &  $y$   
 valores suos præcedentes accipiunt.

17. Restat, ut adhuc de casu particulari, sub hoc Pro-  
 blematis contento, parallelesini puta, seu quo punctum  $C$  in-  
 finite distat, mentionem faciam. Etsi enim hunc casum in  
 nupero *Schediasmate* jam prolixè pertractaverim, & formulas  
 generales, quibus omnes Curvæ algebraicæ simul continentur,  
 exhibuerim; operæ tamen pretium erit, ostendisse, quomo-  
 do idem ex hac solutione generali derivari possit, cum hæc

ipsa non sine quadam cautela ad illum sit applicabilis. Ab-  
eunte enim initio abscissarum  $C$  in  $\infty$ , seu ipsis  $u$  &  $x$  infinite-  
scentibus, formulæ  $\S$ phi 11 nulli amplius usui veniunt, nec  
ulla quantitas finita pro  $R$  assumpta proposito satisfacere potest.  
His non obstantibus, æquatio Curvæ finita sequenti modo eli-  
cietur. Sumatur in axe punctum  $A$ , a quo abscissæ hoc casu  
computentur; dicatur abscissæ nova  $AP=x$ , &  $AV=u$ ;  
distinctionis gratia autem rectæ  $\infty$ ta  $CP$ ,  $CV$ , quæ hactenus  
fuerunt  $x$ ,  $u$ , sint nunc  $X$ ,  $U$ , distantia vero  $\infty$ ta  $CA$  sit  $=a$ .  
His positis, est  $U=a-u$ , id est, valor ipsius  $U$ , formulis  
præced. expressus, debet nunc fieri talis, ut constet quantitate  
 $\infty$ ta, a qua subducitur finita. Exinde colligi potest, qualis  
nunc fieri debeat functio  $R$ . Etenim ex valore ( $\S$ . 11)  $u =$

TAB. V  
Fig. 5.

$(v^2+1) \frac{dR}{dv} = Rv$ , vel etiam ex exemplis  $\S$ . 12 seq. patet,

si ibi loco  $u$  fieri debeat  $a+u$ , pro  $R$  sumendum esse  $av+R$ ,  
item si pro  $u$  fieri debeat  $-u$ , pro  $R$  sumendum esse  $-R$ .  
Ex quo sequitur, si pro  $u$  habere velimus  $a-u$ , pro  $R$  scri-  
bendum esse  $av-R$ . Ponatur ergo  $R=av-r$ , denotan-  
te  $r$  functionem quamvis finitam algebraicam rationalem

ipsius  $v$ , & hoc substituto, fit  $U=a-(v^2+1) \frac{dr}{dv} + rv$ ,

qualis requiritur; adeoque  $u=a-U=(v^2+1) \frac{dr}{dv} - rv$ .

Cum vero valor ipsius  $R$  modo assumtus sit conditionibus  $\S$ .  
11 congruus, etiam valores ipsarum  $u$  &  $c$ , hac substitutio-  
ne porro prodeuntes, Problemati satisficient. Fit autem

$$p = \frac{\frac{vdr}{dv} - r}{\frac{dr}{dv} + r} \sqrt{(v^2+1) - c} \quad . \quad \text{Quare, cum } p, \text{ nem-}$$

$$\frac{1}{2} (a - \frac{dr}{dv}) \sqrt{(v^2+1) + cv}$$

pe tang.  $PM T$ , ex natura rei sit finita, & in denominatore hic  
sit quantitas  $\infty$ ta  $a$ , hoc fieri nequit, nisi & in numeratore  
talis adsit; sed  $r$  est finita; quare,  $c \infty$ ta sit, necesse est. Po-  
natur ergo constans arbitraria  $c=a$ , fietque  $p =$

$$+ \sqrt{(v^2 + 1)} + v = v + \sqrt{(v^2 + 1)}, \text{ adeo, ut } r \text{ ex va-}$$
 lore ipsius  $p$  prorsus abeat; quod & ita esse debere, a priori ex eo patet, quod positio radii reflexi  $MV$  a sola positione tangentis  $MT$  pendeat, cum nempe sit  $PVM = 2PTM$ . Porro invenietur  $y$  (omittendo finitas, prae  $\infty$ tis  $ac$  evanescentes, & dividendo per  $v + \sqrt{(v^2 + 1)} = r + \frac{dr}{dv} \sqrt{(v^2 + 1)}$ , &  $x = a - X = a - (U - vy) = u + vy = (v^2 + 1 + v \sqrt{(v^2 + 1)}) \frac{dr}{dv}$ . Quae omnia cum iis, quae in *Schediasmate* cit. (pag. 233 §. 12) diverso admodum ratiocinio inventa sunt, optime conspirant.

18. Hae sunt, quae solutionem Problematis analyticam absolvere videntur. Dici possent multa forsitan brevius; sed, integram methodum, qua pedetentim in hac Analysis processu, clare exponere, satius duxi. Liceat saltem adhuc monere; methodum, qua ex proprietate Curvae ad aequat. inter coordinatas perventum est, ita esse comparatam, ut non ad hujus solum, sed & ad aliorum Problematum, ubi ex proprietate quadam Curvae catoptrica quaeritur ipsius aequatio, solutionem facile adhiberi queat. Nam, si detur quaedam relatio inter distantiam concursus radii reflexi, hoc est,  $CV$ , seu  $u$ , & angulum ejusdem cum axe  $V$ , hoc est,  $v$ , exinde ope aequationis (§. 16)  $p = uv$  &c., & aequationibus 3) & 2) §. 6 dabuntur coordinatae  $y$  &  $x$  per alterutram  $u$ , vel  $v$ , ideoque, eliminando illam, ipsa Curvae aequatio; simulque constet, hanc fore algebraicam, quoties  $\int \frac{u dv}{(v^2 + 1)^{\frac{1}{2}}}$  est algebraica. Vel, si detur relatio inter positionem radii reflexi  $MV$ , & tangentis  $MT$ , hoc est, inter  $v$  &  $p$ , pariter ex aequatione (§. 10)  $lu =$  &c. & aequationibus 3) & 2) §. 6 invenitur aequatio Curvae; quae ut sit algebraica, requiritur, ut  $\int \frac{dp}{v-p}$  sit logarithmica. Simili modo, data relatione inter alias quantitates, ad Curvam, vel ad positionem radii incidentis, vel reflexi, pertinentes,

TAB. V  
 Fig. 1.



tinentes, ope præcedentium tales condi possunt formulæ, ceu totidem theoremata generalia, ad solutionem ejusmodi questionum methodi tang. inversæ apprime utilia, cum infinita Problemata particularia sub se comprehendant, pro quibus singulis alias totidem æquationes differentiales resolvendæ essent. Superest exponenda adhuc solutio Problematis nostri geometrica, quæ non solum perfacilem constructionem pro Curvis omnibus desideratis exhibet, sed & ejus est naturæ, ut exinde alia nova, & ab omnibus ratiociniis præced. prorsus independens, solutio ejusdem analytica, cum præcedente tamen perfecte congruens, deduci queat. Sed, cum præsens Schediasma jam paulo longius evaserit, eandem peculiari additamento sum exhibiturus.

Errata quædam, in *Schediasmate priori pag 225 seq.* relicta, Lector benevolus, si placet, ita corrigat: §. 1 lin. ult. pro MOV leg. MVO; §. 3 lin. 7 a fine l. punctum Curvæ m respondet; nisi enim hoc esset, radius mn, pro incidente sumtus, non etiam reflecteretur in V. Fig. 1 jung. Rµ & rµ, item mt S. Fig. 3 in recta ab pro C.I.O.

CORNELIUS NEPOS DE VITA EXCELLENTIUM  
Imperatorum, ex recognitione STEPH. AND.  
PHILIPPE.

Lutetiæ Parisiorum, sumtibus Mich. Steph. David, 1745, 12.  
Alph. 1 plag. 5½.

Elegans est isthæc editio, plena, & accurata; splendida quoque, pro modo suo, figuris quippe æneis minoribus, Imperatorum præsertim imagines referentibus, instructa. Initium facit *Dionysii Lambini*, Monstroliensis, Græcarum literarum Lutetiæ doctoris regii, ad *Erricum Valesium* Præfatio, Lutetiæ A. 1568 scripta. Sequuntur testimonia de *Cornelii Nepotis* vita & scriptis; *Gerb. Jo. Vossii de Historicis Latinis Lib. I Caput 14* satis fufum; hinc *Eusebii* in *Cbronico*, *Pomponii Mela IV, 5*, *Plinii III, 18, IX, 39, X, 33*, *Catulli* Veronensis ad *Nepotem, Aufonii* ad *Drepanum Pacatum Latinum*, *M. T. Ciceronis* in *Ep. ad Atticum XVI, 5*, *Hieranyimi de Vita Scriptor. ecclesiast. Aufonii* ex *Epist. XVI* ad *Probum* Præf., *A. Gellii XV, 28*, ipsius *Nepotis* in *Attici* vita, *Tertulliani* ex *Apologetico Cap. 10*, & *Lib. II* ad nationes *Cap. 12*, *Minucii Felicis* ex *Octavio*, *Lactantii Firmiani Lib. I Cap. 13*, *Plinii junioris Lib. IV Ep. 28*, *Lib. V Ep. 3*, *Onuphrii Panvinii* in *Catalogo illustrium Scriptorum Veronensium, Lib. VI*

*Antiquitatum, Jo. Savari* de huius libri autore, *Petri Nannii de claris Cornelii, Oberti Gifanii Collectan. Lucretian. in Refutatus, Andrea Schotti* in Epistola ad Lect. *Notis in Fragm. Nepotis* subiecta, *Casp. Barthii* in *Advers.*, *Jac. Bongarsii* epistola ad *Jo. Nælium, Jo. Henr. Bæcleri* in Commentario ad *Berneggerum*, & alibi. Post *Cornelianum* contextum, qui sine ullis observationibus, nitidus autem, accuratus, atque delectans, apparet, succedunt *Cornelii Nepotis* fragmenta, quæ reperiri potuerunt, omnia, olim summo *Andrea Schotti* studio collecta, nunc recensita, emendata, & alicubi aucta. Isthæc Chronologia excipit imperatorum Græciæ apud *Cornelium Nepotem*, olim ab *Andrea Schotto* concinnata, nunc passim correctâ, auctâ, & interpolata. Accesserunt series annorum *Catonis* per eundem *Schottum*, & *Henr. Ernstii* Chronologia historiæ *T. Pomponii Attici*. Agmen claudunt rerum singularium index, & Catalogus editionum *Cornelii Nepotis* de vita excellentium imperatorum. Index non est ad ordinem literarum, sed imperatorum, accommodatus, atque e. g. ex *Miltiade* conjunctis Capitibus & paginis proposita excerpt: *Miltiades*, dux colonorum, in itinere a Lemniis irridetur *Cap. 1*; Chersoneso potitus, Lemnum capit & Cycladas *Cap. 2*; *Dario* Scythis bellum inferente, pontis custos consilium dat excutiendæ dominationis Persicæ, sed ab *Histiæo* impeditur, *Cap. 3*; *Dario* Rege in Græcos moriente, autor suis est, ut obviam hosti eant, *Cap. 4*; ante sociorum adventum *Darium* vincit Marathoniam pugnam *Cap. 5*; victoriæ præmium accipit *Cap. 6*; insulæ *Pari* oppugnatione omiſsa, damnatus in vinculis moritur *Cap. 7*; metus autem populi vera causa damnationis *Miltiadis* erat *Cap. 8*. Non igitur nisi argumenta sunt *Capitum*, eademque nec ipsa nova videntur, ut etiam in iis, quæ *Schottus* consignarat, parum invenimus emendationum ac supplementorum. Quoniam vero non est nostrum, reçoquere cramben, ne verbum quidem ulterius addi opus est. Neque tamen ideo diffitemur, utilitatem suam vel repetitam isthanc editionem habere, atque illam, ob internum maxime scriptoris pretium, amplissimam.

BREVIS NARRATIO DE VITA JOSIÆ WEITBRECHTI, M. D. Professoris Anat. & Physiol. & Academicæ Petropolitani, nuper beato obitu exſincti.

**A**misit dudum multos ad laudem insignes Viros Academia imperialis Petropolitana, ex quo, Professoribus, magni quoque nominis, convocatis, summaque liberalitate ornatis, Musas insuetis antea gentibus saluberrimo conatu inferre maximus conditor instituerat. Sed memorabilem, & quæ advertere animos exterorum possit, jacturam non per interval- la, sed uno prope tempore, fecit, & illo ipso quidem, quo magnificam ejus instaurationem publica ubivis fama, forte ex optimi cujusque votis omnibusque, annuntiabat. *Josepbo* siquidem *Nicolas Delistio*, Astronomix, & *Jo. Georgio Gmelino*, Chemix Historixque naturalis, primariis Professoribus, postquam diu efflagitassent, data tandem missione, tertium locum Professoris Physiologiæ & Anatomix vacuum fecit more *Cl. Weitbrechii*, ut, qui tres ordine atque loco primi erant, simul erepti quasi videantur, quo sui desiderium eo majus commovere possent. Quid? quod id ipsum tempus, tam iniquum & fatale illius Academix rationibus, multiplicavit hæc damna, & tanquam vulnæra, nondum ducta cicatrice, rescidit, tristi nuntio de *Stelleri* obitu, qui tot indefessæ & immensæ diligentix monumenta, festinata licet, nec quæ ultimam manum omnia receperint, pignora futuræ suæ gloriæ, nisi fata intercessissent, Academix submiserat, ut tota illa spes, quæ de illius egregia industria concepta erat, modo hanc illi post reditum incolumi ad maturam convertere operam licuisset, si non sublata jam sit & exstincta, rejicienda tamen in alienam curam atque fidem videatur, si forte posthac novus in illa Academia Historiæ naturalis Professor, redigendis in ordinem tot affectis, necdum absolutis, laboribus, hujus gloriæ consulere, quam quærere ex novis conatibus suam, malle, sit sperandus. Ceterum, cum duo illi primi, *Delistius Gmelinusque*, Viri amplissimi, & magno literarum bono superstites, tam præclare institutum hunc gloriæ cursum, quod haud vane auguramur, sub alio cælo faustius persecuturi sint, impleturique illa spatia, quæ vividæ vegetæque virtuti & immensæ doctrinæ eorum ullis necdum finibus circumscripta patent, non erit necesse, ut prima atque media illorum ad laudem viæ memorando nunc præcipiamus, quæ sero ævo & posterorum ætati deberi integra sentimus & optamus. De

*Stellero* autem quia nondum comperti quidquam, quod ad vitam illius atque præclaros labores attinet, inde, ubi spatium gloriæ atque meritorum nactus fuerat, accepimus, narrare nihil possumus, quod non fama passim vulgatum, & dolore ac desiderio eorum, quibus forte adhuc in Russia literas ex animi sententia colere officium, vel propositum, est, sit testatissimum. Relicta ergo studio, quo in literas ferimur, & pietati, qua de illis bene meritos colimus, una hæc doctis hominibus operam gratam navandi occasio est, ut, quæ partim ex Russia, partim ex Viri patria, impetrare potuimus de vita & memoria corpore quidem nuper extincti, at meritis ac fama nunquam morituri, *Josia Weitbrechti*, eximii & communis patriæ & Academiæ, quam ornabat superstes, decoris, brevi narratione composita, affectibus bonas artes candide & sine invidia, aut adulatione, æstimantium impertiamur.

Ita sane meretur, qui nunc vixit, Clariss. quondam M. D. & Professor atque Sodalis Petropolitane Academiæ, *Josias Weitbrechtus*, pium hoc, etsi breve, uti tulit difficultas rei ob intervalla locorum, unde si notitiam aliquam, at non commentarios quoque, nancisci possumus, nec aliud nominis claritas exigit, præconium & vitæ commemorationem, ex qua posteris summatim, quæ illius memoriæ desideriis hominum eruditorum commendent, & decora Viri, literas multo successu, dum viveret, ornantis, cognoscant. Schorndorffii, quod est oppidum ditionis Württembergicæ, natus est patre, Viro honestissimo, qui locum in curia illic obtinet, vivusque nunc mortem filii luget. Natalis ei fuit d. VII Cal. Nov. A. 1702. Indoles, quæ in puero elucebat, parentibus, ut studiis literarum hæc sua vota destinarent, persuasit. Primis illarum elementis in schola patrii oppidi Schorndorffii publica imbutus, postea honestissimam animi cupiditatem secutus in cœnobiiis, Dinckendorffensi & Blaubeverano, Minervam teneræ ætatis maturato profectus coluit, donec in Academia Turingensi cœtui juvenum, publice constituta liberalitate studia æmulantium, adscriptus, docilitate mira ingenii præceptores sic cepit, ut de exercitationibus tironis facile conjecturam facerent, quibus viri usu rationis aliquando confirmatam ætatem eminere sit necesse. Quare deinde, instituta Petropoli

impe-

imperiali Academia, commendatione Ill. *Bulfingeri*, quondam Professoris illic, nunc Ducis Württembergici a consiliis interioribus, Sodalisque honorarii illius Academiae imperialis, eo est vocatus, ut locum inter eos occuparet, qui vicariam Professoribus operam praestant, Adjunctique vocantur. Eo ipso tempore, cum constituisset honores Academicos petere, dignitatem Magistri Philosophiae in Tubingensi Academia obtinuit, illaque capeffendis postea illustrioribus muneribus quasi praetulit. Hinc a Cel. *Duvernoio*, Tubinga Petropolim ad publicam Professionem & locum in Academia ordinarium invitato, una cum Cel. *Krafftio*, cui tunc itidem munus Adjuncti delatum erat, in comitatum itineris adscitus, extremo anni 1725 illuc venit. Ibi, cum antea soli se Philosophiae & mathematicis studiis dedisset, animum, istis tam auspiciato praeparatum instructumque, ad artem medicam, Anatomiam praecipue atque Clinicam, adjecit, cum quibus ubi chirurgicarum *ἐγχειρίδιον* quoque dexteritatem conjunxisset, postremis vitae annis ipsam obstetricandi artem non infeliciter attigit; mira prorsus celeritate ingenii, quacum multiplicis adjumenta doctrinae & indefessae diligentiae contentionem semper conjungebat, ad quaslibet res aptus, quibus se dedebat. Itaque hac studiorum commendatione eam sibi brevi existimationem peperit, ut omnium Academicorum sententijs A. 1730 dignus munere Professoris Medicinae renuntiaretur; commodum tunc vacante loco Professionis Physiologiae, quam deposuerat *Daniel Bernoullius*, translatus ad Mathefeos sublimioris ex altiori cathedra docendae munus. Impositam autem publica Academiae autoritate hanc stationem sic sedulitate, vigilantia, & praecclaris conatibus, strenue obivit, & curas, quas officii religio poscebat, severe exercuit, atque dignitatem acceptam ab eo Collegio, quod fama ac celebritate sodalium, splendore & salubritate instituti, tum laborum atque studiorum longe pulcherrima contentione, & lato quasi quodam proventu omnium gentium atque nationum, inter quas literis honos est, oculos in se dudum converterat, adeo illustravit, ut dubitari potuerit, magisne ipse Academiae suffragiis sit honestatus, an vero ejus meritis ac solertia Academicorum judicium sit ornatum, cui quantum constiterint rationes, ex

tam auspiciis postea ejus ausibus, & tot monumentis ingenii, patuit. Perspectum enim mox successu studiorum ejus profectibusque est, quam salubre ac frugiferum Academiae rebus consilium id fuerit. Quippe, cum egregio tot illustrium virorum exemplo mathematicam disciplinam ad excolendam via atque ratione Physiologiam attulisset, præparatus instructusque reliquis quoque omnibus adjumentis, quibus adjuvari literæ, earumque illustrari decora, possunt, tam utilem isti Academiae operam navavit, ut & cultum horum ibi studiorum longe plurimum promoveret, & gloriæ nominique Academico ad externos, & si quid nostra auguria valent, ad posteros quoque, consulere. Ampla mens Viri, ingenium agile ac solers, non consistere ad unius studii fines atque orbem illius industriam patiebantur. Hinc artem, incidendis corporibus atque visceribus, intestinisque scrutandis, cognoscendi figuram situmque partium, in quam præcipuo quodam amore ferebatur, semper summo ardore coluit. Vix aliquis numerum inerat exercitationum, quas in omni parte hujus studii instituit, cum ut ipse subtilius omnes rationes, quibus humani corporis membra & partes natura machinata est, investigaret, tum ut discere cupientibus, subjiciendo oculis ipsa, quæ incidebat, corpora, & experimenta monstrando, suæ solertiæ emolumenta gratificaretur. Fuit enim tam assiduus in ea re, ut non modo creberrimam frequentiam studiosorum quotannis in auditorium, Anatomicis usibus serviens, conciverit, ubi condicere auditoribus publicam operam solebat, sed lætatus quoque sit, quoties, Professore Anatomiae valitudine, aut aliis causis, ab officio prohibito, sibi alienas sustinendi partes facultas daretur. Tunc convolantem ad subsellia cupide juventutem atque studiosam turbam, attentis auribus animisque ab alacri ejus ore pendentem, voce prompta & artis accuratis præceptis tenere, & spectaculis jucundis dextræ atque exercitiæ manus sariare, consueverat. Ita autem hujus operæ stadium sæpe decurrit, ut totum absolveret, quantus ambitus tribui ex ratione Academicarum ἀνωδότης potest. Habuit ejus diligentiae honorem Academia, ut munus Professoris Anatomiae, quod ab aliquot annis vacuum vicaria opera administraverat, postremo vitæ anno ordinarium ei præter pristinam Professio-

nem mandaret. Monumenta ingenii, quibus eum tot laborum fructum consecutus est, ut non vivus solum egregia apud externos fama floreret, sed gravissimorum quoque hominum, arbitrorum artis suæ, assensum & iudicium, pignus futuræ inter posteros claritatis, spe facile præciperet, hæc fere exstant, quæ in Commentariis Academiae Petropolitanae publicata, non grato tantum eruditorum plausu sunt excepta, sed adhuc quoque sunt eruntque in omnium manibus, diligenter iis legenda, qui signatarum ejus vestigiis artium curriculum severiori se volent lege committere. Testimonium honorificum ejus laudibus publico diplomate Academia Regiomontana A. 1736 perhibuit, cum dignitatem Doctoris Medicinæ absenti tribueret, reddita hac honoris habiti ratione, quod decorandum illum, ob ubique jam vulgatam famam, censuerit, etiamsi illa adduci non debuisset, satis ceteroquin mota magna ejus, & diu vulgi turbam supergressa, doctrina, cujus cum alibi clara specimina ediderit, tum luculentum in præsens documentum Dissertationem inauguralem *de Febre petrobizante*, in lucem illic editam, submisit. Quia autem, ut jam diximus, tota mente fere ad anatomica studia rapiebatur, ad quæ se subinde referebat, eaque semper retenta animo, etsi nonnunquam aliis remissa occupationibus, neque tamen longo intervallo intermissa, revocabat, quoties paulum modo laxamenti nactus erat, multa sedulitate inquirebat in naturam atque opificium partium corporis humani, cujus laboris multas Commentationes Academiae jam vivus tradidit, & moriens quoque bonam partem reliquit. Inprimis multum Academiae gloriæ & suæ ipse famæ profuit ultimis annis lecto argumento, in quo per nullius antea vestigiis tritum iter incedens, largam nove inventorum exactissimarumque observationum materiem, diu preparatam, semel tandem oculis hominum doctorum objecit. Exstat ille liber, teriturque manibus artis salutaris antistitum, quos a vulgo eruditionis fastigium segregat, & firmissimo pignore nomini *Weitbrechtiano* posteros obligavit. Publicatus enim est in Academia Petropolitana, eo ornatus atque cultu, qui vel ipse satis incuriosos alliciat, inscriptusque est: *Syndesmologia, seu de ligamentis corporis humani*. Eo autem magis Viri industriam mirabantur, qui præ-

sentem noverant, ut vix conciperent animo, quomodo in tot simul curas distractus, ad manum monumentis ingenii elaborandis adjiciendam sufficeret. Contracto enim A. 1731 cum honestissima virgine *Catharina Sophia Duropia*, Hafnienſi, matrimonio, ſuſceptisque poſtea quatuor filiis & tribus filiabus, quorum utrorumque binos ſuperſtites reliquit, ut & poſthumam ejus prolem mater gravida relicta aliquot poſt funus mariti menſibus enixa eſt; ad alendam tam numeroſam familiam curam atque induſtriam res familiaris poſcebat. Hinc curandis in tam ampla & civibus frequenti urbe agris, augenteque opem ejus implorantium multitudinem ſucceſſu, tum multis ab officii religione impoſitis laboribus prorfus implicitam exercitatamque vitam debebat. Erat tamen animo ſuſtinendis tot undique negotiis plane magno & conſtanti, quem ſapientię quoque præcepta muniverant & duraverant quaſi, ut ſidum ſtudioſę juventutis præceptorem, expertum atque ſollicitum Medicum, amicum integrum atque candidum erga omnes, quos obſervare jura amicitię judicaverat, patrem vero familię indulgentem citra remiſſionem & humanitatis ſine ſeverum, nulla res ab honeſtis propoſitis, atque omni genere officiorum, abſtineret, priusquam undique quaſi agmine ingruens inveterati vis morbi ab omni ſolito munere rejectum lecto affigeret. Tunc ſigna mortis prope inſtantis & notavit ipſe, & mente contra ultimi terroris, quo mortalium plerumque dejici ad formidinem pectora, & ferociſſimi quoque mitigari, ſolent, exſpectationem erecta, diviniſque præceptis confirmata, totus jam cœlo imminens, latoque ex hac vita exitu, ut ſapientem decebat, piunque & ſubmiſſum Deo anum religio præparabat, tot quamvis pignora linquens, conſtans atque inconcuſſus Deo evocanti parebat, eminente animo patrio, cum hilarus & ſerenus vultus ſpectaculo eſſet, dum ultimum adſpectu liberorum circumſtantium ſatiatus ipſe gemitus compeſceret, præceptisque ſupremis pietatem ſolum & honeſtatem illis ſolatia calamitatum & ad felicitatem præſidia proponeret; donec, commendatis illis amicorum fidei, hymnis Deo ſervatori cani juiſis, iis ipſis vocibus, quibus momenta ſubrepentis mortis, naturali inteſtinorum vicio certa, indicabat, defecit.



# NOVA ACTA ERUDITORUM,

*publicata Lipsiæ*

*Calendis Novembris Anno MDCCXLVII.*

SACRA CONCILIA ECCLESIAE ROMANO-CATHOLICÆ in Regno Hungariæ, celebrata ab A. C. 1016 usque ad annum 1734. Accedunt Regum Hungariæ & Sedis Apostolicæ Legatorum Constitutiones Ecclesiasticæ. Ex MSS. potissimum eruit, collegit, illustravit, CAROLUS PETERFY, e Societate Jesu. Pars secunda, in qua Concilia & Constitutiones ab A. C. 1657 usque ad annum 1734 prodeunt.

Pofonii, typis hæredum Royerianorum, 1742, fol.

Alph. 5 plag. 2.

**R**edit in scenam Hungariæ Conciliorum scriptor, hominitissimus atque lenissimus, si Diis placet, *Carolus Peterfjus*, Baro, atque alterum Operis Volumen, doctum, Jupiter, & laboriosum, exhibet, dignum, quod commentarii nostri, pro eo ac meruit, loquantur; quodque, si fieri forte possit, ab oblivione vindicemus. Certe enim,

*Nostrum officium nos facere, æquum est, neque*

*Id magis facimus, quam nos monet pietas.*

Tenet, quam ingressus est, viam Vir doctissimus, & modestia, & humanitate, quæ præcipua ejus laus est, unico magis unicus; neque facile futurum credimus, nisi qui forte, ma-

Kkk k

gno

gno suo malo, non legerit, qui, novum ingenium induisse humanissimum Virum, conqueratur. Dicatum est *Volume* hoc alterum Serenissimo tunc Magno Duci Etruriæ, *Francisco III*, nunc Romanorum Imperatori Augustissimo, cui idem, quod *Tomo I* Serenissimæ Reginæ, *Mariæ Theresiæ*, voverat, aliis licet verbis, pro immenso, quo est, pacis studio, precatur, *ut non, nisi congregato in unitatem religionis Pannoniæ populo, limites victoriarum admittat*. Quam multa, quam paucis! Belli sacri tubam quis non intelligit? et tamen Vir iste humanissimus, (veremur, ne se derideri putet, quod iterum jam dicimus, humanissimus,) qui nervos, dudum paratos, expediri in Heterodoxos, quos vocat, optat quam ardentissime; idem iste *noluit in modestiam & pacem peccare*, quod utrumque *Tomo primo* ad Lectorem scripserat. Pars primæ materiæ homo iste nobis videtur, adeo formas omnes suscipit. In vestibulo Operis, quid præstiterit, Lectorem docet: nempe, *duorum Seculorum intervallò, summas inter patriæ dissensiones, acta Concilia Ecclesiæ Romano-Catholicæ in Hungaria absolvit*. Hactenus bene! At, ubi rationes exponit, quibus adducebatur, *ut annosas religionis lites*, quemadmodum ipse loquitur, *Regum edicta, Episcoporum querelas, vi, aut metu, extorta pacta publica, apologias in partem utramque vulgatas, quæ Synodis sæpenumero intercurrerunt, a peni sua dimoveret*, se ipsum, forte præter opinionem suam, condemnat, quando adlit: *Istud pugnarum genus, verborumque flagitium, a Prætorio arcetor*. Pessime. Id enim si verum est, quemadmodum est omnino, doctissimo Opere *Peterfyano*, quod istiusmodi ornatu interstinctum est, magno literariæ rei publicæ incommodo, æternum careamus oportet. *Ω Ζεῦ!* Si id est, quod est pro laboribus tantis, pauxillum est! Præterea vitas eorum, qui regiones suas per Comitia ecclesiastica instituerunt, breviter enarravit Vir Celeberrimus, eoque brevius, quo prolixius alii. Quam eo Præfationis loco, peculiari observatione addita, de purpuræ Pannonicæ autore litem movet Clariss. *Belio*, Philosophiæ in Academia nostra Professori, qui prima illius libri stamina *P. Skoda*, doctissimo Viro, in

in Dissertatione de *Maria I, Regina Hungariae*, tribuit, eam nos nostram non facimus; quod & iucruentam futuram animo præcipimus, & falcem in alienam messem immittere non solemus. Respondit, quæ debebat, *Belius* in Diss. de *Maria, Regina Hungaria*, editione altera pag. 33, 34. Addidit Auctor Tomo huic altero Tabulas, æri incisas, quæ Archiepiscoporum Strigoniensium, qui vel ipsi Synodos celebrarunt, vel celebrari indusserunt, effigies referunt; Historiæ diplomaticæ Auctorem imitatus, qui *Wenceslai*, optimi Principis, *Procopii Rasi*, *Ziske*, *Lutheri*, *Hieronymi Pragensis*, *Hussi*, icones operi suo inseruit. Vocat hos

*Fumosos equitum cum dictatore magistros;*

ut doceret, vera esse, quæ, cum *primum Totum Operis* exhiberemus, iudicavimus, nempe, mitissimum esse atque lenissimum hominem, *Carolus Peterfium*. Præter trium Synodorum acta, nihil exhibet, quod non e Mstis. Retinet causas Synodorum, & occasiones, quæ dederint, ne, quod videri vult, cicatrices, ex tot vulneribus relictas, recordatione exasperet; neve latentem alicubi scintillam animaret. Molestus videlicet esse illis noluit, quos ne respirare quidem libere finit. *Græcorum ac Ruthenorum Synodos*, quod mole excurrunt, rudi charactere horrent; ipseque, quod primo loco dicere debebat, ex idiomate semi-Græco Ruthenoque eluctari non potuerat, Collectioni suæ non inseruit, memor *Horatiani* illius:

*Sumite materiam, vestris, qui scribitis, aquam  
Viribus;*

immo forte & *Philocratis*, in *Captivis Plauti* (libet *Plautissare* cum doctissimo Viro): *Si quid nescivi, id nescium tradam tibi*. Refert eodem Præfationis loco, diu tentatam Ruthenorum cum Catholicis unionem; spem tamen in herba, quod ajunt, a Turcis partim, partim recrudescentibus bellis intestinis, suffocatam, conqueritur: duni *Leopoldus Kolonitschius*, habita triplici Synodo, eo rem perduceret, ut A. 1692, chirographis exhibitis, ducentis plures sacerdotum Romano Pontifici se adstringerent. Ne autem vel hic a se descisceret Vir incomparabilis, nebulam in pariete fin-

git, & obices loquitur, quos Calviniani & Lutherani in Transilvania sancto huic operi injecerint; additque, habere se ejus rei literas originarias, quæ, quod scriberet, testarentur; quasi vero sint, qui Viro fide dignissimo, etiamsi de his literis siluisset, denegent fidem; cum notum sit omnibus, eum, quicquid vult, scribere, atque id demum verum esse, quod ipse scripserit. Porro omnia Dalmatiæ Concilia refert, quod oeconomia operis non admiserit, extra Strigoniensis & Colocensis Archiepiscoporum ditiones evagari. Denique & singularum diœcesium geographicam descriptionem moliebatur, imitaturus *Carolus à S. Paulo*, Abrintanorum in Normandia Episcopum, qui Geographiam sacram concinnavit. *Sed gigantem somniavit, ignotumque Planetam*, ipsius verba sunt. *Obsonia* (ita observationes suas primo Tomo appellaverat,) altero hoc Volumine fere melioris notæ sunt, quam priore fuerant; jam enim aliquantum detonuit Jupiter. Sed ipsa inspiciamus Concilia. Primum locum acta & decreta *Nicolai Olabi*, Archiepiscopi Strigoniensis, quæ Synodum anni 1560 præcesserunt, præparatoria dixeris, occupant; mox ipsa illa *Synodus, Diœcesano-Provincialis, habita sub Ferdinando I Tyrnavia*, ad paginam usque 130 exponitur. Singula narrationibus præviis, uti ipse vocat, illustrantur; quibus partim illorum temporum aliqualem historiam suppeditat, partim in Lutheranos & Calvinianos, quantum satis est, debacchatur. Ubi tristem Hungariæ habitum, post cladem Mohacianam, & secuta inde, in civili æque ac ecclesiastica Republica, disturbia, exponit, homo est venustus, & eloquens, & urbanus; si autem legas, quæ de causis harum calamitatum ratiocinatur,

tum bellus ille & urbanus

- - - unus caprimulgus, aut fossor, rursus videtur.

Ita vero illico sub initium scribit: *Episcoporum & Procerum, in pugna casorum, jactura animati peregrini dogmatis propolæ, rupto velut aggere, ad omnem se regionem differebant; quorum postea consilio, ad legem, a Luthero publicatam, sacra Deo loca, metu hostium deserta, in sana novi ritus redacta sunt; instituta*

*stitata nundinationes recens nati Evangelii; conciliabula diversis in locis clanculum habita, ecclesiastici magistratus promiscue rapti, ejecta suis e loculis orthodoxorum cadavera, damnati ad exitium sacerdotes, plebs demum civili tumultu commissa; quæ, sicut ad libertatem magnopere adspirabat, ita obsequium se præstare Deo credidit, si, posthabitis majorum sacris, Principum suorum imperio denique soluta, Ecclesia Catholica, primique insitanti testes, & sanæ doctrine magistros, perditum iret. Hac licentia ad privatas Nobilium ædes, mulierum præpomis, ingenio venalium, recepti, instillabant invisi hospites virus lethale, quod sine mora, ut in errorum propagatione evenit, sanguini hæredum se infudit, totque morbos infelici patriæ induxit. Neque alios natales Lutheri Calvinique affecit in Hungaria recensere possunt; quicquid adversum scriptitent, & plaustris suorum voluminum domi forisque negotientur. Historia, testis temporum, & lux veritatis, speciosis eorum molitionibus & vindictis reclamation. Conf. pag. 32 §. 9, ubi pari humanitate scribit. Si verba spectes, latinissime omnia; quam doctissimo Viro laudem eo minus invidemus, quo iniquior in Hungaros est Heinæcius, quando de promiscua Hungarorum barbarie præter rem conqueritur. Si vero ad rem ipsam attendas, an non a pulpito ad plaustrum redierit Noster, judicent, qui legunt. Ex aliis fontibus derivare debebat Ecclesiæ in Hungaria calamitates *Peterfyyus*. Si intra muneris sui rationes se Clerus continuisset, neque ab aris ad arma provolasset; & felicius res contra Turcas gestæ fuissent, & sua passim Ecclesiis tranquillitas constitisset. In prælio Mohacienfi *Paulus Tomory*, Colocensis Archiepiscopus, infelix primum maritus, infelicior dein miles, dux belli; eum secuti Archiepiscopus Strigoniensis, Varadiensis præterea, Quinqueecclesiensis, Jauriensis, Chanadiensis, Bosnensis, Episcopi; quotquot fuerunt, artis bellicæ imperiti. Hinc illæ lachrymæ! Ite nunc, miserrimi mortalium, & veteri verbo, *Ecclesia non sicit sanguinem*, amplius credite. Christus, Dei filius, humani generis servator optimus, ad *Petrum*, arma attrestantem: *βάλε τὴν μάχαιράν σου εἰς τὴν θάλασσαν*, *Julius* autem II, P. M. de quo *historia, testis tempo-**

rum, & *Inx veritatis*, multa narrat, aliter prorsus; a quo sine dubio Hungariæ illius temporis Clerus bellicum ingenium hæreditate acceperat. Quod quam infelicitè cesserit & Regi & regno, etiam ignarissimi sciunt. De *Matthia Corvino*, Rège, pag. 15 refert Autor, eum Pisonii A. 1467, vel 1468, *universale studium*, quod vulgo Academiam appellant, *erexisse*, ejusque Procancellarium, *Georgium de Sombery*, Præpositum Pisoniensem, constituisse, quod pertinet omnino ad vetusta Pisoniensis urbis ornamenta; modo omnes illic Musæ hospitarentur; sed sunt quædam ex novem fororibus, quas frustra illic quæras. Inter alia *Nicolai Olabi* acta, & illud refert pag. 32, 33, *Peterfysus*, quod *festos in Hungaria dies ultra ducentissimum numerum auxerit*; ridetque invisos sibi Lutheranos, qui non poterant non, ad feriarum numerum, & secuturas inde, in re colonorum familiari, calamitates, obstupescere. Non ergo eapropter *rabulas malevolos*, cives suos, bene cupientes patriæ, dicere debebat; qui illa ætate nihil optabant aliud, quam quod nostro ævo *Benedictus XV*, Pont. Max. & eruditionis, & perspicaciæ, laude conspicuus, meditatur: nempe feriarum imminutionem. Illud plane ridiculum est, quod eodem loco §. XII de singulari *Olabi*, circa capillos & barbas Clericorum, cura disierit. *Ostendit modestiam Nicolai*, inquit, *indecorus quidam barbutii & capillorum cultus, apud sacerdotes Catholicos invalescens; comebant illi casuricem mira industria, alebantque ultra humeros defluentem, pro seculi vitio, nulla verticis parte, ad morem præscriptum, attonsa. Idem luxus ornatusque fuit novæ doctrinæ emissariis, idem vestium color, nullum sacræ dignitatis indicium. Fallebatur hac ratione vulgus, cum fabulatores ab orthodoxis ministris non dignosceret, eosque, Catholico nomine, ingeniosa fraude, ad nobiliores etiam paræcias admittebat. Sed intercept Olabus periculum & dolum, dum gravi pænaram comminatione, per sanctionem publicam, in sua Diocesi, consuetudinem radendi verticis Clero in memoriam revocaret, & licentiam nutriendi, laicorum more, capilli, barbaque, acri reprehensione castigaret.* Nimirum præparandi ad Synodum erant Clerici, danda-

dandaque opera, nè quid esset, quod eos in redintegrandis rebus Ecclesiæ quoquo modo impediret, habiliore ad ea omnia futuros, si, raso vertice, capillos & barbas, sapientum & eruditorum apud veteres insigne, meterent. Vid. *Plinius in Epistolis*, & in *Deipnosoph. Athenæus Lib. XIII.* Atque ita demum habita de celebranda Synodo consultatio, quam pag. 34 seq. legas; cui ipsa Synodus, celebrata Tyrnaviæ, successit pag. 39 seq. Primo ibi loco divina prorsus sanctio *Ferdinandi I, Peterfii* verbis utimur, exhibetur, qua de inscriptis, oppositis, seu oppignoratis, donatis, ac venditis, ac quovis modo per ipsum abalienatis, bonis Ecclesiarum Regni Hungariæ exponitur, atque restitutio omnium decernitur. Hæc omnino divina dici meruerunt. Reliqua Synodi compendium Theologiæ Romanæ sunt, quæ nihil attinet recensere. Altera Synodus Tyrnaviensis Diocæsano-Provincialis, A. 1561 celebrata, primam excipit; cui montanarum Civitatum Curiones, conceptis a *Luthero fabellis ebrii, excussio imperio, se subdlexerunt.* Ita *Peterfsyus* pag. 133, pro singulari sua humanitate. Ideo vero Synodo se subdixisse Protestantes existimamus, quia iudices, quod ajunt, in propria causâ sedere videbant, & quod eadem iis cum *S. Gregorio Nazianzeno* sententia fuit. Hic enim, ad Concilium Constantinopolitanum A. 383 a *Procopio* invitatus, ita respondit: *Ego, si vera scribere oportet, hoc animo sum, ut omnem Episcoporum conventum fugiam, quoniam nullius Concilii finem laetum & sanctum vidi, nec quod depulsionem malorum potius, quam accessionem & incrementum, habuerit. Pertinaces enim contentiones, & dominandi cupiditates, (ac ne me, quæso, gravem & molestum existimies, hoc scribentem,) ne ullis quidem verbis explicari queunt: citiusque aliquis in culpam vocabitur, dum aliis iudicem se præbet, quam ut aliorum improbitatem comprimat. Propterea memet ipsæ collegi, animaque securitatem in sola quiete ac solitudine mihi positam judicavi.* Et *Carm. X* circa fin.: *Nunquam ego sededo in Synodis unferum, aut gruum, temere pugnantium. Illic contentio, illic rixa, & probra, antea latentia, favorum hominum, in unum locum collecta.*

Hæc

*Hæc S. Gregorius.* Acta Synodi, quam exponit *Peterfſyus*, arcanis sciniis detecta, frustra quæras; eorum loco, *Nicasii Etlebodii de Conciliorum autoritate* Orationem addidit e' MSto. Carere ea omnino poteramus: nam, præter qualemcunque dissertationem, sophismata puerilia, in hæreticos vehementiam, nihil habet, quo se commendet. In Græcia olim, inquit, Concilium fuit virorum XII, Delphos convenientium, atque illic de salute & libertate Græciæ deliberantium; in Gallia & Britannia Druidæ lites dirimebant: ergo Concilia habent auctoritatem. Quæ? qualis? quanta? Ita vero arguatur *Helleborius* ille, indignus, qui in venustissimis Commentariis *Peterfſyanis* locum habeat. Mox *tertia Synodus Tyrnaviensis* anni 1562, quæ sola narratione absolvitur, indicatur; quam *quarta* excipit, eo sine habita, ut Tridentini Concilii constitutiones ab Hungarico Clero, ita volente *Olabo*, omnino reciperentur; quod tamen non fuisse factum, aperte & ex vero scribit doctissimus *Peterfſyus*; etsi inde a duobus seculis, tacito quodam consensu, fuerint in Hungaria approbatæ. Possemus quædam hæc in rem monere, quæ consulto præterit Cl. Conciliorum Editor; sed nolumus ignem fodere. Quæ eo loco de *communione sub utraque*, quam Christus omnibus promiscue suis cultoribus, *Pius IV* Papa dein, multum a *Ferdinando I* rogatus, Hungaris, A. 1564, concessit, Editor disseruit, facile lecturis, si qui sunt futuri, persuadebunt, eum presso pede Concilii Tridentini legibus insistere. Certe, quando *pag. 158* Evangelicorum dogmata, *amurcam Lutberi*, rustica prorsus voce, appellat, vel, quid amurca sit, non intelligit, vel, pinguorem eam vocem ex *Catone de re rustica* se hausisse, fateatur, necesse est. Ita Vir iste incomparabilis, qui *primo Tomo* cum *Terentio & Persio* loquebatur, jam ad rusticarum rerum Scriptores *Tomo altero* defecit. Illud adhuc notamus, *Pium V*, Pontificem, concessionem antecessoris sui, æque *Pii*, de communione sub utraque, *quod ea, seculariorum audacia, præ fructu sperato, magis acueretur*, penitus sustulisse. Non debebat hæc scripsisse *Peterfſyus*: nam deduci inde varia poterunt, quæ nos tamen silemus. Quod autem



autem *Pacificationem Viennensem* A. 1606, cujus tamen non nisi *ὡς ἐν παρόδῳ* meminit, toti *Hungariæ funestam* appellat; facit id præter veritatem, & secus quam debebat, etsi consentiente sodali suo, *Ladislao Tburoz*, qui in *Hungaria* cum suis regionibus pag. 90, 93, 94, tam impudenter, tamque acerbe, de ea pacificatione scribit, ut juris naturæ ac gentium ignorantiam prodat plane miserabilem. Exhiberemus viri istius scommata, ut verborum suorum cum puderet; sed depuduit, profugusque pudor suus signa reliquit. Si tam est pacificus *Peterfysus*, quam de se primo Tomo sæpius prædicaverat; cur & ipse *Pacificationem*, *Hungariæ* tam multis modis salutarem, cur pacificam *Matthiæ II* Regis indolem, cur denique ipsas *Hungariæ* leges sanctissimas, quibus insertæ pacis illius conditiones sunt, tam flocci habet? Iterum silemus; judicabunt læturi. *Synodus Diocesana quinta*, habita A. 1566 *Tyrnaviæ*, sub *Maximiliano II* Cæsare, hoc habet peculiaris, quod seminariorum per *Hungariam* erectio, initium jam faciente *Olavo Tyrnaviæ*, fuerit decreta. Mox *Synodus Provincialis Tyrnaviensis* A. 1611, *Maximiliano II* Rege, exponitur; antequam vero id fiat, nescio quid de Archiepiscopo *Strigoniensi*, *Francisco Forgachio*, fabulatur Noster; ut *Viennensem* pacificationem, si qua forte posset ratione, suffoderet. Qui enim pacis conditionibus, *Nitriensis* tunc Episcopus, & per regnum *Hungariæ* Cancellarius, A. 1606 subscripsit, teste *Corpore Juris Hungarici T. III pag. 119*, hunc extremo conatu palam A. 1603 obstitisse, pag. 191 præfidenter scribit; quia tamen subscriptionem *Forgachii* negare omnino non poterat, ita philosophatur: *Nomina Prælatorum*, de more, non de consensu, ab iis præstito, articulis anni 1608 in *Decreto Matthiæ Regis appposita fuerunt*. Plena verba inanitate. Miseret nos hominis cum suis fabellis. Quæsumus, an de more fieri aliquid in re tam gravi, sine Prælatorum expresso consensu, potuit eo tempore? Expendite, Lectores, & Scriptorem rideate, qui, quod protestationem, quam vocant, A. 1608 signatam, foliis suis asserere potuit, ad liquidum esse rem deductam credidit; quod tamen aliter evenit. Inde in *Luthe-*

ranos, quod & ipsi colloquia inter se quaxlam instituerent, tanquam *Hieronymus* aliquis in *Ruffinum*, aut *Vigilantium*, invehitur. Recensuisse ejus verba, confutasse est. *Annus*, inquit, 1610 *Lutherano* gregi, inter prima regni subsellia obtinenti, viam aperuit, rubore deterso, conciliabula publica instituendi: quorum primum *Zolna*, oppido celebri, conscriptum est 28, 29, & 30 Martii. Rei sacre profanus iudex & approbator fuit *Georgius Thurzo*, columnen feculum nondum egressi dogmatis. Disceptatum in hoc foro scrutario de rebus, doctrina ingenioque assidentium convenientibus; declamatum ad rævīm; conflatus rituum ordo; Superintendentibus regiones, an agri, divisi; spargebantur primum Acta in populum, & ad typum deinceps: sed clam promota fucum aliquem administrationemque in delira plebe expresserant, &c. Decreta Synodi nil moramur. Pagina 219 narratur *Conventus ecclesiasticus Dominorum Archiepiscopatus Strigoniensis subiectorum*, celebratus sub *Ferdinando II Casare*, & *Petro Pazmany*, Archiep. Strigoniensi, *Pisonii*, 2 Apr. 1628, ex *MSto*. Prævia narratio *Pazmanii* Cardinalis vitam, & fata, atque merita, cum librorum, ab eo, sive Hungarica, sive Latina, lingua editorum, catalogo, eo majori accuratione adhibet, quod non solum ex adversariis *Pazmanii* *MStis* ea hausit *Peterfysus*, sed in ea quoque domo *Concilia* hæc congesta sunt, quam *Jesuitarum* ordini *Pazmanus*, ei olim & ipse adscriptus, *Pisonii* erexit, libris ditavit, subsidio munivit. Non debebat vero hanc grati animi testificationem proœmio, quot verbis, tot scommatibus, repleto, inquinare, *Conciliorum* Editor doctissimus. Alius, *Historicum* acturus, *Augustanæ* Confessioni addictos in *Hungaria* A. 1610 conventum ecclesiasticum *Zolnæ* habuisse; mox A. 1614 *Szepes-Varallyæ* aliam Synodum, ut *Matthiæ* Regi de se suæque Ecclesia rationem aliquam redderent, celebrasse, scripsisset; *Peterfysus* vero, ut hoc novo documento, nihil minus se, quam *Historicum*, esse, testatum faceret, ita rem eam exponit: *Habita fuerunt, quod meminimus, Zolnæ A. 1610 socius Reipublicæ Lutherana solennes nundina. Meditata concordia in mutua odia desit. Szepes-Várallyæ A. 1614 mense Januario,*

nuario, ad novam pacem & arma conventum, quibus sacra Catholica, eadente jam erga comados Wittebergenfis fabulae Matthiae Regis affectu, oppugnatum ibant. Adjecta observatione, *Habemus*, inquit, conciliabuli hujus acta originaria, 69 fignis, & autographis praesentium testimoniis, communita, quae in rudi editione Solnenfi desunt. Cimelion, quod nobis tota Lutheri posteritas invideat. Habeat, pace nostra, hoc Bibliothecae suae ornamentum *Peterfusus*; &, quotiescunque id inspicit, illud senis, in Seneca Oedipo, cogitet:

*Latere semper patere, quod latuit diu:*

*Sapius eruentis veritas patuit malo.*

Quae pag. 232 sequitur *Synodus Diocesana*, habita Tyrnavia anno 1629, eam ipse describit Pazmanius Cardinalis, atque illico typis mandavit anno eodem; sed & altera editio opusculi A. 1649, item tertia A. 1667, lucem conspexit; quartum proinde, ex autographo Pazmanii emendata, plurimisque locis locupletior, scribente Editore, hoc loco exhibetur. Ex tribus Appendicibus secunda inprimis notari meretur, quae religionum Ordinum, qui olim in Hungaria floruerunt, catalogum exhibet; quem, ut majorum pietatem degener posteritas norit, (Editoris verba sunt,) hic loci reperias. *Synodus Nationalis*, celebrata sub Ferdinando II Tyrnavia A. 1630, altera item *Diocesana*, habita ibidem anno eodem, ad restituendam, quae collapsa inter arma fuerat, disciplinam ecclesiasticam tendebat, utque Synodi Patres, quomodo corruptores divini verbi urbibus ejicerentur, consilia sua exponerent. *Synodus Provincialis*, A. 1632 Tyrnaviam indicta, ob Pazmanii Cardinalis legationem, jussu Ferdinandi Regis, ad Pontificem Maximum, susceptam, anno demum sequente 1633 habita fuit: partim ut iidem sacrorum ritus in Ecclesia Romana, toto regno, observarentur, ad quod tamen adigi, etiam minis Pontificis, Zagrabiensis dioecesis non potuit; partim ut Diploma Ferdinandi Caesaris, de potestate testamenti condendi, Clero Hungariae concessum anno 1625, quod ararii Regis Curatores forte, nec immerito, vehementer impugnabant, firmaretur. Neque defuisse eventum exoptatissimum legimus;

LIII 2

quod

quod sedebant in sua causa iudices. Hic finis est Synodorum V, a Pazmanio celebratarum; de quarum editione ex M<sup>sto</sup> gloriatur Editor. Illud verissime subnequit Vir humanissimus, *moderamini suum esse debere locum, ut ad veritatem quidem omnia, sed nihil ad offensionem, producatur*. Cui regulæ an satisfecerit, legentium ejus Concilia judicium esto. Sequitur *Diaecesana Synodus Agriensis, habita Jaszania anno 1635 sub Ferdinando II & Emerico Losy, Episcopo Agriensi*, cujus vita describitur non solum, ex processu, hoc est, examine, pro Strigoniensi sede, sed & acta Synodi exhibentur. Ipse Episcopus in adhortatione Synodali vetus illud Hungarorum Clero suo inculcat: *Jó Pap bölrig tanúl; unde, Pap Ki nem tanúl, Ki bölrig nem tanúl, nem jó Pap*, per immediatam consequentiam, ut ita loqui liceat, dicitur. Idem Losyus, Archiepiscopatu Strigoniensi paulo post admotus, anno 1638 *Provincialem Synodum Tyrnavie* habuit, *Ferdinando III Imperatore*; quam ex M<sup>sto</sup> inseruit Concilii *Peterfsyus*. *Georgii Lippay Synodus Nationalis Tyrnaviensis anni 1648* nihil habet peculiaris, nisi illud forte, quod ejus decreto *Societas Jesu ecclesiastico Hungariae corpori ut membrum legitimum & utile associatum fuit*. Ejus rei testimonium publicum pag. 383 Editor inseruit. *Secutæ diaecesana Synodus Tyrnavie anno 1658*, eodem Lippayo Archiepiscopatum Strigoniensem tenente, ideo notari meretur, quod in propositionibus, ab Archiepiscopo exhibitis, (acta enim & decreta Synodi lucem non viderunt,) recenserentur inprimis, quæ Romanæ in Hungaria Ecclesiæ per Viennensem pacificationem & Comitia anni 1647 vulnera inflicta credebantur. Lubet, ut, quam gravia fuerint, cognoscat Lector, unum ex iis adducere. Ita vero pag. 390 Lippayus: *Jubetur campanas in Ecclesiis Catholicorum pro hereticis pulsari non sepe- liendis modo & tumultandis, verum etiam juxta sensum plurimorum, ad quævis ministeria, concionesque eorum; dein, tametsi gravi legum sacrarum præcepto cautum sit, in locis consecratis, ac templis Catholicorum, hereticos sepeliri, alioquin sacris ea interdici, & profanari: novellæ tamen hæc leges*

leges severissime injungunt, eos in templis nostris bumari ac sepeliri. Unde non leve quorundam exsurgit dubium, quid inter hac sit minus; an ut sacerdos orthodoxus haeticum sepeliat, vel vero intromittat in templum praedicantem, more suo funus sumulantem, conciones non raro blasphemias, aliaque, ritu profano, peragentem. Argute! Lactantius tamen, ille disertissimus atque piissimus divinarum Institutionum scriptor, *Lib. V Cap. XI* acutius multo, quam illa feritas, inquit, rabies, quae insania, est, lucem vivis, terram mortuis, denegasse? Quae inde subnectuntur Synodi Diocesanae, sunt Zagrabienses quinque, una Jauriensis, Archiepiscopo Strigoniensi, Georgio Szécsény, mox, hujus successore, Georgio Szécsény, celebrata. *Pag. 409 Synodus diocesana Bosnensis* exponitur, Strigoniensem ecclesiam, Leopoldo Kollonitsch, Bosnensem, Georgio Patatich gubernante, A. 1706. Ei subjungit doctissimus Editor *Synodum diocesanam Quinqueecclesiensem*, Archiepiscopo Christiano Augusto, Duce Saxoniae, A. 1714 habitam, tumque assidens litori, felix optatumque occinit Celesma; nisi quod ultimis plagulis *Congregationem*, A. 1634 ante Synodum habitam, sub Emerico, Comite Esterházy, Archiepiscopo Strigoniensi, tria item *Supplementa*, haud magni momenti, attexit. Sub finem totius Voluminis Mantissam legimus, ad quam benigne excipiendam Lectores praeparaturus, Peterfys, ita *pag. 424* ratiocinatur: *Profecto, si filii tenebrarum, mutuis inter se studiis tantopere colligati, historicis instar, quaque illos velis contingere, privilegia, concessionem, controversa doctrinae suae capita, aversas a reis poenas publicas, exag- gerata hominum, quibus reguntur, pia facinora, & si quid ad laudem; memoriam, vindicias, societatis inite accedit, me- ro plausu conferunt & obijciunt; enitendum nobis est, ut sup- petias feramus eruditioni patria, & jacentem de Hungaria Catholica ceterarum gentium opinionem, excitato ad literarios labores ingenio, erigamus. Haec posteriora si ex Protestantium coetu scripsisset aliquis, calumniam Peterfys interpre- taretur; nos autem, quia ipse de suis tam acerbè queritur, ejus integritatem non possumus non laudibus prosequi.* Et si

*tenebrarum filios* minime omnium vocare debebat, qui literarum culturæ & intellectui perficiendo majorem multo dant operam, quam quos Romana religio complectitur. Tantæ inter hos, de Hungaria loquimur, literariæ, eoque plus quam Cimmeriæ, tenebræ sunt, ut vix unum alterumque reperire liceat, qui, quæ ad eruditionem solidam, meliorumque literarum culturam, pertinent, sciat. Nemo id operosius evitum dedit, quam qui *de literarum cultura in Hungaria A. 1743, 4*, Commentarium edidit, *Innocentius a D. Thoma Aquinate*, Piarista, ipse Hungarus. Libellus iste, plenus rursus & inficetiarum, proxime a nobis recensendus, totam pæne Hungariam deridendam propinavit eruditis: tantum abest, ut, quod Autor volebat, effecerit. Quod ad mantissam *Petersii* attinet, continet illa *Episcoporum Hungariæ ad P. P. Concilii Tridentini*, in his, *Draskoviczii*, Episcopi Quinqueecclesiensis, *Orationes*; *Diploma Ferdinandi II* de redimendis & non oppignorandis bonis ecclesiasticis; *Conventum Episcoporum Hungariæ*, adversus declarationem Cleri Gallicani de potestate ecclesiastica, habitum Tyrnaviæ 23 Oct. A. 1686; *Protestationem & contradictionem venerabilis Cleri Hungariæ*, factam coram dietali & articulari Commissione, Pesthini celebrata A. 1721 d. 21 Maji. Notandum, hac protestatione, quam vocant, quæcunque *Carolus VI*, Imperator gloriosissimæ memoriæ, ut legibus satisfaceret, Protestantium postulata admittere ad animum decreverat, evertere Clerum Romanum voluisse, eoque adigere optimum Principem, ut duriora meditaretur. Illud profecto ridiculum est, *protestari & contradicere decretis legitimi Principis*, atque eodem illo tempore profiteri, fieri id *salva sua Maj. sacrat. Caf. Regiæ, & ejusdem excelsæ commissionis, autoritate*. Hoc idem est, ac una largiri manu, quod aufers altera. Agmen claudunt *Petri Illicini*, cujus priore Tomo Parænesin exhibuerat *Petersius*, *Sermones X de recta fidei dignoscenda regula*; quos, si nos consulisset Doctissimus Editor, suavissemus omittendos, propterea, quod, quemadmodum alio loco de Parænesi diximus, (*Nov. Act. Erudit. Anni 1743 Mense Majo pag. 254, 255*), nihil ad rem faciunt, quot-

quotquot sunt, pueriles prorsus doctoris illius declamationes; detorsionum & depravationum dictorum Scripturæ sacræ non minus, quam veteris ecclesiæ Patrum, plena sunt omnia. *Indoctum doctumque fugat recitator acerbus.* Atque hic terminus est operosissimi Voluminis *Peterfyani*, quod, uti causa postulabat, recensitum credimus. Tu, si nobiscum sentis, erudite Lector, Eruditissimo Viro omne felicitatis genus ex animo precare, atque imprimis, nam sat est beatus, *bonam mentem.* Ceterum,

*Si sapias, hospes abi, miserum ne tange libellum*

CHRISTIANI EBERHARDI WEISMANNI *Introductio in Memorabilia ecclesiastica Historiæ sacræ Novi Testamenti, ad juvandam notitiam regni Dei & salutem cordisque humani salutarem, plena & facili methodo olim consignata, nunc vero cum cura & delectu revisa, emendata, atque aucta, adjecto Indice locupletissimo.*

*Tomii II.*

Halæ Magdeburgicæ, sumptibus Orphanotrophei, 1745, 4.

Tom. I Alph. 8 plag. 14, Tom. II Alph. 7 plag. 18.

**V**aria maximeque diversa de libro hoc tum, cum primum in lucem exiret, hominum doctorum judicia fuisse, nemo, nisi qui in literaria nostri temporis Historia prorsus hospes est, ignorare potest. Ipse Autor Venerabilis, a studio partium alienissimus, diffiteri hoc nequit, in Præfatione nova, libro præmissa, ingenue affirmans, multos fortum hunc suum nactum fuisse adversarios. Incidebat inprimis ætas ipsius in tempora ista turbulenta, quæ *Arnoldianis* monumentis ecclesiasticis erant insensibilissima, unde quodam quasi fato accidit, ut, quæ in totum vulgo ecclesiasticæ Historiæ studium, eadem in Opus hoc *Weismannianum* tela vibrarentur. Accedebat huc alia externa quædam causa, in titulo conspicua, amplificam

simam viris male sentientibus occasionem livoris excitandi præbens. Ea enim Autori mens erat, ut non res solum in cœtu sanctiori gestas, & memoria dignissimas, enarraret, sed suas etiam, ad pietatis studium spectantes, observationes adderet, ut haberent lectores, quod discerent ex varia ecclesiæ fortuna. Aliis ipsa hujus libri conscribendi ratio minus se probabat, qui vel amplitudinem ejus, si pro *Compendio* habendus esset, vel brevitatem, si pro consummato opere vendicaretur, reprehensione non indignam judicabant. Emergit tamen postea ex his velut procellis liber, ex quo sensim sensimque eorum crevit numerus, qui ad Autoris partes transierunt, quorum aliis pragmatica Historiam ecclesiasticam condendi ratio, aliis candor scribentis, aliis delectus argumentorum, aliis grave dicendi genus, mirifice placebat. In universum quidem Noster monet, mores hujus seculi ita esse comparatos, ut hoc literarum genus paucos admodum amatores inveniat. Isti enim, qui Atheorum & Deistarum sequuntur castra, quorum insignis proh dolor! nostris temporibus numerus animadvertitur, facile ab Historia Ecclesiastica vacant, reputantes omnia fabulosa & ania, quæ de cœtu sanctiori in scriptis inveniuntur monumentis. Aliis Historia ista nullo fere est usui, nisi ut occasionem inde accipiant contemnendi, exhibendi, exagitandi, Clerum, & quævis Acta ecclesiastica, quorum carpendi pruritus eo etiam invaluit, ut vel vilissimus quisque ab hac male sana cupiditate animum revocare nolit. Indocti, rerumque omnium utilissimarum ignari, facile patiuntur, rerum, ante se gestarum, notitia se carere, ne forte habeant, quod molestiam animo, discendi haud valde cupido, pariat. Alios temeraria invasit consuetudo, ex *libris diurnis* nostrorum temporum, quantum per otium licet, aliquid arripiendi, nec in summam rerum ulterius inquirendi, ut tempus modo fallere, &, si opus est, temere garrere, non docte aliquid disserere, calleant. Multi etiam, suis plane innutriti circulis, in Historia ecclesiastica vix inveniunt quidquam, quod placeat, inprimis sicubi metus suboriatur



non levis, ne tot res, memoriæ atque imaginationi inservientes, de habitu atque acumine demonstrandi sensim sensimque aliquid, vel minimum, detrahant. Pontificiæ religioni additi nunquam aliud quidpiam pro genuina Historiæ ecclesiasticæ parte agnoscunt, nisi quod per fas & nefas, (ita Autor ait,) vel sponte sua, vel per torturam, cum eo conspiret religionis systemate, quod ipsis, Dei instar Termini, immobile est. Quicquid igitur ipsi literis consignant, historia est. Reliqua omnia, quæ ipsis scribere non licet, pro fabulis atque mendaciis putidissimis habentur. Hinc fit, ut Junonem pro nube accipiant, & falsis speciem veritatis concilient, ac veris falsitatis larvam induant. Qui puriori sunt doctrinæ assueti, nihilo magis puri semper in condendis rerum gestarum monumentis inveniuntur. Pro eo quidem, in quo nunc versantur, statu, ita a veteri scribendi ratione degenerarunt, ut, divinante Nostro, si hoc tramite perrexerint, vix appareat, quem usum tandem apud illos habitura sit historia gravis, seria, & religioni legitime inserviens. Ex hoc diverticulo ad suum nunc redit opus, & ad novas ejus edendi curas. Sanctissime asseverat Autor, omnia se relegisse, multa, quæ suppeditaverit diligentia, autoritas, judicium, ex scriptoribus, recens editis, adjecisse, &, quæ monita a viris doctis, vel a se ipso minus recta & accurata fuerint cognita, candide & fideliter emendasse. Ipsa libri inspectio docet, ex veritate hæc dicere Nostrium, siquidem insignes plane sunt mutationes & additiones hujus libri factæ, inprimis si ad recentiora tempora superioris Seculi & præsentis animum advertamus. Factum est ex eo, ut *Tomus secundus* integer huic labori soli dicaretur, qui antea res etiam Seculi XVI continebat. Et in eo enarrando nostra etiam in præsentem versabitur opera, ut lectores de supplementis istius erudiamus, omissis reliquis, quæ ex superiori editione sunt notissima, & repeti hic satis commode vix possunt.

Generatim monendum est, insertas esse enarrationes præsentis Seculi rebus gestis e superiori enarratis. Romanæ ecclesiæ addita sunt momenta, quibus tempora *Innocentii XIII, Benedicti*

- Pag. 32. *nedisti XIII, & Clementis XII*, illustriora fuerunt reddita. Ad  
 35. *Benedictum XIV* cum pervenit, metam constituit calamo, ne per  
 lacinias traditionum fortuitarum & incertarum justos historię  
 commentarios præoccupet, vitam Pontificis, huc usque a  
 112. viris doctis maximi habiti, delineaturos, & aliquando eden-  
 128. dos. Scriptoribus etiam ecclesię Romanę novi quidam  
 additi sunt articuli; alii emendati. Plurimam operam in con-  
 171. dendis, atque ex industria describendis, domesticis Pontificio-  
 rum controversiis ponit Noster, quod vel ex historia illa appa-  
 ret, quę doctrinam de Auxiliis gratię, aliisque rebus, controver-  
 367. sam proponit. Ad Constitutionem *Unigenitus* quod attinet, Au-  
 tor non omittit ea pertexere, quę ad historiam ejus perscriben-  
 dam & continuandam pertinere videbantur. Referuntur huc  
 inter alia variata *Ducis Regentis* in Gallia consilia, quę ille, mu-  
 tata mente, iniit, magnam & inexpectatam rerum conversionem  
 368. molientia. Plurimas in hac causa in se suscepit partes *du Bois-*  
*sius*, fidelissimus domini sui minister, purpuram tunc temporis,  
 369. & per eam summam imperii, affectans. Res postea ad *Noail-*  
*lium* perveniebat, patrem purpuratum, cujus quanta fuerit au-  
 toritas in statu isto turbulento, amplius narratur secundum ea,  
 quę ex fide dignissimis scriptoribus proferri possunt, inter  
 quos principem locum tenet Autor vitę *Philippi* Aurelianen-  
 sis, Ducis Regentis, quę A. 1737 prodiit. Is enim plurimam  
 fidem mereri videtur, tanquam vir harum rerum peritissimus,  
 374. sincerus, atque a studio partium remotus. Mentionem porro  
 injicit Noster XII Articulorum, A. 1725 editorum, & non so-  
 lum indicat, quales illi fuerint, sed dijudicat etiam, qualis eo-  
 rum usus ex destinatione Autorum & Approbatorum esse de-  
 378. buerit. Ultima prope scena hujus tragœdię ecclesiasticę,  
 monente Autore, in illis agitur Actis, quę ex miraculis *Pa-*  
*risianis* ortum habuerunt suum. Hęc enim dum intervenie-  
 bant, idem accidit, quod fieri solet, quando incendio suf-  
 focato novus fomes accedit, oleumque infunditur. Maxi-  
 mum enim pars Anticonstitutionaria, vulgo *Jansenistica*, ar-  
 380. gumentum repetebat a miraculis suorum, inter quę *Parisi-ana*  
 omnino eminebant, de quibus varia variorum hic adduntur  
 judicia,

judicia, & ultimo loco commemoratur, fidem miraculorum *Parisi* ab eo maxime tempore decrevisse, quo motus corporis singulares, atque enthufiasmi in conventiculis domestici, accesserunt. Finis hujus concertationis is fuit, ut Constitutio *Pag. 383.*

*Unigenitus* in tota ecclesia Romana victrix haberetur, si victoriam in triumpho externo acceptationis, etiam coactæ, atque per vim extortæ, ponere licet. Omnes enim nostri temporis Episcopi Catholici hanc tenent Constitutionem, sed sensu diversissimo, cum reservationibus mentalibus, contrariis atque arbitrariis explicationibus, pacis potius studio, quam veritatis robore, ducti. *384.*

Stricturæ historicae, quas Autor subnectit, de lectione Scripturæ S. in lingua vernacula licita, vel illicita, miscellaneis multis illustrantur observationibus, ubi tamen inprimis ad ea attenditur, quæ in ipso etiam sinu Romanæ ecclesiæ de hoc argumento occasione versionis *Montenis* fuerunt disputata. Postea historia controversiarum *Courayerianarum* singulare absolvit *Caput*, ubi non de persona ejus solum strictim quædam afferuntur, sed ipsa etiam materia controversiæ copiose pertractatur, cujus quæstio primaria, uti inter omnes constat, de validitate Ordinationis Anglicanæ agitata fuit. *391.*

Argute hic Noster notat, ecclesiam Anglicanam nec magna commoda, nec ingentia damna, pati, quomodo-cunque hanc quæstionem *Courayerius*, vel adversarii ipsius, deserviant. Si prior, inquit, vincat, ordinationes istæ Anglicanæ ratæ quidem sunt & veræ, sed tamen nondum sunt legitimæ, nisi Angli simul ad communionem Ecclesiæ Romanæ transeant, quod illi nunquam facturi sunt propter solam ordinationem. Si posteriores triumphant, lenocinium irenicum, quo per viam istam Anglos captare cupiunt nonnulli, eo fit inutilius, eoque duriores hi redduntur ab illo deceptionis periculo. *394.*

His reliquisque *Conrayerianis* expositis laboribus, stricturæ ex historia missionum & propagationis fidei Romanæ, hoc quoque Seculo continuatæ, exhibentur, ubi nec acerrimæ disputationes de monumentis incertis & apocryphis missionum intactæ relinquuntur. De missionariis ipsis, eorum proprietatibus, intentione, aptitudine, methodoque con- *398.*

*403.*

- Pag. 406. vertendi, nonnulla ex ipsis scriptoribus Romano-Catholicis afferuntur, ut inde de illis judicare liceat. Non omnes hic enarrare juvat missionum Pontificiarum conatus, inter quas præcipuæ nominantur *Sinenses*, *Habessinæ*, seu *Æthiopice*, *Japonice*, 429.  
436. *Siamenses*; *Mingrelice*, *Georgianæ*, & quæ sunt reliquæ. Sequitur nunc historia *Socinianismi*, in qua recentiorum quorundam nomina recensentur, & vitæ inprimis *Guilielmi Whistoni*, 521.  
543 seq. *Crellii*, aliorumque, vel denuo adduntur, vel emendantur.  
568. Ad supplementa historiarum *Quackerorum*, seu *Tremulorum*, usus est Noster historia *Guil. Shewelli*, de hac societate perscripta, non una de causa aliis in hoc negotio præferenda libris, utpote ab Autore profecta, qui testis est domesticus, & ipsius hujus professionis membrum, cujusque diligentia, quam per viginti annos huic collectioni impendit, inprimis est commendabilis. In historia *Mennonitarum* plurimæ *Ruesio* acceptæ feruntur emendationes, qui sua ab Autore laude merito 598.  
617. maclatur. Succedit historia ecclesiæ *Reformate*, in qua additiones doctorum hujus cœtus recentiores apparent, una cum 620.  
675. domesticis quibusdam, ibi enarratis, dissidiis, inter quæ ea controversia non vulgaris est momenti, quæ ab autore *Dodwelliana* dicitur. Error doctissimi hujus viri circa immortalitatem animæ ita hic depingitur, ut statuatur, credidisse eum, animam hominis ex sua natura esse mortalem, nec tamen materialem, quin potius a corpore distingui, nec ita pendere ab ulla re creata, ut, remoto ejus influxu, esse desinat, quin potius, dissoluto corpore, in auram reverti, nequaquam vero cum eo perire. Immortalitatem esse privilegium specialis patris, inter Deum & homines quosdam ex pura gratia facti, adeoque non concedi, nisi quibus pactum illud innotescat; eorum nempe animam, qui Evangelio Christi obediunt, per spiritum, illi superadditum, immortalem reddi; contra animas illorum, qui Evangelio non obediunt, per Dei voluntatem immortales evadere. Obedientibus esse vitam æternam in præmium cum felicitate sempiterna inde a conflagratione mundi dandam, inobedientes vero pœnas manere æternas, & miseriam nunquam desituram. Nec onittuntur hoc in loco controversiæ

troversia *Hatternistica*, quibus *Ponteanus ab Hattern*, Berg-  
 opzomensis, nomen dedit, venenum *Spinofianum* in Catechismo  
 suo depingens, & verbis Scripturæ pallians. Accedamus nunc  
 propius ad Ecclesiam *Evangelico-Lutheranam*, in cujus rebus  
 gestis multa supplentur ab Autore, ita tamen, ut potior eo-  
 rum pars in controversiis ponatur, de quibus, non injucun-  
 dum erit, lectoribus quædam propinare. Primas tenet con-  
 troversia de descensu Christi ad inferos, qui literaliter ple-  
 rumque est expositus a potiore parte nostrorum Theologorum,  
 usque dum post aliorum dubias sententias *Hedingerus* & *Ru-*  
*sus* aliam amplecterentur expositionem, quæ semina discepta-  
 tionum variarum spargeret, quas quidem latius serpere pro-  
 hibuerunt Academia Jenensis Nutritii Serenissimi. Breviter  
 exinde repetuntur controversiæ quædam celebriores de pœni-  
 tentia; quo de contritione, omnibus convertendis necessaria,  
 & desperatione salutari, *Jochii* notissimæ referuntur lites. Am-  
 plior & turbulentior fuit controversia de luctu pœnitentia-  
 li, ab A. 1737 terras Megalopolitanas agitans, & vulgo *Dar-*  
*guncensis* appellata a loco, unde passim hæc doctrina ma-  
 navit ad alios. Quæstio principalis in eo fuit posita, quid  
 per luctum principalem intelligeretur. Describebant vero  
 istam sequenti ratione: Quando homines huc usque securi a  
 Deo excitentur per verbum ipsius ad conversionem & pœni-  
 tentiam, eos ab initio deduci ad cognitionem status sui mise-  
 ri & infelicitis sub peccato & hypocrisi; inde oriri sensum, seu  
 affectum, doloris, timoris, pudefactionis, & indignitatis, vivi-  
 dum, sequi deinceps desiderium liberationis ab hoc statu da-  
 mnationis & accusationis per Christum, sed non sine majore,  
 vel minore, diuturna collisione & luctu carnis & spiritus, car-  
 nis quidem, mutationi huic salutari reluctantis, spiritus au-  
 tem, contra carnem, ejusque resistantiam, in homine pœnitente  
 & excitato pariter repugnantis, tam diu quidem, donec non  
 modo ipsum remissionis & justificationis beneficium, sed et-  
 iam tranquillitas conscientia & certitudo status gratia, conse-  
 quatur. In his omnibus cavendum esse, docebant, ne quis  
 ita a Deo excitatus ante tempus a Deo præscriptum, per co-  
 natus

Pag.

1085.

1088.

1089.

- natus proprios & immaturos, & per anticipationem solatii intempestivi, inde se proripiat; imo potius tutissimum & saluberrimum esse, expectare maturos fructus conversionis & consolationis solidæ ac duraturæ. Hanc summam hujus controversiæ Noster exhibet, & quæ publice privatimque de ea scripta sunt, strictim recenset, hoc memorabile subjungens judicium, optimum esse, si una ex parte desinerent homines se promiscue habere & gerere pro Christianis, quales re vera non sunt, huncque in finem, non per philantropiam, sed secundum dictum verbi divini, statum animæ suæ accurate, & prout necesse est, explorare discerent; atque ex altera ministri ecclesiæ omnes, vitatis utrinque abusibus extremis, graviter, humiliter, prudenter, & cum caritate, ducerent animas ad Deum per Christum sine levitate & sine duritie, quod certe non omnes faciunt. Atque hæc judicandi ratio & controversiæ huic convenientissima, & ecclesiæ utilissima, omnino est reputanda. Huc etiam refertur controversia de confessione privata, & absolutionis indole, cui alia additur, ubi disputatur de pietate, ad essentiam religionis pertinente, aut non pertinente. Nec omittuntur controversiæ de novis versionibus Biblicis, in lingua vernacula editis. Copiosius pertractata hic legitur controversia *Herrenbutiana*, sive cum societate fratrum *Moravorum* disceptata, quæ secundum origines suas, doctores, sententias religiosas, & reliqua fata, describitur. Multa etiam de Ill. Comite *Zinzendorffio* referuntur, & inprimis *Responsi Facultatis theologicæ* commemoratur ratio, quod ipse hic Comes cum *Steinbofero* sibi expetierat. Interim, addit Noster, certum est, id Responsum societati *Herrenbutianæ* pro illo statu, in quo tunc temporis erat, datum fuisse, ad mutatas vero illius condiciones, & secutas postmodum res circumstantes deteriores, nec posse, nec debere, applicari. Unde etiam factum esse, Autor scribit, ut nunquam necessarium visum sit, publico nomine respondere ad vellicationes odiosas, quas hinc inde a notis Autoribus provenisse scimus. Miramur tamen, de doctrinis hujus societatis nihil ab Autore summatim recenseri, nec capita potiora uno intuitu oculis lectorum subjici.

Fideliter

Fideliter tamen recensentur, quæ ultro citroque dicta & fortiter proposita sunt, quibus hoc additur Autoris judicium: Usus hujus historię, arduus sane, neque in absoluta & illimitata defensione hujus causę, neque in simili ejus oppugnatione, quærendum esse, sed in conscientioso pretiosi a vili, veri a falso, utilis ab inutili, discrimine. Optat denique Noster, ut memorabilis hæc societas in illis bonis, quæ Deus in eam vere contulit, constanter permanisset sine tot accessionibus & mixturis, quæ ei in summa rei & in principe causâ plus nocuerint, quam profuerint. Magno, inquit, hoc opus probatorio labore indiget, cui non merum aurum argentumque cum margaritis, sed plures, quam forte agnoscitur, stipulę, plura ligna & fœna combustibilia, si non & passim his pridra, hinc inde superstructa sunt. Reliquas controversias, ut *Melodianas, Haferungianas, Nordbusanas*, & quæ sunt reliquæ, in ecclesia nostra natas atque demortuas, consulto Noster omisit, & his omnibus, quæ relata erant, porismata quædam, salutaria sane & lectu dignissima, adjecit. In reliquis historię partibus, quæ *Arminianismi*, & ecclesię *orientalis*, faciem depingit, pauca fuerunt, quæ de novo fuerunt adjecta. In stricturis tamen *Atheismi* & *Deismi* celeberrima, aut famosissima potius, recentiorum Autorum adjecta sunt nomina; quæ *Notitia* Scriptorum quorundam insignium excipit, & characteris eorundem historia, ex judicio critico virorum doctorum, quandoque etiam ipsius collectoris, delineati. Ceterum nec id Lectores celare debemus, Autorem Celeberrimum, quem nuper ad Superos abiisse accepimus, data-quavis occasione *Edzardi* respondisse scripto, quod contra priorem hujus Historię Ecclesiasticę editionem in medium proferre non dubitaverat. Locupletissimus Index Operi universo colophonem imponit, cujus iteratas curas majores Autori laudes, & lectoribus insigniores fructus, collaturas esse, optimus quisque judicabit.

Pag.

1145.

1185.

1229.

1243.

*DE LITURGIA ROMANI PONTIFICIS IN SO-*  
*lenni celebratione Missarum Liber tertius. Ubi sacra*  
*mysteria ex antiquis Codicibus, præsertim Vaticanis,*  
*aliis-*

aliisque monumentis, plurimum illustrantur, cura & studio DOMINICI GEORGII, ex intimis SS. D. N.

Benedicti XIV, Pontif. Max. Sacellanis.

## Tomus II.

Romæ, typis Nicolai & Marci Palearini, 1743, 4 maj.

Alph. 2 plag. 19.

*Libro hujus Operis primo & secundo, de quibus in his Novis Actis A. 1732 Mense Febr. pag. 91 seq. diximus, succedit tertius, inscriptus sanctæ memoriæ Benedicto XIII, a quo ad illum laborem exstimulatum se dicit Rev. Autor. Hunc, quod novum aliquibus ἀπεδείκνυται Pontificiæ specimen videri potest, non aliter compellat, ac si omnia tueretur, suarumque molitionum conscius esset, ejusque precibus hoc in acceptis refert, quod Benedictus XIV sibi adeo beneficium se præbuerit, & edendo huic Operi sumtus liberali manu ministravit.*

Absolvitur *Volumen* hoc partim *Dissertationibus*, partim *tradatione* argumenti propositi. *Dissertatio I* agit de *Hierarchia ecclesiastica sanctæ Romane ecclesiæ*, ejusque *Caput I* de *Episcopis*. Romano Pontifici, sacram cœnam celebranti, sex ordinum ministros, *Episcopos, Presbyteros, Diaconos, Subdiaconos, Acolythos, & Cantores*, adfuisse, testimonio *Innocentii III & Durandi* probat Autor, addens *Lectores*, quo sic septenarius numerus sibi constaret. Sed, hos ab antiquissimis inde temporibus obtinuisse, ex autoritatibus illis, quas adducit, non patet; hoc tantum inde perspicitur, Episcopos Romanos Episcopis, ad urbem venientibus, potestatem sacris litandi haud raro fecisse. Hi primum ab *Anastasio A. 769* dicuntur *septem Episcopi cardinales, urbis Episcopi, & Episcopi Romani* in inscriptione antiqua, primum edita a *Mabillonio, Episcopi hebdomadarii*, per hebdomadem, vicibus mutatis, muniis sacris vacantes, *Vicarii* denique Pontificis Romani, quia, expleta hebdomade, ad sedes suas redibant. *Capite II* de *Presbyteris* agit Rev. Autor. *Presbyteros cardinales* repetit ab exordiis sedis Apostolicæ. Hi parochiales ecclesias urbis regebant, quorum singuli singulis primum adscripti erant,



erant, inde plures, quorum princeps *cardinalis* dicebatur. *Archipresbyter* erat, qui priorem locum obtinebat in ordinatione alicujus tituli, atque iste Seculo VII & VIII, vacante sede, una cum Archidiacono & primicerio Notariorum regebat ecclesiam, & literas suo atque illorum nomine usque ad consecrationem novi Pontificis scribebat. Quot autem horum fuerint, cum subscriptiones multum varient, definiri nequit. *Sixtus V*, publico decreto edito, hos deinceps 50 futuros esse, statuit. *Caput III de Diaconis* inscriptum est. Horum septem Pag. 14-  
a *Petro* Romæ institutos fuisse, opinatur Autor, *regionarios* di- 24.  
ctos, quoniam septem regionibus ecclesiasticis præerant, quo-  
rum primus *Archidiaconus* appellabatur. Præter illos septem 24-28.  
erant alii Diaconi in ecclesiis urbis, qui titulares dicebantur. Numerus Diaconorum *regionariorum* & aliarum ecclesiarum non semper erat idem. Distincti illi fuerunt in *regionarios* & *palatinos*. Diaconos cardinales *Sixtus V* ad quatuordecim reduxit, & quæ diaconatui retinendæ essent, edixit, atque hi Pontifici, missam celebranti, inserviunt, qui quibus vestibus fuerint 28-41.  
amicti, ab Autore exponitur. Ex septem Diaconis regionariis unus nominabatur *oblationarius*, cujus erat, *oblatas*, id est, panem & vinum, ubi Pontifex missam paraturus erat, Archidiacono porrigere. *Capite IV de Subdiaconis* docemur. Horum initio pariter septem fuere, *regionarii* dicti, quos *Fabianus* Pontifex creasse dicitur. Primus nuncupabatur *Archisubdiaconus*, item *prior Subdiaconus regionarius*, quorum numerus cum tempore ad 21 ascendit. Distincti fuerunt in *regionarios*, *palatinos*, & *santores*. Palatinis etiam nomen erat *basilicariorum*. Integrum collegium *schola basilice*, & *cantorum schola cantorum*, appellabatur. Horum autoritas non erat spernenda. Subscribebant antiquitus Conciliis Romanis, aut decretis Pontificum, in iisdem datis, electionem Pontificis suo assensu comprobabant, & quæ hujus generis alia erant. Hi in subscriptionibus variis veniunt nominibus, quorum rationem dat Venerandus Autor. Ex horum ordine erant *Capellani Pontificis*, primum Seculo XI memorati, qui diplomatibus Apostolicis dandis præfecti erant, quo ipso nomine insigniuntur auditores causarum sacri palatii, quorum primum mentio fit in literis

- Pag. 58- Apostolicis *Joannis XXIII*, A. 1410 d. 25 Maji datis. Subdiaconorum numerus certus non fuit, quorum ordo, cum officium venale esset factum, integer est abactus ab *Alexandro* 64.
- 64-67. VII. Quis magister sacri palatii, & quod hujus officium, fuerit, quibus testibus Subdiaconi fuerint usi, declarat Autor, dissertans de *planeta, tunica, rocco, sudario*. *Capite V* de *Acolytis* disseritur. Illos itidem primo jamdum tempore locum habuisse, affirmat Autor, Diaconorum imperio subiectos, divisos in *palatinos, stationarios, & regionarios*. A vigesimo ætatis anno muneribus admovebantur, in quo ubi bene se gessissent, ad Diaconatum, quinquennio elapso, promovebantur. Hi aliquando diplomata Pontificum dederunt, & electioni horum interfuerunt, suppressi ab *Alexandro VII*, constitutis duodecimviris, quos *signatura justitiæ* vocantes vocarunt. De horum vestibus & muneribus 74-80.
- 80-82. Autor deinde loquitur. *Caput VI* de *Lectoribus* exponit. Hi memorantur jamdum A. 251, ex quibus aliqui ad episcopalem, imo pontificium, apicem assurrexerunt. Pueri ubi legebantur, ad annum ætatis 20 munere hocungebantur. Poterant uxorem ducere, sed, qui viduam sibi adjunxerat, Lector manebat, nec nisi Subdiaconus fieri poterat. Notat *Cangium* Autor, affirmantem, *Cyprijani* ævo solos provectæ ætatis, meritis & doctrina claros, Lectorum muneri admotos fuisse. Quæ horum vestes, itemque munia, fuerint, declarat, interspergens quædam de Lectoribus in ecclesia Africana. Primo horum nomen erat *primicerii*, item *primicerii schola lectorum*. Subjiciuntur aliqua de 82-105.
- 105-113. *Offitiis & Exorcistis* in ecclesia Romana. Sequitur *Caput VII* de *Schola Cantorum*. Cantores Clericis accensentur; collegium quippe, quod scholam cantorum vocabant, septem Subdiaconis constat. Cantus in ecclesia Romana non demum a *Damascio* temporibus obtinere cœpit. Ritus canendi huic jamdum initio Seculi IV peculiaris fuit, quem *Gregorius M.* ordinatius constituit, post ab Anglis, Germanis, & Gallis, adoptatum. Huic fini serviebat certus puerorum numerus, qui in monasteriis in canendi arte instituebantur. Romæ schola cantorum est constituta. Primus illius *primicerius*, item *prior schola*, salubatur, cujus erat, omnia, quæ ad cantum spectabant, ordinare.

nare. Qua ratione cantus & modulatio successu temporis fuerit perfecta, quibus vestibus induti incesserint Cantores, quoque in loco templi munere canendi sint functi, copiose satis Ven. Autor enarrat. Pag. 113. 118. 118-126.

*Dissertationis II*, qua de *libris liturgicis sancta Romana ecclesia* agitur, *Caput I* de *libro Evangeliorum* exponit. Libri liturgici ecclesiae Romanae inde ab antiquis temporibus distribuebantur in *librum evangeliorum*, *lectionarium*, ad legendam epistolam, *librum sacramentorum*, & *antiphonarium*, qui studiosissime asservabantur. Libri Evangeliorum, quibus ad missam utebantur, literis aureis, aut argenteis, in pergameno purpureo scribebantur, ac tabulis, pretiosis lapidibus ornatis, operiebantur, & capsis, auro argenteoque & gemmis insignitis, recludebantur, quales ab Imperatoribus, Regibus, viris principibus, & piis hominibus, ecclesiis donabantur, quorum adhuc aliqui in Bibliotheca Vaticana, ecclesiis, & monasteriis, custodiuntur, quorumque satis prolixam descriptionem Autor exhibet. Singulis sectionibus Evangelistarum, diebus dominicis & festis destinatis, praefixus est indiculus, qui *Evangeliorum breviarium*, & *capitulare Evangeliorum*, dicebatur. *Caput II* est de *libro Sacramentorum Gelasiano & Gregoriano*, & de *missali*. Sacramentorum liber erat collectio precum, quae a sacerdote, administrante Sacramenta, recitabantur. Harum collectionem instituisse fertur *Gelasius*, quasdam tamen anterioribus jamdum temporibus obtinuisse, probat Autor. Codicem *Gelasianum* recognovit *Gregorius*, quo facto, *Gelasianus* in defuetudinem abiit, ut hujus non nisi unus supersit, typis exscriptus Romae A. 1680. Sequentibus temporibus dici coepit *liber missalis & missale*, item *missale plenarium*, in quo singula ad missae celebrationem singulis diebus per annum celebranda continebantur. *Caput III* de *Lectionario* inscriptum est. Etiam hujus usus in missa, continentis lectiones ecclesiasticas, potissimum ex *Pauli* Epistolis excerptas, quae ad missam per annum leguntur, concinnati, uti fama fert, ab *Hieronymo*. Existimat tamen Noster, multo ante hujus aevum certas lectiones, ad missam legendas, in ecclesiis designatas fuisse. Firmat hoc ex Canone paschali *S. Hippolyti* Episcopi, unde patet, cer-

- tas ex utroque Testamento lectiones diebus statis in ecclesiis tertio a C. N. Seculo lectas fuisse. Dicebatur antiquitus *liber comitis*, qui, *Carolo M.* imperante, ab *Alcuino* est emendatus, quod testimoniis *Mabillonii Annal. Benedic. Lib. XXVI Cap. 61 Tom. II pag. 328, & Lib. III Cap. 3 Spicil. Tom. IV pag. 485*, adstruit. Liber comitis a Purpurato *Thomasio A. 1691* luci est datus. Inferiori ætate divisus est in *majorem & minorem*, quorum ille ob epistolarum multitudinem majoris erat molis, hic minoris. Idem nomen habuit *apostoli*, ob lectiones ex *Pauli* Epistolis maxima ex parte excerptas, item *epistolarium*, qui libri pariter eleganti scriptura & aureis characteribus exprimi solebant, & exterius exornabantur, aque viris probis ecclesiis dono dabantur. Sequitur *Caput IV de antiphonario*. Hoc nomine veniunt *antiphona ad introitum*, ut plurimum ex *Davidicis Psalmis* decerptæ; *versiculi duo* ex iisdem; deinde *graduale, tractus, offertorium, & versiculi post communionem*. Seriori ætate accessere *prosa & sequentia*, certis diebus decantanda. Hic vulgo ad *Gregorium M.* refertur; at intercessit *Jo. Ge. Eccardus, Gregorium* non I, sed II, nominans, quem nonse refutat. Cum in Galliis libri antiphonarii corrupti essent admodum, *Carolus M* illos per viros peritos emendandos curavit, & ad 184-192. modulos Romanos revocari jussit. Subjiciuntur aliqua de 192-194. editionibus & Codicibus MSeis antiphonarii.

*Dissertationis III* argumentum est de *Tropis*. Hos definit per versiculos, qui in præcipuis festivitatibus immediate ante introitum canuntur, perinde ac ipsius introitus præludium, cui statim introitus conjungitur. Hi in antiquissimis libris non inveniuntur, & Card. *Bona* testatur, se illos ante A. C. 1000 non offendisse, cui accedit Cl. Autor, affirmans, ante Seculum XI nullum eorum exemplum se deprehendisse, & a monachis primum excogitatos fuisse, inde ad alias ecclesias transiisse. *Ekkehardus junior* in *Vita Norkeri* narrat, ipsum tropos scripsisse, sed, quia is demum Seculo XIII floruit, idoneus testis haberi nequit. Exempla horum troporum ex Codicibus in 195-204. dium affert, & quibus nominibus illorum libri indigitati fuerint, tradit.

*Dissertatio IV* de *prosis & sequentiis* agit. *Prosam & sequentiam,*

quentiam, quæ voces seculis barbaris natæ, non unum idemque, quod *Cangius* existimat, significare, observat Autor, largiens, apud Germanos Seculo XI *prosam* & *sequentiam* pro uno eodemque habitas fuisse. Autorem sequentiarum citant alii *Gelasium*, alii *Gregorium M.*, alii *Notkerum*, quorum opinionibus expensis, concludit Autor, *Notkerum* primum illarum autorem dicendum, ita tamen, ut alii post alios sequentias quasdam adjecerint, quarum initia cum adjectis in margine Aurorum nominibus in subiecta tabella exhibet, & varios Codices atque editiones inter se contendit. In Romana ecclesia ante Seculum Pag. 205.  
X sequentiæ nullæ obtinuerunt, Seculo XI in urbis ecclesiis in 230.  
usu esse cœperunt, Seculo XII in sacris Pontificiis, in die natalitio Domini, & paschatis, inter, prandendum sunt adhibitæ; his quippe diebus Pontifex, peractis sacris, cum Episcopis & aliis ordinibus cibum sumere solebat; cantores igitur iussi sunt sequentiam decantare. Erat sequentia veluti appendix illius modulationis, quæ a cantoribus post alleluja usurpabatur, & in longum protrahabatur.

Has Dissertationes excipit *Liber III de Liturgia Romani Pontificis in solenni celebratione missarum*; cuius *Capite I* docetur, qua ratione Pontifex ad rem sacram faciendam ad altare processerit. Præcedebat Subdiaconus, ferens thymiaterium, suffitum adolens; præsto erant duo acolythi, vās, in quo eucharistia condita erat, manu tenentes, ac Pontifici ostendentes, quam is adorabat; qui mos vero præferendi *sancta*, quo nomine antiquitus eucharistia veniebat, post in desuetudinem abiit. Præferebantur item septem candelabra. Qua ratione vero hic variatum fuerit sequenti tempore, subdit. *Capite III* morem, quo Episcopi & secretario ad altare a Seculo IX ad XIII processerint, exponit. *Libros plenarios*, quos *Honorius Augustodunensis* nominat, non eosdem vult esse, quod *Cangius* iudicat, cum *missalibus plenariis*, sed potius de *Evangeliorum* libris intelligit *Capite IV*. Qua ratione Pontifex a Seculo IX ad XIII ad sacra in altari faciendā, & quibus comitibus, processerit, docetur *Capite V*, ubi de *mappula*, sive baldachino, quæ super caput Pontificis ab ingressu ecclesiæ ad altare usque a cubicula-

- Pag. 22-  
26. riis extendebatur, quædam inspergantur. *Capite V* procedendi ceremoniæ, Seculo XIV, XV, & XVI, usitatæ, enarrantur, quæ hodierno adhuc die obtineant, in quibus omnia ad pompam & magnificentiam sunt comparata, à simplicitate Christiana immane quantum discedentia. *Capite VI* indicatur, qua re differat hodiernus Pontificis ad sacra solennia procedendi modus ab antiquo. *Capite VII* agitur de *antiphona ad introitum*. *Antiphona* erant breves sententiæ, ex variis *Psalmorum* verbis desumptæ, & alternis vicibus a duobus choris cantorum decantatæ. *Ad introitum* dicebantur, quia canebantur, usque quo Pontifex ad exordium missæ perveniret. Has primas *Cælestinus* instituisse perhibetur. *Capite VIII* commentatur Autor de sedibus Episcoporum, quæ reliquis erant altiores, ad quas tribus adscendebatur gradibus, quippe pretiosis aulæis velabantur. *Capite IX* sermonem facit de confessione, quæ fiebat verbis illis: *Judica me Deus*, quam Pontifex, accessurus ad altare, edebat, quem morem octingentis annis antiquiorem non esse, pronuntiat. In illis autem confessionum formulis multum est variatum, itemque precibus, quas post illam confessionem fundebat, quarum formulas aliquot Autor exhibet, quarum quædam directæ ad *B. Mariam*, Sanctos, Martyres, & Confessores, quæ multam superstitionem redolent. Quoniam autem Pontifex, vel quivis alius Episcopus, sacra faciens, ubi precatus erat: *Oramus te, Domine, per merita & patrôcinium omnium sanctorum, & eorum, quorum reliquiæ hic sunt* &c. altare osculabatur, nullum altare consecrari poterat, sub quo non reliquiæ Sanctorum conditæ essent, quæ aliquando in altari ponebantur, & miraculum patrasse jactitantur. *Capite X* Autor differit de osculo, quo Pontifex, vel Episcopus, missam celebraturas, venerationem suam testabatur altari, itemque libro Evangelii. *Capite XI* sermonem facit de usu thuris in ecclesia Romana, potissimum ubi Pontifex ad altare vadebat, & prope altare stabat, quem morem ex Apostolorum temporibus accessit, provocans ad adolendi ritum, in Vet. Testamento usurpatum, nescius, umbras istas, Christo corpore præsentem, evanuisse. Canones, sic dicti, Apostolici, recentioris ævi, rem non faciunt.

conficiunt. *Caput XII* est de usu precationis *Kyrie eleison*, & Pag. 72-  
*Christe eleison*, autē missæ celebrationem, quæ a schola canto- 77.  
rum intonabatur post cantatam antiphonam ad introitum, ubi  
Pontifex, oratione facta, ad sedem suam accessisset. Excipiebat proxime hymnus: *Gloria in excelsis Deo*, de quo *Capite XIII*, quem Pontifex stans inchoabat, chorus reliqua accinebat. Cum tempore variæ accessiones sunt factæ, interdictæ a *Nicolao V*, post Concilium Tridentinum prorsus sublata. 78-92.  
Originem hujus hymni canendi, dum missa celebraretur, vulgo repetunt a *Telesphoro*, qui illum cantari voluerit nocte, diem Christi natalem antecedente, dum missa fieret, *Symmachus* ad dies dominicos & natalitios Martyrum transtulit, alii additamenta quædam adjecerunt. Tempore quadragesimali ad Pascha usque intermittebatur, nisi dies festi intercurrerent, in aliis ecclesiis toto tempore adventus non audiebatur. In 92-99,  
quibus præterea festivitatis cantio hæc fuerit adhibita, docetur *Cap. XIV*. Finito hymno, Pontifex, vel quicumque Episcopus, ecclesiam salutabat, *pax vobiscum*, concione respondente, & cum spiritu tuo. Presbyteri diebus quadragesimæ, & quatuor temporibus, sive in vigiliis Sanctorum & reliquis jejuniorum diebus, dicebant: *Dominus vobiscum*, accinente populo: & cum spiritu tuo. *Cap. XV* de oratione ad missam verba 99 104.  
facit Autor. Orationes, quæ nunc obtinent in ecclesia Romana, *Tomasio* iudice, a *Constantini M.* ætate repetendæ sunt, aliæ a *Leone M.* elaboratæ, auctæ & restitutæ identidem a *Gelasio & Gregorio M.*, quorum uterque illas singulari studio collegit, a quibus sacramentarium *Gelasianum & Gregorianum* nomen tulit. In basilica Lateranensi Seculo XIII usu fuit receptum, ut in missa & divinis officiis loco precationum liturgicarum oratio dominica adhiberetur. Conclusio orationis erat, per do- 104-108.  
minum nostrum *Jesus Christum*, qui tecum vivit & regnat in unitate Spiritus sancti, quo sic publica Trinitatis confessio edebatur. Ultima verba erant, per omnia secula seculorum, quibus prolatis, populus dicebat amen. *Cap. XVI* exponit ritum 108-110.  
legendi epistolam, quod fiebat a Subdiacono, qui illam non *Latine* solum, sed & *Græce*, in gratiam illorum, qui Latini sermonis 110-122.

- monis expertes erant, prælegebat. Sub finem lectionis populus acclamabat, *gratias Deo*, etiam antiquioribus temporibus, *pax tecum*. Finita lectione, Subdiaconus osculum figebat Pontifici. *Innocentius III* instituit, ut calceo suo osculum
- Pag. 122-133. imprimeretur. Post epistolam, ut ex *Capite XVII* discimus, canebatur *Psalms*, qui dicebatur *responsorius gradalis*, sive *responsorium gradale*, quia, uno canente, chorus consonando respondebat, & quod juxta gradus pulpitis cantaretur. Responsorium instituebatur ex inferiori gradu ambonis, sequebatur *alleluja*, quod, uti ex *Augustino* videre est, in ecclesiis Africanis diebus dominicis, & quinquaginta a festo paschali ad Pentecosten usque diebus, audiebatur, in Romana ad missas
- 133-141. etiam extra Pentecosten decantabatur. Sequitur *Caput XVIII de Evangelii lectione*. Fiebat illa post epistolam, & quidem munere illoungebatur *Diaconus*, vel, illo deficiente, *Presbyter*, qui, accedens ad Pontificem, illius pedes osculabatur, & his verbis dimittebatur: *Dominus sit in corde tuo & in labiis tuis*. Huic duo candelabra & duo thuribula præferebantur. Lectio instituebatur ex ambone primum Latine, inde Græce. Populus salutabatur his verbis: *Dominus vobiscum*, cui hic respondebat: *& cum spiritu tuo*. Inter legendum omnes capite detecto stabant, &, qui baculos manu gestabant, illos deponebant. Morem Latine pariter & Græce legendi Evangelium & epistolam repetit Autor ex Seculo XII. *Joannes VIII* Slavonis permisit, ut idiomate Slavonico legeretur, ita tamen, ut lectio
- 141-163. Latina præmitteretur. *Capite XIX* quædam asserit Autor de sermonibus sacris post Evangelium inter solennia missarum. Hi ex antiqua consuetudine habebantur ab Episcopis & Pontificibus, quod cum de posterioribus neget *Sozomenus Hist. Eccles. Lib. VII Cap. 19*, contrarium exemplis, tum antiquis, tum recentioribus, *Clementis* potissimum XI & *Benedicti XII*, demonstrat.
- 164-174. *Capite XX* inquiritur in originem Symboli, in missa cantandi. Mos hic primum obtinuisse videtur in ecclesia orientali; in occidentali non *Damasus* invexit, sed demum a Seculo VI, & quidem post Concilium *Toletanum III*, habitum A. 589, vigere cœpit. Maxime invaluit hæc consuetudo in ecclesia Romana

ante



ante Seculum VIII, sed tamen subinde etiam lectum. Prius, quam **Pag. 175-**  
ad celebrandam missam se accingerent, Diaconus aliquis **cor-** **185.**  
**porale** super altare extendebat, quod docetur *Capite XXI*. Erat  
**corporale** sindon, sive linteum, tantæ capacitatis, ut operiendo  
altari sufficeret. *Offertorium* erat cantus, ex *Psalmo* quodam **184-188.**  
fere semper sumtus, qui canebar, dum fideles oblationes  
suas ex vino & pane offerrent, cujus rei rationem arcessunt  
ex sacris Ver. Test. in quibus durante sacrificio Levitæ hymnos  
sacros, comitantibus instrumentis musicis, concinebant. *Capite* **189-195.**  
**XXII** disquisitio instituitur in primam oblationum originem.  
Panem & vinum ex antiquissimo ritu deferabant ad Episco-  
pum & Presbyteros, quod ex Canonibus Apostolorum *Can.*  
*III Iustini Apol. II edit. A. 1615* & aliis probat. Munera hæc  
solum accipiebantur à fidelibus, non a pœnitentibus, nec il-  
lis, qui sacrorum communione exclusi erant. *Oblatarum* no- **196-201;**  
men primum Seculo VIII ortum esse observat, quæ multa cura  
ante diem natalem, vel resurrectionis Christi, ex pane coloris  
candidi conficiebantur, quæ erant *tenuis & graciles*, sed paulo  
*grandiores*, quam in præsentia, quia olim in plures partes  
frangebantur. Erant rotundæ, figura crucis notatæ. Quam- **201-202.**  
diu vero mos iste offerendi viguerit, cum successu temporis  
loco munerum numi in usum pauperum & parochorum suc-  
cesserint, succincte docet. *Cap. XXIII* exponit de actionibus **202-212.**  
Pontificis post susceptas oblationes laicorum. Illis acceptis,  
Pontifex redibat ad sedem suam, & manus lavabat, qua  
in re ministerium ipsi præbuerunt Diaconi, interdum Subdia-  
coni, aquam subministrantes, assistentibus Presbyteris. Dif-  
ferit dehinc de oblationibus Episcoporum, Presbyterorum,  
Diaconorum, & ministrorum, de calice & oblati in altari lo-  
catis, palla item, qua hæ cooperiebantur. Exhibet porro  
diversas precum formulas, quæ fundebantur, ubi oblata al-  
tari imponebantur, & suffitus in thuribulum immittebatur &  
incendebatur. Hoc facto, Pontifex & Episcopi manus iterum **213-228.**  
lavabant, recitantes partem *Psalmi: Lavabo inter innocentes &c.*  
qui ritus inde a Seculo XIV in usu esse cepit. Tunc Pontifex **228-229.**  
& ceteri omnes, dicta oratione, *suscipe sancta Trinitas*, vertunt

se ad populum, dicentes voce clara & perspicua, *orate fratres*; inde concio preces allegabat ad Deum, ut sacrificium in ipsius (offerentis) & omnium salutem accipere velit. Describuntur denique ritus, ac orationum initia proferuntur, quæ ad oblationem hostiæ & calicis, itemque suffitus, factæ, inde a Seculo XIV ad præsentem ætatem usque recitatur. *Capite XXIV* loquitur de oratione, quam liturgici scriptores *secretum* appellant; eo quod a celebrantē sacra mysteria *secreto* dicebatur, quaque Deum invocabat, ut oblata recipere dignetur, cujus appellationis rationem ex libris ritualibus adstruit. Index rerum copiosus satis subjicitur. Eruditissimus Autor in hoc Opere industriam suam satis superque demonstratum ivit, ea ex variis libris Romanæ ecclesiæ ritualibus & foris descriptis, & manu exaratis, congerendo, quæ ad institutum ipsius facere poterant. Et utilis potest esse opera hæc societatis Romanæ doctoribus, quo inde multiplices illos ritus, eorundemque variationes, addiscant. Alii inde humanæ sapientiæ negotiosam occupationem circa religionis externæ ceremonias perspicere possunt, quæ, non contenta simplicitate, omnia ad externam pompam convertit, quo plebs rudis illis sub specie devotionis detineatur, & ne rationes illarum desint, significationes mysticas & spirituales excogitat. Simul aliquis ista legens in hanc ingredietur opinionem, fieri non posse, ut sacerdos Romanus, sacra facturus, cujus cogitationes in harum illarumve ceremoniarum observationem rapiuntur, intentionem semper in animo habere possit, a qua tamen omnis Sacramentorum & rerum sacrarum vis, ex illorum sententia, pendet.

VITA DEL CARDINALE GASPARO CONTARINI, &c.

id est,

VITA PURPURATI CASPARIS CONTARENI,  
*scripta a LUDOVICO BECCATELLO.*

Brixia, ex typographia Joannis Mariæ Rizzardi, 1746, 4 maj.

Plag. 20.

Edidit

**E**didit librum Eminentiss. Purpuratus *Quirini*, præfexus Bibliothecæ Vaticanæ, Episcopus Brixienfis. Inscripsit eundem Illustrissimo ac Reverendissimo Domino *Josepbo Thunn*, Episcopo Gurcensi. Formula dedicationis sustinet vicem Præfationis omnino copiosæ. In eo totus est & assiduus Vir Emin. ut *Pauli III* Purpuratos, in quorum numero fuit *Contarenius*, vindicet præstantissimos, *Paulum III* extraneos collocet, ac, velut aliud agendo, auctoritatem Concilii Tridentini commendet quibuscunque. In Præfatione eundem insitit Autor tramitem, eodem sudat in clivo. Inserit libro icona *Contareni*, quam versiculi hi exornant, infra positi:

*Si velut egregia pictura, maxime Caspar,*

*Est expressa tui corporis effigies;*

*Sic divina tuæ potuisset mentis imago*

*Pingi, nil oculi pulchrius adspicerent.*

Vita *Contareni* primum edita fuit *Tomo III* Operis, quod inscribitur *Collectio Epistolarum Card. Reginaldi Poli*, sed nondum ad nos perlato. Decerpemus exinde epitomen qualemcunque. Lucem vitalem *Contarenius* adspexit Venetiis A. 1483, 16 Oct. genere nobilissimo procreatus, patre *Ludovico Contareno*, matre *Polyxena Malipiera*. *Thoma* gavisus fuit fratre. Mater ipsi nomen ex Magorum uno, ad Jesulum veniente, impertivit. Mercatura nobiliori ipsum destinaverat pater. At, ex quo ardorem celeriter arripiendi ea, quæ edocebatur, pervidit, a literarum studio eum avocare religioni sibi duxit. *Caspar Venetus* a *Georgio Valla* & *Marco Antonio Sabellico*, eruditissimis hominibus, Latinæ linguæ elementa accepit. *Antonio Justiniano* & *Laurentio Bragadino* præeuntibus, initia Logices hausit. A. 1501 pater eum Patavium ire iussit, ut studiis Academicis imbueretur. Græca didicit hic a *Marco Masuro*, Græco, ac Philosophiam *Aristotelicam* a *Petro Mantuano* edoctus est. Exsplendescbat tunc Patavina Academia disciplinis ac scientiis. Florebat ea *Andrea Naugerio*, *Marco Antonio*, *Baptista de Turri*, *Hieronymo Fracastorio*, & *Baptista Egnatio*, historiarum ponto. Obiit *Caspari* pater A. 1502. Bellis involveba-

Pag. 2.

3.

- tur id ætatis Respublica Venetorum, Principibus multis A. 1509 adversus eam veluti conspirantibus. Rediit *Caspar* tunc Venetias. Legationem suscepit ipse A. 1521 ad Cæsarem *Carolus V*, Wormatiæ tunc agentem, salutis rei publicæ suæ consulturus. Cæsar A. 1522 in Hispaniam redire constituit.
- Pag. 5. Gubernacula Belgii inter hæc tradidit Cardinali *Hadriano* Dertosenfi. Venit Romam, ac, *Hadrianus* ut in Pontificem eligeretur, ibi studium impendit. Rediit *Carolus V*, ac in Angliam ad affinem *Henricum VIII* iter fecit, unde in Hispanias, *Contareno* comite, trajecit. *Ferdinandus Magellanicus* ab A. 1519 ad 1522 orbem circumnavigavit Ut gratularetur Respublica Imperatori fastigium dignitatis Imperatoriæ, ipsa ad *Carolus V* ablegavit *Laurentium de Priuli*, postea Venetorum Ducem, ac *Andream Naugerium*. Rediit *Contareno* in patriam, crevitque in dies autoritate ac fama. Missus est ipse
9. Romam a Venetis, legationem obiturus, Florentinis anno 1527 Mediceæ genti repugnantibus. *Clemens VII*, Bononiæ Imperatori diadema supremum impositurus, *Contareno* stipatus, de Venetis cum *Carolo V* reconciliandis cogitavit. Huic se denuo approbavit *Contareno*, pacemque vidit refartam, a Venetis capropter renuntiatus *Consultor magnus*. Ex eo tempore negotiis maximis domi operam suam accommodavit. Successit *Paulus III Clementi VII*, A. 1534 vergente debitum
11. naturæ solventi. Ab hoc *Paulo Contareno* A. 1535 ipse septimus in Purpuratorum ordinem evectus est. Sex reliqui recens electi Cardinales erant Episcopus Rossensis, in Anglia adhuc captivus, Archiepiscopus Capuanus, Episcopus Parisiorum: *Bellajus*, tunc Romæ legatus *Francisci I*, *Simonetta*, Episcopus Pefarenfis, Auditor Rotæ celeberrimus, *Ghinuccius Camera Auditor*, & *Caracciolus*, Protonotarius, Duci Mediolanensi gratus. *Contareno* consiliarii munere gaudebat id temporis apud Venetiarum Principes, præter omnem opinionem honoribus, quo Purpurati ornari solent, mactatus. Tonfuram primam ac ordines minores suscepit. Fratres & amici honorariis ipsum coluerunt, magnifice instructis. Pontifex ipsi in singulos menses 200 scutatos exsolvi jussit, pensionis annuæ locum expleturos.

turos. Erant malevoli, qui ei obtestabant, rati, reformandi officium fuisse in eum communiter injectum, qui expers foret modi ac artis tractandi res, in Collegio Purpuratorum solitas expediri, certe tentari. Celebrant scriptores ejus ætatis *Contareni* ingenuitatem ac sentiendi libertatem generosam. *Reginaldus Polus* utique ei erat amicissimus, quem laudum suarum præconem invenit *Contarenius*. Adhibuit *Paulus III* hunc operæ, quæ in reformanda curia Romana versabatur. *Carolus V*, A. 1536 Tuneto in Siciliam, Neapolin, ac inde Romam, venientem, *Paulus III* ad altare *Petri* ornavit comitibus Purpuratis, *Simonetta* & *Contareno*. *Franciscus I* expetiit a Pontifice A. 1538, quo bellum Varum & Provinciam corripuerat, Purpuratos duos, *Ghinuccium* ac *Contarenum*. Papa ipse tum Nicæam venit Pedemontanam, ac Cæsarem Genuam fuit comitatus. Abiit *Contarenius* visum ecclesiam Cividensem, ipsi destinatam, ac inde Venetias discessit, Imperatorem ibi salutaturus, qui Turcis bellum erat illaturus, dummodo Veneti consilio ac re ipsa id juvarent. Cæsar A. 1540 colloquio religioso dissidia tollere intra Germaniam laboravit, Theologos selectiores vocaturus Wormariam & Pontificios & Protestantes. Petiit eo fine a Papa legatum, qui misit *Contarenum*. Conventus ille religiosus A. 1541 Ratisbonæ celebratus fuit, ipsis comitiis vigentibus. Advenit *Contarenius* medio Martii, ab Imperatore exceptus, cum comitia nondum fuissent inchoata. Vidit ibi præterea *Albertum*, Archiepiscopum Moguntinum, Cardinalem, *Joachimum*, Electorem Brandeburgicum, Duces Bavarie *Ludovicum* & *Wilhelmum*, *Ernestum*, Ducem Brunsvicensem, alios. Post Pascha venit & *Ferdinandus*, Rex Romanorum. Comitiorum materies erat præcipue religio. Præsides colloquio religioso Cæsar dedit *Granvellanum*, & præfatum ærarii di *Prato*. Trium Pontificiorum Theologorum nomina adhuc celebrantur, *Joannis Eccii*, *Joannis Gropperi*, ac *Julii Pflugii*. Cum his rationes controversorum dogmatum contulerunt Protestantium Theologi æres, *Martinus Bucerus*, *Philippus Melancthon*, & *Joannes Pistorius*, a proceribus approbati. Legato instar

Pag. 14.

16.

18.

19.

21.

- consiliariorum adjuncti fuerunt *Moronus*, Episcopus Mutinensis, Papæ Nuntius, & *Thomas* Mutinensis, sacri palatii magister. *Philippus*, Laudgravius Hassiæ, Protestantium tunc erat stator ac princeps, qui in sua humanitate ac gratia nihil desiderari
- Pag. 22. passus est. *Martinus Bucerus*, *Contarenum* legatum invisens, dixisse dicitur: *Reverendissime Domine, utrinque peccatum est, dum nos quadam nimis obstinate defendimus, contra vero abusus multos vos non corrigitis. Sed, Domino concedente, veritas illustrabitur, & ad concordiam deveniemus.* Qui *Alberti Michonis Verpoorteenii Commentationem historicam de Martino Bucero*, Coburgi A. 1709, 8, editam, legerit pag. 42 seq., illi id *Buceri* ad *Contarenum* pronuntiatum haud a vero videbitur alienum. *Æquitatem Contarenus* suam Ratisbonæ imprimis commendavit, a *Jacobo Sturmio*, qui coram aderat, celebratam. Germanis literas passim impertivit gratis. Erat, qui numos soluturus inhibebatur, ac ideo exclamabat: *O mores insolitos, utinam sic semper, non enim nunc laboraremus!* Romæ inter hæc libere judicari coëptum. Fuerunt ibi, qui *Purpurato Legato* inviderent ac obtreclarent, tradentes, *Contarenum* plus justo Protestantibus indulgere. Ob *Turcorum* irruptiones in Hungariam sub finem *Julii* comitia soluta sunt. Rediit cum *Cæsare* in Italiam legatus. Divertit paululum ad iustrandam suam ecclesiam *Cividalensem*. *Mediolanum* comitatus *Cæsarem*, venit *Lucam*, ubi *Paulus III* *Cæsarem* colloquio profecutus est. *Cæsar* hic loci laudibus ornavit legatum, ac *Pontificis* gratiæ majori admovit. Discessit *Romam* legatus, ac a *Paulo III* id accessionis ad honores suos tulit,
23. ut *Legatus Bononiæ* nunc appellaretur. Hic denuo ad *Carolus V* in Hispaniam fuit missus, *Franciscum* Regem cum illo reconciliaturus. Studiis delectabatur cum primis Philosophiæ, Theologiæ, ac Matheseos, ab *Euclide* traditæ, alienus ab *Astrologia* judiciaria, Astronomiæ studiosissimus. *Aristoteli* primas dedit.
25. *Thomæ Aquinatis* libros fecit summi. Amavit in studiis methodum syntheticam, ab *Euclide* ita formatus, sophismatum ac cavillationum hostis, ratus, nil subtilius esse falsitate. Legerat plerosque Historicos & Græcos & Latinos, ve-
26. teres
- 27.
- 28.

teres ac recentiores, præcipue vatum optimos, *Homerum*,  
*Virgilium*, *Horatium*, æque ac *Ciceronem*. Si quis amicorum  
 ejus nævo morum uno, vel altero, laborabat, nil addebat nisi il-  
 lud *Horatii*: *Non ego paucis offendor maculis*. Bononiæ apud Pag. 33.  
 ipsum deferebatur homo doctissimus, genere nobili natus, licen-  
 tiæ causa, qua de Deo ac religione consueverat differere. *Con-  
 tarenus*, immitius ægere haud solitus, cum domesticis aggre-  
 gavit suis, ac probitatis argumentorumque pulchritudine eum  
 a protervia revocavit. Effert *Polus* laudes ejus ceteras non  
 minores. Ad exitum properamus. Immortuus fuit *Con-  
 tarenus*, annum ingressus 59, legationis Bononiensis itineri.  
 Amicos coluit præcipue *Polum*, *Sadoletum*, *Bembum*, *Badium*, 42.  
*Cortesium*, & *Fregosum*. Scripsit diversi argumenti libros, li-  
 bellum *de Aristotele*, *immortalitatem animæ tutato*, *de Magi-  
 stratibus & Republica Venetorum Libros quinque*, *de Elementis*  
*quinque alios*, *quatuor de Metaphysica Libros*, *Libros 2*  
*de officio Episcopi*, ac alios. Liber primus, quem annos 33  
 natus scripsit *de Animæ immortalitate*, ab ipso fuit magistro  
 suo *Pomponatio* oppositus, immortalitatem destruentem. Com-  
 posuit præterea libellum *de autoritate Papæ*, *de curia Roma-  
 nane variis reformationibus*, *summam Conciliorum*, IV *Libros* 50.  
*de Sacramentis*, *Commentationem de libero arbitrio*, *litteras*  
*de justificatione & prædestinatione*, annotationes in omnes *S.  
 Pauli Epistolas*, &c. Posteriores vero formis publicis haud fue-  
 runt descripti. Adjecit Eminentiss. Editor Vitæ summam di-  
 ctorum, & accessionem epistolarum nonnullarum, vitæ *Con-  
 tarenæ* illustrandæ inservientium. 57.

DELL' USO DEL MERCURIO CRUDO &c.

hoc est,

DE USU HYDRARGYRI IN FEBRIUM MALI-  
 gnarum & contagiosarum curatione, quæ A. 1744 Cor-  
 tionenses afflixerunt, Libellus, Autore JOSEPHO VAL-  
 DAMBRINI, Prof. Publ. Medic. Cortonæ, ad MAR-  
 CELLUM DE VENUTI, Marchionem Cu-  
 me, &c.

Floren-

Florentiæ, apud Jo. Paul Giovanelli, 1744, 8 maj.

Plag. 2.

- P**lurimi fortassis eorum, quos epidemicæ febres prehendunt, non morerentur, nisi se tum ægri, tum Medici, sinnerent, miti, quam ab initio habent, earum indole seduci, qua subito in feram malignamque mutata, medentes, quo se maxime modo morbi impetui opponant, non raro dubii hærent, consiliaque idonea confestim capere ut plurimum non sciunt. Quapropter cum in his, tum in cunctis aliis morbis, quorum natura ab initio satis non patet, Medico securum esse non licet; præcipue, quia ejusdem tandem indolis futurus morbus, varia ab initio forma apparet. Idque Cl. *Valdambrinus* etiam in Cortonensium malignis febribus observavit, quæ ubi ad quintum usque diem perquam variæ fuerant, subito tandem agros capitis vehementissimo dolore, agrypnia, dolore membrorum, qualis vexata sequitur, animi deliquiis, potissimum in recto situ, nausea, & variæ materiæ, interdum quoque vermium vomitu, opprimebant. Omnibus præterea ingratus, acidus, verminosusque halitus tum ex ore surgebat, tum similem urinæ odorem spargebat, variæque per alvum cum vermibus materia descendebat. Quæ mala septimo die per sæpe petechiæ, & nono decimoque sopor deliriumque cum singultu & convulsionibus, morteque ipsa, ut plurimum decimo sexto die, exceperunt. Qui autem servati sunt, plerique morbum usque ad vigesimum primum diem sustinuerunt, pluribus ante diebus continua somnolentia pressi, neque una aliqua perfecta crisi judicati. Fuit harum febrium ea indoles, ut, crescente luna, mitiores fierent, & contra intenderentur, utque fœminas potius & ex plebe homines, quam viros, honoratiorisque invaderent. In quarum curatione *Valdambrinus* venæ sectionem si plena sanguine corpora, vehementesque capitis dolores, erant, etiam repetitam, præcipue in jugulo, & nucha leniaque laxantia plurimum utilitatis habere, expertus est. Neque sine fructu corticem peruvianum cum aliis antihelminticis dedit, & largas acidulas potiones commendavit, anodynaque pariter ac diaphoretica, in pertinaciori alvi fluxu, dedit, interdum



interdum etiam cantharides imposuit. - Quæ cum nihilo minus vim febris satis non frangerent, *Valdambrianus* de *hydrargyri* usu cogitavit, ut certissimo vermium veneno, a quibus hæc febres excitari videbantur. Neque vero opus erat ad *Bellostium* provocare, cui neque iu hoc accedimus, quod febres ex sanguine oriri dixit, a vermium facibus, cum chyllo ad sanguinem delatis vel corrupto, vel coacto, neque in eo, quod hydrargyro omnis generis febres vincendi vim tribuit. Plurimum contra ad mercurii in febrium descriptorum curatione virtutem comprobendam illa curationum exempla valent, quæ *Valdambrianus* magno numero proposuit. Ex iisque apparet, symptomata febremque ipsam, vel primo die, quo hydrargyrum assumptum facit, vel altero post, mitigata, vel prorsus sublata fuisse, vermium magno numero per alvum excluso. Datum autem hydrargyrum ad unam drachmam fuit, conserva rosarum exceptam. Quia vero erant, ut sit, qui propter hydrargyri usum *Valdambrianum* temeritatis accusarunt, præter *Cajetanum Pasquili*, *Antonium Cocchium*, & *Josepbum Bertinum*, qui virtutem hujus medicinæ experti sunt, *Joannem Baptistam Mourenli* nominavit, qui in scriptis suis febrium malignarum naturam aque ac hydrargyri in earum curatione usum exposuerit. Tandem *Valdambrianus* & argumenta diluit, ac confutavit, quibus adversarii evincere voluerunt, hydrargyri usum partim in Cortonenſi ære minus tutum, partim effectum minus certum esse.

11.

12 seq.

13.

16 seq.

27 seq.

**ANALYSIS SOLUTIONIS PROBLEMATIS**  
catoptrico geometrici, in Actis A. 1745 Mense Sept. P. I  
propositi, exhibitæ Mens. Octobr. A. 1746 ab ABRAH.  
GOTTHELF KÆSTNERO, Lips. Math.

Prof. Publ. Extraord

**D**atis curva & puncto radiante, reperire aliam curvam, quæ radios, a priori curva reflexos, excipiens, eos omnes in aliud datum punctum reflectat, docet *Leibniti*us *Act. Erud. Mens. Jan. A. 1689*. Ab hoc Problemate præsens ita dissert,

Ppp p

ut

ut duo data puncta in unum hic coeant, sed curva altera cum priori una continua sit. Quæ Problemata difficilioris indaginis existere, nemo est, qui ignorat. Hoc vero, cum præ aliis ipse summus, qui illud proposuit, Geometra difficile judicaverit, veniam me obtenturum speravi, si, quæ id tentanti reperta sunt, etsi *Eulerianis* (quis enim cum his componere sua ausit?) multo imperfectiora, publicarem, quo varietas methodorum, quibus idem Problema solvi potest, appareat. In his ipsis vero, quæ profero, breviorē, quam vellem, esse jubent alia negotia, quæ Problemati pro dignitate incumbere, & quæ præter hæc de eo meditatus sum, satis expolire jam non permittunt.

## TAB. VI

Fig. 1.

*Problema*: Reperire curvam continuam  $MN$ , quæ radios  $CM$ , ex  $C$  incidentes, & juxta  $MN$  reflexos, in  $N$  puncto, rursus juxta  $NC$  ad  $C$  punctum reflectat:

*Sol.* 1) Sint  $MT$ ,  $NQ$ , tangentes ad  $M$ ,  $N$ , in quæ cadant perpendiculara  $CT$ ,  $CQ$ , &  $K$  sit concursus duorum radiorum reflexorum proximorum, seu  $K$  in caustica,  $CG$  vero ad  $MN$  perpendicularis. Porro dicantur  $CM = z$ ,  $CT = p$ ,  $MK = l$ , & ponatur  $dz = m dp$ . Sintque  $CN$ ,  $CQ$ ,  $NK$ , respective  $\zeta$ ,  $\pi$ ,  $\lambda$ . Ex natura reflexionis habetur  $l = m p z$ : ( $2z - m p$ ) quod facile deducitur ex iis quæ de causticis definiendis Geometra tradiderunt, v. g. ex theoremate, dato a *Jo. Bernoullio* in *Commercio Epist. cum Leibnitio Epist.* 163 adhibendo radii curvaturæ  $z dz : dp$ . Hinc igitur fit  $CM + MK = 2 z z : (2 z - m p)$ .

2) Ex conditionibus Problematis est  $CM + MK + KN + NC = \text{const.}$  ut ex analysi *Leibnitiana* supra citata habetur, & quivis ex theoria causticarum facile cognoscet. Sit ergo  $s$  quantitas aliqua, quæ pro  $M$  est positiva, & pro  $N$  puncto negativa, & sit  $W$  ejus functio impar,  $B$  vero constans. Erit  $CM + MK = B + W$ , quod dabit  $CN + NK = B - W$ , & summam totam  $= 2 B$ . Dicatur  $B + W = R$ .

3) Ob reflexionem est  $CMK = 2 \text{ Re} \Delta - 2 CMT$ , unde sin.  $(\frac{1}{2} CMK) = \cos. CMT = \sqrt{(z^2 - p^2)}$ :  $z$  posito sinu  
roto

Fig. I.





Fig. II.





roto = 1. Ergo fin.  $CMK = 2p\sqrt{(zz - pp)} : zz$  & fin.  $GNK = 2\pi\sqrt{(\zeta\zeta - \pi\pi)} : \zeta\zeta$ .

4) Ob  $CMN$  triangulum, est fin.  $CMK$ : fin.  $GNK = \zeta : z$  unde  $\frac{\pi\sqrt{(\zeta\zeta - \pi\pi)}}{\zeta} = \frac{p\sqrt{(zz - pp)}}{z}$ . Si ergo fit  $\frac{p\sqrt{(z^2 - p^2)}}{z} = T$  est  $T$  functio par ipsius  $z$ .

5) Ponatur  $CKM$  acutus est  $CKN$  obtusus. Ergo pro  $t$  (Art. 2) sumere licet cotang.  $CKM$  ad fin. tor. = 1. Ubi est  $t = GK : CG$ . Pro quibus lineis investigandis est  $CG = CM$  fin.  $CMG = 2p\sqrt{(z^2 - p^2)} : z$  (art. 3) =  $2T$  (art. 4) &  $MG = \sqrt{(z^2 - CG \text{ quad.})} = \frac{1}{2}(2pp - zz) : z$ . Oportet autem, ut sit  $MG$  positiva quantitas ad  $CKM$  acutum. Jam si  $CKM$  acutus, est (ex art. 3)  $CMT > \frac{\pi}{2}$  Rect. Unde ex trigonometricis  $2pp > zz$ . Er. adhibendum est in valore ipsius  $MG$  signum superius, seu  $MG = 2pp : z - z$  &  $MK = MG$ , seu  $GK = R - 2pp : z$  (art. 2).

6) Ex Art. 4 est  $z = pp : \sqrt{(pp - TT)}$ , unde  $GK = R - 2\sqrt{(pp - TT)}$ , quare  $GK : CG$ , seu (Art. 5)  $t = (R - 2\sqrt{(pp - TT)}) : 2T$ .

7)  $2zz : (2z - mp) = R$  (art. 1) unde  $m = 2z \cdot (R - z) : pR$ . Sed  $z \cdot (R - z) = \frac{pp}{\sqrt{(pp - TT)}} - \frac{R\sqrt{(pp - TT)} - pp}{\sqrt{(pp - TT)}}$   
Art. 4 unde  $m$ , seu  $\frac{dz}{dp} = \frac{2p \cdot (R\sqrt{(pp - TT)} - pp)}{R \cdot (pp - TT)}$ .

8) Valor ipsius  $z$  Art. 6 dat  $dz = (ppp - 2pTT)dp + pTdT : (pp - TT)^{\frac{3}{2}}$   
Hanc æquation. cum ea Art. 7 jungendo est  $((pp - 2TT)pdp + pTdT) : (pp - TT)^{\frac{3}{2}} = \frac{2p \cdot (R\sqrt{(p^2 - TT)} - pp)dp}{R \cdot (p^2 - TT)}$ ,  $(p^2 - 2TT) \cdot Rdp +$   
 $Pppp$   $RpTdT =$

$R\rho TdT = (2R\sqrt{(p^2 - TT)} - 2p^2) \cdot \sqrt{(p^2 - TT)} \cdot d\rho$   
 $RTdT = pRdp - 2pdp \cdot \sqrt{(p^2 - TT)} \& 2pdp = (R \cdot$   
 $pdp - RTdT) : \sqrt{(p^2 - TT)}$ , seu  $2pdp = R \cdot \text{diff.}$   
 $\sqrt{(p^2 - TT)}$ .

9) Ex Art. 6.  $2\sqrt{(p^2 - TT)} = R - 2T \& p^2 = \frac{R}{2}$   
 $(R - 2T)^2 + TT$ , quos valores substituendo fit  $\frac{1}{2}(R - 2T)$   
 $\cdot d(R - 2T) + 2TdT = \frac{1}{2}R \cdot d(R - 2T)$  seu  $2TdT =$   
 $T \cdot d(R - 2T) \& 2dT:t = d(R - 2T)$  unde assumta  $b$   
 constante arbitraria  $b + 2f(dT:t) = R - 2T$ .

10) Ex valore ipsius  $T$  Art. 3 patet, id esse  $= 0$  ad  $z = p$ .  
 Tunc vero radius in se ipsum reflectitur estque  $t = \infty$ .  
 Ergo  $T$  debet esse talis functio ipsius  $t$  quæ sit  $= 0$  ad  
 $t = \infty$ .

11) Ejusmodi ergo functione pari ipsius  $t$  loco  $T$  as-  
 sumta, & concessa inventione ipsius  $f(dT:t)$  dabitur  $R$  ex  
 Art. 9, & hinc  $p = \sqrt{(\frac{1}{4}(R - 2TT)^2 + TT)}$  Art. 9 &  $z =$   
 $p^2 : \sqrt{(p^2 - TT)}$  Art. 8  $= (R - 2T)^2 + 4TT : 2(R -$   
 $2T)$  seu  $p = \sqrt{(\frac{1}{4}(b + 2f(dT:t))^2 + TT)}$  &  $z =$   
 $\sqrt{(\frac{1}{4}(b + 2f(dT:t))^2 + TT)} : \frac{1}{2}(b + 2f(dT:t))$  &  $2p^2 :$   
 $z = b + 2f(dT:t)$ .

Hoc ergo modo ex assumpto  $t$  definitur  $T$ , & hinc dantur  
 $z, p$ , inter quæ potest inveniri æquatio algebraica eliminato  $t$ ,  
 si sit  $dT:t$  integrabile. Curvas autem datis  $z, p$ , construere  
 posse, Geometris notum est.

*Exemplum 1.* Ex Art. 9 solut. est  $2 \cdot (1 + t) \cdot dT:t +$   
 $2Tdt = dR$ , pone  $dR = 0$  habebitur  $T = \text{const.} \sqrt{(1 + t)}$   
 pro sectionibus coni. Vid. *Acta Oclabr. A. 1746. pag. 617.*

*Cor. 1.* Centro  $C$  radio  $CB = b$  descriptus sit arcus  $AB$ ,  
 cujus sit  $Bb$  fluxio &  $Rm$  fluxio ipsius  $z$ , sitque  $ACV$  rectus,  
 est  $MR:Rm = p:\sqrt{(z^2 - p^2)}$ ,  $Bb:MR = b:z$ . Unde  $Bb =$   
 $bpdz : z\sqrt{(z^2 - p^2)}$ . Porro anguli  $ACB$  sinus ad radium,  
 sit  $= v$  erit demisso in  $CV$  perpendicularo  $BO$ , recta  $CO = bv$

&  $Bb = \frac{bdv}{\sqrt{(1 - vv)}}$ . Unde  $\frac{dv}{\sqrt{(1 - vv)}} = pdz : z\sqrt{(z^2 - p^2)}$ .  
 Sed valores ipsorum  $p, z$ , ex Art. 11 per  $t, T$ ,  
 datos

datos adhibendo, reperitur, dicta brevitatis causa  $\frac{1}{2}b + f$   
 $(dT:t) = V$ ,  $dz = ((VV - TT) dV + 2 TV dT) : VV$  &  
 $\frac{dv}{dt} = \frac{(VV - TT) dT + 2 VT dT}{Tt}$  Est autem de-

$\sqrt{(1 - vv)} = \frac{Tt \cdot (VV + TT)}{Tt \cdot (VV + TT)}$   
 missio in  $CV$  perpendicularo  $MP$ , & dictis  $MP = y$ ,  $CP = x$ ,  
 $v = x : z$  unde, si valor ipsius  $dv : \sqrt{(1 - vv)}$  modo inven-  
 tus, reduci queat ad arcum circulearem, & hinc haberi æqua-  
 tio algebraica inter  $v$  &  $t$ , seu  $x$ ,  $z$ , &  $t$ , ob datam æquatio-  
 nem inter  $z$  &  $t$  (*Art. 2. Sol.*) eliminabitur  $t$ , & dabitur æquatio  
 algebraica inter  $x$  &  $y$ . Hicque est casus curvarum algebrai-  
 carum.

*Cor. 2.* Pro causticis definiendis cogitari oportet, esse  $MN$   
 tangentem causticæ ad  $K$  &  $CG$  perpendicularum in eam. Sit  
 ergo  $CK = r$ , &  $CG = q$ , est  $q = 2T$  (*Art. 5. Sol.*) &  $GK =$   
 $R - 2p^2 : z$  (*ib.*)  $= b + 2f(dT:t) + 2Tt - b - 2f(dT:t)$   
 (*Art. 9. II. Sol.*) seu  $GK = 2Tt$ . Unde  $rr = 4TT + 4TT:t$ ,  
 seu  $r = 2T\sqrt{(1 + tt)} = q\sqrt{(1 + tt)}$ . Ita in sectionibus  
 conï ob  $2T : \sqrt{(1 + tt)} = \text{const.}$  est  $r = \text{const.}$  Si jam

sit  $u$  sinus anguli  $ACK$ , patet, fore  $\frac{du}{\sqrt{(1 - uu)}} = \frac{q dr}{\sqrt{(rr qq)}}$   
 sed  $dr = 2(dT(1 + tt) + Tt dt) : \sqrt{(1 + tt)}$  unde  
 $\frac{du}{\sqrt{(1 - uu)}} = \frac{dT \cdot (1 + tt) + Tt dt}{(1 + tt)Tt} = \frac{dT}{Tt} + \frac{dt}{1 + tt}$

Pars ultima cum manifesto sit arcus circularis, erit cau-  
 stica geometrica, si  $dT:Tt$  sit reducibilis ad arcum circulearem.

*Cor. 3.* Sit fluxio causticæ  $= ds$  est  $qds = r\sqrt{(ds^2 - dr^2)}$  unde  $ds = r dr : \sqrt{(rr - qq)}$  seu  $ds = 2dT:t +$   
 $2t dT + 2Tdt$  &  $s = 2f(dT:t) + 2Tt$ . Ergo, si  $f(dT:t)$   
 est algebraicum, caustica est rectificabilis. Unde si conjunctæ  
 sint conditiones *Cor. 3* & 2 curva quaesita erit geometrica.

*Exemplum 2.* Sit  $T = c \cdot (1 + tt)^n$  est  $dT:Tt =$   
 $2n dt : (1 + tt)$  unde caustica semper geometrica (*Cor. 2*).

Præterea  $dT:t = -2nc dt : (1 + tt)^{n+1}$ , quod est inte-  
 grabile, si sit  $n = (2k + 1) : 2$ , notante  $k$  integrum positivum,

ut deducitur ex dictis a Jo. Bernoullio Op. T. IV n. CLVIII

cor. 11. Ergo sumto  $T = c : (1 + tt)^{\frac{2k+1}{2}}$ , prodeunt curvæ quæsitæ, algebraicæ. Si sit  $k = 0$  habentur sectiones conî. Inter reliquos ipsius  $n$  valores, qui dant saltem causticas algebraicas, posito  $n = 1$  caustica fit circulus.

Cor. 4. Concessis rectificationibus & tangentibus causticarum, construuntur curvæ quæsitæ per puncta. Nam ex iis, quæ habet Jo. Bernoulli Lectione Hospitaliana 29 inf. deducitur fore  $z + l = \text{const.} + s$  &  $\zeta + \lambda = \text{const.} - s$ . Sit  $z + l = b$  ad  $s = 0$  &  $\zeta + \lambda$ , ibidem  $= \beta$  est  $l = b + s - z$  &  $\lambda = \beta - s - \zeta$ , unde substituendo in ipsius  $z$  valore Art. 11 Sol.  $s = 2 Tt$  loco  $f(dT:t)$  vi cor. 3, erit  $l = \frac{1}{2}b + \frac{1}{2}s + Tt - TT : (\frac{1}{2}b + \frac{1}{2}s - Tt)$  &  $\lambda = \frac{1}{2}b - \frac{1}{2}s - Tt - TT : (\frac{1}{2}b - \frac{1}{2}s + Tt)$  seu quoque  $l = \frac{(b+s)^2 - 4TT(tt+1)}{2(b+s) - 4Tt}$  &  $\lambda = \frac{(b-s)^2 - 4TT(tt+1)}{2(b-s) + 4Tt}$ . Quæ longitudines in tangente

causticæ sumtæ, puncta curvæ respondentia sibi, definiunt.

Schol. Qui methodum hanc curvas quæsitæ construendi, ad exemplum applicare voluerit, commodissime eliget eam, cujus caustica est circulus, cum circuli tangentēs facillime dentur, rectificatioque ad praxin multo accuratius, quam opus est habeatur. Sit ergo in ex. 2.  $n = 1$  seu  $T = c : (1 + tt)$  est  $dT = -2ctdt : (1 + tt)^2$  &  $dT : Tt = -2dt : (1 + tt)$ . Hinc  $\frac{du}{\sqrt{(1u \cdot u)}} = -\frac{dt}{1 + tt}$  & A sin.  $u = \text{Const.} -$

A tang.  $t$ . Sit  $u = 0$  ad  $t = \infty$  est A sin.  $u = A$  tang.  $(1:t)$  seu  $ACB = CKG$ . Ergo a quando sinus arcuum æqualium est  $u = 1 : \sqrt{(1 + tt)}$  hoc est, demisso  $KW$  perpendicularo in  $CW$ ,  $CW : CK = 1 : t\sqrt{(1 + tt)}$ . Sed  $CK$ , seu  $r = 2T\sqrt{(1 + tt)}$  fit  $= 2c\sqrt{(1 + tt)}$ . Unde est  $CW = r^2 : 2c$ , seu  $2c \cdot CW = CW^2 + KW^2$ , ut pateat, causticam esse circulum diametri  $2c$  tangen-

TAB. VI tem  $CA$  in  $C$ . Aequatio inter  $q$  &  $r$  hoc casu fiet  $rr = 2cq$ , eundem  
Fig 2. circulum definiens (vid. Perill, Wolf. Mech. ed. II §. 659). Pro  
inve-



inveniendō  $s$ , seu  $2\int \frac{dT}{t} + 2Tt$  est ob  $dT:t = -2cdt:$

$(1+tt)^2$  ex methodo *Jo. Bernoullii Op. T. IV n. 188 §. 1*,  
 $\int (dT:t) = -ct:(1+tt) - c$ . A tang.  $t + \text{Const.}$  Ca-  
 piatur summa sic, ut evanescat ad  $t = \infty$ , fiet ea correctā  
 $= -ct:(1+tt) + c$ . A tang.  $(1:t)$ . Sed  $2Tt = 2ct:(1+tt)$ .  
 Ergo  $s = 2c$ . A tang.  $(1:t) = 2c$  A sin.  $u = 2 \text{ arc. } A\beta$ , si  
 $b = 1$  Porro pro eliminandis  $T, t$ , ex valore ipsarum  $l, \lambda$ ,  
 cor. 4. ob  $CKG = KDC$  est  $1:t = CK:KD$  &  $Tt$ , seu  $ct:$   
 $(1+tt) = KD.CK:4c$  &  $T^2.(t^2+1) = \frac{1}{4}CK^2$  est vero  
 quoque  $KD.CK = 2c.KW$ . Igitur  $l = \frac{(b+s)^2 - CK^2}{2.(b+s) - 2KW}$

$\lambda = \frac{(b-s)^2 - CK^2}{2.(b-s) + 2.KW}$  ex quibus formulis facillime in ducta

tangente ad  $K$ , abscinduntur  $l$ , &  $\lambda$ , potestque illa commo-  
 dior adhuc ad praxin effici, dividendo numeratores & denomi-  
 natores per 4, quo facto assumpto  $s$  in gradibus adhiberi pot-  
 est quadratum sinus ejus arcus, seu  $\frac{1}{4}CK$  quadr. cum hic as-  
 sumpto  $s$  hoc modo, sinus ejus ad obtinendum  $CK$  duplicandus  
 sit, numerique majores ubique in calculo adhibendi.

Præterea constructio adhuc datam ponit  $b$ , quæ defini-  
 ta etiam  $c$ , pro lubitu potest assumi. Sumta ergo  $c$  pro uni-  
 tate, sit  $\pi$  semiperipheria  $CKB$ , & ponatur  $b = \pi$ . Patet,  
 nunquam fieri posse  $l = 0$ , aut  $= \infty$ , cum nec possit esse  $\pi + s$   
 $= CK$ , ut numerator ipsius  $l$ , nec  $\pi + s = KW$ , ut deno-  
 minator evanescat. Sed  $\lambda$  evanescet ad  $\pi - s = CK$ , seu il-  
 lum locum ubi chorda arcui supplementi sui ad semicircu-  
 lum æquatur, hoc est, ubi sinus æquatur arcui suo comple-  
 menti, quod contingit proxime circa  $s = 95^\circ 18'$ . Post-  
 hæc fit  $\lambda$  negativum, indicio  $N$ . punctum ad easdem puncti  
 $K$  partes cadere, ad quas cadit  $M$ , atque ad  $s = \pi$  ob  
 $KW = 0$  fit  $b - s = b$  &  $\lambda = -\infty$ .

Curvæ quæritæ puncta facillime definiuntur, quæ jacent  
 in perpendicularibus ad  $CD$  per  $C$  &  $D$  ductis. Pro illis, quæ  
 jacent in perpendiculari per  $C$  transeunte, in valoribus ipso-  
 rum  $l, \lambda$ , est  $CK = 0$  &  $s = 2n\pi$  notante  $n$  numerum in-  
 tegrum positivum. Unde posita  $b = \pi$  pro illis fit  $l =$   
 $(\pi +$

$(\pi + 2n\pi)^2 : 2(\pi + 2n\pi) = \pi. (2n+1) : 2$  &  $\lambda = \pi.$   
 $(1-2n) : 2.$  Igitur, posito  $n=0$  puncta  $M, N$ , in hoc perpendicularulo cadunt utrinque circa  $C$ , ut sit  $CM = \frac{1}{2}\pi$ ,  $CN = \frac{1}{2}\pi$ , sed posito  $n=1$  fit  $C_2M = \frac{3}{2}\pi$  &  $C_2N = -\frac{1}{2}\pi$  indicio  $2N$  cadere in  $M$ . Similiter posito  $n=2$  fiet  $C_3N = -\frac{3}{2}\pi$ , seu  $3N$  cadet in  $2M$ . Generatim si quæraturn punctum  $N$  numero  $n+1$  in ordine reperietur pro eo definiendo  $\lambda = \pi. (1-2n-2) : 2 = -\pi. (2n+1) : 2$ , qui valor definiebat  $l$  pro puncto  $M$  in ordine  $n$ to. Ergo  $n+1$  tum  $N$  semper cadit in  $n$ tum  $M$ , seu id, quod præcessit. Idem in perpendicularulo per  $D$  transeunte contingit. Pro definiendis  $M, N$ , punctis in illo est  $KW=0$  &  $s=(2m+1)\pi$  existente  $m$  positivo integro, atque  $CK=2c$ , sitque  $l=((m+1)^2 \cdot \pi\pi - c) : (m+1)\pi$  &  $\lambda=(mm\pi\pi - c) : -m\pi$ , ubi rursus patet pro puncto  $N$ ,  $m+1$  to fieri respondens  $\lambda=l$  proxime præcedenti, ut  $m+1$  tum  $N$  cadat in  $m$ tum  $M$ . Hæc specimine methodum curvas has per punctorum inventionem construendi illustrasse sufficiat, cum plura jam addere non videret.

Quodsi loco *cot. CMM* sumeretur *cot. vel cof. CVM*, reperietur forte solutio per coordinatas rectangulas. Tuncque usus erit distantie  $CV$ , ad  $V$  punctum, in quo radius reflexus axem interfecat. Quæ distantia, quia spatium chartæ adhuc id permittit, quomodo inveniatur, docebo. Dicatur ergo subnormalis ad  $M$  punctum,  $r$ , et, quia normalis angulum  $CMV$  bissecat, erit

$z : x - r = MV : CV - x + r$  &  $z : x - r = z + MV : CV$  unde ob  $MV = \sqrt{((x-CV)^2 + y^2)}$  erit

$z^2 CV^2 - 2(x-r). CV. z^2 + z^2 (x-r)^2 = (x-r)^2.$   
 $x^2 - 2x.(x-r)^2. CV + (x-r)^2. CV^2 + (x-r)^2 y^2$   
adeoque ob  $z^2 = x^2 + y^2$  destruentibus se utrinque terminis  $CV$  non continentibus, æquatio fit divisibilis per  $CV$  & obtinetur  $CV = 2.(x-r).(z^2 - x(x-r)) : (z^2 - (x-r)^2)$   
Est enim ex duobus  $V$  punctis, quæ quæri possunt, alterum ipsum  $C$ , adeoque alter ipsius  $CV$  valor  $= 0$ . Iam ponendum est  $r = -y dy : dx$  quia in Fig. supponitur crescentibus  $x$  decrescere  $y$ , unde  $x-r = (x dx + y dy) : dx$ . Si ergo sit  $dy = q dx$ , obtinebitur

$$CV = 2.(y - qx).(x + qy) : (y.(1 - q^2) - 2qx).$$

\*

\*

\*

# NOVA ACTA ERUDITORUM,

*publicata Lipsiæ*

*Calendis Decembris Anno MDCCXLVII.*

*EPHRAEM SYRI OPERA OMNIA, QUÆ EX-*  
*stant, Græce, Syriace, Latine, in sex Tomos distributa,*  
*ad MStos Codices Vaticanos aliosque castigata, multis*  
*aucta, nova interpretatione, Præfationibus, Notis, va-*  
*riantibus lectionibus, illustrata. Nunc primum sub au-*  
*spiciis sanctissimi Patris BENEDICTI XIV, Pontificis*  
*Maximi, e Bibliotheca Vaticana prodeunt. Tomus*  
*secundus, Græce & Latine.*

Romæ, ex typographia Pontificia Vaticana, 1743, fol.

Alph. 5 plag. 14.

*Ephraemi Syri, Reverendi Patris, egregia scripta a priscis inde*  
*temporibus insignem laudem & celebritatem obtinuerunt,*  
*per hanc vero novam editionem novum jam decus ac splendo-*  
*rem accipiunt. Debemus hanc non tantum Clarissimo Præsuli,*  
*Josepbo Simonio Assemanno, Bibliothecæ Vaticanæ custodi, sed*  
*etiam Eminentissimo Angelo Mariæ Cardinali Quirino, quo po-*  
*tissimum duce & autore hæc editio curata est. Secundus hic To-*  
*mus continet opera hujus Patris Græca, quæ in Oxoniensi edi-*  
*tione supererant. Latina interpretatione donavit, quæ in hoc*  
*Tomo Græca occurrunt Ephraemi scripta, laudatus Assemanus.*  
*Oxonienfis editionis ordo propterea servatus fuit, quia in Va-*  
*ticana & aliis Bibliothecis nullus Codex inventus fuit, qui pla-*  
*ne cum altero conveniret. Hanc ob causam, cum prior Tomus*

Qqqq

duos

duos supra triginta priores editionis Oxoniensis Sermones complectatur, in hoc *secundo Tomo*, quos eadem editio a Sermonem trigesimo primo usque ad ultimum exhibet, eodem ordine collocatos deprehendimus. Addita tamen sunt in hac editione nonnulla fragmenta & aliquot Sermones, ut lacunæ bene multæ Oxoniensis editionis supplerentur, & excerpta alia, quæ ab *Eduardo Thuvaites*, illius editionis curatore, omissa sunt, ex vetustissimis MStis adderentur. E. g. Sermoni, cujus initium in editione Oxon. pag. 347, & in hoc *Tomo* pag. 192: ἀδελφοί μου φιλέχριστοι, subiungitur pag. 209 alter, qui incipit: αἰγαπητοὶ μηδὲν προτιμῶμεθα &c. Qui Sermo in quibus Codicibus MStis legatur, docet pluribus epistola *Assemanni* ad Cardinalem *Quirinum*, ubi & plura huius rei documenta leguntur. Prolegomena ejusdem *Assemanni*, huic *Tomo* præfixa, digna sunt, quæ attente legantur. *Caput I* catalogum exhibet Sermonum *Ephraemi Syri*, qui Græce exstant in Bibliothecis S. Marci Venetiis, *Passionea*, *Vallicellana*, & *Moscuvensi*. *Caput II* de Latinis *Ephraemi Syri* interpretationibus agit, *Ambrosii Camaldulensis*, *Petri Francisci Zini*, & *Gerardi*

- Pag. 20. *Vossii*. *Oudin* *Ambrosianam* conversionem plus iusto extollit, eamque omnium primam fuisse asserit, quod refellit *Assemannus* noster, alias versiones ante *Ambrosianam* fuisse, ex variis
21. Codicibus MStis ostendens. *Koblius* in Historia versionum *Ephraemi Syri*, in primis versionis Slavonicæ, *Oudinum* redarguit, quod *Ambrosium*, Abbatem, totiusque Ordinis Camaldulensium præfectum, appelleret, sed noster Autor, illum errare, ex ipsius *Ambrosii* Epistolis evincit, in quibus plus vice simplici commissam sibi generalem totius Camaldulensium Ordinis præfecturam non sine lachrymis narrat, id quod etiam ex aliis Autoribus satis constet. Cur vero *Ambrosius* se non Abbatem, sed tantum Monachum, in versione Operum *Ephraemianorum* nominet, inde factum est, quod aliquot ante annis Sermones illos Latio donaverat, quam generalis præfectus eligeretur. Emendat præterea & suum errorem *Assemannus*, quem in Prolegomenis *Cap. 3* erraverat circa obitum *Ambrosii*, ubi  
ejus

ejus vitam usque ad A. 1490 produxerat, cum ex *Augustino* jam didicerit, illum Florentiæ A. 1439 obiisse. *Ambrosius* Pag. 22.  
 in Græca quidem lingua versatus maxime fuit, at, Syriacam etiam calluisse, probari non potest, quod quidem *Koblius* sibi persuadet, a nostro Autore propterea iterum notatus. Præter *Ambrosium*, *Zinum*, & *Vossium*, nullos alios agnoscunt 23.  
*Ephraemi* interpretes *Tentzelius* & *Koblius*; sed noster Autor ex editis per *Aloysium Lipomannum* & *Laurentium Surium* Tomis demonstrat, *Julium Clementem*, Canonicum secularem S. *Georgii* in Alga, operam suam ad testamentum S. *Ephraemi* e Græcis Codicibus Latinitate donandum contulisse; quædam alia opuscula e Græco Latine versa atque edita a *Jacobo Gretsero*, *Francisco Combesio*, & *Jo. Bapt. Cotelerio*; ex Codicibus Vaticanis nonnullos Sermones e Græco in Latinum a Cardinali *Sirleto* translatos. *Vossium* non carere 24.  
*novis* in sua conversione, contra *Koblium* monet Autor. Cum nos in his *Novis Actis* ad A. 1738 pag. 289 observaverimus, nostrum *Assmannum* in sua editione nonnunquam Oxoniensis editionis lectionem retinuisse, nonnunquam marginalem in textum recepissee, nec non a versione *Vossiana* eum subinde recessisse, illud hoc in loco non solum fatetur, sed etiam addit rationes & exempla, simul tamen contendit, hoc non 25.  
 ideo factum, quod cum *Koblio* sentiat, *Vossii* fidem in dubium vocante, aut *Riveti* ac *Tentzelii* censuræ subscribat, ea omnia, quæ translata dedit *Vossius*, *Ephraemi* opera tanquam spuria & adulterina rejicientium, sed potius bonam fidem *Vossii* contra *Koblium* confirmat, & pluribus hanc rem disputat. *Caput III* de Græcorum & Latinorum manuscriptorum Codicum, *Ephraemianos* Sermones complectentium, fide & autoritate disserit. *Tentzelius* præfracte negaverat, Græcas omnes, quotquot manu exaratae in Bibliothecis servantur, versiones autoritatem ullam & fidem mereri. *Koblius* nonnullos Sermones admittit, nonnullos ut spurios rejicit, quorum sententias confutat Autor noster, *Cap. IV* *Koblio* potissimum respondens, qui varios Sermones *Ephraemianos* tanquam adul- 30.  
 31 seq.

terinos rejecit, satis etiam fuisse ostendens, hac in re vehementer errare *Koblium*.

Pag. 433.

Ad calcem hujus *Tomii* occurrunt variae lectiones in Testamentum sancti *Ephraemi* ex MSto Codice Syriaco Bibliothecae Collegii urbani de propaganda fide. Indices tum Sermorum, tum Capitum, Opus claudunt.

Inscripsit & hunc *Tomum* Summo Pontifici *Benedicto XIV* *Angelus Maria* Cardinalis *Quirinus*, Episcopus Brixienfis, & Apostolicae sedis Bibliothecarius. Gratulamur magno huic Viro splendidam hanc Operum *Ephraemi* editionem, &, ut *tertius Tomus* brevi in lucem adspedumque hominum doctorum veniat, vehementer optamus.

*SIBYLLARUM IN VETERI ECCLESIA AUTORITAS, & Historiae ecclesiasticae ac Theologiae conjunctio, opus P. M. FRANCISCI M. LEONI, Veronensis, in Gymnasio Patavino Theol. & Ecclesiast. Histor. Prof.*

*Publ. Notis & illustrationibus Auctoris ejusdem auctum.*

Venetis, ex typographia Jo. Baptistae Albritii, Hieron. filii,

1744, 4 maj.

Plag. 10.

**L**ibello huic quid occasionem dederit consignando, *Capite* ejus statim *primo* exponitur. Initium disserendi facit  
 Cap. 1. Auctor ab hoc satis vero enuntiato: *Si, divinarum rerum studiis qui sese dedunt, non nimis cupida fidei laudis, aut, quod turpius est, propriae utilitatis aviditate, traherentur, sed uno veritatis amore; jam omnis disputatio cum heterodoxis, omnisque contentio, ab Theologiae finibus esset ejecta.* Perquam vero sinistra sit applicatio ad eos, qui, ut scribit *Noster*, Pontificis Romani jura invaderint, ac signi pheros, qui catholicum agmen sint adorti. Quasi ignoraretur, quid illa fundarit, quibus hocce nitatur. Sed talia quidem condonanda sunt animis, veritatem qui fingunt somniantes, & a partium, quo

quo trahuntur, studio maxime sese existimant alienos. Interim in eo est Noster, ut hic vindicet in veterem dignitatem sacros nominatim vates, rem a principio exordiens; simulque caput religionis sanctissimæ, quantum in ipso est, ulciscatur. Id ut fiat, statim de Sibyllis & profanis vatibus agit, ac postea de Sibyllis pluribus; simulque inquit, an Pontifices Summi crediderint, Sibyllas afflante Spiritu S. fuisse vaticinatas. Quibus de momentis, quod facillimum est conjectu, secundum veritatis, quo ipse trahitur, amorem judicat. Eam generalem tractationem postremis *Capitibus* inquisitio sequitur in *Justini M.* inque *Clementis Alexandrini*, sententiam singularis. Hanc ita quidem concludit, ut, esse certum atque exploratum, dicat, uni Judæorum olim, mox Christianæ pietati solum, nempe nunquam superstitioni, semper vero religioni, prophetiam concessisse. Sed progredimur ad Historiæ ecclesiasticæ specimen, seu pro Historia ecclesiastica Orationem. Laudantur hic varia rerum cœtus divini ac fatorum historiæ commoda. Inter præcipua est, quod confutandis falsarum hæresium patronis egregie serviat. Nimirum, si quidem clari sunt, unde hauritur, fontes, perspicimus inde, qua ratione a prima veritate passim declinarint, profanis gentibus, ut pellicerent illas, se conformarint, Philosophorum sententiis immerferint, sacræ dominationi, tandemque tyrannidi, subjecerint Christiani; donec antiquo veritas splendori redderetur. Requiritur ideo jure a Nostro historia, non quæ, sine discrimine, quæcunque colligit, hominum facta nulla trutina perpendens, aut illustrans observatione. Unde triplex idem genus exigit, Chronicon, Annales, atque Historiam. Illud exhibeat res gestas natura potius, quam instituto, ut simplicis scriptoris pectus videas; isti peracta tradant, servato locorum ordine, ut eruditi auctoris studium pernoscas; hæc tandem tum ordine locorum, & temporum, tum rei distributione æquabili, memorabilia narret, atque, insignia quæ maxime sunt, prudenti illustret observatione. Ansa indidem arrepta, nonnullas Auctor observationes conjungit, &, Patrum quorundam mentione facta; subjectis in observationibus vitas breviter enarrat *Justini M.*,

Cap. 2

pag. 3.

Cap. 3

pag. 7.

Cap. 4

pag. 11.

Cap. 5

pag. 17.

Cap. 6

pag. 22.

27.

2.

5.

7 seq.

- Tertulliani, Origenis, Athenagoræ, Arnobii, atque aliorum.*
- Pag. 9 Neque præcipuarum antiquo tempore malæ notæ hæresium  
 seq. fautores præterinittit, sed noticiam suppeditat præcipuorum;  
 dum primarii Patrum, historiarum adminiculis fulti, stravisse  
 dicuntur eosdem. Nimium foret, quos hic, in rebus, præ-  
 ter necessitatem collectis, admisit errores, colligere, nedum  
 confutare. Male scribuntur nomina quædam, multiplicantur  
 24. hæreses, neque fabulis parcitur. Sed ostendit quoque Noster  
 ille, quantum nervorum & virium sibi adsciscat historicus, divi-  
 na scientia exutus, quantumque vicissim Theologus, memora-  
 bilibus in sacro cœtu rebus destitutus. Memorat hac occa-  
 sione, Mathematicorum id ad modum fieri, qui directa prius,  
 deinceps autem inversa, ratione doceant; ac, singulari pariter  
 observatione, præter alia, subjicit, olim istud Dialecticis usu  
 venisse omnibus, inque ista re *Gorgiam* Leontinum, teste  
*Platone* in *Gorgia*, eminuisse; quin idem etiam observasse &  
 in *Partitionibus*, & in *Topicis*, *Tullium*. Sed nolumus extra oleas  
 26. cum *Leone* vagari. Ad easdem redeuntes, eo nomine ex-  
 plodentem videmus epistolas sancti *Martialis*, libros decem  
 recognitionum *S. Clementis*, epistolas Pontificum Rom. a *Cle-  
 mente* ad *Siricinum*, *Marcellini* inventum, commentum præ-  
 destinationiani, nugas de hæresi *Barlaami* & *Ancyndini*, fabulam  
 27. de Pontifice *Joanna*, vel *Agnete*, vel *Gilberta*, vel *Elisabettha*, vel  
*Margarita*, vel *Juditha*, vel *Dorothea* Pontifice, quam alii  
 Germanicam fuisse, Anglam alii, contendunt. Hic iterum  
 30. occasionem nactus, narrationem istam verbosius confutat, re-  
 gulis positæ historicæ veritatis explorandæ, quæ sequuntur,  
 non contemnendis: 1) Homines crasso ingenio, aut improbo,  
 aut non satis instructo, testes non sunt adhibendi in re obscu-  
 ra & difficili, quia datur fides non rei, sed testi; 2) quibus de-  
 stimonium utile est, testes si vocentur, ne credito; 3) hoc  
 discrimen est inter malæ ac bonæ notæ testes: hi ante, quam  
 testantur, rem perpenderunt diligentissime, monenturque, ut  
 denuo perpendant, illi secus; 4) ubi desunt testes, ob-  
 serves a) argumentum discriminis, b) testium famam, c) mo-  
 menta, quibus concitantur, d) rem vagiam, rem certam, quid

ex



ex lege, quid a consuetudine; 5) testes de auditu si ab eodem acceperint, quanquam mille, unum habe. Vix revocato ab aviis illis pede, in alia incidit, scholasticos doctores adversus *Adamum Tribecbovium* atque alios defendens. Crassissimis autem in tenebris oberrat, quando cum iis pugnare laborat, qui, ut iste scribit, speculandi ratione utuntur, quæ non in divinas literas, non in traditiones, non in Concilia, non in Pontifices Summos, non, uno verbo, in sacram historiam & ecclesiasticam, radices agit, cuique *Ecbius*, qui non eminus spectavit agmen, sed cominus aggressus est atque coegit, nec non *Remundus*, qui cuniculos omnes detegit, viri ætate superiore docti & eruditi, perniciem illam adscribunt, quam temporibus suis sancta Catholica & Apostolica ecclesia indignissime perpeffa est.

Pag. 35

seq.

36.

CAAB BEN ZOHAIK, CARMEN PANEGYRICUM in laudem Muhammedis, AMRALKEISI MOALLAKAH, cum Scholiis (Arabicis), & versione Latina LEVINI WARNERI. Accedunt Sententiæ Imperatoris ALI, et nonnulla ex Hamasa & Diwan Hudeilitarum. Omnia e MSt. Bibliothecæ Batavæ edidit, vertit, notisque illustravit, GERARDUS JOANNES LETTE. Præmissa est laudatio Celeberrimi Viri, ALB.

SCHULTENS.

Lugduni Batavorum, apud Cornel. Haak, 1748 (1747), 4.

Alph. 1 plag. 9.

Leida, librorum Arabicorum secunda mater, quæ tam copia, quam præstantia, suorum id genus fœtum cum ipsa Roma certat, denuo nos orientali beat munusculo, recente opusculorum poeticorum Arabicorum, antea non editorum, collectione, quam curavit Rev. Lette, amicus quondam noster, (verba sunt Jo. Jacobi Reiske,) dum Leidæ degebamus, nunc constitutus Pastor Valkenburgi, pagi non ignobilis, qui Leida versus oram maritimam occidentalem ad milliare distat. Opusculum hoc

hoc linguæ Arabicæ studiosis, & iis maxime, qui sacrum Codicem ex ea illustrare student, potest insignem usum præstare. Præter enim modo in titulo indicata, exhibet in notis fragmenta poetica & grammatica multa egregia, quæ tironi campum æperiunt, in quo diligentiam exercere, & levare sitim suam, queat. Monstrant illæ notæ, suum autorem in scriptorum Arabicorum lectione hospitem non esse, doctrinaque latiore & acriore iudicio abundare, quam ille possedit, qui *Alii* carmina edidit, librum, quem nuper *Mense Septembri* annuntiavimus. Unde spem concipimus, fore, ut, eadem diligentia si pergat Cl. Editor his in studiis occupari, magno illis ornamento & præsidio aliquando sit.

Textus Arabicus primi Carminis, quod *Caabum*, filium *Zabairi*, autorem habet, & versibus 58 cum opposita Latina *Letii* versione, & Scholiis subiectis, (quæ, quia melior appellatio non succurrit, Lipsiensia nominemus, quandoquidem a me olim ex Codice Lipsiense descripta, & Editori suppeditata fuerunt,) ea, inquam, implent paginas 45. Alterum Carmen est *Amralkaifi*, Principis Arabum Kenditarum, sed qui, regno eiectus, misere periit, (vid. Prolog. meus ad *Tharapham* pag. 25.) isto *Caabi* quinquaginta fere annis antiquius, unum, & quidem primum, de illis septem, sub nomine *al Moallakat*, seu suspensorum, celebratis, quorum editionis initium feci Leidæ A. 1741, quando secundum ordine, quod est *Tharaphæ* auctoris, prodebam. Carmen *Amralkaifi*, quod constat versibus 82, cum subiectis *Ibn Nabafi*, Grammatici, Scholiis Arabicis, & opposita Latina interpretatione *Levini Warneri*, a pag. 48 usque ad 89 procedit. Latinam illam interpretationem *Levini Warneri*, summi viri, & mihi nunquam sine honoris præfatione nominandi, interpolaverunt Cl. *Schultens* & noster Editor. Ego quidem id non fecissem; neque substituendo aliorum erroribus mea κατὰ φύσιν ipse me defraudarem, neque, indigna iudicans publica luce, sollicitarem mortuorum manes, ea prodendo; sed, si darem, darem talia, qualia invenerim. Jam fueram hoc institutum pag. 7 Prologi mei ad *Tharaphæ Moallacæ* deprecatus. *Paginas 90, 91, & 92*, implent sententiæ Impera-

Imperatoris *Ali*, mere Arabicæ ordine Alphabetico, e collectione *Abdulwahid ben Mubammed*, e Codice, qui *Bibliotheca Leidenfis* in *Catalogo pag. 467* numero 1448 recensetur, ordine vero librorum, quo in pluteis dispositi sunt, est vigesimus octavus. Hæ sententiæ diversæ sunt, ut comparando deprehendi, ab illis, quas *Simon Okley* post alterum Tomum Historiæ suæ Saracenicæ dedit Anglico, & *Tb. Arnoldus* inde deinceps Germanice quoque vertit. Forte sunt eadem cum illis, quas *Jacobus Golius* Leidæ apud *Elzevir*. in 8 plagulis duabus, vel tribus, una cum carmine *Tbograï*, & aliquo *Avicennæ*, nescio quo anno, edidit. Possessores rarissimi hujus libelli, quem ipse quoque olim habui, sed amico donavi, poterunt in eam rem inquirere. Id scio, Codicem, e quo Rev. *Lette* has sententias edidit, unum eorum esse, quos *Golius* ex Africa & Oriente Leidam convexit. Sequuntur post hæc a *pag. 93* usque ad *pag. 166* notæ fusiores ad *Caabi* carmen, & a *pag. 167* usque ad *pag. 214* strictiores ad carmen *Amrilkeïsi*. *Pag. 215* & *216* sunt stichi quidam mere Arabici ex *Hamasa*; *pag. 217* alij ex *Dirwan Hudeil*; & unum bene longum carmen celeberrimi Poetæ *Sachri*. Sequuntur Indices tres. Primus Autorem, quos Rev. Editor in notis allegat. Placeat, cuicumque velit, hoc Belgio nunc solenne institutum, in Græcis & Latinis utile quodammodo & necessarium, at in Arabicis, qui paucissimi editi sunt, inutile. Mihi non placet ambitiosa hæc, imperitis formidolosa, peritis rerum ridicula, multijugæ lectionis ostentatio. Secundus Index est vocum Arabicarum, quæ in notis excutiuntur; & tandem tertius vocum sacræ Codicis Hebræarum, quæ ex Arabismo illustrantur. Potissima nempe hujus opusculi destinatio fuit, sacræ Scripturæ ex monumentis suis lucem accendere, neque aliud quid expectari debet ab iis, quorum studia & lucubrationes Cel. *Schultens* moderatur. Dedicatus est libellus Serenissimo Auranfionensi Principi, Fœderati Belgii gubernatori. Excipit eam dedicationem præconium, quo Cel. *Schultens* Autorem hujus opusculi, ejusque eruditionem, laudat & extollit verbis tam

Rrrr

magni-

magnificis, ut vel sola tam nobilis palmæ adipiscendæ cupiditas alium quemcunque ad linguæ Arabicæ studium impellere possit. Tandem Præfatio sequitur, ad quam statim plura dicemus. Cetera totum opusculum nitida charta, typisque pulchris, & satis emendate, impressum est; fasque adeo, Editori, & nobis, & erudito orbi, læpidum munus, & non contemnendas opum accessiones, gratulari.

Præfatio, quæ pro dignitate & copia rerum debebat filo deduci longissimo, & quatuor, aut quinque, plagulas implevisset, si mihi fuisset scribenda, justo brevior & obscurior est, passim etiam ænigmatica. Exponit ea de occasione concinnandi sui opusculi, de Poetis suis, de Codicibus, e quibus prodiit, & tandem peculiare dimidia plagula, de occasione, qua *Caab* suum carmen dixit. Occasionem suscipiendi hujus opusculi narrat his verbis: *Cum e gazophylacio Codicum MSS. quibus splendet Bibliotheca Batava, (id est, Leidenfis,) mihi lectissima quedam seligere concessum, præprimis placuit Caab ben Zabairi Abi Solma (imo vero Zohairi ben Abi Solmæ) carmen panegyricum & Moallakat. Utraque ista monumenta mihi digna visa sunt, quæ erudito orbi communicarentur.* Quantum ego equidem ex his intelligo, & lectorem quemvis intellegendum esse puto, concludendum est, Rev. Editorem dicere velle & insinuare, quod, postquam accessus ad Codd. MSS. Leidenfes sibi fuerit factus, notitiam demum cum supra memoratis monumentis contraxerit, & eorum amore tum demum captus ita fuerit, ut ea inde exscriberet, atque deinceps verteret, & ex illis solis ederet. Verum ipse deinceps dicit, se *Caabi* carmen ex Bibliotheca Lipsiensi prodere, quam dignam puto rem, ut, quemadmodum gesta est, exponam. Scire illam, non tam mea, quam literariæ rei, interest. Si audire vellem civium meorum quosdam doctos homines, qui de maligno & ignobili atque improbo quorundam Batavorum erga Germanos animo sæpe apud me questi fuerunt, possem summo jure meum *Lettium* habere suspectum, ac si mea in suum opusculum merita celare & suppressere

mere voluisset. Ego vero potius hanc narrationis miscelam & ὑπεροπτερολογίαν alicui ejus insuetudini scribendi & precipitantiae tribuo, quæ, quo minus claros impertiret & distinctos sensus successione rerum & temporum, impedivit. Sed, ne ipse obscurus fiam, dicam, quod res est. Reverendus Editor, mense Febuario anni superioris 1746 ad me accedens, exponebat, animum sibi esse, specimen aliquod poetæ Arabicæ edendi. Rogare itaque, ut ipsi præstem de penu mea, quod ex ipsius re fore judicarem. Ego tum ipsi suadebam, ut nobilissimum carmen, in laudes *Mubammedis* a *Caabo* dictum, ederet, & promte, ut meus est mos, & officium, quo literarum incrementis inservire teneor, Codicem ipsi tradebam, in quem compingi curaveram 1) Carmen *Ibn Doraïdi*, vulgo *el Mochammassub*, vel ἡ πενταδική, dictum, quod magnificentissimis verbis, ultra meritum tamen, ut mihi videtur, extollit Cel. *Schultens* in Præfatione ad Consellus tres priores *Haririi*, Franequeræ editos; 2) Carmen *Caabi*, cum Commentario nescio cujus, quod mense Julio anni 1737, adeoque ante decem annos, Lipsiæ in Bibliotheca magnifici Senatus Lipsiensis descripsi, indultu illustris *Masfœvii*; cui pro mea parte gratias ago, ea humanitate dignas, gratulorque, reiliteratæ nomine, & ipsi, & splendida, cui præfatus est, Bibliothecæ, proditum ex ea tam elegans & nobile monumentum. Præterea continebat meus Codex Carmina *Ibn Nabafi* Poetæ, & aliorum permulta, nec non aliqua ludicra, quæ nosser Editor passim citat. Omnia ex eodem Codice Lipsiensi, de quo paulo post plura dicam. Hunc itaque meum Codicem tradebam Rev. *Lettio*, qui *Caabi* Carmen cum Scholiis Lipsiensibus describebat, meo suasu, vertebatque Latine, & versionem suam mihi monstrabat; sed quæ, ut paucis complectar, ne cassam quidem nucem valebat. Ignoscat mihi Reverendus amicus, quicum mihi res est. Ipse mihi sibi que veritatis eorum, quæ narro, conscius est. Semel itaque, & paulo ante discessum meum e Leida, iterum carmen *Caabi* coram ipso, tanquam magister discipulo, exponebam, singula

Rrrr 2

verba

verba Latine reddens, constructionum & phrasum indolem, tertium, quod ajunt, comparisonum, totiusque carminis nexum & œconomiam, scopumque Poetæ, declarans, & tanquam Anatomicus digito singula cultroque demonstrans. Porro suadebam, ut Codicem hujus carminis Bibliothecæ publicæ Leidenfis cum meo conferret, &, illud carmen Codice 68 (pag. 472 n. 1559) contineri, indicabam; cujus in Prologo ad *Tbarasam* pag. 11 dedi ampliorem notitiam. Tandem ergo *Letti*us mense Majo anni 1746 obtinebat illius Codicis, quem Leidensem appellare solet, usum. Ego vero sub idem tempus Leidam, charam illam mihi &, quamdiu vivam, memorabilem Leidam, nonnihil invitus, neque ἀντά-  
 γαυτος, relinquebam; monens Editorem, cum ipsi valedicerem, ut, si, opus, sentiret, se suscepisse suis viribus majus, id potius abjiceret. Relinquebam apud ipsum meum exemplar *al Moallakat*, ex quo, magno cum meo dolore, video proditas notas, quas privatos in usus meditans & conjectans ante multos annos margini alleveram; quas æternis tenebris sepultam mallet. Æquum fuerat, hac de re ad me referre. Jubeo itaque ista mea verba expungi, & pro scriptis non haberi, quæ me incio, &, si scivissem, summo opere obstituto, in meum dedecus pag. 188 & 210 prodita sunt. Relinquebam porro penes *Letti*um *Hamasum Bochtarii*; quam nusquam in opusculo suo citat, quod mihi valde mirum accidit, & suspicor nescio quæ. Relinquebam tandem *Amralkesfi* opera omnia poetica ex editione *Abi Osamah*. Hos tres libros *Moallakat*, *Bochtarium*, & *Amralkesfum*, scripta schedula, quam servo, promisit intra annum se mihi redditurum. Jam annus elapsus est unus cum dimidio, neque adhucdum reddidit: Donabam porro Rev. Editori discedens aliquas schedas varii, sed potissimum poetici, argumenti, (tanquam ex Arabicorum Poetarum contubernio ad museum Historicorum transiens,) ut particulam de *Lazum ma la jalzum*, *Abi'l Ols* meditationibus poeticis de vanitate mundi; initium operum poeticorum *Abi Temami*; ma-

gnam

gnam particulam præstantissimi operis grammatici, *el Cameli* dicti, autore *al Mobarredo*. Donabam ipsi quoque opera poetica *Haderab*. Utenda etiam per aliquod tempus a me habuit *Abilola Sekh ez Zendi*, seu opera poetica; item *Dahmani*, *Geriri*, *al Motanabbii*, cum scholiis *el Wahidii*. Quem male citat *Abu Anwas*, pro *Abu Nawas*, eum citat ex Codice illo meo Lipsiensi. Quos citat *Lebidum*, *Zobairum*, *Anarum*, habet ex meis *Moallakat*. Quem citat locum ex *Ibn Doraidi* Etymologico, eum ipsi suggesti. Hæc omnia citat, tanquam ipse depromisset e Codicibus MStis Leidenfibus, quos tamen, bene scio, non ab eo inspectos. Sed citat ex apographis, quæ manu mea ex Codd. Leidenfibus feci. Agnosco quidem Batavum, magis velificautem honori suo, suæque patriæ, quam hominis Germani, quem pluris Leidæ non faciebamus, quam illo poteramus in rem nostram uti. Fateor tamen, tentasset aliquale gaudium meum animum, si memorasset, unde illa omnia habuerit; & vidissem, mihi meum laborem & facilitatem apud hominem gratum non periisse. Ego quoque, si sustinenda mihi fuisset persona Clarissimi *Lettsii*, & alter mihi præstitisset officium, quod ipsi præstiti, silentio non præterissem. Nempe hoc. Liber MStus Arabicus, quem ultimo loco Leidæ tractavi, fuit *Sebekæi* Historia Theologorum Muhammedanorum sectæ Schafeiticæ. Hic verus est titulus libri, quem Catalogus Leidenfis pag. 484 n. 1860 prave & obscure indicat. In hujus libri primo Tomo reperiebam præter meam expectationem *Caabi* carmen; id cum Codice meo in gratiam Editoris comparabam, & solum notatu dignum visum Scholion illud excerpebam, quod Editor in notis pag. 130 queritur sibi maligna typothetæ incuria periisse. Ego illud in mei Codicis margine conservavi, & infra utroque sermone exhibebo. Si Editor ipse habuisset usum ejus Codicis *Sebekæi*, aut potuisset semper & absque impedimento eum consulere, supplevisset facili opera jacturam suæ schedulæ, denovo ex Codice describens. Atqui eam notulam habebat a me. Quod annotare, quamvis nemo ipsum cogeret, honesto tamen & polito homini decorum fuerat. Expectaveram quoque,

ut indicasset suis locis locorum difficilium ipsi a me suggestas explicationes, quas, quia jam diu Leida absum, rerumque tunc gestarum exacta memoria evanuit, non omnes novi; agnosco tamen bene multas, ut e. c. illud v. 3 *vino temperatum*, v. 5 *super quam eminent*, v. 6 *o quam nobilis*, v. 14 *non obstante lassitudine*, v. 15 *cujus negotium est*. Hæc omnia mea sunt. M. 28 ista tota parenthesis de consilio meo fuit instituta. Sed, quia non omnia capiebat, aut memoria servabat, mea monita, factum est, ut quædam ex parte recte, ex altera parte sinistre, exhiberet. Sic v. 6 monueram, vertendum esse, *o quam nobilis ea foret amica*. Sed ille *amicitia* exhibet, *Golii* Lexico magis obsecutus. Ad v. 32 monueram, vertendum esse *filiis sui*; ille vero, rursus obsequio *Golii*, *juventa sua* vertit. Totum v. 41 ipsi dictavi: *Sto in loco, in quo se staret*, non, ut ibi exstat, *quod si staret ibi*. Debuerat quoque lectores monuisse de meis aut conjecturis, aut emendationibus, quas passim in Scholiis loco veteris lectionis, quam in Codice Lipsiensi inveni, exhibuit. Nempe describens ea Scholia ante hos decem annos, quædam margini allinebam, partim bona, partim prava, properans ad alia, neque satis rei attendens, aut ejus intelligens pro ista ætate, quæ nunc nollem mihi excidisse. Noster autem Editor ea omnia cum pulvisculo corrasit, & in textum inferfit, neque vel verbo usquam ea de re monuit; quæ vero ego non emendata reliqueram, ea exhibuit, ut invenit. Quare non etiam hæc mutata fuerunt? Mutasset procul dubio, si me præeuntem habuisset. Sed faciam verbis meis fidem. In Scholio ad v. 2 lin. 2 exstabat in Codice Lipsiensi *لبا قبله*. Adscripseram, legendum esse *لمقابلته*. Hoc arripuit Editor, sed aut ipse corripit, aut ejus typotheta, edendo *لمقابلته*, quod æque pravum atque lectio Codicis Lipsi. Pag. 13 lin. 15 exstat *قوته*. Sic annotavi in margine legendum esse pro lectione MSti *قوله*. Sine dubio aberravit calamus meus, & scribere volui, aut certe debui *قوية*, quod unice rectum est. Pag. 15 ad v. 17 lin. 2 exstat *عبل* bis, utrumque ex mea emendatione. Sed in MSto est *عبد*. Fingamus, certissimam esse meam emendationem, non male tamen egisset, si lectio-



lectionem MSti Lipsiensis indicasset. *Pag. 23* تفريق est mea conjectura pro تغريق, quod est in Codice. *Pag. 27 lin. 4* الاختتام. Sic scribebam ante hos decem annos ad marginem mei libri legendum esse pro vitioso الاجتبان, quod est in Codice, nimium inhaerens ductui literarum. Certe nunc non conjicerem eo modo, sed الاخبار, quod unice verum est. Tum nesciebam discrimen inter octavam & quartam conjugationem; nunc novi. *Pag. 39 lin. 4* مغلول exhibet ex iufelice mea & importuna conjectura. In Codice exstat قلول, pro quo facili modo reponi debuerat قلول. Et forte sic quoque fuit in Codice. Puncta enim unum, aut geminum, saepe vix distingui possunt; neque debuerat dubitasse de praestantia lectionis, quam ex *Nabega*, cujus is locus est, *pag. 157* citat قلول من قراع. Ea sola vera lectio est, altera merum monstrum, quod tamen incrustare voluit Cl. Editor. Quia semel ad illum locum deveni, debeo cum emendare. *V. nempe 48* ultima vox in omnibus Codicibus est مغلول, *Maglul*, id est, *vinctus*, vox ibi quidem nullo modo tolerabilis. Describit enim Poeta leonem, & sic ait: *cum insilit in compar*, (ex versione *Letteana*) *haud decorum esset ei compar relinquere, nisi fuerit illud vinctum*. Duplex eo in versu peccatum, unum ab interprete, alterum a scriba, cui nimium credulus interpret obtemperavit. Verbum لجل derivavit ab حل, *licuit, decuit*. Sed est ab حلو *dulcis fuit*, non est dulce leoni, non sapit ipsi, non est ad palatum ejus, fastidit, dedignatur, *il ne l'accommode pas*. Deinde quis mortalium vidit unquam, aut vel mente tantum concipere potest, leonem, qui funibus, vel catenis, vinciat alterum vel leonem, vel feram, vel hominem? Vitium hoc scribarum est, *maglul*, مغلول, exarantium pro sola vera dictione & scriptione Autoris مغلول, *maslul*, id est, *contritum*, vel *comminutum*. Leo, qui, si insilit in adversarium, fastidit ab eo desistere, antequam ossa ejus fuerint comminuta, commolita. Et haec emendatio quoque obversata fuit Scholiastae Lipsiensis, sed scriba eam pratervidit. Sic itaque legendum in illo videtur: المغلول الماسور وبيروى المغلول المكسور المهزوم وأصل الغل الأسر والجبر *Maglul idem atque maslul, seu vinctus, notat. Aliae editiones*

*tiones habent Maslul, id est, fractus, & metaphorice fugatus. Etenim propria notio verbi Falla frangere, & βιά ἀνάρκην συνωδύν.* Hæc ad istum locum. Pertinet aliquo modo huc illud, quod ex male percepto ductu quodam calami mei ediderit in textu *Caabi* v. 45 *الهاب*, cum ego scripserim, uti scribi & legi debet, scriptumque reperitur in omnibus Codicibus, *أهاب*, obiba, passiv. 4 conjugat. Erravit quoque in phthongisatione alterius vocis *عندي*, quæ ut *Anadi* (*cor meum*), non ut *Indi* (*penes me*), debet esseri. Quod Leidenfes typi ediderunt, Arabicum non est.

Verum, ais, an non vidisti, quantis nomen tuum celebret laudibus Reverendus Editor in Præfatione, quam magnas tibi tibias pomposus tibicen inflet *Φεββιάς ἀρεῶν*, quam tibi passim per opusculum suum spargat *χένδρος ἐμπρωτίωντας καὶ ἐμμεγέθους*. Novi. In Præfatione ait: *Codicem MSt. unde hoc Carmen edimus, servat Bibliotheca senatoria Lipsiensis.* (Ne quis credat, monitum velim, Cl. Lette sua præsentia Lipsiam nostram unquam honorasse; aut eo Codice usum fuisse, e quo ait se *Caabum* edidisse. Propterea addit:) *Hinc olim descripserat Arabica literatura promus condus J. J. Reiske, cui debitas impertimus laudes & grates, quod communibus studiis inserviendi ergo ex apparatu suo, quem indefesso labore iudicioque acuto comparaverat, nonnulla nobiscum communicavit, atque inter alia Carmen Caabi & Moallakat ex editione Tebrizii.* Deprecor laudes immeritas. Quod genuinis & honestis Arabismi cultoribus ea, quæ possideo, subsidia libenter impertio, meum est officium. Verum vicissim pro mercede postulo, ut mea mihi reddant, ubi usi fuerint, & si quid ex iis profecerint, indicent. Gratius mihi fecisset, si loco *σοβαρῶς* istius *καὶ ἀεγῶδες καὶ μεγέθους* simpliciter dixisset, quod ego ipsi primus autor suasorque fuerim edendi *Caabi*, quod ipsi eum in finem commodaverim apographum meum Codicis Lipsiensis, quod ipsi subministraverim lectiones variantes ex *Sebekæo*, quod usus fuerit mea directione in concinnanda sua versione, & meis emendatiunculis in Scholiastâ. Hoc si dixisset, satis litatum honori meo credidissem.

Sed

Sed promissorum oportet esse memorem. Supra promisi, psulo fufius de Codice Lipsiensi *Caabi* me disferturum. Codex est formæ quartæ miscellaneus, a nescio quo collectus. In eo primo loco se offert *Caabi* carmen cum Scholiasta. *Kebrius*, qui catalogum MStorum orientalium Bibliothecæ Senatus Lipsiensis confecit, sed eum nondum editum, indicavit, id carmen esse miscellanea apophthegmata moralia metrica. Condonamus id bono viro, quem aliunde novimus. Dexterior erat in pingendis pulchre literis & ductibus Arabicis, quam usu librorum & linguæ versator. Ego vero statim deprehendebam *Caabi* carmen, & lætabar, id eo loco me invenire, ubi non quæssiveram. Scilicet mense Aprili A. 1737 Dresdæ apud eruditissimum & humanissimum senem, Cl. *Seebisch*, Bibliothecarium Regium, videram & mihi descripseram hujus *Caabi* carmen & primam *Moallakam*, seu *Amrilkeifi*. Inde mihi carmen illud notum erat antequam codicem Lipsiensem viderem. Altero anno post in Belgium illud mecum deferebam, & A. 1741, edens meum *Tarasam*, intuli primus nobilissimi hujus carminis, etiam Cl. *Schultensio* ignorati, notitiam non in Belgium tantummodo, sed in totum literatum orbem. Anno inde 1745 Cl. *Nicol. Guil. Schræderus*, Professor Marpurgensis, illud primus ex meo Codice describebat, & Leida discedens Cl. *Schultensio* relinquebat, a quo Rev. *Lette* habuit. Hinc intelligas illa ex Præfatione, alias futura ænigmatica: *Nonnulla tamen aut inepta, frivola, aut manca*, (nempe in Scholiasta,) *quæ ad exemplum Viri Cl. Nic. Gul. Schræderi, cujus usi sumus apographo, aut emendavimus, aut amputavimus*, Nihil emendasti, amice, quantum adhucdum comperi, neque tu, neque Cl. *Schræderus*. Sed meæ fuerunt conjecturæ, quas ille ex meo libro in suum transtulit. Provoco ad communis amici nostri testimonium & conscientiam. Quæ amputaveris, nondum examinavi. Rectene factum, an secus, nunc non inquiram. Id scio, facillimam viam hanc esse, ex omnibus tricis sese expediendi.

De Codice *Seebischiano* id dicendum mihi superest, quod ejus collationem impertire nostro Editori non potuerim, quando quidem scelestæ manus apographum meum, inde fa-

Quum, mihi jam dudum abstulit. Continet ille Codex miscellanea, mira, rara, curiosa. Statim in principio exhibet carmen *Caabi*, primam *Amralkeisi Moallakam*, epicedium *al Motanabii* in matrem *Seifedduala*, & celebre carmen *al Momfarega*, de quo *Herbelotius pag. 621*, omnia cum Scholiis interlinearibus.

Hæc de occasione editi Carminis hujus antiquissimi disputanda post Editorem habui. Si mihi scribenda fuisset Præfatio ad *Caabum*, dixissem de variis ejus Codicibus, & commentatoribus, qui passim in Bibliothecis, Parisiensi, Oxoniensi, aliis, prostant. Attulissem ex *Abi Osaiba* libro de claris Medicis, quod *Mowassekoddin al Mauselenfis*, Medicus, vulgo *Ibn al Labbadi* dictus, qui A. 629 obiit, commentarium scripserit in hoc carmen; quod, ubi *Kasidat al Amani*, carmen *spei & votorum*, citetur, hoc carmen intelligatur; quod *Mubammedis* pallium, *Caabo* donatum, fuerit viride; quod una cum ejusdem, Prophetæ scilicet, baculo fuerit inter regalia & insignia Chalifatus Bagdadici; quod aliquando per annum & ultra fuerit in exilio; quod tandem A. 653 fuerit a Tataris, Bagdadum diripientibus, de medio sublatum, præter alia, quæ de *Caabo*, & ejus patre *Zobairo*, jam Prologi ad *Tharafam pag. 29* attuli.

Sed de versione Latina *Letteana* nunc dicendum est. Ea nimis literalis, ideoque sæpe obscura, & præterea sapissime a sensu Autoris sui alienissima, est, quamvis & mea usus fuerit directione, & *Cel. Schultensius*, ut ipse fatetur, ejus elaborationi invigilaverit. Quid, si tironum illos fuerit imitatus, qui ad elaborandas suas theses eruditiorum amicorum adhibent consilia, sed a nimia sibi cavent elegantia, ne opus prodant non suum esse, bonisque alienis admiscent quædam mala de suo, data opera. Studuit quidem tironum commodis. Atqui considerare debuerat, ineptum fore institutum, si quis tironem Arabismi ad tam sublime & difficile carmen admittere velit. Qui vero legere illud Arabice sciunt, non egent versione literalis, sed etiam ope laxioris periphraseos se norunt expedire. Plures quoque sunt lectores & æstimatores talium Arabice non periti, quam periti; quorum potissima habenda ratio. Nam versione neque satis clara, neque satis La-

tina,

tina, eos in opinione magis confirmes, qua occupantur, Arabes insanire, & effutire, quicquid in buccam venit. Et quidni sic cogitabunt, si neque in singulis versibus deprehendant aliquid intellectu facile, neque in genere scopum Poetæ, carminis œconomiam, connexionem & harmoniam idearum, transitum a procæmiis & rebus alienis ad ipsum argumentum & τὸ πρὸς ἐλπίαν, videant. Verum apparet ex tota versione, interpretem hoc ignorasse. Unde mirum non est, si, qui suum autorem ipse non capit, neque aliis claros ex eo & humanos sensus eliciat & proponat. Arabes homines sunt nobis similes, & maxima ex parte humane locuti. Sed interpretum inficitia eos sæpe asinorum instar rudere, & ut vaccas mugire, jubet. Non multus ero in arguendis, & quasi producendis in theatrum, erroribus versionis *Letteana*. Sed exhibebo potius totum carmen in Latinum sermonem meo modulo conversum, iis cum ideis, quibuscum Autor id composuit & enuntiavit, claris, aptis, elegantibus, excelsis; postquam œconomiam ejus brevibus delineavero. Non inutilis, neque inficeta, erit hæc discussio, quamvis insperata horum *Actorum* lectoribus accadat. Poeseos periti æstimatores haud ægre ferent, si & de Arabica quidquam intelligant, quod cum nostra comparare possint. *Caab* itaque hoc carmine in genere studet iram placare *Mubammedis*, qui ipsum proscripserat; quod tentat efficere laudatione tam ipsius, quam sodalium ejus. Cum vero generalis canon poeseos Arabicæ sit, in carminibus justæ magnitudinis omnibus ab erotico quodam themate incipere: (sunt enim Arabes Serenadarum Hispanicarum & libellorum Romanensium auctores, ut notum est;) auspicatur *Caab* suum querelis de adversa suorum amorum fortuna. Abiisse nempe suam amasiam; quam partim laudat a pulchritudine, partim vituperat ab inconstantia. Abiisse in terram longissime remotam, ad quam perveniri nequeat, nisi camelo præstantissima; cujus cum varias dotes enumerasset a v. 13 inde, & v. 28 pervenisset ad ejus in currendo celeritatem & agilitatem commendandam; stilum subito vertit, & ad propositum venit; sed modo miro, qui non nisi Arabibus placere, & admirationi esse,

potest. Dicit nempe: Camela, quæ ipso meridie sub calen-  
tissimo sole tam celeriter & agiliter motitat brachia currens,  
atque plangens scœmina, cui mors suo filio instans nuntiatur.  
Per illam scœminam intelligit matrem suam; per ejus filium  
se ipsum. Vult itaque dicere: Camela, quæ tam celeriter moti-  
tat brachia, currens, atque mater mea plangens, cum audit,  
me a *Mubammede* proscriptum, ab unoquoque posse impu-  
ne occidi, & brevi necandum esse. Hæc idea *συνάφης*  
*καὶ συσφύσεως* est totius carminis, & quasi hypomochlion,  
super quo hic vestis libratur. Non nunc denum incido in  
hanc observationem, sed eandem jam ante sesquiannum Edi-  
tori Batavo tam clare, quam nunc propono, proposui. Qua-  
re vero. uti illa noluerit, ipse norit; hæc, mea res non est, in-  
dagare. Sed pergo. Hæc facta via, pergit *Caab* gratiam *Mu-  
hammedis* implorare; se ab accusatorum criminationibus pur-  
gare; Prophetam ad commiserationem flectere; laudatque il-  
lum & ejus sodales. Jam sequatur hujus carminis interpreta-  
tio, qualem forte dedissem, si fatale mihi fuisset, *Caabum* ede-  
re. Omittam versus aliquot, a Batavo tolerabiliter versos.  
Notas possem admetiri plurimas, verum habenda loci & lecto-  
rum ratio. Canit itaque *Caab* hoc fere, secundum me, modulo:

1. Abiit *Soad*, ideoque cor meum nunc est amoris cru-  
ciatu afflictum & enectum, & ab ejus inde habitu in servitutem  
& vincula nunquam laxanda datum.

2. Illa pulchra *Soad*, quæ, cum eam tribules avehe-  
rent, dorcadi similis erat, nigris oculis & composito modoesto-  
que vultu decoræ.

3. Illa *Soad*, quæ subridens, hiscentibus paululum label-  
lis, monstrare solebat nubes α) imbre gravidas, limpidissimæ,  
roscidæ, & fragrantis salivulæ, quam haud male lacum dix-  
eris vino temperatum.

4. Vino, quod dilutum fuerit frigida lymphæ *fontis*, ab  
accessu radiorum solarium remoti, liquidi, in valle glareosa,  
aprica quidem, at ventis tamen borealibus perflata.

5. Qui

a) Intelligit *dentes*.

5. Qui venti fordes inde despumant, identidem innatantes; & cui *fonti* superinnatant albæ bullæ, ab effusione nocturni imbris excitatæ.

6. O quam nobilis, quam chara nobis, ea, *Soad*, foret amica, si promissis staret, aut si meus in eam sincerus amor & defæctum studium ipsi accepta & grata essent.

7. Verum amica illa ita est comparata, ut sanguinis & craseos ejus naturalis aliqua pars sit, amatores suos eo, quod amant, privare, mentiri, contra datam fidem agere, amatores amatoribus mutare.

Non enim manet in statu, quem semel induit, prorsus ut versipellis *Gul*, α) id est, *Empusa*.

9. Ne-

- a) Non possum non proferre hic longum quidem, at elegantem & apprime congruum, locum ex *Ibn el Guzii* libro historico, *Mirat oz Zamani*, seu speculum temporis, inscripto (*Cod. Leid. 973, pag. Catalogi 480, n. 1750*): „ol Gul secundum al Gauharium est de genere „as Saali, seu proteorum, vel empusarum. Format hic singularis, „nempe Gul, pluralem Agwal & Gilan. Deinde in genere „omne, quod hominem subito obruit & perdit, illud etiam Gul „appellatur. Inde formula illa: galat-ho gul, *ἐπισκεπόμενον ἐς ἀν-* „*τὸν ἡ ἄνθρωπον*, id est, incidit in negotium ipsi exitiosum. Idem Au- „tor alibi dicit, as Saali peiores & terribiliores esse, quam ol Gul. „H. J. Alios inter Autores non constat certo, quid sit ol Gul. „Quidam Arabum asseverant, ol Gul in desertis sese monstrare, „variis sub formis, & alloqui transeuntes viatores, & eorum „audire responsa, sæpe quoque congressum virilem pati. (Conf. „*Luciani* Lib. II ver. hist. in fine, & Schol. *Aristoph.* ad Ran. „v. 295, 296.) Tales asseverant, ejus crura similia asininis se „vidisse. Quando illa Gul, vel Empusa, occurrit viatoribus de „nocte, & illi dicunt hæc verba: o pes asini (cetera in Co- „dice meo corrupta non potui extricare,) circumductitat eos per „desertum usque ad speluncam... in quam cum eos compulerit, „obstruit aditum, neque finit eos unquam rursus egredi. Sed alii „antiquorum Autorum dicunt, quod sit fœdum animal, & a crea- „trice natura non prorsus perfectum, quod impatiens humani „consortii habitet in solitariis ferisque & exitiosis desertis. In- „dorum quidam putant, illud (phantasma, vel empusam,) nasci „ab ortu alicujus sideris, ut Sirii. Tunc enim nasci & compa- „rere quaedam *ὁμιχλῶδη φαντάσματα* in desertis, quæ ab homi- „nibus

9. Neque tenet fidem, quam præterdit & spondit, haud magis, quam cribrum aquam tenet.

10. Ne

„nibus Gilan, vel Empusæ, appellentur. Unde apparet, Indos  
„plane non statuere al Gul, ejusque existentiam. Et inde quo-  
„que sunt, qui reprehendunt dictum *Amrilkeisi*: *Sicut dentes al*  
„*Agwal*, & sic interpretantur, quod nempe Poeta ibi non po-  
„suerit eam vocem ea significatione, qua vulgo usurpatur &  
„intelligitur, nempe pro Empusis, sed designasse animal, quod  
„invenitur in terris Arabum, diversis pictum coloribus; &  
„idem illud animal perhibent intellexisse *Caabum*, filium *Zubai-ri*, isto suo dicto:

*Quemadmodum sese colorat in vestibus suis ol Gul.*

„Plurimi tamen Indi asserunt existentiam al Gul, & quod sit  
„de genere dæmonum maxime ferocium. Traditio Ibn Abbasi  
„existat, qua is refert audivisse Omarum (Chalifam) sic nar-  
„rantem de se ipso. Eram, ajebat Omar, in itinere Syriaco,  
„antequam Islamismum suscepissem, & obruebar ab aliqua Gul,  
„quam ego gladio feriens in fugam dabam. Et sæpe frequen-  
„tissima in Poetarum scriptis sit horum spectrorum mentio;  
„unde pater, eorum futilem esse conjecturam, qui putant, in  
„dicto *Amrilkeisi* supra allegato genus aliquod bestię intelligi.  
„Caab autem isto suo dicto, quod ol Gul sese colorat, dicere  
„vult, quod modo appareat in forma viri, modo forma fœmi-  
„na, modo formis mixtis & variegatis. Has omnes nugas ani-  
„les paganismi sustulit & abolevit Propheta. Ut enim est in  
„traditione Gaberi, dixit Propheta: nihil est Adwa, nihil Thi-  
„rah, nihil Gul. Hanc traditionem in solo corpore traditio-  
„num *Moslemi* reperiis, ubi subjungitur textui hujus traditio-  
„nis hæc observatio: quod nempe Arabes dicere consueverint,  
„al Gilan sese conspicienda dare hominibus in deserto, & eos  
„rogul, i. e. perdere. Hoc abolevisse Muhammedem. Maxime  
„autem illa spectra comparere in tractibus al Jemenæ, seu A-  
„rabie felicitis, & Tehamæ, & Said Mesr, seu Thebaidis Æ-  
„gyptiæ, & in locis vastis & procul remotis. Illa spectra  
„correptos & vi subactos homines βαρύν, & inde in talium sub-  
„agitationum dorsis vermes nasci, qui hominem de vita tol-  
„lant. Proverbium illud Tehamitis usitatum *Amankub anta am*  
„madzour, βαρύνεος *fuisse, an ἰπτοκλέος?* hinc intelligendum  
„esse, quo compelletur, qui tale quid forte viderit. Qui si re-  
„spondeat, se tantum fuisse territum, respondere interrogan-  
„tes, quod illud non magni faciendum sit, neque multum dis-  
„criminis



10. Ne te itaque, o Caab, ea porro decipiant, quorum illa tibi spes & desiderium facit, & quæ promittit. Nam incertæ spes rerum desideratarum, & oblata per insomnia species mera sunt animi delusio.

11. Sumsit illa, *Soad*, sibi quasi exemplar in fallendis promissis *Arkubum*; ideoque promissa ejus nihil sunt nisi nugæ nugacissimæ.

12. Ab una *περοδερμίσ* in alteram spero & expecto, fore, ut propior mihi fiat ejus amicitia. Verum, ut video, & concludendum est mihi, nunquam, o amica, de gratia tua quidquam obtinebimus.

13. Jam enim degit *Soad* in terra, ad quam non perveniant, nisi generosæ lectæque stirpis, & commode incedentes, & mansuefactæ, camelæ.

14. In terra, ad quam non perveniat, nisi magna & valida camela, quæ vel in ipsa lassitudine tripudiet atque currat.

15. De illarum genere, quibus, ubi in sudorem incallescunt, exundant processus mamillares rivum liquoris. Quorum ἔργον est, deserta permeare, in quibus hermæ viales a ventis subversæ, & arenis obrutæ sunt; & quorum calles prorsus ignorantur.

16. Camela, quæ ipso meridie, (quando, qui transmittendi sunt, salebrosi colles a solis ardore fumant, & species rerum confundunt,) tam cernit acutum, & distinguit longe remota  
aliis.

---

„criminis invehat. Si vero dicat, se fuisse a dæmone subagitaturn, de talis salute solere desperari. Traditum existat, quod „Waheb, filius Monabbeli, dixerit, originem harum diabolicarum specierum fuisse talem, Deum creavisse Ibliso (diabolo) „uxorem ex igne as Samum, (seu venti venenati & calidi,) „quæ ex illo facta gravida ediderit aliquot ova. Ex uno ovo „prodiisse al Gilan, & as Sasli, desertorum incolas, ex altero „ovo prodiisse al Genn (dæmones) & as Schajathine (seu satanas), qui in maribus & insulis degant, ex tertio prodiisse „al Kothrob, genus aliquod dæmoniorum, feli simile. „Cetera, quæ curiosa habet de Kothrob, Hawatef, & Nasnas, (id est, faunis, satyris, &c. Arabicis) quia chartæ parcendum, omitto. Forte se dabit alia occasio commodior ea producendi.

alisque dubia, objecta, tanquam si oculis cerneret tauri sylvestris, albi, procul a grege seorsim pascentis. α)

17. Camela crasso collo, crurē toroso, multo nobilioris indolis atque structuræ, quam sunt filix nobilissimi equi admiscarii.

18. Transeo.

19. Camela, cujus cutis est quasi ex testudine marina, quam non perrumpat ricinus, in β) aprico laterum ejus hærens, & tam ardore solis, quam inedia, extenuatus.

20. Camela, laboribus extenuata γ) & edurata, generis nobilissimi, cujus pater est simul ejus frater, δ) & cujus patruelem est ejus quoque matrualem; cervicola, agilis.

21. Camela, cujus in dorso discursitant quidem pecuni, (in quo nullam faciunt impressionem,) ubi autem ad pectus & hypo-

a) Vid. ad Tharabam pag. 51. c. f.

β) In MSis est بضاحية, quæ vera lectio, quam secutus sum interpretando.

γ) Vox Harf id notat, quam Editor credidit nomen proprium esse. Accipiendum autem tantummodo de dorso, cui onera imponuntur; ne cum v. 17 & 22 pugnet.

δ) Hunc locum non intellexissem, absque Scholio fuisset, quod in Sebekæo inveni, & meo Codici adscripsi, & cum Batavo editore communicaram; sed cui casus ademit. En specimen genealogiæ Arabicæ equestris. Addam in Latina versione litteras alphabeti, confusionis evitandæ ergo. Arabica vero addo quoque, quia Leidensi editioni defunt. Ait itaque Sebekæus:

أن فحلاً ضرب أمه فوضعت ذكراً وأنثى ثم ضرب  
الأنثى فوضعت ذكراً ثم ضرب الذكر أمه  
فوضعت أنثى فهذه الأنثى هي الحرف التي أبوها  
أخوها من أمه وعنها الذكر الأول هو خالها  
لأنها توأما أعني الذكر الأول والأنثى التي هي أم  
هذه الحرف ذكره المبرز الكندي

„Aliquis ca-  
„melus admiscarius A. inivit suam matrem B. Hæc B. peperit ma-  
„sculum C. & fœmellam D. Deinde inibat admiscarius A. fœ-  
„mellam D. quæ pariebat masculum E. Hic masculus E. inibat  
„suam matrem D. unde nascebatur fœmella F. Illa, quam hic de-  
„scribit Poeta, dicens, ejus patrem esse ipsius fratrem, & ejus  
„patruelem esse quoque ejus matrualem. Hæc desumpta est  
„observatio ex al Mobarrezio 'l Kenditz, „Hactenus Sebekæus.

hypochondria mollia & glabra pervenerint, delabuntur ob lubriciem.

22. Camela, referens onagrum velocitate, quæ pinguem temere jactat carnem, cujus brachium a costis amplum distat.

23. Camela, cujus nasus & maxilla non incommode referunt malleum, oculis & jugulo præfixum.

24. Camela, quæ caudam extendit tanquam ramum palmæ hispidum cortice, & foliis crispum, (spinæ medullari) infixam tanquam trunco liquoris abundantem, & cujus canaliculi suum ramum succo nunquam destituunt.

25 & 26. Omitto.

27. Quorum (crurium) tendines Achillei sunt fufci; quæ (crura) spargunt calculos quaquaversum; quæ, ne detrimentum capiant ab acutis & saxosis montium verticibus, calceatione opus non habent.

28. Camela, cujus brachiorum remigatio (quo tempore vapor æstuans colles, in deserto exstantes, tanquam amiculo involvit.

29. Idque fervido die, in quo tostus a solis ardore chamæleon, & qua parte soli obversus fuit, tanquam panis sub cineribus, affatus est.

30. Illo ipso tempore, quo agasones suis vectoribus quietem & secessum sub tentoria, vel arbores obvias, imperant, quandoquidem vel ipsæ furvæ & adustæ, calorique jam assuetæ, locustæ glareas alis suis sollicitent, & sub iis refrigerium quærant.)

31. Camela, inquam, cujus brachiorum remigatio tali tempore, medio meridie, refert remigationem brachiorum feminæ pulchræ, mediæ staturæ, (id est, matris meæ,) quæ stat plorans, & cui adstant & accinunt suas nœnias aliæ mulieres orbæ, quibus de numerosa prole sua nihil superest.

32. (Matris meæ, quæ stat) lamentans plangensque pectus brachiis præ mœrore flaccidis, quæ, cum audiret promulgatam & indictam suo filio (id est, mihi,) mortem, extra se rapta & dementata est.

33. Quæ suis in suum pectus sævit unguibus, & cui a claviculis inde indusum scissum innumera in schidia pendet.

34. Circa quam utrinque discursitant famigeruli, mihi infesti, dicuntque ἐπιχαλιδεύασι: Jam tu, o fili α) Abi Solmah, procul dubio periisti, & gladio præda fies.

35. (Ego territus hoc nuncio amicos obibam & prensabam, ut pro me apud *Mubammedem* intercederent. Verum) omnis amicus, in quo certam spem collocaveram, rotunde mihi omne denegabat auxilium, sibi satis esse prætendens, quod rerum suarum agat, (tam turbulento tempore, & tam horribili in revolutione, qualis erat Makkæ expugnatio.)

36. Dicebam itaque desperabundus: Mittite me, vos homines nauci. (Nihil mihi potest contingere, nisi quod Deus immortalis decreverit.) Quod misericors Deus decrevit, id fiet.

37. (Etiam si mihi moriendum sit, pergam tamen ad *Mubammedem*. Quorsum mihi diuturna vita?) Omnis de foemina natus, utcumque diu sanus vivat, semel tamen aliquando tandem super curvo feretro portabitur.

38. Nuntiatum mihi quidem est, Apostolum Dei mihi mortem minitari. Verum gratia & condonatio est id, quod ab Apostolo Dei mihi promitto.

39. Placide, quæso, & clementer (o *Mubammed*) dirigat te β) ille, qui tibi dedit donum al Corani, cui tam paræneses insunt ad vitam pie & honeste agendam, quam distincta dogmatum veræ fidei declaratio.

40. Ne me, quæso, punias ob dicta quædam delatorum. Nihil peccavi, etiam si multa de me λογοποιῶσι.

41. (En sum in manu tua, permisi me tuo arbitrio.) Sto in loco, in quo si stare, & video atque audio, quæ si videret & audiret ipse magnus Homeiritarum rex.

42. Sane

a) Id est, nepos.

β) Sc. in rectam viam clementiæ, & avertat te a cæde mea. Orientales deprecantes dicunt erga suos superiores *اصلى الله الامير* Deus corrigit Amiram. Nos diceremus: *Pardonnez moi, Monseigneur.*

42. Sane contremisceret, nisi Propheta Dei, Deo cor dirigente, ipsi gratiam faceret.

43. (Confusus tuæ clementiæ, obiecti me præsentis periculo.) Non desii secare & transmittere deserti, alam (vel manicam) tenebrarum de veste noctis longe lateque explicita circa me tanquam indusum circumvolvens. <sup>a)</sup>

44. Ut pervenireni ad te, manumque meam non retrahendam <sup>β)</sup> imponerem tuæ manui, viri benefici simul & potentis.

45. Propterea territum fuit & trepidavit cor meum, cogitanti, quando mihi ille (*Muhammed*) alloquendus fuerit, & mihi dicent (adstantes ipsi:) Interrogat te (*Muhammed*) de genere & de nomine tuo.

46. Trepidavit cor meum ob leonem lustricolam, qui degit in *Batn Atzfchar*, <sup>γ)</sup> ad cujus lustrum antequam pervenias, quot tibi sunt alia leonum lustra <sup>δ)</sup> pervadenda!

47. Talem leonem, qui, quando mane redit in lustrum suum, carnem offert geminis suis catulis, quorum victus est de humana carne, in pulvere volutata, & minutim concerpta.

48. Qui, quando insultat in par sibi oppositum, dedignatur desistere, antequam par fuerit ruptum & comminutum.

49. Qui ceteros deserti leones, prædam omnem occupando, ad incitas & maciem redigit; in cujus valle homines non commeant.

50. Aut si quis audacissimus illuc iverit, non revertatur ille, sed manserit ibi, post lorica & vestes laceratas, devoratus.

51. Est sane Apostolus Dei gladius Dei luculentus, Indicus, præ ceteris Dei gladiis evaginatus.

52. Inter viros Koraischitarum maximos, <sup>ε)</sup> quorum aliquis (nempe Omar, ante octo annos) imperabat reliquis

T t t t 2

*Makke,*

<sup>a)</sup> Debebat enim latere, ut proscriptus, si salutem suam amabat.

<sup>β)</sup> Vid. *Vit. Muh. Abulfed. pag. 135 ed. Gagn. Si quis apprehensa manu* &c.

<sup>γ)</sup> Locus a leonibus horribilis.

<sup>δ)</sup> Turmæ virorum fortium, militum prætorianorum *Muhammedis*.

<sup>ε)</sup> Intelligit sic dictam *as Sahabah*, seu τὴν ἐκκλησίαν.

*Makka*, cum fidem Moslemicam profiterentur, ut cederent & emigrarent.

53. Cedebant quidem tunc; at in confictu non cedunt, ut imbelles, & scutis aliisque armis nudi, & aciei desertores.

54. Inter viros alto naso conspicuos, heroas, quorum vestimenta sunt chlamydes amplæ bellicæ de textura Davidis (id est, loriceæ.)

55. Candidæ, nitidæ, ample fusæ & flexiles, quarum annuli firmiter conferti referunt annulos spinosæ arboris al Fakaae.

56. Qui non gaudent, quando suæ feriunt; hostes hastæ; sed neque pavent, quando hastis hostium impetuntur.

57. Qui incedunt ut cameli candidi, quos omni periculo ab instante hoste eximit æquabilis & gravis incestus; quando cameli nigri curti cum trepidatione procul aufugiunt.

58. Qui kastarum ictus non excipiunt nisi jugulis suis, neque lacus mortis α) adire cessitant.

In hunc fere modum verti debuerat hoc Carmen, cujus quam interpres Batavus versionem exhibet, non intelligo. neque puto a quoquam exacte intelligi posse. Num ipse intelligat, viderit. Jam emendanda forent Scholia; jam lustandum simili modo Carmen *Amritkaifi*; jam recensendæ notæ Editoris. Sed locus hic non patitur. Apparet saltem hinc, quo modo procedendum cum Arabe Poeta; neque valde facilem provinciam eum suscipere, qui ejus editionem molitur. Requiritur eam in rem homo criticus; qualis noster Editor neque fuit, neque, si illum bene novi, prætendit esse. Hæc est de hoc libro sententia mea, quam tam acrem Rev. *Lette* procul dubio a me amicus ab amico non expectaverat. Ego vero, quod ejus pace dixerim, neque veritati, neque commodis literarum, neque ipse mihi, deesse aut potui, aut debui. Si alium ille se gessisset erga me, alium quoque erga illum me gessissem. Scio quoque, fore nonnullos, qui ἀπρόβολην aliquot observationum, in quibus doctrinarum salus non versatur, tam ambitiosa dignam objurgatione non putabunt, neque

α) Id est, gladios. Vid. ad *Tharaph.* pag. 121 seq.

que credent, earum dominum tantilla jactura magis affici posse, quam dives paterfamilias unius atque alterius sicilis furto affigitur. Ego vero non nego, me ad hæc talia esse sensiliorum, neque talem mecum agendi modum in patrono, nedum in amico, ferre. Peperci tamen, quantum potui, omni virulentia & intemperantia Permittoque Rev. Lettio, & alii cuivis, si talem erga ipsos me gesserim, qualem ille se erga me, ut flagellis me multo savioribus cædant. Aut studendum est nobis aliorum ope & doctrina non indigere, aut, si quando ea indigemus & utimur, iusta persolvenda sunt eucharisteria.

ANATOMIE RAISONNÉE DU CORPS HUMAIN, &c.

hoc est,

*ANATOME RATIONALE CORPORA HUMANI, in qua dissectandi ratio proponitur, atque æconomia animalis functiones non nisi ex circuitu humorum legibus, secundum institutiones medicas, explicantur. Per DEIDIERIUM, Consiliarium, Medicum Regium, Professorem emeritum Facultatis Montispeffulanæ, Ordinis S. Michaelis Equitem, de Societate Regia Londinensi, & Medicum Regium tiremiæ Gallia, quæ Massilia sunt.*

Parisiis, apud Huryum, 1742, 8.

Alph. 1 plag. 6.

Cum Autori propositum fuerit, librum tironibus artis mendi utilem scribere, sapienter utique hæc duo sibi facienda esse judicavit, ut secundi rationem doceret, & quæcunque in corpore sano fiunt, ex structura ejus exponeret. Quam vero hoc ipso laudem merebatur, eam omnem perdidit eo, quod, quæ sibi proposita habebat, vel non, vel parum accurate, perfecit. Quod eo magis mirandum est, quo pluribus in locis ipse ad corpora mortuorum hominum, a se secta, provocat, & quo sapius nihilo minus non tam subtiliorum partium,

tium, quas nihil putat ad intelligendas corporis functiones facere, quam majorum, ac vel sine sectione in oculos incidentium, partium fabricam, aliter, ac a summis quibusdam Dissectoribus reperta est, exposuit. Idque ex jam proferendis exemplis facile patebit. Quatuor igitur totius libri partes sunt, Osteologia, Myologia, Angeiologia, & Splanchnologia. Singulæ in plura Capita, & hæc in Articulos, ut vocavit, divisa sunt. In *primæ* igitur *Partis Capite primo*, de natura & nutritione ossium, in *altero* de junctura, in *tertio* & *quarto* de cranii & faciei ossibus, de illis trunci in *quinto*, atque in reliquis duobus de extremarum partium ossibus, agitur. Myologiæ *novem Capita* sunt. Eorumque *primum* de musculis in universum, & de motu musculorum, agit, reliqua musculorum faciei, scapulæ, & humeri, cubiti & manus, capitis & ossis hyoidis, linguæ laryngis & pharyngis, respirationis, lumborum & colli, femoris deinde ac tibiæ, & pedis denique extremi, expositionem continent. His plures tabulæ subjunctæ sunt, quæ nomen, originem, insertionem, ut vocat, & usum, singulorum musculorum, eodem ordine exhibet. *Quinque* deinde *Capita* tertia Anatomies pars habet. Eorumque *primum* de vasibus in genere, eorumque nutritione, agit, *alterum* de sanguinem vehentibus, ejusque circuitu, *tertium* de lymphaticis, & lymphæ ipsa, *quartum* de nervis, *quintum* de lacteis venis & chylo, exponit. Amplissima denique de visceribus doctrina sequitur, *quatuordecim Capitibus* comprehensa. In *primo* cerebrum, ejusque usus, in *quinque* sequentibus sensus organa, in *septimo* & *octavo* cor, ejusque motus, ac pulmones cum diaphragmate & respiratione exponuntur; *nonum* de œsophago, ventriculo, intestinis, mesenterio, & epiploco, doctrinam continet, *decimum* illam de hepate, pancreate, ac splene; *undecimum* de renibus, capsulis atrabiliaris & vesica, *duodecimum* ac *decimum tertium* de partibus in utroque sexu ad generationem facientibus, *ultimumque* de partu humano, sanguinis in eo circuitu, exclusioneque ex utero, agit. Hæc de toto libello in universum; cui præmissa quædam sunt de corporis humani divisione, de divisione abdomi-



abdominis in tres regiones, harum divisionum utilitate, & demonstrationum anatomicarum æque ac hujus libelli ordine. Jam vero specimina quædam proferamus, per quæ, quid hic liber novi contineat, & quam prope a vero absint, quæ ab initio de hoc opere judicavimus, plane appareat. Igitur, Pag. 4.  
 quamvis verissimum sit, ossa in pueris mollia esse, sensinique indurari, tamen ex fontanella argumentum parum recte desumitur, quoniam in ejus loco, dura matre, & pericranio ablato, nulla, in os deinde mutanda, membrana conspicitur. 8.  
 Similiter, epiphyses etiam ab apophysibus distinguendas non esse, male admodum propter hoc putat, quod cum reliquo osse continuæ sint, cum tamen cartilago intercedat, quæ in apophysibus non est. Neque *Deidierio* facile aliquis assensum præbebit in hoc, quod omnium ossium cava vel articulationibus inservire ponit, vel tendines, aut vasa, transmittere. Contra placent nobis, quæ de tribus articulationum classibus habet, quarum diversitas in motu, in extremis ossium junctorum partibus & in intercedente jungenteque substantia, posita est. Placent quoque, quæ de futura squamosa, ut vera, ac de futuris, neque transpirationis, neque adeo suspendendæ duræ meningis, causâ factis, habet. 11.  
 Nova deinde videtur de triplici frontali sinu observatio esse, nisi id vidit, quod & aliis & nobis aliquando contigit, septum scilicet dextrum, vel sinistrum, sinum in anteriorem posterioremque dividens. 15.  
 Novum quoque videtur id esse, quod de foramine, in facie petrosi ossis posteriore, prope auditivum interdum conspicuo, habet, quod propter arteriolam, quæ nervum alias comitatur, caroticum appellat. 16-17.  
 Sed, quæ porro specimina proferenda sunt, in ea dividamus, quæ laudem merentur, deinde in novas quidem, parum tamen verisimiles, opiniones, tandem in manifestos errores. 20.  
 Namque utiles sunt interspersæ hinc inde observationes, ut de *Archillis* tendine rupto, laceratoque, cui sola quies medelam attulit; & de corpore striato cerebri sinistri lateris, in viginti 24.  
 quinque circiter annorum homine, osseo reperto, etsi nulla præcesserat animalium functionum turbatio. Neque a vero 66.  
 nobis 255.  
322.

- nobis videntur multum abesse: fibrarum cordis descriptio, quarum exteriores in longum exporrectas esse, interiores spiram ita dicit describere, ut ab apice, turbinis in modum intror-
- Pag. 347. sum replicatæ, ventriculos ac septum medium forment; & famis gustusque distinctio, quorum is, in ventriculo sedem habens, omnis generis cibos appetere nos facit, hic contra, in papillis linguae nerveis residens, non tam, qui satiare, multum-
- 401 seq. que nutrire, possunt, quam qui nobis ad palatum sunt. Assentimur etiam *Deidierio* in hoc, quod, partum in utero nutrir, non, nisi per umbilicum, ponit, etsi nova, quibus ad id probandum utitur, argumenta non sunt, quodque partum negat,
- 408 seq. ad sui exclusionem, nisu suo aliquid conferre. Quo igitur minori numero hæc, eo majori ea sunt, quæ ad alteram tertiamque classem referemus. Itaque in ossium doctrina, ubi eorum sententia accedit, qui, ut os, vomer appellatum, ethmoidei, sic spongiosum inferius palatini apophysin, appellant, non perpendisse videtur, quam facile, vel in adulti hominis corpore, hæc ossa a se invicem separentur, quam firmiter contra vel in octo, aut decem, annorum pueri capite, occipitis ac sphenoides os, interdum etiam illud & petrosum, cohareant, quæ tamen nemo hætenus pro unius ejusdemque ossis partibus habenda esse existimavit. Deinde, quod de carnearum fibrarum structura proposuit, multum veremur, ut in corpore humano ostendere valeat, & vascula, sanguinem vehentia, omnium fibrarum ductum sequi, & nervos, in membranulas explicatos, singulas fibrillas involvere, prætereaque transversim dimissis filamentis colligare, & commune musculorum
- 59-61. membranam formare. Neque firmiori fundamento nititur de carneis fibris, per elaterem agentibus, opinio, postquam ab influente sanguine, plane uti arteriæ, dilatatæ fuerint. Præterquam enim, quod ne quidem arteriæ per solum elaterem agunt, & nulla ratio esset, cur musculi breviores fierent, nonne omnes totius corporis musculi simul per intervalla contrahi deberent, vel saltem causa adeste, per quam in hunc musculum potius, quam in reliquos, major vis sanguinis influeret? De hac tamen *Deidierius* nihil. Musculi labiorum, caninus, & triangularis, etsi pariter ac Zygomaticus & buccina.

buccinator in angulo labiorum terminantur, tamen, nulla addita causa, inter communes harum partium musculos referuntur. Similiterque animo comprehendere non possumus, quæ causa sit, cur prætygoideus internus musculus maxillam tantum levare, masseter contra per vices ad latera movere, debeat, cum utriusque idem positus sit, & quid maxilla accidere debeat, si ab utroque massetere introrsum moveatur. Neque, ut argumentis confutemus, necesse esse videtur, id, quod de œsophagi, vel potius pharyngis, dilatatione posuit, quæ scilicet fiat, dum epiglottis deprimatur. Hanc enim fieri non posse, quin cartilaginis thyreoideæ alæ expandantur, cui œsophagum dilatans musculus, œsophageus dictus, adhæreat. Neque mitior fere de illa opinione sententia ferenda est, quam *Deidierius* de nutritione habet. Nam, quod, per eam, quam ab incremento non distinguit, humida tantum reparari, sive augeri, solidasque partes non nisi propter contenta humida crescere, existimat, nonne simul fateri cogitur, quo propius quis ab adulta ætate absit, eo debere & ampliora vasa habere, & partes omnes, quæ solidæ nominantur, laxiores mollioresque? Deinde, utur vera satis sint, quæ de ortu lymphæ profert, utque admitti etiam fortassis possent, quæ de lymphæ, in pinguedinem mutata, habet, tamen nullo modo defendi posse existimamus ea, quæ de adiposæ tunicæ vesiculis, tanquam per inæqualem musculorum pressionem ex lymphaticis vasis in varices naturales, sic enim vesiculas vocat, mutatis, proponit, sive vesiculas hæc cum lymphaticis vasis comparemus, sive musculorum vires, & circa eos collectæ pinguedinis, vim inter se. Porro in doctrina de nervis putat, sentire hominem, si ad corporis externi contactum non quidem toti nervi, tamen interiores eorundem fibræ vibrentur, hincque tremor ad ipsum cerebrum perferatur; quam opinionem ipse amplexus procul dubio non esset, si, quæ ipse diversis in locis proposuit, recte ponderasset, illas nervorum fibras a nexu membranarum liberas non esse, neque adeo tensas, ut commode vibrari queant, contra in gangliorum plexuumque locis minus continuari, inventaque corpora fuisse, quibus

Pag. 78.

110.

175 seq.

214.

226 seq..

- Pag. 231 bus etsi cerebrum, tamen movendi sentiendique vis non de-  
 seq. fuerit. Æquè facile possent illa argumenta destrui, ex qui-  
 bus, nullum esse liquidum, contendit, quod a cerebro per ner-  
 257. vos fluat; & hoc totum sanguiferis vasis constare, quæ nul-  
 lum cum nervorum fibrillis nexum, nullumque adeo usum,  
 307. habeant. Deinde, quod ad auditus organon attinet, ceru-  
 men aurium, neque natura, neque ortu suo, videtur nobis  
 cum transpirante liquido, subtilissimarum particularum ex-  
 halatione, spissiore facto, comparari posse; neque intelligimus,  
 312. quid maxillæ inferioris depressio possit ad meatum audito-  
 313. rium ampliandum facere, & quo jure ex hoc, quod plura  
 animantia cochlea destituta sint, eam in homine ad audien-  
 dum necessariam non esse, colligi queat. Jam de thoracis  
 317. visceribus videamus. Ubi primum de pericardio opinio, ad  
 hunc finem diaphragmati adhærente, ut id, quando ær red-  
 dendus est, sursum attrahat, neque cum experimentis, ne-  
 321. que cum argumentis doctissimorum virorum, & uniuscujus-  
 que sensu, constat, deinde sanguinem coronarias arterias alio,  
 quam reliquas, tempore intrare, neque per valvularum posi-  
 tum probari potest, ut, quæ aperiendis arteriarum ostiis aptæ  
 344. non sunt, neque alio unquam argumento evinci poterit. Por-  
 ro vix nobis sufficere aeris ex pulmone exeuntis vis videtur  
 ad impediendum, quo minus, quæ vomitu rejiciuntur, glotti-  
 dem subeant, præterquam quod, æra inter vomendum reddi,  
 parum probabile est. Superest, ut de abdominis visceribus  
 363 seq aliqua proferamus. Igitur primo loco, bilem in vesicula cras-  
 siorem amarioremque fieri, putat, eo, quod illi, ex hepatico du-  
 ctu, affluentia alia, in ipsa vesicula secreta, admisceatur, quod ve-  
 rum videri posset, si cryptæ folliculique glandularum, simul-  
 que vis, adessent, quæ retentum ibi inspissatumque liquidum  
 370. commodè exprimere valeret. Secundo neque utique novus,  
 neque facile argumentis comprobandus, lieni ascriptus, usus  
 est, in quod nempe viscus, per vehementissima corporis  
 exercitia ab exterioribus partibus ad interiores cedere coactus  
 387. sanguis, tanquam in diverticulum se recipere queat. Tertio  
 vehementer dubitamus, an *Deidierius* unquam in humano utero  
 osten-

ostendere possit & sanguifera, rubra, & alba, lacteorumque ad modum, pellucida, vasa, quæ utraque, tanquam intestina replicata, in cavum uteri pateant, & num lac uterinum, quod per hæc alba vasa fluit, si *Deidierio* credimus, ab illa uterina foeminarum purgatione diversum non sit, quæ statis temporibus sit. Quarto incomprehensibilia nobis ea sunt, quæ de elaro limpidoque ovulorum liquido, in chalazio contento, indeque per canalem communem ad appendicem vermiformem, & per vasa lactea ad sanguinem, delato, profert, ut in ovulo latens foetus corpusculum ante, quam cum utero cohærescat, nutriat; ne de aliis, ad doctrinam de foetu pertinentibus, parum probabilibus, opinionibus dicamus. Neque minor erit, quos, superest, ut recenseamus, errorum numerus. Quales sunt trochanteres, in pueris etiam, inter apophyses relati, stapes, fenestræ ovalis cavitatem implens, fasciæ latæ musculus pro tibiz abductore habitus, tres valvulæ tricuspidales, auriculæ ventriculoque sinistro interpositæ, carotides arteriæ per laryngis atque pharyngis musculos, intusque per cerebrum, tantum ductæ, mammaria interna arteria ab axillari deducta, cruralis primum hypogastricas duas, & pudendam externam, deinde ischiaticas & musculares, dimittens, tandemque in saphenam, ab interiore parte ad plantam pedis descendentem, aliamque ad poplitem suramque productam, divisa, dilatatio arteriarum non nisi ab elatere partium sanguinis, pulsusque ab arteriarum contractione, proveniens, vena azygos in cavam ab hepate adscendentem, antequam se in cor aperit, terminata, pancreas *Afelli*, aut, ut *Deidierius* per totum librum satis male vocat, *Osellii*, inter humani corporis partes relatum, atque pro parte habitum, ex pluribus collectis vesiculis constante, sinus longitudinalis inferior eo loco, quo laterales, vel transversæ, concurrunt, in venam, vel torcular, *Galen*i patens, septum lucidum sub fornice collocatum, unica, aut duæ, tantum, tonsillæ aperturæ adscriptæ, tympani membrana cartilagini circa ossilem circumum annexa, intus tympani cavum succingens membrana pro vesiculosa habita, musculus mallei, qui *Folii* processui inseritur, ab inferiore anterioreque aquæductus, id

Pag. 393  
seq.

8.

25.

309. 129.

193. 320.

195.

197.

200.

202.

205.

237.

250.

300.

307.

308.

- Pag. 316. est, tubæ *Eustachianæ*, parte, per ejus sulcum deductus, pe-  
 332. ctoris cava, tanquam utrinque æqualia, descripta, cartilagine  
 343. asperæ arteriæ, ubi pectus intravit, in integros circulos mu-  
 373. tata, glandula ad eum stomachi locum posita, ubi cum ven-  
 triculo committitur, foramina cavo atrabiliarium capsularum  
 ita adscripta, ut in hoc contentum liquidum per ea in venam,  
 tanquam ductum, in emulgentem venam patentem, defluere  
 possit, ex qua ipsi in ductum reditum, valvula orificio appo-  
 376. sita præcludat, tunica vaginalis cremasterem includens, qui  
 383. majori epididymidos lobo adhæreat, urethræ apertura super  
 clitoride, & circa illam duæ parvæ carunculæ, nymphæ no-  
 386. minatæ, involuntariumque urinæ fluxum, tanquam sphincte-  
 res, impediens posita, ligamenta lata a posteriore parte cum  
 403. sacro, ab anteriore cum pubis osse, juncta, canalis venosus  
 404. pro fine venæ umbilicalis habitus, valvula ad finem canalis ar-  
 teriosi posita, alique non pauci. Quæ etsi satis indicare vi-  
 dentur, quale huic libro pretium statuendum sit, tamen non  
 25. inutile erit, monere, *Deidierum* inter ossicula auditus orbi-  
 191. culare non nominasse, ex vasorum sanguiferorum tunicis in-  
 ternam omisisse, cujus summa utilitas est, omisisse etiam me-  
 sentericam inferiorem, & diaphragmaticam arteriam, & ner-  
 223. vum ischiadicum, quasi hæc inter minutiores, & parum ad vi-  
 tam sanitatemque facientes, partes referendæ essent.

*JO. BEVIS, M. D. OBSERVATA QUÆDAM  
 loca Mercurii, ex quibus patet, ejus motum a Cometa  
 postremo non esse turbatum. Ex Transact. Philos.*

*Anglic. Num. 473 pag. 48 huc translata.*

**O**bservationes sequentes a me cum cura institutæ sunt, ope  
 egregii Sectoris astronomici, cujus radius est pedum  
 quinque. Computationes factæ sunt a Domino *Morris*, ex Ele-  
 mentis paulo correctioribus, quam quales in Tabulis *Hallej*  
 existant.

A. 1744 d. 17 Maj. erat stellæ e *Geminorum*, secundum  
 Observationes *Bradleji*, Rectascensio 97°. 2'. 10"  
 Declinatio 25°. 21'. 30"

Maj.

MENSIS DECEMBRIS A. MDCCXLVII. 709

Maj. d.	Temp. app. h. ' "	Longit. ♀ ° ' "	Latit. ♀ ° ' "
15	8. 31. 15	II 28. 56. 51	B. 1. 57. 58
17	8. 26. 6	25 1. 1. 16	1. 44. 45
18	9. 4. 40	1. 59. 30	1. 36. 40
19	8. 41. 00	2. 51. 38	1. 28. 7

Reclascenf. comput. ° ' "	Reclascenf. obf. ° ' "	Error comp. "
88. 50. 7	88. 49. 20	+ 47
91. 7. 41	91. 7. 4	+ 37
92. 11. 53	92. 11. 10	+ 43
93. 9. 12	93. 8. 20	+ 52

Declinat. comp. ° ' "	Declinat. obf. ° ' "	Error comp. "
25. 26. 12	25. 26. 20	— 8
25. 13. 00	25. 12. 56	+ 4
25. 4. 15	25. 4. 27	— 12
24. 54. 43	24. 54. 56	— 13

ILLUSTRAZIONE DEL PARMENIDE DI PLATONE,  
con una Dissertazione preliminare, &c.

hoc est,

ILLUSTRATIO PARMENIDIS PLATONIS, UNA  
cum Dissertatione præmissa, Ven. Abbatis AN-  
TONII CONTI, Patricii Veneti.

Venetiis, apud Joannem Baptistam Pasqualium, 1743, 4.

Plag. 16.

**E**xtulit caput olim in secta Eleatica *Parmenides*, Pireti natus,  
qui cum *Zenone* Athenas transit, ibique cum *Socrate* co-  
loquium, quod in *Parmenide* descripsit, dicitur habuisse. Elea-  
ticæ sectæ origo a *Pythagora* est deducenda. Fundamenta si-  
gillarim jecit postea *Xenophanes Colophonius*, in Ionia natus, a

Uuu u 3

civitate

- civitate Elea, seu Velia, flumini cognomini adjecta, cognominata. *Thaletem* Noster *Pythagora* reddit æqualem, vel hoc juniorem. *Pythagoras* enim invenit calculum eclipsium computandarum, ad *Euclidem* postea propagatum. Ita disserit ac argumentatur Noster. *Pythagoram*, credit, ab Ægyptiis hausisse theorema *Pythagoricum*, usus suffragio obscuriori, quod habetur in *Plutarchi* libro *de Iside ac Osiride*, ubi refertur, illos contulisse Numina sua antiquissima, *Isidem*, *Osiridem*, ac *Orum*, cum tribus trianguli rectanguli lateribus secundum
5. quadrata numerorum 3, 4, 5. *Xenophanes* floruit ætate *Epicurmi* ac *Empedoclis*, ac in Siciliam, regnante hic *Gerone*, transvectus est. Literis navare cœpit operam, cum *Thaletis* disciplina sese jam per Ioniam, & *Pythagora* scita per Græciam magnam ac Siciliam, diffudissent. Ipse ex Ionica & *Pythagorica* Philosophia novam philosophandi rationem invenit. Ex hac Eleatica secta enatæ sunt sectæ recentiores, Academica & *Platonica*, unde porro Scepticismus ac Stoicismus emanavit.
6. *Xenophanes* floruit jam Olymp. 76, ac ad centum ætatis annos transégit vitam. *Parmenides* studiis se appulit Eleæ, magistris *Amenia* & *Dioceta*, Pythagoræis. *Empedocles* hic æmulatus fuit *Parmenidem*, ac in Sicilia *Xenophanem*. Advenientem *Xenophanem* *Parmenides* Eleæ audivit. *Socrates* natus fuit sub finem Olymp. 77, ac habuit 25 annos, cum *Parmenides* fere quadragenarius eum Athenis convenit. *Plato* proinde probabilitatis leges secutus fuit, cum Dialogum, *Socrati* cum *Parmenide* intercedentem, concinnavit. *Athenaus* tamen in *Dipnos. XIV* dubitavit, an *Parmenides* *Socratem* potuerit adhuc videre. *Pythagorici* Metaphysicam ac Mathesin amabant, *Heraclitus* physica, *Socrates* moralia. *Pythagorici* propugnabant illud: *Ex nihilo nihil fit*, ideoque partem libertatis
9. Deo detrahebant. Arrisit illis æternitas mundi, ejusque animatio & divinitas, nec non fati immutabilitas catenata. Systema *Platicum* fuisse ex toto *Pythagoricum*, Ven. Autor, se alias comprobaturum esse, promittit. *Cicero* certe eum jam præivit, tradeus, Philosophos Græcorum præcos Deum, seu vim ac materiam, indivulso nexu jugassè. In theogoniis exterorum prin-



principii loco erat chaos. *Orpheus* in Græciam primus hanc sententiam ex Ægypto intulerat. Plura de eodem argumento & docte & solide ex Historia philosophica hic pertractantur. Tractatio autem copiosior, quæ Dissertationi præmissæ est subjuncta, exhibet complexum Philosophiæ *Parmenidis*, cujus pars maxima a plerisque Philosophis ignoratur. Si consimile cujusque principis Philosophorum existeret, non esset verendum, ne homines nostri tot novis inventis suis gloriantur, quorum splendorem ipsi in dies passim affectant.

*C. CORNELII TACITI DE SITU, MORIBUS, ET populis Germaniæ libellus, cum Præfatione, & observationibus, atque Indice gemino, iterum publicatus ab*  
*JO. GOTTFR. HAUPTMANNO.*

Lipsiæ, apud hæredes Lanckisianos, 1747, 8.

Plag. 9.

**I**nsignem habet altera isthæc editio præ priore prærogativam. Illic contextus modo apparebat; hic plurimæ singulis *Capitibus* observationes atque, ut in argumento historico, allegationes sunt subjectæ. Adhæc audior Præfatio, atque amplior duplo Index. Inprimis autem recens adjungitur *επισυναγωγή* compendii antiquitatum Germanicarum, quatenus ex *Taciti* Germania lucem accipit, ad illius Capita & numeros accommodata. Nimirum aperuit Cl. Autor jam publice in Novis Hamburgensium literariis institutum suum, Ebræas, Græcas, Romanas, patrias, antiquitates, eodem ordine, puriore latinitate, perspicuaque brevitate, in uno libro studiose potissimum juventuti proponendi. Plausum quidem obtinuit eruditorum, quorum unus singulatim Neorupinensis fuscus ibidem illud institutum commendavit, urisque festinationem. Autor vero, fato Latina scribentium pressus, deesse adhuc bibliopolam, impensas honestis conditionibus suscipientem, neque opus esse festinatione, respondit. Neque nos arbitramur detrimentum tarditatis ergo facturam literatorum civitatem; dum, quod confidimus, tanto accuratius opus ac perfe-

perfectius prodibit. Confirmat eam spem nostram, quæ, abjectum nondum institutum esse, nos docet, hæc ipsa *συναγχα-  
φία*. Eadem, si cum priore conferamus, nonnihil jam, in minoribus quidem momentis, emendatum esse, demonstrat. Sed non illæ solæ sunt ejus dotes. Juvat pariter *Taciti* libellum, atque intelligentiam penitiorum non ordine tam anxio scripti promoveret; juvat omnem conatum patrias antiquitates recensentium; si quidem ex isto purissimo illarum fonte haurire voluerint. Manifestat autem post præmium quinque partes. Illud, unde plurimum lucis antiquitates accipiunt, geographicam sistit, historicam, & moralem, considerationem, agentem de Germaniæ nomine, finibus, provinciis, ac populis, vicis & pagis, montibus, fluminibus, rebus peculiaribus & rarioribus, originibus incolarum, & conditione demum morali, tam generatim, quam singularim. Partes ipsæ proponunt antiquitates sacras, literarias, civiles, militares, ac domesticas. Nimirum, cum vetustiores illi ritus in actionibus atque officiis Deo, nobis, aliis, tam ratione animi, quam corporis, exhibendis consistant, quæ vel in humana, vel civili, societate, tum ad bonum promovendum, tum ad evertendum contrarium, exhibentur, & numerus facile & ordo constabit. Neque vero, dum singulæ partes in quatuor capita, singula capita in togidem membra, distribuuntur, in hisce postremis omnino proximam semper lucem accendit *Tacitus* noster, unde conjecturis interdum locus fuit. Nonnunquam etiam artis cujusdam, aut notitiæ, defectus indicatur, ac subinde ab effectu ad causam concluditur. Sed præter antiquitates in hoc libello edendo ad mores quoque respectum fuit. Habet semper illud propositum Cl. Editor in studiosa juventute erudienda, ut mores quoque emolliat, artes fideliter didicisse, utque cum intelligentia emendetur voluntas. Nova igitur est hujus editionis in ipso contextu prærogativa, ut & sententiæ, quibus creber esse *Tacitus* solet, & locutiones, quæ, vel extra contextum sumptæ, sententiis atque observationibus moralibus locum facere possunt, currentibus a reliquo sermone literis distinguantur. Autor ipse proverbialia, quæ

quæ dicunt, ad inferiorum Gymnasii sui classium usum, publici quondam juris faciens, in Præfatione, quid talia prosint, ostendit. Antiquitatum isthæc *οἰκονομία* illius nos Præfationis recordari jubet; uti pariter activæ ad ordinem Philosophiæ adagia sunt indicata. Huic etiam quid prodesse queat Tacitus, facillime posset atque eodem modo designari, ni convenientius foret, observationum quædam specimina dare. Hic autem ad *Cap. 1* inter *χωρονομίαν* Germaniæ designantes præ ceteris laudatur *Jac. Car. Spenerus*. Ad *Cap. 2*, ubi deformitas Germanicæ terræ depingitur, notatur: *Aut hic est ἀδύναμις, aut incredibilibus modis mutata patria; licet simul perpendamus, quod Italus scribat*. Ibidem de carminibus antiquis Germanorum in *Institutionibus poeticis* (quarum conspectum olim dederat in Præfatione *Fasciculi Carminum Latinorum optime notæ*,) tractatio promittitur. Ubi *Cap. 3* ejusmodi carminum cantus nomen *barditus* occurrit, indicatur, quod, præter hoc, a Bardis derivatum, alii legant baritum a *baren*, clamare, alii blarritum a *blarren*, alii barritum a *barris*. Ad *Cap. 4* memoratur, non natura solum, sed & arte, rutilos Germanorum capillos fuisse, cum istum colorem medicamenti inducerent. Ad *Cap. 6* indicatur, exercitum deferuisse, quod *Herisbliz* Franci nominariæ, crimen jam olim capitale fuisse; ad *8*, non paucos Amazonibus, adeo antiquitus celebratis, Germanicam originem tribuisse, unde & ipsum nomen isti, quam Græcæ, linguæ potius vindicarint. Ibidem dum *Aurinia* nominatur, varix apud alios hujus nominis lectiones atque explicationes afferuntur. Ad *Cap. 18*, quod incipit: *Quoniam severa illic matrimonia*, ex antecedentibus suppletur: *Quoniam nudam corporis partem fame ostendunt, nihilo minus &c.* *Cap. 19* verba *literatum secreta* qui exposuerunt, quique de re publica Germanorum scholastica egerunt, plurimi nominantur, ipse autem, istis verbis *σεγαστονομία* amatoriam innui, existimat; ibidemque pariter sub linem veterum Germanorum varix leges occurrunt. Ut reliqua taceamus, *πρότερον Ἰσέγον* factò, de Præfatione adhuc tribus verbis dicemus. Agit eadem de Autore, scriptis illius, eorum rebus, stilo, diversis editionibus, *Germania* sigillatim, utilitate antiquita-

tum patriarum, nonnullis eorundem scriptoribus, eo, quod ibi desideratur, variis *Germaniæ* editionibus, deque præsentē. Inprimis autem observationibus subiectis non pauca de *Tacito*, ejusque scriptus, testimonia, editiones quædam, & aliqui patriarum antiquitatum scriptores, recens adduntur.

GEORG. LUDOVICI OEDERI, S. THEOL. D. ET  
*Diæces. Feuchtwang. Antistitis, Animadversiones  
 sacræ.*

Brunsvici, sumptibus hæredum Lud. Schrœderi & Gothofr.  
 Merckwitz, 1747, 8.

Alph. 2.

**N**omen Autoris nostra commendatione non indiget, cum ex variis jam ingenii documentis solertia ejus & doctrina dudum rei publicæ literariæ innotuerit. Faciemus igitur, quod nostrum est, ex his sanctioris disciplinæ adytis anathemata quædam lectorum oculis exposaturi, ut habeant hi, ex quo de doctissimo *Oedero*, ejusque libello, recte judicare queant. Centuriæ numerum adæquant præsentēs Animadversiones sacræ, inter quas primum pilum ducit explicatio vexatissimi loci 2 *Cor. XII, 1-9*, de raptu non *Pauli*, sed alterius cujusdam hominis, in Paradisum, quæ, cum Dissertationis antea singularis forma prodiisset, multasque aliorum doctissimorum virorum censuras experta fuisset, hic loci omitti non debebat. Constat jam inter verborum divinatorum interpretes, quæ Clarissimo *Oedero* sedeat de hoc loco sententia. Ne tamen nihil hic dicamus, describere juvat omnem expositionis illius rationem, quæ sic se habet: *Nihil mihi prodest, de Paulo* scilicet sermo est, *gloriarī, jactantia potius abstinere penitus necesse est. Nam, postquam enarravi varia calamitatum genera, quibus me afflixit providentia divina, veniam quoque ad revelationes & visiones ejus argumenti, ut plane necesse sit, mecum habitare, minimeque efferrī. Duas, autem narrabo, quarum altera mihi monstrata est a pio quodam, mihi probe cognito, Christiano, dudum pie defuncto, ut adco,*

Pag. 16.

utrum

utrum sola anima, an hac corpori sua reddita, mihi offensa sit, ignorem, quæ & scire me Deus noluit. Is in tertium cælum, nam triplex mihi in visione monstratum est, ad Deum rapi visus, & verba haurire, qualia effari nemini mortalium par est, quasi intima admissionis amicus. De hoc, quoniam constat, longe mihi ante habitum esse, gloriari decrevi, in hoc ornando divinam benignitatem potissimum admiror, de me nihil prædico, nisi quod multa pati me Deus voluit, & humilem abjectumque esse. Hæc est sententia omnis, ab Autore nostro ita luci suæ, ut putat, restituta. *Ἐπεβόλην ἀπεκαλύψων* præcipitium aliquod, seu

Pag. 25.

abruptum revelationum, sive finem earum, dicit. Illi pali fixi videntur, ne insultare possent hostes, & quos Paulus ipse transilire dubitabat, cavens, ne faviret amplius in ecclesiam, quod antea fecerat. Circa testimonium Pauli *Gal. II, 6*, primo ali-

26.

qua contra Zeltnerum disputantur, & vocabulis expensis, hæc rerum depingitur facies: De illorum vero numero, qui præ ceteris videntur esse aliquid, quales nonnulli fuerint, parum mea interest. Hanc mentem esse Apostoli, Noster ex antecedentibus & consequentibus orationis partibus evincit, & vocabula

29.

*v. 4* διὰ δὲ, omissionem concinnam indicare, statuit, quæ per fratres irrepentes suppleri debeat. Sequitur hæc explicatio

37.

Capitis XXIV integri Proverbiorum, & testimonii Paulini *Gal. V, 10*, ubi contenditur ex testimoniis, sacris æque ac profanis, in medium allatis, πείθειν, cum casu quarto constru-

50.

ctum, significare, aliquem vel iratum, vel quem suspiceris irasci, blanda ratione ad partes nostras trahere, seu placare. De corona regis Ammonitici ad 2 *Sam. XII, 30, 31*, & 1 *Chron. XX, 23*, verisimilius statui, Noster arbitratur, illam non de capite regis, sed idoli, esse abstractam, quod ex vocabulo מלכִם, & locis quibusdam S. Scripturæ, expedire conatur. Reliqua hujus testimonii vocabula, quæ de pœna in Ammonitas statuta lo-

67.

quuntur, ita exponit Noster: Ammonitas cum ferreis instrumentis esse necatos, tum & ne omnes uno mortis genere perirent, in fornace lateritia combustos, non in honorem spoliati & vastati idoli, sed ut, in quo peccassent, in eodem punirentur. Inter-

77.

punctionis ratio *Jo. XIX, 38*, ita instituenda videtur Nostro, ut dicatur, post hæc rogasse Pilatum Josephum, qui discipulus

78.

- Jesu erat, *ac clam rogasse*, quod Judæos consilio, si rescivissent, certissime obstituros esse metuerit, ut liceret corpus Jesu cruce tollere. Parenthesi itaque includit verba: *ὧν μαθη-  
της τῷ Ἰησοῦ*. Vocabulum *αὐτοῦ*, ut nobis quidem videtur, 98. commodè transfertur *Luc. V, 17*, ad legis peritos & Phariseos, quos Christus sua oratione nervosa & efficaci, quoad animum & mentem, sanare studebat. Conjecturam non plane sper- 125. nendam ad *Jo. XIX, 13*, profert Noster, putans, non *Pilatum* ipsum dici sedisse in tribunali, sed collocasse in ejus parte aliqua, lapidibus tessellatis strata, inferioreque adeo, Jesum, huic quasi honore habito, sed ad irridendum tamen compo- 132. sito. Vocabulum *הסה* *Jer. VII, 4*, breviter atque rotunde ad *רברי* trahitur, ut sensus inde commodissimus eliciatur, qui ita sese habet: *Nolite considerare vobis*, hoc est, viribus vestris, *ob mendacia dicta* (cum ajunt, templum Domini, templum Domini, templum Domini,) *hec*. Inficias ire non licet, per hanc parentheticam dispositionem verba Prophetæ optime conjungi posse, dummodo simul edidisset Noster, accentuum ratio quæ tunc sit ineunda, si hæc expositio accipiat. Ad locum 143. *1 Thess. IV, 6-8*, annotatur, *Paulum* ibi tantum de peccatis adversus sextum præceptum decalogi fugiendis, omnibus his verbis loqui, non de injuriis aliis, ex fraudibus, avaritia, & habendi cupiditate, ortis, quas plurimi, quin imo omnes fere, 155. hic urgent interpretes. Difficultatibus testimonii divini, quod *Exodi III, 22*, extat, ita occurrit Noster, ut, commodissime hæc verba sic transferri posse, moneat: *petat quæque*, Judaica scilicet, seu Ebræa, uxor, *a vicina* & hospite sua vasa argentea & aurea, item vestes, ea imponite filiis filiabusque vestris, *atque eripite, seu liberate, Egyptum*. Addit ad sententiam suam confirmandam quædam momenta historica, & significationem inprimis usitatam vocabuli *נצל* urget. Sed, non primum Autorem nostrum hujus rei esse inventorem, ex *Miscellan.* 220. *Lipsf. Vol. IV P. II pag. 206-220*, & his *Novis Actis Mensf.* 159. *Jan. A. 1747 pag. 38*, constat, ubi eadem jam proposita atque ornata legitur sententia. Phrasin *ἀποδιδέναι λόγους*, *confectos libellos reddere*, significare, Noster ex *Luc. XV, 2*, *Matth. XII, 36*, *1 Pet. IV, 5*, *Act. XIX, 40*, conficere studet. Circa verba *Pf. CXXXIV,*

*Pf CXXXIV, 3*, hæc instituitur explicatio: Tu, Domine, *spar*. pag. 197.  
*filii itinera mea, & recubitos meos*, ubi frequentes suas fugas  
 ultro citroque innuit, & providentiam divinam laudat *David*,  
 quæ, quid singulis horis, cum triste, tum lætificum, hoc aliisve  
 locis, eventurum esset *Davidi*, partim constituit, partim permit-  
 tere sanctissime decrevit. De vocabulo עָרָא ad 1 *Sam. XIV, 31*, 215.  
 paucis ostenditur, Israelitas hostes suos *Ajulonem* usque spatio  
 satis magno persecutos esse, quod, nisi summa festinatione res  
 gesta esset, fieri non potuisset. Itaque verba Hebraica ver-  
 tenda esse Noster putat: *Et volavit, seu festinavit, populus ve-*  
*hementer*. Alia huic observationi additur de verbo יָעָרָה, do- 220.  
 ctæ perscripta, commentatio, quam stricturæ quædam de voce  
 עָרָה, & verbo יָעָרָה, excipiunt. Nec omittenda hic esse videtur  
 paraphrasis *Zach. II, 12*, ubi Noster sibi persuasum habet,  
 vocabula Hebraica אָחָר כָּבוֹד significare nomen quoddam 237.  
 Christi, hætenus nondum manifestatum: *Nam, sic ait Jebo-* 248.  
*vab Zebaoth, Spiritus sanctus, qui ex æconomia divina prædi-*  
*cationi Evangelii præst: Achar Cabod, is, quem secutura est*  
*gloria, qui, exantlatis horrendis calamitatibus, pro generis hu-*  
*mani salute, summa cum gloria, in patris throno a dextris e-*  
*jus confidebit, misit me ad gentes olim ecclesiæ inimicas, nunc*  
*vero accessuras eidem ecclesiæ, nobile incrementum*. Hinc li-  
 quere putat Noster, admodum commode Christo hoc nomen  
*Achar Cabod*, sive, *postea gloria*, tribui. De vocabulo  
 עָרָא ad loca *Genes. XLIV, 32, Jer. XXX, 21*, notatur, utro- 262.  
 que in oraculo significare illud commoda ratione, sive id 267.  
 prece, sive pretio, fiat, suum facere aliquid, seu in po-  
 testatem suam redigere. Germanice diceret: *Erhandeln*.  
 Ut sensus sit in priori testimonio: *Impetravi a patre*  
*meo puerum, obtinui, ut mihi daretur abducendus*. In prio-  
 re vero: *Quis est, qui potius est corde suo, seu, qui im-*  
*petravit a corde suo, ut ad me accederet*. Paulo ad locum 323.  
 1 *Cor. III, 5-8*, sermonem esse, Noster ait, de legislatio-  
 ne Sinaitica, sive de inauguratione solenni V. T. *Mosen* ibi  
 secum populo attulisse *legem scriptam*, non ortam tum de-  
 mum, nam est ipsis hominum cordibus fixa, sed *insculptam ab*  
*ipso Deo lapideis tabulis*. Apostolos etiam attulisse *spiritum*,  
 non

- non tum primum datum, quasi antiqui eo caruissent, sed *hoc modo* non datum antea. Hinc & manifestum, quoniam lex in tabulis lapideis continebat praecepta divina, nunquam ab ullo homine plane observanda, ideo *mortis munus* dici legis lationem; nam declarat, homines transgressores mortis reos, contra *effusionem spiritus S.*, & primum istud felixque praconium Evangelii solemne festo Pentecostes, *ministerium vitae* dici, quoniam vitam, a Christo partam, nuntiavit. Planissime verba *Jo. VIII, 5*, reddi posse, confidit, si ita exponantur! Vos judicate, *qua humani judicii & fori vestri sunt*, ego neminem judico; sed, quando judicabo id, quod extremo die futurum est, iudicium meum verum iustumque erit.
358. Aliud dictum *Joannem Cap. V, 39*, ita vertitur: *Hac est voluntas patris, qui misit me, ut nihil eorum, quae mihi dedit, perdam, sed sistam die extremo*, ut scilicet patri, a quo Christus erat missus, homines, credituros in se, conservaret, & restitutos patri quondam exhiberet. Argutam ad *Luc. XVII, 15-18*, Noster affert conjecturam de novem leprosis, a Christo ingrati animi non accusatis. Sensus eo redit omnis, subinde fuisse crimini Christo datum, magnam illum sibi hominum conciliare multitudinem, qui ipsum sequantur, & moliri adeo res novas videri. Ad hanc criminationem iniquissimam refellendam, docere illum Phariseos praesentes, Noster monet, & edicere, tantum a se abesse, ut multitudinem hominum sectaretur, ut potius *novem* istos Judaeos, quos a se purgatos potuisset secum honestissima specie retinere, abire jufferit, & neminem, praeter unum ex alia gente, ad se revertentem, secum habitare voluerit. Illustrari haec posse, Noster statuit,
379. 426. ex *commate 20* & sequenti hujus *Capitis*. Sensus verborum, *1 Cor. VI, 5*, occurrentium, commodissimum esse Autor putat hunc, si ita accipiamus: *Honoris causa ita vobiscum loquor*, hoc est, injuriam vobis facturus esset, qui diceret, tantam apud vos, o Corinthii, esse penuriam virorum, ea prudentia praedictorum, qua ad judicandum inter fratres opus est *Οὐκ ἔστι τῶς πλείους*, *Gal. VI, 10*, non omnes omnino putantur Christiani, sed familiares modo, qui a propriis, seu consanguineis atque liberis, distinguuntur, hincque praecipua cura habenda sit ser-

vorum



vorum & ancillarum, saltem amicorum, si fidei ejusdem, cujus heri  
 patronive, sunt participes. Singularis plane videtur interpretatio ad  
 1 Cor. XI, 23, 29, nobiscum hic ab Autore Venerabili communicata,  
 quasi ea mens sit Apostoli: Explorez se quisque ipse, vel sic, *nullo li-*  
*cente prænissio convivio*, de pane hoc comedat, & de poculo isto bibat.  
 Porro v. 29: Nam, qui edit, & bibit indigne, is edit bibitque sibi  
 judicium, non, *qui separat corpus Domini*, sive, *qui sine vulgari cana*  
*prænissio*, corpus Domini, in cœna hac mystica, accipit. Tria nomina,  
 δειλαί, ἀπίστοι, ἰβδελυμένοι, Apoc. XXI, 8, non tria, sed unum peccantium  
 genus, constituere, arbitratur Noster, ita, ut duo posteriora vocabula  
 prius illud explicant. Observandum enim esse, atrocem hominum fie-  
 ri timiditatem, qui veracitati & potentiae divinae, tot documentis de-  
 monstrata, fidem habere nolunt; hinc accuratius ista describitur,  
 additis duobus hisce vocabulis, quæ eam incredulitati & abominationi  
 adjudicant. Intricatum testimonium Prov. XXVI, 10, ita expeditur:  
 Nimium esse, si quis omnia perturiet, aut efficere conetur, is & stultus  
 conducat & prævaricatores, hoc est, cum velit infinitis cupiditatibus  
 obsequi, nihil aliud lucrabitur, quam ut expositus sit injuriis malorum  
 & ineptorum hominum, quorum opera utitur. 27 significat abunde,  
 seu *ninium*, non modo cum 2, nota tertiæ casus, sequitur, sed & abso-  
 lute positum Exod. IX, 28, quod omnem hanc interpretationem præclare  
 juvat. Laudanda quoque videtur opera Autoris nostri, quam ad illu-  
 strationem Act. XVII, 11, attulit, ubi totus in eo est, ut *Thessalonicen-*  
*sibus* laudem atque gloriam debitam restituat, quam *Veriensibus*, seu  
*Berboensibus*, hætenus plurimi tribuerant. Hæc sufficiat annotasse  
 de præclara Autoris Venerabilis collectione observationum sacrarum,  
 in qua, quid iudicio, doctrina, & ingenio, valeat, præclaris ipse speci-  
 minibus ostendit.

Pag. 493.

553.

571.

576.

677.

685.

## NOVA LITERARIA.

Omnibus iis, qui cognoscendis rebus divinis vitam destinaverunt,  
 non solum in id incumbendum est, ut sciant, quæ viris san-  
 ctis dicta sunt, sed, ut eorum veritates etiam ex fontibus ipsis deri-  
 vare possint, elaborandum. Non injucundum erit, aut inutile, consi-  
 lium, quod de tribus libris cepisse non ignobilem hujus urbis typo-  
 graphum, *Wolff. Deerium*, accepimus, qui licet facile id genus aliis pal-  
 mam præcipiant, a paucis tamen, quantum decoris illis & gratiæ insit,  
 hætenus intelligitur. Sunt illi: *Biblia Hebraica Everhardi van der*  
*Hooght* cum versione Latina *Seb. Schnidii*; *Gustavii* Commentarius Lin-  
 guæ Hebraicæ; & *Clodii* Lexicon Hebraicum selectum. Equid est il-  
 li, qui nomen studiumque Theologiæ dedit, aut accurate nitideque  
 scripto S. Codice optatus, aut tali libro utilius, ex quo non verba,  
 quæ vulgo simplicia dicuntur, vocumque derivata tantum & flexiones  
 grammaticæ, cognoscantur, sed ex quo etiam, quæ verbis vis insit &  
 significatio, disci possit. Omne in eo punctum tulerunt viri, quorum  
 cura libri, de quibus loquimur, prodierunt. Non minorem apud  
 erudi-

eruditio gratiam editione Codicis sancti Theologus Belgii iniiit, *van der Hooght*, quam Commentario Linguae Hebraicae *Gussetius*. Laudes, ab aliis laudatis viris ei collatas, exponere fufius, irritus labor foret; otium etiam hac in re nobis in Critica sacra *Carpzovius*, & in Bibl. Hebr. *Wolffius*, fecerunt. Jam vero de illis editionibus nobis fermo est, quas in urbe nostra Bibliopola *Wolfgangus Deer* luci publice exposuit. Septem enim, & quod excurrit, anni sunt, cum eruditio rem facere gratissimam ipse sibi videretur, si denuo illius *van der Hooght* Codicem prelo subjiceret. Et chartae nitor, & literarum elegantia, & singularis, ne mendose ad usus eruditorum publicos mitteretur, cura, quam Professor L. L. Or. hujus Academiae, *Jo. Christ. Clodius*, cujus ossa molliter cubent, in se susceperat, ita in eo spectatur, ut iudices æqui rerumque harum intelligentes ea exempla illis præferre, quæ in Belgio olim prodierunt, minime dubitent. Er, cum intelligeret *Clodius*, de *Sebastiani Schmidii* versione Latina & in *Actis Erudit. ad Annum 1696*, & in *Fabricii Hist. Biblioth. P. III*, & ab aliis honorifice & graviter multa prædicari, eam textui adjungere, non inutile putavit. *Gussetii* autem Commentarius Linguae Hebr. qui primas vocum Hebraicarum potestates cogitate accurateque docet, & significationes reliquas, & derivata, & verborum harmoniam & consuetudinem usumque, multa etiam sacri Codicis genera loquendi, illustrat, nec paucis locis novam affundit lucem, merito jureque, non, ut multi errant, verborum index, sed literaturæ Hebraicæ thesaurus, habetur. Cujus quamprimum dignitatem & præstantiam D. *Langius* inspexerat, in *Institutionibus Theol. Liter.* opus nominat præclarum, quod, in formali sensu eruendo post *Doblium* præcipue occupatum, observationibus exegeticis abundet. Quapropter rem utique bonam, & ad posteritatem longe fructuosissimam, suscepit *Wolfgangus Deer*, qui librum carum rarumque, ut in *Likienthalii Bibl. Exeg. pag. 160* vocatur, suafore Prof. *Clodio*, iterum luci publicæ dedit. Accesserunt, mirumque in modum hanc editionem exornarunt, ipsius Autoris *σχέλια*, & *Clodii* illustrationes, & Index, Latino idiomate scriptus, & æri incisæ figuræ. Deinde, ut nihil desiderari posset, quod ad cognitionem idioma- tis Hebraici facere videretur, *Clodius*, qui abundanti linguarum varietate instructus erat, Lexicon selectum Supplementi loco ad *Gussetii* Commentarium exaravit, suæque indefessa industria studioque effecit, ut hoc de labore eruditi, non leviter scientiis tincti, præclare magnificeque sentiant. Fama autem fuit, cum illi libri, qui in omnibus Theologorum scriniis esse debent, ne in Bibliopolarum quidem tabernis cernerentur, tam paucos rarosque esse, ut a multis jam desiderarentur; quo etiam factum est, ut non pauci eorum præstantiam dijudicare, iis carentes, vix ac ne vix quidem possent. Quo in errore tamen ne amplius & populares nostri & ii inprimis versentur, qui exteris in terris Musis nostris favent, adesse singulorum librorum exempla in taberna *Wolfgangi Deer*, certiores eos, facere, nulli dubitavimus.

## INDEX AUTORUM,

quorum Libri, aut Inventa, in hoc  
Volumine recensentur:

I. *Libri Theologici, & ad Historiam eccle-  
siasticam spectantes.*

- B**enner (Jo. Herm.) *Lerna Zinzendoriana.* 354  
Benzelii (Henr.) *Syntagma Dissertationum, in Academia  
Lundenfi habitarum, quibus varia Theologia, Philologia, An-  
tiquitatum, & Historiæ, capita illustrantur.* 15  
Brockhausen (C. P. Erp.) *Specimen Exegeteos sacrae pro expli-  
cando Psalmo L.* 565  
Clugli (Christ. Gottlieb) *de Baptismo Adami Commentatio theo-  
logica.* 347  
Crügeri (Theodori) *Apparatus Theologiæ moralis Christi, & re-  
natorum.* 546  
Elsneri (Jac.) *Continuatio novissima delineationis Ecclesiæ Græcæ  
in regno Turcico.* 566  
Ephraem Syri *Opera omnia, quæ exstant, Græce, Syriace, Lati-  
ne, in sex Tomos distributa. Tomus secundus, Græce &  
Latine.* 673  
Fuhrmanni (Matthiæ) *Historia sacra de Baptismo Constantini  
Max. Augusti, colloquiis familiaribus digesta. Pars I.* 490  
Georgii (Dominici) *de Liturgia Romani Pontificis in solenni  
celebratione Missarum Liber tertius.* 647  
Gerdesii (Dan.) *Historia Reformationis, sive Annales Evan-  
gelii, Seculo XVI passim per Europam renovati. Tomus II.* 302  
Kieslingii (Jo. Rud.) *Epistola de gestis Pauli III, Pont. ad emen-  
tationem ecclesiæ maxime spectantibus.* 525  
Lambertini (Prosperi) *Card. postea Benedicti XIV, Commentarii  
duo, de D. N. Jesu Christi, matrisque ejus, festis, & de Mis-  
sa sacrificio, retractati atque aucti. Ex Italico in Latinum  
sermonem vertit Mich. Angelus de Giacomellis.* 193

# I N D E X

Leonì (P. M. Francisci M.) <i>Sibyllarum in veteri ecclesia autoritas, &amp; Historiæ ecclesiastica ac Theologiæ conjunctio.</i>	676
Monigliæ (Thomæ Vincent.) <i>Dissertatio contra eos, qui fatum absolutum fingunt.</i>	499
Oederi (Ge. Lud.) <i>Animadversiones sacræ.</i>	714
Origenis <i>Opera omnia, ex ed. Caroli de la Rue.</i>	Tomus II. 337
	Tomus III. 529
Peircii (Jac.) <i>Paraphrasis &amp; Notæ philologicæ atque exegeticæ in Epistolam ad Hebræos. Latine vertit, &amp; suas observationes adjecit, Jo. Dav. Michaelis.</i>	340
Pertschii (Jo. Ge.) <i>Historiæ Ecclesiasticæ Seculum tertium.</i>	149
Peterfy (Caroli) <i>Sacra Concilia Ecclesiæ Romano-Catholicæ in regno Hungaria. Pars II.</i>	625
Ravii (Sebaldi) <i>Diatribæ de Epulo funebri gentibus dando.</i>	428
Roschmanni (Antonii) <i>Descriptio vitæ S. Valentini, utriusque Rhetorici Apostoli.</i>	269
Schuberti (Jo. Ern.) <i>Doctrina de Scriptura sacra, ex rationis, &amp; rei Christianæ, fundamentis proposita.</i>	181
Stapferi (Jo. Frid.) <i>Institutiones Theologiæ polemicæ universæ, ordine scientifico dispositæ. Tomus II &amp; III.</i>	255
Weismanni (Christiani Eberh.) <i>Introductio in Memorabilia ecclesiastica Historiæ sacre Novi Testamenti, iterum edita. Tomi II.</i>	639
Winckleri (Jo. Dieterici) <i>Hypomnemata philologica &amp; critica in diversa Scripturæ S. loca.</i>	274
	<i>Disquisitiones Biblico-exegeticæ.</i>
Pars I.	561

## II. Libri Juridici.

Bœhmeri (Justi Henn.) <i>Corpus Juris Canonici, Gregorii XIII, Pont. Max. autoritate post emendationem absolutam editum. Tomi II.</i>	577
Buderi (Christ. Gottlieb) <i>Opuscula.</i>	413
Kahlili (Lud. Mart.) <i>Corpus Juris publici S. I. R. G. collectum. Pars II.</i>	71
Kœnigii (Sam.) <i>Schediasma de Origine testamentificationis.</i>	74
Sencken-	

Senckenbergii (Henr. Christ.) *Brachylogus Juris Civilis, sive Corpus legum, paulo post Justinianum conscriptum, cum variorum Notis.*

359

Trotz (Henr. Christ.) *Theses Juris publici ad Leges fœderati Belgii fundamentales.*

206

### III. Libri Medici & Physici.

Algarotti (Franc.) *Newtonianismus, sive Dialogi de Luce, Coloribus, & Attrahione. Editio sexta.*

598

Beccarii (Jac. Barb.) *de Quamplurimis Phosphoris, nunc primum detectis, Commentarius.*

105

Celsi (Aur. Corn.) *de Medicina Libri octo, cum Notis variorum.*

214

Cocchii (Ant.) *Sermo de Anatomia.*

26

Deidierii *Anatome rationalis corporis humani.*

701

Gualtieri (Nicolai) *Index testarum Conchyliorum, quæ asservantur in ipsius Museo.*

97

Hebenstreit (Jo. Ern.) *Pathologia funiculi umbilicalis.*

422

Ludwig (Christiani Gottlieb) *Definitiones generum plantarum.*

571

Nolleti *Lectiones Physicae experimentalis. Tomus I.*

32

Tomus II & III.

415

Planci (Jani) *Historia brevis, vitam narrans Catharinae Vizzanae, Romanae, quæ per octo annos virum mentita est, tandem post mortem virgo reperta fuit anatomæ sui cadaveris.*

265

*Diff. de Vesicantibus.*

320

De Plumbis (Floridi) *Diff. historico-medica de saluberrimo Nuceria in Umbria erumpente latice.*

115

Segneri (Jo. Andr.) *Introductio in Physicam.*

219

Swedenborgii (Eman.) *Regnum animale, anatomice, physice, & philosophice, perillustratum. Partes II.*

507

Teichmeyer (Herm. Frid.) *Institutiones materiae medicae.*

192

Torti (Franc.) *Therapeutice specialis ad febres periodicas perniciosas.*

471

Valdambrini (Josephi) *de Usu Hydrargyri in febrium malignarum*

Y Y Y Y 2

rum

*rum & contagiosarum curatione, quæ A. 1744 Cortonenses affligerunt, libellus.* 663

### IV. Libri Mathematici.

- Bevis (Jo.) *Observata quadam loca Mercurii, ex quibus patet, ejus motum a Cometa postremo non esse turbatum.* 708
- De Cheseaux (J. P. Lud.) *Tractatus de Cometa, qui apparuit mense Decembri A. 1743, & mense Januario, Febuario, & Martio, A. 1744.* 322
- E. (L.) *de Numeris amicabilibus.* 267
- Kästneri (Abrah. Gottb.) *Analysis solutionis Problematis captoptrico-geometrici, in Actis A. 1745 Mense Sept. P. I. propositi, exhibita Mens. Octobr. A. 1746.* 665
- Maclaurini (Colini) *de Fluxionibus Libri duo. Volumina II.* 119. 162
- De Maupertuis *Astronomia nautica.* 515
- Oechliti (Christ. Frid.) *Analysis solutionis suæ Problematis captoptrico-analytici.* 225. 601
- Short (Jac.) *Observatio de Satellite Veneris, facta d. 23 Oct. A. 1740.* 362

### V. Libri Historici, Chronologici, &c.

- Anonymi *Series Professorum & Lectorum Academiae Frisica, quæ est Franequera.* 543
- brevis narratio de vita Josia Weitbrechti, M. D. Prof. Anat. & Physiol. Petropol. nuper beato obitu exstincti.* 618
- Baringii (Dan. Eberh.) *Descriptio Salæ Principatus Calenbergici, locorumque adjacentium.* 363
- Beccarelli (Lud.) *Vita Purpurati Casparis Contareni.* 658
- Belii (Matthiæ) *Notitia Hungaria novæ historico-geographica. Tomus IV.* 385
- Benzelii (Henr.) *Syntagma Dissertationum, in Academia Lundensi habitarum, quibus varia Theologia, Philologia, Antiquitatum, & Historiæ, capita illustrantur, cum Pref. Jo. Erh. Kappii.* 15
- Buderi (Christ. Gottlieb) *Opuscula.* 413

Diodori

# A U T O R U M.

Diodori Siculi *Bibliotheca historica Libri, qui supersunt, ex recens. Petri Wesselingii.* 1

De Ebulo (Petri) *Carmen de Motibus Siculis, & rebus inter Henricum VI, Rom. Imp. & Tancredum Seculo XII gestis, editum a Sam. Engel.* 252

Hafii (Jo. Matsh.) *Historia universalis politica idea.* 595

Hoffmanni (Tychonis) *Imagines historicae Danorum illustrium, a suis meritis, dignitatibus, & nobili origine, memorabilium.*

Partes VI. 487

Kusteri (Ge. Godofr.) *Bibliotheca historica Brandenburgica.* 475

Mæckens (Mich.) *Conatus chronologicus ad Catalogum Episcoporum, Archiepiscoporum, Cancellariorum, Archicancellariorum, & Electorum, Coloniae Claudiae Augustae Agrippinensium.* 137

Nepos (Cornelius) *de Vita excellentium imperatorum, ex recognitione Steph. And. Philippe.* 617

Pauli (Sebast.) *Codex diplomaticus sacri militaris Ordinis Hierosolymitani. Tomi II.* 145

De Pretio (Petri) *Adbortatio ad Henricum Illustrem, Landgravium Thuringiae, & Marchionem Misniae, edita a Frid. Christoph. Schminckio.* 540

Roschmanni (Ant.) *Veldidena, urbs antiquissima, Augusti colonia, & totius Rhetiae princeps.* 327

Sorberi (Jo. Jac.) *Tract. de Comitibus veterum Germanorum antiquis.* 141

Taciti (C. Corn.) *de Situ, moribus, & populis, Germaniae libellus, cum observationibus Jo. Gothofr. Hauptmanni.* 711

Wolfii (Jo. Rud.) *Historia vitae & obitus Jo. Henr. Suiceri.* 42

## VI. Libri Miscellanei.

Ajtai (Mich.) *Grammatica Latina, methodo nova & artificiosa adornata.* 479

Anonymi *Specimina Dissertationum Academicarum, publice lectarum in Academia Etrusca civitatis Tortonae. Tomus II.*

108

*Notitia Academicarum, Romae erectarum, jussu Papa Benedicti XIV.*

281

# I N D E X

<i>Anonymi antiquæ Statuæ Græcæ &amp; Romanæ, quæ in atrio Bibliothecæ D. Marci, &amp; in aliis locis publicis urbis Venetiarum, reperiuntur. Pars I &amp; II.</i>	481
Argelati (Phil.) <i>Epistola ad illustrem Virum, Horatium Bianchi.</i>	94
Assmanni (Steph. Evodii) <i>Bibliothecæ Medicæ, Laurentianæ &amp; Palatinæ, Codicum MSorum Orientalium Catalogus.</i>	49
Bandinii (Ang. Muræ) <i>in antiquam tabulam eburneâ, sacra quædam D. N. Jesu Christi mysteria anaglypho opere exhibentem, Observationes.</i>	477
Benzelii (Heur.) <i>Syntagma Dissertationum, in Academia Lundensi habitarum, quibus varia Theologiæ, Philologiæ, Antiquitatum, &amp; Historiæ, capita illustrantur, cum Præf. Jo. Erh. Kappii.</i>	15
Buderi (Christ. Gottlieb) <i>Opuscula.</i>	413
Chapman (Jo.) <i>Diff. de Ætate Ciceronis Librorum de Legibus.</i>	407
Ciceronis (M. T.) <i>Opæra, ex ed. Josephi Oliveti. Volumina IX.</i>	241
Clarkii (Jo.) <i>Institutio Syntaxis Latine.</i>	431
Conti (Ant.) <i>Illustratio Parmenidis Platonis.</i>	709
Facii (Barthol.) <i>de Viris illustribus liber, ex ed. Laur. Mehus.</i>	69
Gehlii (Augustini Gabr.) <i>Ratio ordinationis verborum, præscis Romanis sæculo aureo usitata, exposita.</i>	45
Glassey (Ad. Frid.) <i>Bibliotheca Riuckiana.</i>	366
Gorii (Ant. Franc.) <i>Museum Etruscum. Volumen III.</i>	433
Hallbaueri (Frid. Andr.) <i>Consilia breviora, seu desideria necessaria scholasticarum rerum emendationis, ex Latina lingua in Germanicam translata, &amp; annotationibus aucta, a J. G. H.</i>	189
Hieroelis <i>in aurea Carmina Commentarius, Græcæ &amp; Latine, ex edit. R. W.</i>	66
Kuypers (Gerardi) <i>Ali ben Abi Taleb Carmina, Arabico &amp; Latine edita, &amp; Notis illustrata.</i>	535
Langii (Car. Henr.) <i>Institutiones stili Romani.</i>	287
	Lette



# A U T O R U M.

Lette (Ger. Jo.) <i>Caab Ben Zohair, Carmen panegyricum in laudem Muhammedis, &amp; alia, edita, versa, &amp; notis illustrata.</i>	679
Middletoni (Conyers) <i>Epistole M. T. Ciceronis ad Brutum, &amp; hujus ad illum, Anglice versa, cum Notis, &amp; Diss. preliminar.</i>	463
<i>Miscellanea Lipsiensia Nova, edita a Frid. Ottone Menckenio.</i>	
Voluminis IV Pars II.	37
Pars III.	90
Pars IV.	285
Voluminis V Pars I.	521
Pars II.	573
<i>Miscellanea Groningana. Tomus IV.</i>	237
Moniglae (Thoma Vincent.) <i>Diss. contra eos, qui fatum absolutum fingunt.</i>	499
Nixon (J.) <i>Marmor Estonianum, seu Diss. de Sella marmorea votiva, Estonie conservata.</i>	133
Oudendorpii (Franc.) <i>Brevis veterum monumentorum, ab Amplissimo Viro, Gerardo Pablenbrokio, Academiae Lugduno-Batavae legatorum, descriptio.</i>	317
P. (P.) <i>Scriptorum, a Societate Hafniensi, bonis artibus promovendis aedita, Danice editorum, nunc autem Latine redditorum, Pars I.</i>	460
Plinii (C. Cae. Sec.) <i>Panegyricus, Imp. Nerva Trajano dictus, ex recens. Christ. Gottl. Schwarzii.</i>	289
Poli (Reginaldi) <i>Card. &amp; aliorum ad ipsum, Epistole. Pars I &amp; II.</i>	446
Reitzii (Car. Conr.) <i>Index verborum ac phrasum Luciani.</i>	405
Sambuca (Antonii) <i>Epistole, ad Abbatem Andream Baccium scriptae.</i>	263
Tunstall (Jac.) <i>Epistola ad Conyers Middleton, Vita M. T. Ciceronis scriptorem, in qua ex locis ejus Operis quamplurimis, recensione Ciceronis Epistolarum ad Atticum &amp; Q. Fratrem desiderari, ostendit.</i>	407
Virgilii (P. Maronis) <i>Opera, cura &amp; studio Steph. Andreæ Philippi.</i>	532
Walchii (Christiani Guil. Franc.) <i>Antiquitates pallii philosophici veterum Christianorum.</i>	86

## INDEX

# I N D E X

## RERUM NOTABILIMUM.

A.		Aerem puriorem reddendi in-	
A	Academia Lincorum resti-	strumentum.	421
	tuta.		
	320	Aeris natura explicata.	420
	Petropolitana.	gravitas.	421
	na pluribus viris doctis pri-	Alarum molendini optima posi-	
	vata.	tio.	181
	619	Alas in aliquam explicandi vi-	
Academiarum	Protestantium	tus illustratus.	574
præ Pontificiis	prærogative	Alcorani noticia literaria.	64
descriptæ.	24 seq.		seq.
	a Benedicto	Allantois nulla.	425 seq.
	XIV Romæ erectarum, noti-	Altitudinem poli observandi	
	tia literaria.	methadus.	519. 520
	281 seq.	De Analyfi infinitorum recen-	
Acolythi qui fuerint in Eccle-		tiori quid sentiendum?	121
sia?	650	Anatomes historia.	29 seq.
Acrimonia salina.	115	promotores.	29 seq.
Acta Eruditorum a Clugio im-		progressus impeditus.	
pugnata.	353 seq.		29
	a Reitzio re-	utilitas.	26
futata.	406	Anchoræ jus in Belgio quale?	
De Adami Baptismo sententia.			216
	348 seq.	De Animæ immortalitate erro-	
	lapsu obscæna Be-	nea Dodwelli sententia.	644
verlandi sententia refutata.		Antrum Ribariense descriptum.	
	351		93
Adeler (Cort) illustris Dani,		Apoplexiæ causa & curatio.	
vita.	489		321 seq.
Adjurandi summum Hebræorum		Aqua ex globo metallico com-	
Pontificem ante expiationem		pressa exsudat.	35
anniversariam ritus illustra-		Nuceriana utendi metho-	
tus.	91	dus.	118
		Aquæ	

# RERUM NOTABILIMUM.

- Aquæ frigide usus corpori humano salutaris. [113](#)
- Nuceriana virtus. [115](#)
- Arabica carmina Alii Latine versa & explicata. [533](#) seq.
- Arabici libri MSti recensiti. [64](#) seq.
- Arabicum Carmen Caabi editum, & Latine versum. [679](#) seq.
- Arbor Paradisi fatalis probabiliter palma fuit. [14](#)
- Argelatus (Phil.) a plagii crimine vindicatus. [96](#)
- Arteria umbilicalis. [424](#) seq.
- Articulationes ossium. [703](#)
- Sub Ascia dedicare, formula explicata. [112](#)
- Asclepiadis Fragmentum editum. [31](#) seq.
- Aspera arteria. [513](#)
- Assmanni (Steph. Evodii) in Codices MStos orientales Bibliothecæ Medicæ merita. [48](#) seq.
- Astronómia analytice exposita. [516](#)
- Astronomicorum instrumentorum consideratio. [325](#)
- Asylorum doctrina explicata. [21](#)
- Asymptoti Curvarum determinata. [130](#)
- Atheismus profigatus. [256](#) seq.
- Atmosphæræ ratio. [421](#)
- Autores veteres in Belgio editi. [215](#)
- Azimuthale instrumentum novum. [516](#)
- B.
- De Bælii (Petri) Dictionario singularia. [375-383](#)
- Baptismus an ex Paradiso originem ducat? [348](#) seq.
- De Baronii Annalibus singularia. [287-369](#)
- Belgii fœderati leges fundamentales illustrata. [206](#) seq.
- Jus publicum in ordinem redactum. [206](#) seq.
- De Benderi (Jo. Lud.) Conclusionibus præcæcis singularia. [372](#)
- Benzelius (Henr.) laudatus. [15](#)
- Beverlandi obscæna de lapsu Adam sententia refutata. [351](#) seq.
- Bibliotheca Rinckiana descripta. [367](#)
- Bibliothecæ Medicæ Codices MSti orientales recensiti. [49](#) seq.
- Bileamus primo Dei, postea gentilium, Propheta. [22](#)
- Bilis cystica unde crassior? [706](#)
- Bocatii (Jo.) Hungari, vita & scripta. [523](#) seq.
- Bœhméri (Jusli Henn.) in Jurisprudentiam merita laudata. [577](#) seq.
- Z z z z Boëhméri

# I N D E X

Boehmeri ( <i>Justi Henn.</i> ) in novam Juris Canonici editionem merita quæ? 578 seq.	Cantorum in Ecclesia munus descriptum. 650
Boilavii Operum nova editio curata. 240	Catoptrica Problemata solvendi methodus. 616
De Bonanni ( <i>Phil.</i> ) libro quodam singularia. 379	Catoptricum Problema solutum. 523. 601. 665
Brachylogus Juris Civilis denuo editus. 360	Caudæ cometice observatio singularis. 325
Autor quis? 361	Celsus emendatus. 32
Brandenburgensium rerum Scriptores collecti. 475 seq.	Census Augusti descriptus. 17
Brissonii ( <i>Barn.</i> ) Opera minora denuo edenda. 384	Chirurgorum Græcorum ineditorum Codex. 31
Buderi ( <i>Christ. Gottlieb</i> ) Opuscula laudata. 414	Ex Christi imitatione theologia renatorum moralis depromenda. 546 seq.
De Burekhardi ( <i>Franc.</i> ) Antinomia singularia. 377	Christus quatenus apud Muhammedanos verbum Dei & filius Dei appelletur? 286
De Bzovii ( <i>Abrab.</i> ) Historia ecclesiastica singularia. 369	Chyli via. 510 seq.
C.	Ciceronis Operum nova editio curata. 241 seq.
Caabi, filii Zohairi, Carmen Arabicum Latine versum. 680 seq. 692 seq.	loca emendata. 244
Cadytis Herodoti nuni recte venditetur pro metropoli Palaestina? 523	seq. 249 seq.
Canonici Juris nova, eaque plenissima, editio curata. 578	librorum de Legibus ætas definita. 413
Canonum Apostolicorum veritas adstruenda. 18	Epistolarum ad Brutum versio Anglicana notata. 465 seq.
Canilena Moysi & agni explicata. 521 seq.	De Ciceronis ad Asticum Epistolæ judicium. 408 seq.
	ad Brutum Epistolæ sententia. 412 seq.
	Clericus ( <i>Jo.</i> ) refutatus. 524.
	575
	Ad Clerici ( <i>Jo.</i> ) Diss. de Lingua Hebræa Scriptura. 18
	Clodii

# RERUM NOTABILIMUM.

Clodii (Jo. Christ.) <i>Lexicon Hebraicum selectum laudatum.</i>	719	Cordis <i>fibra descripta.</i>	704
Clugius (Christ. Gottlieb) <i>amicis monitis exceptus.</i>	350	Cremnitii, urbis, <i>fata descripta.</i>	394
Collini <i>de fato absoluto sententia refutata.</i>	503	Crepusculi <i>minimi Problema solutum.</i>	518
Collisio <i>corporum qua?</i>	35	Cuperi (Gisb.) <i>ad Almeloventium Epistola edita.</i>	94. 524
Colonix <i>Claudia Augusta Agrippinensium antiquitates illustrata.</i>	138	Curvæ <i>maximi minimive proprietate gaudentes.</i>	166
Coloniensium <i>Archiepiscoporum &amp; Electorum catalogus adornatus.</i>	137 seq.	radios <i>ex dato puncto post duplicem reflexionem iterum in illud reflectentes, determinata.</i>	223. 601. 665
Colorum <i>theoria.</i>	600	Curvarum <i>geometria per methodum Fluxionum tractata.</i>	127. 177
Cometa <i>postremus an Mercurium perturbaverit?</i>	708	Curvas <i>dimetiendi veterum methodus.</i>	120
Cometarum <i>theoria.</i>	325	Curvaturæ <i>linearum contemplatio.</i>	132
Comitia <i>Germanorum antiqua illustrata.</i>	141 seq.	Cycloidis <i>proprietas catoptrica.</i>	234
regni <i>Hungariae collecta.</i>	625 seq.		
Conchyliorum <i>ordines.</i>	196	D.	
Conradini <i>fatalis casus descriptus.</i>	542	Danicæ <i>linguæ fata in Comitatu Slevisensi.</i>	461
Constantini <i>M. Baptismus Nicomedienfis labefactatus.</i>	491	Danorum <i>illustrum imagines collecta.</i>	487 seq.
Constantinus <i>an plagiarius?</i>	116	Dargunensis <i>de iussa principali controversia descripta.</i>	645
Contareni (Casp.) <i>vita.</i>	659	Decretalium <i>Pontificum Romanorum variæ Collectiones recensita.</i>	586 seq.
Corbejensium <i>traditionum Codex ineditus descriptus.</i>	39	Densitates <i>fluidorum comparandi instrumentum.</i>	417
		Diaconorum <i>variæ genera.</i>	649
		Zzz z z	Dies

# I N D E X

Dies magni Ebraeorum qui fuerint?	522	Elias, autor epistolæ ad Foras datum datæ.	573
Dii adhaerentes qui?	112	Engelii (Sam.) in Petri de Ebu- lo carmen merita.	252 seq.
Diodori Siculi nova editio de- scripta.	1 seq.	Ephraemi Syri scripta collecta.	673 seq.
loci varia ex- plicata, aut illustrata.	5 seq.	Epiphaniæ festi antiquitates il- lustrata.	194 seq.
Diplomata Ordinis Multensis collecta.	145 seq.	Episcoporum apud Evangelico- cos, imprimis Succos, successio canonica.	21
Donatismus in Novatoribus re- novatus.	24	munus quale?	648
Dorostrami (Asbanasii) Archie- mandritæ fides adstructa.	567	De Epulis gentium funeralibus varia.	430
Ductus cysthepatici & hepato- cystici.	266	Etrusca tria monumenta anti- qua explicata.	111
Durandus (Wilb.) quis fue- rit?	382	Etruscorum antiquitates ex an- tiquis monumentis illustrata.	434 seq.
E.		Eugubinis tabulis quid conti- neatur?	111
Eboris apud antiquos usus.	477	Experimentorum physicorum utilitas.	33
Eburnea tabula antiqua expli- cata.	478 seq.	F.	
De Ebulo (Petri) de motibus Si- culis Carmen editum.	252	Facii (Barthol.) vita & scri- pta.	70
De Ebulo (Petrus) quis fuerit?	253 seq.	Fasti Romanorum illustrati.	94.
De Ecclesiastico Jure qui ma- xime fuerint promeriti?	578	Fati absoluti fautores refutati.	499 seq.
Elasticitas corporum unde?	221	Febrium epidemicarum inge- nium.	664
Eleaticæ sectæ principes qui?	709 seq.	Festorum Jesu Christi historia & antiquitates illustrata.	194 seq.
Elia adscensus cum illo Christi comparatus.	238	Fibræ	

# RERUM NOTABILIMUM.

Fibræ carnea.	704	Gorii (Ant. Franc.) opera promissa.	446
Fixarum luminis quantitas, & distantia.	326	De Græca lingua N. Testamenti sententia.	21
Fluidorum densitates comparandi instrumentum.	417	Græcorum sacra illustrata.	570
Fluxionum methodi principia.	121. 174	Græci libri, omnium primi in Polonia excusi, notitia literaria.	576
Franequeranæ Academia Professores collecti.	543 seq.	Grammatica Latina nova methodo explicata.	480
De Freheri (Pauli) Theatro singulæ.	380	De Gratiani Decreto singulæ.	580 seq.
De Fresnæi Diss. de inferioris ævi numismatibus singulæ.	374	Gravitatio corporum in sphaeroidem.	169. 180
Fridionis effectus.	35	Gravitatis phenomena.	416
Friderici II Imp. historia illustrata.	541	Gregorii IX in Jus Canonicum merita.	591
Funerales ritus veterum Etruscorum illustrati.	440	Griffenfield (Petri) Comitæ vita.	489
De Funeralibus gentium epulis varia.	430	Gualtieri Muscum.	196
Funium resistentia.	420	methodus, conchyliorum testas disponendi.	201 seq.
Furtum Israelitarum fictum nova ratione explicatum.	37	Guarnaccii Musei singulæ.	441
<b>G</b> alenus locus illustratus.	11	Gudii (Gottlob Frid.) pro causa sua peroratio.	522
Geographiæ mathematicæ reformanda consilium.	40	Gussetii Commentarius lingue Hebraicæ laudatus.	719
Geographica tabula, historiam imperiorum universalem illustrantes.	596 seq.	<b>H</b> .	
Glafeii (Ad. Frid.) in Bibliothecam Ruckianam merita.	366 seq.	Hæreticorum Seculi III historia illustrata.	161
Glandularum structura & usus.	511	Hauptmanni (Jo. Godofr.) in Tacitum de moribus Germaniæ merita quæ?	711 seq.
		Zzz z 3	Haupt-

# I N D E X

Hauptmanni (Jo. Godofr.) <i>pro-</i> <i>missa literaria.</i> 711	Hoffmanni (Jo. Guil.) <i>Operum</i> <i>juridicorum Collectio pro-</i> <i>missa.</i> 576.
De Hebræa <i>literatura Carmen</i> <i>editum.</i> 237	Hontenſis in Hungaria <i>Comita-</i> <i>tus historia descripta.</i> 401 seq.
Hebrææ <i>linguæ antiquitas vin-</i> <i>dicata.</i> 18	Van der Hooght (Everh.) <i>Bi-</i> <i>blia Hebraica laudata.</i> 719
Hebræi, <i>ad quos data est Pauli</i> <i>epistola, qui fuerint?</i> 342	Hungariæ <i>Comitatuum quatuor</i> <i>historia descripta.</i> 387 seq.
Ad Hebræos <i>epistola an Græca,</i> <i>an Hebraica, lingua sit scri-</i> <i>pta?</i> 341	<i>Concilia collecta.</i> 625 seq.
Hebraicarum <i>Grammaticarum</i> <i>correctiones editæ.</i> 286	Hydrostatica <i>tractata.</i> 417
Helvetiorum in <i>sacrorum re-</i> <i>formationem merita descri-</i> <i>pta.</i> 310 seq.	Hymen <i>membrana asserta.</i> 266 I.
De Henninges (Hieron.) <i>Thea-</i> <i>tro genealogico singularia.</i> 373	Jephtha <i>crimine ἀνδρῶνο-</i> <i>δυσίας liberatus.</i> 23
Herophili <i>fragmentum editum.</i> 31	Jesu Christi in <i>honorem quæ se-</i> <i>cta instituta?</i> 194 seq.
De Herrenhutiana <i>secta judi-</i> <i>cium.</i> 646 seq.	Jesuitarum <i>Ordo delineatus.</i> 17
Hierocles <i>denuo editus &amp; e-</i> <i>mendatus.</i> 66 seq.	Ignis <i>fatuus quid?</i> 224
<i>quis fuerit?</i> 67	Ikenius (Conr.) <i>refutatus.</i> 522
Hierosolymitani <i>Ordinis Diplo-</i> <i>mata collecta.</i> 145 seq.	De Inchoferi (Melch.) <i>Annali-</i> <i>buss ecclesiasticis regni Hun-</i> <i>garie singularia.</i> 369
Historia <i>ecclesiastica Seculi III</i> <i>plenius tractata.</i> 150 seq.	Infinite <i>magnæ, vel parvæ, quan-</i> <i>titates quid?</i> 121
Historiæ <i>universalis politice</i> <i>novum specimen.</i> 595 seq.	Inscriptio <i>Estoniensis explicata.</i> 134 seq.
Historica <i>veritas quomodo ex-</i> <i>ploranda?</i> 678	Inscriptiones <i>varie antiquæ ex-</i> <i>plicata.</i> 318 seq.
	Institutionum <i>Justiniani duo Co-</i> <i>dices MSi descripti.</i> 382
	Instrumenta <i>astronomica.</i> 328
	Instrumentum <i>azimuthale no-</i> <i>vum.</i> 516 Ad



# RERUM NOTABILIU M.

<i>Ad Joramum data Epistola au-</i> <i>tor quis?</i> 573 seq.	<i>De Libris nonnullis singularia.</i> 286
<i>Josephus, filius Gorionis, histo-</i> <i>ria Judaica scriptor, cum Fl.</i> <i>Josepho non confundendus.</i> 62	<i>Lienis usus.</i> 512. 706
	<i>Lindani (Wilb.) vita.</i> 238
	<i>Linguae munera.</i> 509 seq.
	<i>Liturgici Romanae Ecclesiae libri</i> <i>qui?</i> 651
<i>Jovis figura determinata.</i> 173	<i>Logarithmorum theoria.</i> 125
<i>Iso-perimetricum Problema ge-</i> <i>neratim solutum.</i> 167	<i>Luciani verba ac phrasae colle-</i> <i>cta.</i> 405
<i>Judithae liber an sit mera para-</i> <i>bola?</i> 276	<i>Lues venerea an per se oria-</i> <i>tur?</i> 117
<i>Juris publici Germaniae leges</i> <i>collectae.</i> 71 seq.	<i>Lunae theoria nova.</i> 327
	<i>Lutheri de Jenensi Academia</i> <i>merita descripta.</i> 38
	<i>in reformationem sa-</i> <i>crorum merita descripta.</i> 303
	<i>metaphrasis N. Test.</i> <i>vindicata.</i> 355 seq.
	<i>De Lutheri versione Bibliorum,</i> <i>A. 1535 excusa, singularia.</i> 381
	<i>libello precum sin-</i> <i>gularia.</i> ibid.
	<i>Lutherus, an Zuinglius, prior</i> <i>sacra instaurare sit aggres-</i> <i>sus?</i> 303
	M.
	<i>Machinae ex principio vis</i> <i>centrifugae constructae.</i> 416
	<i>simplices.</i> 419
	<i>Mahomedis vita descripta.</i> 63
	<i>Maltenfis Ordinis Diplomata</i> <i>collecta.</i> 145 seq.
	De
<b>K.</b>	
<b>K</b> ekko, urbis Hungariae, fa- <i>ta descripta.</i> 392	
<i>A Kempis (Thomae) liber in</i> <i>Arabicum sermonem versus.</i> 62	
<i>Kuypers (Ger.) versio Latina</i> <i>Carminum Arabicorum Alii</i> <i>notata.</i> 537 seq.	
<b>L.</b>	
<b>L</b> aryngis usus. 513	
<i>Latinae linguae novus Thesaurus</i> <i>editus.</i> 336	
<i>syntaxeos praecepta Clar-</i> <i>kiana.</i> 431 seq.	
<i>Lechorum in Ecclesia minus de-</i> <i>scriptum.</i> 650	
<i>Lette (Gerb. Jo.) passim nota-</i> <i>tus.</i> 681 seq.	
<i>ejus versio</i> <i>Latina Carminis Arabici sub</i> <i>judicium vocata.</i> 690 seq.	

# I N D E X

<i>De Marca (Petri) librorum de Concordia sacerdotii &amp; imperii notitia literaria.</i>	578 seq.	Middletonus (Conyers) a Tunstallo refutatus.	408 seq.
<i>B. Mariæ in honorem festa varia instituta.</i>	201 seq.	<i>ejus verso Epistolarum Ciceronis ad Brutum Anglica notata.</i>	465 seq.
<i>Maronitarum Patriarcharum origo &amp; antiquitates illustrata.</i>	54	<i>Missæ sacrificium illustratum.</i>	204 seq.
<i>Concilia descripta.</i>	59	<i>In Missarum celebratione Romani Pontificis liturgia descripta.</i>	653 seq.
<i>De Materiæ divisibilitate observatio.</i>	34	<i>De Monarchiis quatuor sententia refutata.</i>	16
<i>Matthæus Evangelista an Hebraice scripserit?</i>	53 seq.	<i>Monetam cudendi jus in Belgio quale?</i>	214
<i>Mausolea veterum Ebraeorum descripta.</i>	574	<i>Basileensis concessum.</i>	238
<i>Maxillæ musculi.</i>	705	<i>Moniales incluse quæ olim fuerint?</i>	57
<i>Maximorum &amp; minimorum methodus.</i>	128	<i>Morbi per anatomen cogniti.</i>	28 seq.
<i>Mechanica Problemata varia.</i>	163. 179	<i>aquis Nucernianis ceden-tes.</i>	117
<i>Melchisedecus an fuerit homo, &amp; hominibus genitus?</i>	22	<i>Moserus (Jo. Jac.) quando nomen gentis de Filseck &amp; Weilerberg deposuerit?</i>	378
<i>Menckenii (Frid. Ott.) adversus Cæd. Quirinium vindicta.</i>	457	<i>Mosis historia in compendio descripta.</i>	185 seq.
<i>Mercurii usus in febribus.</i>	665	<i>Morus corporum leges.</i>	35. 415
<i>Mercurius an a Cometa postremo perturbatus?</i>	708	<i>aqua ex vase.</i>	166
<i>Meridiei correctio.</i>	517	<i>Müllerus (Polyc.) refutatus.</i>	354 seq.
<i>Meridionales partes in Mappa nautica determinandi methodus facilis.</i>	180	<i>Musei Guarnaccii singularia.</i>	441
<i>Methodi fluxionum principia.</i>	121. 174	<i>N. Narium</i>	

# RERUM NOTABILIMUM.

<b>N</b> arium <i>nervi.</i> 513	Olivetum ( <i>Jos.</i> ) <i>passim notatus.</i> 243 seq.
Naturalismus <i>profligatus.</i> 260 seq.	Ophir Salomonis <i>fuit Hispania.</i> 20
Nazirorum <i>dignitas olim qua?</i> 90	Oraculorum <i>apud paganos vera etas vestigata.</i> ibid.
Nervus <i>quomodo sensum faciat?</i> 705	Orientalium <i>librorum MStorum notitia.</i> 53 seq.
Neutoni <i>methodus Fluxionum.</i> 121. 163	Origenis <i>scripta recens edita.</i> 337 seq. 529 seq.
Neogradensis in Hungaria <i>Comitatus historia descripta.</i> 388 seq.	Per Osculum <i>vita &amp; mors beatorum qua?</i> 37
Nepotis <i>Vite Imperatorum recens edita.</i> 617	Ossa <i>vomer &amp; spongiosum inferius.</i> 704
Nitriensis in Hungaria <i>Comitatus historia descripta.</i> 397 seq.	Ova <i>quomodo diu servari possint?</i> 34
Numeri <i>amicabiles.</i> 267	Ovidii <i>loca quatuor emendata.</i> 93. 287
Numi <i>duo Samnitici explicati.</i> 111	<b>P</b> alæstinæ <i>urbes &amp; vici collecti.</i> 92. 574 seq.
Numus <i>Sidoniorum explicatus.</i> 114	Pallii <i>philosophici veterum Christianorum antiquitates illustrata.</i> 86 seq.
Nutritio <i>an tantum in humidis?</i> 705	Palma <i>probabiliter fuit arbor Paradisi fatalis.</i> 14
partus <i>ante conceptum.</i> 708	Papillæ <i>linguales glandula.</i> 509
per os. 422	Parmenides <i>Eleatica secta caput.</i> 709
<b>O</b> hi ( <i>Nic.</i> ) <i>varia in Hungaria acta descripta.</i> 628 seq.	Participii <i>præteriti usus in Latine qualis?</i> 287. 524
Oliveri ( <i>Josephi</i> ) <i>in Ciceronem merita.</i> 241 seq.	Pascha <i>Christi ultimum quomodo celebratum?</i> 19
	Paschata <i>a Christo post baptismum quatuor celebrata.</i> 20

Paforis (Ge.) ad Henr. Altin-	Planetarum figura determinā-
gium Epistola edita. 240	ta. 170
Patriarchalis officii antiquitas	Plantarum methodus Riviniana.
illustrata. 568	572
Paulus III P. M. an paci eccle-	character essentialis.
sia vere studuerit? 526 seq.	573
ejus sanctitas	Plinii Panegyricus multis locis
& sapientia in dubium vo-	emendatus. 292 seq.
cata. 456 seq.	Polus (Rich.) adversus Schelbor-
Pearcii in Ciceronis libros phi-	nium defensus. 447. 455
losophicos Notæ sub judi-	ejus vita. 449 seq.
cium vocata. 244 seq.	scripta recen-
Peregrinationum religiosarum	sita. 451 seq.
historia illustrata. 16 seq.	Preciarum jus in Belgio qua-
Pericardium an diaphragma	le? 213
trahat? 706	Presbyterorum cardinalium o-
Peterfy (Carolus) passim nota-	rigo unde? 648 seq.
tus. 625 seq.	De Pretio (Petri) Adhortatio
Phosphori quomodo. observan-	ad Henricum Illustrem edita.
di? 107	540 seq.
Phosphorum classes. 105.	Puncta flexus contrarii & re-
108	gressus. 128
multi a Fayo	
detecti. 106	
a Bec-	
cario detecti. 107 seq.	
Pictorum in Historia sacra er-	
rores. 239	
Picturarum in judiciis apud Ro-	
manos usus. 93	
Piscatoris (Jo.) ad Henr. Altin-	
gium Epistola due edita.	
240	
Plagiarius an fuerit Constanti-	
nus? 116	

Q.

Quintiliani locus explicatus.	93
Quirini (Angeli Maria) Cardi-	
nalis laudes. 264 seq.	
cum	
Schelbornio controversia. 447	
seq. 455 seq.	
de Pau-	
lo III sententia sub judi-	
cium vocata. 526 seq.	
R. Raptus	

# RERUM NOTABILIMUM.

<b>R</b>	<b>R.</b>	<i>De la Rue (Caroli) vita.</i>	532
<i>Raptus Pauli explicatus.</i>	714	<b>S.</b>	
<i>Reaumurii Observatio de divisibilitate materia.</i>	34	<b>Sabbathi sancti antiquitates illustrate.</b>	199
<i>Reformationis sacrorum historia descripta.</i>	303 seq.	<i>Salæ Principatus Callenbergici &amp; salinarum descriptio.</i>	360 seq.
<i>Refractio corporum determinata.</i>	316.	<i>Samarkandæ (Narzamus) Poeta inter Persas celebris.</i>	62
<i>Reiskii (Jo. Jac.) de Lettio querela.</i>	682 seq.	<i>Sanguinis motus in partu.</i>	424
<i>Reitzii (Jo. Frid.) adversus Nova Acta Erud. vindicia.</i>	406	<i>Satelles Veneris observatus.</i>	362
<i>Relandi (Adr.) Palestina suppleta.</i>	92. 575 seq.	<i>Satiræ Varronianæ ratio explicata.</i>	575
<i>Renatorum Theologia moralis ex imitatione Christi depromta.</i>	546 seq.	<i>Scaligeri Observationes in Celsum.</i>	216 seq.
<i>Renum succenturiatorum actio.</i>	512	<i>Schellhornius (Jo. Ge.) a Card. Quirinio refutatus.</i>	447. 455 seq.
<i>Resistentia mediorum.</i>	35	<i>Scheol vocis gemina notio.</i>	23
<i>funium.</i>	420	<i>Scholasticæ rei emendandæ consilia suppeditata.</i>	189 seq.
<i>Rhætiæ antiquitates illustrata.</i>	336 seq.	<i>Schwartzii (Christ. Gottlieb) in Plinii Panegyricum merita.</i>	289 seq.
<i>Rhenferdus (Jac.) refutatus.</i>	350 seq.	<i>Sciaphæiticæ sectæ historia descripta.</i>	58
<i>Ribariense antrum descriptum.</i>	93	<i>Scribendi ars an ante Moysen tempora fuerit cognita?</i>	18. 19
<i>Rinckii (Euchar. Gottlieb) Bibliotheca laudata &amp; descripta.</i>	367 seq.	<i>Scriptura S. a Deo inspirata.</i>	182 seq.
<i>Riviniana methodus plantarum.</i>	572	<i>ejus libri recensiti.</i>	185 seq.
<i>Roris natura.</i>	223	<i>autoritas divina adstructa.</i>	188
<i>Rotationis effectus.</i>	416	<i>loca explicata, aut illustrata:</i>	
		<b>Aaa aa 2</b>	<b>Gen.</b>

# I N D E X

Gen. III, 6.	14	2 Sam. XXIII, 2, 3.	183
15.	351	1 Reg. XXII, 49.	20
XIX, 24, 25.	563	2 Reg. VIII, 26.	262
26.	277	XXIII, 30.	523
XXXI, 16.	38	1 Chron. XX, 23.	715
XXXV, 2.	350	XXII, 39.	479
XLIV, 32.	717	XXIX, 29.	279
XLVII, 31.	342	2 Chron. XX, 36.	20
XLIX, 26.	90. 91	XXI, 12.	573
Exod. III, 22.	37. 716	20.	262
IX, 28.	717	XXII, 2.	ibid.
XII, 36.	37	XXXV, 22.	523
XVI, 14.	14	26. XXII, 17.	24
XXXIII, 4.	277	XXV, 10.	555
6.	38	XXXII, 9.	276
7.	23	XXXVI, 17.	555
XXXIV, 28.	18	XLIX.	477
XL.	23	L.	565
Levit. XIII, 3-57.	555	LX.	285
XXI, 12.	91	LXVIII, 17.	239
Num. XI, 31.	14	LXIX, 51.	38
XXXIII, 35, 36.	92	LXX, 9.	429
Deut. II, 8.	92	CIV.	344
X, 4.	18	CV.	38
XXIX, 22.	571	CXXI, 6.	11
XXXII.	521	CXXXIII, 3.	237
XXXIII, 16.	91	CXXXIV, 3.	717
XXXIV, 5.	37	CXLIV, 7.	38
Jof. XVII, 10.	92	Prov. XXIV.	715
Judic. II, 5.	38	XXVI, 10.	719
Ruth. III, 9.	574	Cant. I, 2.	37
1 Sam. XIV, 31.	717	VIII, 3.	ibid.
2 Sam. VI, 17.	23	Ef. IX, 10.	571
VIII, 8.	92	13.	ibid.
XII, 30, 31.	715	XV, 9.	92
XX, 6.	38	XXII, 16.	574
		Ef. XXIII,	

# RERUM NOTABILIVM.

Ec. XXIII, 31, 32.	564	Matth. XII, 1.	20
XXIV, 1, 2.	92	36.	716
7.	ibid.	XVII.	200
XXV, 1.	562	XVIII, 1 seq.	277
6-8.	428	XIX, 29.	356
XL, 5.	562	XXI.	198
LIII, 9.	574	XXVI, 2.	20
Jer. II, 2.	ibid.	Marc. II, 13, 14.	187
VII, 4.	716	23.	20
XVII, 9.	275	XI.	198
XXX, 10.	562	XIV, 2.	20
21.	717	Luc. I, 28.	92
XXXI, 3.	562	39 seq.	201
XLIII, 10.	113	II, 1.	17
XLVI, 27.	562	35.	201
Thren. IV, 7.	90. 91	III, 23.	22
Ezech. IX, 4.	17	V, 17.	716
XVI, 8.	574	27-29.	187
49, 50.	563	VI, 1.	20
XXVII, 12.	20	IX.	200
18.	92	XII, 42.	563
XLIII, 7.	574	XV, 2.	716
XLVII, 15.	92	XVII, 15-18.	718
Dan. XI, 36 seq.	16	XIX.	198
45.	113	XX, 19.	344
Amos. III, 14.	477	XXI, 34.	565
Jon. I, 3.	20	XXII, 1.	20
Neh. III, 17.	90	Jo. I, 9.	357
Flagg. II, 8.	23	26.	478
Zach. II, 12.	717	II.	ibid.
V, 6-11.	114	13.	20
XII, 11.	523	V, 39.	718
Judith. XVI, 31.	276	VI, 4.	20
Matth. I, 16.	22	VII, 37.	522
II.	197	VIII, 5.	718
XI, 12.	278	48-50.	565
		Bbb bb	Jo. XI,

# I N D E X

Jo. XI, 55.	20	1 Cor. XV, 44.	357
XII, 1.	ibid.	2 Cor. III, 5-18.	717
XIII, 1.	ibid.	V, 11, 12.	357
XIX, 13.	716	21.	ibid.
31.	522	XII, 1-9.	714
38.	715	Gal. II, 4.	715
XXI, 22.	200	6.	ibid.
Act. I, 15.	200	III, 7.	357
II, 1-47.	ibid.	13.	ibid.
IX, 4.	184	19, 20.	563
XVII, 11.	719	IV, 1.	357
XIX, 40.	716	21 seq.	90
XXII, 9.	184	27.	357
Rom. I, 8.	356	V, 4.	ibid.
19, 20.	ibid.	10.	715
31.	239	VI, 10.	718
32.	356	Eph. II, 14, 15.	564
II, 12.	262	Phil. III, 19.	565
VII, 4.	357	20.	356
6.	ibid.	Col. II, 14.	356
8.	ibid.	1 Thess. IV, 6-18.	716
18.	ibid.	1 Tim. I, 3-5.	356
25.	ibid.	2 Tim. IV, 8.	ibid.
VIII, 3.	ibid.	Tit. II, 12-13.	565
X, 21.	344	III, 5.	239
XI, 32.	356	1 Pet. I, 4, 5.	357
XII, 3.	563	11.	183
XIII, 5.	356.	III, 20.	478
1 Cor. VI.	358	21.	357
4.	357	IV, 5.	716
5.	718	2 Pet. I, 21.	356
VII, 4.	358	III, 16.	ibid.
XI, 23, 29.	719	1 Jo. III, 16.	357
XIII, 4.	357	V, 7.	381
XIV.	239	Hebr. II, 9.	357
XV.	ibid.	V, 7.	562



# RERUM NOTABILIMUM.

Hebr. VI, 4-6.	357	Spinofitarum errores refutati.	
IX, 2-4.	23		258
8.	356	Spiralium natura explicata.	
23.	342		131
XI, 3.	356. 357	Statua falis an ad Fl. Iosephi	
XII, 1.	357	tempora superfuert?	277
Apoc. XV, 3.	521	Statuz Græca & Romana anti-	
XXI, 8.	719	qua, qua in Bibliotheca D.	
Sedæ ecclesiæ nostri temporis		Marci vifantur, descripta.	
descripta.	19 seq.		481 seq.
Sectiones conica nova methodo		Stili Romani nova præcepta edi-	
confiderata.	169	ta.	288
Sectionum conicarum proprie-		Stillicidii thermarum effectus.	
tas catoptrica.	606. 668		118
Sellæ votivæ antiquitas illustra-		Sabbiaconorum varia genera.	
ta.	134 seq.		649
Serierum convergentium sum-		Successionis testamentaria &	
ma.	131	legitima fons ex Jure natu-	
summatio & inter		ra repetendus.	84
polatio.	178	Suicæ (Jo. Henr.) vita &	
Senckenbergii (Henr. Cbrist)		mori.	42 seq.
in Jus Romanum merita.	362	Superficierum curvarum di-	
Sequentiarum in Ecclesia autor-		menfo.	127
quis?	653	Sutura cranii.	703
Servis Romanis qualis in rebus		Synedrium magnum Rabbino-	
faceris bonor habitus?	522	rum ad examen revocatum.	
Severi (P. Cornelii) de Aetna			23
carmen emendatum & expli-			
catum.	524. 57		
Sibyllarum in veteri ecclesia			
autoritas qua?	677		
Sinus frontalis.	703		
Siefvicenſium lingua antiquissi-			
ma utrum fit Teutonica, an			
Danica?	462		

## T.

Taciti de Moribus Germania	
liber recens editus.	711
	seq.
Talebt (Ali) Carmina Arabica	
edita.	535 seq.
Tangentes Curvarum.	127
Tauillanus (Jo.) quis fuerit?	
	461
Bbbbb 2	Teleſco-

# INDEX RERUM NOTABILIUM.

Telescopia dioptrica perficiendi methodus.	326	Vectium ratio.	420
Telluris figura & dimensio.	171	Veldidenæ urbis antiquitates illustrata.	328 seq.
Templa olim per iumenta vecta.	113	Vena umbilicalis.	423
Tendinis Achillis rupti sanatio.	703	Veneris Satelles novus observatus.	362
Terra Samia, vel holaris, in aquis.	117	Ventriculi fibra.	510
N. Testamenti stilus sub examen vocatus.	31	Verborum in Latino sermone ordinandorum præcepta.	45 seq.
Testamentorum origo, ex Jure Naturæ repicienda.	74 seq.	Vermes febrium causa.	665
Thau, nota piorum frontalis.	17	Vesicantia venena.	321
Thenix in curru olim vebi solita.	114	quando inventa?	ibid.
Theologia venatorum moralis ex imitatione Christi depromta.	546 seq.	damnata.	ibid.
Therapevtæ an fuerint Christiani?	524 seq.	Vicilinus Jupiter explicatus.	40 seq.
Thermometra emendandi artificum.	416	Vires centrales.	416
Thymi actio & usus.	514	Virgilii Opera recens edita.	533 seq.
Tordenskiold (Petri) vita.	490	Ujvarinæ arcis historia descripta.	358 seq.
Torti (Franc.) vita.	472 seq.	Umbilici pathologia.	422
Epistola.	474 seq.	Unigenitus Constitutionis historia illustrata.	642 seq.
Tourneforti, conchyliæ in ordines redigendi, ratio.	100	Urachus negatus.	425
Trajectoriæ determinata.	179	Urbes condendi antiquus mos illustratus.	434 seq.
Tropi olim in Ecclesia qui?	652	Uteri vascula alba.	707
Tuborum capillariorum natura explicata.	418	W.	
Tunica adiposa.	705	De Weismanni (Christ. Eberh.) Historia ecclesiastica varia variorum judiciorum.	639
U.		Weitbrechtii (Josia) vita & in rem medicam merita.	619 seq.
S. Valentini vita descripta.	269 seq.	Wesselingii (Petri) in Diodorum Siculum merita laudata.	1 seq.
Valerii Maximi tria loca emendata.	41	Wincklerus (Jo. Dietericus) laudatus.	274
Vallisnerii error.	116	ejus Dissertationes duæ recusæ.	280 seq.
Valvulæ coli.	266	Z.	
Vapores quid?	221	Zinzendorffii Comitis præposteri in re sacra conatus notati.	355 seq.
quales in aere?	ibid.		
per quid eleventur? ibid.			
quo ordine in aere eleventur?	222 seq.		
Vasa lactea in variis partibus.	511		





Osterreichische Nationalbibliothek



+Z171845509





